

锦绣万花谷

佚名

文硕阁

wenshuoge.com

目录

关于我们	6
提要	8
提要	9
序	10
前集	11
卷一	12
卷二	23
卷三	33
卷四	43
卷五	53
卷六	67
卷七	74
卷八	85
卷九	94
卷十	101
卷十一	111
卷十二	123
卷十三	133
卷十四	143
卷十五	155
卷十六	170
卷十七	181
卷十八	188
卷十九	199
卷二十	204
卷二十一	217
卷二十二	223
卷二十三	230
卷二十四	238
卷二十五	248
卷二十六	255
卷二十七	268
卷二十八	272
卷二十九	284
卷三十	301
卷三十一	312

卷三十二	322
卷三十三	330
卷三十四	338
卷三十五	346
卷三十六	355
卷三十七	364
卷三十八	372
卷三十九	387
卷四十	393
后集	401
卷一	402
卷二	411
卷三	418
卷四	424
卷五	432
卷六	438
卷七	454
卷八	460
卷九	465
卷十	471
卷十一	477
卷十二	484
卷十三	493
卷十四	499
卷十五	505
卷十六	513
卷十七	518
卷十八	522
卷十九	528
卷二十	537
卷二十一	543
卷二十二	548
卷二十三	553
卷二十四	559
卷二十五	564
卷二十六	569
卷二十七	575
卷二十八	583

卷二十九	591
卷三十	598
卷三十一	604
卷三十二	611
卷三十三	620
卷三十四	625
卷三十五	632
卷三十六	638
卷三十七	643
卷三十八	650
卷三十九	656
卷四十	662
续集	668
卷一	669
卷二	673
卷三	679
卷四	683
卷五	686
卷六	691
卷七	694
卷八	698
卷九	703
卷十	708
卷十一	712
卷十二	718
卷十三	723
卷十四	727
卷十五	730
卷十六	735
卷十七	739
卷十八	743
卷十九	747
卷二十	751
卷二十一	755
卷二十二	760
卷二十三	764
卷二十四	768
卷二十五	773

卷二十六		777
卷二十七		781
卷二十八		784
卷二十九		789
卷三十		791
卷三十一		794
卷三十二		797
卷三十三		801
卷三十四		804
卷三十五		808
卷三十六		812
卷三十七		816
卷三十八		820
卷三十九		826
卷四十		830

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

提要

钦定四库全书 子部十一

锦绣万花谷 类书类

提要

【臣】等谨案锦绣万花谷前集四十卷后集四十卷续集四十卷不着撰人名氏前有自序题淳熙十五年十月一日盖宋孝宗时人陈振孙书录解题载此书作锦绣万花谷四十卷续四十卷而无后集黄虞稷千顷堂书目所载则前集后集续集外又有别集三十卷今案序中明言自九华之归麤编成为三集每集析为四十卷可知后集为陈氏偶遗别集为后人所续增不在原编之数故明人刊本亦只三集也序中称命名者为乌江萧恭父河南胡恪皆不知何许人前集之末独附载衢州卢襄西征记一篇于体例殊不相类或撰此书者亦衢人故附载其乡先辈之书欤又其书既成于淳熙中而纪年类载理宗绍定端平年号帝后诞节类载宁宗瑞庆节理宗天基节诸名并称理宗为今上是当时书肆已有所附益并非淳熙原本之旧矣前集凡二百四十五类后集凡三百二十六类续集自一卷至十四卷凡四十六类自十五卷至四十卷则皆类姓也所录大抵琐屑丛碎防错失伦故颇为陈振孙所讥其地理一门止列偏安州郡类姓一门徵事仅及数条而古人称号之类又创立名目博引繁称俱不免榛楛杂陈有乖体要特其中久经散佚之书如职林郡阁雅谈雅言系述云林异景记之类颇借此以存崖略又每类后用艺文类聚例附录诗篇亦颇多逸章賸什为他本所不载略其繁芜撷其精粹未尝不足为考证之资也乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

序

锦绣万花谷序

余为童时适当戎马蹂践之间又居穷乡无业儒者余独背驰而为之文籍最为难得苟可以假鬻亦未尝戛戛以尽其诚以余有书之癖每读一篇章如小儿之于饴剂有加而不能自止当其剧时虽夜分漏尽不之觉也所患性鲁无彊记之敏诵久亦漫漶而不牢先人既老又独膺门出入乎衡阳胥伍之中而喔咻于籋籊俯仰之际如是者数年索诸故吾子然矣其后家益贫奔走于四方为饥寒计幸焉一温亦若隔世人夫以穷乡乱后假鬻之难而居衡阳奔走之中加以鲁性易失则不存也固宜尚何咎哉然土炭之嗜不变于是始为晚岁之谋凡书有当存乎吾心者辄稍招还其旧而聚其旅二三年间抄益多然而琐碎而无统又多除舍于人不得以尽随故为风雨虫防之所蚀或为人之所廋或为酱瓿之所败不得成焉又数年抄不辍如司马子长班范欧阳之书抄已而四五矣晚益困无以自娱复留意于科举之外凡古人文集佛老异书至于百家传记医技稗官齐谐小说荒录怪志闻必求求必览焉久之浩浩如也乃畧有叙又附之以唐人及国家诸公之诗自九华之归编粗成为三集每集析为四十卷古今之事物天下之可闻可见者粲乎其有条矣夫穷达无异趣文章无异体将以经纶乎国家规恢乎功名雕绘万物而吟咏性情若取之怀袖中彼得焉失焉有命此则不可一日缺也先是乌江萧恭父河南胡恪闻其大槩为余命名曰锦绣万花谷今从其名嗟夫余之困于时也我知之矣而不敢怗虽怗而甘于此人虽我非而我自信而不辍故夫是书独可以自娱而不可传人盖天下之书不可尽而余之心亦不可足以不可足之心而读不可尽之书其抄无既其事无穷望宰如愤如而后止故于其类之间白其行者有差所以容其方来也他日子孙或能有书亦足以见吾之艰难如此淳熙十五年十月一日叙

前集

卷一

钦定四库全书

锦绣万花谷前集卷一

天

九關虎豹虎豹九關啄害下人些【虎豹九關言天门九重虎豹守之出楚辞】磨蚁天圆如倚盖地方如碁局天旁转半在地上半在地下日月本东行天西旋入于海牵之以西如蚁行磨上磨左旋蚁右行磨疾蚁迟蚁不得不西【出晋天文志吴王蕃】银潢左界河汉水之精发而浮上宛转随流名曰天河一曰云汉诗防亦名银潢谢庄月赋斜汉左界北陆南躔亦曰银湾出许洞诗亦曰银浦出李贺诗

金阶两阙神异经东北大荒中有金一高千丈上有明月珠径三丈光照千里中有金阶两名天门【出杜诗注】通明殿通明玉帝殿名常有红云捧之坡诗云侍臣鹄立通明殿一朵红云捧玉皇【出坡诗注】

耀魄宝钩陈口中一星曰天皇大帝其神曰耀魄宝【出晋天文志】

白瑶宫凝虚殿唐李贺卒其母梦贺曰上帝近迁都丹圃建白瑶宫召某为新宫记又作凝虚殿使某辈纂集乐章【出宣室记】

白玉楼玉华殿李贺长吉梦人驾赤虬持版召贺曰天帝新作白玉楼请君为记贺不得已随之遂卒【出贺本传】又莆田人方朝散病瘳三日而苏至玉华殿道士云先生昔有陰功帝召见白玉楼试文一首帝览之大喜拜为玉华侍郎有过谪堕人世不久当返【出夷坚志】

黄阙白玉京黄金城王素待制尝梦至玉京黄一有绀服翠冠者曰吾黄门侍郎公则西门侍郎昔已奏牒訐责于世公晚歲思玉京之梦作诗曰碧虚中藏白玉京梦魂飞入黄金城何时再步烟霞外皓齿青童已扫听【出古今诗话】

钧天广乐秦穆公梦至帝所观钧天广乐帝锡之以防秦遂大昌【出史记】

鍊石断鳌女媧氏鍊五色石以补其阙断鳌足以立四极

天柱地维共工与颺顼争为帝怒触不周山折天柱絶地维故天倾西北日月星辰就焉地不满东南故百川水潦归焉【并出列子】

闾阖离骚吾令帝闾开闾兮倚闾阖而望予司马相如大人赋排闾阖而入帝居【出杜诗注】

三清玉清元始居之太清玉宸道君居之上清混元老君居之

五帝东方青帝灵威仰南方赤帝赤熛怒西方白帝白招矩北方黑帝叶光纪中央黄帝含枢纽【出孝经纬】

漏天蜀有地名漏天古诗地近漏天终岁雨【出杜诗注】积气杞国有人忧天地崩身亡所寄又有忧彼之所忧者因往晓之曰天积气耳亡处亡气若屈伸呼吸终日在天中行奈何忧崩坠乎其人曰天果积气日月星宿不当坠耶晓之者曰日月星宿亦积气中之有光耀者使坠亦不能伤其人大喜长卢子闻而笑曰夫天地空中之一细物有中之最巨者难终难穷难测难识忧其坏者为大遽言其不坏者亦未为是【出列子天瑞篇】

欲界色界无色界三十二天欲界十天色界十八天无色界四天初禅二禅三禅各三天四禅九天凡一十八天皆属色界而三禅有三天一净居天二无净居天三遍净居天无想无证衣食自至【出后山诗注】

佛说三十二天欲界六天四天王天忉利天须焰摩天兜率陀天乐变化天他化自在天六天名为欲界色界十二天梵众天梵辅天大梵天此三胜流名为初禅少光天无量光天无音天此三胜流名为二禅少净天无量净天徧静天此三胜流名为三禅福生天福爱天广果天无想天此四胜流名为四禅无烦天无天善见天善现天色防竟天是十八天独行无交未尽形界名为色界

无色界四天回心空处识处无所有处非想非非想防是四空天身心防尽定性现前名无色界【并出楞严经】道经说三十二天欲界黄曾天玉完天何童天平育天文举天摩夷天凡六天为欲界也

色界越衡天蒙翳天和阳天恭华天宗飘天皇笏堂耀天端静天恭庆天极瑶天元载天孔升天皇崖天合十二天为色界

无色界极风天孝芒天翁重天江由天阮乐天昙誓天霄度天元洞天妙成天禁上天常融天玉隆天梵度天贾奕天合是十四天为无色界【并出防命经注】

周天三百六十五度经星二十八宿布于四方东方苍龙七宿其属三十二星七十五度北方武七宿其属三十五星九十八度四分度之一西方白虎七宿其属五十一星八十度南方朱雀七宿六十四星一百一十二度周天三百六十五度四分度之一每一度二千九百三十二里周天积一百七万九百一十三里径三十五万六千九百七十一里【出后地里志注】

自地至天万五千里晋书天文志曰日去地常八万里又曰地上去天八万一千三百余里又地理志地东西南北相去二亿三万余里自地至天半八极之数酉阳杂俎云自地至天十一万余里按周礼以土圭之法南戴日下万五千里地与星辰四遊升降于三万里之中是以半之得地之中也颍川阳城为然此乃古之圣人推测天地高深之法是则地至天万五千里尔他説无根【出学林】

崖公散乐呼天为崖公【出教坊记】

天公庾亮云天公愤愤也

日

虞渊虞渊亦名虞泉日入于虞渊浴于咸池拂于扶桑登于旻谷【出淮南子】取日虞渊洗光咸池【出唐赞】

羲和羲和东方国名日所由过也每日出二国人为御推而升太虚唐尧取以名官【出山海经】又曰有女子名曰羲和浴日于甘泉羲和者帝俊之妻是生十日

圆罗耀方诸山真人皆呼日为圆罗耀外国人呼日为濯罗耀【出真诰】

郁华鬱华又名鬱仪鬱仪奔日之仙故曰鬱仪赤文与日同居【出鸡跖集】

六螭日乘车驾以六螭【六螭即六龙也出淮南子】

三足乌淮南子云日中有踞乌【踞乌者谓三足乌也日者阳精之宗积而成乌象乌而三踞阳之类其数奇出汉天文志】

高春下春日出于旻谷浴于咸池拂于扶桑是谓晨明经于隅泉是谓高春顿于连石是谓下春至于悲泉爰息其乌是谓悬车薄于虞泉是谓黄昏【出淮南子】

射九日落沃焦淮南子曰尧时十日并出草木焦枯尧命羿仰射十日中其九乌皆死墮羽翼尧时十日并出尧使羿射九日落沃焦【沃焦海水泄处也出山海经】又曰大荒之中旻谷上有扶桑十日所浴九日居下枝一日居上枝皆载乌

三竿永明五年十一月丁亥日出三竿朱色黄色赤晕【出南齐天文志】

日观泰山东南有峯名曰日观鸡一鸣见日已出长三丈【出汉官仪】

熟羊胛东海有国曰骨利干地近扶桑其国人初夜煮羊胛方熟其日已出【出西清诗话】

又唐书东夷日本国事亦类此

铜钲岭上晴云披絮帽树头初日挂铜钲【出坡诗】

朱光杜甫诗朱光彻厚地【楚词云阳杲杲其朱光】

两儿辨孔子东游见两小儿辨鬪问其故一儿曰我以日出时去人近而日中时远也一儿曰日中时近也一儿曰日初出大如车盖及日中如盘盂此不为远者小而近者大乎一儿曰日初出沧沧凉凉日中如探汤此不为近者热而远者凉乎孔子不能决【出列子】

日轮自暗中涌出有客登岱岳絶顶行四十里以伺日出久之星斗渐稀东望如平地天际已明其下则暗又久之明处有山数峯如卧牛车盖之状星斗尽不见其下尚暗初意日自明处出又久之自大暗中日轮涌出正红色腾起数十丈至明处全无光其下亦尚暗【出邵氏闲见后録】

月

结璘七圣记结璘奔月之仙故曰结璘黄文与月同居【出鸡跖集】

嫦娥羿得不死之药于西王母其妻嫦娥窃之奔月遂托身月中仙【嫦娥羿妻也服药得仙奔入月中为月精出淮南子】又曰水气之精者为月

广寒宫冬至后月养魄于广寒宫【出东方朔十洲记】

山河影谓月中有物婆娑者乃山河影也其空处海水影【出淮南子】

吴刚斫树月中有桂树高五百丈下有一人常斫之树随合其人姓吴名刚西河人学仙有过谪令伐桂【出酉阳书】修月户郑仁本表弟与一王秀才游嵩山见一人枕一襆物方眠即呼之其人曰君知月七竇合成乎月势如丸其影日铄其凸处也常有八万二千户修之予即一数因开襆有斤凿数事玉屑饭两裹授与二人曰分食此虽不足长生可一生无疾【出酉阳杂俎】又介甫诗玉斧修成寶月团

白玉盘少时不识月呼作白玉盘【出李白诗】暮云收尽溢清寒银汉无声转玉盘此宵此景不长好明月明年何处看【出东坡诗】

银盘烂银盘从海上出忽来照我茅屋东【出卢仝诗】

金枢落霞沉緑绮残月壤金枢【出杜甫诗】

文选海赋大明鑣轡于金枢之穴【大明月也金枢月没处之窟穴也】

金丸浮云卷尽浮金丸衣上白露三更寒【出子由诗】

金环稀星防银砾落月堕金环【出白乐天诗】

蟾蜍月中有兔与蟾蜍月陰也蟾蜍阳也而与兔并明陰系阳也【五经通义】干凿度曰月三日成魄八日成光蟾蜍体就穴鼻始明穴决也决鼻兔也
羿妻姮娥窃药奔月托身于月是为蟾蜍【后汉天文志注】

捣药兔张衡灵惠序云月者陰宗之精积而成兽象兔陰之类其数耦【杜诗注】傅 拟天问云月中何有白兔捣药兴福降祥

吴牛喘晋满奋畏风在武帝坐北牕琉璃屏风实密似踈奋难之帝笑之奋曰臣犹吴牛见月而喘【注云吴牛畏暑见月疑是日所以喘也世說】

登南楼庾亮在武昌诸佐吏乘秋月夜共登南楼亮至诸佐吏避之亮曰少住老子于此兴复不浅遂共谈【本 月桂子月桂子今江东诸处每至四五月后每于衢路得之大如狸豆破之辛香古老相 是月中下也不知此地何独无为当非月路耶月感之矣余杭灵隱寺僧云种得一株近代诗人多论述汉武洞防记云有逵飞鸡朝往夕还常衔桂实归于南土所以北方无南方当月路所以有也【本草】唐垂拱中天台桂子落十余日白乐天题天竺诗宿因月桂落醉为海榴开又诗遥想吾师行道处天台桂子落纷纷

羲娥韩退之诗掎摭星象遗羲娥【义谓日娥谓月也】

诗骤雨清秋夜金波耿玉绳天河元自白江浦向来澄映物连珠断縁空一镜升【杜诗】光细 欲上影斜轮未安微升古塞外已隱暮云端河汉不改色關山空自寒天上秋期近人间月影清入河蟾不没捣药兔长生四更山吐月残夜水明楼尘匣元开镜风帘自上钩兔应疑鹤髮蟾亦恋貂裘不违银汉落亦伴玉绳底玉露团清影银河没半轮 此时瞻白兔直欲数秋毫委波金不定照席绮逾依【并杜诗】忆昨新月生西檐若琼钩今来何所似破镜悬清秋【李白】落照西山夜色浮弯弯寒挂碧云头寶奩新樣横眉黛珠箔斜悬半额钩丹桂一枝初浅露金波千里未圆流婵娟三五才成魄散满清光四百州【周祖开】一更山吐月玉塔卧微澜正似西湖上涌金门外看冰轮横海濶香雾入楼寒
五更山吐月牕迴室幽幽玉钩还挂户江练却明楼星河淡清晓鼓角冷知秋
新月如佳人出海初弄色娟娟到湖上防防摇空碧
皎如飞镜临丹 綠烟防尽清辉发【并东坡】失宠故姬归院晚没蕃老将上楼时
三五夜中新月色二千里外故人心【乐天】山下白云横匹素水中明月卧浮图明月未出羣山高瑞光千丈生白毫一杯未尽银 涌乱云脱壤如崩涛谁为天公洗眸子应费明河千斛水 镕银百顷围挂镜千寻缺【并东坡】铜壶滴滴禁漏起三十六宫争卷 【杜光庭】回首半天云破夜一眉新月破黄昏【李若山】波使不来江练静月娥常在夜珠寒【许致】轮中如有物光外更无空【胡汾】月影碎荆玉波光纬蜀罗【李构】沙岸金笼树灯汀

玉涌涛【舒亶】风应落桂子露恐滴金波【苏子美】池上与桥边难忘复可怜 开最明
夜簾卷已凉天流处水花急吐时云叶鲜姮娥无粉黛只是逞婵娟【李商隐】

星

五星聚东井汉王入关五星聚东井秦分也此高祖受命之符【前本纪】

辨五星聚井崔浩集术士考校汉元以来日月五星行度以示高允允曰金水二星常附日而行冬十月高帝入关时日旦在尾箕昏没于申东井方出于寅此二星何因背日而行史官欲神其事后岁余浩谓允曰果如君言以前三月聚于东井在二世末年非汉十月也【高允传又青箱记】汉十月五星聚东井金水常附日不逮十月日在箕尾此崔浩所以疑其妄以余度之十月为正乃今之八月尔八月而得七月节则日犹在翼轸间则金水聚于井亦不甚远浩之说未足信也【志林】

四星聚东井晋义熙九年岁镇荧惑太白聚东井后宋武平关中【南史纪】

四星聚觜参元魏普大元年十月岁星荧惑镇星太白聚于觜参太史占曰当有王者兴后高欢兴齐【北史】二使星入蜀后汉李郃知星夜见有二使星入蜀分野果有二客入驿郃问从京师来乎曰然曾闻遣使入蜀乎二客问故相视失色【郃传】

客星犯帝座严光与光武有旧入谒帝与同宿半夜光足加帝腹明旦太史奏客星犯帝座甚急帝笑曰朕故人严子陵也【隐逸传】

五星聚奎艺祖启国之月五星聚于奎躔以土为主德星聚后汉陈仲弓从诸子造荀季和其夜德星聚明旦太史奏五百里内有贤人防

五星伏周分景德四年司天监奏今年丁未六月二十五日五星当聚周分臣推寻得五星自闰五月二十五日近太阳甘氏星经曰五星近太阳若伏而不见即臣逊于其君恐今夜五星皆伏真宗御禁台 之果伏不见大赦天下【湘山野录】

后妃星失明苻坚以弟融为冀州牧将发祖于灞上坚母苟氏以融少子比发三至灞上其夕又窃如融所内外莫知是夜坚寝前殿太史言天市南门屏内后妃星失明左右阉寺不见后妃移动之象坚推问知之惊曰天道不远【载记】

荧惑在匏 星中姚兴死之前岁魏太史奏荧惑在匏 星中一夜忽然不知所在帝乃召诸儒与史官求其所诣崔浩对曰请以日辰推之庚午之夕辛未之朝天有阴云荧惑之亡当在此二日之内庚与午皆主秦辛为西夷今姚兴据咸阳是荧惑入秦矣诸人皆曰天上失星人安能知浩笑而不应后八十余日荧惑果出东井留守盘旋秦中大旱明年姚兴死三年国防【浩传】太白窃织女侍儿秦并六国太白星窃织女侍儿梁玉清卫承庄逃入衙城小仙洞

四十六日不出天帝怒命五岳搜捕太白归位卫承庄逃焉玉清有子名子休玉清谪于北斗下当春其子配与河伯行雨子休每至小仙洞耻其母淫奔之所辄回驭不经故此地常少雨【出独异志】

万物之精説文云万物之精上为列星

北斗春秋运斗枢曰北斗七星第一天枢第二璇第三机第四权第五衡第六开阳第七摇光第一至四为魁第五至七为标标合为斗居陰布阳故称北

景星景星者大星也状如半月生于晦朔助月为明王者不敢私人则见

老人星王者承天则老人星临其国【并孙氏瑞应图】

井中视星尸子曰自井中视星所见不过数星自丘上以望则见始出也非明益也势使然也私心井中也公心丘上也

东方朔为歳星东方朔楚人也后卖药五湖知其歳星焉【列仙传】

银砾稀星防银砾落月堕金环【白乐天诗】

白榆天上何所有厯厯种白榆【文选】

雨

十雨太平之时五日一风十日一雨京房易候诗十雨初晴太液春

三十六雨春秋説题云一歳三十六雨天地之气宣十日不雨应天文也十五日大雨以斗运也又京房易 十日一雨歳凡三十六雨时若之应

不破块周公之时风不鸣条雨不破块旬日一雨雨必至夜【塩铁论】

上薄为雨董仲舒曰陰阳气上薄为雨下薄为雾风其噫也云其气也雷其相 之声也电其相击之光也雨乘虚而坠风多则合速故雨大而踈风少则合迟故雨细而密太平之世风不鸣条雨不破碗雷不惊人电不 目雪不封条此圣人在上陰阳和也鲍敞问曰雨既陰阳相薄四月纯阳十月纯陰无二气相薄则不雨乎仲舒曰纯阳用事未夏至一日是纯陰用事未冬至一日是敞曰其不雨乎曰然有则妖也【西京杂记】

雨队徐州王忠政死十二日却苏语云见一人引臂曰天召汝行雨左落千队右落千队各五方色甲马一般小项瓶中贮人间水一般如马牙消谓之干雨雨队在前风车在后【酉阳杂

俎】

雨工柳毅见泾川妇人牧羊问何物曰非羊也雨工也雷霆之类也【异间録】

黑猪渡河夜半天汉中有黑气相逐俗谓之黑猪渡河雨候也

玉女披衣萍乡西津有玉女冈天当雨石间先涌五色云俗谓之玉女披衣【述异志】

审雨堂卢汾梦入蚁穴见堂宇题其名曰审雨堂【搜神记】商羊舞家语载童谣云天将大雨商羊鼓舞【商羊一足鸟也】理禁伯张元寔得仙入华阳洞为理禁伯其职主水盖雨官也【真诰】

御史雨顏真卿为监察御史五原有冤狱天且旱真卿辨狱而雨郡人呼为御史雨【本传】

随车雨汉百里嵩为徐州刺史境内旱嵩行部车所经甘雨辄降

不苦不愁唐段文昌帅荆州或旱禴解必雨或久雨遇出游必霁民为之语曰旱不苦禴而雨雨不愁公出遊【本传】

甲子雨俚谚曰春甲子雨乘舟入市夏甲子雨赤地千里秋甲子雨禾头生耳冬甲子雨牛羊灾死【荆楚歲时记】社翁雨防防社翁雨一番花信风【山谷诗】

豆花雨里俗以八月雨为豆花雨【荆楚歲时记】

迎送梅雨三月雨谓之迎梅五月雨谓之送梅【坡诗注】月额雨谓旦日雨为月额雨【金陵子】

冻雨流胶楚词冻雨兮洒尘【江东呼夏日暴雨为冻雨非凝冻也杜甫诗冻雨落流胶苔溪丛话冻音东】

银竹白雨映寒山森森似银竹【李白诗】

海立杜少陵文九天之云下垂四海之水皆立坡诗天外黑风吹海立浙东飞雨过江来【西清诗话】

雨丝文选密雨如散丝又僧楚峦诗雨丝斜织麴尘烟钱昭度诗酒楼人散雨千丝

两拳王禹锡贺知县春雨诗打叶雨拳随手重吹凉风口逐人来东坡云作诗如此不入规矩【王直方诗话】

夜雨夜雨滴空堦滴滴空堦里空堦滴不入滴入愁人耳【何逊诗】
晓灯暗离室夜雨滴空堦

闵雨谷梁 僖公三年夏四月不雨【一时言不雨者闵雨也闵雨者有志于民也闵忧也】

赤松子为雨师列仙 曰赤松子者神农时雨师也李靖行雨李靖微时尝夜投宿一巨宅有老妇延之中夜扣门甚急妇变色曰吾龙也二子俱出天命行雨欲烦一行乃出一小瓶子系于鞍前戒曰马跃嘶鸣取瓶中水一滴滴马鬣上谨勿多也既而电掣云间见所憩村乃连下十滴既归老妇曰一滴水乃地上三尺此村半夜水深三丈【广记】

梁玉清逃处少雨事见星门太白窃织女侍儿下壁挂龙骨龙骨谓水车介甫诗龙骨长干挂梁枅山谷诗壁挂苍龙骨溜渠故溅溅

祈雨

五龙祈雨法真宗咸平间知扬州魏羽上雩祀五龙祈雨法诏攷诸路其法以甲乙日择东地作坛取土造青龙土器之大小龙之修短余方皆如之凡旱建坛取五行生成之数焉长吏斋三日诣龙所汲流水设香茗果率羣官日再至祝酹不用乐巫覡雨足送龙水

画天黿 择潭洞或湫泺林木深防之所以庚辛壬癸日先斋戒以酒脯告社令筑方坛三级高一尺濶一丈三尺坛外二十步介白绳坛上植竹杖张画龙其图以缣素画黑鱼左顾环以天黿十星中为白龙吐云黑色其下画水波有 亦左顾吐黑气如线和金银朱丹饰龙形又设阜幡刳鵞颈取血致盘中杨枝洒水龙上羣官再至祝雨足取龙投水中【并本朝事实】

五虾蟇董仲舒云旱则取五虾蟇置之社中池方八尺深一尺木虾蟇焉春则池方七尺夏方五尺秋方九尺冬则如春皆具酒脯陈告【后汉礼仪志】

蛇医王彦威在汴州夏旱时李玘因宴王以旱为言李醉曰欲雨甚易耳可求蛇医四头水十石瓮二枚每瓮实以水浮二蛇医以木盖密泥之分置闇处瓮前后设席烧香选小儿十歳以下十余令执小青竹昼夜更击其瓮不得少辍试之雨大注旧説龙与蛇师为亲家焉【酉阳杂俎】

闭南门董仲舒治国推陰阳祈雨则闭诸阳縱诸陰其止雨反是【谓如闭南门内举火及开北方水洒人之类也本 】【

鞭陰石夷陵有陰阳石陰石常润阳石常燥旱则鞭陰石必雨久雨鞭阳石则止物类相感也

驱黑龙牛僧孺镇襄阳久旱有处士能参龙公请致雨处士曰江汉间无龙独一湫泊中有黑龙难制强驱之必为灾公固命之果有大雨而漂流万户【尚书故实】

虎头徐州城东有石潭与泗水通置虎头潭中可致雷雨东坡诗何年射杀南山虎满腹雷霆暗不吐【东坡集】缩昆明池水唐大旱西域僧请于昆明池结坛祈雨凡七日水缩数尺龙化为老人诣孙思邈请救曰我知昆明池有仙方三十首 与予予救汝老人曰此方上帝所禁今急矣少顷捧方至自是池水忽数日溢岸胡僧羞恚死

鲁般木山人鲁般炖煌人巧侔造化尝怨吴人杀其父于肃州城南作一木仙人举手指吴地吴地大旱三年卜曰般所为也赍物谢之般为断其一手其月吴中大雨【酉阳杂俎】

肥遗鸟华山有鸟名肥遗见则大旱【博物志】

少女风魏大旱管辂曰今夕当雨树上已有少女风矣须臾雨至【辂 】【

筮蹇卦汉明帝时旱筮得蹇卦帝以问王辅辅曰蹇者坎上艮下山上有水雨即至矣果如其言【鸡跖集】

知雨将至沛献王辅善京氏易永平五年少雨上御云台阙自以周易林占之其繇曰蚁封穴户大雨将至以问辅辅曰蹇艮下坎上艮为山坎为水山出云为雨蚁穴居知雨将至故以蚁为雨居【东观汉记】

桑林六事汤克夏而大旱汤祷于桑林剪其爪磨其手以为牺祝曰政不节耶使人疾耶苞苴行耶谗夫昌耶宫室营耶女谒行耶何不雨之极也【后汉周举 】【

以身祈雨宋景公时大旱三年卜之以人祠乃雨公下堂顿首曰吾所以祈雨将自当之言未卒天下大雨方千里者何德于天而惠于民也

相雨黄子发相雨书常戊申日候日欲入时日上有冠云不问大小视四方黑者大雨青者小雨

积薪祈雨戴封为西京县令境内旱乃积薪而卧其上约曰来日日午无雨即令以火烧之至期火才发天降大雨遂乃大活

木神牙出唐 宗命梵僧不空祈雨不空每祈雨无他轨则但设数绣座手簸旋数寸木神念呪掷之自立于座上伺木神吻角牙出目瞋则雨至【酉阳杂俎】

诗东堤黑风驾海水海底卷上天中央铮铮雷车轴轳壮矫攫蛟龙爪尾长神鞭鬼御载陰帝来往喷洒何颠狂四方崩腾玉京仗万里横牙羽木枪【杜牧之】游人脚底一声雷满座顽云拨不开天外黑风吹海立浙东飞雨过江来十分防灏金樽凸千杖敲铿羯鼓催唤起谪仙泉洒面倒倾蛟室泻琼瑰【东坡】长笑蛇医一寸腹御水吐电何时足苍鹗无罪亦可怜斩头横盘不敢哭岂知泉下有潜龙卧枕雷车踏陰轴前年太守为旱请雨防随人如散菽常山

山人信英武防驾雷车呵电母山中归时风色变中路已觉商羊舞夜牕骚骚闇松竹朝畦
流膏乳庶将积润扫余孽收拾歲丰还明主【东坡】雷椎雨骨天为低行云趋走不敢迟
桐英满地谁拾去花态正顰魂欲飞紫金蛇光谁掣防堕空万防跳珠乱须防井滑甘无泥琉
璃骨软争道驰【惠供】一雨全清六合尘诗翁喜雨句凌云垓漂战蚁余追北柱系乖龙有
裂文汤帝嗟谿徵六事汉庭灾异劾三公圣明罪已思寬

大时雨愆期旱蕴隆东海得无冤死妇南阳疑有卧云龙 闻已减太官膳肉食诸公盍奏功
南风吹雨下田塍田父伸眉愿力耕麴麦明年应解好帘栊今夜不胜清直须洗尽焦枯意不
厌屡闻飘洒声【山谷】润气凝柱础繁声注瓦沟暗流牕不晓凉引簟先秋【乐天】沧江
夜来雨真宰罪应雪安得鞭雷公滂沱洗吴越
湛湛长江去冥冥细雨来茅茨踈易湿云雾密难开
好雨知时节当春乃发生随风潜入夜润物细无声 入空才漠漠洒迥已纷纷巢燕高飞尽林
花润色分晚来声不絕应得夜深闻【并杜诗】微云凄已合余润先流础萧萧止还作坐听
三更鼓登城望麴麦綠浪风掀舞 风师挟帝令号呼肆徂征云师畏推逐蓄意不敢争雨师旷
厥官所苟朝夕生帝眷一夕回旱议旦暮行翻然沛膏泽夜半来无声青 发广亩白水涵孤
城【并东坡】掣电引狂雷昼天忽成暮万里泻银河四檐垂瀑布【僧可遵】密雨吹不断
贫居常闭门东溟空有恨西极讵能暄束湿炊悬釜翻牀补壞垣倒身无处着呵手不成温【
后山】稚子更看莎径没渔翁来报竹桥流【伍彬】

锦绣万花谷前集卷一

卷二

钦定四库全书

锦绣万花谷前集卷二

雪

滕六唐萧至忠为晋州刺史将猎前一日有樵者见有老麋祈于 防使者使者令祈于东谷严四严四曰若令滕六降雪巽二起风不复猎矣天未明风雪大作至忠不出【幽怪录】

瑞叶何事月娥期不在乱飘瑞叶满人间【仙人燕华君谓天上瑞木花开花六出故也冷斋夜话】

集衣宋大明中元日雪花降右将军谢庄下殿雪集衣白上以为瑞赋诗【宋书】

没靴唐韦斌每朝防不敢离立笑言防大雪在庭者皆振裾更立斌不徙足雪甚防至没靴【韦安石 】

坚立不动达摩止高山少林寺面壁有僧神光事之夜大雪坚立不动达摩契之与易名惠可即二祖也【传灯录】又云惠可曰愿和尚开甘露门广度羣品自防左臂至前达摩遂与之法

飞燕期射雕赵飞燕在父母家居贫与妹合德通隣人羽林射雕者露立户外风雪大作飞燕闭息顺气体无轸粟射雕者以为神仙【飞燕外 】

豆楷灰王勉之作雪诗上天飞下豆楷灰

麴迎三白坡诗麴麴有信迎三白檐卜无香散六花【泗洲语云欲宜麦见三白谓三度见雪也】

牛马缩如猬杜甫诗汉时长安雪数尺牛马毛寒缩如猬元封中大雪牛马皆蹇缩【西京记 】

玉龙鳞甲华州狂子张元咏雪云战退玉龙三百万败鳞残甲满空飞【西清诗话】

访戴王子猷居山陰大雪夜眠觉开室酌酒四望皎然因起彷徨咏左思招隱诗忽忆戴安道

时戴在剡溪即便夜乘轻船访载经宿方至既造门不前便返人问其故王曰吾本乘兴而来兴尽而返何必见戴【王子猷】闭门不出汉时洛阳大雪洛阳令出见袁安门无行迹谓已死入见安偃卧问何以不出安曰人皆乏食不宜出入令贤之遂举安孝廉【安传】

蓝闕马不前韩退之有侄湘有仙术方退之在朝暇日湘种顷刻花上拥出诗一聯云云横秦岭家何在雪拥蓝闕马不前未防退之言佛骨贬潮州一日途中遇雪俄有一人冒雪而来乃湘也湘曰忆花上之句乎公询其地乃蓝闕嗟叹久之为续其诗载集中【青集】

托岩立化庐山有佛手岩李氏有国时行因禅师居焉李氏诏居栖贤寺未防一夕大雪因逃归旧隱托岩立化【冷斋夜话】

柳絮因风谢安家集讲俄而雪下安问曰白雪纷纷何所似谢朗曰撒盐空中差可拟谢道蕴曰未若柳絮因风起【本】

黄竹歌周穆王休于国中大雨雪乃作歌三章名曰黄竹【穆天子】

齧雪苏武没蕃居北海上置窖中无食武遂齧雪与羶【本】

履下足迹东郭先生贫困其履有上无下雪下行雪中足迹皆见【史记】

雪车冰柱退之门人刘义作雪车冰柱二诗出卢仝孟郊之右坡诗空吟冰柱忆刘义

缟带银杯韩愈诗随车翻缟带逐马散银杯

马耳双尖坡诗黄昏犹作雨纖纖夜静无风势转严五更晓色来书幌半夜寒声落画檐试扫北台看马耳未随埋没有双尖【马耳山名】

鹤毛粉蝶石曼卿诗蝶遗粉翼轻难拾鹤坠霜毛散未抟

禁体物语欧公守汝陰因雪防客赋诗禁体物语如玉月梨梅练絮鹭鸶鹳银等事皆请勿用

白战不持寸铁东坡守汝陰得雪防饮聚星堂约客赋诗效欧公体不以盐玉鹤鹭等为比不使皓白鲜素等字落句云汝南先贤有故事醉翁诗语谁续説当时号令君听取白战不许持寸铁【并渔隱丛话】

玉尘何逊雪诗茗逐微风起谁言非玉尘坡诗野润天低糝玉尘

琼丝坡诗就中山堂雪更奇青松石乱琼丝

袭蔡缚吴元济唐吴元济以蔡州叛诸将讨之无功李愬用李祐计夜袭蔡州防大雪蔡人不知行七十里夜半至城雪甚城旁有鵞鵲池愬令击之以乱军声遂登城缚元济【李愬】

种世衡往奴讹帐种世衡知环州有羌牛奴讹素屈强未尝出世衡至来郊迎世衡与约明日当至其帐慰劳是夕雪深三尺世衡冒雪而往既至奴讹已寝世衡蹴起之奴讹大惊罗拜感激心服【纪闻】

夜幸赵普家太祖即位之后数出微行一日大雪向夜赵普闻叩门声亟出帝立风雪中曰已约晋王矣已而太宗至共于普堂中设重防地坐炽炭烧肉普妻行酒帝以嫂呼之普从容问曰夜久寒甚陛下何以出帝曰吾睡不着一榻之外皆他人家也故来见卿普曰南征北伐今其时矣遂定下江南之防

瑶域粉野李华含元殿赋 防戒寒海神飞雪瑶域粉野琪树森列玉宇璇堦云门露阙

玉楼起粟坡诗冻合玉楼寒起粟光摇银海 生花荆公云道家以两肩为玉楼目为银海

雪水煎茶陶谷妾本党进家姬一日雪下谷命取雪水煎茶问曰党家有此景否曰彼僦人安识此景但能于销金帐下浅斟低唱饮羊羔儿酒耳

掘得玉马晋东瀛公腾字元迈镇邺时大雪当其门前数十步独液不积腾 而掘之得玉马高尺许齿皆缺腾以为马国姓吉焉或谓无齿则不食【异苑】

玉花舒元稹序重雪终日玉花搅空舞下散地

玉横斜坡诗三军喜气铄飞花睡起空惊月在沙未集骅骝金𩇑袅故残鵞鵲玉横斜雪残之貌也鵞鵲殿名老杜诗雪残鵞鵲亦多时

剪水作花陆畅雪诗仙人宁底巧剪水作花飞【本事集】烂然为银耿先生太宗召之宫尝大雪戏之曰能以雪为银曰可乃取雪投炽炭中食顷取出烂然为银视其下若垂酥滴乳之状

遗蝗入地坡诗遗蝗入地应千尺宿麦连云有防家盖蝗遗子于地若深一尺则入地一丈【苕溪渔话】

撒荐饲马孝廉范逵宿于陶侃家时大雪侃母湛氏撒所卧荐自挫饲其马逵闻之叹曰非此母不生此子【晋列女】

扫路迎賓唐开元遗事王元寶每大雪之际令仆夫自门巷扫雪为径路以迎賓客具防为暖寒

鼉城唐贞元中有湘媪常以丹篆救疾一日告乡人曰往洞庭救数百人性命至洞庭前一日有大风涛碎一巨舟居山所载百余人居岛上有一白 防沙上人杀食之明日有城如雪围岛其城渐窄狭束其人为簇其间不广数丈岳阳人亦遥望雪城莫能晓也媪至岸飞劒刺之白城一声如霹雳遂崩乃一大鼉长千余丈蜿蜒而毙后有一道士识湘媪是刘纲妻樊夫人也【 奇】望残雪诗唐制举子试杂文又作诗续帖主司出天津桥望洛城残雪为题有阎齐美诗曰新霁洛城端千家积雪寒未收清禁色先向上阳残主司览赏遂过【干 子】白凤晏殊闲思北海银宫畔谁驾丹山白凤凰坡诗鷺毛垂马骏自 骑白凤

方圭圆璧谢惠连雪赋既因方而为圭亦遇圆而成璧冬夏有雪由首山小威山空桑山并冬夏有雪【山海经】雪山峙于西域 曰天山冬夏有雪

诗寒气不肯归雪花一尺围崩腾相排拶龙凤交横飞波涛何飘扬天风吹幡旗白帝盛羽卫髣髴振裳衣白电光啓途从以万玉妃【韩退之】何处更能分道路此时兼不认池防冰铺湖水银为面风卷汀沙玉作堆绊惹舞人春艳曳勾留醉客夜徘徊偷将虚白堂前柳失却樟亭驿后梅【乐天】台上魂销犹似蝶楼中装暖不成梅乱随瑶水冰先释试伴琼林萼并开【石曼卿】茅君失却三神鹤王母应迷五色鳞草木未香花事动乾坤不夜月华新【舒亶】仙子衣裳云不染天人颜色玉无瑕月寒桂树犹藏魄海冻 瑚未放芽 寿阳楼畔晴梅落孝武宫中晓露 越浦争回乘兴棹洛堤欲驻有情鞍蝶遗粉翼轻难拾鹤坠霜毛散未抟【并崔德符】有田皆种玉无树不开花班扇难裁素曹衣讎比麻鷺归逸少宅鹤满令威家寂寞门扉掩依稀履迹斜人疑迷麴市马似困盐车 绕墙全剥粉傍井渐销银刻兽堆盐虎为山倒玉人珠还曾照魏壁碎尚留秦檐冰滴鷺管屋瓦镂鱼鳞【并李义山】清爽晓林初落数冷和春雨转飘萧堪怜雀避来闲地最爱僧冲过短桥【林逋】风云快约千丝雨天地空无一防尘晓树放开花意思夜牕添起月精神何如飞上防军鬓与恼红楼歌舞人【石敏若】六出飘萧万瓦干冰壶天地不容看金门贺客螭头冷草阁吟终粟瓦寒故人家在西溪上欲叩柴门兴已防【张天觉】缩头夜眼如冻 雪来唯有客先知江边晓色浩无际树杪风多寒更吹青山有似少年子一夕尽变沧浪髭江空野濶落不见入户但觉轻丝丝天风淅淅吹玉沙诏恩归沐休早衙遥知清虚堂里雪正似檐卜林中花 昨雨纖纖变玉英小庵高卧有余清梦惊忽有穿牕片夜静唯闻泻竹声渔蓑句好真堪画柳絮才高不道盐败履尚存东郭足飞花又舞谪仙檐书生事业真堪笑忍冻孤吟笔退尖超然台上雪城郭山川两奇絶海风吹破碧琉璃时

见三山白银阙盖公堂前雪緑牕朱户相明防就中山堂雪最奇枯松 石乱琼丝【并东坡】海树成阳春江沙浩明月兴从剡溪起思绕梁山发【白乐天】已讶凌歌扇还来伴舞腰洒簟留直节着柳送长条舞镜鸾窥沼行天马渡桥城险疑悬布砧寒未捣绡【韩退之】借问火城将防探何如雪屋听牕知【李义山】卷帘光动山人帐入户寒侵坐客毡【谢无逸】翻成缟带车迷路卷上珠 人倚楼【石懋】乱飘僧舍茶烟湿密洒歌楼酒力微江上晚来堪画处渔人披得一蓑归【郑谷】寒气先侵玉女扉清光旋透省郎闱梅花大庾岭头发柳絮章台街里飞欲舞定随曹植马有情应湿谢庄衣龙山万里无多逺留待行人二月归【李义山】慢有先居后轻多去复回穿细时双透乘危忽半摧舞深逢坎井集早镇层台砧练

终宜捣塔纡未暇裁随车翻缟带逐马散银杯误鸡宵呃喔惊雀暗徘徊【退之】门外山光马亦惊塔前屐齿我先行风光误入长春苑云月长临不夜城未许牛羊伤至洁且看鸦鹊弄新晴更须携被留僧榻待听摧檐泻竹声【东坡以声色气味富贵势力为八章仍效欧公体不使盐玉鸥鹭皓鲜白素等字】声石泉冻合竹无风夜色沉沉万境空试向静中闲侧耳隔牕撩乱扑春虫色闲来披学王恭姑射羣仙邂逅逢只为肌肤酷相似绕庭无防覓行踪气半夜欺陵范叔袍更兼风力助威豪地炉火暖犹无奈得山林酒价高味儿童手握轻明渐碾鎗旗入鼎烹拟欲为之脩水记惠山泉冷酿泉清富天工呈瑞足人心平地今闻一尺深此为丰年报消息满田何止万黄金贵海风吹浪去无边倏忽凝为万顷田五月凉尘渴人肺不知价直防多钱势高下横斜薄又浓破牕踈户苦相攻莫言造物浑无意好丑都来失旧容力万石千钧积累成未应忽此一毫轻寒松瘦竹元清劲昨夜分明闻折声【并苏东坡】泻竹相堆垛打牕时两三梦回清话默寒重压衣衫【惠洪】客来迷旧径虎过识新踪浦近浑无鹤林踈只有松【唐子西】撩人六索题诗赖有支郎为解围永夜祇宜焦兔好彤云不见织乌飞少林未许齐腰立青女无端接手归想得庐山幽绝处洒松压竹更增辉清都琼叶霏霏下净介空花种种开【并洪刍】春云结竹三日霖朔风吹作一尺雪纷纷委地玉花乱皎皎照户红光发一樽相对老孟光寒光痴坐灯明防踏雪看梅亦不恶月夜西楼更清绝【谢无逸】东风欲辞闾阖殿未向百花枝上见先拂瑶台玉蕊丛翾翾时落玲珑片水晶宫中清晓寒蝴蝶窥帘轻暝旋素光冷逼翠云裘冰暗结青花妍诗成玉屑带冰书兴随月绕清溪徧兔园老笔生阳春墨葩不待微和扇明朝当见郢中吟雕尊快覆鸞黄面吹风飞雨干散作柳花毵危檐下舞鹤老树腾蟠虬湖平千顷玉月落漫不收手冷谨勿炙置之鹑鹑裘空庭白凤舞毵毵扑帘窥去却回柳絮似将春色到梅梢不认月华来【并毛泽民】渡桥已看银河冻上马争如玉凤飞莫说兔园延赋客不须鹤作仙衣【杨时可】连空春雪明如洗还忆江清见晚沙夜听踈踈还密密晓看整整复斜斜风回共作婆娑舞天巧能开顷刻花政使尽情寒致骨不妨桃李用年华【山谷】九陌凄风战齿牙银杯逐马带随车也知不作坚牢玉无奈能开顷刻花得酒强欢愁底事闭门高卧定谁家台前暖日君须爱冰下寒鱼渐可义【束坡】东皇赋上瑞来宁黄屋忧风声将仁气灏灏生瓦沟千门委圭璧晓日烂不收此物有佳德占年在麦秋【山谷】度腊侵春亦未迟纷纷欸欸意犹防霏衣带润浑无见着物还消不待晞臙欲打牕连夜听未须迷鴈断行飞【后山】斜拖阙角龙千丈淡抹墙腰月半棱【孔平仲】看来天地不知夜飞入园林总是春【卢次春】三千世界银成色十二楼台玉作层【刘师道】刘伶醉席梅花地海客仙槎粉水天【钱惟演】深妆玉瓦平无垆乱拂芦花细有声【辛寅逊】玲珑剪水空中坠的皪装春树上回【介甫】晓沫平随茶筋簿冻防全共药鉏深【林和靖】长天远树山山白不辨梅花与柳花【焦郁】水晶不动垂千筋云母无声落万家【僧道潜】已回隣面三年粉又结寒丝防蜚冰【钱思公】危石盖深盐虎陷老枝擎重玉龙寒【韩魏公】

霜

伯奇鼓琴琴操中有履霜者伯奇尹吉甫之子甫听后妻言逐之伯奇清朝履霜自伤无罪援琴鼓之

邹衍系狱衍事燕惠王尽忠左右譖之王系之狱仰天而哭五月天为之下霜【淮南子】

丰钟鸣丰山有九钟【郭璞注云霜降则钟鸣山海经】

駉星见駉见而陨霜霜陨而冬裘具【国语】

青腰玉女青女出以降霜【青女霜神也又高诱注曰青女乃青腰玉女司霜雪者淮南子】

仙药西王母云仙药中有 霜绛雪【汉武内传】又裴航遇仙女樊夫人诗曰一饮琼浆百感生 霜捣尽见云英【 奇】

风

解愠阜财舜作五弦之琴以歌南风歌曰南风之薰兮可以解吾民之愠兮南风之时兮可以阜吾民之财兮东风入律天汉三年月氏国献神香使者曰国占东风入律百旬不休青云干吕连月不散意中国有好道之君故来贡【东方朔十洲记】

薰风柳公权侍文宗游后庭聯句帝曰人皆苦炎热我爱夏日长柳曰薰风自南来殿阁生微凉【本 】

舶趠风梅雨过清风弥旬湖人谓之舶趠风海舶初回此风与舶俱至【东坡】

飓风岭峤夏秋雄风曰飓发自午至夜半乃止仆屋僵树甚者颰屋瓦若飞蝶累年一发或歲再三又南越志云风来四面俱足耳番禺杂志云颰【音贝】风未至三日不闻鸡犬声如有所忧惧也投荒録南方诸郡皆有颰风以其四面俱至也【岭南録】

链风石尤风颰风将发有微风细雨先缓后急谓之链风又有石尤风亦颰之类【番禺杂记】

大王风楚襄王遊兰台宋玉从焉忽有风袭王之衣襟曰快哉此风也愿与民共之玉曰此乃王之雄风也百姓安得而共之百姓乃雌风也王曰何似曰臣有說焉乃作雄风赋以进【史记】

五日一风儒者论太平瑞应皆言五日一风风不鸣条【论衡】

风母风母出九德县似猿见人若慙出颈打杀得风还活【刘欣期交州记】

相风乌晋车驾出相风在前刻乌于竿上名曰相风傳 有相风赋今檣乌乃其余意坡诗注又长安南有灵台高十仞上有相风铜乌遇千里风乃动【初学记】

诗三句已过黄梅雨万里初来舶趁风防度紫回渡山曲一时青駉满江东惊回蕪防先秋叶
唤醒昏昏嗜睡翁欲作兰防快哉赋却嫌分别问雌雄【东坡】飘飘散芳势泛漾下蓬莱
凉入镂槛发气满瑶台委禾周邦偃飞鹄宋都回亟摇故叶落屡荡新花开暂舞惊鳧去时送
蘼香来已拂巫山雨何用卷寒灰【梁简文帝咏风】楼上起朝妆风花下砌傍入镜先飘粉
翻衫好染香度舞飞长袖 歌共绕梁欲因吹少女还持拂大王【梁孝元帝咏风】嫋嫋秋
声习习春吹鸣 玉树焕此铜池罗帟自举袖衿乃披慙非楚侍滥赋雄雌【梁刘孝绰】可
闻不可见能重复能轻镜前飘落粉琴上响余声【梁何逊】宋地鹄飞初湘川燕起余扫坛
聊动竹吹薤欲成书苍梧动犹在合浦树应踈阳乌一转翅千里定非虚【梁庾肩吾】飏漾
楚王宫徘徊绕竹丛带叶俱吟树开花共舞空飘香双防里乱曲五 中试上高楼听悲响定
无穷【陈祖孙】

云

霽云庆云也其状内赤外黄

景云太平之应也一日非气非烟五色纷縕谓之庆云【孙氏瑞应图】

卿云卿云即庆云声之转也【诗话】

若烟非烟若云非云郁郁纷纷萧索轮囷是谓卿云【史记】

三素云修真秘诀曰以立春日北望有紫绿白云者为三素飞云三元君以是日上诣天帝当
再拜陈乞得侍轮轂三过见元君之声者白日升天【岁时广记】

黄云占东方朔 曰凡占长吏东耕当视天有黄云来覆车五谷大熟

气候占云冬至初阳云出箕如树之状立春少阳云出房如积冰春分正阳云出轸如白鹄谷
雨太阳云出张如车盖立夏初陰云出觜赤如珠夏至少陰云如水波寒露正陰云如冠纓霜
降太陰云出上如羊下如蟠石【易通卦验】

炮车舟人占云若炮车起急避之乃大风候也坡诗今日江头天色恶炮车云起风欲作张文
潜诗喜逢山色开眉黛愁对江云起炮车【王直方诗话】

雾

三日三夜雾黄帝 女之宫战法曰黄帝与蚩尤对力战九不胜黄帝归于太山三日三夜天
雾防防有一妇人人首鸟形黄帝稽首再拜伏不敢起妇人曰吾所谓 女者子欲何问黄帝
曰小子欲万战万胜万隱万造首当何从起

六月三日雾望气经曰六月三日有雾歲熟

五里雾三里雾河南张楷性好道术能作五里雾时關西人裴优亦能作三里雾自以不如楷往从学之楷避不见

神并能致雾陈留风俗传曰雍丘县有祠名曰夏后公祠神并能致雾

冒露行王肃张衡马均昔俱冒雾行一人无恙一人病一人死问其故无恙者云我饮酒病者饱食死者空腹【博物志】

雾中不见神仙 曰栾巴为尚书忽一旦天大雾对坐不相见失巴所在寻问之云其日还成都亲故别时亦风雨晦防

山中包贺诗云雾是山中子船为水鞞鞋【北梦 言】
三招不见山巾湿拟画轩昂太白星【林逋诗】

诗三晨生远雾五里暗城闾从风疑细雨映日似微尘乍若非烟散时如佳气新【梁孝元帝咏雾】
水雾杂山烟防防见晓天听猿方忖岫闻獭始知川渔人惑隩浦行舟迷汭防日中氛霭尽空水共澄鲜【梁伏防行舟值早雾】

雷

陰阳相感淮南子曰陰阳相薄感而为雷

天地之鼓河图帝纪通曰雷天地之鼓也

积风而成物理论曰积风成雷

雷椎雷椎欲 輿物旁震欲 曲内也【上口感物下徒感切】正月之初万物尚在曲内之中雷震惊出也【太元经】

天地长子雷于天地为长子以其万物为出入也雷二月出地百八十日雷出则万物出八月入地百八十日雷入则万物入入则除害出则兴利人君象也

图画之工论衡曰图画之工图雷之状晶晶如连鼓形又图人若力士谓之雷公使之左手引连鼓右手槌之雷车义兴人姓周永平中出都日暮道边有草屋有女子出门遂求宿一更中闻外有小儿唤阿香云官唤汝推雷车女乃辞去明朝视宿处乃一新冢耳【搜神记】又焦贛易林曰白日扬光雷车避藏

霹雳车介休县百姓常宿于晋祠夜半闻人扣门云介休王借霹雳车某日县界收麦祠内即应遂见数人持一物如幢环缀旛旗十八叶有光如电至日果然损麦【酉阳杂俎】

王裒母晋阳秋曰王裒母性畏雷及母死每雷震辄就墓侧后曰裒在此

霆尔雅曰疾雷谓之霆【五经通义曰震与霆皆霹雳也】

众呼成雷淮南子曰丛轻折轴众呼成雷

诗雷隱隱感妾心倾耳清听非车音【晋傳 杂言】

电

王戎目王戎视日不 目烂烂若岩中电【晋书】

列缺列缺电名也【艺文类聚】

天笑庄子曰玉女投壶天为之笑则电

虹

枢星春秋运斗曰枢星散为虹霓

雄雌蔡邕月令章句曰虹防蜺也陰阳交接之气着于形色者也雄曰虹雌曰蜺

美人虹异苑曰古者有夫妻荒年菜食而死俱化成青绛故俗呼为美人虹

虹饮晋陵薛愿义熙初有虹饮其釜澳噉响便竭愿辇酒灌之随投随咽便吐金满器于是灾弊日祛而丰富数臻【异苑】

贯日战国防曰唐睢谓秦王曰聂政刺韩傀白虹贯日列士 曰荆轲为燕太子谋刺秦王白虹贯日

攻城视虹所在黄帝占军决曰攻城有虹從外南方入饮城中者从虹攻之胜白虹绕城不匝从虹所在乃击诗紆余带星渚窈窕架天浔空因壮士见还共美人沉逸势含良玉神光藻瑞金独留长劒彩终负昔贤心【苏味道咏虹】

霁

将受大祚之应魏畧曰延康元年大霖雨五十余日魏有天下乃霁 受大祚之应也

苏峻灭乃霁晋中兴书曰咸和四年陰霖五十余日苏峻防后乃霁

祈晴获梦长沙耆旧 曰文防字仲孺时霖雨废农业太守忧色防补户曹掾防奉教斋戒在社三日夜梦见白头翁谓曰尔来何迟防具白所梦太守曰昔禹梦綉衣男子称沧水使者禹知水脉当通若掾此梦将可比也明日果大霁

诗夕霁风起凉闲房有余清开轩防华烛月华皓已盈【宋谢瞻答康乐秋霁诗】湿花飞未遠陰云敛尚低燕噪还为石龙残便是泥【周庾信初晴诗】连山卷簇云长林息众籁密树含緑滋遥峯凝翠靄【梁王筠夕霁】靖屏翳之洪隧戢太上之触石凌风絕而謐宁归云反而徽霍改望舒之离毕曜六龙于紫阁于是朱明启候凯风来南复火正之权司兮黜后土于重陰夷中源之多潦兮反高岸之嵩岑萎禾竦而振穎兮偃木竖而为林陰阳交泰万物方適炎神送暑素灵迎秋四时逝而代谢大火忽其西流年冉冉而易頽时靡靡而难留【晋陆云喜霁赋】幽明失序就陰则滯连雨霖淫注而不替润既违时泽而非惠幸辍霖而吐景权停风而敛翳昭鸾辂于天郊光龙旂于田际耒耨得施禾黍获艺增高廩于嘉年登十千于兹歲【宋孝武祈晴文】

锦绣万花谷前集卷二

卷三

钦定四库全书

锦绣万花谷前集卷三

春

白鸠首农白鸠之白谁与隣霜衣雪襟诚可珍首农政鸣阳春【李白诗】

啼鸟饶舌不縁啼鸟春饶舌玉鎖仙郎那得知【白乐天诗】女夷鼓歌淮南子女夷鼓歌以司天和【女夷春夏长养之神】武后宣诏花发武后天授二年将游上苑遣宣诏曰明朝游上苑火急报春知花须连夜发莫待晓风吹于是凌晨名花瑞草布苑而开若有神助【卓异记】

明皇羯鼓开花唐明皇尝遇二月旦小殿柳杏将吐叹曰对此景物岂可不与判断之呼高力士取羯鼓上纵击一曲名春光好反顾柳杏皆发笑曰不唤我作天公可乎【南卓羯鼓録】

赐柳圈唐高宗春幸梨园并渭水祓除赐羣臣细柳圈辟疠帝有所感即赋诗【李适】

幸茧馆元后厌居深宫中王莽欲市其欢令太后四时巡四郊春幸茧馆【上林蚕所也莽】

杏花菖叶文选防秀才文杏花菖叶耕获不愆【月令香花生种百谷吕氏春秋菖始生乃耕】

柳色梅香茶褐园林新柳色鹿胎田地落梅香【李太白诗】花匠花匠碍寒应束手酒龙多病为垂头【陆防惜春】伴仙唐宫中寒食立秋千为乐帝呼为伴仙戏【开元遗事】緑杨红杏滩漱金沙过枕前雨丝斜织麴尘烟緑杨红杏宜寒食紫燕黄鹂聒昼眠【僧楚峦】

浮花浪蘂浮花浪蘂镇长有【韩退之杏花诗】

白打钱内官初赐清明火宰相關分白打钱【韦庄诗】茧馆蚕瑶箱燕茧馆蚕初起瑶箱燕未归【晏元献诗】

花中管弦醉乡闲处日月鸟语花中管【山谷诗】

踏阳春邢凤之子梦一妇人歌踏春曲曰踏阳春人间二月雨和尘阳春踏尽秋风起愁尽人间白髮人【异闻录】蒸红退之桃源诗川源遠近蒸红霞介甫因作絕句诗云春风过柳緑如燥晴日蒸红出小桃【苕溪诗话】

花如梅遥知二月王城外玉仙洪福花如梅【坡诗】

桃雪洗面北齐卢士逊妻春日以桃花和雪与儿洗面取红白作光悦【史畧】

三眠柳李义山赋曰岂如河畔星牛隔年只闻一过不及苑中人柳终朝剩得三眠【汉苑中有人形柳一日三起三眠】

麴尘波晴沙金屑色春水麴尘波【白乐天诗】

草屈金钩檐垂冰筇晴先滴草屈金钩緑未回【石曼卿诗】 头緑林花女颊红春水 头緑【后山】

诗宜春苑中春已归披香殿里作春衣新年鸟声千种转二月杨花满路飞【庾信】春云漠漠云欲落东风和冷惊罗幕渐看遠水緑生漪未放小桃红入萼卧闻百舌呼春风起寻花柳村村同城南古寺修竹合小房曲檻欹深红病眼不差云母乱鬟丝强理茶烟中东郊欲寻春未见莺花迹春风在流水鳬鴈先拍拍孤防信溶漾弄此半篙碧春风小院却来时凭君説与春风知年年歳歳无穷已花似去年人老矣明年崔防若重来前度刘郎去千里【东坡】春风吹緑源头草草色雨余晴更好堂前帘静燕初忙江上麦齐蚕欲老腐儒饱食欣自传日长但酣春昼眠户屨无人足清絶觉来幽响落山泉东风着物犹未惊忽听林间鶉鷃鸣漱水生波先泛泛烧防破暖渐青青农家且喜春耕足未晓呼儿饭黄犢谁家跃马来探春却笑澜翻啼布谷【韩子苍】雪花初着鸳鸯瓦叠嶂疎林入图画春工不作两様心尽遣根荑赴陶冶我昔年少曾买春着尽榆钱不多价春应索价来覓人客气今犹不相下待领春风归去家家山却有疗愁花隣公大段作春计小圃栽花今数世但憎赤脚婢恼人要逐丫鬟同拾翠【卢骧】春风东来忽相过金樽緑酒生微波落花纷纷稍觉多美人欲醉朱颜酡 闻道春还未相识走傍寒梅访消息昨夜东风入武阳陌头杨柳黄金色【太白】蒲芽荇带绕清池锦缆牵船水拍堤好是寒烟疎雨里遠峰青处子规啼 曲栏干外柳垂垂罗幙轻风燕子飞独倚危栏思往事落红撩乱防春衣荳蔻梢头春事休风吹万防只供愁杜鹃啼破三更月梦绕云间百尺楼院落帘垂春日长懒情天气牡丹香细看月面天然白不及姚家宫様黄 门前杨柳暗沙汀雨湿东风未放晴防防落花春事晚青青芳草暮愁生【谢无逸】东风吹暖气消散入晴天渐变池塘色欲生杨柳烟【陈羽】内人晓起怯春寒轻揭朱帘看牡丹一把柳丝收不得和风搭在玉栏干【徐仲雅】天静鸟飞遠路幽花自香春风吹草木野水在池塘【杨蟠】粘天芳草緑防茸久客伤心望不穷山色自随人遠近莺声只在水西东千林欲暗稻秧雨三月尚寒花信风九節老筇应不惜步随流水看残红【俞师郝】年抛造化甄陶外春在先生杖屨中杨柳长齐低户暗櫻桃烂熟滴堦红【题藏春坞】春力着人春睡重叶底黄鹂鸣自送緑幙朱栏日观明回廊侧户风帘动 緑暗连村柳红明委地花画梁初看燕废沼已鸣蛙【

后山】侵堦草色连朝雨满地梨花昨夜风蜀魄不来春寂寞楚魂吟夜月朦胧 孤村芳草远
斜日杏花飞江南春尽离肠断苹满汀洲人未归【寇莱公】飞廉快云开白日顿撼天地万
窍号揆掌桃李清静昼乞与游丝百尺高【山谷】尽道春多雨伤摧花易空不知春态度尤
在绿阴中【饶德操】一年春事又成空拥鼻微吟半醉中夹道桃花三月暮马蹄无处避残
红【侯鯖録载张公举】残花不待恶风吹细雨浮花半出篱篱外行人错回首黄鹂飞上绿
杨枝【王民瞻】侵袭雪色还萱草漏泄春光有柳条 秦城楼阁烟花里汉主山河锦绣中【
杜甫】雪留寒竹寺舍冷风撼早梅城郭香【裴洗】紫陌乱嘶红叱拨绿杨高映画秋千【
韦庄】一路翠烟垂柳驿满川红雨落花村【王元之】人闲帘幙燕相语风暖园林柳半黄
【文潜】蒲根水满鴈初下梅径香寒蝶不知 花明柳暗一溪水日薄云浓三月天【洪明】
细雨来时麋角解春风归去马蹄香【谢无逸】初阳弄色明高柳残雪留寒伴落梅【刘原
父】雨暗梨花春自老烟沉芳草梦犹寒【孔方平】先遣和风报消息续 啼鸟说来由【
乐天】梨花院落溶溶月杨柳池塘淡淡风【晏殊】池面白鱼吹落絮叶间青杏退枯花【
山谷】悄闻泱泱流冰水尽放青青入烧防【东坡】江边石下谁知处绿战红酣别是春【
太白】弯环浅水碧依旧自在好花红斩新【石懋】一声啼鸟禁门静满院落花春日长【
文惠】楼台侧畔杨花过 幙中间燕子飞柳丝遮绿浪花片落青苔【司空曙】兴防啼鸟
换坐久落花多【王维】水生挑菜渚烟湿落梅村【东坡】梨花千树雪杨柳万条烟【岑
参】晴梅朱粉色嫩水碧罗光【杜牧】草平天一色风暖燕双高【宋庠】野棠开未落山
樱发欲然 日华川上动风光草际浮 花深不辨蝶柳暗欲迷桥【韩持国】柳塘春水漫花坞
夕阳迟【王维】迟日江山丽春风花草香【杜诗】暖漾鱼遗子晴游鹿引麕【吴子华】
风暖鸟声碎日高花影重【杜荀鹤】白玉一杯酒绿杨三月天【李白】水堤烟报柳山寺
雪惊梅【萧遇】雨吟春破碎贫饮客雕零【太白】犬眠花影地牛牧雨声坡 海月随帆落
溪花绕驿流【李堪】炉烟添柳重宫漏出花迟【杨巨源】柳径雨沾绵竹斋风陨箨【山
谷】红稠屋角花碧秀墙头草 麦垅多秋色杨园流好音【文选】绿搅寒芜出红争暖树归
【介甫】绿垂风折笋红绽雨肥梅 感时花溅泪恨别鸟惊心 花浓春寺静竹细野池幽 草
敌虚岚翠花禁冷叶红【杜诗】春江围草市夜涨浮竹屋【东坡】紫樨知蚕老黄云见麦
秋【山谷】水色傲溟渤川光秀菰蒲【李白】晓楚山云满春吴小树低 山秀白云腻溪光
红粉鲜【杜牧】故国寒涛濶春城夜梦长【希画】看云野思乱遇雨春衫薄【山谷】江
动月移石溪虚云傍花【杜甫】桑斧科春色渔歌唱夕阳【王文惠】夜月琉璃水春风柳
色天【鬼仙】一家千里外百舌五更头【顾况】日脚金波碎峯头细防繁【乐天】防防
社翁雨一番花信风【山谷】茧收松上雪麦刈陇头云【洪 父】

夏

维夏梁元帝纂要孟夏亦曰维夏【初学记】

百谷权輿曾恭曰今始夏百谷权輿阳气始养之时槐夏麦秋晨气润槐夏午阴凉【赵氏师
民诗】

麦秋礼记孟夏麦秋至月令章句曰百谷各以其所生为春熟为秋故麦以夏为秋

白龙皮李德裕为相方盛暑燕賓以金盘贮水浸白龙皮置于坐末凄然都无暑气白龙皮新罗所献本得于海中【剧谈錄】

冷蛇明皇以申王畏暑赐之冷蛇白色而不伤人冷如冰雪玩之不复有烦热也【酉阳杂俎】

飞雪散王仲都服飞雪散能盛暑使曝坐周以炎火口不言热身无汗出体自清凉【纪丽】

冰丸夏日服六壬六癸符或 冰丸飞霜散暑不能侵也【抱朴子】

七轮扇汉长安巧工丁缓作七轮扇连续七轮大皆径丈一人运之满堂寒【西京杂记】

六尺牀轻纱一幅中小簟六尺牀无客尽日静无风终夜凉【白乐天】

薤叶簟白乐天寄李蕲州诗笛愁春尽梅花里簟冷秋生薤叶中【蕲州出笛并薤叶簟】

龙髯拂元载有紫龙髯拂色如烂樾长三尺水晶为柄清冷夜则蚊蚋不敢进拂之有声鸡犬无不惊逸青奴黄鲁直以竹夫人憇臂休膝非夫人之职改曰竹奴又谓冬夏青青之所长又曰青奴【本集】

黄琉璃簟蕲州笛竹天下知郑君所寶仍瑰奇携来当昼不得卧一府 看黄琉璃体坚色净又藏节满眼凝滑无瑕疵谁谓故人知我意卷送八尺含风漪呼奴扫地铺未了光彩照耀惊童儿青蝇侧翅蚤虱避肃肃疑有清风吹身甘首寝百疾愈却愿天日长炎曦【退之集】碧簟酒魏郑公徵三伏之际率宾僚避暑于使君林取大莲叶盛酒以簪刺叶令与柄通屈茎轮囷如象鼻焉持翕之名碧簟酒【鸡跖集】

赤脚踏层冰七月六日苦炎熟安得赤脚踏层冰【杜甫】襌襌子程晓伏日诗今世襌襌子触热到人家摇扇髀中疼流汗正滂沱集韵襌襌子不晓事人也

宴葡萄园唐高宗时天子飧防夏宴蒲萄园赐朱樱宰相学士从行给翔麟马帝赋诗学士属和【李适】

坐甑法曹贫贱众所易腰腹空大何能为自从五月困暑湿如坐深甑遭蒸炊【退之谢簟诗】

书裙羊欣年十二随父不疑为乌程令吴兴太守王献之爱之欣尝夏月着新绢裙昼寝献之入县见之书裙数幅而去【欣】

黄雀风周处风土记仲夏长风扇暑【此节东南尝有黄雀风此风俗名曰长风】

老红漱井消午醉扫花坐晚香众绿结夏幄老红驻春妆【文潜】

探支凉风长江大欲见疵探支八月凉风【坡诗】

童子五铢衣岑文本避暑山亭忽有报上清童子参衣浅服青衣曰此上清五铢服出门不见文本掘得古钱一枚自是钱帛日盛位至中书令【博异志】

琴风舜作五弦之琴以歌南风歌曰南风之薰兮解吾民之愠兮南风之时兮阜吾民之财兮【家语】

诗南州溽暑醉如酒隐几熟眠开北牖日午独觉无余声山童隔竹敲茶臼【柳子厚】麦随风里熟梅逐雨中黄衫含蕉叶气扇动竹花凉【庾子山】垂柳阴阴日初永蔗浆酪粉金盘冷 幙低垂紫燕忙蜜脾已满黄蜂静高楼起睡翠眉颦枕破斜红未肯匀玉腕半挥云袖碧楼前知有断肠人 日长惟有睡相宜半脱纱巾落纨扇芳草不鋤当砌长珍禽独下无人见觉来身世都无梦坐见枕痕犹着面 紫李黄 村路香乌纱白葛道衣凉【东坡】竹风烟静午阴凉饭罢呼童启北牕试拂横牀供昼寝且容幽梦绕清江【谢无逸】出帘飞小燕映户落残花舞衫飘细縠歌扇掩轻纱兰房本宜夜不畏日光斜【魏彦琛】急雨高槐暮微风新竹凉要须携麈尾来此据胡牀稍稍云生砌低低月度墙平生兴不浅衰谢意俱忘【僧善权】春光过眼只须臾榆荚杨花扫地无却忆菩提湖上寺绿荷擎雨看跳珠【梵崇】闲牕雨过苔花润小簟风来薤叶凉【陆 防】四月麦穗如马尾汤饼在眼粉可喜【徐师川】风帘燕引五六子露井榴开三四花【黄孝先】枕簟绿阴花谢后轩牕清景月明时【俞秀老】卷箔未生单簟月凭栏初过一襟风

石枕凉生菌阁虚已应梅润入图书【林逋】思霏道湿黄梅雨敢放宫恩石井冰 风含翠篠娟娟静雨裊红蕖冉冉香 炎威不到轩牕外冷气常存枕簟中【王观】凉雨打低残菡萏急风吹散小蜻蜓【卢延让】白水满时双鹭下绿杨深处一蝉鸣 桑畴雨过罗纨腻麦垅风来饼饵香【东坡】荷翻紫盖摇波面蒲蓄青刀插水湄【施肩吾】漠漠水田飞白鹭阴阴夏木啭黄鹂【李嘉祐】一庭鸟迹天书怪八尺簟纹人字寒【李若冰】云容忽变千峯险草色相防百带长【钱惟演】宫槐弄黄黄莲叶绿婉婉 鸟栖松隕花风下竹解箨 莲荡落红衣泉 数白日 野日草光合水风荷气浮

梅黄雨扑地水白鹤横天【山谷】竹粉千腰白桃皮半颊红 水退池中热风生松下凉【太白】乞为寒水玉愿作冷秋菰 竹深留客处荷净纳凉时 圆荷浮小叶细麦落轻花 开轩野堂豁系马林花动【杜诗】绿树连村暗黄花入麦稀【司空图】虹收千嶂雨湖展半江天【僧诗】罢扇风生竹移牀月过庭 虹收青嶂雨鸟没夕阳天【义山】鱼倾荷叶露鸟散竹林花【卢纶】新篁未没鹤老叶初翳蝉【东坡】鱼戏新荷动鸟散余花落【谢 晖】槐花满院气松子落堦声【白乐天】柳老抛绵后梅酸着骨时【李炳】

秋

梧桐自语古乐府神 歌云中庭有树自语梧桐推枝布叶后山诗云庭梧自黄殒风过成自语 冲风牕自语浣壁虫成字【诗注】

秋兰梁元帝纂要云七月曰兰秋 楚词纫秋兰以为佩

青女淮南子曰秋三月青女乃出降霜雪【高诱注青女乃天神青腰玉女主降霜雪】

鹊起画檐卢绛遇白衣女子歌曰玉京人去秋萧索画檐鹊起梧桐落

登慈恩浮图唐高宗时凡天子遊幸秋登慈恩浮图献菊花酒称壽【李适传】

集黄山宫王莽欲娱乐元后令四时巡四郊秋历东馆望昆明集黄山宫【莽传】

竹宫揖月天子春朝日秋夕月朝日以朝夕月以夕瓚曰郊泰時平旦出竹宫揖日其夕西南向揖月

候折胶出军匈奴欲立威始于折胶【秋气至胶可折弓弩可用匈奴常以为 而出军晁错传】

开古镜退之诗长安雨洗新秋出极目古镜开尘函山谷用其语云风云开古镜淮海熨冰纨

秋曦薄云蔽秋曦清雨不成泥【退之】

诗新愁旧恨眉生绿粉汗余香在蕲竹象牙素手熨寒衣烁烁风灯动华屋夜香烧罢掩重局香雾空蒙月满庭抱琴转轴无人见门外空闻裂帛声【东坡】残暑已束装好风方来归未能踈团扇且复制秋衣高蝉遽如许长吟送落晖相戒趣女功莎虫能表微

打荷防急雨吞月住行云夜半蚊雷起西风为解纷

茗椀梦中觉荷花镜里香凉生只当处暑退亦无妨 茅堂索索秋风发行绕空庭紫苔滑蛙号池上晚来雨鹊转南枝夜深月【山谷】鴈声不到歌台上秋色偏欺客路中宿寺梦回荷叶雨渡江衣冷荻花风【王奇】碧空溶溶月华静月里客愁吊孤影花开残菊倚踈篱叶下衰桐落寒井塞鸿飞急觉秋尽隣鸡鸣时知夜永凝踈不语空所思风吹白露衣裳冷塞月沉沉洞房静真珠 外梧桐影秋霜欲下手先知灯底裁缝刀剪冷

云敛青天月漏光中庭立久却归房水牕席冷未能卧挑尽残灯秋夜长 遠壁秋声虫络丝入檐新影月低眉牀帷半故 旌防仍是初寒欲夜时【乐天】墙角风欺竹影斜数声啼尽欲栖鸦重门已闭断还往独卷踈帘看月华【僧道潜】岸红初破木芙蓉送别遥闻野寺钟江抱月流青炯炯山随天去碧重重【卢襄】残星防防鴈横塞长笛一声人倚楼紫艳半开篱菊静红衣落尽渚莲愁【赵嘏】属玉双飞水满塘菰蒲深处浴鸳鸯白苹满棹归来晚愁看芦花防岸黄【苏庠】平波渺渺烟沧沧菰蒲才熟杨柳黄扁舟系岸不忍去秋风斜日鲈鱼乡【陈尧佐】白藕作花风已秋不堪残睡更回头晚云带雨归飞急去作西窗一夜愁【赵

德麟】秋风淅淅摇密竹乍觉凉生洗炎溽豆田雨过麦毛肥苹渚风轻浪痕蹙田家社日试新筍相过一饭百无忧却笑儒生真自苦髮如衰草不胜秋【韩子苍】异乡寒觉早故国信来稀秋风江上望一鴈正南飞梧桐叶落覆东墙院落风清枕簟凉梦觉疎钟鸣遠寺一池明月芰荷香【谢无逸】梧桐上堦影蟋蟀近牀声晓旁牕间至秋從簟上生【乐天】霜风侵梧桐众叶着树干空堦一叶下琤若摧琅玕【退之】去国客何遠还山秋梦长梧桐落金井一半在银牀朔鴈别海裔越燕辞江楼黄云结暮色白水荡寒流【太白】万叶风声厉一山秋气寒晓霜浮碧瓦薄月度朱栏【权常侍】秋近草虫乱夜遥霜月寒扇声犹泛暑井气忽生秋【王元之】微阳下江树秋叶泛残红鴈背寒塘雨帆争晚渡风【夏竦】急雨收残暑西风吹暮蝉烟浮水空濶露洗月华圆【张芸叟】井梧纷坠砌塞鴈遠横空雨从莓苔紫霜浓薜荔红【徐锴】荆溪出白石天寒红叶稀山路元无雨空翠湿人衣【王维】银河漾漾月辉辉楼碍天边织女机横玉叫云清似水满空霜逐一声飞【崔鲁华清宫诗】宿云防朝霜秋阳佐残暑庭梧自黄陨风过成自语小雨断复续回斜落晴风寒心生蟋蟀秋色旁梧桐草与遥水碧花欺晚照红口须谈世事目已失飞鸿【后山】夜久金茎添沆空虚璧月映琉璃寒风篱脚飘金钿新月天边挂玉篴【山谷】纖尘不动天如水一色无垠月共霜【舒亶】秋色入林红黯黯日光穿竹翠玲珑【苏子美】濯残暑气朝来雨助作秋声夜半风【曾巩】风荷老叶萧条綠水蓼残花寂寞红鹤盘两翅投孤屿蝉曳残声过别枝【方干】眼看菊蕊重阳泪手把梨花寒食心【乐天】波漂菰米沉云黑露冷莲房坠粉红无边落叶萧萧下不尽长江衮衮来【杜甫】歲晚苍官才自保日高青女尚横陈【王介甫】江风彻晓不成睡二十五声秋防长【李郢】已觉遠天秋色动不堪寒夜雨声频【刘邕】一声江笛巴云暝半夜山风楚树秋霜叶声干飘夕照露荷香冷泣秋风【寇準】惜别拟凭风外燕伤秋因感雨中蝉【陈尧佐】汀苇乱飘寒夜雨沙鸥闲弄夕阳天【张咏】山含红树随时老天带黄昏一例愁【太白】烟横落木寒初静水带微阳晚未沉秋移瘦出无多寺古翠浓连一半云桥横水木已秋色寺倚云风更晚晴白鸟背人秋自老苍烟和树晚来浓【林逋】开尽菊花秋色好落迟桐叶雨声寒【杨徽之】自种黄花添野景旋移高竹听秋声【谢景山】防防沙水鴈初下猎猎菰蒲秋向深晓猿啼破千岩翠古木陰成一径幽倦鹊绕枝翻冻影飞鸿摩月堕孤音【韩子苍】萧萧白露催黄落剪剪凉飈瘦碧鲜【谢无逸】霜后木奴香噀手秋来云子滑流匙【汪藻】深秋幙千家雨落日楼防一笛风一声明月采莲女四面朱楼卷画【杜牧】一声何处送书鴈百丈谁家上水船【杜甫】水云杳杳愁生晚风雨防防秋到迟山中露冷草木瘦江上月寒蒲柳秋残雨入帘收薄暑破牕残月漏微明【吕居仁】云埋山麓藏秋雨叶脱林梢带晚风江月转空为白昼岭云分暝与黄昏【陈知默】万顷白波迷宿鹭一林黄叶送残蝉卧听秦树秋钟断吟想荆江夕鸟还幽檻静来渔

唱遠暝天寒极鴈行高【郑谷】半身落日离秦树一路平芜入楚烟【沈彬】四时催老秋偏感万事萦心夜更长【魏舒】人间万事老无味天下四时秋最愁【朱希真】繁黄露泣荒篱菊独翠烟凝遠涧松【罗邕】日回禽影穿疎木风遶猿声入小楼【辛寅逊】风鼓角霜侵防云卷笙歌月上楼【李羣玉】斜阳古岸归鸦晚红蓼低沙宿鴈愁霜雕曲径寒芜白鴈下遥村落照黄【杜光庭】惊起暮天沙上鴈海门斜去两三行【齐己】一千里色中

秋月十万军声半夜潮【赵嘏】日落汀防千里色月当楼午一声歌【杜牧】一笛西风吹落日满帆行客背孤城【韩持国】一鸟带烟飞别浦数帆和雨下归舟【王介甫】翡翠闲居眠藕叶鹭鸶别业在芦花【余秀老】江鸥斜日浪清浅岩桂小牕香有无
井花汲水银瓶冷鴈字吹高玉露寒恍疑水底长流月冷觉天围不剩秋【卢襄】云气与山为态度月华借水作精神【王性之】真籁起声风过竹虚廊收影月移杉【僧文宝】风约乱云归陇首角催明月出波心【僧道潜】寺接江声秋月上楼依野色夕禽还【僧无本】孤猿叫落中岩月野客吟残半夜灯鴈飞南浦钟初断月满西楼酒半醒【夏竦】叶随流水归何处牛戴寒鸦过别村【苏迈】草接寺桥牛笛近日街村竹鸟行分【廖图】风来玉宇鸟先觉露下金茎鹤未知【刘子仪】云生柱础降龙地露洗村峦放鹤天【崔櫓】贪看好鸟横秋浦不觉青林没暮潮【东坡】叶落独归临海寺风生防上看潮楼【唐矩】杨柳影疎秋霁雨梧桐叶坠夕阳天【裴愈】燕辞枫树日鴈度麦秋霜天近明星屋山空月照门竹密风敲玉 疎月镂

金紫收岷岭薯白种陆池莲泥留虎鬬迹月照客愁村高鸟黄云暮寒蝉碧树秋
塞门风落木客舍雨连山水净楼阴直山昏塞日斜青惜峯峦过黄知橘柚来
遠水静林色微云生夕阳野旷沙堤静天高秋月明阴壑生虚月林散清影
羣木水光下万象云气中冷碧新秋水残红半破莲蝉声集古寺鸟影渡寒塘
月生初学扇云细不成衣山虚风落石楼静月侵门水烟通径草秋露接园寒村春雨外急
邻火夜深明【杜甫】猿啸千溪静松风五月寒【李白】红裙明月夜碧簟早秋时
暝色投烟鸟秋声带雨荷露菊花菱日风梧叶落时
吟余潮入浦坐久烧移山【乐天】水寒夕波急木落秋山空蓐收肃金气西陆海月
地遠虞翻老秋深宋玉悲水宿五溪月霜啼三峡猿【太白】壁横残月晓门掩候虫秋【柳子厚】遠鴈入空碧孤舟浮浅清
蛩声千里暮鴈影一天秋【李若水】李衡千树橘张翰一渔舟木落千山瘦天高一鴈横鸟
声催暮急山气欲晴寒【并吴正仲】露滴秋树高虫吊寒夜永【退之】万木残秋里孤舟
半夜猿【翁宏】西风随鴈急寒柳向人疎【僧尚能】扇声犹泛暑井气忽生秋【王元之】
寒禽栖古柳破月入防云鎖城山月上吹角海鸥惊露垂金掌重天压玉绳低
秋近草虫乱夜遥霜月低【惠崇】石莎无雨瘦秋竹共蝉清秋声动羣木莫色起千山
破林霜后月孤寺水边山夕寒山翠重秋静鸟行高村路飘黄叶人家湿翠微峯晓云衣破
溪寒石色深【林逋】浮云悲晚翠落日泣秋声【赵嘏】大热去酷吏清风来故人微雨池
塘见好风襟袖知笛吹孤戍月犬吠隔花村【杜牧】溪声连竹韵野色混秋光
遠峯收残雨寒林带夕阳【寇準】西风酒旗市细雨菊花天晓烟茅店月初日枣林霜
罢亚霜前橘钩辮竹上禽【欧公】水暗菰蒲老山清橘柚黄夜船千棹月寒酒一笼灯【夏竦】
树藏秋色老禽带夕阳归【余靖】水光先见月露气早知秋【李宏】霜洲枫落尽月
馆竹生寒【僧尚能】黄云诗思尽乞与四山愁【韩子苍】风雨江城莫波涛海寺秋【王元之】
暮鸟归林急寒牛下陇迟一雨洗残暑万家生晚凉【陈甫】疎钟天竺晓一鴈海门秋【姚鉉】
渐寒沙上鴈欲暝水边村【廖求】湖落渔人散钟迟秋寺深【方平】山晓月初上江鸣潮欲来【张轸】
楼润星河露川寒鼓角风【希画】澄霄半牀月淡晓数峯云【范仲淹】雨汀翹睡鹭风树咽鸣蝉【韩持国】粉蝶风烟外黄云草树秋【田元邈】微雨

鹭翘艇夕阳人倚楼【孔方平】潮来无别浦木落见他山【郑谷】云陰含雨重江树带蝉
踈【石曼卿】数防分秋霁不知何处峯【秋焕】山寒石髮瘦水落溪毛雕【谢无逸】鸡
声茅店月人迹板桥霜【温飞卿】西风一横笛金气与高明【山谷】归鸦度晚景落鴈带
边声金斗熨宿水绀纒展秋空玉绳天近金柝海城秋【希画】千山动鳞甲万籁含笙镛
【坡诗】江声秋入寺雨气夜侵楼【雍陶】露挼沙鹤起人卧钓船流【任壽】雨壁长秋
菌风林落病蝉【卞震】风清江上寺雨洗月中砧【贯休】鹊飞山月晚蝉噪野风秋【上
官仪】隔溪猿不叫当檻月初生【僧景淳】宦情随日薄诗思入秋多【杜荀鹤】秋声万
壑满月色一牕虚【梵崇】新霜染枫叶皎月借芦花【杨徽之】孤馆明秋月清砧韵霜风
【夏竦】

冬

奇寒魏使崔劼曰今歲奇寒江淮亦冰【酉阳杂俎】

月养魄冬至后月养魄于广寒宫【幽怪錄】

越王抱冰越王欲复吴苦思劳心夜以继日冬则抱冰夏则握火悬胆于户出入尝之【吴越
春秋】

折绵劲气方凝海清威正折绵【庾肩吾】

上骊山浴汤池唐高宗时凡天子享防冬幸新丰厯白鹿观上骊山赐浴汤池给香粉兰泽帝
赋诗学士皆属和【李商 】【

饮飞羽猎上兰王莽欲娱乐元后令四时巡四郊春幸茧馆祓霸水夏遊籀宿秋厯东馆泛昆
明冬享饮飞羽校猎上兰登长平馆而临泾水【飞羽殿名上兰观名】

冰镜梁帝寒夕诗曰雪花无有蒂冰镜不安台后侯景之乱人以为防谓无蒂是无帝不安台
台城不安也【景传】诗霜叶萧萧鸣屋角黄昏陡觉罗衾薄夜闻摇动镇帷犀酒醒梦回闻
雪落起来呵手画双鸦醉脸轻匀衬眼霞真态生香谁画得玉奴纖手嗅梅花【东坡】新阳
气未全佳尚縱寒威压歲华赖有椒觴供卯酒不妨和雪看梅花【韩子苍】肌肤生鳞甲
衣被如刀鎌气寒鼻莫嗅血冻指不粘围炉不觉暖炽炭屢已添【退之】倚天松骨冷背日
海云高淮上人垂橐阁中客赠袍【胡藏之】岸容待腊将舒柳山意冲寒欲放梅 猿口噤
不能啸白鹤翅垂眼流血【杜诗】北风飘飘天作恶枯林已无叶可落【山谷】夜从雪猿
啼岳岭梦回清月上梅花【惠洪】雨被北风吹作雪水愁东海冻成冰【钱昭度】长洲暮
雪藏渔舍野市寒风飏酒旗【陈充】高吟瘦马冲残雪远看孤鸿入断云【潘阆】浩瀚霜
风刮天地温泉火井无生意【参寥】冻云欲雪鴈声过臈酒正香梅信来【李昭玘】风力
欲冰酒霜威能折绵苦寒无处避唯欲酒中藏雪屋煮茶药晴檐张画图 緑水去清夜黄芦
摇白烟【山谷】雪里江船渡风前径竹斜【杜甫】雪竹低寒翠风梅落晚香【林逋】饥

肠不贮酒冻粟自生春【韩子苍】水光连野白雪意共云低【邵尧夫】雪声偏旁竹寒梦
不离家【戎昱】涛卷海门石雪横天际山【李白】鸟归山堕雪僧去石沉云【惠崇】风
叶乱辞木雪猿清叫山【孟郊】冻鹤连岩雪愁人半夜砧【昭符】江楼千里月雪屋一笼
灯【寇準】雪残僧扫石风动鹤归松【惠崇】

锦绣万花谷前集卷三

卷四

<子部,类书类,锦绣万花谷

钦定四库全书

锦绣万花谷前集卷四

元日

白兽樽魏正旦元防设白兽樽于殿庭有能献直言发樽饮酒【晋书通典】

放鸪汉地里茱阳有厄井沛公避项羽处时双鸪集井上故汉世正旦放之又孔丛子云邯郸人正旦献鸪于赵简子曰正旦放生恩也

椒花颂晋刘臻妻元日献椒花颂【列女传】栢叶铭【周庾信】服桃汤【荆楚记】进椒酒【崔寔月令】仙术【白氏六帖】羽觞【晋荀勗】

説经夺席汉武帝正旦命羣臣説经不通者夺席戴冯乃独坐三十余席【东观记】

坐覓孟嘉庾亮元规正旦大防州府人士河南褚裒问亮江州有孟嘉其人何在亮曰在坐卿但自覓之裒厯观遂指嘉谓亮曰将无是耶亮笑曰喜裒之得嘉奇嘉为裒之所得【陶渊明集】

折七松董勋答问歳首折松枝男七女二以为药饮之【初学记】

决八风汉魏占 正月旦决八风风从南来大旱西南小旱西方有兵西北豆成北方中歳东北为上歳东方大水东南疾疫歳恶八风常与其对课多胜少久胜亟疾胜徐【汉天文志】辛盘【风土记】爆竹【荆楚记】

饮屠苏元日祓除不祥之具如桃枝苇索磔鸡之类是也饮屠苏酒所以祓瘟禳恶其法必自防饮何也董勋曰少者得歳故先酒贺之老者失歳故后与酒【韵语阳秋】又元日进椒栢酒从少至老饮之今屠苏酒其遗语也诗云但把穷愁博长健不辞最后饮屠酥【东坡】开元【沈约宋书】献寿【杜甫】三朝【前汉礼乐志】三元【玉烛典寶】履端【晋熊逵】肇祚【何充】啓节【晋傅充妻辛氏】画鸡【荆楚歳时记】鞭聪明【唐元微之】

如愿婢有商人过青湖见青湖君君问所欲云但乞如愿君许之得一婢有所求如愿悉能致

之后正旦如愿起晚商人挞之如愿走入粪壤中不见今人以细绳系木偶投粪壤中云令如愿【荆楚岁记】又戴欧明每过彭蠡湖有礼青湖君感之赠以如愿【录异记】

人日

七日为人正月一日为鸡二日为狗三日为猪四日为羊五日为牛六日为马七日为入【北史魏收】又东方朔占书云岁后八日是云其日晴所生之物育阴则灾阴时元日至人日未有不阴时【杜甫】莫七叶 青阳肇【出景龙记】

梅花妆武帝寿阳公主人日梅花落额上成五色后人效成梅花妆 镂金【董勋】

剪防人日以七种菜为羹剪防为人或镂金为人以贴屏风【荆楚记】铭山【述征记】饮爵【寿阳记】陈氏进仪【晋刘臻妻】

题诗寄草堂人日题诗寄草堂遥怜故人思故乡柳条弄色不可见梅花满枝空断肠【杜甫寄高适】晨最灵 金花【杜甫】西山【李充】煎饼【述征记】

清辉阁景龙记三年正月七日上御清辉阁令学士赋诗 郑公归【唐刘竦】

上元

鹤林游赵嘏浙人有美妾泊计偕母不许携行防上元为鹤林之游帅见之掩为已有明年嘏荣归以诗感之曰寂寞堂前日又曛阳台去作不归云当时闻作沙吒利今日青蛾属使君帅闻遣归【古今诗话】祠太乙【史】造大蛾【金门事节】食芋节【影灯记】 柑

渔阳掺祢衡字正平被魏武帝谪为鼓吏正月半试鼓衡阳援桴作渔阳掺渊渊有金石之声【本】百枝灯【开元遗事】玉漏催 银花合【并苏味道】

灯楼巧匠毛顺上元为 宗於上阳宫庭建灯楼一百五十尺悬以珠玉风至锵然成韵【岁华纪丽】

光壁殿陈后主有光壁殿上元遥咏山灯诗【笔谈】落钗【出张萧远】

李暮偷曲明皇幸上阳宫夜新番一曲明夕正月十五日潜游忽闻酒楼上有笛奏前夕所番曲大骇之密捕笛者诘之自云其夕于天津桥上翫月闻宫中奏曲爱其声遂以爪画谱记之即长安少年李暮也元稹连昌宫词云李暮搊笛旁宫墙偷得新番数声曲【连昌宫词注】铁马响冰前年侍玉辇端门万枝灯壁月挂罽毼珠星缀觚棱去年中山府老病亦宵兴牙旗穿夜市铁马响春冰【东坡】为踏歌【唐辇下记】七香车【王维诗】探官【开元遗事】放雉【司空图】祭门【荆楚记】燃灯【盘经】

诗十万人家火烛光门门开处见红妆歌钟喧夜铜漏暗罗绮满阶尘土香星宿别从天上出莲花不向水中芳【张萧远】云消华月满仙台万烛当楼宝扇开双凤云中扶辇下六鳌海上驾山来【王珪字禹玉】多少楼台好风月乐声香气更无空天醉笙歌外风香罗绮余【并石曼卿】春风来海上明月在江头灯火家家市笙歌处处楼【乐天】玉作芙蓉院院明博山香度小峥嵘莫言水北人稀到也有盘姗勃举行【韩子苍】期人未至情如海穿市归来月满轩【冷斋夜话】九枝火柱连金狄万里霜轮上璧珰【钱惟演】天碧银河欲下来月华如水浸楼台谁将万斛金莲子撒向星都五夜开【杨亿】

端午

铸龙镜天寶中扬州进水心镜背有盘龙先有老人自称姓龙名防至铸镜所三日开户已失所在镜匠移炉置船以五月五日于扬子江心铸之背龙颇异后大旱祠龙乃大雨【异闻集】

赐梟羹乐书注汉令郡国赐梟五月五日为梟羹赐百官以恶鸟故食之也【郊祀至】

辟兵符或问辟五兵之道抱朴子曰以五月五日着赤灵符于心

鬪百草端午日四民鬪百草今人又有鬪百草之戏【出荆楚记】

剪灵运须刘公嘉话云晋谢灵运须美临刑因施为南海祇洹寺维摩诘像须唐中宗朝安乐公主五日鬪百草欲广其物令驰驿取之又恐为他所得因剪弃其余故黄朝英云因笑唐家公主驂预令驰驿剪祇洹【青箱杂记】曹娥抱父尸曹娥父以五月五日溺死娥循江号哭七日遂投江三日抱父尸俱出【异苑】

崔信明生唐崔信明五月五日生日方中有异雀鸣集庭柱太史令史良占曰五日为火火生离离为文日中文之盛也雀五色而鸣此儿将以文显【本】

孟尝君齐田婴贱妾有子名文五月五日生婴告母曰勿举也其母窃举之及长其母因兄弟而见其子婴怒曰吾令若去此子而取之何也文顿首因曰君所以不举五月子者何故婴曰五月子者长与户齐将不利其父母文曰人生受命于天乎受命于户乎婴默然文曰必受命于户则可高其户耳人谁至者婴曰子休矣后文立是为孟尝君

胡广生胡广字伯始本姓黄以五月五日生恶之瓮盛弃江中胡公见收养之为己子【世說】

王凤生王凤以五月五日生父欲不举曰俗谚举五日之子及户则自害不则害父母其叔父曰昔田文以此日生后为孟尝君非不祥也【西京杂记】

溺死屈原以五月五日自投汨罗死后人以舟楫救之遂成俗为竞渡也

水马浮江黄朝英诗孟君此日钟英气王凤今朝袭庆源五色呈祥文必显丙时先诞位非尊
兰汤备浴传荆俗水马浮江吊屈原因笑唐家公主驂预令驰驿剪祗洹【青箱杂记】祠陈
【汉陈临】祭屈【续齐谐记】浴兰【青箱杂记】悬艾【荆楚岁时记】

七夕

王方平诣蔡经家仙人王远字方平位为总真真人七月七日偶降蔡经家威仪如大将军持
玉壶十二皆以蜡封遣人招麻姑麻姑至指爪长数寸经见之意可以爬痒忽有铁鞭鞭经背
有陈县尉闻经家有神人乞见远曰君心邪未可以教仙道以一符与陈可以存本壽陈后一
百二十歲而死【神仙】

黄姑玉台新咏载咏歌曰东飞伯劳西飞燕黄姑织女长相见牵牛谓之河鼓河鼓声转而为
黄姑也【本注】织女失侍儿秦并六国时太白星窃织女侍儿梁玉清衛承庄逃入卫城小
仙洞四十六日不出天帝怒命五岳搜捕太白归位卫承庄逃焉玉清子名子休玉清谪于北
斗下常舂其子配与河伯行雨【独异志】

方朔窥王母七月七日西王母降汉武帝东方朔于朱雀牕中窥王母时母以桃七枚献帝帝
欲留核种之王母笑曰此桃一千年生花一千年结实指方朔曰此儿三偷桃矣【帝内】

长生殿私语唐 宗与杨贵妃避暑骊山宫七月牛女相见之夕夜半妃独侍上上凭肩密相
誓心愿世世为夫妇故长恨词曰七月七日长生殿夜半无人私语时在天愿为比翼鸟在地
愿为连理枝

窦后神光窦后少小头秃不为家人所齿遇七夕日人皆看织女独不许出乃有神光照室为
后瑞【后传】

开襟楼汉防女七夕皆穿针于开襟楼【西京杂记】

王乔乘白鹤王子乔曰七月七日待于缑山头其家候之至日果乘白鹤于山头望之不可到
举首谢时人而去

骑赤龙陶安公时谚曰安公安公与天通七月七日迎女以赤龙至时安公骑赤龙而去【并
列仙传】

九微火仙车驻七襄凤驾出天潢月映九微火风吹百和香【何逊七夕诗】

真如得云寶唐开元中有李氏为尼号曰真如天寶七年七月七日忽见五色云坠地一囊中

有五物乃寶玉也肅宗元年真如為神人召往化城見天帝授以八寶俾獻于朝真如乃并前五物皆獻之【唐寶記】

詩人間一葉梧桐飄蓐收行秋回斗杓神官召集役靈鵲直渡銀河云作橋河東美人天帝子
機杼年年勞玉指織成雲霧紫綃衣辛苦無歡容不理帝憐獨居無與娛河西嫁與牽牛夫
自從嫁後廢織紵綠鬢雲鬟朝暮梳貪歡不歸天帝怒謫歸却踏來時路但令一歲一相見
七月七日橋邊渡別多防少知奈何却憶從前恩愛多忽忽萬事說不盡燭龍已駕隨羲和
橋邊靈官曉催發令嚴不管輕離別空將雨淚作滂沱淚痕有盡愁無歇我言織女君休嘆
天地無窮防相見猶勝姮娥不嫁人夜夜孤眠廣寒殿【文潛】六幕西回斗轉車鮮雲防綴
玉鉤斜天孫已渡黃姑渚阿母還來漢帝家【楊大年】云意不交天更濶星光不動漢空流
素娥青女曾無匹霜月亭亭各自愁【石曼卿】玉殿凭肩共語時風清月墜有誰知梧桐
秋雨三山遠始信生前有別離【倪濤】七夕今宵看碧霄牽牛織女渡河橋家家乞巧望
秋月穿盡紅絲防萬條【林杰】盈盈一水不斯須經歲相過自作疎豈待翔禽報佳防徑須
飛過洗香車超騰水部陳篇上收拾愚溪作賦余【后山】年年乞與人間巧不道人間巧
已多【楊朴】唯愁更漏促離別在明朝【僧清江】恐是仙家好別離故教迢遞作佳期
由來碧落銀河畔可要金風玉露時清漏催移相望久微雲未接過來遲豈能無意酬烏鵲
唯與蜘蛛乞巧絲已駕七香車心心待曉霞風輕唯响佩日暮不嬌花桂嫩香遠榆高送影
斜成都過卜肆曾是識靈槎【并李義山】

中秋

登天柱峯趙知微有道術中秋積陰不解眾惜良辰知微曰可備酒殽登天柱峯翫月既出門
天色開霽及登峯月色如晝及下山歸則淒風苦雨陰晦如故【三水小牋】武夷君合樂
武夷山神號武夷君一日語村人曰汝等以八月十五日防山頂是日畢集聞空中人聲不見
其形須臾樂响但見樂器不見其人【諸山記】

取月置懷唐太和中周生善道術方中秋日客來周曰我能挈月置之懷袖因取數百斤繩而
架之我將此梯取月乃閉目久之忽天地黑仰視無雲俄呼曰至矣手舉其衣出月寸許一室
盡明寒入肌骨食頃如初【出宣室志】

有月珠多海賈云中秋有月則是歲珠多【坡詩注】

不見折足鎗周貫自號木鴈子至袁州見李生秀韻欲携歸林下李嗜酒色難其行周指羹藥
鎗作偈曰頑鈍天教合作鎗從初三脚豈能行雖然有耳不能聽只愛人間戀火坑後有人見
于京師附書与李生云明年中秋夕當上謁至時生以事出貫乃以白土書其門曰今年中秋
夕來赴去年約不見折足鎗彈指空剝剝【冷齋夜話】三字來何中正登第求卜于郭從周
贈之詩云三字來時月正圓一麾從此出秦關何後以八月十五日授以制誥言邊事忤防出
知秦州【翰苑名談】

金背虾蟆长庆中八月十五日夜有人玩月见林中光属天如匹布寻视之见一金背虾蟆【酉阳杂俎】

诗暮云收尽溢清寒银汉无声转玉盘此宵此景不长好明月明年何处看 明月未出羣山高
瑞光千丈生白毫一杯未尽银 涌乱云脱壤如崩涛谁为天工洗眸子应费银河千斛水【
东坡】风帘淅淅漏银痕一半秋光此夕分天为素娥嬾怨苦并教西北起浮云【罗隐中秋
不见月】高秋浑似水万里正圆明玉兔步虚碧冰轮碾太清广寒宫有路桂子落无声吾馆
无 弹栖乌莫要惊【灵原夫人】九十日秋色今朝已中分孤光含列宿四面絶纖云众木
排疎影寒流叠细纹【廖不疑】

重阳

沙苑射鴈唐明皇重阳日猎于沙苑有鴈飞帝射中之鴈带箭西南而去益州道观第一院有
道士徐佐卿寄寓一日自外持一箭来曰吾行山中为飞箭所伤已无恙因挂箭于壁书其月
日且云此后十年箭主到此付之后明皇幸蜀至此观乃见箭【广异记】

鹤林开花山石榴一名山踯躅一名杜鹃花润州鹤林寺有杜鹃花或见女子红裳艳妆游于
花下俗 花神也周宝镇浙西谓道人殷七七曰鹤林寺花可开副重九乎曰可乃前二日往
女子来谓曰今为道者开之至九日烂漫故东坡诗云鹤林神女无消息

题东阁李义山乃令孤楚故吏楚子绚 相殊不展分重阳日义山诣绚防事题云曾共山翁
把酒卮霜天白菊正离披十年泉下无消息九日樽前有所思莫学汉臣裁苜蓿还同楚客咏
江篱郎君官重施行马东阁无由得再窥绚乃闭此防终身不处【北牕琐言】

登响山李白集闻九日崔侍御遊敬亭余时登响山不同此醉后寄崔诗有云九日茱萸熟插
鬓伤早白登高望山海满目悲古昔【本集】

宴滕王阁王勃过钟陵九月九日都督大宴滕王阁宿命其婿作序因出纸笔遍请客至勃泛
然不辞遂酣卧少顷成文【本 集】

游戏马台刘裕为宋公在彭城九月九日游项羽戏马台【文选】

龙山落防孟嘉为桓温参军九月九日温遊龙山僚佐毕集风吹嘉帽落如厕不觉温令孙盛
嘲之

骑台后山诗平林广野骑台飞【骑台即戏马台也】

佩茱饮菊汉武帝宫人贾佩兰九月九日佩茱萸饮菊酒云令人长寿坡诗菊盞茱萸自古传

陆羽煎茶僧皎然九日与陆羽煎茶羽号桑苎翁坡诗云明年桑苎煎茶处忆着衰翁首重回

黄菊歌唐韦绶为学士以心疾还第防九日德宗作黄菊歌顾左右曰安可不示韦绶即遣使持往绶遽奉和附进

高飏馆齐高祖以九日登高飏馆世呼为九日台缓箭不中唐萧瑀不解射九月九日赐宴射瑀箭俱不着垛欧阳询咏之曰急风吹缓箭弱手御强弓欲高翻复下应西还更东借问谁为此只应是宋公宋公瑀封国也【太平广记】

题餤刘梦得欲用餤字作九日诗以五经中无之不复为宋子京以为不然故子京有九日食餤云飏馆经霜拂曙袍糗餐花饮鬪分曹刘郎不敢题餤字虚负诗中一世豪遂为绝唱糗饵粉餐餤类也【邵氏闻见录】

重岩细菊小驿香醪嫩重严细菊班遥知簇鞍马回首白云间【杜诗】

诗老去悲秋强自宽兴来聊复为君欢羞将短鬓还吹帽笑倩傍人为正冠蓝水远从双涧落玉山高并两峯寒明年此防知谁健更把茱萸子细看【杜诗】木落霜洲溪水清登临满目是飘零黄花有意怜幽独白酒无聊漫醉醒牢愁错倚西风立楚些巴歛不可听【李汉老】九日东篱采菊英白衣遥见眼能明向令自有杯中物一段风流可得成【韩子苍】岂有白衣来剥啄亦徒乌帽自欹斜真成独坐空搔首门外萧萧噪暮鸦【程致远】我醉欲眠君罢休已教从事到青州鬓霜饶我三千丈诗律输君一百筹闻道郎君闭东阁且容老子南楼相逢不用忙归去明日黄花蝶也愁【东坡】九日清尊欺白髮十年为客负黄花淮海少年天下士可能无地落乌纱【后山】

冬至

络秀举觞晋周顗母李氏字络秀生顗及嵩谡元帝时并列显位尝冬至举觞赐三子曰尔等并贵列吾复何忧嵩曰恐不如尊防顗志大才短非自全之道嵩性直不容于世唯阿奴碌碌当在母目下耳阿奴谡小字也后皆如其言【本 】

视日晷冬至之日立八尺之表日中视其晷晷如度者其岁美不如度者则岁恶晷进则水晷退则旱进一尺则日食退一尺则月食【后律历志注】

防八能后汉天子以冬夏二至御前殿防八能之士陈八音听乐均度【礼仪志】

增一线去岁兹晨捧御牀五更三防入鹄行何人错忆穷愁日愁日愁随一线长【唐宫中以女工揆日之长短冬至后绣工日增一线鲁直云此说是也杜诗】

一阳冬至日易 曰一阳为复二阳为临三阳为泰三极月令章句曰有三极昼漏极短去极

极远暑景极长【后汉律历志注】

火城冬至元日百官已集宰相列烛多至数百炬谓之火城至则众烛皆防【国史补】

翫冰筴唐开元冬至大雪檐溜皆为冰条妃子使侍儿敲二枝看玩帝问何物妃子笑曰妾所玩者冰筴【摭遗】绣线刺绣五纹添弱线吹葭六琯动飞灰【杜甫】

践长曹植曰冬至献履所以迎福践长孙仲益云践长光亨之始

冰如玉炭长河夜栏干层冰如玉炭【鲍照冬至日诗】

歲除

大傩傩子傩音振逐疫之人也续汉书歲除大傩选中黄门子弟十歲以上十二歲以下百二十人赤帻皂衣执靴以行【东汉皇后纪】

阿防娶妇唐窦懷贞防歲除中宗宴近臣谓懷贞曰闻卿丧妻今欲继室可乎懷贞唯唯俄而禁中寶扇障卫有衣翟衣出者已乃卫后乳媪所谓莒国夫人者故蛮婢也懷贞纳之不辞出谓媪婿为阿爹懷贞每奏事辄自署皇后阿防而或谓国防轩然不慚【本 】【

烹白牛分歲长沙北禅贤和尚歲除示众云今夜无可供养大众待烹个露地白牛与诸人分歲举犹未了有僧出云今官中追呼和尚不合私剥耕牛兼索皮角贤捋下头防僧拾取归众松庵云北庵可谓孝顺翻成骨董含饭还觉面肿一物来到口边先被旁人掷擲【松庵语錄】餽歲别歲守歲蜀之风俗晚歲相与餽问谓之餽歲酒食相邀为别歲至除夕達旦不眠谓之守歲【东坡有三诗】赴壑虵欲知垂尽歲有似赴壑虵修鳞半已没去意谁能遮况欲系其尾虽勒知奈何【东坡诗】

诗今歲今宵尽明年明日催寒随一夜去春逐五更来气色空中改容顏暗里衰风光人不觉已入后园梅【史青】

杂日

正月二十日天穿江东俗号正月二十日为天穿日以煎饼置屋上谓之补天穿李白诗云一枚煎饼补天穿二月一日唐德宗以寒食多与上巳同时欲以二月名节自我为古李泌请废正月晦以二月节为中和节因赐大臣戚里尺谓之裁度民间以青囊盛百谷 菓相问遗号献生子里闾酿宜春酒以祭勾芒神以祈丰年百官进农书以示务本帝悦乃着令与上巳九日为三令节【李泌 注】

二月望日蜀人二月望日鬻蚕器於市因作乐縱观谓之蚕市二苏各有诗【子由诗序】

承露囊隋唐旧事千秋节戚里王公进镜绶带土席结承露丝囊以相遗问

十月五日赤凤来曲汉官故事十月五日上灵女庙吹埙击鼓连臂踏歌歌赤凤来曲【赵飞燕外】

十二月十六日星回南诏以十二月十六日为星回节是日登避风台而清平官赋诗畧曰自我居震旦翊卫赖稷契盖南诏词臣曰清平官天子曰震旦【玉溪编事】清明绣羽防花朝来新火起新烟湖色春光净客船绣羽衔花他自得红颜骑竹我无缘【绣羽眼前所见文禽衔花也杜甫清明诗】

锦绣万花谷前集卷四

卷五

钦定四库全书

锦绣万花谷前集卷五

地

碁局天圆如倚盖地方如碁局天周于外地如卵黄焉鸡子中黄天如鸡子地如鸡子中黄居于天内天大而地小表里有水四海之表浮于元气之上天地各乘元气载水而行【晋志】

坐大船地常动右转譬人在大舟中闭牖而坐舟行而人不觉【河图括地】

地轴春秋括地象云地有三千六百轴

禹步四极诸子称地东西九十万里南北八十五万里日月所照三十五万里地乃过日月之表近为虚诞山海经称禹使大章步东极至西垂二亿三万三千三百里又使竖亥步南极至北垂二亿三万三千五百里【后郡国志注】

二亿三万余里八极之广东西南北相去各二亿三万余里自地至天半八极之数【晋书地理志】

山岳【附石】

岱宗泰山一名岱宗王者受命易姓报功告代于其上岱者代也【白虎通义】

衡山五峯芙蓉紫盖石廩天柱祝融

日观太山东南名曰日观鸡一鸣时见日出秦观者望见长安吴观者望见防稽周观者望嵩山见黄河如带天门登泰山凡五十余盘东上七十里经小天门大天门仰视天门如穴中视天牕【并泰山记】

祝融衡山有祝融峯诗云一千重地尽皆见七十二峯中最高【责琐】

昆仑山万一千里水经云昆仑山去嵩高五万里其高一万一千里又仙传拾遗云西王母居昆仑之圃阊风之苑有城三千里玉带十二左带瑶池右环翠水又十洲记昆仑山有三角一角正北名阊风岭一角正西名圃台一角正东名昆仑宫王母居焉

天台山四万八千丈李太白天姥吟云天姥连天向天横势支五岳掩赤城天台四万八千丈对此欲倒东南倾

黄山四千仞送人归黄山白鹞峯云黄山四千仞三十二连峯丹崖夹石柱菡萏金芙蓉【李白集】

九华山青阳县南有九子山高数千丈有九峯如莲花按图徵名无所依据予乃削其旧号加以九华之目传之将来【李白集】

天目山三万六千丈天目山在湖州安吉县其高三万六千丈势连钱塘【乐史寰宇记】

罗浮耀真天罗山浮山合体故称罗浮在鲁城博罗二县之境高三千丈有七十石室七十长溪名耀真天记云山高三千六百丈周回二百七十七里罗山也浮山乃蓬莱之别岛尧时洪水浮至依罗山而止故曰罗浮【文见东风诗注】

崆峒崆峒山有三其一在临洮一在安定一在汝州【出寰宇记】

五丁蜀王本纪云天为蜀王生五丁力士能徙山秦王献美女于蜀王蜀王遣五丁迎女见一大蛇出穴中五丁共引蛇山崩秦王女皆化为石

秦皇鞭石秦始皇作石桥欲过海观日出有神人能驱石下海石去不速神辄鞭之石皆流血又云始皇以术召石石自行至今皆东首【三齐畧记】

望吴阊门白马孔子与顔回俱上泰山孔子望吴阊门外有系白马引顔渊以指之若见吴阊门乎顔渊曰见之有若系练之状孔子抚其目而止之因与俱下顔渊髮白齿落遂以病死【论衡】

云根唐人多使云根为石以云触石而生白乐天天竺石诗云下担拂云根东坡亦有诗云东麓云根露芽角【诗注】

山骨退之聯句巧匠琢山骨剝中事煎烹【谓石鼎也】

溪中骨山谷诗车载溪中骨推排若差肩

湖嵌韩文潇碧遠输委湖嵌费携擎【潇碧谓竹也湖嵌谓石也】江珎碎月坡公寄石斛怪石诗云山骨裁方斛江珍拾浅滩清池上几案碎月落杯盘【江珍碎月言石也诗注】

海

归墟渤海之东不知防亿万里有大壑焉实为无底之谷名曰归墟八纮九野之水莫不注之【列子】

沃焦沃焦在碧海之东有石濶四万里厚四万里居百川之下尾故又名曰尾闾山海经尧时十日并出尧使羿射九日落为沃焦【又庄子防】

海赋添盐事南史王融作海赋文辞诡激以示顾恺之恺之曰此赋实超 虚但恨不道盐耳即注曰漉沙构白熬波出素积雪中春飞霜暑路【本传】

海不扬波赋阮昌龄一笔成文其警句云收碣石之宿雾敛苍梧之夕云八月灵槎泛寒光而静去三山神 湛清影以遥连【名贤诗话】

碧海东方朔十洲记东有碧海广狭与东海等水不咸苦正作碧色扶桑山在碧海中

青海杜诗青海无 箭天山早挂弓

海市登州海中时有云气如宫室台观人物车马历历可见谓之海市欧公使河朔过高唐县夜有鬼神自空中过人马之声可辨父老云二十年前昼过亦仿佛见人物谓之海市【笔谈】

海外杂国南州皆岸大海多洲岛飘风一日蹕数千里漫不见踪迹其海外杂国若耽浮罗流求毛人夷亶之洲林邑扶南真腊于陀利之属东南际天地以万数或时候风潮朝贡蛮胡贾人舶交海中若岭南帅得其人则外国之货日至【韩文送郑序】

潮

日激水而潮生日傳于天天右旋入海而日随之水因其灼激而退退于彼必盈于此则潮之往来不足 也日激水而潮生月离水而潮大地浮于水天在水外日入则晚潮激于左日出则早潮激于右【文粹】

天河海三水相合縻氏云天河从北极分为两条至于南极其一经南斗中过其一经东斗中过两河随天转入地下过而下水相得又与海水合三水相荡而天转之故激涌而成潮水【抱朴子】

钱镠以弓弩射潮头吴越王钱镠尝以弓弩射潮头与海神战自尔水不近城南东坡诗云江神河伯两醯鸡海若东来气吐霓安得夫差水犀手三千强弩射头低子胥乘素车为潮神吴子胥死戒其子投于江中吾当朝暮乘潮以观吴之败自是海门山潮头高汹涌数百尺越钱塘渔浦方渐低小朝暮再来其声震怒雷奔电激闻百余里时有见子胥乘素车白马在潮头之中因立庙以祠之

夏潮大冬潮小潮者据朝来也言夕至也一月之中天再东再西故潮水再大再小又夏时日居南宿陰消阳盛而天高一万五千里故夏潮大也冬时日居北宿陰盛阳消而天卑一万五千里故冬潮小也春日居东宿天高一万五千里故春潮渐起也秋日居西宿天卑一万五千里故秋潮渐减也【抱朴子】

沓潮早潮下晚潮上两水相合谓之沓潮

陵山触岸又曰涛水者潮取物多者其力盛来远者其势大今潮水从东地广道远陵山触岸从直赴曲其势不泄故涌起成涛【并番禺记】

诗八月十八潮壮观天下无鲲鹏水击三万里组练长驱十万夫
海上涛头一线来楼前指顾雪成堆从今潮上君须认更看银山二十回【东坡】

川渚

水神无支祈唐永泰中李汤任楚州有渔人钓山下入水见大铁锁盘绕山足汤命渔人加五十牛曳之见一兽状如青猿观者奔走后公泛洞庭得古岳渎经云禹理淮水惊风雷禹怒获淮涡水神名无支祈受之庚神庚神锁之置山之下【见异闻集】

紫山黄河源河之上流由洪济梁西南二千里水益狭春可涉秋夏乃胜舟其高三百里三山中高而四下曰紫山古所谓昆仑者也东距长安五千里河源其间流澄缓下稍合众流色赤见行益远他水并注则浊河源南北直莫贺延尾盖劔南之西唐刘元鼎所见如此【出吐蕃】

淮水絕王氏灭王 初仕郭璞筮之曰淮水絕王氏灭【晋本】

颍水浊灌氏族灌氏汝陰人陂池田园行颍水颍水儿歌曰颍水清灌氏宁颍水浊灌氏族

防风寒数处吴纪步騭聘魏文帝问吴之戍备防何曰自西陵至江都五千七百里疆界虽远必争之地不过数四犹人有六尺之躯其护风寒亦数处尔

笑布囊塞江孙权尝曰吕岱步騭說北人欲以布囊盛土塞江每读此表令人连日失笑【初学记云吴纪】

湖

五湖即太湖三万六千顷禹贡谓之震泽周官谓之具区史谓之五湖以周回五百里故谓五湖又名笠泽又名太湖发湖州长兴县界入常州晋陵界又入无锡界晋陵之东入苏吴县界广三万六千顷下有地道潜通巴陵龙威丈人之所居也又或称洞庭【十道记】

洞庭青草洞庭湖西岸有沙洲堆阜隆起即青草庙下一湖之内中有此洲南名青草北名洞庭所谓重湖也【张舜南迁録】

宫亭湖分风东汉时庐山有神与人语言饮酒投杯能令宫亭湖中分风船行举航相逢栾巴为豫章太守未到十数日庙问神不复作声【巴本】

临安

龙飞凤舞郭璞有防云天目山前两乳长龙飞凤舞到钱塘海门两防蛾眉在五百年生异姓王自东晋迄五代钱镠适当其年

鹫峯蟾窟月缺霜浓细蘂干此花元属桂堂仙鹫峯子落惊前夜蟾窟枝空记昔年东坡以桂花分赠杨纶【桂堂仙姮娥天竺山昔有梵僧云此山自天竺鹫峯飞来八月十五日夜尝有桂子落蟾窟指杨纶及第也坡诗】金堂玉室许迈遗王羲之书云自山陰南至临安多有金堂玉室左元放之徒在焉【坡注】

锦溪钱镠宴故宅山林皆防以锦故有锦谿又有石镜镠照之镜起而耸【临安志】

衣锦城唐昭宗升钱镠营为衣锦城石鉴山曰衣锦山镠宴故宅林皆覆以锦又号其防所尝戏大木曰衣锦将军【五代史】

石镜临安净土寺前有石镜钱镠布衣时尝照镜镜起而耸

陌上花吴越王妃每歲春必归临安王谓妃曰陌上花开可缓归吴人用其语为歌其词东坡为易之其一曰陌花开时蝴蝶飞江山犹是昔人非遗民防度垂垂老游女长歌缓缓归【坡诗注】

还乡歌钱镠为镇东军节度使封吴越王唐昭宗诏以所居为衣锦城大官山曰功臣山镠宴故老作还乡歌曰三郎还乡兮衣锦衣父老远来相追随斗牛无索人无欺吴越一王驷马归【坡功臣等诗注】

天竺寺白乐天天竺寺诗云一山门作两山门两寺元从一寺分西涧水流东涧水南山云起北山云前台花发后台见上界钟清下界闻遥想吾师行道处仙花桂子落纷纷【本集】

灵隱寺宋之问游灵隱寺夜吟曰鹫岭郁岧峣龙宫隱寂寥久不能续有老僧坐禅曰何不道楼观沧海日门对浙江潮桂子月中落天香云外飘扞萝登塔遠剝木取泉遥霜薄花更发冰轻叶互凋待入天台路看余渡石桥迟明僧不见人以为骆宾王也【古今诗话】

梦谢亭白乐天诗梦儿亭古一名谢教妓楼新道姓苏【州西灵隱寺山上有梦谢亭即杜明

浦梦谢灵运之所因名梦儿山白集】

却月廊梦绕吴山却月廊杨梅卢橘觉犹香【杭州梵天寺有月廊数百间多杨梅卢橘坡诗】

三百六十寺西湖天下景游者无愚贤浅深随所得谁能识其全三百六十寺幽寻遂穷年所至得其好心知口难传【坡诗】

积葑筑堤杭州西湖南北三十里环湖往来终日不達东坡治葑田积湖中为长堤以通南北又云已打量葑田二十五万余丈【墓志】

苏公堤杭州本江海之地水泉咸苦唐刺史李泌始引西湖水作六井民足于水及白居易复浚西湖 水入运河自河入田所溉至千顷然湖水多葑久废开治至是积二十五万余丈而水无防矣运河失湖水之利取给于江潮潮浊多 河行阨阨中三年一淘为市井大患而六井亦防废子瞻至浚二河以茅山一河受江潮以盐桥一河受湖水复造堰闸以为湖水蓄之限然后潮不入市且复修六井又取葑田积湖水为长堤以通南北杭人名其堤曰苏公堤【墓志】

诗望海楼明照晚霞防江堤白踏晴沙涛声夜入伍员庙柳色春藏苏小家红袖织绡夸柿蒂青旗沽酒趁梨花【城东楼名望海俗号酒名梨花春】余杭形胜四方无州傍青山县枕湖绕郭荷花三十里拂城松树一千株梦儿亭古传名谢教妓楼新道姓苏【乐天】钱塘江北百余里涨沙不复生菰蒲沙田老桑出叶麓江潮打根根半枯八月九月秋风恶风高驾潮晚不落鼓声咚咚舳舻争凑富春城下泊【晁无咎】楼观沧海日门对浙江潮桂子月中落天香云外飘【骆宾王】灯火万家城四畔星河一道水中央【乐天】门前碧浪家家海楼上青山寺寺云【陈尧佐】镇长锦绣花边日堆叠琉璃水面风【范尧夫】水光防滟晴方好山色空蒙雨亦奇欲把西湖比西子淡妆浓抹总相宜【东坡】日暖梨花催美酒天寒桂子落空山【欧公】

苏州

虎丘吴王阖庐 国西铜棺三重水银为池金玉为凫鴈扁诸之劍三千方圆之劍三千槃郢鱼肠之劍在焉葬后三日金精之气上扬化为虎据其坟故号虎丘蛇门阖闾内 云立闾门者以象天门通闾阖风立蛇门者以象地户【并吴越春秋】

姑苏台越絶书曰阖闾起姑苏台三年聚材乃成高见三百里

阖闾城吴王阖庐使伍子胥相土尝水象天法地筑为大城四十里小城十里开八门以象八风【吴郡图经】

观风楼飞云阁白乐天于西楼命宴齐云楼晚望皆有诗【西楼今之观风楼也齐云今之飞云阁也图经】

润州

狼石润州甘露寺有石如羊名狼石相传诸葛孔明与孙权坐此以谋曹公【坡注】

万歳楼润州城南有楼名万歳俗 楼上烟出刺史即死不死即罢开元后董琬采访居此州尽日烟出刺史忧愁至死乾元中又烟出有史密俟之就视乃蚊子楼中有井小虫黑色而小作团而上遥见类烟从此无虑【广记】

四雄甘露寺有狼石诸葛亮孙权坐此谋曹公又有二铁镬梁武帝所铸李德裕祠堂坡诗云四雄皆龙虎遗迹俨未刊

北固楼润州城西有岭入江高数十丈三面水照号曰北岭蔡君谟起楼其上武帝升之乃曰此岭不足须固守京口实乃壮观遂改曰北固故诗云北固楼前一笛风碧云飞入建昌宫

戴公山戴颙世居剡下又徙居京口止黄鹤山宋文帝欲见之尝谓黄门曰吾东巡之日当宴戴公山下【南史】诗两州城郭青烟起千里江山白鹭飞 三峡江声流笔下六朝山影满樽前【杨蟠】雄风摇碧緑画角吊黄昏一带分江汜双峯防海门【韩持国】云捧楼防耸天上风飘钟磬落人间银河倒泻分双月锦水西来转防山【杨蟠】金山沓在沧溟中云崖冰柱浮仙宫乾坤扶持自今古日月彷彿躔西东寒蟾八月荡瑶海秋光上下磨青铜鸟飞不尽暮天碧渔歌忽断芦花风【郭正祥】万古波心寺金山名自新天多剩得月地少不生尘过櫓妨僧定惊涛溅佛身谁云张处士题后更无人【孙鲂】海山乱防当轩出江水中分绕槛流天遠楼台横北固夜深灯火见扬州【杨蟠】楼台影落鱼龙骇钟磬声来水石寒日暮海门飞白鸟潮回 步见黄滩【王令】天末海门横北固烟中沙岸似西兴【王介甫】僧依玉鉴光中住人在金鼇背上行【苏绅】水光浮柱础天影带楼台触石云孤起吹潮雨四来【石曼卿】山分江色破潮带海声来【范仲淹】淮船分蚁防江市聚蝇声【徐融】涛头风雪里山脚石蟠虬【女仙】

秀州

檣李吴王阖闾伐越越王迎击之檣李越使死士挑战三行造吴师自到吴师观之越因伐吴败之注云檣音醉在嘉兴县有檣李城今秀州也【史记】

湖州

太湖【事见湖门】

苕溪霅溪苕水出浮玉山又云霅水苕水之别名大率一水二名皆在湖州【寰宇记】

又坡诗注苕溪四水之一名四水合为一溪曰苕溪曰前溪曰余溪曰霅溪

白苹洲柳恹为吴兴守诗曰汀洲采白苹日晚江南春因此得名【坡诗注】

弁峯霅水未浑纓可濯弁峯初见眼应明【弁峯湖州山名坡诗】松江一名笠泽出太湖东北入海【吴郡图经】

昆山在本县西北又在华亭晋陆机与弟云生于华亭以文为世所贵时人比之昆冈出玉故此山得名水晶宫吴兴集刺史杨汉公杰九月十五日夜絶句云江南地暖少严风九月炎凉正得中溪上玉楼楼上月清光合作水晶宫吴兴因此谓之水晶宫【苕溪诗话】

雪宫坡诗不见飞蚊如立豹请垂白马过垂虹吟哦相对防三伏拟泛冰溪入雪宫【谓湖州也】

金沙泉造茶湖州长城县啄木岭金沙泉每歲造茶之所居常无水湖常二郡守至境具牲祭泉其夕清溢造御茶毕其水即微减太守造毕即涸【张君房脞説】

骆駝桥唐垂拱中作骆駝桥以形似駝背名之【东坡诗注】垂虹桥吴江有桥庆历八年县尉王庭坚所建东南千余尺縈以修栏甃以净壁前临具区横截松陵湖光海气荡漾一色桥有亭名曰垂虹云苏子美有诗是也洞庭水经云有洞室入地潜行北通琅玕东武俗谓之洞庭【并图经】

杜牧寻春迟杜牧闻湖州奇丽往游之因见一女子期之曰吾不十年来守此郡从所适泊牧守湖女已从人三年矣牧因赋诗曰自是寻春去较迟不须惆怅怨芳时狂风落尽深红色綠叶成陰子满枝

诗余杭自是水仙窟似闻吴兴更清絶湖中橘林新着霜溪上苕花正浮雪顾渚茶芽白于齿梅溪木 红胜颊吴儿脰缕荡欲飞未去先説馋涎垂亦知谢公到郡久应 杜牧寻春迟【东坡】苕溪清浅霅溪斜碧玉寒光照万家谁向月中终夜听洞庭渔笛隔芦花【陈尧佐题碧澜堂】霅溪景物见歌诗只有当年杜紫微沽酒店穿斜巷出采莲船傍后门归翠沾城郭山千防清蘸楼台水一围【出俞秀老】

常州

罨画溪古云常州阳羨三湖九溪地志云今只有六溪其三溪不知其处六溪之中有荆溪首受芜湖东至阳羨入海浙俗呼为罨画溪【坡诗】

惠山泉刘伯刍论水以扬子江为第一惠山石泉为二李秀卿论水庐山康王谷水第一无锡惠山泉第二凡三十六种【六乙集】

漪澜堂常州无锡县惠山寺有漪澜堂

越州

禹以防稽名郡越州防稽郡禹扬州之域春秋属越国春秋元命苞牵牛流为扬州分为越国吴志防稽连南山万里北带浙江吴越春秋禹巡行天下归还大越防稽修国之道以会稽名郡云【十道志】

沃州山天姥岑东南山水越为首剡为面沃州天姥为眉目沃州山剡县南三十里天姥岑之阴南对天台北对四明谢灵运诗暝投剡中宿明登天姥岑朱放诗月在沃州山上人在剡溪江边【文粹】

镜湖防稽山阴编户三万号为天下繁剧王羲之每行山上如镜中遊献之曰望镜湖清流注泻乃天下山川之美使人应接不暇【十道记】

禹穴司马迁南游江淮上防稽探禹穴张宴曰禹巡守至防稽而崩因焉上有孔穴或云禹入此穴【史记】苕罗山越州诸暨县苕罗山有东施家西施家西子姓施而在西者越王以献吴王其后竟以灭吴【小牋】

若耶溪南北风射的山南白鹤山为仙人取箭郑采薪得一箭有人见而取之郑还之问何所欲识其神人也曰常患若耶溪载薪为难愿旦南风暮北风后果然若耶溪风至今为然呼为郑公风【本】

蓬莱阁越州号蓬莱元微之守越以州宅夸白乐天云我是玉皇香案吏谪居犹得在蓬莱今越州有蓬莱阁因元立名及以名酒也【坡诗注】

云门寺若耶溪云门寺在越州会稽县南【杜诗】

雷门王尊曰母持布鼓过雷门【雷门谓防稽有大鼓擊之声闻洛阳汉书】千岩万壑人问顾凯之越州山水曰千岩竞秀万壑争流

明州【奉化郡】

四明山四明山二百八十峯洞周回一百八十里山有四门通日月星辰光故名四明

鸶脰孙仲益尺牋云四明二湖之胜而新筑领其要顷见曾南丰集记广德湖俗所谓鸶脰者

今垦而为田矣【南丰集】

台州【天台临海郡】

应台星故名天台天台赤城山高一万八千丈周回五百里上应台星故曰天台【洞天福地记】

赤城山赤城山色赤状似云霞故天台赋云赤城霞起以建标【防稽记】

玉霄峯天台山有玉霄峯唐司马子微所居之处金庭宫按仙经桐柏山金庭宫一名天台山周灵王太子得道为桐柏真人治金庭宫云

国清寺丰干丰干禅师居国清寺乘虎入松门众惊后于天台山示防

寒山拾得寒山者始丰县有寒明二岩以居寒岩中得名时往国清寺就拾得取僧残食食之拾得者因丰干行山中见一儿可数岁孤弃丰干携至国清寺名拾得在厨内涤器尝日斋毕澄溢食滓寒山来即负之而去闻丘公出牧丰干造之闻丘乞一言丰干曰到任记谒文殊普贤曰二菩萨安在师曰国清寺洗器者寒山拾得是也闻丘寻至寺问寒山拾得是何人有僧对曰二人现在厨执役闻丘访之不觉致拜二人连声叱咄曰丰干饶舌二人自此相携出松门闻丘又至寒岩礼谒二人高声喝之便缩入岩石缝中忽然缝合【并灯录】

婺州

天文婺女名郡东阳郡禹贡扬州之域春秋为越之西界秦属防稽汉初置荆吴二国郡国志婺州正得东越之地属防稽为东阳州吴宝鼎元年始分防稽置东阳郡隋平陈为婺州盖取地为天文婺女之分野异苑志陈阳颜乌以纯孝著名羣乌助衔土成坟乌口皆伤一境以为至孝所致因以县名乌伤【十道志】

温州

郡国志又为东瓯十道志永嘉郡会稽之东境也汉永建四年置永宁县郡国志永嘉为东瓯郁林为西越斯地蚕一年八熟

鴈荡山自古图史不载鴈荡山按西域书云按诺矩罗居震旦东南大海际鴈荡山唐贯休诗云鴈荡经行云漠漠龙湫宴坐雨蒙蒙其上有经行台宴坐峯后人以休诗名之【古今诗话】

衢州

三衢山名州十道志衢州信安郡土地所属与婺州同唐武德四年李子通于信安县始置州西有三衢山因以为名輿地志后汉献帝初平三年分太末县立新安县晋康元年 农有新安改名新安左 越伐吴王孙弥庸观越见姑蔑之旗【杜预注今云东阳大蔑县是此地也秦汉为太末县今龙丘乃春秋东阳太末也】

处州

图经古缙云之墟图经缙云郡古缙云之墟也秦为会稽郡汉初为东瓯地后以为台州回浦县光武更名章安晋分为永嘉郡輿地志永嘉郡本防稽东部地晋明帝太宁元年分临海等五县立永嘉郡图经丽水县有恶道中有突星漱灵与弟书曰闻恶道溪中九十九里有五十九滩永嘉记曰右军游恶道叹其奇絶遂至突星漱灵吴地记松阳县在南临大溪有松树大八十一围中空可容三十人坐取此以为名永嘉记曰青田县有草叶似竹可染碧名为竹青此地所丰故名青田浮丘公相鹤经曰青田之鹤

建康【建邺金陵秣陵皆建康也】

王气本名金陵秦时望气者曰东南有天子气五百年有王者兴始皇遂东游以厌之改金陵为秣陵孙权又改为建邺至晋元帝适当其时

龙蟠虎踞诸葛孔明谓吴帝曰钟山龙蟠石头虎踞真帝王都也【寰宇记】

猿惊鹤怨杨蟠诗猿惊鹤怨不知处虎踞龙蟠空见山【猿惊鹤怨蒋山二谷之名翰苑名谈】

石头城建安十六年改秣陵曰建邺孙权改后十七年又改石头城

地肺陶隐居真诰云金陵者勾曲之地肺也水至则浮故曰地肺

三茅君三秀山茅蒙【字物成】先是有谣曰神仙得者蒙初成继世而往在我盈蒙之孙盈【字叔申】汉地节中得道于金陵勾曲山受金匱九锡之命为司命真君邦人改勾曲为茅君山【洞仙 】又掇遗又神仙 大茅君名盈次名固次名衷老君拜盈为司命真君固为定録真君衷为保生真君故号三茅君【又真诰注有大茅山中茅山小茅山山之峯各秀故曰三秀】三阁陈后主宠张丽华起迎春结绮望仙三阁并复道往来

西州门江宁府有东府城城中扬州廨在府西故时人谓之东府西州而东府之西门谓之西州门又云会稽王道子第在东府城之东谢安薨以道子代领扬州扬州在第西故时人号为东府西州【坡诗注】

白下长干白下县故城在上元县城西本江乘县白石垒吴都赋长干延属【李善注云江东

谓山冈门为干建邺之南有山间平地故曰干今城南有长干寺城东门有白下亭是也】

芙蓉堂王荆公罢相知金陵作诗曰投老归来一幅巾君恩犹许备藩臣芙蓉堂下防秋水聊与龟鱼作主人【东轩笔録】

诗山围故国周遭在潮打空城寂寞回淮水东边旧时月夜深还过女墙来台城六代竞豪华结绮迎春事最奢万户千家成野草只縁一曲后庭花【台城】王濬楼船下益州金陵王气黯然收千寻铁锁沉江底一片降幡出石头荒苑至今生茂草古城依旧枕寒流如今四海归皇化两岸萧萧芦苇秋【并刘禹锡】玉树歌沉王气终景阳兵合曙楼空梧楸远近千家冢黍稷高低六代宫石燕拂云晴亦雨江豚翻浪夜还风英雄一去豪华尽惟有江山似洛中【薛许昌】

宣州

宛水昭亭宛水昭亭山谷诗试説宣州郡停杯且细听晚楼明宛水春骑簇昭亭 防丰圩户桁杨卧讼庭谢公歌舞地时对换鷺经【宣州即汉之宛陵县有宛溪水诗话】

打鸭惊鸳鸯吕士隆知宣州好答官妓适杭州一妓到士隆喜之一日郡妓复小过士隆欲答之妓曰某不敢辞但杭妓不安士隆舍之梅圣俞作莫打鸭诗曰莫打鸭打鸭惊鸳鸯鸳鸯新向池西路不比孤洲老鸕鸕【鸕一作秃魏泰诗话】

徽州

因晋孔愉故名新安郡歙州新安郡属扬州春秋时属越秦属丹阳郡汉志黟县属丹阳郡浙江出焉师古曰晋孔愉字敬宗防稽人永嘉之乱避地入新安山谷以稼穡读书为业信着乡里后奄忽而去人皆以为神为立庙孔灵村梁书任昉为新安守讽枫香二石始入三两便止不欲遗之后人及下任昉惟有桃花米二十石图经曰歙州婺源县本晋休宁县东阳记上应婺女星故名【十道志】

饶州【鄱阳郡】

余干白云亭唐刘长卿字文房为随州守题余干东斋亭云世事终无梦生涯为半过白云心已矣沧海意如何后人立白云亭山谷题云曩谁筑孤城胜日有感遇永懷知随州因榜白云句【黄诗注】

断鳖洲吴时长沙大饥杀人无数孙权使赵逵占之曰天地川泽相通如人四体鼻衄炙脚而愈今余干水口尝一起一洲形如鳖食彼郡风气可掘去权遣人断其背饥遂止其水在饶州余干县【洽闻録】

干越亭饶州余干县有干越亭前瞰琵琶洲后枕思禅寺林麓森郁千峯竞秀张祜题云扁舟亭下驻烟波十五年游从此过洲背露沙人渡浅风梢藏竹鸟啼多层栏涨水痕犹在古板题诗字已讹况是高秋正圆月可堪闻听异乡歌【文公谈苑】

楚州【山阳】 壽州【壽春】 庐州【庐江】

海州【海陵】 和州【歷阳】 濠州【渦口】

隆兴

隋平陈为洪州豫章禹贡扬州春秋吴秦九江郡汉豫章隋平陈为洪州【十道志】

慨口城东十三里县列江边名慨口豫章大江之口也昌邑王每乘流东望辄愤慨而还故谓之慨口【后地理志】丰城寶劔干牛斗张华传云初吴之未灭牛斗之间常有紫气术者以为吴方强盛惟张华以为不然及吴平紫气愈明华闻豫章人雷焕妙達纬象乃邀焕同登楼仰望焕曰斗牛之间颇有异气华曰是何祥也曰寶劔之精上彻于天耳华问在何郡曰在丰城华即补焕为丰城令掘狱屋基入地四丈余得石函中有双劔一曰龙泉二曰太阿其夕斗牛间不复见气焉

陈蕃榻后汉陈蕃任南昌罕所接见惟设一榻以待徐穉去则悬之故滕王阁记云人杰地灵徐孺下陈蕃之榻

贛州

隋平陈立防州南康郡春秋吴秦九江郡汉为贛县属豫章后汉兴平二年分豫章庐陵郡而贛县属焉晋大康二年立南康郡隋平陈立防州以防化水而得名又曰南康县本汉南野县吴録南野县有大庾山九岭峽通广泉【十道志】

八境孔周翰守防以八境图寄东坡求诗坡为赋八首郁孤台章贡台白鹤楼阜盖亭尘外亭

螺女庙谢端钓于江上获巨螺置之于家每归则饮食盈案潜候之有女子具饌于室执而问焉女曰我乃螺女水神天帝悯君之孤遣为具食我亦当去乃留空螺曰君有所求取于螺出门不见后端食乏探螺皆如意传数世犹在故有螺女洲螺女庙在防州东南【坡诗注】

袁州

隋平陈置州宜春属扬春秋吴秦属九江郡汉为豫章郡之宜春县晋武改宜春隋平陈分洪州宜春立袁州吴録宜春县出美酒每歲上贡赋计吏

吉州

以吉阳山名郡吴越战国楚秦并天下属九江南部都尉汉为卢陵县属豫章雷次宗豫章志献帝初平二年始立郡图经隋平陈改庐陵郡为吉州以吉阳山为郡名【并十道志】

抚州

隋平陈置州临川郡禹贡扬州春秋吴地秦九江郡汉立南昌县后汉分南昌立临汝县吴太平二年分豫章之临汝南城县立临川郡即今州也隋平陈置抚州晋王羲之为临川内史宅于郡城东偏荀伯子临川记曰右军故宅其地爽垲山川若画每重阳日二千石多萃于斯旧宅及墨池犹存汉地理志高帝六年大将军灌婴立洪州其年分洪州南境之南城县以其在郡城之南故曰南城【十道志】

江州

宫亭湖庐山南临宫亭湖西南有双阙壁立千余仞有瀑布焉【后地理志】

琵琶亭诗夜泊浔阳宿酒楼琵琶亭畔荻花秋云沉鸟没事已往月白风清江自流

吏隱白居易江州司马防记曰郡南楼山北楼水湓亭百花亭风篁石岩瀑布庐宫源潭洞东西二林寺泉石松雪司马防尽有之苟有志吏隱舍此何求焉【职官分纪】锦绣万花谷前集卷五

卷六

钦定四库全书

锦绣万花谷前集卷六

西京

艺祖诞圣西京应天寺本后唐夹马营大中祥符二年以太祖诞圣之地建寺锡名后奉祖宗神御【挥尘录】五相隣居西洛有五相隣居诗赓和文潞公富韩公弼王相二张相也故谚云吾乡有宰相坊【青琐】

扬州

三十六英雄杨行密起合肥所与起事者刘威陶雅之徒号三十六英雄后都扬州【徐温】

璧社湖珠嘉祐中扬州有一珠甚大初出于天长县陂泽中后转入璧社湖后又入新开湖中九十余年常常见之珠大如拳烂然不可视十余里间林木皆有影如日初照【沈存中笔谈】

戏马赏心唐李蔚镇淮南见郡寡胜游之地命于戏马亭西连玉钩斜葺亭名曰赏心亭以备游宴【桂苑丛谈】

潭州

橘洲张舜民南迁录橘洲在湘州南北与州城等又诗注秦少防死藤州其子防丧藁殡潭州鲁直有诗云长眠橘洲风雨寒谓此【山谷诗注】

蒸池衡阳县吴之临蒸以蒸水名老杜诗衡岳江湖大蒸池疫疠偏今在潭州后山寄潭州诗宣室来何暮蒸池得借留【寰宇记】

定王城贾傅井杜诗不见定王城旧处长懷贾傅井依然即长沙定王湘州南寺之东有井即贾谊宅有井小而深上斂下大状如壶今为陶侃庙

三絶长沙人咤吾州有三絶天下不可及猫头笋一枚重秤 黑潭取鱼一网逾千斤巨舰漕米一船万石【出倦游录】

永州

愚溪柳子厚愚溪诗序曰灌水之阳有溪焉东流入潇或曰冉氏尝居之故姓是溪为冉溪余以愚触罪谪潇水上爱是溪入二三里得其尤绝者家焉更名之为愚溪浯溪陶岳零陵记曰浯溪在永州北水路一百余里唐上元中容管经畧使元结罢任居焉谓溪世无名为自爱之故名溪曰浯溪山曰嵒山亭曰浯亭意取其独有也因刻中兴颂在旁

潇水永州地名鼻亭穷崖绝徼非人迹可历其下乃潇水俗谓麻滩岸有庙即象祠也孟子曰舜封象于有庠所以富贵之也【倦防录】

朝阳岩元结朝阳岩序曰零陵郭中有水石之异泊舟寻之得岩与洞以其东向遂以朝阳名之

淡山岩零陵总记云淡山岩在永州西南其地宜淡竹故黄有诗云去城二十五里近天与隔尽俗子尘谓此故人亭梁柳恽诗汀洲采白苹日晚江南春洞庭有归客潇湘逢故人后因于潇湘水合处立故人亭

荆南

九十九州江陵先有九十九洲古老相承云洲满百当出天子桓 为荆州刺史内怀逆心乃遣凿破一洲以应百数随即崩散宋文帝为宜都王在藩一洲自生俄而文帝绍统后遇祸此洲复没太清末枝江合浦复生一洲明年梁元帝即位帝太清初为荆州刺史至承圣末其洲与大岸相通惟九十九洲云魏师围荆州虜元帝去

呼鹰台刘表为荆州牧筑台名呼鹰乃作野鹰来曲坡诗云莫上呼鹰台平生笑刘表

息壤江陵南门之外瓮门之内东垣下有小瓦堂室一所高三尺许询其州人曰此息壤也鞠其由数百年前此州忽为洪涛所没未没者三二版州帅惶惧有书生博读甚广召问之曰此是息壤也息壤记曰禹湮洪水兹有海眼泛之无常禹乃铸石造龙之宫室寘于穴中以塞水脉后筑此城毁其旧制是以有此患请掘而求之果得石室已损荆帅于是以息壤培之其水始绝今于其上起屋以法其所也【玉堂闲话】

柏堂画渚宫故事天皇寺柏堂有张僧繇图卢舍那佛夜有奇光发屋唐阎立本尝观旧迹明日往又明日往留宿其下十余日不能去

鄂州

黄鹤楼李太白诗我且为君推碎黄鹤楼君亦为我倒却鹦鹉洲坡诗黄鹤楼前月满川意起于神异

陶公柳坡诗连山蟠武昌翠木郁樊口空 孙郎石无复陶公柳【陶侃尝课诸营种柳都尉夏施盗植之已门后侃见问曰此武昌西门柳何故盗种此施服罪陶 】

菩萨泉寰宇记樊山在鄂州武昌县西山东十步有冈冈中有东溪东坡序曰寒溪少西数百步则为西寺寺有泉色白而甘号菩萨泉李常侍谓予岂昔阿育王所铸文殊金像所在乎

怡亭欧公集古録曰怡亭铭在武昌江中有小岛亭在其上刻于岛石李冰阳篆裴虬撰

赤壁周瑜与曹公遇于赤壁瑜部将黄盖取防冲鬪舰实以薪车裹以帷幕欺以欲降盖放火诸船同时火发延烧岸营曹公败退【吴志周瑜 】

山作八字数不及九戴祥言于庾亮曰武昌土地有山无林政可图始不可居终山作八字数不及九昔吴用壬寅来上创宫城至己酉还下秣陵陶公亦涉八年土地盛衰有数人心去就有期不可移也公宜更择佳处不可从住【晋方技 】

成都

宋武伐蜀之谋宋武帝与朱龄石密谋伐蜀谯縱帝曰刘敬瑄往年出黄武无功而退贼谓我今当外水往而料我当出其不意犹从内水来也必重兵守涪城以备内道若向黄武正堕其计今以大众自外水趣成都疑兵出内水此制敌之奇也别有函封付龄石至白帝乃开曰众军悉从外水取成都臧熹朱枚于中水取广汉使羸弱乘高舰十余由内水向黄武谯纵果备内水龄石至彭模斩其将侯畔纵奔巴西巴西人斩之【南史龄石传】蚕丛啓国之誓老杜石笋行云君不见益州城西门陌上石笋双高蹲古来相传是海眼苔蘚食尽波涛痕雨多往往得瑟瑟此事恍惚难明论恐是昔时卿相基立石为表今仍存【成都子城西金容坊有石二株挺然耸峭高丈余耆旧 云其名有六曰石笋曰蜀妃门曰沉犀石曰鱼鳧仙坛曰西海之眼曰五丁石门皆非也图经云乃前秦寺之遗址诸葛亮掘之方验有篆字曰蚕丛氏啓国誓蜀之碑以二石柱横埋连接铁其中一南一北无所偏邪又五字蚀歟触觸时人莫晓后蜀相范贤议曰亥子歲蚀字可记主水灾寅卯歲歟字可记主饥饉己午歲烛字记主火灾辰戌歲触字记主兵灾申酉歲觸字记主稼穡富贍悉以年事推应验符响】

濯锦江成都记濯锦江丞相张仪所作笮桥东下枕水此水濯锦则鲜明他水则不能又有虹桥【杜诗注】

锦官城锦官城畔柏森森【成都府城亦呼为锦官城以江山明丽错杂如锦也杜诗】万里桥华阳乃成都倚郭县名东有万里桥诸葛亮送吴使至此曰万里之行自此始也【蜀志】

散花楼唐成都府有散花楼河中府有薰风楼緑莎防郑州有夕阳楼【李学士家谈】

城秦惠王遣张仪取蜀以龟之行迹筑城谓之 城【殷文圭集注】

画防淳化中李顺乱蜀张乖崖镇蜀日郡西有堂屏乃黄筌画双鹤花竹名曰双鹤亭南壁乃黄氏画湖滩山水双鹭冠於两川贼平公自置画为一堂名曰画防【湘山錄錄】

石犀秦李冰为蜀太守立石犀五头以厌水精后转为牛一在石牛门一在渊中又作三石人立水中与江神要水竭不至足盛不没肩又凿平水道水神怒冰乃操刃入水乞神鬪迄今防福【杜石犀行注】

福州

望海亭蔡君谟守福州李泰伯访之一日命泰伯陈烈早膳于望海亭膳罢籍妓鬻酒后亭敛袂声喏而过蔡遂留之旋命觥具方歌一拍陈怖骇越墙攀木而遁泰伯即席赋诗云七闽山水掌中窥乘兴登临至落晖谁在画帘沽酒处防多喧櫓赴潮归晴来海色依稀见醉后乡心积渐稀山鸟不知红粉乐一声檀板便惊飞【湘江野錄】

中官区藪唐时诸道歲进閤官号白闽岭尤多后皆任事当时谓闽中为中官区藪

建州

武夷北苑壑源沙溪北苑壑源沙溪皆造茶之处北苑官焙也歲贡为上壑源私焙也为次沙溪外焙也为下东坡诗云帝规武夷作茶圉山为孤凤翔且嗅胡仔云余至富沙按其地武夷在富沙之西隶崇安二百余里北苑在富沙之北隶建安去城二十五里即与武夷相去远甚武夷未尝有茶茶之精者乃在北苑自有一溪南流至富沙城下方与武夷水合流东去其言帝规武夷作茶圉者非也又以武夷山为凤凰山故有山言帝规武夷作茶圉者非也又以武夷山为凤凰山故有山为孤凤翔且嗅之句北苑茶山乃凤凰山也方悟东坡为人所诳凤尾砚必是劔浦黯淡滩石【茗溪诗话】

兴化

壶公山兴化防云壶公山若断莆田朱紫半水绕壶公山此时方好看蔡君谟兴水利引水绕壶公山登第在朝朱紫半矣【搜神秘览】

广州

五羊昔高固为楚相五羊冲谷至其庭因以五羊名其地六国时广属楚故也【广川记】

鬼工筑城魏罐侍郎知广州子城一角忽頽一古砖有四大字云委于鬼工是魏字公感其事大筑新之罢还未防依寇广州外城一击而圯独子城坚民賴以生贼平以公有前知之备加諫议大夫再知五羊公以筑城之功自论久不报作感懷诗内云螭头赐对恩虽厚雉堞论功事已空文潞公采诗呈加龙图阁学士尹应天府【古今诗话】

蚬子蛮婢丘濬诗碧睛蚬婢头防布黑面羣儿耳带环防处楼台皆枕水四周城郭半围山
街上腥臊堆蚬子口中脓血吐防榔
风腥蛮市合日上瘴云红又丁谓诗梅花过岭路桃叶渡江船

梦灯广守数人连卒多见梦灯后段公作守梦灯遍郡城以为忧未防果九十日卒【见闻录】

海神庙唐天寶十载封南海神为广利王广州之东南海道八十里扶胥之口黄木之湾尝以立夏气至祝册自京师至命刺史行事祠下事讫驿闻当祀时海常多大风将往皆忧戚故尝以疾为辞委其副韩碑云号祝融庙

经过城门得三千万世云广州刺史但经城门一过便得三千万【谢琨】

贪泉州北二十里名石门有水曰贪泉饮者懷无厌之欲吴隱之为广州刺史至泉所饮之赋诗曰古人云此水一防懷千金试使夷齐饮终当不易心【本】

诸郡名

两浙道院淮南道院江陰军北阻大江地僻鲜将迎之烦公事絕少通州南阻江东北濒海讼稀事简士大夫谓江陰为两浙道院通判为淮南道院【澠水笔谈】

节度军州名建康军【建康府】防国军【河中府】永兴军【京兆府】成德军【真定府】天雄军【大名府】武安军【徐州】泰宁军【兗州】保平军【陕州】昭德军【潞州】威武军【福州】宁海军【杭州】镇东军【越州】安遠军【安州】彰武军【延州】镇南军【隆兴】武昌军【鄂州】宁江军【防州】宁武军【利州】清海军【广州】定难军【夏州】镇海军【青州】天平军【郢州】彰信军【曹州】安化军【密州】镇安军【陈州】忠武军【许州】武胜军【邓州】武成军【滑州】南康军【房州】奉宁军【郑州】昭化军【金州】淮康军【蔡州】永清军【贝州】定武军【定州】镇康军【澶州】建雄军【青州】定安军【邢州】永安军【富州】彰德军【相州】横海军【沧州】镇西军【麟州】定国军【同州】镇潼军【华州】威德军【耀州】静难军【邠州】彰化军【泾州】保大军【鄜州】雄武军【秦州】保信军【广州】忠信军【壽州】集庆军【亳州】宁国军【宣州】昭信军【贛州】平江军【苏州】镇江军【润州】泰国军【明州】昭庆军【湖州】保宁军【婺州】武安军【潭州】平海军【泉州】建宁军【建州】武信军【遂州】安德军【閩州】武康军【洋州】武泰军【黔州】静江军【静州】建宁军【邕州】宁遠军【容州】崇信军【随州】顺昌军【颍州】忠武军【壽州】保静军【宿州】武平军【鼎州】安静军【梓州】

总地里

鬼门關昆仑關桂岭九驿至象南左右分两岐皆适二百里而阻山南北十余堠攢峯叠嶂万仞蔽天中凿险道而度号曰關右岐由宾而之邕交曰昆仑關左岐由贵郁林而之雷琮曰鬼门關迁客流人遠投海表生还者稀【彬江集】

山东古所论山东乃今之河北晋地今所谓山东乃古之齐地青齐是也谓之山东盖太行山之东也【坡诗】曹溪口水香梁天监中有婆罗门智乐者南游至曹溪口掬水闻香云此必胜地可建道場后六祖果来此住遂建南华寺今属韶州

陵井监天师张道陵居鹤鸣山行正一盟威之法一日有美女十二列于庭曰愿为箕箒妾道陵知陰神十二时之直乃谓之曰汝等何以为献女各出玉环一枚为贄道陵曰难以并纳吾将十二环作一环投入地有得者纳之道陵取环投地沦成一深井玉女皆脱衣入井探环井深五百七十尺环不可得出井取衣已为天师所匿众女泣下天师乃令玉女居于井中至唐末王建为盗昏时见偶体妇人迫之不能及以刀刺之如中铁石忽长丈余目若电光猝建之发挈而南去或在虚或在地至晓约三百里置王于地其形复为女子曰我欲碎尔为齏粉为尔当为吾国之土地主当改心易行富贵至矣及平巢贼李茂贞难建遂有功梁祖开国主乃僭位遣人于盐井致醺玉女出半面享之初天师以地荒梗不可耕乃因玉女遂化盐井以救穷民今陵井是也取天师之名故曰陵井【云斋广记】

黄牛峡杜诗注白狗峡黄牛山山在县北高三十一里有石如人负力牵牛人黑牛黄行者歌曰朝见黄牛暮见黄牛三朝三暮黄牛如故曰白狗斜临北黄牛更在东

盩厔二曲凤翔府有盩厔县长安志云山曲曰盩水曲曰厔故曰二曲【乐史寰宇记】

七盘绕雷之固王莽命王级曰绕雷之固南当荆楚【四面阨塞其道屈曲溪谷之水回绕而雷也今之商州界七盘十二绕是也莽】

白门楼下邳城南门谓之白门楼曹公击吕布登白门楼兵围之急乃下降【布】

琅邪台在沂州之沂水海州之朐山密州之诸城三县界先是越王勾践尝治此秦始皇登山乐之作琅邪台其地在今诸城之东南【坡诗注】

黄楼熙宁十年河决澶渊水及彭城下子瞻为彭城守率禁卒登城捍水即城之东门为大楼垆以黄土土胜水色黄故以为名子瞻诗云我在黄楼上欲作黄楼诗忽得故人书中有黄楼词黄楼高十丈下建五丈旗楚山以为城泗水以为池【坡诗】

漾陂杜诗有漾陂行士大夫多读为荡漾之漾此字从水从美以彼中有鱼极美得名【坡诗注】

凿杜固唐杜正伦与城南诸杜系遠求同谱不许诸杜所居号杜固世其地有壮气故世衣

冠正伦建言凿杜固通水利既凿川流如血自是南杜稍不振【正伦】

锦绣万花谷前集卷六

卷七

<子部,类书类,锦绣万花谷

钦定四库全书

锦绣万花谷前集卷七

竹

三河少年三河少年稟生劲刚春服楚楚游侠専场【山谷赋注】

十万丈夫竹林外里兮十万丈夫甲刃攔攔密阵而环侍【杜牧晚晴赋】

雌雄竹有雌雄雌者多笋故也种竹当辨雌雄自根而上至生梢一节发者为雄二节发者为雌【仇池笔记】

性好西南种竹必于园东北角自然延生其性好西南也【齐民要术】

千纛坡题緑筠堂诗风梢千纛乱月影万夫长

千户侯渭川千亩竹其人与千户侯等【史记】

报平安李卫公守北都一寺有竹一棵才长数尺令其寺每日报竹平安【酉阳杂俎】

碧鲜赋五代扈载游相国寺见庭竹可爱作碧鲜赋书其壁世宗闻之遣小黄门就壁録之览而称善因拜水部员外郎【扈传】

檀栾婵娟吴都赋檀栾婵娟玉润碧鲜谓竹也【文选】潇碧潇碧逺输委湖嵌费携擎【韩文聯句潇碧谓竹湖嵌谓石】

诗可使食无肉不可居无竹无肉令人瘦无竹令人俗人瘦尚能肥人俗不可医若对此君仍大嚼世间那有扬州鹤【东坡】此君倾盖如故旧骨相竒絶人间秀程婴杵臼孤立难伯夷叔齐采薇瘦【山谷】出檻亦不剪従教长瘦丛年年到朱夏叶叶是清风【陈肥】未教急雪枝枝打更要幽禽日日来坐诵东坡食无肉枯肠日日转饥雷【韩子苍】城中寸土如寸金幽轩种竹只十个春风谨勿长儿孙穿我堦前緑苔破【冷斋夜话】移得萧骚从古寺洗来踈净见孤峯【郑谷】卷帘陰薄漏山色欹枕韵疑寒雨声春晚不知桃李谢歳寒非避雪

霜深【张咏】栖凤枝梢犹嫩弱化龙形状已依稀【李景】鸣玉不妨风细细琐 时借月娟娟【吴正仲】但有岁寒心两三竿也足虬腾双角直鲸喷两须长【司马公双竹】月回龙并影风过凤聃声寒生绿樽上影入翠屏中【梅圣俞】何堪裁凤律只好制鱼竿【余清】

笋

龙雏隣里亦知偏爱竹春来相与防龙雏【东坡】

稚子杜诗竹根稚子无人见沙上鳬雏傍母眠唐人多以稚子为笋或以是为竹防【古今诗话】

箨龙卢仝寄男诗云箨龙正称冤莫教入汝口丁宁嘱托汝汝活箨龙否

诗春风吹起箨龙儿戢戢满山人未知急唤苍头斲烟雨明朝唤作碧参差【朱乔年】绿竹半含箨新梢才出墙色侵书帙晚阴过酒樽凉雨洗涓涓净风吹细细香但令无剪伐防见拂云长【杜】绿节已储霜黄苞犹掩翠高标凌秋严正色夺春媚风枝未飘吹露粉先含泪【退之】斫取青光写楚词腻香春粉黑离离无情有恨无人见露压烟啼千万枝【李贺】从客厌虏饌枵然思南烹故人知我意千里寄竹萌骈头玉婴儿一一脱锦防【坡】洛下班竹笋花时压鲑菜一束酬千金掉头不肯卖我来白下聚此族富庖宰茧栗戴地翻馘触墙壤戢戢入中厨如偿食竹债甘菹味菌耳辛膳膈姜芥烹鹜杂熊掌炮鳖乱羣介小儿哇不美防壤有余嚼可飧贵于少古来食共噫尚想高将军五溪无人采

惠文绿箨包一束园丁破冻取寒玉坚冰封节春未回不怕东风吹作竹东园苦竹味胜肉箨龙称冤莫采录烦君更置苍玉来明日风雨皆成竹【并山谷】见角牛羊没看皮虎豹存狂剧时穿壁羣强防触藩戈矛头戢戢蛇虺首掀掀【退之】汉川修竹贱如蓬斫斧何曾赦箨龙料得清贫馋太守渭川千亩在胷中【坡诗】

墨竹

起吴道子墨竹起於近世不知其所师承初吴道子作画连笔作卷不加丹青予意墨竹之师起于此【山谷墨竹序】燕肃国朝侍郎字穆之师李成雅善墨竹【画史】

铁钩锁山谷云江南李主作竹自根至梢极小者二钩勒成谓之铁钩锁

嫩篁翠篠山谷云嫩篁翠篠极难为工能妙者唯吴生耳所以文与可作老竹枯木霜风寒雀夹带烟雨以助笔势

诗古今作生竹能者未十辈吴生勒枝叶筌案遽不逮江南铁钩锁最许诚悬防燕公洒墨成落落与时背湖州三百年笔与前哲配吾宗学湖州师逸功已倍预知更入神后出遂无对吾

诗被压倒物固不两大 酒浇胷次不能平吐出苍竹崑崙卧龙偃蹇雷不惊君与此君俱忘
形晴窗影落石 处松煤浅染饱霜兔中安三石使屈蟠亦恐形全便飞去
荣荣枯枯皆本色悬之高堂风动壁
小竹扶疎大竹枯笔端真有造化炉人间俗气一防无健妇果胜大丈夫 地下文夫子风流絕
此人能和春晚色幻出崑寒身马鬣松成拱鵞溪墨尚新【并山谷】不根而生从意生不笋
而成由笔成【乐天】

柳

灵和殿刘俊猷蜀柳状若丝缕武帝种于灵和殿前因宴叹曰此柳风流可爱似张绪少年时

诗昭阳雨过笼斜日长信风来扫落花无限春情与春恨防条分在后妃家 天下风流无綠杨
一春生意别离乡柔根恐是离肠结未折长条先断肠【石曼卿】朝看浓翠傲炎赫夜爱疎
影摇清圆风翻雪阵如絮乱蠹响啄木秋声坚【坡诗】碧玉妆成一树高万条垂下綠丝绦
不知细叶谁裁出二月春风作剪刀【贺知章】高拂危楼低拂尘灞陵攀折一何频思量却
是无情木不解迎人只送人【裴说】裊裊和烟映玉楼半垂楼上半垂沟而今渐觉枝头密
恼乱春风卒未休【罗隱】含烟帶雨过平桥嫋嫋千条复万条张令当年成底事风流才是
女儿腰【吕居仁】带雨飘来成暖雪卷春归去作飞毬【石懋】青罗帶上雪花飞不用天
工一尺围【韩子苍】南自黄河东自淮綠影一千三百里但将春色送秋色不觉杨家是李
家 三条陌上拂

金羈万里桥边映酒旗【滕迈】香絮乱飘梁苑雪细条轻裊楚宫腰【王元之】平河千里
经春雪广陌三条尽日风【钱惟演】已带黄金缕仍飞白玉花长时须拂马密处小藏鸦眉
细从他敛腰轻莫自斜玳梁谁道好偏拟映卢家【李义山】半烟半雨溪桥畔闲杏闲桃山
路中防得离人无限意千丝万絮惹春风【郑谷】

梅

淡妆美人隋开皇中赵师雄迁罗浮一日天寒日暮于松林间见美人淡妆素服出迎时残雪
未消月色微明师雄与语极丽芳香袭人因与之扣酒家共饮少顷一綠衣童子来笑歌戏舞
师雄醉寝但觉风寒相袭久之方已自起视乃在大梅花树下上有翠羽啾嘈相顾月落参横
但惆怅而已【柳子厚龙城錄】

寄驿使陆凯与范晔相善自江南寄梅一枝诣长安与晔并诗曰折花逢驿使寄与陇头人江
南无别信聊赠一枝春【荊州记】

梨花梦王昌龄梅诗落落寞寞路不分梦中唤起梨花云东坡梅词云高情已逐晓云空不与
梨花同梦用此也

梅花赋皮日休桃花赋序云宋广平为相疑其铁心石肠不解吐软媚词观其梅花赋清新丽妍便巧富艷得徐庾体殊不类其为人也东坡诗云为君援笔赋梅花不害广平心似铁

白玉堂白玉堂前一树梅今朝忽见数枝开几家门户重重闭春色因何得入来【薛涛】

顿有亭王直方家有苏黄字遂取宋武帝谓谢晦谢昆一时顿有两玉人名亭亭前有梅陈后山有诗云顿有亭前玉色梅情知不肯破寒开似怜憔悴两公客独倚东风遣信来【后山集】

鹤膝枝江梅雪里与蓑衣莫遣寒侵鹤膝枝

诗柔梢繁白玉钿封忍尽娇心恨防重姑射真人冰作体广寒仙女月为容江南春信香尤在楼上晨妆粉不供可惜东风晴未暖洛川流雪更无踪【石曼卿】众芳摇落独暄妍占尽风情向小园踈影横斜水清浅暗香浮动月黄昏霜禽欲下先偷眼粉蝶如知合断魂幸有微吟可相狎不须檀板共金樽剪梢零碎防酥团向背稀稠画亦难蘂讶粉绡裁太薄蒂疑红蜡缀初干忆着江南旧行路酒旗斜拂堕吟鞍小园烟景正凄迷阵阵香寒压麝脐池水倒窥踈影动屋檐斜入一枝低雪后园林才半树水边篱落忽横枝【并和靖】额黄映日明飞燕肌粉含风冷太真【介甫】知访寒梅过野塘人留金勒为回肠谢郎衣袖初翻雪荀令熏炉更换香何处拂眉资蝶粉防时涂额借蜂黄维摩一室虽多病亦要天花作道场【李义山】晚岁风霜从冷淡寒梢气象自清真此时空作西湖梦踈影横斜访旧隣【韩子春】非云非雪月初浮疑是佳人狐白裘细雨狂风莫欺折冰肌玉骨未禁愁【潘邠老】风撼孤根雪压枝小苞香拆大寒时羣芳且莫相矜笑止渴和羹自有期【李尧夫】调鼎自期终有实论花天上更无香月娥服御无非素玉女精神不尚妆【张文潜】已消残雪豆蔻灰斜压踈篱一半开虽我故园无分看问渠春色防时来冷香渐欲熏诗梦落叶尤能韵砌台定复水边多屐齿试呼长鬣视苍苔【卢襄】老杜骑驴入草堂独怜江路野梅香定知深院黄昏后踈影横斜更断肠萼酥滴滴缀斜枝想见香心未吐时但有仙人殷七七从教横笛月中吹百叶梅梢拂掠黄风摇雨练亦凄凉【谢无逸】春傍寒梅占作魁粉香前夜陇头开人间猎月未曾到天上花王先遣来【陈元老】东阁观梅动诗兴还如何逊在扬州江边一树垂垂发朝夕催人自白头【老杜】万木冻欲折孤根暖独回前村深雪里昨夜一枝开【齐己】一夜欲开尽百花犹未知人心皆共惜天意不教迟【李峤】斜日寿阳醉青灯姑射眠香肌照人白笑靥为谁圆【山谷】暗吐幽香穿别院半欹斜影入寒塘冰肌宛是仙姑女粉面端疑骑省郎若是蜜奴曾拂掠肯收红艳贮蜂房【田元邈】折归忍负金蕉叶笑插谁临玉镜台女堞未须翻角调锦囊先喜助诗才【张安彦】絶色殊无朱粉态真香宁许燕莺知凝情金谷登楼日敛黛温泉赐浴时写作清声玉笛何人持向月中吹【赵义若】冷冷踈踈雪里春不轻吹笛付伶伦出墙幽独窥隣女临水横斜览镜人【杨时可】春来幽谷水潺潺的皪梅花草棘间一夜东风吹石裂半随飞雪度關山

何人把酒慰深幽开自无聊落更愁幸有清溪三百曲不辞相送到黄州

蕙死兰枯菊已摧返魂香入岭头梅数枝残烛风吹尽一防芳心雀啄开南行度關山沙水清练练行人已愁絶日暮集微霰殷勤小梅花彷彿吴姬面暗香随我去回首惊千片西湖处士

骨应槁只有此诗君压倒东坡先生心已

灰为爱君诗被花恼多情立马待黄昏残雪消迟月出早江头千树春欲暗竹外一枝斜更好孤山山下醉眠处防缀裙腰风不扫万里春随逵客来十年花送佳人老不知风雨卷春归收拾余香还畀昊

细雨裊残千颗泪轻寒瘦损十分肌【并东坡】好借月魂来映烛恐随春梦去飞扬不御鈿华知国色只裁云缕想仙裳须撚黄金危欲堕带围红蜡巧能妆【介甫】绿杨解语应相笑漏泄春光却是谁【成谋】短笛楼头三弄夜前村雪里一枝春【舒亶】疑是隔墙窥宋玉巧如施粉妬何郎【徐师川】已呼白面书生去更约青腰玉女来【田元邈】偏怜雪里无双艳渴嗅风中第一香【陶开祖】宫臣赫奕三川守野意潇疎四皓家【司马公】动摇腊信随征使勾引春情出苑墙【杨蟠】同心不见昭仪种五出时惊公主花【陈去非】古驿路边烟雨暮孤庄篱畔水云寒【王性之】楼上箫声欲断魂仙官分与一枝春旋催妆额添宫样细捻香须数玉尘月下精神宜淡竚雪边肌体更清匀老来花事无消息只有君诗当寫真天与孤标不受尘生憎桃李鬪芳新诗来名下无虚

士花在身边当丽人只恐素英欺白髮试烦纖手插乌巾风流今代神仙尉管得河阳县里春【并于湖】南枝向暖北枝寒一种春风有两般凭仗高楼莫吹笛大家留取倚栏干【诗话二仙客】

黄梅

一家春异色深宜晚生香故触人不施千防白别作一家春【后山】

蜡梅

宫样黄闻君寺后野梅发香蜜染成宫样黄不拟折来遮老眼欲知春色到池塘【山谷】

诗金蓓鎖春寒恼人香未展虽无桃李顔风味极不浅体熏山麝脐色染蔷薇露披拂不盈襟时有暗香度【师川】

红梅

寒心酒翠怕愁贪睡独开迟自恐冰容不入时故作小红桃杏色尚余孤瘦雪霜姿寒冰未肯随春态酒翠无端上玉肌诗老不知风格在更求绿叶与青枝【山谷】诗雪里开花却是迟如何独占上春时也知道造物含深意故与施朱发妙姿细雨浥残千颗泪轻寒瘦损十分肌不应便杂夭桃杏半防微酸也着枝幽人自恨探春迟不见檀心未吐时金鼎夺胎那是寶玉人頰頰更多姿抱丛暗叶初含子落浓香已透肌乞与徐熙画新样竹间璀璨出斜枝【东坡】梅好唯伤白今红是絶竒认桃无绿叶辨杏有青枝烘笑从人赠酡顔任笛吹未应娇意急发赤怒春迟【石曼卿】好处曾临阿母池浑将绛雪防寒枝东墙羞頰逢人笑南国顔强

自持【毛泽民】路入君家百步香隔 初试汉宫妆直疑梦到昭阳殿一簇轻钿绕淡黄【韩子苍】娇朱浅浅透冰光瘦倚疎篁半出墙雅有风情胜桃杏巧含春思避冰霜融明醉脸笼轻晕敛掩仙裙蹙嫩黄日暮风英堕行袂依稀如着领中香【饶操】

牡丹

九十余种钱思公欲作花品细书牡丹名于小屏凡九十余种姚黄未出牛黄为第一牛黄未出魏紫为第一又有倒晕檀心九蕖真珠红鹤翎红一捻红之类凡洛阳为天下第一虽越不敢争高下【欧公花谱】

见根拨而知高下邵康节访商守赵郎中与章子厚同防子厚议论縱横不知敬康节语次因及洛中牡丹之盛赵守谓章曰先生洛人也知花为甚详康节因言洛人以见根拨而知花之高下者知花之上也见枝叶而知高下者知花之次也见蓓蕾知高下者知花之下也如公所說乃知花之下也章默然整服【童防训】

诗春风晴昼起浮光玉作肌肤罗作裳独步世无吴苑艷浑身天与汉宫香一生多怨终羞语未剪相思已断肠【石曼卿】落尽春红始见花幄笼暖日护香车买栽池馆恐无地看到子孙能防家【罗邺】蟾精雪魄孕云菱春入香腴一夜开宿露枝头藏玉块晴风庭面揭银杯【欧公白牡丹】长安豪贵惜春残争赏先开紫牡丹别有玉杯承露冷无人肯向月中看【裴璘】枣花至小能成实桑叶虽柔解吐丝堪笑牡丹如斗大不成一事又空枝【王文惠公】秀色洗妆脸暗香生雪肤黄昏更萧瑟头重欲相扶【东坡】红开西子妆楼晓翠揭麻姑水殿寒三月莫辞千度醉一生能得防回看晓檻竞开香世界夜阑频结醉因縁【唐人】常夸西洛青屏簇从洗南徐紫锦堆【晁无咎】施朱施粉色俱好倾国倾城艷不同【邵尧夫】姮娥二女曾相送留下鸦黄作麝尘【唐谦】平分造化双苞出拆破春风两面开【徐仲雅】三月后方有百花中更无【李正封】天香夜染衣国色朝酣酒【王建】粉光深紫腻肉色褪红娇【王建】锦帏初卷卫夫人绣被犹堆越鄂君垂手乱翻雕玉佩折腰争舞郁金裙石家蜡烛何曾剪荀令香炉可待熏我是梦中传防笔欲书花叶寄朝云【李义山】

红药

诗钗亭抽碧股粉麝扑晴丝疑香熏罨画似泪着胭脂【乐天】蚕老桑柔戴胜鸣翻堦红药占春荣牵风孙壽愁眉破带雨骊姬泪眼横 谁家列屋红妆面徙倚朱栏不下迎【洪驹父】

海棠

睡未足明皇一日登沉香亭妃子时卯酒未醒扶掖而至帝笑曰是岂妃子醉海棠睡未足耳【太真妃外】坡诗云只恐夜深花睡去高烧银烛照红妆

胭脂雪东坡卧闻海棠花泥污胭脂雪

花中神仙贾耽着百花谱以海棠为花中神仙【海棠记】诗自然富贵出天姿不待金盘荐
華屋朱唇得酒晕生脸翠袖卷纱红映肉林深雾暗晓光迟日暖风轻春睡足雨中有泪亦凄
然月下无人更清淑陋邦何处得此花无乃好事移西蜀寸根千里不易到衔子飞来岂黄鹄
明朝酒醒还独来雪落纷纷那忍触【东坡】意分巫峡雨腰细汉台风妆指朱先布膏唇檀
更融难胜风不定易入蝶能通杜甫句何畧薛能诗未工【石曼卿】浑是华清出浴初碧纱
斜掩见红肤便教桃李能言语西子娇妍比得无【崔德符】艷丽最宜新着雨妖烧全在欲
开时莫愁粉黛临香嫩梁苑丹青防笔迟【郑谷】雨过温泉浴妃子露浓汤饼试何郎【凯
凡】多谢许昌传雅什蜀中曾未遇诗人【贾岛】纵使许昌 健笔可怜终古愧妍姿【晏
殊】

桃花

如昭君桃花如昭君服御靚以丰徘徊顾幽影似为悦已容【韩子苍】

皮赋薛诗林逋诗云比合并饶皮博士相形偏属薛尚书【皮日休有赋薛能有诗】

醉眼杜诗桃花气暖眼自醉【江总诗恼杀未归客桃花曛眼醉】

小红杜诗宠光蕙叶与多碧防注桃花舒小红

李花

诗平旦入西园梨花数株若矜夸旁有一株李颜色惨惨似含嗟问之不肯道所以独绕百匝
至日斜奈何听酒不省录不见玉枝攢霜葩 谁堆平地万堆雪剪刻作此连天花日光赤色照
未好明月暂入都交加夜领张彻投卢仝乘云共至玉皇家长姬香御四罗列缟裙练悦无等
差清寒莹骨肝胆腥一全思虑无由邪 江陵城西二月尾花不见桃唯见李风揉雨练雪羞比
波涛翻空杳无涘金乌海底初飞来朱辉散射青霞开迷乱入眼看不得照耀万树繁如堆【
并退之】李径独来数愁情相与怜自明无月夜强笑欲风天减粉与园籜分香沾渚莲徐妃
从已嫁犹自玉为钿【微之】

梨花

妃子泪栏干白乐天长恨歌玉容寂寞泪栏干梨花一枝春带雨谓太真也

诗冷香销尽晚风吹脉脉无言对落晖旧日郊西千树雪今随蝴蝶作团飞 剪剪轻风漠漠寒
玉肌萧瑟粉香残一枝带雪墙头出不用行人着眼看【并谢无逸】妆靚青娥妬光凝粉蝶
羞年年寒食夜吟绕不胜愁【穆清叔】最似孀闺年少妇白妆素袖碧纱裙【乐天】

杏花

诗天晴日暖笼紫烟镜里红妆犹带酒江梅已尽桃李迟此时此花即吾友【黄鲁直】清露泣月蘂温风散晴葩春工了不睡连夜开此花恼客香有无弄粉影横斜杏花飞帘散余馨明月入户寻幽人褰衣步月踏花影烟如流水涵青苹花间置酒清香发争揽长条落香雪山城酒薄不堪饮劝君且吸杯中月洞箫吹断月明中惟忧月落杯酒空明朝卷地春风恶但见绿叶栖残红【东坡】蓓蕾枝梢血防干粉红腮颊露春寒不禁烟雨轻欺着祇好庭前爱惜春【林逋】小桃新谢后双燕却来时【郑谷】

酴醾

诗酴醾一架最先来夹竹金沙次第栽浓绿扶疎云对起醉红撩乱雪争开【王介甫】十年醉锦幄酴醾照金沙欲眠春风里不去留君家【山谷】不传人间玉奁粉别有天上金炉烟独清合作诸兰佩深白未数杨花绵春风烂漫倚墙角一月不复烧龙涎【石敏若】肌肤冰雪薰沉水百草千花莫比芳露湿何郎试汤饼日烘荀令注炉香残梅红药迟此物共春归名字因壶酒风流付枕帟坠钿香径草飘雪静垣衣玉气晴虹发沉材锯屑霏【山谷】酴醾不争春寂寞开最晚青蛟走玉骨羽盖防珠幰不妆艳已绝无风香自远凄凉吴宫阙红粉埋故苑余香入此花千载尚清婉【东坡】唤将梅蘂要同韵羞杀梨花不解香如何五月露寒殿不与薰风送晚凉【晁无咎】平生为爱此香浓仰面常迎落絮风每到春归有遗恨典刑犹在酒杯中【韩持国】天将花王国艳殿春色欲令酴醾洗妆素颊相追陪绝胜浓英缀枝不韵李可友横斜照水搀先梅初疑广寒修月手酿此欲作长春酒又疑青女未归

家传香弄粉为此花要知风韵太超绝清影亭亭半遮月防风不动香更繁沉水未灰金博山我来已落春去后尚觉有香栖鼻端年年独占余春住早开却被嫣红妬从今着意问春工借与姮娥奔月路【卢元贇】风流彻骨成玉酒梦寐迷人入锦囊【山谷】

莲花

花神元和中苏昌远居吴中有女郎素衣红脸与相狎赠以玉环一日见槛前白莲花开花蘂有物乃玉环也折之乃绝【北梦言】

水宫仙子平池碧玉秋波莹绿云拥扇青摇柄水宫仙子鬪红妆轻步凌波踏明镜【张文潜】

云锦段东坡横湖诗云贪看翠盖拥红妆不觉湖边一夜霜卷却天机云锦段从教匹练写秋光退之诗撑舟昆明渡云锦【乃荷花也】

水花水芝杜诗水花笑白首坡云水花水芝皆莲花莲社僧惠远居庐山与刘遗民等结白莲社以书招渊明渊明曰若许饮即往许之遂造焉陶攢眉而去【高僧传】王俭幕庾杲之为王俭长史俭与之书曰庾景行遂得泛绿水依红莲何其丽也时人以俭府为莲花池景行杲之字也

诗太华峯头玉井莲开花十丈藕如船冷比雪霜甘比蜜一片入口沉痾痊【韩诗】移舟水
溅差差绿倚槛风摇柄柄香多谢浣沙人不折雨中留得盖鸳鸯【郑谷】含情脉脉向层漪
未语幽怀定未知洛浦微波长映步汉宫香水不濡肌心通防防韬光藕肠结千回托乱丝【
石曼卿】湖水清且浅新荷半犹卷未见红妆 窈娘先排翠羽参差扇【东坡】蓼花蘸水
火不灭水鸟惊鱼银梭投满目荷花千万顷红碧相杂敷清流孙子已斩吴姬女琉璃池上佳
人头【李璟】湔裙无限水障袂防多风【钱惟演】君不见叔隗季隗南归晋又不学小乔
大乔东入吴一种桃根与桃叶若为化作双芙蓉临淮政成有余暇坐令小屋添潇洒鵞溪一
幅万里宽移得浙川入图画天空水濶江茫茫想见女英与娥皇九疑云深苍梧远冰姿泣露
不成妆苦心抱恨何时了香骨应甘没秋草不如回首谢秋风分作尹邢来汉宫【周知防】
荷叶罩芙蓉圆青映嫩红佳人南陌上翠盖倚薰风【青箱杂记】紫荷虫篆霜叶枯裊蹄垂
房裂青肤【李彭】谁家水上张青盖罩却红妆唱采莲【欧公】密叶高丛拥万枝女仙成
队绿云随【陈充】湘妃雨后来池看碧玉盘中弄水晶【郑震】

白莲

诗昨夜三更后姮娥坠玉簪冯夷不敢受捧出碧波心佳人方素白对镜理新妆【王元之】
何人解把无尘袖盛取清香尽日怜【崔鲁】无情有恨何人见月冷风清欲坠时【皮日休】
韵幽添出溪光嫩香远都和水气清【王性之】泄香银橐破防露玉盘倾【乐天】

木犀

小山岩桂刘安招隐士曰桂树丛生兮寂寂幽刘安即淮南王其徒有大小山【文选】

诗玉阶桂影秋绰约天空为卷浮云幕婵娟醉眼水晶殿老蟾不守余花落苍岩忽生霜月裔
仙芬凄冷真珠萼娟娟石畔为谁妍香雾着人清入膜夜深醉月寒相就醺醺却作伤心瘦弄
云仙女淡红衣烟裙不着鸳鸯绣眼中寒香谁同惜冷吟径召梅花魄小蛮为洗玻璃杯晚来
秋瓮蒲萄碧【毛滂】沦雪凝酥防嫩黄蔷薇清露染衣裳西风扫尽狂蜂蝶独伴天边桂子
香【谢无逸】浓开细细黄金蕊间破深深碧玉丛【石敏若】招还醺醺魂似挹蔷薇露【
洪驹父】晓风熏麝馥秋露染鹅黄【何斯举】

水仙

诗凌波仙子生尘袜水上轻盈步微月是谁招此断肠魂种作寒花寄愁绝含香体素欲倾城
山矾是弟梅是兄坐对真成被花恼出门一笑大江横得水能仙天与奇寒香寂寞动冰肌仙
风道骨今谁有淡扫蛾眉簪一枝【并山谷】钱塘昔闻水仙庙荆州今见水仙花暗香静色
撩诗句宜在林逋处士家
借水开花自可奇水沉为骨玉为肌暗香已压酴醾倒只比春梅无好枝【师川】

山矾

郑花江南野中有一种小白花木高数尺春开极香野人谓之郑花王荆公尝欲作诗而陋其名予请名曰山矾野人采郑叶以染黄不借矾而成色故名曰山矾【山谷】玉蘂花场花唐人王建题唐昌观玉蘂花诗云一树珑松玉刻成飘廊防地色轻轻女冠夜覓香来处唯见堦前碎月明今场花即玉蘂花也盖场玉名取其白耳鲁直又更其名曰山矾谓可以染也庾陵段谦叔有杨汝士与白二十二帖云唐昌玉蘂以少故见贵耳自来江南山山有之土人取之以供染事则知场花为玉蘂花无疑矣傅子容见此帖乃作絶句云场更山矾总未佳要须博物似张华因观异代前贤帖知是唐昌玉蘂花【高斋诗话】

诗北岭山矾取次开清风正用此时来平生习气难料理爱看幽香未拟回【山谷】

落花

舞山香曲西王母宴羣仙有舞者带砒光帽防上簪花舞山香曲曲未终花皆落李珣有子七岁咏落花诗谁同砒花防一曲舞山香

拂 幌坠茵席南史范缜常称无佛竟陵王子良曰君不信因果何得富贵贫贱缜曰人生如树花同发随风而坠自有拂帘幌坠于茵席之上自有闚篱墙落于粪溷之间坠茵席者殿下是也落粪溷者下官是也【范】诗金谷已空新步阵马嵬徒见旧香囊莺来自结啼春怨蝶散应知梦雨狂【余靖】已分将身着地飞那堪践踏损光辉无端又被东风误吹落西家不得归【退之】金谷路尘埋国艳武陵溪水泛天香【刘师道】落时尤自舞扫处更闻香【李义山】古木无人处残阳满地时【齐己】一夜春风拂苑墙归来何处剩凄凉汉皋佩冷临江失金谷楼危到地香泪脸补防劳獭髓舞台双影费鸾肠南朝乐府休赓曲桃叶桃根尽可伤【宋郊】

总草木

似君子士大夫兰似君子蕙似士大夫大槩山林十蕙而一兰也离骚曰既滋兰之九畹又植蕙之百亩以是知楚人贱蕙而贵兰矣兰蕙丛生蒔以沙石则茂沃之以汤茗则芳是所同也至其一干一花而香有余者兰也一干五七花而香不足者蕙也余居保安僧舍开牖于东西西养蕙而东养兰故观者必问其故故着其説焉【山谷修水记】

芸

置书中无蠹古人用以藏书曰芸香是也置书帙中无蠹置席下即去蚤虱叶类豌豆作小丛遇秋则叶上防白如粉汗南人谓之七里香远在数十步外已闻香自春至秋不歇也【邵氏闻见后録】

合欢丹棘

蠲忿忘忧本草夜合花一名合欢或曰合昏叶至暮则合故曰合昏崔豹古今注云欲蠲人之忧则赠以丹棘一名忘忧欲蠲人之忿则赠以青裳合欢也故嵇康种之舍前康书曰合欢蠲忿萱草忘忧【古今诗话】

锦绣万花谷前集卷七

卷八

钦定四库全书

锦绣万花谷前集卷八

帝王符瑞

斩蛇汉高祖为亭长送徒骊山被酒夜径泽中一人行前者曰前有大蛇当径愿还高祖曰壮士行何畏乃拔劒斩蛇行数里醉卧后人至蛇所有老妪夜哭曰吾子白帝子也化为蛇当道今者赤帝子斩之故哭妪忽不见高祖独喜【本纪】

赤蛇入鼻中艺祖微时入洛至长壽寺大佛殿西南角枕柱础昼寝有藏经院僧见赤蛇入帝鼻中帝寤僧问所向帝曰欲见柴太尉于澶州无资僧曰某有一驴子可乘又以钱币为献帝遂行柴太尉一见奇之留幕府未防柴太尉为天子是为周世宗帝与宣祖俱事之以至受禅【邵氏闻见录】

高祖母梦与神遇汉高祖母媪常息太泽之陂梦与神遇是时雷电晦冥父太公往视则见交龙其上已而有娠遂产高祖【本纪】

赤蛇化金孔子梦三槐间丰沛市有赤虺起呼顔回子夏往观之见赤蛇化为黄金上有文曰卯金刀后高祖起丰沛【金楼子】

五星入房武王灭纣之时五星入房房苍神之精以周室木德故五星表木瑞【文选】

两日相磨初太祖北征王处讷曰庚申歲太阳躔亢在亢于德刚其兽龙恐与太阳并驾若果然则圣人利见之时也庚申歲旦果有两日相磨荡即太祖陈桥啓圣之时也

歲星往来虚危中刘原父尝斋太一宫与王尧臣夜语曰歲星往来虚危间其色甚明以吾观之当有兴于齐者歲余英宗以齐州防御使入继大统遂登大位【刘行状】五星聚奎当鲁分干德五年三月五星如连珠聚于奎当鲁分从镇星辰见东方占曰有德受庆大人奄有四方子孙蕃昌明年真宗皇帝降生

金陵有天子气秦时望气者云五百年后金陵有天子气故始皇东遊以厌之陂北山以絶其势及孙权之称号自谓当之孙盛以谓始皇逮于孙氏四百三十七载考其厯数尤为未及元帝之渡江也五百二十六年真人之应在于此矣【晋元帝纪】

神劍以殲三 拾遺記漢太上皇微時遊山澤間有冶铸曰為天子铸劍若得腰間佩刀杂冶即成神器可以克天下昂星精為輔以殲三 太上皇曰此物名匕首遂解投烟焰中劍成授上皇上皇以賜高祖乃殲三 宅天下鈎命決云蕭何為昂星精項羽陳勝胡亥為三 【職官分紀】

奇異極貴太祖自陳橋還太夫人杜氏與王夫人方設齋於定力寺聞之王夫人聞變懼杜曰吾兒平生奇異人皆言當極貴何憂言笑自若太祖曰帝王之興自有天命周世宗見諸將方面大耳者皆殺之然我終日侍側不能害我我若應為天下主誰能圖之 【涑水記聞】

黃龍往來室中英宗天聖十年生于宣平坊赤光滿室咸見黃龍往來室中濮王夢兩龍與日并墮以衣承之復戲于空中其一龍視王曰吾非王所能有也后仁宗立為皇子 【事實】

聖祖大中祥符五年十月聖祖降於延恩殿先是有汀州人王防者咸平初賈販於南康軍逆旅遇道人自言姓趙是冬再見于茅山命防市鉛汞鍊之成金防即隨至和州諸山又授以小環神劍曰非遇人主勿輕言防詣闕求見不得乃謀以罪名自達至信州佯狂大呼遂坐配隸嶺南未久逃至京師閣門祇 謝德權知其有術即為奏請釋軍籍劉承珪聞其異為改名中正得對龍圖閣具陳靈陰特授許州參軍留止皇城舍時出游市嘗有道人與之偶語云即向來授法司命真君也承珪為創新堂駐之景德四年五月降于堂之紗幘中戴冠佩劍服皆青色凡有瑞異必先告中正 達其言既降延恩殿前八日上夢景德中所覩神人 玉皇之命是夕五鼓殿庭先聞異香少頃黃光自東南至燈燭失光俄見靈仙儀仗皆有光明天尊至冠服一如元始天尊之像旁有六人秉圭仙衣上再拜于堦下俄有黃霧起須防霧散天尊與六人皆坐上升西堦仙童捧湯飲一器類碧玉湯甘白如乳天尊曰吾人皇中九人之一也是汝趙之始祖再降乃軒轅黃帝凡世所知少典之子非也母感赤電夢天人生於壽丘后唐時七月一日下降生趙氏之族今已百年皇帝善抚育蒼生无怠前志即离坐乘云而去及晓以语宰相等仍召至殿上观降临之所先东封毕加封司命天尊及此降延恩殿恭上九天司命保生天尊号曰圣祖上灵高上九天司命保生天尊大帝圣祖名 朗诏中外不斥犯遂以圣祖降临之地建新宫名曰景灵宫琢玉石为圣祖像初圣祖述灵电降生之地改兖州曲阜县为仙源毁壽丘建道宫以景灵为名命宰相王曾纪述其事 【本朝事实】

统运

七神三十五际唐虞之际以斗精受命者七神得四均间气而王者又二十八人所谓三十五际者也禹以金德王故夏后氏之有天下也生数四百年契以水德王故殷人之有天下也成数六百年稷以木德王故周人之有天下也成数八百年伯益之命中天而尧族以火德乘之故汉家之有天下也生数再及二百年其间距王而兴不能复大禹之迹皆五神之余气臯陶降德皇唐受命 【张說干符頌】

咸穷于六汉自建武至建安二十五年一百六十九歲而禪魏魏自黃初至咸熙二年四十六年而禪晉晉自太始至元熙二年一百五十六年而禪宋宋自永初元年至升明三年凡六十

歲咸以六終六受六亢位也【梁本紀】文帝紀云三代揖遜咸窮于六

五運唐敬暉謂王者乘土王世五十數盡千年乘金王世四十九數九百年乘水王世二十數六百年乘木王世三十數八百年乘火王世二十數七百年天地之常也自黃帝至漢五運適同【本 注】

秦為閏位伏犧氏以木王五行以生為序神農以火黃帝以土少昊以金顓帝以水帝嚳以木堯火舜土夏金湯水周以木漢以火漢律歷志秦以水德在周漢木火之間師古注曰秦為閏位不當五德之序漢火傳魏土晉金也【職林】

赤鳥飛魯門圖錄云得麟之後天墜血書魯端門明日血書飛為赤鳥言漢代周也

獲麟夫子見薪采者獲麟孔子按圖錄知劉季代周麟者木精薪采者庶人然火之意孔子絕筆于春秋不書下三時者起木絕火王明周木當受漢也【學林】

國朝火德藝祖有天下承周之木而以火德王建隆羣臣之論已定

趙垂慶論金德趙垂慶謂皇朝當越五代上承唐統而為金德以藝祖受禪于庚申其後聖祖降于癸酉天書降于戊申申酉皆金位也

謝絳謂土德絳以謂皇朝當下黜五代紹唐為土德以繼聖祖如漢之繼堯以藝祖之生于洛也包絡推黃鴻圖既建五緯聚之于奎躔鎮星為主也

宮殿禁苑

華清宮天寶六載改溫泉宮為華清宮北向正門曰津陽門面西曰望京門南面曰昭陽門其中有瑤光殿飛霜殿九龍殿宜春亭芳蘭閣【東坡詩注】

拾翠殿望雲亭長安志拾翠殿在大明宮翰林門外望雲亭在太極宮景福殿西【坡詩注】唐杜甫贈張垙詩曰天上張公宮中漢客星賦詩拾翠殿佐酒望雲亭迎風露寒館漢武先作迎風館于甘泉後又加露寒儲胥二館【長楊賦注】

建章宮漢武帝時柏梁災于是作建章宮

延和殿崇政殿南有延和殿

金馬門漢武帝時相馬者東方京作銅馬法獻之詔立馬于魯班門外更魯班門外為金馬門【仲舒 注】

黄门禁门曰黄闼以中人主之门号黄门【舆服志】又灵帝纪注应劭曰黄门侍郎每日暮入青琐门拜谓之夕郎汉官仪青 或云刻为连 文也盖在未央宫中前殿之侧云

修门宋玉招魂曰魂兮归来入修门些【修门诏楚都郢城门也文选】延阁武帝广献书之路书积如丘山故外有太常博士之藏内有延阁广内秘书之储【刘歆士畧云】

翰林院承明玉堂翰林院在禁中乃人主燕居之所玉堂承明金銮殿皆在其间应供奉人自学士以下至工伎皆隶籍其间皆称翰林如今翰林医官之类【笔谈】觚棱金雀上觚棱而栖金雀【觚棱帝□之角也西都赋】

紫宸殿施敬本为左补阙唐昌公主出降敬本上疏曰紫宸殿者汉之前殿周之路寝陛下所以负黼宸居黄屋飡万国朝诸侯人臣致敬之所【职官分纪】

置钟景阳楼晋旧显阳昭阳二殿太皇太后所居永明中无太后羊贵嫔居昭阳殿西范贵嫔居昭阳殿东荀昭华居凤华柏殿中御居壽昌畫殿南阁置白鹭鼓吹二部干光殿东西头置钟磬两厢皆燕乐处也以内深隱不闻端门鼓漏声置钟于景阳楼上应宫人五鼓闻钟声则早起妆饰

丹墀前汉尚书奏事明光殿省中以丹朱漆地也故曰丹墀

鱼钥门钥必以鱼者取其不瞑目守夜之义【芝田錄】渭乌汉灵帝作翻车渴乌施于玉门外西桥用洒南郊路以省百姓洒道之费【渴乌为曲筒以气引水上也后宦官传】

丹地周纪曰椒房丹也【北史】又杜诗阁道通丹地梅福传注以丹掩泥涂殿上地陈无已寄东坡诗丹地开黄卷谓坡在经筵也

金井栏太极殿上有金井栏金博山辘轳蛟龙负山矜井上【戴延之西征记】

罽毼苑灵昆苑汉灵帝作罽毼灵昆苑【二苑并在洛阳门外也灵帝纪】芙蓉殿龙武新军深驻辇芙蓉别殿漫焚香【杜诗】

金华殿上方向学郑寛中张禹朝夕入說尚书论语于金华殿中【金华殿在未央宫中也班固 】【

隆儒殿隆儒殿在迓英阁后丛竹中【春明退朝錄】黄诗云隆儒殿角对横经是也

罽毼汉文七年未央宫东阙罽毼灾师古曰罽毼阙曲阁也释名云臣将入侍于此伏思也又苏鸿演义称罽毼织丝为之象罗纲交文之状盖宫殿檐户之间也又段成式酉阳书称殿桷防鸟雀为罽毼崔豹古今注罽毼屏也罽者复也毼者思也臣朝至屏外复思所奏之事顔师

古云罽毼连阙曲阁也以覆重刻垣墉之处玉篇云罽毼屏外门也但屏上雕刻其形如罽之状二説皆通以为屏柱刻木为之施於城隅门阙之上此为长【杜诗注】

诗天仗霄严建羽旄春云送色晓鸡号金炉香动螭头暗玉佩声来雉尾高戎服上趋承北阙儒冠列侍映东曹【韩昌黎】鸳鹭欲归仙仗里熊罴还入禁林中【韩昌黎】风回玉宇箫声远日下琼林佩影闲待得年光遍天下始教春色到人间水晶宫殿接龙津碧树阳春晓色新朱户曲房能驻日酥盘金胜自生春【晏元献】文昌新入有光辉紫界宫墙白粉闱晓日鸡人传漏箭春风侍女防朝衣口厌含香握厌兰紫微青 举头看【白乐天】五夜漏声催晓箭九重春色醉仙桃旌旗日暖龙蛇动宫殿风防燕雀高朝罢香烟携满袖诗成珠玉在挥毫欲知世掌丝纶美池上于今有凤毛忆昨逍遥供奉班去年今日侍龙颜麒麟不动炉烟上孔雀徐开扇影还玉几由来天北极朱衣只在殿中间孤城此日堪肠断愁对寒云雪满山城上春云覆苑墙江亭晚色静年芳林花着雨胭脂湿水荇牵风翠带长龙武新军深驻辇芙蓉别殿漫焚香何时诏此金钱防烂醉佳人锦瑟旁昼刻 呼浅春旗簇仗齐退朝花底散归院柳边迷楼雪融城湿宫云去殿低避人焚諫草骑马欲鸡栖【杜甫】绛帟鸡人报晓筹尚衣方进翠云裘九天阊阖开宫殿万国衣冠拜冕旒日色才临仙掌动香烟欲傍衮龙浮朝罢须裁五色诏佩声归到凤池头【王维】鸡鸣紫陌曙光寒莺啭皇州春色防金阙晓钟开万户玉墀仙仗拥千官花迎劔佩星初落柳拂旌旗露未干独有凤凰池上客阳春一曲和皆难【岑参】与君十五侍皇闱晓拂炉烟上玉墀花开汉苑经过处雪下骊山沐浴时近臣零落今犹在仙驾飘飘不可期此日相逢非旧日一杯成喜亦成悲【韦应物】玉墀春冷未催班暂拂衣袍枕笏眠孤立小心还自笑梦魂潜绕御炉烟落花野静宫中漏微雨春寒廊下班紫烟重叠苑春城廊下人稀唱漏声偷得微吟倚斜树满衣花露听宫莺【并郑谷】红楼晓色催宫漏紫阁春岚杂禁烟风定玉炉香影直日融金掌露华鲜【洪觉范】金雀 棱转晚辉飘飘宫叶坠秋衣出门尘涨如黄雾始觉身从天上归【秦少防】汉阁西头千步廊与公长夏对匡牀陰陰树色迷宫草寂寂碁声渡苑墙【韩子苍】璧门金阙倚天开五见宫花落古槐明日扁舟沧海去却寻云气望蓬莱【刘防】铜壶滴漏初冬高阁鸡鸣半空催起五门金锁犹垂三殿珠玕塔前御柳摇绿仗下宫花散红鸳鹭数行晓日銮旗百尺春风【高斋诗话】银烛朝天紫陌长禁城春色晓苍苍千条弱柳垂青 百啭流莺绕建章劔佩声随玉墀步衣冠身惹御炉香共沐恩波凤池里朝朝染翰侍君王【贾至】花萼夹城通御气芙蓉小院入边愁珠 绣柱围黄鹄锦缆牙樯起白鸥【杜甫】絮扑芙蓉苑花开太掖波黄头吹月笛樯影落天河草染天边碧花匀日脚红须知亲帝泽不必借春工花萼蜂儿影 旌燕子风避丝避金葆吹过紫垣东粉蝶非仙骨随风过苑墙穿花不敢采应怯内家香沉沉雨过宫槐绿寂寂春残辇路香细想人间无此景夜来魂梦到昭阳【并卢秉】迎春燕子尾纖纖拂柳穿花掠翠檐闻道蕊宫三十六美人争为卷珠

蓬莱风促水纹斑月醵风廊数百间云外跽声穿岭去行宫簇马望骊山落絮蒙蒙立夏天楼前槐树影初圆传闻紫殿深深处别有薰风入舜 【西清诗话】踈星摇落晓光微残月苍龙阙角西玉勒争门随仗入牙牌当殿报班齐羽仪虽接鸳兼鹭野性终存鹿与麕笑杀汝陰常处士十年骑马听朝鸡行殿戕戕出绿槐琳房芝闕耸崔嵬管弦飘落人间去幢节疑从天上来【欧公】红蹀躞繁金殿暖碧芙蓉笑水宫秋【廖凝】袖中諫草朝天去头上宫花侍宴归【王操】两声鞭自禁门出一簇人从天上来【杨义方】春风试暖昭阳殿明月还过

鵙楼【李白】冰残玉甃泉初动水溢铜壶漏更长【介甫】长乐钟声花外尽龙池柳色雨中深【东坡】星沉长乐钟声外月挂觚棱阙影头【宋庠】苑花似雪同随辇宫月如眉伴直庐【白居易】觚棱金碧照山高万国珪璋捧赭袍【杜牧】三陪藻宴簪裾上五对龙颜日月边【刘长卿】

服御行幸

大驾法驾小驾隋炀帝备法驾嫌属车太多谓阎毗曰属车十二乘亦得据宋孝武帝时有司马仪曰晋迁江左唯设五乘尚书王宏曰秦兼七国并周共九国八十一乘三十六乘无所准凭江左设五乘俭不中礼位帝王文物旌旒之数爰及冕玉皆用十二今宜准此设十二乘宪章往古大驾可徙秦法驾依汉小驾依宋帝曰何用秦法哉大驾宜三十六法驾宜十二小驾除之【北史】属车十乘唐制天子之车玉路金路象路革路木路别有属车十乘一曰指南车二曰记里鼓车三曰白鹢车四曰鸾旗车五曰辟恶车六曰皮轩车七曰羊车八曰耕根车九曰安车十曰四望车为十乘行幸则陈于鹵簿【唐舆服志】

豹尾车崔豹古今注周制也所以象君子豹变必以尾示其谦也今惟乘舆得建焉出则豹尾车最在后汉书曰成帝以赵飞燕置属车间豹尾中国朝最后一车豹尾加于鹵簿内车上载朱漆竿以竿首缀豹尾队正一人执之【职官分纪】

逍遥子契丹犯澶渊真宗临河未渡高琼大呼逍遥子公拥帝以升遂渡河成功【谈丛】

驾头正衙法坐香木为之加金饰四足堕角其前小偃织藤帽之每车驾出幸则使老内臣马上抱之曰驾头【沈括笔谈】

骖乘乘车之法尊者车左御者车中又有一人处车之右以备欹侧是以戎事则称车右其余则曰骖乘骖乘者三也取三人为义【文帝纪注】

翠盖望翠华之蔽防【天子之羽葆也南都赋】

扇箴輦后曲盖之箴两扇夹之通谓之扇箴皆绣亦有销金者即古之华盖也【笔谈】

旄头衞至尊摯虞决疑晋武帝时彭权为侍中帝问侍臣旄头之义权曰秦纪云秦国奇触山截水无不崩溃唯畏旄头故使虎士冠之以卫至尊【职官分纪】

鹵簿鹵大盾也以大盾领一部之人故都言鹵簿蔡邕独断曰汉天子出车驾次第谓之鹵簿【官仪注曰甘泉鹵簿国朝宋绶序鹵簿图谓有文章必有武备故敕法物之驾严师兵之衞总名之曰鹵簿焉三家之说不同防稍之制义罗曰爆击声也形如劒而三刃李綽輦下记引尔雅云爆牛帮牛也能抵触百兽仗内爆稍刻牛首于上义鉴义罗字皆作爆而通礼则用防字焉案字书徙矛者不载二礼之用不同车辐列於外仗之前崔豹曰车辐捧也汉执金吾亦

捧也汉百官表中尉秦官更名执金吾应劭曰吾御也掌金革以御非常颜师古曰金吾鸟名执此象故以名官自象驾清道至掩后 武队受仗细仗前后陈列皆谓之黄麾仗太祖亲阅鹵簿凡仗内衣服绢布防画者易以丝紵绣文累朝增益礼文大备郊祀籍田毕陈大驾明堂大享率用三引政和乃用三代钟鼎尊彝制作之象以墨车夏篆檀旂旗物易旧六引车旗且汉之大驾公卿奉引大将军驂乘太仆卿御光武止陈法驾公卿不在鹵簿中唯河南尹执金吾洛阳令奉引侍中驂乘奉车郎中御至唐兼列六引时文防题】防禦宋宣献公着鹵簿记防禦不得其始徧问诸儒无知者予后十年得顔之推説云江佐有脰禦以首大如脰故云【景文公笔谈】

青油队甲骑纹干德三年再郊范鲁公为大礼使以鹵簿中青油队旧甲骑尽取于武库磨铲坚厚精明可畏于礼容有所未顺陶谷为礼仪使出意以青緑画黄紵为甲纹青布囊之緑青为下裙绛皮为络长短至膝铜铃绕前膺及后秋至今用之【玉壶清话】

参旗井钺苏易简拟宋玉大言赋献之曰日乌月兔曜文明也参旗井钺严武備也执北斗兮奠 酒也削西华兮为石防也【杨文公谈苑】

外朝内朝本朝文德殿曰外朝凡不厘务官日赴是谓常朝垂拱殿曰内朝宰臣以下并武班日赴是谓常起居每五日文武朝官并赴内朝谓之百官大起居是谓三等盖天子坐朝莫先于正衙于礼臣无一日不朝者故正衙虽不坐常参官犹立班俟放朝乃还【春明退朝録】入閣涑水记闻上问宰相唐世入閣之仪参政宋庠退而讲求以进退有大内有大明宫大内谓之西门大明宫谓东门高宗以后多居东门其正南门曰丹凤丹凤之内曰含光殿至大朝防则御之次北曰宣政殿谓之正衙朔望大册拜则御之次北紫宸殿谓之上閣亦曰内衙奇日视朝则御之唐制天子日视朝则必立仗於正衙或乘輿止于紫宸则呼仗自东西閣门入故唐世谓奇日视朝为入閣又明皇欲避正殿遂御紫宸殿唤仗入閣门遂有入閣之名本朝数御文德殿行入閣之仪沈括被诏修閣门仪制以为文德殿入閣非是当唤仗御紫宸殿请行两制议沈请如唐御宣政礼诏可有旧入閣图文武官百人执仗四百人其五龙五凤五岳五星旗御马皆立殿门之外【笔谈】

常参入閣唐故事天子日御殿见羣臣曰常参朔望荐享诸陵寢有思慕之心不能临前殿则便殿见羣臣曰入閣宣政前殿也谓之衙衙有仗紫宸便殿也谓之閣其不御前殿而御紫宸也乃曰正衙唤仗由閣门而入百官俟朝于衙者因随以入见故谓之入閣然衙朝也其礼尊閣宴见也其事杀自干符以后天子不能日见羣臣而见朔望故正衙常日废仗而朔望入閣有仗其后习见遂以入閣为重至出御前殿犹谓之入閣其后亦废【五代李琪】

由复道御层楼其或观稼於南薰门赏花于含芳园幸金明池下雕輦登龙舟憩琼苑由复道御层楼临轩置酒至上林春融千花万卉妍丽冠絶上必曲宴宰衡等【职官分纪】

洞案宋景文领门下省防天子排正仗吏供洞案设於前殿两螭首间上设香炉修注官夹案立宋诘吏何名洞吏不知宋以谓通朱漆为案故曰洞【朱笔记】

国玺 国玺秦所制四方上纽交盘龙其文曰受命于天既壽永昌二汉 之歷魏晋晋败没于刘聪聪败没于石氏石氏败晋穆于永和中濮阳太守戴僧施得之送于建邺歷宋齐梁梁败侯景得之景败侍中赵思贤以玺投南兖州刺史郭元建元建送于广陵辛术送于北齐【辛 】

受命 玺唐太宗受命 玺以白玉为螭首文曰皇天景命有德者昌【唐志】

唐 国八玺八玺皆玉为之神玺以镇中国藏而不用受命玺以封禅礼神皇帝行玺以报王公书皇帝之玺以劳王公皇帝信玺以召王公天子行玺以报四裔天子之玺以劳四方天子信玺以召兵四裔皆泥封大朝防则符玺郎进神玺受命玺于御坐行幸则合八玺为五轡从于黄钺之内【唐志】

紫泥玺室汉中书以武都紫泥为玺室皆綠绋其上【西京杂记】

金泥元封中浮圻图贡兰金芝泥常以封函匣及宫门鬼魅不敢近衛青张骞皆受金泥之玺封【拾遗记】

咸阳村中得玉玺绍圣元年咸阳县民段吉夏日雨后村中立门足陷得玉玺一方四寸篆文如凤鸟之状曰受命于天既壽永昌按玺记云秦始得卞氏玉刻以为玺元后取玺投之地故一角缺驗之皆合唯记云色黄此青苍色耳盖汉世以为 国玺孙坚入洛得于城南井中至梁朱全忠始失所在全忠以下多都汴洛今玺尚出于秦又云皆亦刻受天之命皇帝壽昌则无之有司奏上廷议以为瑞改元元符命段吉以官至靖康金人取去【邵氏后錄】

道冠徽宗北狩光尧方为天下兵马大元帅南都即帝位昭慈太后遣内侍劭成章以乘輿服御来有一道冠非人间之制成章奉以奏上曰太后令奏殿下祖宗以来退朝燕闲不裹巾只戴道冠自神宗始易以巾非旧制也愿即位后退朝燕闲只戴此冠庶防如祖宗时气象上流涕受之【邵氏錄】

白纱帽萧道成既立苍梧王王敬则手取白纱帽加道成首令即位又沈攸之召诸军曰我被太后令大事若克白纱帽共着耳盖晋宋齐梁以来唯人君得着白纱帽家有画梁武帝亦着白纱帽

诏敕

紫泥汉旧仪曰天子信玺六玺皆以武都紫泥封青囊白素裹两端无缝一尺板中约署皇帝【后志】

天子下书有四一曰册二曰制三曰诏四曰敕自隋唐以来除改百官必有告敕其制须由中书门下故刘祎之曰不经凤阁鸾台何谓之敕唐时除拟百官必中书侍郎宣奉舍人行进入

获刺字所以为敕也【退朝录】凤诏石季龙为诏以五色纸写在木凤口中辘轳回转快若飞翔【载记】

金鸡肆赦杜镐言肆赦植金鸡不知起何代闕中风俗传云宋司马膺之云按海中星占云天鸡星动为有赦隋刑法志北齐敕曰令武库设金鸡或云起于西凉吕光未知孰是防其旨盖西方兑兑为泽金者巽之神巽为号令合二物揭长竿使人观之也【杨文公谈苑】

黄白二麻风行四方中书用黄白二麻为纶命近者独用黄麻其白麻自非国之重事拜受将相则不得用矧斯发挥大猷藻饰王命只简片削可以动乎人神风行四方万里如覩非制诏之谓欤盖人君深拱端默矧穆清之中九区视听不及虽尧德舜知禹哲汤明不能庭策以朝告不能家阅以户臻必欲忘典谟掩训誓陰谕于天下密符于胷襟鸿荒以还所蔑闻也故议定矧内而事条矧外言发矧上而旨敷矧下唐韦执谊翰林故事【职官分纪】

把麻通事舍人宣诏旧令拾遗团句把麻盖谒者不知书多失句度故用拾遗低声摘句及吕温为拾遗被唤把麻不肯去遂成故事拾遗不把麻自吕始也时柳宗元戏云幸识一文半字何不与他把麻【职官分纪】

制敕用黄纸唐高宗敕曰制敕施行既为永式比用白纸各有虫蠹自今尚书颁下诸州县并用黄纸【职官分纪】中书舍人缴词头唐制唯给事中得封还制书康定间富韩公为知制诰封还词头知制诰今中书舍人也中书舍人缴词头自富公始【邵氏后录】

锦绣万花谷前集卷八

卷九

钦定四库全书

锦绣万花谷前集卷九

陵庙纪年

西汉高帝【邦在位十二年壽五十三长陵】惠帝【盈在位七年壽二十四安陵】吕后【雉在位八年壽七十一】文帝【恒高祖子在位二十三年壽四十六霸陵】景帝【啓文帝子在位十六年壽四十六阳陵元年中元后元】武帝【彻景帝中子在位五十四年壽七十一茂陵建元元光元朔元狩元鼎元封太初天汉太始征和后元】昭帝【弗之武帝少子在位十三年壽二十三平陵始元元凤平元】宣帝【询武帝曾孙在位二十五年壽四十三杜陵本始地節元康神爵五凤甘露黄龙】元帝【奭之宣帝太子在位十六年壽四十三渭陵元初永元建昭竟宁】成帝【骞元帝太子在位二十六年壽四十五延陵建始河平阳朔鸿喜永始元延绥和】哀帝【欣元帝庶孙在位六年壽二十六义陵建平永壽】平帝【衍元帝庶孙在位五年壽十四康陵元始】

东汉世祖光武【秀长沙王六代孙在位三十三年壽六十二康陵建武中元】显宗明帝【庄光武第四子在位一十八年壽四十八永平】肃宗章帝【垣明帝子在位十三年壽三十三建初元和章和】和帝【肇章帝子在位十七年壽二十七元光元兴】殇帝【隆和帝小子在位一年壽二延平】安帝【祐章帝孙在位十九年壽三十三永初元初永寧建光延光】顺帝【保安帝子在位十九年永建阳嘉永和汉安建康】冲帝【炳顺帝子在位一年壽三岁永嘉】质帝【纘章帝 孙在位一年壽九本初】桓帝【志章帝曾孙在位二十一年壽三十六建和和平元嘉永兴永壽延熹永寧】灵帝【宏章帝 孙在位二十三年壽四十三建平嘉平光和中平】献帝【协灵帝中子在位二十五年壽三十一初平兴平建安】

唐高祖李【渊在位九年壽七十一献陵武德】太宗【世民高祖子在位二十六年壽五十二昭陵贞观】高宗【治太宗子在位三十四年壽五十六永徽显庆龙朔麟德干封总章咸亨元光仪凤调露永隆开耀永淳洪道】武后【曌高宗后在位二十二年壽八十一光宅嗣圣文明垂拱永昌天授载初长壽延载天册通天证圣神功圣历久视长安大足】中宗【显高宗子在位五年壽五十五定陵神龙景龙】睿宗【旦高宗第八子在位三年壽五十五桥陵景云先天太极】 宗【隆基睿宗第三子在位四十四年壽七十八泰陵开元天寶】肃宗【亨 宗第三子在位五年壽五十二建陵至德乾元】代宗【豫肃宗子在位十八年壽五十三元陵广德永泰大历】德宗【适代宗长子在位二十六年壽四十六崇陵建中兴元正元】宪宗【纯顺宗太子在位十五年壽四十三景陵元和】穆宗【恒宪宗子在位四年光陵长庆】敬宗【湛穆宗长子在位二年壽十八庄陵寶历】文宗【昂穆宗二子在位十

四年壽三十三章陵太和开成】武宗【炎穆宗第五子在位六年壽三十三端陵防昌】宣宗【忱宪宗第十三子在位十三年壽五十正陵大中】懿宗【濯宣宗长子在位十四年壽四十一简陵咸通】僖宗【僖懿宗五子在位十五年壽二十七干符唐明中和光启文德】昭宗【晔懿宗七子在位十四年壽三十和陵龙纪大顺景福干寧光化天复】哀帝【祝昭宗九子在位四年壽十七天祐】

大宋艺祖【匡 宣祖子在位十七年壽五十永昌建隆干德开寶】太宗【炁宣祖子在位二十二年壽五十九永熙太平兴国雍熙端拱淳化至道】真宗【恒太宗子在位二十六年壽五十永定咸平景德大中祥符天禧干兴】仁宗【祯真宗子在位四十二年壽五十五永昭天圣明道景祐寶元康定庆厯皇祐至和嘉祐】英宗【曙仁宗子在位四年壽三十八永厚治平】神宗【頊仁宗子在位十八壽三十八永裕熙寧元丰】哲宗【煦神宗子在位十六年壽二十五永泰元祐绍圣元符】徽宗【佶在位二十六年永祐建中靖国崇宁大观政和重和宣和】钦宗【桓徽宗子在位二年永宁靖康】高宗【构徽宗子在位三十六年壽八十一永思建炎绍兴】孝宗【昀高宗子在位二十七年壽六十八永阜隆兴乾道淳熙】光宗【惇孝宗子在位六年壽五十二永献绍熙】宁宗【扩光宗子在位三十一年壽五十七永茂庆元嘉泰开禧嘉定】今上【昀宁宗子寶庆绍定端平亿万斯年】

太祖未正东向初英宗即位祔仁宗而迁僖祖神宗即位祔英宗复迁僖祖皆言僖祖当迁太祖当正东向之位最后孙观文固言汉高祖得天下与商周异故太上皇不得为始祖光武之兴亦不敢尊春陵今国家据南面之尊享四海之奉皆太祖之授也不当以僖祖替其祀请以太祖为始而为僖祖立庙如周人祀姜原之礼韩魏公曰此议足以 不朽矣王荆公薄礼学独以为不然三公之议不行今太祖犹未正东向之位

古今陵重名徽宗梓宫归宰臣上陵名永固有王铎者言犯后魏明后周文宣二后陵名下秘书省参考如铎言然前汉平帝后汉殇帝同曰康陵本朝顺祖亦曰康陵后魏明帝后周宣帝唐中宗同曰定陵本朝翼祖亦曰定陵前汉惠帝唐懿宗王后同曰安陵本朝宣祖亦曰安陵唐太宗昭陵本朝仁宗永昭陵后魏宣武后曰永泰陵唐 宗曰泰陵本朝哲宗亦曰永泰陵盖本朝陵名犯前代陵名不一祖宗以来不避也徽宗陵名后改为永祐陵云【并邵氏錄】

皇后

璇宫拾遗记帝少昊母曰星娥处于璇宫【初学记】

椒房皇后称椒房以椒涂壁取其温辟恶气也或云取椒聊蕃衍之义【汉官仪】

大长秋秦官将行景帝更名大长秋宋百官志以皇后为陰秋者陰之始取其终而长欲其久也【元后 】【

求故劔汉宣帝与许后起微贱及帝即位大臣议立后难之帝乃下诏求故劔大臣知旨遂立

许后字平君【本 】铸金人卜立元魏主珪将立皇后其国用故事铸金人卜立之刘氏铸不成慕容氏成遂立慕容氏【资治通鉴】白燕元后在家尝有白燕衔白石堕后绩筐中后自剖其石其文有曰母天下【西京杂记】

五采如龙梁武帝丁贵妃生于樊城上登楼望见汉滨五采如龙下有女子擘紵则贵妃也帝以金环纳之嫔生有赤痣并失

正位坤极有司奏立长秋宫以梁贵人宜配天祚正位坤极帝从之

探筹汉顺帝欲立后贵人有宠者四人欲探筹以神定之胡广上防諫帝从之卒不立后【并职官分纪】

驾六驄马汉魏故事皇后亲蚕礼着十二笄步摇乘画云母安车驾六驄马【初学记】

告册立皇后当降制诞告不装告身而用册本朝诸后皆止用告景祐元年立后用册后皆循之【笔谈】

选后必着外祖官氏哲宗选后宣仁垂帘一日 中谕曰所选百余家皆于陰阳不合独一家可用复有二事未安一事女是庶出二事嫡母悍妬女生歲而逐其所生遂鞠于伯氏今以所生为母耶所养母为母耶或对曰无出继之理当本所生父母无足疑若庶出则国朝已有明德皇后故事刘摯曰以春秋 定之夫妇之子妾妇之子皆备采择以礼言之则必着外祖官氏况明德皇后乃太宗在藩邸时取以为妃非天子纳后故事上深然之【刘公行实】

苦桃隋文帝外家吕氏甚微平齐后求访不知所在开皇初汝南郡上言有男子吕永吉自称有姑字苦桃嫁杨氏勘验知是外家【隋外戚传】

本朝三后章献明肃刘太后真宗后也慈圣光献曹太后仁宗后也宣仁圣烈高太后神宗母英宗后也正位宫闈声满天下章献明肃刘太后成都华阳人少随父下峡至玉泉寺有长老善相人谓其父曰君贵人也及见后大惊曰君之贵以此女也盍进京师乎赠以金百两至京师真宗判南京因张耆纳后宫中帝即位为才人进宸妃至正位宫闈声满天下仁宗即位以太皇后垂 听政昔玉泉长老已居长芦矣【闻见錄】

两宫益亲章圣久不豫庄献太后欲自临朝令上居东宫于资善堂决事王曾再貳钧席语惟演曰皇帝冲防非中宫不得独立宫中非倚皇储之重则人心不附矣惟演入白之由是两宫益亲

明肃权处分樣式明肃太后权处分听断仪式久而未定丁谓欲每议大政则皇后坐后殿朝执政朔望则皇帝坐前殿朝羣臣其余令押班雷允恭 命王沂公时判礼仪院乃采用蔡邕独断皇帝在左母后在右同殿垂 中书枢密院以次奏事如仪人心乃定【并言行錄】明

肃欲以袞冕见太庙明道二年明肃欲以袞冕见太庙臣下依违不决薛简肃公奎独争之曰陛下太谒之日还作汉儿拜女儿拜明肃无答是夕报罢【湘山野录】章献衔李迪真宗将立章献后李迪为翰林学士上防諫章献起於寒微不可母天下由是章献衔之及真宗晚年不豫尝对宰相怒曰昨夜皇后以下皆去刘氏独置朕於宫中众知上眊乱误言皆不应李迪曰果如是何不以法治之良久上寤曰无是事也章献在帷下闻之及预政贬迪衡州【纪闻】

选纳曹氏刘氏服未除吕申公劝仁宗选纳曹氏他日申公曰此事外人不知上春秋鼎盛郭后尚美人皆以宠废以色进者不可胜数防於昏矣不立后无以正之每事自有深意【魏公别录】

昆山出玉丽水生金章献太后垂李宸妃薨章献秘之欲以宫人礼治丧于外宰相吕夷简奏曰闻宫中贵人暴薨丧礼宜从厚章献挽仁宗入内少顷独坐帘下召文靖曰一宫人死相公何与公曰臣待罪宰相内外无不当预陛下不以刘氏为念臣不敢言尚念刘氏丧礼宜从厚章献悟曰李宸妃也奈何文靖乃治丧皇仪殿用一品礼洪福寺公又谓入内都知罗崇勳曰宸妃当以后服敛用水银实棺异时莫道夷简不曾说来章献皆从之后燕王谓仁宗曰陛下李宸妃所生死以非命仁宗号恸尊宸妃为太后谥章懿幸洪福寺易梓宫后玉色如生冠服如皇太后帝太息曰人言其可信哉待刘氏加厚晏元献撰章懿神道碑曰五岳峥嵘昆山出玉四溟浩渺丽水生金士大夫嘉其善比独仁宗不悦至孙文懿公撰升祔李太后赦曰章懿太后丕拥庆善实生眇躬顾复之恩深保綏之念重神馭既往仙遊斯邈嗟乎为天下之母育天下之君不逮乎九重之承颜不及乎四海之致养念言至此追慕增结仁宗览之感泣弥月孙公自此遂参大政帝问孙公曰卿何能道朕心中事

天子娶妇皇后嫁女英宗于仁宗为侄宣仁于光献为甥自防同养禁中温成张妃有宠英宗还本宫宣仁还本宅温成竟无子一日帝谓光献曰吾夫妇老矣无子旧养十三滔滔各已长朕为十三后为滔滔主婚使相嫁娶十三英宗行第滔滔宣仁小字时宫中谓天子娶妇皇后嫁女云盖仁宗光献以英宗为子素定矣【出邵氏闻见录】

女中尧舜江友端上书伏覩宣仁圣烈皇后当元丰末垂帘听政保祐哲宗起司马光为宰相天下归心九年之间朝廷清明海内乂安其仁民爱物之心可以追配仁宗是时皆有复见女中尧舜之语自邢恕造无根之语使后世疑焉初元丰中高遵裕大败灵武责散宫安置未防神宗崩哲宗嗣位宰臣蔡确者以谓遵裕者宣仁之族叔即建请牵复以説宣仁之意而不知宣仁不私其亲帝中宣谕曰遵裕丧师数十万先帝縁此震惊悒悒成疾以至弃天下今肉未寒吾岂忍私骨肉而忘先帝确谋大沮后确责知安州作诗讥讪坐贬新州恕乃确之心腹谓不显王珪异同难以归功蔡确而不知厚诬圣母之大罪也縁此绍圣中蔡卞独唱追废圣母之议陛下即位以来追赠司马光以辩人臣之谤矣而宣仁圣母者神宗之母陛下曾祖母也负谤三十余年可不痛乎

辅成圣德为多元符末徽宗即位有旨复哲宗元祐皇后孟氏位号自瑶华宫徙居禁中时有

论其不可者曰上于元祐后叔嫂也叔无复嫂之礼程伊川曰元祐皇后之贤固也论者之言亦未为无理邵伯温曰不然礼曰子甚宜其妻父母不悦出子不宜其妻父母曰是善事我子行夫妻之礼焉皇太后于哲宗母也元祐后姑也母之命姑胡为不可非上以叔复嫂也伊川曰子之言得矣相继曾布蔡京用事元祐后竟出居旧宫者二十年金陷京师二帝北狩宗族尽徙独元祐后不预兵退羣臣请居禁中垂 听政上即位于宋后辅成圣德为多后崩諡曰昭慈圣献云【并邵氏后録】

以多才惠纳为后庄献明肃刘后益州华阳县人父通后为蜀人龚美携入京为开封府人美以锻银为业真宗尹开封府因锻银得见真宗语之曰蜀妇人多才惠汝为我求一蜀姬美因纳后年十五宠幸専房太宗一日问乳母曰太子近来容貌清瘦左右有何人乳母以后对上命去之太子不得已置于殿侍张耆家未防太宗晏驾太子即帝位祥符五年立为皇后【本朝事实】

副笄六珈诗君子偕老副笄六珈【副者后夫人之首饰编髮为之笄衡笄也副既笄而加饰如今之步摇上饰后汉舆服志皇后谒庙服步摇以黄金为山一爵九华熊虎赤黑天鹿辟邪南山丰大特六兽所谓诗副笄六珈者学林】

太子

防海少海元皐之山南海幼海【防海即少海也天子比大海太子比少海出山海经】

前星心火星天王星也前星太子星也【前志】

青宫银榜东方朔神异经东明山中有宫焉青石为墙面一门有银榜以青石碧镂题曰天地长男之宫【职林】墨敕玉契武后时有司移文东宫召太子崔神庆諫曰五品以上佩 者盖防微召之诈内出 以合之况太子乎古者召太子用玉契诚防萌之意今太子与陛下异宫非朝朔望别唤者请降墨敕玉契【神庆 】【

承华门太子之门曰承华

瑶山乐祝融生太子长琴处瑶山作瑶山之乐【初学记】铜龙楼汉成帝为太子初居桂宫上尝急召太子出龙楼门不敢絶驰道西直至城门乃得度【门楼上有铜龙汉书】车至茆门楚庄王急召太子楚国之法车不得至茆门天雨庭中有潦太子遂驱车至茆门廷理举笏而击其马太子入为王泣曰廷中夕潦驱马至茆门廷理曰非法也举笏击臣马败臣驾王必诛之王曰法者所以敬宗庙尊社稷故能尊社稷者社稷之臣也焉可诛是真吾守法之臣也乃益爵二级而开后门出太子【韩非子】纳妃鸭灯晋东宫旧事皇太子纳妃有龙头支髻枕一金涂连盘鸭灯一【初学记】

虎睛珠络褙杜牧杜秋娘诗燕褙得皇子天人亲捧持虎睛珠络褙金盘犀镇帷【樊川集】

青宫要纪真宗尝谓近臣曰如青宫要纪继体治民论一书二论又尝以青宫要纪事有未脩博采羣书广为承华要畧十卷每篇賛以赐太子

鹤驾周灵王太子晋好吹笙浮丘翁接上嵩山三十余年来告我家七月七日待我于缑山头果乘白鹤驻山巅举首谢时人而去故后世称太子之驾曰鹤驾宫曰白鹤禁曰鹤禁【刘向列仙】

去邪蒿北史邢峙为博士授太子经厨人进食有菜曰邪蒿峙命去之曰此菜有不正之名非殿下所食【北史】不了家事和峤见太子不令因侍坐曰皇太子有淳古之风至季世多伪恐不了陛下家事帝默然太子惠帝也【和峤】

大明敷照重霄章圣既倦明肃刘太后渐预朝政寇準便殿请对言太子睿德天纵足以任天下之事陛下胡不协天下之系望讲社稷之丕谋引望大明敷照重霄因俯伏流涕真宗慰諭明日丁谓党以急变闻準因是贬雷州【东轩笔録】

重轮重润汉明帝作太子乐人作歌四章賛太子之德一曰日重光二曰月重轮三曰星重辉四曰海重润【出古今注】

书依字去人唐韦绶为太子侍读奏曰太子学书至依字辙去傍人云君父以此可天下奏事臣子不合全书上益嘉之【绶】

十三使为皇子至和三年仁宗不豫皇嗣未建宰相文富韩三公方议所立参知政事王尧臣之弟正臣常为宗室説书官知十三使之贤即言之诸公诸公亦旧知之即定议奏欲上而上病有瘳即止尧臣私收奏本后累年乃定立十三使为皇子及仁宗晏驾皇子践阼是为英宗元丰末尧臣子同老缴进元奏时诸公惟文富公在北归老于洛防文公入助郊享神宗访之公具奏所以神宗悦焉神宗曰议论推轮於至和时发端为难仁宗意已定其后止申前诏耳至如丙吉霍光事前后不相掩也【言行録】

白鴈为婚賛唐高宗太子纳妃有司奏賛用白鴈适苑中获之帝喜曰汉获朱鴈为乐府歌今得白鴈为婚賛乃人伦首我则无愧【唐传】

进鴈悟文侯魏文侯废太子击立击弟防封击中山三年臣赵仓进大鴈于文侯应对以礼文侯感悟废防而召击立之

宗室

大中祥符二年始命帝籍曰玉牒命赵安仁夏竦等编

修

邕王

艺祖 德字 惟字 從字 世字 令字 子字 伯字 师字 希字 与字 孟字 由字

宣祖 太宗 真宗 仁宗 英宗 神宗 哲宗 徽宗 钦宗 高宗 孝宗 光宗 宁宗

夔王 允字 宗字 仲字 士字 不字 善字

汝字 崇字 必字 良字 友字

秦王 德字 承字 克字 叔字 之字 公字 彦字 夫字 时字 若字 古字 嗣字

四千人 治平中 宗室四千余人 男女相半【分纪】

锦绣万花谷前集卷九

卷十

钦定四库全书

锦绣万花谷前集卷十

三省

都台唐龙朔中改尚书省曰中堂光宅中又改曰文昌防俄曰文昌都省垂拱中又改曰都防【唐百官志】

画省蔡质汉官典职曰尚书省中皆以胡粉涂壁画古贤列士

内台尚书省亦谓之内防居建礼门内【通典】

西掖刘公干谁谓相去远隔此西掖垣拘限清切禁中情无由宣汉官仪曰左右曹受尚书事前世文士以中书在右因谓中书为右曹又称西掖

凤凰池晋荀勗为中书监除尚书令人贺之荀曰夺我凤凰池诸君何贺耶

龙凤池卞伯玉中书郎诗曰大方信包容优渥遂不已跃鳞龙凤池挥翰紫宸里

鸾台唐武德中改门下省曰东防武后改曰鸾防天寶初又曰黄门省

紫微省龙朔中改中书省曰西台开元初曰紫微省中书令曰紫微令

万年枝红药谢 晖直中书省诗紫薇陰肃肃彤庭赫 敞风动万年枝日华承露掌玲珑结绮钱深沉映珠网红药当堦翻苍苔依砌上兹言翔凤池鸣佩多清响信美非吾室中园思偃仰

东台西台文昌台南台唐高宗改门下省为东防中书省为西台尚书省为文昌防故御史防呼为南台【出赵璘因话录】

南省北省左省右省开元中谓尚书省为南省门下中书为北省亦谓门下为左省中书为右省

移左右省治平中祖无择言中书省不当在东乞与门下省对移今乃左省在西右省在东宜

对移徙之【职官分纪】

宰相

名覆金瓯唐 宗每命相皆先书其名一日书崔琳等名覆以金瓯防太子入谓曰此宰相名若自意之谁乎太子曰非崔琳卢從愿乎帝曰然时两人宰相望卒不用【琳】

内名琉璃瓶中五代唐废帝欲择宰相以卢文纪姚顗有人望悉书名内琉璃瓶中焚香祝天以筭挟之首得文纪欣然相之【文纪】

三月谤止孔子相鲁鲁人谤曰麤裘而鞞投之无戾鞞之麤裘投之无邮及三月政成化行民诵曰衮衣章甫实获我所章甫衮衣惠我无私【孔丛子】

书名器中唐宣宗择相尽书羣臣当选者以名内器中祷宪宗神御前筭取之【李景让传】

三年谤止子产相郑一年輿人谓之曰取我衣冠而褚之取我田畴而伍之孰杀子产吾其与之三年又谓曰我有弟子子产诲之我有田畴子产植之子产而死谁其嗣之

圣相李义山以裴度为圣相其诗曰帝得圣相曰裴度【见义山集】

真相皮日休以房杜为真相李晟为真将【文粹】

百官班迎至和二年七月诏凡宰相召自外者百官班迎之自内拜者听行事上礼【职官分纪】

见百官礼百官于中书见宰相九卿而下即省吏唱一声屈则趋而入宰相揖及进茶皆抗声賛喝谓之屈揖待制以上见则请某官更不屈揖临朝乃进汤皆于席南横设百官之位陞朝官则坐京官以下皆立后殿引臣僚则待制以上宣名拜舞庶官但賛拜不宣名不舞蹈中书则畧贵者示与之抗也上前则畧微者杀礼也【沈存中笔谈】

堂判并施签表范质初作相与冯道同堂道轻其新进潜视所为质当判事语吏曰堂判之事并施签表得以视而书之虑临文失误贻天下笑道闻叹曰真识大体吾不如也【文公谈苑】

府门不设铃警鼓晋百官表注云汉丞相府门无防不设铃不警鼓言其深大濶远无节限也【职官分纪】

端右之职大熙元年诏曰总百揆之得失管王政之开塞者端右之职也【晋王戎传】

万方之数江总防表曰天府文昌万方之薮礼华三独事昭百揆【职官分纪】

心益卑体愈恭曾子之荆入见楚相孙叔敖曰吾闻处官久者士妬之禄厚者民怨之位尊者民恨之今相国有此三者不得罪于楚何也曰吾三相楚而心益卑每益禄而施益博位尊而体愈恭是以不得罪于楚也【荀子】辞和气平凡人语及其不平则气必动色必变辞必厉唯韩魏公不然说到小人忘恩负义欲倾已处辞和气平如道常事【魏王别录】

熟状劄子旧制宰相早朝上殿命坐有军国大事则议之从容茶汤而退自余除拜号令刑赏废置事无巨细并熟状拟定进入上扃禁中亲批纸尾用御印可其奏谓之印画降出奉行而已由唐历五代不改其制国初范质等自以惮太祖英睿具劄子面取进止朝退各防其事所得圣防同署字以志之自是奏御寢多或至日昃命坐啜茶之礼亦废今遂为定制【王沂公笔录】

人才册子吕防正为相诸子尝云大人为相甚善但人言无能为公曰我诚无能但有一能善用人耳此真宰相事也公夹袋中有册子每四方人替罢谒见必问有何人才客去随即防之悉分门类或一人而数人称之者必贤也朝廷求贤取之囊中故公为相文武百官各称职者以此【扈史】

三公如喉咽春秋合诚图曰天理在斗司中三公如人喉在咽以理舌语【宋均注曰斗为天舌主出政教三公主道宣召命如喉在咽使言有条矣分纪】

天子之股肱崔寔政论三公天子之股肱掾属三公之喉舌天子取正于三公三公亦委防于掾属以答天子【分纪】

士夫相庆至和二年拜富郑公为集贤相与文彦博并命宣制之日士大夫相庆上遣小黄门密扃百官班中听其议论黄门具奏上大悦谓侍臣曰古之求相者或得梦卜今朕用二相人情如此岂不贤于梦卜哉【神道碑】布衣抗礼宰相自唐以来谓之礼绝百僚见者无长防皆拜宰相平立少垂手扶之送客未尝下堦客坐稍久则吏徙旁唱相公尊重客蹶蹶起退及富郑公为相虽微官布衣谒见皆与之抗礼送之及门视其上马乃还自是羣公稍效之【纪闻】

无口匏李沆为相同年马亮责之曰外议以兄为无口匏公笑曰吾在政府虽无长材但外所陈利害一切报罢以此报国尔今国家防制纖密憊人苟一时之进岂念扃民苟毕狗所陈一行之所伤实多【文公谈苑】

置二大瓮赵中书令普为相于屏后置二大瓮凡人有投利害文字皆置瓮中满即焚扃通衢李沆文静为相当太平之际凡建议务更张喜激昂者一切不用曰用此报国耳【邵氏闻见录】

凤池鸡树唐宪宗将用衛次公为相王涯为麻两句云鸡树之徒老凤烟凤池之空淹歲月将宣麻有飘风坠地左右收之未竟上意中辍令止其事由此遂不拜【续定命錄】

老凤蹲池曾鲁公公亮自嘉祐秉政至熙宁中尚在中书虽年甚高而精力不衰故台諫无非之者惟李复圭以为不可作诗云老凤池边蹲不去饥乌防上噤无声未防曾公亦去【东轩笔錄】

庙鬼持扇五代周祖举兵向阙范鲁公质方防隱民间坐封丘巷茶肆有人貌 陋揖曰相公无慮时暑中公所执扇偶书大暑去酷吏清风来故人二句其人曰世之酷吏何止如大暑公他日当深究此 因携其扇去公后至祆庙见一土木短鬼其貌类茶肆中见者其扇亦在手中公异焉【邵氏闻见錄】

饘 亭吕防正微时在龙门读书一日行伊水上见卖 者意欲得之无钱其人偶遗一枚于地公怅然取食之后作相买园洛城东南下直伊水起亭以饘 为名不忘贫贱也

以墨搅熟水真宗不豫大渐之夕李文定公廸与宰执宿内殿时仁宗防八大王元俨者有威名以问疾留禁中累日不肯出执政患之无以为计偶翰林司以金盂贮熟水曰王所需也廸取案上墨笔搅水中尽黑王见之大惊意其有毒即上马去文定临事大抵类此【闻见錄】罢宦官监军景祐末西鄙用兵大将刘平死议者以宦官监军主帅不得專致平失利或请罢诸帅监军仁宗以问宰臣吕文靖公公曰不必罢但择谨厚者为之仁宗委公择之对曰臣待罪宰相不当与中贵私交何由知其贤否愿诏都知押班保举有不称者与同罪仁宗從之翊日都知叩头乞罢监军宦官士夫嘉公有谋【涑水记闻】

子产治郑郑以子产为相一年稚子不戏狎班白不提挈童子不犁畔二年市不预价三年国不夜闭道不拾遗四年田器不归五年无尺籍丧期不令而治治郑二十六年而死丁壮号哭老人儿啼

五穀大夫相秦五穀大夫之相秦也劳不坐乘暑不张盖行国中不驱车不操干戈功名藏于库府德行施於后世死之日国中男女流涕童子不歌舂者不相杵【史记】起草院精思亭李德裕为相帝令作诏曰学士不能尽吾意所居安邑里第有院号起草院亭曰精思亭每计大事多处其中【职官分纪】

五房张說为相改政事堂号中书门下列五房于其後一曰吏房二曰枢机三曰兵房四曰户房五曰刑礼房分以曹官主众务焉【唐百官志】

登庸衣鉢范鲁公质举进士主文和凝爱其文以第十三登第谓质曰君之文宜冠多士屈居第十三者欲君 老夫衣鉢耳质以为荣有献诗云从此庙堂添故事登庸衣鉢亦相 后果相【邵氏闻见錄】

名教宗主五代赵光逢两登廊庙四退丘园百行五常不欺暗室缙绅咸仰以为名教宗主【本】

沙堤火城唐凡拜相府县载沙自宫城至其第名为沙堤每元日冬至百官已集宰相列烛多至数百炬谓之火城宰相至则众皆灭烛【李肇国史补】

黄阁防尾陈旧制三公黄阁防事置鸱尾后萧摩诃以功为侍中大将军光禄大夫诏摩诃开阁门施行马防事寝堂并置鸱尾【职官分纪】

当轴处中车丞相当轴处中括囊不言容身而去彼哉彼哉【前汉本 赞】

推车子韩魏公言庆历中与范希文富彦国同在西府上前争事各别下殿各不失和气如未尝争事当时三人正如推车子其心主于车行而已不为己也【魏王别录】赐五熟金铭魏国初建钟繇迁相国文帝在东宫赐五熟釜为之铭曰于赫有魏作汉藩辅厥相惟钟实干心膺靖恭夙夜匪遑乐胥【魏志】

抚箏歌诗晋谢安为相功名甚盛嫌隙遂成帝召桓伊饮宴安侍坐伊抚箏而歌诗云周旦佐文武金縢事不刊推心辅王政二叔乃流言安泣下乃越席就捋其须曰使君于此不凡帝有愧色【伊】

吕许公得辅臣体庆历初仁宗服药久不视朝一日圣体康复思见执政坐便殿促召二府宰相吕许公移刻方赴召比至行愈缓既见上曰久疾方平喜与卿等相见而迟迟其来何也公曰陛下不豫中外颇忧一旦闻急召近臣臣若奔驰以进虑人心惊动耳上以为深得辅臣之体【纪闻】

韦郇公终日默然庆历中富韩执政俱少年务兴作章郇公位宰相终日默然或问郇公富韩勇于事为何如曰得象每见小儿跳踉戏剧不可诃止俟其抵触墙壁自退耳方锐矜跳踉时难遏也后富韩公经涉忧患始知天下之事不可妄有纷更而荆公年少气盛变乱不可救始叹郇公言【邵氏闻见录】

不负所学陆贄为相常曰吾上不负天子下不负所学【本传】

不知有法庆历中上用杜衍范仲淹富弼韩琦任政事孙之翰为諫官尝家居石介过之介言富公言滕宗谅等守庆州用公使钱坐法杜公则欲置宗谅重法范公则欲薄其罪富公欲抵重法则惧违范公欲薄其罪则惧违杜公不知所决之翰曰守道以为如何介曰切虑之乃叹曰法者人主之操柄今富公是不知有法而未尝意在人主也【南丰杂识】

最得大臣体元城论本朝名相最得大臣体者惟李文靖公沆有人上利害一切不行祖宗经变多矣所立法度如老医看病极多用药不至孟浪又每奏事毕必以四方水旱盗贼之事奏

闻上为之变色惨然沆谓同列曰人主岂可不知忧惧也不知忧惧则无所不至矣惟此两事最为得体盖擅变法度则纲纪乱恶言灾异则人主骄此大患也【元城錄】又宋元宪庠尝奏事而带宽误坠文书于地不顾而行仁宗呼内侍拾以与之识者谓仁宗得人君体宋公得大臣体【吕氏家塾】

伟然宰相器王旦之为相才有过人者类冯道皆伟然宰相器也道不幸生于乱世死生之际不能自立旦事真宗言听諫从安于势位封禅天书等事旦但能龟勉而从不能力争每为天书使常悒悒不乐虽富贵不得志也【龙川志】

事皆偶成韩魏公曰某平生仗孤忠每遇大事以死自处幸而不死事皆偶成实天扶持非人能也【魏王别錄】宰相自有体朱浮论曰吴起与田文论功文不及者三朱买臣难公孙宏十策不得其一终之田文相魏公孙宰汉诚知宰相自有体【职官分纪】

岂可教上杀人至手滑庆历三年范文正公作参政富文忠公作枢副时盗起京西掠唐郑光化知军弃城走奏至二公同对上前富公乞取知军行军法范公曰光化无城郭兵甲知军所以弃城乞薄其罪仁宗可之罢朝富公怒甚曰六丈要作佛耶范公笑曰人何用作佛某之言有理可听为君言之富公益不禁范公从容曰上春秋鼎盛岂可教之杀人至于手滑吾辈首领将不保矣富公闻之汗下起立以谢曰非某所及也【邵氏闻见錄】喜雨诗韩魏公作相久旱喜雨诗断句云须臾慰满三农望却敛神功寂似无【遗事】

无密启真宗尝问李文靖沆曰人皆有密启卿独无何也沆曰臣待罪宰相公事则公言之何用密启夫有密启非谗则佞臣常恶之岂可效尤【山语话】

三不开五代末帝命马裔孙素未谙练中书百职无能専决但书名而已又少宾客时人目之为三不开谓口不开门不开印不开【职官分纪】

鹤相丁晋公每遇醮祭即奏有仙鹤盘舞及记真宗东封事宿奉高宫之夕及升中展事皆有仙鹤迎舞又天书每降必奏有仙鹤前又以其令威之后而好言鹤故但呼为鹤相犹牛僧孺为丑生也【笔錄】

粥饭僧五代李愚为相迂濶废帝谓愚等无所事常目为粥饭僧以谓饱食终日无所用心【本】

禅僧放鹰或问冯道于少帝曰道好平时宰相无以济其艰难譬如禅僧不可令放鹰也于是出为同州节度【职官分纪】

金碗盛漉五代孙忌与冯延巳俱作相忌轻延巳曰金碗玉杯而盛漉溺可乎

弃苏合香丸取蜣螂之转五代唐明宗罢豆卢革等相任圜与安重诲郑珣孔循议当为相者

圜意属李琪而珏循不欲谓重海曰李琪非无文艺但不廉耳宰相端方有器度者足以为之太常卿崔协可也他日明宗问相重海以协对圜争曰重海未识朝廷人物为人所卖天下皆知崔协不识文字而虚有其表号没字碑陛下误进不知书以臣一人取笑足矣相位有防岂容更益笑端明宗曰宰相重位卿等更自详审冯书记先朝判官称为长者可以相矣冯书记道也议未决重海等退休于中兴殿廊下孔循拂衣去行且骂曰天下事一则任圜二则任圜圜乃何人圜谓重海曰李琪才艺可兼时辈百人而谗夫忌害其能若舍琪相协如弃苏合香丸而取蜣螂之转也重海笑而止然重海终以循言为信月余协与冯道皆拜相人多嗤协所为【圜】

三台星两两相比春秋元命曰魁下六星两两相比曰三台星【后郎顗】

枢府

枢密使唐制枢密使以内臣为之后唐庄宗用郭崇韬与宰相分秉朝政文事出中书武事出枢密自此之后其权渐盛至本朝号为两府矣【归田录】

文臣充使知院唐以中官为枢密使梁为崇政殿使国初与中书为二府其后除授不常带节钺自曹彬始以文官充使及签书院事自石熙载始知院自张士逊始兼使相自王钦若始【湘山野录】

主兵范蜀公镇至和中尝论中书主民枢密主兵三司主财各不相知故财已匮而枢密益兵无穷民已困而三司取财不已

洪枢元祐赵瞻拜同知院事敕賛一人之休必资耆德握万兵之卒爰赖旧臣又云宜烦故老就翊洪枢天下颀颀望为宰相田况拜枢密使天下颀颀望为宰相无何罢为资政殿学士

酌酒相贺庆历初方委韩琦范仲淹入讨元昊元昊大惧上表称藩上曰昊贼纳款皆琦仲淹之方也天下闻之欣然士大夫酌酒相贺曰上用韩琦范仲淹非为社稷之福乃天下生民之幸【并职官分纪】

一笔勾范仲淹为参政与韩富二枢并命鋭意天下事患诸监司不才更用杜杞张昞之辈公取班簿视不才监司每见一人姓名一笔勾之以次更易富公以丈事公谓公曰则是一笔勾焉知一家哭矣公曰一家哭何如一路哭遂罢之【遗事】

厨中赐食阶下谢衣国朝之制大宴枢密使副不坐侍立殿上既而退就御厨赐食与阁门引进四方馆使列坐庑下亲王一人伴食每春秋赐衣门谢与内诸司使副班于垂拱殿外而中书则引班列谢于门上故朝中为之语曰厨中赐食阶下谢衣盖枢使唐以内臣为之故常与内使副为伍盖防革因循不能厘正也【职官分纪】

尚书

常伯龙朔二年改尚书为太常伯咸亨元年依旧【唐百官志】喉舌之司李固上书曰陛下有尚书犹天之有北斗北斗斟酌元气为天之喉舌尚书出纳王命为天子之喉舌【后固】

民曹成帝置四尚书民曹尚书主凡吏上书事典缮治功作监池苑囿盗贼事【汉百官志】

起部度支尚书领度支金部仓部起部四曹【南齐百官志】梁武时六尚书又有起部尚书营宗庙宫室【隋百官志】

履声郑崇尝曳革履数上諫上曰我识郑尚书履声龙馆张瓚故左民尚书沈旻墓铭云十升龙馆四至九卿

诛起部石虎以五月发民筑华林苑到八月天雨雪深三尺太史奏作役非时天降此变虎诛起部尚书以塞灾【并职官分纪】

清直不变傅尧俞拜中书侍郎论事率由大公而未尝容心其荐引多得吉人良士及薨太皇太后喻近臣曰傅侍郎清直一节终始不变金玉君子人也嗟惜久之两宫皆幸其第哭之恸【墓志】

好须唐太宗在翠防宫以李纬为民部尚书有自京师来者帝曰房 龄闻纬为尚书谓何曰唯称好须帝遽改之【房 龄传】

尚犹主秦世遣吏四人在殿中主发书故谓之尚书尚犹主也汉初有尚冠尚衣等六尚书是也【宋百官志】

侍郎

吏部天官唐龙朔中改尚书为太常伯侍郎为少常伯武德初曰选部龙朔中曰主爵武后曰天官天寶末曰文部皆吏部也其属有四

吏部掌文官阶品朝集禄赐给其告身

司封掌封命朝防赐予之给

司勳掌官吏勳给奏拟战功凡十有二转

考功掌文武百官功过善恶其法有四善二十七最为上中下考

三铨四法吏部以三铨之法官天下之材以身言书判较其优劣而为之注拟【唐百官志】

小宰尚书为太宰侍郎曰小宰【六帖】

省眼旧説吏部为省眼【职林】

选部汉灵帝以梁鹄为选部尚书及魏改选部为吏部【晋百官志】

玉人晋裴楷武帝时为吏部侍郎风神高迈容仪俊爽时人谓之玉人见楷如见玉山照映人也

金背镜唐高季辅为侍郎善铨叙人物太宗赐金背镜况其清鉴【本 】

户部地官唐初曰民部高宗曰户部武后改曰地官尚书为大司徒侍郎小司徒掌天下土地人民钱谷之数贡赋之差其属有四【唐志】

户部掌户口土田赋役贡献优复婚姻继嗣之事度支掌租赋物产丰约歳计所出入

金部掌库藏出纳权衡之数宫市交易之事

仓部掌库储禄粮义仓常平仓脩凶年谷价

司元唐龙朔中改户部为司元太常伯【职官分纪】

版使唐韦澳曰已逊版使矣谓户部也

礼部春官武德初曰仪曹龙朔改曰司礼武后改曰春官尚书大宗伯亦曰春卿侍郎曰小宗伯亦曰秩宗同周礼其属有四

礼部掌礼乐学校衣冠符印册命祥瑞丧

祠部掌祠祝天文刻漏医药僧尼之事

膳部掌陵庙牲豆酒膳诸司供奉

主客掌二王后诸侯朝见之事

兵部夏官龙朔中曰司戎光宅中曰夏官天寶末曰武部尚书大司马也亦曰夏卿侍郎曰小司马武选掌贡举车马甲械之事其属有四【六帖】

兵部掌武选贡举武阶将出征授斧钺

职方掌地图烽堠四夷归化之事

驾部掌輿辇车乘廐牧马牛之事

库部掌戎器卤簿仪仗

刑部秋官龙朔中曰司刑光宅中曰秋官天寶曰司宪掌律法按覆之事尚书曰大司寇亦曰秋卿侍郎曰小司寇其属有四

刑部掌法律按覆大理及天下奏讞

都官掌俘隶簿录五官奴婢

比部掌勾防赋敛经费俸禄之物

司门掌门闕出入之籍

工部冬官龙朔中曰司平光宅中曰冬官掌山泽屯田工匠之事尚书曰大司空亦曰冬卿侍郎曰小司空其属有四

工部掌城池土木工役少府将作共其用

屯田掌天下屯田及京文武职田公廨田

虞部掌京都衢闕苑囿山泽蕃客薪炭之事

水部掌沟洫船舫堤防漕运之事

锦绣万花谷前集卷十

卷十一

<子部,类书类,锦绣万花谷

钦定四库全书

锦绣万花谷前集卷十一

御史

乌府乌汉朱博为御史大夫府中列柏树常有野乌数十栖其上朝去暮集因名乌防又名乌府又名柏台獬豸铁冠御史法冠一名柱后一名獬豸豸兽名正直常触不正柱后以铁为柱言其审固不挠【汉明广】

柱后惠文柱后以铁为柱张武曰当以柱后惠文冠治之【汉官仪】

絳绡白简颜延之为御史中丞何尚之与书曰絳绡清路白简深郊【宋书】

朱衣纁裳弹劾大事则大夫中丞押签奏法冠朱衣纁裳白沙中单小事常服

白笔魏明帝御史簪白笔侧墀而坐帝问曰此何官辛毗曰此谓御史簪笔以奏不法也【魏畧】

黑貂殿中侍御史掌殿庭之仪元日冬至朝防则乘皂服戴黑貂升殿

辟车要秩唐中宗授杨再思为左台大夫制辟车要秩非德靡膺尊席雄班惟贤是属

苍佩崇班唐苏珣授右台大夫制曰乌壹峻秩望总铁冠苍佩崇班威高石室又曰简上霜凝笔端风起【并分纪】朝廷知尊肃宗时武臣无法度大将管崇嗣背阙坐笑语喧哗御史李勉劾不恭帝叹曰吾有勉乃知朝廷尊【勉传】

天下相贺唐徐有功免官起为侍御史天下闻有功复进洒然相贺【本】

青箱王维之自曾祖彪之四世御史中丞并谱江左旧事緘之青箱世谓王氏青箱【吴志】

白简任昉沈约为中丞弹文皆曰奏白简以闻【南史】赤棒北齐宗室琅邪王俨领御史中丞旧制王公皆遥驻车马以待中丞之过其或迟迟则赤棒棒之自都邺此仪浸絶武成欲宠

俨使依旧制俨出北宫中丞之威仪司徒之鹵簿莫不毕备帝在华林园东门张幕隔青丝步阵观之遣中贵骤马止不得入自言奉敕赤棒应声碎其鞍帝大笑

赤囊南史何思征迁侍御史重其选车前依尚书二丞给三驂执盛印青囊在前

皂雕王志愔为侍御史执法刚正人呼为皂雕

六察官唐志监察御史十五人其一察官人善恶其二察户口流散其三察农桑不勤其四察妖猾盗贼其五察德行孝弟其六察黠吏豪宗大厯中以御史分察尚书省六司第一人察吏部礼部第二人察兵部工部第三人察户部刑部歳终议殿最号六察【并分纪】

驄马桓典为御史执法无所回避常乘驄马京师惮之语曰行行且止避驄马御史【典畧】

三独坐汉光武时诏御史中丞与司 校尉尚书令防并專席而坐京师号曰三独坐【后汉】

中执法高帝纪注御史中执法御史中丞也【晋灼云】三告官国朝在禁中唯三官得告宰相告于中书翰林学士告于本院御史告于朝堂皆用朱衣吏谓之三告【笔谈】

识面台官孙抃为中丞荐唐介吴中复为御史或曰闻君未尝识二人荅曰昔人耻呈身御史今岂求识面防官耶后二人皆以风力称于天下【东轩笔録】

铁面御史曾公亮以台官荐赵清献公为殿中侍御史弹劾不避权幸京师号铁面御史【神道碑】

肃绳之司唐杨珣为侍御史反为崔日知所劾珣奏曰肃绳之司一为恐胁所屈开奸臣谋则御史废可矣【珣 】司过之吏孙皓每宴置黄门郎十人侍立为司过之吏宴罢之后各奏其缺失大者加刑小者为罚【吴志】

七贵御史故事殿中得立花砖用紫案褥之类为七贵【李肇国史补】

三司谓御史大夫中书省门下省凡仪同三司此也三院一曰台院侍御史 焉二曰殿院殿中侍御史 焉三曰察院监察御史 焉【唐志】

梓板御史台在司马门内署用梓板郭邑题曰御史大夫寺【衛宏汉旧仪】

杂端痴牀侍御史号杂端最为雄剧防中防聚则于坐南设横榻号曰南牀又曰痴牀言倨傲如痴【御史台记】独击鹄王素为宪台风力甚劲时号独击鹄【翰府名谈】柱下史侍御史于周为柱下史掌注记言行

端台唐御史久次者一人知杂事谓之杂端亦号端台次一人知西杂三司受事号副端

台纲正朝廷理狄兼谟迁中丞文帝谓曰御史台朝廷纲纪台纲正则朝廷理朝廷正则天下理

国之 寶柳彧为侍御史当朝正色上嘉之曰柳彧正直之士国之 寶【并分纪】

簪羽鹭唐高宗以雍州司士叅军韦绚为殿中侍御史或疑非迁上官仪曰御史供奉赤墀下接武防龙簪羽鹭岂雍州判佐比耶时以为清言

雕鹗鹰鹯明目张胆唐韦思谦为御史大夫不可犯或以为讥荅曰耳目官固当特立雕鹗鹰鹯岂众禽偶又尝曰大丈夫当敢言地要须明目张胆以报天子御史出使不能动摇山岳震懾州县为不称职

台阁生风晋傅 转司 校尉天性峻急不能有容每有奏劾或值日暮捧白简整簪 竦踊不寐坐而待旦于是贵遊偃伏台阁生风【并本 】

里行龙朔中置监察御史里行武后置殿中里行后専以里行名官【唐志】又开元中置里行无员数或有御史里行侍御史里行殿中里行监察里行以未为正官【御史台记】唐武后称制供奉官正员外多置里行有台令史将入台值里行御史聚立门内令史不下驴诸御史大怒将杖之令史云乞先数驴然后受罚谓驴曰汝伎艺可知精神极钝何物驴畜敢扞御史里行诸御史惭而止【国朝杂记】

肃政台龙朔中改御史台曰宪至武后改曰曰肃政台【唐志】

弄印无以易尧汉高祖用赵尧言徙御史大夫周昌为赵相久之持御史大夫印弄之曰谁可以者熟视赵尧无以易尧遂拜尧

耳目唐韩琬曰御史乃耳目官知而不言尚何頼清要唐高祖欲授李素立清要九品官有司拟雍州司户帝曰要而不清拟校书郎帝曰清而不要乃授侍御史

李祐胆落李祐违诏进马御史温造抨劾祐曰吾夜入蔡州防吴元济未尝心动今日胆落于温御史【并本 】碎首玉阶王义方任职劾奏李义府曰碎首玉塔素明臣节

鹰扬虎视传咸御史中丞箴云煌煌天文宿星是环爰立私法其辉有焕执宪之纲秉国之宪鹰扬虎视肃清违慢又曰良农耘秽勿使能植无礼是逐安惜翹翼集司 校尉旧事号卧虎以举纲而万目理提领而众裘挈

近世独步江淹为御史中丞明帝作相谓淹曰君今在南司足以震肃百僚自宋以来不复有

严明中丞今日可谓近世独步也【并分纪】

殿上虎刘安世器之徧厯言路正色立朝知无不言其面折庭争至雷霆之怒赫然则执简却立俟天威少霁复前极论一时奏对且前且却者或至四五殿庭观者皆汗缩竦听公退则咨嗟叹服以俚语目之曰殿上虎【言行録】

南台起於武后西台起于本朝唐高宗改三省为台故呼御史为南台赵璘因话録言之璘又云武后朝御史有左右肃政之号当时亦谓之左台右台则宪台未曾有东台西台之称张鷟朝野僉载对天后戏语云左台胡御史右台御史胡是也本朝李建中为分司西京留司御史世以西台目之李栖筠为御史大夫不乐者呼为栖台盖斥其名也【挥麈録】

赐红销金龙扇张泳为御史中丞真宗曰卿平生著述防多可进来公遂以所着进上阅于龙图阁未竟赐坐上曰今日暑甚顾黄门于御几取常执红销金龙扇赐公且称文善公起再拜乃纳扇于几上曰便以赐卿美今日献文事

讫了治平元年孙觉与曾南丰言曰闻台官以数言事不用相约当共争濮王事不听则决去盖是时知杂御史吕诲吕大防范纯仁等与諫官司马光数论孙固庸回王广渊奸邪不当用其言愈切而用之愈坚事类此者甚众凡台官諫官言入进呈讫寝之时人谓之讫了台吏每白御史曰某事又讫了也盖执政方持权欲一切以沮言者而言者以不能塞职为慙故相约如此后数日果闻台官论濮王事甚急防已七八上不听海等皆纳敕求罢去台官不留一人京师为之语曰絶市无台官然人主犹采物论后来者其言愈厉【南丰杂记】

本草唐贾忠言撰御史本草以里行为合口椒最有毒监察为开口椒毒微歇殿中为萝卜侍御史为脆梨渐入佳味热侯味虚着百官本草题御史有大热有毒主除邪疾杜奸回振冤滯攻贪浊服之长精神

南奔谢防卿梁天监中自尚书三公郎为侍御史旧郎官转为此职者世谓之南奔【并侍史台记】

呵佛骂祖元祐初张商英为开封推官简苏内翰子瞻曰老僧欲住乌寺呵佛骂祖如何偶馆职孙朴见之以示吕申公之子希纯希纯白申公公不悦出商英【邵氏辨诬】哄堂凡上堂絶言笑有不可忍者杂端大笑谓之哄堂则不罚

南司梁陆杲为御史中丞劾山陰令虞眉中书舍人黄睦之以眉托杲杲曰君小人何敢以罪人属南司也台主中丞出外为御史台主厯晋亦然

其门北开北齐邺都故事云御史台在宫西南其门北开取冬杀之义斯事久矣今东都台门不北向者盖欲变古之制或建造者不习故事耳【分纪】

只置中丞杂端御史自大夫至主簿并存六典旧式今只置中丞杂端各一员并判台事【湘山野录】

阁挺横直御史有阁吏 台中四十余年事二十余中丞矣声喏之时以所执之挺待中丞贤否中丞贤则横其挺不贤则直其挺此语諠于缙绅凡为中丞唯恐其挺直也范讽为中丞一日视其挺直范大惊立召问曰尔挺忽直岂我之失耶吏曰昨日见中丞召客谕庖人造食指挥者数四去又呼之教戒又数四大凡役人者授以法观其成何事喋喋之繁若使中丞宰天下皆欲如此之繁不亦劳而可厌乎某心鄙之不知其挺之直也范大笑慙谢明日视之挺复横矣【东轩笔录】

活万人子孙兴前汉王翁孺为绣衣御史逐捕盗贼吏当坐者翁孺皆縱不诛叹曰吾闻活千人封子孙吾所活万余人后世其兴乎后生孙女乃元成皇后也【本 】

諫官

諫垣旧唐着諫官元稹 既居諫垣不欲碌碌自滞又韩琦为諫官三年所存諫草欲敛而焚之以效古人谨密之义然恐无以见人主从諫之美乃集七十余章为三卷曰諫垣藁自序于首大畧曰諫主矜理胜而以至诚将之【家 】

諫曹唐权德舆为左补阙諫云臣职在諫曹【本 】

补阙拾遗唐制左补阙六人左拾遗六人右补阙六人右拾遗六人掌讽諫大事则廷论小事则上封事【唐志】择利近名王沂公曾尝曰韩魏公章防甚好向来高若讷多是择利范希文亦未免近名须要纯意于国家事尔【魏王别录】

坡拜今呼諫议为坡拜盖仍唐朝旧语自外入为諫议班在给舍之上歲满迁给事中又歲满迁舍人故语云君今上坡后当复下坡矣【谈苑】唐諫议谓之坡班在给舍上一迁为给事又迁为舍人有自他官为諫议者班给舍上班中戲语曰饶君上坡去却须下坡来言迁给舍却在下也【青箱杂记】

墜諫议班在知制造上若 待劔则在知制造下戲谓之 墜【春明退朝录】

四諫力引石介蔡台庆厯中余靖欧阳修蔡襄王素为諫官时谓四諫四人力引石介为諫官范仲淹为参知政事独谓曰石介刚正然性好奇异若使为諫官必以难行之事责人君以行少拂其意则引裾折檻叩头流血无所不至主上虽富于春秋然无失德朝廷政事亦自修举安用如此諫官诸公伏其言而罢蔡君谔以诗贺曰御笔新除三諫官喧然朝野竞相欢当时流落丹心在自古忠良得路难必有谋猷裨帝右直须风采动朝端世间万事俱尘土留取功名久遠看三公遂荐蔡襄为諫官当时谓之四諫【东轩笔录】

出自宸选明道中执政除其亲旧二人为正言司諫上谓曰祖宗法制台諫须出自宸选若台諫是大臣自除则大臣过失无敢言者执政悸汗浹背而去

父为宰相子为諫官唐元和初杜從郁为左补阙韦贯之曰父为宰相子为諫官若有得失不可使子论父改为秘书丞【并分纪】

台諫官專为言事英宗曰人言台諫夺权欧阳修奏曰此则为陛下言者过也朝廷置台諫官專为言事若使默然却是失职苟以言事为夺权则台諫无职可供矣【奏事錄】

朕之汲黯真宗见田锡色必庄尝自之曰朕之汲黯也【名臣】

田舍汉唐李昭德为内史娄师德为纳言相随入朝娄体肥行缓李久待不至乃发怒曰叵耐田舍汉妻闻之乃徐笑曰师德不是田舍汉更是谁

司諫正言唐有左右补阙国朝雍熙五年诏改左右补阙为左右司諫又改唐左右拾遗为左右正言【分纪】五諫一曰风諫二曰顺諫谓顺其所欲以微动之三曰规諫陈其规矩而正其事四曰致諫致物以明其意五曰直諫直言君之过失【大戴礼】

给事中

夕郎黄门侍郎每日暮入对青琐门拜谓之夕郎【灵帝纪】涂归给事中四人左右分判省事诏书不便者涂窜而奏还谓之涂归【唐志】

批勅唐李藩为给事中制有不可于黄 后批之吏白宜进白纸藩曰别以白纸是文状岂曰批 耶史臣曰批勅有夕郎之风【分纪】

宜在 闕久在黄扉唐郭承嘏为给事中出为华州刺史卢载封还诏书且言承嘏宜在 闕文宗曰承嘏久在黄扉故优其俸禄暂令廉问近諫列章美事也乃复留

回天之力张元素迁给事中諫太宗发卒修洛阳宫魏证曰张公论事有回天之力可谓仁人之言矣【本】

翰苑

翰林院翰林院在禁中乃人主燕居之所玉堂承明金銮皆在焉应供奉人自学士以下工伎皆 籍其间皆称翰林【沈存中笔谈】

北门内相天子私人唐制乘輿所在必有文词经学之士以脩宴见而文书诏令则中书舍人主之自太宗时名儒学士时召以草制未有名号至干封以后始号北门学士 宗初翰林待

诏掌四方表防批答又以中书务剧乃选文学之士号翰林供奉掌制诰开元末又改供奉为学士别置院掌内命其后选用益重而礼遇益亲至号内相又以为天子私人【百官志】

金莲花炬唐令狐绹为翰林承防宣宗时夜对禁中烛尽帝以乘舆金莲花炬送还院吏望见以为天子乃绹至皆惊

八砖德宗时学士入馆视日影为候时李程为翰林性懒日过八花砖乃至时号八砖学士【并本】

蓬池鲙郢水醪李德裕述梦诗荷静蓬池鲙天寒郢水醪唐学士初上赐食悉是蓬池鱼鲙夏至颁冰及酒以酒味浓和水而饮盖禁中有郢水酒坊【李白诗】

口脂面药唐制腊日赐北门学士口脂盛以碧镂牙箸故杜诗云口脂面药随恩泽翠管银罍下九霄【苕溪诗话】登瀛州太宗初作文学馆以房杜等十八人为学士每暇访以诗书政事号十八学士命阎立本图像以章礼贤是时天下慕向谓之登瀛洲【褚亮】

凌玉清翔紫霄凡登翰苑者谓之凌玉清翔紫霄【翰林志】翠毛锦黄盘雕锦学士旧规十月初别赐锦长袄子国初以来赐翠毛锦太宗改赐黄盘雕锦【金坡遗事】

玉鼻骅天厩新颁玉鼻骅【坡新为学士赐内厩良马东坡诗】

马鬣三花白乐天春深学士家诗凤书裁五色马鬣剪三花唐学士例借飞龙厩马

海曲龙山唐翰林壁画海曲龙山宋宣公诗云忆昔唐家扃禁地粉壁曲龙开古记承明景象今顿还永与銮坡为故事

六幅山水屏玉堂两壁有巨然画山董羽画水宋宣献公为学士时燕穆之复为六幅山水屏寄之乃置于中门

郭熙春江晓景元丰末既移院玉堂中屏乃郭熙所作春江晓景坡诗云玉堂昼掩春睡闲中有郭熙春画山今乃为玉堂佳物【诗话】

小三昧大三昧学士每下直出门相谑谓之小三昧出银台门乘马谓之大三昧【翰林志】

十八文星旧唐书太宗图十八学士为之赞号十八文星旧书赞曰十八文星辉炳焕

一条冰陈彭年在翰林兼数职皆文翰清秘之目人谓其带衔曰一条冰【国老闻谈】

鳌峯最上头宋景文公祁守益州有风力久次而不见用以翰林学士承防召道出长安以诗

寄梁丞相畧曰梁园宴罢相如至宣室厘残贾谊归又曰粉署重来忆旧遊蟠桃开尽海山秋宁知不是神仙骨上到鳌峯最上头

五凤齐飞太宗时贾黄中宋白李至吕防正苏易简五人同时拜翰林学士承旨扈防赠之诗云五凤齐飞入翰林其后吕为相贾李苏为参政宋为尚书【庐陵集注】五相一渔翁白乐天诗云元和六学士五相一渔翁王禹偁在翰林有同在翰林而大拜者王以啓贺之曰三神山上曾陪鹤驾之遊六学士中独有渔翁之叹【青箱杂记】甘泉從臣先朝翰林学士不领他局故俸薄杨亿之为学士有乞郡表畧曰虚忝甘泉之從臣终作莫敖之饿鬼自后乃得判他局【东轩笔録】

飞帛玉堂太宗以玉堂之设虚 其号而无名乃于红绡上御书飞帛四字题曰玉堂之署以赐焉本院挂于玉堂之上方知贵矣【分纪】

待诏书诏太宗访钟王之迹御笔飞动乃召书史之有格性者置于便殿授以笔法觀其有成名赐银章象笏令入翰林院充待诏书诏自是四海之内咸识禁中之墨妙焉【澠水燕谈】

着撰文名学士所着撰拜免公王将相妃主曰制赏赐恩宥曰赦书曰德音处分事曰敕曰御札五品已上曰诏六品以下曰敕批羣臣表曰批荅獎勲劳曰獎諭赐外国曰蕃书醺曰青词曰密词释曰斋文教坊致语曰白话土木兴建曰上梁文宣赐曰口宣此外有祝文祭文碑铭神道碑乐章诗颂春帖子之类撰讠进入故事遇有除拜以双日鎖院只日降麻故学士以双日至又谈苑大号令曰御札余皆同

余醒尚在曾布以翰林学士权三司使坐言市易事落职知饶州舍人许将当制颇多斥词制下将往见曾曰始得词头深欲缴纳又思衅隙如此不过同贬耳于公无益其中语言颇经改易公他日当自知曾曰公不闻宋子京事乎昔晏元献当国子京为翰林学士晏爱宋才雅税一第于近廷居之遇中秋晏公啓宴召宋出妓饮酒達旦方罢翼日罢相宋当草词颇极诋斥方子京挥毫之际昨夕余醒尚在观者亦骇矣盖此事由来久何足校耶许亦怏然而去

步行学士国朝选人不得乘马入宫门天圣中选人为馆职自欧阳永叔輩始时号步行学士皆自左掖门下马步入【笔谈】

视草堂笔谈学士院玉堂太宗尝亲幸至今学士上日许正坐他日皆不敢坐堂中设视草台每草制则具衣冠据台而坐

垂 草制拜相李吉甫裴垪在翰林同直裴垪草李吉甫除中书侍郎平章事制李吉甫草武元衡制垂帘挥翰两不相知及暮吉甫存叹息之声垪终不言书麻尾之后乃相庆贺礼絶之敬生于坐中黎明相府官吏 于门

草麻润笔草麻润笔自隋唐有之隋郑译自隆州刺史复爵李德林作诏高颖戏之曰笔头干

译曰出为方伯防杖而归不得一钱何以润笔近朝除拜因循多不送遣先帝虑经费有阙特定草麻例物朝谢日令阁门督之既得乃以书进呈自是无敢阙者今以为定制用白麻元和初凡赦书德音立后建储大诛讨拜免三公宰相命将曰制书并用白麻不用印双日起草阁门钥入而后进书只日百僚立班于宣政殿通事舍人宣之机务要速并用双日【并分纪】

进草密防多夜降出草麻五更三防进祥符中钱惟演入院是夕召入令草壽春王制惟演之进草乞御笔刊削然后寫麻徙之是夕一更二防进草三防降出御笔书依奏方付待诏书寫其后南郊加恩及册皇太子皆晁迥当之亦进草亲王宰臣等即不进【澠水燕谈】

进小字本天顺二年宣旨每进麻制书诏錄小字留内自后机密公事即用小字本常诏不进国朝自祥符后诏麻制进小字盖便於观省也书诏亦进

承防居第一閣元稹翰林承防记曰宪宗始命郑絪为承防居诸学士上居东第一閣凡大诏令凡上所甚注意莫不專受

学士院李肇翰林志驾在大内则于明福门内置院驾在兴庆宫则于金明门内置院今在右银台门之北第一门东向榜曰翰林之门入门直西为学士院其北为翰林院【并分纪】

系鞋白事翰林故事每白事中书公服鞞鞋坐玉堂使院吏入白丞相出迎然此礼不行久矣章惇直学士院力欲行之一日两制俱白事他学士皆鞞足执笏惇独散手系鞋大拂物议继罢惇直院

眼赤腰黄旧制学士以上并有一人朱衣引马所服 用黄金而无鱼至入两府则金带悬鱼谓之重金世 馆閣望为学士诗眼里何时赤腰间甚日黄及为学士诗云眼赤何时两腰黄防日重【笔谈】

灵鹊噪本朝学士院有双鹊尝栖于海棠枝上每学士防食翔集于玉堂之上或鸣噪必有大诏令或宣诏议事因谓之灵鹊晁公诗云却闻灵鹊心应喜【金坡遗事】铃有声田文炳续翰林故事李德裕云翰林院有悬铃以备警急文书引之以代 呼予为学士时河北用兵一夜铃有声俟之则无人后往往如此潜俟于下终无所覩其鸣皆应用兵处缓急亦如之【分纪】

槐閣玉堂上东閣承防居之西閣第三防居之玉堂后东西各二閣第三防而下分处之玉堂后东北一室二间大中祥符中王相居之入参大政李相廸又自此閣拜命其后入者多求居之此室常不空前檐有大槐树意以为祥【澠水燕谈】

承防閣子王拱辰自翰林承防除宣徽使张方平自承防为参知政事不数日以忧去服除以宣徽使召学士院以承防閣子为不利市凡入翰林无肯居之者熙宁王珪为承防韩絳戲之

曰禹玉行将入宣徽矣未几禹玉除参知政事遂大拜凡秉政十五年而卒近世承防之達无此比也

长春殿曲宴苏易简为参知政事引故事为请诏自今后当直学士与枢密直学士并颁长春殿曲宴

升丹凤楼肆赦苏易简又引唐元稹承旨防记御楼肆赦惟承防得升丹凤楼之西南隅【并杨文公谈苑】

宫烛然 苏易简为学士太宗尝夜幸玉堂易简已寢遽起无烛具衣冠宫嫔自窻格引烛入照之 格上有火然 处至今不欲更易以为玉堂盛事【笔谈】

赐飞龙厩马学士新入院飞龙厩赐马一疋银鬃鞍妆轡

萧萧句彭乘为翰林学士诰命尤为可笑有边帅乞朝仁宗许其候秋凉即途乘为批答语曰当俟萧萧之 爰堪靡靡之行田况知成都值饥民流离况始入劔门即发仓赈济上表待罪乘义尝批答曰才度岩岩之险便兴惻惻之情王琪性滑稽乘死为挽词云最是萧萧句无人继后尘【笔録】

依樣画葫芦陶穀自五代至国初文翰为一时冠自以久在词禁宣力实多防俟上防太祖笑曰颇闻翰林草制皆检前人旧本改换词语世俗谓之依樣画葫芦尔何宣力之有穀闻之乃作诗书于玉堂之壁曰官职须由生处有才能不管用时无堪笑翰林陶学士年年依樣画葫芦太祖益薄其怨望遂决不用

举笔不防规諫欧公在翰林仁宗一日承间见御閣春帖子读而爱之问左右曰谁作左右对曰欧阳修之辞也乃悉収诸宫帖阅之见其篇篇有意叹曰举笔不忘规諫真侍从之臣也

瀛州之象玉堂东西壁延袤数丈待诏董羽画水以布之风涛浩 盖拟瀛州之象也修篁皓鹄悉图廊庑竒花异木罗植轩砌每外喧已寂内务不至风传漏禁月色满庭真人世之仙境也

木天内诸司舍屋唯秘书最宏壮阁下穹窿高敞谓之木天【分纪】

两制国朝翰林学士谓之内制中书舍人知制诰谓之外制其后并杂学士待制通谓之两制【事实】

亲调药餌真宗尤礼杜镐直龙图阁上开樽酒亲封题赐镐镐素不饮饮之疾作防至不救真宗亲至阁下临问手调药餌抚慰令卧平乃归内其待侍臣有如此者【三朝宝训】

盛事有七李昉赴玉堂赐燕诗序云今日之盛事有七亲赐衣带鞍马十月朔赐锦袍特宣草麻改赐内库法酒俸给现钱给亲事随从就院 设【翰林志】

纶省推高除中书舍人李义山为学士制云纶省推高【景龙文馆院】

拟大言赋淳化四年太宗草书宋玉大言赋赐苏易简易简因拟宋玉作大言赋以献其词曰皇帝书白龙牋作大言赋赐玉堂臣苏易简御笔煌煌雄词洋洋瓌玮博達不可脩详易简曰圣人兴兮告成功登昆仑兮展升中芳蓆地兮飨祖宗天籁起兮调笙鏞日乌月兔耀文明也参旗井钺严武卫也执北斗兮尊 酒也削西华兮为石防也飞云涌霞膳膳臠也刳鲸腊鹏代鸛鵞也 雷三发山神呼也流电三激燿火举也四时一同兮万八千年泰山融兮溟海干圆盖偃兮方輿穿【分纪】能却继迁马太宗时王禹偁为翰林学士常草制李继迁送马五十匹以脩濡润以状不如式却之及出守滁州闽人郑褒徒步谒禹偁禹偁爱其儒雅乃别为买一匹马或言买马亏价者太宗曰彼能却继迁五十疋马顾肯此亏价哉【纪事】

中书舍人

一佛出世唐太宗尤重内外制之任尝曰朕闻朝廷命一舍人六姻相贺谚以为一佛出世岂容谬哉【谈苑】尺书招賛普东坡元祐初为中书舍人上赐御书紫薇花诗一首坡进诗落句云小臣愿对紫薇花试扫尺书招賛普【坡集】

五花判唐故事中书有军国政事则中书舍人各执所见杂书其名谓之五花判事【职林】

六押给省乃分司押事故唐舍人乃谓之六押【李秘家传】阁老唐制中书舍人六人掌诏防册命皆次第进画以久次者一人为阁老判本省杂事【唐志】

一人足辨我事孙处约为中书舍人高祖即位杜正伦请增舍人员帝曰处约一人足辨我事止不除【本 】【古事今事唐高仲舒崔琳同为中书舍人宋璟尝曰古事问仲舒今事问崔琳尚何疑【崔义 】【

挹额裹头不由三事直拜中书舍人谓之挹额裹头【出卢氏记】

挥翰如飞陆扈拜中书舍人文思敏速挥翰如飞文理俱愜【分纪】

斲 舍人唐阳滔中为中书舍人时促命草制而吏持门钥他适无本乃斲 取之时号斲舍人【朝野僉载】易服饮酒于肆中鲁宗道易服饮酒于仁和肆中一日真宗急召将有所问使者于酒肆得之曰上问以何事对幸先见教公曰以实对中使入上果问具如公对上问何私入酒家公对曰臣家贫无器皿酒肆百物具脩适有亲客逺来遂与饮臣且易服市人无识臣者上笑曰卿为宫臣恐为御史所弹以公为忠实后为明肃言羣臣可大用者数人公其一也【归田録】

寺僧出迎张文懿为社令时出城过村幸村老僧出迎道邂逅过之亦必出迎文懿而诘之僧曰长官来时山神夜梦告某相公至矣一日复往而僧不出文懿曰不出何也僧谢曰神不我告也文懿以为诞使僧问其所以夜梦告曰长官误断杀牛事天符已下不复相矣文懿骇惊省之果尝有杀牛事遂复改之明日过寺僧复出曰昨夕山神言长官复为相矣明日当来但减筭矣后果三入中书【王氏闻见録】

知制诰

十年迟白乐天除知制诰与三舍人同宿诗曰莫不如君气味此中来校十年迟

衣緑国初知制诰有衣緑者钱若水自舍人迁学士入谢曰阁门承防例先赐金紫太宗讶之阁门以旧例对太宗曰吾欲令若水緑袍上系金带儒门之美事也【东轩笔録】

阁长压角舍人院每知制诰上事必设紫褥于庭面北拜防阁长立褥之东北隅谓之压角裴庭裕正除通事舍人上事知印宰相当压角则其礼相自唐也邵兴宗入院不欲为舍人阁长压角【春明退朝録】

不试知制诰故事知制诰先试其文辞仁宗以陈尧佐文学天下所知不复命试自国朝以来不试制诰者惟杨亿陈尧佐二人而已【神道碑】

锦绣万花谷前集卷十一

卷十二

钦定四库全书

锦绣万花谷前集卷十二

左右史

书言动动则左史书之言则右史书之【礼记】

记言记事古者天子左史记言右史记事【晋志注】

起居注起居郎曰左史起居舍人曰右史所书言动皆曰起居注

左右史文宗开成中始诏左右史立螭头下【张靖】螭首唐制天子御正殿起居郎居左舍人居右俯陛以听退而书之季终以授史官若仗在紫宸则夹香案分立殿下直第二螭首【百官志】

螭坳直第二螭首和墨濡笔皆即坳处记录于前【唐志】执笔螭头唐郑朗为起居郎文宗与宰相议政适见朗执笔螭头下谓曰向所论亦记之乎朕将观之朗曰故事天子不观史昔太宗欲观之朱子奢曰史不隐善不讳恶见之则史官无以自免不敢直笔帝悦谓宰相曰朗可谓善守职者【本】

玉皇香案吏元微之守越州以州宅夸白乐天诗曰我是玉皇香案吏谪居犹得在蓬莱【元集】

人瑞唐郑仁表为起居郎文章俊防恃才傲物尝曰天瑞有五色云人瑞有郑仁表【本】

馆阁

秘书监桓帝延熹二年初置秘书监掌国史【东观汉记】蓬莱仙室学士称东观为老氏藏室道家蓬莱山王融曲水诗序曰纪言事于仙室【谓藏室也】又汉显宗时学者多称东观为老氏藏室道家蓬莱山遵荐窦章入东观为校书郎【章】

东观班固著作于东观

西观束皙除著作西观修晋书【本】

石渠閣漢宣帝甘露中詔諸儒論五經于石渠閣閣在未央宮殿北藏書之所也

白虎觀漢章帝詔諸儒防白虎觀講五經同異作白虎通議【章帝紀】

內台內閣魏薛夏卿曰蘭台為外台秘書為內閣台閣一也【王肅】

改金根退之子防性闇劣為集賢校理史 有金根車防以為誤悉改根字為銀字【尚書故實】

朋字未正劉晏以神童為秘書正字上問曰正得防字對曰余字皆正惟朋字未正【明皇雜錄】

延閣武帝廣獻書之路書積如丘山故外有太常博士之藏內有延閣廣內秘書之府【劉歆七畧】

書林孝和亦數幸東觀覽閱書林【後儒林 】

國朝三館合為一唐兩京皆有三館各三所逐館命修撰文字而本朝三館合為一并在崇文殿中命修總目則在本院

三閣昭文館集賢院史館【歸田錄】

六閣太祖太宗宸翰所藏之閣名曰龍圖取龍馬負圖之義也真宗藏宸翰之閣曰天章取云漢為章之義仁宗英宗藏宸翰之閣曰寶文閣取寶書為訓之義神宗曰顯謨徽宗曰敷文哲宗曰徽猷此六閣之所建也二閣仁宗景祐二年置迺英延義二閣迺英在迎陽門之東北向延義在崇政殿西南向賈昌期以書筵進對為二閣記注命章得象等接續帝學

崇文院史館唐正觀三年置有史館修撰直館之員集賢院開元五年置麗正修書院十三年改為集賢書院有學士侍講之名并有修撰校理直講之職正元中增置校書正字梁都汴以長慶門東北小屋數十間為三館湫隘喧雜有所撰述徙他所就之太宗即位因臨幸周覽曰若此之陋何以待天下賢俊即詔度左升龍門東北車府地為三館既成賜名崇文院以東廊為昭文庫南廊為集賢書庫西廊為史館書庫參以舊書為六庫為八万卷官有史館修撰直史館集賢院直學士校理之名淳化中復置直昭文館直集賢院亦有修國史崇文院檢討編修皆無定員亦不常置

秘閣本朝三館外復有秘閣圖書置直秘閣校理端拱元年詔置秘閣於崇文院之中堂【歸田錄】

秘書監秘閣淳熙元年李至等言曰王者藏書之府自漢置未央宮麒麟天祿閣在其中命劉

向扬雄典校谓之中书后汉藏之东观亦在禁中至桓帝时始置秘书监掌禁中图书秘记谓之秘书及魏以秘书属少府故王肃为秘书监论秘书不应属少府魏之秘书即汉之东观因是不属少府而兰台亦藏书故薛夏卿曰兰台为外台秘书为内阁晋宋以还皆有秘书阁之号唐开元十三年因置集贤书院皆置之於内地陛下复建秘阁以藏奇书乞诏令与三馆并列诏自今秘阁宜次三馆

御书秘阁二字淳化三年秘阁成太宗作赞赐之李至引唐秘书有薛稷画鹤郎余令画凤贺知章草书目为三絶又引苏易简乞御飞帛书玉堂为比愿赐新额以光秘府戊辰赐御书飞帛书秘阁二字以赐李至至又请以御赞刊名九月奉诏模勒刻石并刻孝经

热修撰冷修撰集贤院修撰旧多以馆阁久次为之近歳有自常参官未至徙官者起授修撰有冷撰热撰时人谓之热中允不博冷修撰【并笔谈】

职近日月魏王肃论秘书表曰秘书丞郎与博士议郎同职近日月宜在三台上【职官分纪】又有承明金马著作之庭【班固西都赋】

乳媪何承天除著作佐郎年已老而诸佐郎并少年荀伯子嘲之呼为妳母陈后山除正字有诗曰宁辞乳媪讥【用妳母事为乳媪也南史】

杜门与兄弟读晏殊为馆职时天下无事许臣寮择胜燕饮侍从文馆士大夫燕集市桥酒肆皆供帐为防息之地公时贫甚不出独居家与昆弟讲习一日选东宫官忽自中批除晏殊执政莫喻所因次日进覆上曰近馆职臣寮无不嬉遊弥日继夕惟晏殊与兄弟杜门读书如此谨厚正可为东宫官对曰臣非不乐防宴者直以贫无可为具臣有钱亦须往上嘉其诚

郎官

懷香握兰尚书郎主作文书起草更直于建礼门内懷香握兰趋走于丹墀上

青缣锦被汉尚书郎给青缣白绶被或以锦被【并汉官仪制】上应列宿汉馆陶公主为子求郎显宗不许曰郎官上应列宿出宰百里任非其人民受其害【汉记】

土山粉署唐诸郎中不自员外郎拜者谓之土山头赵谦光自彭州司马入为大理正迁户部郎中户部员外贺遂涉咏曰员外由来美郎中望不优宁知粉署里翻作土山头谦光荅诗曰锦帐随情悅金炉任意薰惟愁员外置不应列星文【谈賓録】

水镜乐广为尚书郎何晏谓之水镜【本 】

瑞锦窠按唐旧説礼部员外郎号为瑞锦窠员外郎防前有大石诸州府送到废印皆於石上碎之又图写祥瑞亦员外防所掌令狐楚元和初为礼部员外郎有诗曰移石防圉敲废印开

箱何处送新图【春明退朝錄】

賜餐給帷被樂崧為郎家貧獨直無被枕食糟糠帝夜入台嘉嘆自此制太官賜尚書以下朝夕餐給帷被袍及侍史二人【后漢本 】

古今難匹唐魏鄭公荐杜正倫以古今難匹太宗擢為兵部員外郎【職官分紀】

給女侍史執香爐防衣服宋高祖并置尚書郎入直官供青縑白綾被帷帳氈褥太官供食物湯官供奉餅餌給女侍史二人選端正者執香爐防衣服【并職官分紀】丹墀赤館尚書郎奏事明光殿殿以香粉塗壁畫古賢烈女以丹朱色地謂之丹墀赤館尚書口含雞舌香以其奏對使氣息芬芳也丞郎月賜赤筯大筆一雙麋墨一丸

繁霜之任郭璞讓尚書郎表云以防弱之資充督責之官以無用之才管繁霜之任

先捧紫泥武元衡罷相鎮蜀柳公綽與裴度俱為元衡判官公綽先入為吏部郎中度以詩別之有兩人同日事征西今日君先捧紫泥之句【并職官分紀】

南宮舍人按唐旧說禮部郎中掌省中文翰謂之南宮舍人百日内須知制誥故王元之與宋給事詩云須知百日掌絲綸【春明退朝錄】

哀烏即位前漢天文志南宮二十五星哀烏即位故明帝云郎官上應列宿也

二十四部魏尚郎有駕部金部虞部比部主客祠部等凡二十四部一尚書領六郎也【并分紀漢有三十六郎】

祠屯駕庫省中語曰后行祠屯不博大行都門中行刑部不博前行駕庫【南部新書】

司門水部入省不數尚書郎自兩漢之后妙選其人唐正觀以來尤重其職吏部尚書前行最為要劇自后行改入皆為美遷考功員外專掌貢舉員外郎之最望者也司門都官屯田虞水膳部主客皆在后行閑簡無事時人語曰司門水部入省不數王上客自侍御史常望前行忽除膳部員外郎悵惋張敬忠戲咏曰有嫌兵部職專心取考功誰知腳躑躅防落省墻東【膳部在省東隅西京雜記】

卿監

大理棘署棘寺大理听訟于棘木之下故云

廷尉司刑秦置廷尉漢因之景帝改曰大理梁加卿字曰廷尉卿北齊改曰大理卿唐初曰詳刑卿光宅初曰司刑卿后皆復旧【六帖】

详断官判寺官大理判寺官或一员两员不定少卿一员以他官权详断官十二员法直官一员以流内人任年满得京官【湘山野录】

断疑狱四百张文瓘为大理卿不旬日断疑狱四百抵罪者无怨言【本 】

形如死灰心若铁石唐临为大理卿高宗尝录囚临所讯无一言帝问囚荅曰唐卿断囚不冤所以絶意帝叹曰为狱者当如是乃自述其考曰形如死灰心若铁石【临 】

言若涌泉戴胄为大理卿犯顔据正防处法意随类指摘言若涌泉【本 】

议盗环张释之为廷尉有盗高庙玉环奏弃市上怒令族之释之曰假令盗长陵一抔土何以加法乎帝乃止撼大木隋赵绰为大理卿有刑部侍郎辛亶衣绯裋褐俗云利官上以为厌蛊将斩之绰不奉诏上怒甚谓曰卿惜辛亶不自惜耶绰曰宁可杀臣不可杀辛亶至朝堂解衣将斩上谓意如何对曰执法一心不可惜死上拂衣入良久释之时禁行恶贱易者令悉斩之绰曰当杖上曰不關卿事绰曰陛下不以臣愚置在法司欲妄杀人岂得不關上曰撼大木不动者当退对曰臣撼天心何止动木上遂听侍御史諫乃止【职官分纪】

司农稼卿初秦置治粟内史汉曰大司农梁曰司农卿隋唐因之龙朔中改曰稼卿后复旧【五代史志】

国渊史游急就篇司农少卿国之渊【六帖】

走卿见下注又司农为走卿

穡臣张华大司农箴穡曰司农敢告左右【并分纪】

司均扬雄司农箴曰农臣司均

太常奉常初秦置奉常汉更曰太常常典三礼故曰太常或曰太常者旌旗礼官持之故曰太常

客卿奉常客卿两虬须【指乔太博为太常博士坡诗注】

赤车太常行陵赤车乘【六帖】

司礼寺前太常古为司礼寺汉曰奉常

望省楼唐崔日知历职中外恨不居八座为太常卿于都寺防后起一楼与尚书省相望谓之崔公望省楼宗正冷卿宗正为冷卿谓其管玉牒所【坡诗注】

不是卿旧 太常不是卿秘书不是监以其品列清重不与诸卿监侔耳【春明退朝录】

司宗司属成周曰宗正晋曰大宗正梁加卿字除大字曰宗正卿唐龙朔中改为司宗卿光宅初改为司属卿太府外府司府太府周官也秦汉以下不置其职务在司农至梁始置太府唐龙朔中改为外府卿光宅初改为司府卿【并六帖】

尹卿笔唐尹思盾为司府少卿时侯知一亦厉威严语曰不畏侯卿杖惟畏尹卿笔【职官分纪】

将作监大匠卿汉景帝以将作监为大匠卿

秘书监宰相病坊唐士大夫多尚台省不乐九列故目秘书监为宰相病坊少监为给舍病坊

大蓬有人尝为翰林学士语同列曰禁中视草非养病之地他日解职得遂大蓬之拜归息数亩之园入就三品之列优防终老则为幸矣【并春明退朝录】

月卿卿士惟月【书洪范】又少卿为亚卿

饱卿暖卿冷卿世 光禄为饱卿卫侯为暖卿鸿胪为睡卿司农为走卿宗正为冷卿【暖谓其管仪鸾供怀之类冷谓管玉牒所也坡诗注】

春夏秋冬梁以太常司农宗正为春卿太仆太府为夏卿卫尉廷尉大匠为秋卿光禄鸿胪为冬卿以象四时【初学记注】九卿皆树棘为位【周礼】

桃花三彩绶汉官仪曰卿秩中二千石绶青緌桃花三彩【初学记注】

法河海三公象五岳九卿法河海【后汉注】又李淑諫更始曰夫三公上应台宿九卿下括河海【职官分纪】

史官

当国之鉴唐朱鹄圣政记颂曰史臣是当国之鉴千亿代之眉目也【文粹】

柱史星极东一星曰柱下史主记过古者左右史之象也【晋志】

三长唐郑惟忠问刘知防曰自古文士多史才少何耶曰史有三长才学识古罕兼之有学无才犹愚贾操金不能殖货有才无学犹巧匠无榱桷弗能成室【知防】权重宰相韦安石曰世人不知史官权重于宰相宰相但能制生人史官兼制生死古今圣君贤臣所以畏惧也【朱敬则】

左氏叙事左氏述行师则簿领盈视叱咤沸腾论备人则区分在目修饬峻整言胜防则收获都尽记奔败则披靡莫前申盟誓则慷慨有余称欺诈则欺诬可见谈恩惠则照如春日记严烈则凜若秋霜叙兴邦则滋味无量陈亡国则凄凉可闵或腴辞入简牍或美句入咏歌跌宕而不羣縱横而自得工侔造化思涉鬼神班马张辅着班马优劣论云迁叙三千年事唯五十万言固叙二百四十年乃八十万言是知班不如马也学左氏左氏叙晋败于邲上军下军争舟舟中之指可掬不言攀舟乱以刃断指而意可见王之邵齐志述高季式破敌于韩陵追奔逐北而去夜半方归槩血满袖亦不言击刺甚多而意可见【并史通】

时政记梁周翰为史馆修撰上防自今崇德长春二殿皇帝之言侍臣论列之事望令中书修为时政记其枢密院机密亦令本院修纂至月终送史馆从之【玉壶清话】献唐鉴范祖禹在书局分职唐史考其成败治乱之迹撮其机要论次成书名曰唐鉴欲献之神宗未及上元祐五年上表进其书【家】

修唐书庆历四年贾昌期建言修唐书令在馆学士日供唐书外事二件分付本至五年始命王尧臣宋祁张方平为修撰曾公亮范镇为编修其后相继出外独宋祁下笔祁又出皆将藁草自随或有疑难移文往复至和元年范镇乞欧阳修修纪志诏從之又命刘義叟修天文律历志梅尧臣修方镇百官志又唐志虽欧公修而天文律历五行志则刘義叟为之方镇百官表则梅尧臣为之礼仪兵志则初出于王景彝业未竟而卒【编年】

五代史欧公五代史其法甚精发论必以呜呼曰此乱世之书也吾用春秋之法师其意不袭其文其论曰昔孔子作春秋因乱世而立法余述本纪以治法而正乱君书減旧史之半而事比旧史添数倍议者以谓功不下司马迁又谓笔刀驰骋上下无驳杂之說至于纪例精密则迁不及也亦尝自谓我伶官岂下滑稽也耶【遗事】

特书不一书防之足下辱书论甄逢父子识禄山必反即诈暗弃去足下与逢父子俱宜牵连得书足下勉逢令终始匪躬足下身尚强嗣德有继将大书特书屡书不一书而已也【韩书】

置之馆殿得宜太宗曰杨徽之操履无玷理郡非其所长置之馆殿正得其宜用为修撰

天子自作史萧大圜为滕王友王尝问曰吾闻湘东王作梁史有之乎曰言之妄也如使有之亦不隱文理也明作世祖纪章帝为显宗纪殷鉴不遠足为成例安得而不隱文礼也【职官分纪】

事同辞异班固畏司马迁之辞不敢輒易自武帝之下绪成之可也于其辞重出不可也孔子作经使后世读易者如无春秋读书者如无诗其法班固不知也独韩退之作王仲舒碑文作志苏子瞻作司马君实行状又作碑其事同其辞异其盖知之矣【邵氏錄】

竹管子向口头褒贬富韩公书曰弼尝病今之作文字无所发明但模稜依违而已人之为善

不易人之为恶必用奸谋以逃刑戮君子为小人所胜不过禄位耳惟有三四寸竹管子向口角头褒善贬恶使善者贵恶者贱须是由我始得不可更有畏怯也【邵氏闻见录】

贾铁觜五代周贾纬无修撰才长于记诵文章未能过人而议论刚强侪类不平目之为贾铁觜【五代史】

猥称赐威凤赋许敬宗子娶尉迟敬德女孙太宗赐长孙无忌威凤赋至敬宗修国史猥称以赐敬德【敬宗】作佳传谢德魏收在齐神武时修国史得杨休之助因谢杨休之曰无以谢德当为卿作佳休之父固为北平太守以贪获罪収乃书固为北平甚有惠政坐公事免【职官分纪】

千斛米魏丁仪丁冀有盛名陈寿作三国志谓其子曰可遗千斛米当为尊公作佳不与竟不作传【寿】改易旧字裴景仁秦记称苻坚方食抚盘而诉王邵齐志述受洛于感恩脱帽而谢及彦鸾撰新史易抚盘以推案变脱帽为免冠夫近世通无案食秦俗不施冠冕学者可以考信【史通】

陈寿论孔明毛修之曰陈寿曾祖为诸葛亮门下书佐得罪挞百下故其论武侯谓应变非其所长【北史本】银八千镡贾纬修晋高祖史出帝实录以示徐台符初桑维翰为相常恶纬为人待之甚薄纬为维翰言维翰死有银八千镡徐台符以为不可数以非纬纬不得已更为数千镡

立石铭北魏崔浩等叙国事三十卷令闵堪请立石铭载国书以彰直笔遂营天郊东三里方百步用工三百万浩书国事备而不典而石铭显在道路北人咸悉忿毒相与谗浩于太武帝帝大怒族诛之【本】

崔浩评诸葛亮亮之相备英雄奋发之时君臣相得而不能与曹氏争天下委弃荆州退入巴蜀此防之下者也可与赵佗为偶而以管萧为亚匹不亦过乎【北史】班彪论司马迁至于采摭经分散百家之事甚多疎畧不知其本务以多闻广识为功论议切而不笃其论术学则崇黄老而薄五经序货殖则轻仁义而羞贫贱道游侠则贱守节而贵俗功若序司马相如举郡县着其字至萧曹陈平之属董仲舒并时之人不纪其字或县而郡盖不服也【彪传】

范曄论迁固议者咸称二子有良史之才迁文直而事覈固文赡而事详若固之序事不激诡不抑抗赡而不秽详而有体使读者亶亶而不厌信哉其能成名也然其论议尝排死节否正直而不叙杀身成仁之为美则轻仁义而贱守节愈矣【固】

柳冕论司马迁柳冕谓宇文生云仲尼因旧史修春秋所记不过二百四十年今子长乃轶孔子而修数千年荒絶之书助以黄老寓托之说仲尼之所二子长之所一仲尼之所难子长之所易迁虽不得圣人之道而继圣人之志不得圣人之才而得圣人之防自以谓命世而生亦信然也【文粹】

见陈壽所作壤已书夏侯湛等作魏书见陈壽所作遂壤已书

秘史魏收撰魏史众口喧然号秘史【并职官分纪】

东宫官

苜蓿盘唐薛令之为东宫侍读时宫僚简淡以诗自悼云朝日上团团照见先生盘盘中何所有苜蓿长防干饭澁匙难滑羹稀筋易宽只可谋朝夕何由保岁寒【唐宋诗话】

放麇孟孙猎得麇使秦西巴持归其母随之啼秦西巴不忍而与之孟孙归求麇荅曰余弗忍而与其母孟孙怒逐之三月复召以为子傅其御曰曩罪之今召之何变也孟孙曰夫不忍麇又且忍吾子乎【韩非子】

千牛卫身谢绰宋拾遗千牛刃即防身刀也义取庖丁解牛若新发硎以为备身刀也故曰千牛卫身【职林】先马先马员秩比谒者如淳曰前驱也国语云勾践为夫差先马或为洗【前表】

热中允旧曰中允惟老于幕官者累资方至近歲州县官进用者多除中允遂有冷中允热中允【笔谈】

两学官

璧池璧沼学省归崇敬言古天子学曰辟雍以制言之水环绕如璧然以谊言之以礼乐明和天下云尔故前世或曰璧池或曰璧沼亦言学省【本 】【

国子学晋武帝临辟雍行乡饮礼立国子学以殊士庶大业中更名国子监【本纪】

虎闾王融谓国子监为虎闾【宣室志】

司成成均唐正观改国子学为国子监后又改国子监为司成馆垂拱改国子监为成均祭酒一人司业二人国子太学广文四门律书算凡七学【唐百官志】

祭酒礼饮酒必祭先示有先也故称祭酒时惟尊长以酒沃爵【应劭汉官仪】

总华清

左蟬右貂侍中左蟬右貂本秦相史来往殿中故谓之侍中分掌乘舆服物孔安国为侍中以其儒者特听掌御唾壶朝廷荣之至东京属少府出则一人负 国玺操斩蛇剑【献帝纪注】

貂蝉侍中 蝉貂金冠金取坚蝉取洁貂取温也【后汉志】鷩防冠侍中皆冠鷩防冠战国防云秦始皇破赵得之以赐侍中【前志】

八貂散骑常侍掌规讽过失唐显庆中分左右 中书门下省金蝉珥貂左散骑与侍中为左貂右散骑与中书令为右貂谓之八貂【唐志】

朝夕论思朝夕论思日月献纳【班固两都赋序】

周旋吐纳孙处约与来济言志处约曰得为舍人在殿中周旋吐纳可也后济为吏部处约始入调济曰如志遂拟通事舍人【唐高智周】

金华进讲【金华殿名也前翼奉】

玉笋班唐末朝士中有人物者时号玉笋班清紧不杂又外郎班清流中不杂亦号玉笋班【北梦琐言】

鸾掖看封諫草归鸾掖尚贲衡门待鹤书【李义山诗】

鸾遊兰渚傅咸赠何邵王济二人诗双鸾遊兰渚【兰渚北中书也文选】

三清府陈诗谓散骑常侍为三清府【通典】

诗掖垣竹埤梧十寻洞门对雪常陰陰落花遊丝白日静鸣鸠乳燕青春深腐儒衰晚谬通籍退食迟回违寸心

星临万户动月傍九霄多不寝听金钥因风想玉珂明朝有封事数问夜如何 昼漏 呼浅春旗簇仗齐退朝花底散归院柳边迷楼雪融城湿宫云去殿低避人焚諫草骑马欲鸡栖【并杜甫】 闾阖初开瑞雾中丹霞晓日上苍龙鸣鞭响彻廊千步佩玉声趋防百重雪后朝寒犹凜冽柳梢春意已防茸少年自得芳菲侣老病惟添睡思浓

宫柳街槐緑未齐春陰不解宿云低轻烟漠漠侵駝褐小雨斑斑作燕泥 槐柳依依禁籞长初寒人意自凄凉凤城斜日留残照玉阙浮云结夜霜老负渔竿贫国宠病须樽酒送年光归来解 西风冷衣袖犹霑玉案香【并欧公】 秘殿崔嵬拂彩霓曹司今在殿中西賡歌太掖翻黄鹄従猎陈苍获碧鸡晓饮岂知金掌迥夜吟应讶玉绳低钧天虽许人间听闾阖门多梦自迷【李义山】

锦绣万花谷前集卷十二

卷十三

钦定四库全书

锦绣万花谷前集卷十三

总漕

刘晏诸道巡院皆募馱足急驿以刺报四方之物直地虽甚远而低昂利害不数日悉可以周知始于代宗广德二年迄于德宗建中之六年凡二十余载始自户部而领度支盐鐵使拜平章事御史大夫右仆射始自河南江淮次举梁益荆湖又次举关河始歲赋之入六十万末乃千二百万

李巽刘晏之后有李巽继之一年较其所入已如晏最多之年明年过之又明年增百八十万缗【唐志】

本朝许元王章惠公随知 州许元以举子上谒章惠独状荐之朝廷以为斋郎元有材谋晓钱谷为江淮制置十余年皇祐时上谓执政曰发运使总领六路八十一军州其财货千百万宜得其人而任许元十一章求去朕思之不若獎勵以尽其才乃赐进士出身诸路漕米仁宗时都官员外郎吴耀卿言景德中江淮漕米歲不过四百五十万石其后益至六百五十万石故江淮之间谷价常贵而民贫请约咸平景德中歲漕之数立为中制上以为然乃诏发运司歲減漕米五十万石淮南一百三十万石江东九十九万一千一百石江西一百二十万八千九百石湖南六十五万石湖北三十五万石两浙一百五十万石

给饷馈不絕粮道汉高祖曰镇国家抚百姓给饷馈不絕粮道吾不如萧何【本纪】

辇车骠驾寇恂守河内光武军食急乏恂以辇车骠驾转输前后不絕【骠马也驾车人挽行之本】

愿负米先趋刘晏与元载书曰见一水不通愿荷锺以先往见一粒不运愿负米而先趋焦心苦形期报明主以运漕为任如此

登车传命唐宣宗谓宣慰使郑敬曰卿经明行修今登车传命宜体吾懷

不系品位至道元年荆湖转运使何士宗上言执政大臣出领外郡申转运司公事只书通判以下姓名上谓宰相曰运使所部要系州府不系品位此朝廷典宪未可轻改也

察官吏为三等景祐元年令诸路转运使察所部官吏能否为三等公勤廉干武文可取利益于国惠及于民者为上干事而无治声者为次畏懦而贪慢公事不治赃状未露滥声颇彰者为下并列状以闻【并职官分纪】赐方胜练鹊袍河北河东陝西三路转运使赐方胜练鹊袍从刘铤之请也

三虎庆历初王鼎擢江东提刑迁转运使杨紘为判官王纬在京东大称严肃官吏怨之指为三虎【分纪】

监司

看古碑本朝孙何好古文为转运使尚苛峻州县吏患之乃求古碑字磨灭者纸本钉于馆中何至则读其碑辨识文字以爪搔发垢而嗅之徃徃至暮

蛇虎韩魏公夫人之弟崔公孺性亮直魏公执政用监司有非其人者公孺曰公居陶镕之地宜法造化为心造化以蛇虎者害人故置蛇于藪泽置虎于山林今公乃置之于通衢使为民害可乎魏公甚严惮之【纪闻】民力竭矣薛简肃公天禧初为江淮转运使见王文正公王无他语但云东南民力竭矣薛退谓人曰真宰相之言也【湘山野录】

乘驿而至太宗时魏廷式任陝西益州转运使因入奏帝谓曰有事具白中书廷式曰臣三千里外乘驿而来以机事上闻愿断自宸衷非为宰相而来也

郡守

刺史职同牧尹唐武德改太守曰刺史天寶又改刺史曰太守职同牧尹【唐志】

郡将孙寶为京兆尹以侯文为督邮欲治杜穉穉杜门自陈文曰愿受将命【将郡将也受郡将之命本传】

长史唐雍州置别驾永徽中改为长史开元改长史为尹亲王为牧皆不知事务职总归于尹

使君公白乐天诗遥见朱轮来出郭相迎劳动使君公坡诗洗盥拜马前来壽使君公

五马潘子真诗话礼天子六马左右骖三公九卿驷马左骖汉制九卿则二千石亦右骖太守驷马而已其有加秩中二千石乃右骖故以五马为太守美称遁斋闲览与学林云汉时朝臣出使为太守增一马故为五马黄堂吴郡国志吴郡太守所居之堂即春申君之子假君之殿也因数失火涂以雌黄故曰黄堂【又见孙觌尺牋】皂盖朱幡汉制二千石皂盖朱两幡【前纪】

赤帷裳旧典传车骖驾垂赤帷裳迎于州界贾琮为冀州刺史令曰刺史当逺视广听纠察美

恶反垂帷裳以自掩塞乎命褰之【后琮传】

赤幢晋向雄迁秦州刺史假赤幢曲盖鼓吹【分纪】

铜虎符竹使符汉置郡国将置铜虎符竹使符发兵遣至郡合符符合乃发【纪注】

银菟符铜鱼符唐高祖入长安罢随竹使符班银菟鱼其后改为铜鱼符以起军旅

青龙朱雀符东方诸州给青龙符南方诸州给朱雀符西方诸州络骆虞符北方诸州给武符皆左四右三左者进内右者付外【并唐兵志】

玉麟符隋帝幸辽东命樊子盖守东都杨感乱子盖备御有功驾至高阳追诣行在劳曰今为公别造玉麟符以代铜兽【职林】

玉麒麟夏竦诗造化平分荷大钧腰间新佩玉麒麟左金鱼平生四海志佩得左鱼归又使君四十四两佩左金鱼【杜牧】路拥东方骑腰横左顾【陈越】

鱼书旧制刺史被代若别追皆降鱼书乃得去【杨綰传】临轩册授始刺史天子临轩册授后不复册然犹受命日对便殿赐衣物乃遣

侧门防开元时刺史已辞仍诣侧门进防【唐循吏传】乌鹊拥车李元纁治润有惠政吏民遮留乌鹊羣飞翔集于前以拥行车【天寶遗事】

祝鳄鱼潮州恶溪有鳄鱼食民畜产且尽退之为刺史为文祝之约三日徙祝之夕震雷起尽徙于海

麦穗两岐张堪为渔阳太守开田八百余顷民以致富歌曰桑无附枝麦穗两岐【并本】

有脚阳春宋璟爱民卹物人谓有脚阳春【天寶遗事】

佩牛带犊龚遂为渤海太守初郡人好带刀佩剑遂令卖剑买牛卖刀买犊曰何不佩牛而带犊乎

狗足生厘后岑熙为魏郡太守无为而化兴人歌曰狗吠不惊足下生厘【犬无追吠故足下生毛本传】

中和乐职汉王襄为益州刺史命王褒为中和乐职宣布诗【中和言政化和平宣布言宣布天子德泽乐职言官乐其职何武】

万物吐气杜甫读元结春陵行序云今得结辈十数公叅错天下为邦伯则万物吐气天下少安矣【杜甫集】清畏人知晋胡质为荊州子威自京省父辞归父赐缣一匹威曰安得此绢质曰吾俸禄之余后威为徐州帝问曰卿清何如父对曰臣不如父臣清畏人不知父清畏人知

题赞于防卢奂为陝州刺史 宗西还次陝嘉其政题赞于防曰专城之重公陝之雄外既利物内存匪躬此为国寶不坠家风

荐书参闻唐薛珣为峽州刺史李承状其简赵赞言其廉卢翰称其肃荐书参闻赐金紫【并本】

恩严两絕韦岳子武后时厯庐海等州刺史皆着风迹恩严两絕【韦 机】

无三品酒晋刘 为荊州刺史先酒室中有斋中酒防事酒猥酒三品 曰投醪尚与三军同醉岂得二其厚薄自今不得分别【职林】

记恶碑卢奂素任大都所至之处畏如神明或有恶迹之人以所犯之罪刻石立其门再犯者处乎极刑絕无犯者民呼其石为记恶碑【摭遗】

懷搏之俗齐土风俗浅薄太守初至皆懷搏叩头以见意及其代去以搏击之言其始终向背魏李延实为青州刺史帝谓曰懷搏之俗世号难治宜用好心腹【伽蓝记】越王石海边有越王石尝隱云雾相 云清廉太守乃得见宋虞愿为晋安太守往观之清彻无所隱蔽【职林】大冯君小冯君汉冯野王与弟立相代为太守民歌之曰大冯君小冯君兄弟继踵相因循【冯奉世】

挽不来邓攸去郡数千人留牵攸船不得进夜中发去吴人歌曰如打五更鼓鸡鸣天欲曙邓侯挽不来谢令推不去

蒲鞭刘寬为南阳用蒲鞭示辱而已民不敢犯

拔薤置水庞参为汉阳太守郡人任棠有志节参先 之棠不言但以薤一本水一盂置屏侧抱孙儿伏户下参思其微防曰水欲吾清拔薤欲吾击强宗抱儿孙伏户下欲吾开门恤孤率而化之汉阳大治

五叟送钱刘宠为会稽守召入山陰有五叟皆庞眉皓齿赍百钱送宠曰山谷之人未曾识郡他守发吏求民间至夜不絕犬吠竟夕自明府来犬不夜吠人不识吏宠为人选一大钱受之

五袴廉范为郡守蜀人歌曰廉叔度来何暮昔无一 今五袴【并本】田元均治成都有声蜀人谓之照天蜡烛【东斋记事】又张中廉知洋州民号为水晶灯笼【职官分纪】

着防 隋梁彦光徙相州刺史相风俗险陂目彦光为着防 帝闻之徙彦光赵州彦光自请复为相州豪猾闻彦光再来 之彦光至发摘奸伏有若神明豪滑潜窜阖境为之大治【资治通鉴】

抚绥严峻唐崔郾守鄂尚抚绥经月不答一人镇郢则严峻一毫不贷

惠爱弹压柳仲郢以谓郡国之政尚惠爱輶轂之下先弹压【并本】

以平治丰以法治歉王文康公曙治蜀颇以法御下有谤其太苛会刘 召还真宗问之曰凌防王曙治蜀孰优对曰凌防在蜀值丰岁得以平易治之王曙值岁小歉虑民盗故以法治之使易地则皆然上善其言【名臣传】阳开阴闭中书舍人王公观察江南西道八州之人所不便及所欲公至之日皆罢行之春生秋杀阳开阴闭令修于庭户数月之间人自得于湖山千里之外【滕王阁记】恩如春威如虎李燮为京兆尹吏民爱敬作歌曰我府君教道举恩如春威如虎训如父爱如母

乘折辕车樊昱对光武曰昔张堪在蜀郡仁以惠下威能讨奸前公孙述破时珍竇山积帷幄之物足富十世而堪去职之日乘折辕车布被囊而已后以堪为渔阳太守【并分纪】

一 一鹤赵清献公任成都防一 一鹤以行其再任也屏去 鹤止一苍头执事张公裕学士送以诗云马谙旧路行来滑 放长江不共来【吕氏家训】

蟠螭怒涧蔡君谟镇福唐束吏治民毫发不容陈烈防与君谟同砚席一日往见之维舟亭下闻其严遂不往留诗于亭云溪山龙虎蟠溪水角声喧中宵乡梦破六月夜衾寒风雨生残树蛟螭喜怒澜殷勤祝舟子移棹过前滩君谟闻之为少霁

卧虎魏李崇有将畧又宽厚在扬州十年常养壮士数十人寇侵边所向摧破号卧虎【分纪】

治民如治家阳城为道州刺史治民如治家州当上考功第城自书曰抚字心劳催科政拙考下下【本】

喜慙交集桓范为兖州刺史表谢曰喜于复见选擢慙于不堪所职悲于懷恋阙庭三者交集不知所裁活饥民五十万富韩公知青州会河朔大水民流京东公择所部丰稔二州劝民出粟得十五万斛益以官廩得公私庐舍十余万间寺庙山岩散处其人使寄居闲官主其事三日一支山陵河泊之利听流民取之其主不得禁明年麦熟流民不分远近受粮而归凡活五十余万人募而为兵者又万人邵伯温曰公使虏功甚伟每不以为功至活饥民每自言曰过于作中书二十四考【神道碑】

发有余以惠贫民皇祐中浙西大饥范文正公为杭州召诸佛寺谕之曰饥岁工价甚贱可以

大兴土木之役于是诸寺工作鼎新又新敖仓吏舍日役千夫监司奏劾杭州不恤荒政公私兴造不恤民力公乃自条叙所以兴造皆欲其发有余以惠贫民凡工技力役之人仰食于公私日不下数万荒政之施莫此为大是歲两浙惟杭晏然民不流徙【笔谈】

任增米价赵阅道熙寧中知越州两浙旱蝗米价涌贵饥死十五六诸州皆立榜赏禁人增米价阅道独榜衢路有米者任增价粜之于是诸州米商辐辏米价更贱公尽所以救荒之术发廩劝分下令修城使民食其力生者得食病者得药死者得葬越虽饥不怨

答饥民盗米王沂公曾守洛属歲歉里有困积者饥民聚党胁取隣郡以强盗论报死者甚众公但重答而遣之遠近闻以为法全活者数千计【并言行錄】

减价粜米文潞公在成都米价腾贵因就城门相近九十八处减价粜仍不限其数翌日米价遂减前此或限升斗以粜或抑市井价直适以增其气焰而终不能平其价

輿赋纳价范文正公镇青州会河朔艰食青之輿赋博州置場纳青民大患輿置之苦公戒民纳价每斗三鍰给钞与之以书与博守遣官挽金詣博坐仓招之至则贸者山积不五日遂足尚余数千緡给还之青民因立祠焉【并东斋记事】

竹马郭伋字细侯为并州行春趣竹马儿童之期【本 】清彻底朱世良为清河守及去老人谢曰君非惟政善清亦彻底【分纪】

铛脚刺史薛大鼎为沧州郑德本为瀛州贾敦颐为冀州皆有治名故河北称铛脚刺史

随车雨百里嵩为徐州境内旱嵩行步所经雨輒随车治蜀人不忍欺田况守成都尚和易去苛细以德化人人不忍欺时谓张乖崖之明王文康之平程文简之肃韩忠献之爱公兼有之【名臣传】

与江神鬪李冰为蜀郡太守江神歲取童女二人以为妇冰以其女与江神为防径至神祠责之因忽不见良久有苍牛鬪于岸傍有间冰还流汗谓官属曰吾鬪大极当相助南向腰中正白者我绶也主簿刺杀北面者江神也江神遂死人慕之生子名冰儿【职官分纪】

送三百里邓攸作吴兴郡有惠政离郡之日人攀其船相送三百里不忍别【吴录】

还雷塘民田 州雷塘即汉之雷陂也旧属民自唐以来耕种其中徃数十歲官取蓄水以备漕运旧田主二十六家皆失业官议以他田偿之竟无与之塘亦破决不修漕运亦未尝頼此旧田主三百余口饥寒及刘敞原父至田主詣府自讼原父即判还之发运使以漕事动朝廷留之公用种稻事明其无用朝廷乃听还之杜祁公衍致仕南京闻之喜曰真良太守【刘公行状】

帕首靴袴大府帅或道过其府府必戎服左握刀右弓矢帕首靴袴迎于郊【韩送权尚书序】

两制以上为州止押检至道初何士宗请自今知州曾经任中书枢密院者申转运司止署通判以下姓名太宗曰大臣出临外藩亦统于转运使非系官也不许大中祥符始诏文臣知制诰以上知州者止署检武臣观察使以上【言行录】

六条刺史班宣周行郡国省察治状以六条问事一条强宗豪右以强凌弱以众暴寡二条二千石不奉诏书侵渔百姓三条二千石不防疑狱剥截黎元四条二千石苟阿所爱蔽贤宠顽五条二千石子弟怙恃荣势请托所监六条二千石阿附豪强通行贿赂【前汉表注】

弹燕李惠为雍州长于思察有燕争巢惠令人掩获以弱竹弹之既而一去一留惠笑曰留者自计为巢功重去者既经楚痛理无固心下伏其察【职林】

辩羊皮主李惠为雍州有负盐负薪人同释檐息树阴二人将行争一羊皮各言借背之物惠令置羊皮以杖击之见少盐乃得实薪者伏罪【北史】

诗新赐鱼书墨未干贤人暂屈远人安朝驱旌旆行时令夜见星辰忆旧官梅萼履阶铃阁暖雪峯当户防枝寒【刘禹锡】龙节分江国仙闺闭海蓬酒船李翰苑诗笔谢康公去驿二千外专城四十中【石曼卿】异域化为儒雅俗远民争看校讐郎下国难留金马客新诗远寄竹枝娘【谢景山】政成郛郭春千里公退笙歌月一楼犬吠花阴无旧警麦翻云穗有新畴【石敏若】秀骨象山岳英谋合鬼神拥旌乘金节伐鼓乘朱轮泽被鱼鸟悦令行草木春【李白】琴书家惯有印杖客疑无闲金归业状贫典旧山图【魏野】尚书八座贵大使十州雄仁民兼爱物时雨及春风【徐俯】曾立玉墀联近侍新持金节领诸侯屠龙伎俩终须用探虎功名未肯休【孔常甫】九江皆渡虎三郡尽还珠白猿慙劒竹黄石借兵符【李白】再扶日月归行殿却领山河镇梦刀从此雄名压寰海八溟争敢起波涛【杜光庭】锦衣犹带御炉香宫殿移麾耀宠光千里龙旗新政令九重凤阙旧文章学穷造化乾坤窄醉听笙歌日月长【詹用之】九金神鼎重丘山五玉诸侯杂佩环星座通宵狼猎暗戍楼吹笛虎牙闲【杜牧】黄堂孔北海真气凛羣儿朱轮未及郊清风已先知【东坡】坐移丞相节春入广陵城红旆拥双节白髭无一茎【白居易】晓出东郊信马蹄青梅墙角两三枝竹鸡啼罢雨来急杜宇声干月落迟山店煮烟缫茧日野田锄水插秧时农桑劝课非无力为报新安太守知一麾同下西清路两镇交迎上将牙【曾布】一尊风月身

无事千里耕桑岁有秋【曾巩】遗爱海波无继处去思秋色有余清【孔毅文】醉里眼开金使字紫旗风动耀篴明【郑繁】朱饰两轮巡属邑案留双笔在中台【钱惟演】国人从倚东园望拟筑沙堤到广陵【李荣】恩威欲寄黄丞相仁信先闻郭细侯【杜光庭】虎牙熊轼隐铃斋棠树阴阴长碧苔【林逋】沃野桑麻涵细雨严城鼓角送斜阳鹤伴鸣琴公事晚鸟惊调角戍城秋【钱惟演】鰐去恶溪韩吏部珠还合浦孟尝君【方谔】三十余年霖雨手淹留河外作时丰【山谷】屏除奸吏魂应丧养活疲民肉渐肥【王元之】印防孤坐

琴樽外铃阁清谈易老中【林逋】组甲光寒围夜帐防旗风暖看春耕【欧公】

倅车

别驾长史唐武德初上州丞曰别驾高宗改别驾曰长史上元二年复置别驾天寶八年废文宗复置

长史司马武德元年改司马曰长史永徽中废长史置司马圣历中废司马置长史

治中武德中改赞治曰治中高宗即位曰司马【并唐志】半刺庾亮与郭游书曰别驾旧与刺史同乘流王化于万里之外任居刺史之半安可非其人

监州李商隱为倅庾亮谓之半刺侯景谓之监州国朝下湖南始置通判常与知州争权有钱少卿者余杭人嗜蟹常求补郡人欲问何州曰但得有蟹无通判处可矣坡诗云欲问君王乞符竹但忧无蟹有监州【青箱杂记】监郡御史中丞孙抃言通判古监郡之职一州利害全借议论与僚属不同乞朝廷选差通判本与知州通判一郡之事上曰卿言极是

郡丞汉景帝置郡丞秩六百石武帝改为长史

通判国朝通判州各一人京西南京杭郢州各二人小郡亦不置

通守赞治隋文帝罢郡以州统县改别驾治中为长史司马炀帝罢州置郡长史司马置赞治后改为丞又置通守以贰太守

屏星广韵屏星车幡也其上皆从竹后孔 为别驾从事刺史因怒欲去别驾车屏星曰使君毁国旧制乃投传去刺史谢之乃止

缁油屏泥轼黄霸为 州刺史宣帝诏赐车盖特高一丈别驾主簿车缁油屏泥于轼前以彰有德

海沂歌王祥为徐州别驾时人歌曰海沂之康实頼王祥国之不空别驾之功

清如水张轨为齐州别驾将入朝父老曰公清如水不敢以杯酒相送酌水一盞奉钱【并分纪】

题輿周景为豫章刺史辟陈蕃为别驾蕃不就景题别驾輿曰陈仲举座

吕防佩刀吕防为刺史有佩刀相者以为三公服防乃赠别驾王祥曰以公有公辅之量故相与之【本传】

展骥足任治中庞统字士元刘备为荆州牧以士元为县令鲁肃曰士元长才百里不足以展骥足备遂任为治中别驾【蜀志】

雄飞赵温为京兆郡丞叹曰丈夫当雄飞安能雌伏遂弃官

白帝神御侮唐萧遘韦保衡同登进士第保衡以幸进无艺同年薄之遘形神秀伟慕李德裕为人保衡为相摘遘失贬播州司马维舟赋诗自悼虑保衡见害遽有神人曰相公勿忧子为公御侮遘异之过峡州经白帝祠即所视神人也遘后遂入相【并分纪】

幕官

莲花池晋王俭以庾杲之为长史与之书曰庾杲之泛绿水依芙蓉何其丽也时人以俭府为莲花池【南史】板曹谓户曹张彦实送张祜诗板曹平生诗作史【百家诗】郡督邮纪纲掾州主簿郡督邮并令录事参军又云纠司纠职纪纲掾皆录事参军谓以纠察为职【六帖】

决曹墨曹两汉有决曹墨曹主刑法历代或谓之贼曹或谓之法曹墨曹又后百官志法曹主邮驿科程决曹主纠罪法事【通典】

司录开元初又改为司录参军【职官分纪】

三语掾阮千里瞻有令望司徒王戎问曰圣人贵名教老庄明自然其防同异答曰将无同戎咨嗟良久即命辟之时人谓之三语掾【本传】

坐啸主诺汉成瑨为南阳守任功曹岑晊宗资为汝南守任功曹范滂人语曰南阳太守岑公孝 农成瑨但坐啸汝南太守范孟博南阳宗资主画诺【滂传】

髯参短簿桓温辟王恂为主簿郗超为参军超多须恂短小荆人语曰髯参军短主簿能令公喜能令公怒【出晋本传】

蜃隅郝隆为南蛮参军作诗曰蜃隅跃清池桓温问何物答曰蜃名鱼为蜃隅桓曰何为作蜃语隆曰千里投公始得一蜃府参军那得不识蜃语耶【世纪】

欢喜诗杜审言为吉州司户武后召见将加擢用问曰卿欢喜否审言蹈舞谢恩因作欢喜诗甚见称赏【分纪】受纸百番杜暹为婺州参军秩满吏以纸万番赉之为受百番叹曰昔清吏受一大钱何异哉

鬻马徒步而归范文正公以进士解褐为广德司理参军止一马秩满鬻马徒步而归【汪藻撰祠堂记】

西山有爽气王徽之字子猷作桓冲参军冲曰卿在府日久当相料理徽之初不酬答直视以手板拄颊云西山朝来致有爽气耳【本传】

霹雳手唐裴琰之为同州司户参军年少不主务曹刺史李崇义轻之吏白积案数百崇义使趣断琰之乃命吏连纸进笔省决一日毕予夺当理笔词劲妙崇义惊曰子何自晦以成吾过耶由是名动一州号霹雳手【本 】河东三絶徐彦伯调蒲州司兵参军时司户韦曷善判司事李亘善书而彦伯善属辞称河东三絶【本传】

简重贵相薛奎为开封明镐为幕曹奎以公辅期之有问何以知公曰其为人端肃其言简而理尽凡人简重则尊严此贵臣相也镐后至参政【归田录】

措大官九国志王崇铢责权雍州司户崇铢问吏曰参军何官衣何服吏曰下州判司绿衫槐简而已崇铢大笑曰若要头便斩去吾何能作措大官耶【分纪】

锦绣万花谷前集卷十三

卷十四

<子部,类书类,锦绣万花谷

钦定四库全书

锦绣万花谷前集卷十四

县宰

三老嗇夫汉制县万户以上为令减万户为长皆有丞尉大率十里一亭亭有一长十亭一乡乡有三老嗇夫游徼三老掌教化嗇夫职词讼收赋税游徼循盗贼县道县有蛮夷曰道【并百官表】

象雷雷震百里县令象之 墨绶铜章【并六帖】

阳鱭鱼宓子贱为单父宰阳画曰有钓道二焉请以送子落饵投纶迎饵而吸之者阳鱭鱼也肉薄而不美若存若亡若食若不食者魴鱼也肉厚而味美子贱曰善未至单父冠盖交接于道子贱曰驱之此阳画之所谓阳鱭鱼者至单父于是请耆老尊贤者与之共治【谈苑】茧丝保障赵简子使尹铎为晋阳将行请曰为茧丝乎抑为保障乎简子曰保障哉尹铎至则损其户数人赋优而税入少简子谓襄子曰晋国有难无以晋阳为远必以归之所谓保障也茧丝谓减其税【国语】

制锦郑子皮欲使尹何为邑子产曰不可犹未能操刀而使割其伤实多子有美锦不使人学制焉大官大邑身之所庇也而使学者制焉其为美锦不亦多乎学而后入政未闻以政学者也【左传】

黄防被世传太祖皇帝谓一县令曰切勿于黄防被里放衙后文潞公为榆次县令尝题县鼓楼曰置向谯楼一任挝挝多挝少不知他如今幸有黄防被拏出头来放早衙【东坡诗注】

三异后鲁恭为中牟令随掾行阡陌见桑下雉雏驯扰傍有童子曰何不捕之童子曰雉方雏不忍捕掾曰蝗不入境一异也化及鸟兽二异也童子有仁心三异也【本 】【

三善子路治蒲三年孔子入其境曰善哉由乎恭敬以信入其邑曰善哉由乎忠信以宽坐其庭曰善哉由乎明察以断子贡问孔子子曰吾见其田畴尽易草莱尽辟此其恭敬以信故民尽力入其邑墙屋甚固树木甚茂此忠信以宽故民不偷至其庭清闲诸下用命此明察以断故其政不扰以此观之但三称善庸能尽乎【职官分纪】

歌于菑于唐元德秀为鲁山令时 宗在东都酺五凤楼下令三百里县令刺史各以声乐集德秀惟乐工数十人聯袂歌于菑于帝叹曰贤人之言哉【于菑于者德秀所为歌也】着谕书唐冯伉为醴泉令多器猾伉为着谕防书十四篇教人务农进学【并本传】

破鸡傅琰为山陰令有野父争鸡琰问各何以食鸡一云粟一云豆乃破鸡得粟而罪言食豆者人称神明呪虎汉童恢为不其令民常为虎所害获二虎恢呪虎曰王法杀人者死汝若是杀人者当垂头服罪自知非者当号呼称 一虎低头闭目即杀之其一视恢鸣吼自奋遂放释之【循吏】

辩妇杀夫吴録张举为令有妇杀夫因焚屋言烧死其弟讼之举尸开口视其灰令人取狗二头生一杀一而俱焚之开视其口杀者无灰生者有灰乃明夫生死妇遂服

牛主张元济为武阳令与元武县隣元武人有以牯牛依其妻家八九年牛孳产十余头及将异居妻家不与县累政不能决其人诣武阳质于元济元济令 牛主 其头将诣妻家村中云捕盗牛贼召村中牛悉集各问其所从来妻家不知其故恐连及指其诉牛曰此是女婿家牛也元济发 头谓之曰此即女婿可以牛归之妻家服罪元武县闻之大慙

王元防十奇嘉祐中京西转运司奏据河清县僧道进士举留知县王元防再任本司体量得本官军民歌咏有十奇一奇民吏不识知县儿二奇塌却曹司旧肚皮三奇买物价例不相亏四奇处事明白尽无私五奇街里不见凶顽儿六奇蝗虫不入境内飞七奇不敢赌钱怕官知八奇不义不孝不敢为九奇乡村不被公人欺十奇百姓纳税不勾追上令审官院记姓名【分纪】

治县谱傅琰并父僧祐并为山陰令父子并着奇绩世云诸傅有治县谱【齐书】

諫献龙眼荔枝后汉和帝时唐羌为临武长县接南海献龙眼荔枝十里一铺五里一堠奔腾险阻死者继路羌上书谏帝下诏逺国珍羞本以奉宗庙苟有伤害岂爱民之本勅勿献

夜灌楚亭 梁大夫有宋就为边县令与楚隣界梁楚亭皆种 梁亭力灌其 美楚 恶楚令恶其 之恶慕梁亭之美已因夜往窃梁 梁亭觉之因请其尉亦欲往搔楚 宋就曰恶是结怨分祸之道也令人窃往灌楚 楚 日以美楚亭察之乃梁亭之遗也楚令闻之大悦具以闻楚王悦梁之逊已也乃谢以重币而交梁王故梁楚之欢自就始【贾谊新书】

县妖破胆唐李杲迁洛阳令民吏畏服时有夜闻衢中有人语曰李令古今正人也行事威猛令人破胆此中不可久居闻者啓门视之寂无影响方知其妖也闻者李兼遂书其壁曰猾吏畏服县妖破胆好录政声闻于御览【摭遗】

太公为灌坛令吕望为灌坛令文王梦见妇人当道哭问其故曰吾是太山神女嫁为西海妇灌坛令当吾道梦觉召太公为太师焉【博物志】

卧虎董宣为洛阳令搏击豪强京兆号卧虎

铁船渡海九国志贾郁为仙游令受代有一吏酣郁怒曰吾当再典此邑以惩汝辈吏言曰公欲再作令犹造铁船渡海是岁王氏廷钩建号授郁旧邑时醉吏为库史不数月盗官钱数万郁批牒尾曰窃铜镪以润家非因鼓铸造铁船而渡海不假炉锤决杖徒之【并分纪】探赤白丸尹赏为长安令长安中间里少年受财报仇相与探丸为弹得赤丸者斫武吏得墨丸者斫文吏白丸者主治丧城中薄暮尘起勦劫死伤横道赏至穿地数丈名虎穴杂举轻薄少年恶子悉记之分捕纳虎穴中【赏】

吏恶其明察太常博士陈诘知祥符县县恶其明察欲中以事而诘廉事不可得乃欲以奇动京师自录事以下皆逃去京师果喧言诘政苛暴是时明肃太后听政欲加罚陈尧佐为枢密副使力争之以谓罪诘则奸人得计而沮能吏诘由是获免【陈神道碑】

罪言秋霖无损大历中秋霖害稼京兆尹奏多损田韩滉执奏不实渭南令刘藻附滉言所部无损代宗览奏以谓水旱咸均不宜渭南独免命御史再检渭南损田三千余顷上谓御史曰县令职在字人不损犹宜称损损而不闻岂有恤人之意耶乃贬藻

帝不当择令柳浑为相帝当择令宰畿邑而政有状召宰相语皆贺柳浑独不贺曰此特京兆尹职耳陛下当择臣等臣当选京兆尹当求令亲细事代尹择令非陛下所宜【并职官分纪】

戴星出入宓子贱为单父宰弹琴不下堂而单父治巫马期为单父戴星出戴星入单父亦治宓子曰彼任力我任人任力者劳任人者逸【韩诗外传】

身挽舟唐何易于为益昌令州刺史崔朴尝乘春与賓客泛舟出益昌傍索民挽絙易于身引舟朴惊问状易于曰方春百姓耕且蚕惟令不事可任其劳朴愧疾驱去【易于传】

南金口明府手唐张巡为真源令士多豪猾大吏华南金植威恣肆邑中语曰南金口明府手巡下车以法诛之莫不改行【本传】

以瘠马人应诏夏英公知安陆受勅举幕职有节推王公粝食弊衣一马瘦瘠仅能移步自贰车以下乞以斯人应诏夏亦自知之遂改官宰邑

王荆公知鄞县王荆公知明州鄞县读书为文章二日一治县事起堤堰大坡塘贷谷于民立息以偿新陈相易兴学校严保伍邑人便之故为执政所行之法皆本于此【言行录】

朱出墨入后周苏绰始制文案程式朱出墨入及计帐户籍之法【鸡跖集】

诗清风动百里惠化闻京师流人若云归耕种满郊岐山光净陇麦日色明桑枝讼息但长啸

賔来或解颐范宰不买名弦歌对前楹为邦默自化日觉冰壶清百里鸡犬静千庐机杼鸣
吾爱崔秋浦宛然陶令风门前五杨柳井上三梧桐山鸟下防里檐花落酒中
河阳花作县秋浦玉为人地逐名贤好风随惠化春
见客但倾酒为官不爱钱【并李太白】翟表郎官瑞鳬看令宰仙单父长多暇河阳实少年
疎衙退卷花轴曲檻客来听竹风今日潘懷县同时陆浚仪【并杜甫】河堤绕绿水桑柘
连青云繰丝鸣机杼百里声相闻【东坡】桃李虽无言春风满城花陵陂青青麦烟雨润桑
麻白头宴来起襁褓声呕哑壶觞调笑平民讼賔客风流醉舞腰摩手抚鰥寡藁砧磔强梁【
并山谷】篱边菊秀先生醉桑下雏娇稚子仁【晏元献】风清竹阁留僧宿雨湿莎庭放吏
衙【廖疑】废土有人耕不畏古防无讼醉何妨【熊皎】鸱夷江上畚田稔牛斗星边贯索
空【周啓明】琴弹终日得古调印鎖经秋带藓痕雨后有人耕绿野月明无犬吠花村犬眠
花影地牛牧雨声坡【并李拱】印文生緑经旬合砚匣留尘尽日封【林逋】县古槐根露
官清马骨高里门喧诵读村落罢追胥【韩驹父】砚贮寒泉碧庭堆败叶红【高元钜】三
年清似水六月冷如冰【裴诩】忧民如有病见客似无官【魏野】

县丞

真清陆景倩为扶沟丞按察使覆州县殿最必欲得实有吏言状曰某强清某诈清景倩曰真清【磨文】

病聋黄霸为颍川守许丞老病聋督邮白逐之霸曰许丞廉吏虽老尚能拜跪迎送正颇重听何伤且善助之或问其故霸曰数易长吏公私费耗所易吏未必贤益为乱凡治道去泰甚者耳【本】

涉笔唯谨吏抱成案诸丞卷其前钳以左手右手摘纸尾鴈鹜行以进平立睨丞曰当署丞涉笔占位署惟谨不负崔斯立为蓝田丞始至喟然曰丞哉丞哉余不负丞而丞负余则尽去其牙角一蹶故迹庭有老槐四行南墙巨竹千挺俨立若相持水防防循徐鸣斯立痛扫溉对树二松日吟哦其间【并韩蓝田记】

六安丞桓谭数言事忤防出为六安丞忽忽不乐道病卒【本】

县尉

复置县尉五代之季武臣擅州县之权遂罢县尉遣小将卒长受之颇为乡社之患太祖欲复旧制御讲武殿召三铨选人有乐尉者面东南立选人多不欲徃徃西立帝曰迂儒如此令杖驱出是后乐为者众乃复旧制【见闻录】

梅仙西汉梅福为南昌尉上疏言事不用遂学仙隐为吴门市卒不知所终号神仙尉

人道畿尉有六道入御史为佛道入评事为仙道入京尉为人道入判官为饿鬼道【御史台

记】

香尉汉雍仲进南海香拜洛阳尉人号曰香尉【述异记】惠出一尉唐员半千为武涉尉歲旱劝令发粟賑民不从令謁州半千悉发之下賴以济刺史大怒囚半千防薛元超持节渡河责太守曰君有民不能恤使惠出一尉尚何罪耶命释之【本传】

动手回身语林商则任廩丘尉性廉县令丞多贪因宴会舞令丞舞皆动手尉则回身而已令问其故则曰长官动手贊府亦动手惟有一个更动手百姓何容活耶人皆大笑嘲曰令丞俱动手县尉止回身【职官分纪】

投金濂吴越春秋伍子胥伐楚还溧阳濂水上欲酌初时自杀妇人以百金不知其家投金濂水中而去唐孟郊为溧阳尉往濂水傍徘徊赋诗曹务多废令白府以假尉代之分其半俸【郊传】

射鸭堂坡题县尉水亭云已作观鱼槛仍开射鸭堂【孟郊为溧阳尉开射鸭堂坡诗注】

鵞 双立滩头唐河南伊阌县前有大溪每僚佐有入台省即水中先有小滩出石砾金沙澄澈可爱牛僧孺为尉一日忽报滩出翌日邑宰与同僚列筵亭上观之有老吏云此分司御史非西台之命若是西台滩上当有双鵞 立前后如此为验僧孺揣县僚无出于已因举杯曰既能有滩何惜一双鵞 宴未竟俄有双鵞 飞下不旬日诏拜西台监察御史【剧谈录】

明公坐苏珣授鄆县尉长史李义琰召谓曰鄆县本多诉近日遂絕访闻果由明公为疎理因循指防事曰此即明公坐也【本 】【

春兰秋菊唐裴子余补鄆县尉同列李朝隐皆以文法着子余独以词学知名或问雍州长史陈崇业子余朝隐优劣对曰春兰秋菊俱不可废【职林】

五色棒曹操为洛阳比部尉造五色棒县门左右【三国志注】母缝衣孟郊为溧阳尉有游子吟曰慈母手中线游子身上衣临行密密缝意恐迟迟归【郊集】坡诗缝衣送与溧阳尉

陈牒藏竒笔唐张旭为常熟尉有老人陈牒宿昔又来旭怒其繁责之老人曰观公笔竒妙欲以藏家耳【李白集】与陈尉真书廓落王方平既降蔡经家有陈尉诣门乞见方平使行前向日而立方平从后观之曰君心邪不正未可教以仙道当授君地上主者以一符与陈尉言此不能度世止能存君本壽出百歲向上可以禳灾治病陈尉果一百十歲死自方平去后数十年经复归家遠有书与陈尉真书廓落大而不工陈尉家世世存之以为寶【神仙集】

主簿

无如杨主簿唐杨于陵为句容主簿韩滉节度金陵择婿谓其妻曰阅人多矣无如杨主簿以

女妻之【职林】徙舍祭灶汉孙寔以明经为御史大夫张忠辟寔为属欲令授子经更为除舍设储侍孙寔自劾去忠心内不平后署寔主簿寔徙入舍祭灶请比隣甚悦忠怪之使所亲问寔何前后不相副耶寔曰士安得独自高前日君男欲学文移寔自近礼有来学不闻往教导不可诎身诎何伤且不遭者何无不为况主簿乎忠闻之大慙【实传】

鸾凤枳棘汉仇览为县主簿宰谓曰枳棘非鸾凤所栖他时论道岩廊非主簿而谁【本传】

昂昂千里之驹韦元将为郡主簿杨处称曰主簿有长成之风昂昂千里之驹【三辅决录】

挥白羽本朝谢文本书生善用兵尝为西凉州主簿坡有诗云圣朝若用西凉簿白羽尤能效一挥【乌台诗话】弹筝歌秋风谢景仁为豫州主簿在桓阁下闻其善弹筝呼之既至取筝与弹因歌秋风意气殊适以此大奇之

入铁主簿三国典畧齐许惇性识敏速达于从政尝为司徒主簿以能判时人号曰入铁主簿

十钱主簿元庆性贪鄙为太尉主簿事无大小得物然后判或十钱二十取之时号十钱主簿【并分纪】

不如一诣习主簿习凿齿为桓温主簿温有大志值有知天文者至温问国家祚运答云方永温不悦异日送绢一匹钱五千星人驰诣习问其故曰乞为标碣棺木习问其故曰赐绢一匹令仆自裁钱五千以置棺耳习曰君几误死以绢戏君以钱供道中资是听君去耳其人大喜诣温请别告以习言温笑曰习忧君误死君岂误活然徒二十年看儒书不如一诣习主簿【习】

总官制

省寺杨收曰汉制总羣官而合听曰省分务而专治曰寺

台监府衛唐官制大抵沿隋其官司之别曰省曰台曰寺曰监曰衛曰府各统其属以分职定位【官志】

予告赐告李裴曰告者休谒之名吉曰告凶曰寧孟康曰古者名吏休假曰告【告又昔嘗】汉律吏二千石有予告有赐告予告者在官有功最法所当得之赐告者病之日当免天子优赐其告使得带印绶归家治病至成帝时赐告不得归家师古曰告或谓之谢谢亦告也当依本字读之【高帝纪注】

服青紫唐以前品官旧服止黄紫马周建言三品服紫四品五品朱六品七品绿八品九品青【马周传】

汉秩禄制汉三公号万石其俸月各三百五十斛谷中二千石者百八十斛二千石者百二十斛千石者九十斛六百石者七十斛四百石者五十斛三百石者四十斛二百石者三十斛百石者十六斛【百官表注】

芒种节为断先是宋郡国田禄以芒种为断此前去官者一年秩禄皆入后人此后去官者一年秩禄皆入前人自元嘉末始改计月钱禄【分纪】

爆直豹直李洛公资暇集云新官并宿本署曰爆直【又作豹字言豹性洁善服气虽雪霜雨雾伏而不出虑污其身则宿公署是豹伏之义宜作豹字】余观宋景文公诗乃用爆字又职林云凡两直之法自给舍丞郎入者三直无爆自起居郎官入者五直一爆御史补阙入者七直两爆其余杂入者十直三爆亦皆用爆字玉篇爆字书注云连直也【青箱杂记】

豁宿本朝馆阁每夜轮一人直宿如有故不宿则虚其夜谓之豁宿豁宿不得过五日即须入宿若遇豁宿不到于宿历书腹肚不安故相 为害肚历【笔谈】

山郎汉郎官故事令郎出钱市财用给文书乃得出名曰山郎移病尽一日辄偿一沐【言出财用者虽非休沐常得在外而贫者以实病却以沐偿之或至岁余不得沐其豪富郎出游戏货赂流行杨恽为中郎将乃罢山郎恽】

检校兼守唐太宗时已有员外置其后又有特置同正员至于检校兼守判知之类皆非本制又有因事而置事已则罢其名繁【百官志】

守行凡注官官卑而拟高曰守高而拟卑曰行

常参官谓五品以上及两省职事官八品以上供奉官员外郎监察御史太常博士也

供奉官谓侍中中书令左右散骑常侍黄门中书侍郎谏议大夫给事中中书舍人起居舍人御史大夫中丞侍御史

清望官谓内外三品以上官及中书黄门侍郎尚书左右丞诸司侍郎太常少卿秘书少监太子詹事左右庶子国子司业

七司校试铨试在吏部礼部兵部考功都省御史台中书门下侍郎谓前行要自为七司【并职官分纪】

三衙旧制侍衛亲军以殿前分为两司不置马步军都指挥使后侍衛一司自分为二故与殿前司列为三衙【归田录】

直院唐制官序未至而以他官摄者为直官许敬宗为直记室是也国朝学士舍人皆置直院

但以资浅为之其实正官也【沈括笔谈】

银台司国朝会要云银台司掌受天下奏状淳化四年置知银台通进司

开黄阁设内屏太尉司徒司空是为三公府三门当中开黄阁设内屏【隋百官志】

家庙古者大夫自考而下立三庙适士自考而下立二庙北齐二品以上祀五代五品以上祀三代七品以上祭二代唐天寶制三品以上乃许立庙【沈括笔谈】又唐令二品以上祀四庙有铭封者祀五庙五品以上祀三庙李泌将建家庙上许立五室但祀四庙空始祖之室以待邺侯【家传】

三品得諡唐制兼三品得諡国初已来正三品方得諡其他兼赠则不得諡并三品方许立家庙【笔谈】

官诰缥轴后妃销金云龙罗纸十七张销金缥袋寶装轴红丝网金 防公主销金大凤罗纸十七张销金缥袋玳 轴红丝网涂金银 防修仪婉容才人贵人美人凤罗纸七张玳 轴红丝网涂金银 防国夫人销金王窠五罗纸七张晕锦缥袋郡县君太君并销金罗纸七张余命妇紫罗七张

赐笏头带毬路金带俗谓之笏头带非二府文臣不得赐武臣得赐出于特恩尔【东斋记事】又太宗制笏头带以赐辅臣罢尚服之张文节自中丞而参政姜侍郎自谏议而枢密并赐笏头带【春明退朝录】又元丰初王拱辰出判北京特赐笏头毬路金带佩鱼如两府之制拱辰以表谢曰横金三纪未佩随身之鱼赐带万钉改观在廷之目盖旧制见任两府许笏头毬路金带佩鱼前任非得防不许尚书翰林学士则御仙花金带上佩鱼者元丰旧制也惟方团胯带乃可佩鱼毬路带方团胯也故曰近制【邵氏闻见录】

常侍方貂珰以金为之当冠前附以金蝉也中常侍汉兴用士人银珰左貂光武以后专任宦者右貂金珰【宋穆传】又贞观初复置散骑常侍分左右皆戴蝉珰貂左散骑与侍中为左貂右散骑与中书令为右貂谓之八貂掌防过失【唐官志】

侍中戴蝉珰貂王粲为侍中曹植赠诗曰戴蝉珰貂朱衣皓带入侍帷幄出拥华盖

貂蟠映首北齐邢子才代让侍中表云貂蟠映首日月在躬冠盖庶僚跨蹑多士【蟠音户昆切】

貂珰插右魏文帝置散骑掌防諫不典事貂珰插右而散从

司徒府与苍龙阙对蔡质汉仪曰司徒府与苍龙阙对压于尊者不敢号府

中书令读册故事册拜三公中书令读册侍中奉礼如阙即以宰相摄之

学士加大进贤记注上欲以张説为大学士辞曰学士无大称中宗欲以崇宠大臣乃有大学士之名如臣末学敢以大臣为称从之【并分纪】

爵九等一曰王食邑万户二曰嗣王郡王食邑五千户三曰国公食邑三千户四曰开国郡公食邑二千户五曰开国县公食邑千五百户六曰开国县侯食邑千户七曰开国县伯食邑七百户八曰开国县子食邑五百户九曰开国县男食邑三百户

勲官十二转上柱国柱国上防军防军上轻车都尉轻车都尉上骑都尉骑都尉骁骑都尉飞骑尉云骑尉武骑尉

九参官武官三品以上三日一朝号九参官

六参官五品以上及折冲当番五日一朝号六参官【并唐官志】

贵阶白居易作冯宿制云凡品秩之制有九自五品以上谓之贵阶所以为贵者廕及子命及妻腰白金服赤芾【分纪】

登闻检院雍熙元年改匭院为登闻院东延恩匭为崇仁检南招谏匭为思谏检西申冤匭为申明检北通匭为招贤检【国朝事实】

节度使辞日赐双旌双节行则建节柱六纛入境州县筑节楼迎以鼓角衙仗居前旌幢居中大将鸣珂金钲鼓角居后州县赍印迎于道左

洗印节度使视事三日洗印视其刳缺【并分纪】

掌武太尉由唐以来上公为重李光弼自司空为太尉郭子仪自司徒为太尉李德裕自司徒为太尉皆以上公宠侍宗臣余虽有功掌武之尊不可得也【春明退朝录】使相国朝之制凡以检校官兼中书令侍中同平章事皆谓之使相唐制皆署勅五代以来不预政事朝会与亲王则分班余官则缀班凡宣制除授者勅尾有其衔而不署侧书使字【事实】

玉带为朝仪熙寧八年四月岐王顥嘉王頵言防遣中使赐臣方团玉带各一条准阁门告着为朝仪臣等乞寶藏于家不敢服用上命工琢玉带以赐二王二王固辞不听请加佩金鱼以别嫌诏并以玉鱼赐之玉带为朝仪始于此【挥尘录】

周官六万三千六百七十五员内二千六百四十二人外诸侯国官六万一千三十二人

汉官自丞相至佐史十三万二百八十五员

后汉官七千五百六十七员

晋官六千八百二十六员

隋官一万二千五百六十七员

唐官一万八千八百五员内二千六百二十外郡县一万六千二百八十五员【并分纪】

本朝官景德官一万余员皇祐二万余员幕职州县官三千三百余员总二万四千余员

三班官国初以来供奉官左右班殿直为三班立都知行首以领之又有殿前承防班院端拱以后分东西供奉又置左右侍禁及承防初三班吏员止于三百至天禧间乃总四千三百至于熙寧间乃总一万一千六百九十宗室又八百七十【并南丰集】

本朝官制

寄禄官开府仪同三司【从一品文与武同】特进【从一品】金紫光禄大夫【正二品】银青光禄大夫【从二品】光禄大夫【从二品】宣奉大夫【正三品】正奉大夫【正三品】正议大夫【从三品】通奉大夫【从三品】通议大夫【正四品】太中大夫【从四品以上系侍从】中奉大夫【正五品】正奉大夫【从五品】中散大夫【从五品】朝议大夫【正六品】奉直大夫【正六品以上系卿监】朝请大夫【从六品】朝散大夫【从六品】朝奉大夫【从六品以上系正郎】朝请郎【正七品】朝散郎【正七品】朝奉郎【正七品以上系员郎】承议郎【从七品】奉议郎【正八品】通直郎【以上系陞朝官】宣教郎【从八品】宣义郎【从八品】承事郎【正九品】承奉郎【正九品】承务郎【正九品以上系京官】承直郎【从八品】儒林郎【从八品】文林郎【从八品】从事郎【从八品以上系职官】从政郎【从八品】廸功郎【从九品以上系令录】

武官散阶节度使 承宣使 观察使 防御使 团练使 诸州刺史

横行通侍大夫 正侍大夫 宣政大夫 履正大夫 协忠大夫 中侍大夫 中亮大夫 中衛大夫

翊衛大夫 亲衛大夫 拱衛大夫 左武大夫 右武大夫 宣政郎 履正郎 协忠郎 中侍郎 中亮郎 中卫郎 翊衛郎 左武郎 右武郎

正使武功大夫 武德大夫 武显大夫 武节大夫 武畧大夫 武经大夫 武义大夫 武翼大夫

副使武功郎 武德郎 武显郎 武节郎 武畧郎 武经郎 武义郎 武翼郎

大使臣训武郎 修武郎

小使臣从义郎 秉义郎 忠翊郎 忠训郎 成忠郎 保义郎 承节郎 承信郎

无阶八品进武校尉 进义校尉 下班只应 进武副尉 进义副尉 守阙进义副尉 进勇副尉 守阙进勇副尉

文臣职名观文殿大学士 观文殿学士 资政殿大学士 资政殿学士 端明殿学士【以上两府出带端明或吏书出带】龙图天章寶文显谟徽猷敷文焕章华文寶谟阁学士枢密直学
小龙图天章寶文显谟徽猷敷文焕章华文寶谟阁直学士保和殿待制龙图天章寶文显谟
徽猷敷文焕章华文寶谟阁待制集英殿修撰右文殿修撰秘阁修撰直龙图阁直天章阁直
寶文阁直显谟阁直徽猷阁直敷文阁直秘阁

武臣试换并换官出身诸训武郎至进武校尉不曾犯赃私罪及笞刑经决愿换文资者聽召
保官二员具家状连保状二本詣登闻鼓院投进乞试【外任人 替罢就试文资换出职者
准此】投授小使臣后未及三年授进武校尉后未及五年三省枢密院书令史以下授使臣
进武校若保甲及试武艺及进纳流外出身不用此令 诸武臣试换文资于易书周礼礼记各
专一经仍兼论语孟子愿试诗赋及依法官条试断案刑统大义者听

换官训武修武郎【宣教郎】从义郎【宣义郎】秉义郎【承事郎】忠翊郎【承奉郎】
保义郎【修职郎】承节承信郎【迪功郎】进武进义校尉【将仕郎】

大礼封赠三代

三代【内封父祖官系武臣者视文臣封赠封换格封赠三代准此】

初封【签书密院事降二等谓如父与朝散郎之类】

曾祖【朝奉郎】祖【朝散郎】父【朝请郎】

初赠

曾祖【太子少保】祖【太子少傅】父【太子少师】

封赠

曾祖母祖母母妻【国夫人执政官签书枢密院事郡夫人】

每遇大礼封赠二代

太子太师 太子太傅 太子太保 太子少师太子少傅 太子少保 御史大夫 观文殿

学士 资政保和殿大学士 金紫光禄大夫左右金吾衛上将军 左右衛上将军
银青光禄大夫 光禄大夫

二代

初封

祖【通直郎】 父【奉议郎】

初赠

祖【朝奉郎】 父【朝散郎】

封赠

祖母母妻【郡夫人观文殿学士资政保和殿大学士并淑人】

每遇大礼封赠一代

文臣通直郎以上 武臣修武郎以上

一代

初封赠

父【文臣承事郎武臣内侍伎术官将校并忠训郎】

母妻【孺人】

锦绣万花谷前集卷十四

卷十五

钦定四库全书

锦绣万花谷前集卷十五

将帅

弓为霹雳声唐长孙无忌父晟讨突厥突厥畏晟威闻其弓声谓为霹雳见其走马称为闪电

累磁石晋马隆讨西羌夹道累磁石贼负铁铠行不得前隆卒悉负犀甲无碍贼以为神

能忍得胜晋朱伺有武勇江夏太守杨珉问将军击贼何以每得胜伺曰两敌相对惟当忍之我能忍是以胜之

以智为本魏元忠上封事曰天下之柄二文武而已今言武者先骑射不稽之权略文者首词章不取之经纶养由基射能穿札不止鄢陵之奔陆机识能辨亡无救河桥之败士在贫贱皆思立功懷琬琰就煨尘抱栋干困沟壑安知其方略哉故汉拜韩信举军惊笑蜀用魏延羣臣觐望此富贵者易为善贫贱者难为功也故陰阳不和拔士为相蚩蚩不庭擢校为将齐段孝有言持大兵如擎盘水一致蹉跌求止可得哉是知大将临戎以智为本

两骑萦搅数万人南史周盘龙与魏军战子奉叔单马率二百余人陷阵魏万余骑张两翼围之一骑还报奉叔已没盘龙驰马奋稍奔魏军魏人莫不披靡时奉叔已大杀魏军得出盘龙不知乃东西触击魏军奉叔见其父从不出复跃马入阵父子两骑萦搅数万人魏军大败盘龙父子由是名播北国

辕门二龙唐乌承玘乌承恩皆为平卢先锋沉勇而决号为辕门二龙【并本传】

走如飞北魏将杨大眼骁防走如飞尚书李冲典选大眼往求冲不许大眼曰尚书不见知下官出一技便出长绳三丈许系于髻而走绳直如矢马驰不及冲因惊叹遂用为军主【北史】

折树稍羊侃入南朝预燕时少府新造两刃稍成长二丈四尺围一尺三寸帝因赐侃紫骝马令试之侃执稍上马左右击刺特尽其妙观者登树树为折因号此稍为折树稍【分纪】

无部曲行阵李广击胡无部曲行阵顿舍不击刁斗幕府省文书然遠斥堠未尝遇害

正行伍治簿至明程不识与李广俱击胡正部曲行伍击刁斗治簿至明军不得休息未尝遇害然士多乐广而苦不识

铁瑕鞍刘曜僭位陇右陈安叛曜使平先讨安安左手奋七尺刀右手执丈八尺蛇矛平先与安战三交夺其蛇矛安弃马走斩之陇右歌之曰陇上壮士有陈安防骢交马铁瑕鞍七尺大刀奋如湍丈八蛇矛左右盘十荡十决无当前

来嚼铁唐来填为颍川太守贼来攻手射贼皆应 而仆贼拜城下目为来嚼铁

王铁枪五代梁王彦章骁勇能跣足履棘行百步持一铁枪骑而驰突奋疾如飞军中号王铁枪末帝用为招讨使问破敌之期对曰三左右失笑彦章受命而出两日至滑饮酒半醉起引精兵趋德胜举锁烧断之斩浮桥急击南城遂破盖三日矣

避稍夺稍唐尉迟敬德战善避稍每单骑入贼虽羣刺之不能伤又能夺取贼稍还刺之齐王元吉使去刃与之校敬德请王如刃而独去之卒不能中帝尝问夺稍与避稍孰难对曰夺稍难试使与齐王戏王三失稍遂大服

半段枪哥舒翰与吐蕃战特半段枪迎击所向披靡有奴左车以力闻舒翰用枪追贼拟枪于肩叱之贼顾翰刺其喉腾之高五尺左车斩其首【并本传】

蹀血虏庭太宗践阼突厥部离叛李靖率劲骑三千由马邑趋恶阳岭颉利大惊靖夜袭定襄破之可汗脱身走帝曰李陵以步卒五千絶漠然卒降匈奴其功尚得书竹帛靖以骑三千蹀血虏庭古未有辈足澡吾渭上之耻矣【靖传】

微服度關狄青征侬智高顿军昆仑关下翊日将度關晨起诸将侍立甚久而青尚未坐日高诸将疑之入帐周视则不知青所在诸将相顾惊怛俄有军 至曰宣徽传语诸官请过關吃食方知青已微服度關矣【东轩笔录】三箭定天山薛仁贵讨契丹九姓十余万令骁骑数十来挑战仁贵发三矢杀三人虏气慑皆降军中歌曰将军三箭定天山壮士长歌入汉關

天下可一箭而定五代安重诲为节度使与蕃使并轡而行指飞鸟射之应 而落观者万众无不快抃由是名振北狄自谓天下可以一箭而定【并本 】【

小尉迟本朝呼延赞以武勇为衛士直长自言受国恩誓不与契丹同生徧刺其体作赤心杀契丹字反其唇内亦刺之鞍韉兵仗皆作其字尝召善黥者横劒于膝呼其妻责以受禄无报当黥为字以报不然者断首举家号泣以谓妇人黥面非宜愿刺臂许之诸子仆妾亦然尝作破阵刀降魔杵铁鞭铁幘头两旁有刃皆重数十斤乘驢马绯林额慕尉迟之为人自称小尉迟【文公】贺若弼论将隋炀帝问贺若弼曰杨素韩擒虎史万岁皆良将也优劣如何弼曰杨素是猛将非谋将韩擒虎是鬪将非领将史万岁是骑将非大将帝曰谁也曰惟所择弼意自许也

大胜大败唐太宗尝曰当今名将惟李勣江夏王道宗薛万彻而已勣道宗虽不能大胜亦未尝大败至万彻非大胜即大败矣【并本传】

梦骑五色狮子齐王敬则梦骑五色狮子明帝即位以敬则为直阁将军【齐书】

赍九环金带隋薛道衡出为襄州总管高祖谓曰尔之去朕如断一臂于是赍物三百段九环金带马十匹遣之

狄天使狄青字汉臣汾州人世本农家 县为乡书手移易税赋事发遂逃走京师投拱圣营为兵迁散直为延州指挥使会元昊叛屡将兵出战四年间大小二十五阵八中流矢西戎及砦下以至京师之人皆呼为狄天使七迁泾原路副总管上欲见之诏令入朝会寇逼边俾图像以进上观其仪表曰朕闕张也于是有敌万人之称【并分纪】

荣公第六郎隋来防儿封荣国公第六子来整为武贲郎将骁勇击羣盗憚之作歌曰长白山头百战场十五五把长枪不畏官军千万众只畏荣公第六郎【隋书】种世衡用间种世衡守青涧城尝以罪怒一番将杖其背僚属请莫能得其人被杖以奔元昊甚信之得出入枢密院歲余尽得其防事以归乃知世衡用间也贪利以诱虜曹武穆玮知镇戎军日尝出战小防虜引兵去玮乃驱所掠牛羊輜重缓驱而还颇失部伍其下言曰牛羊无用不如弃之整众而归玮不答虜闻玮利牛羊而师不整还袭玮玮愈缓行得地利处乃止虜近使人请之番军遠来必甚疲我不欲乘人怠请休憩士马少选决战虜欣然良久又使人谕之曰歇定乃驰矣于是各鼓军而进一战大破虜师遂弃牛羊而还徐谓其下曰吾知虜已疲故为贪利以诱之此其复来防行百里矣若乘銳便战犹有胜负遠行之人若小憩则足痺不能立人气亦防吾以此取之

钲声止破虜狄青在泾原以寡当众必以奇胜预戒军中舍弓执短兵令军中闻钲声一则止再声则严阵三而阳却钲声止则大呼而突出士卒如其教虜人大笑钲声止忽前突之虜大乱相踵踐死【并笔谈】

骑兵破标牌狄青征侬智高曾公亮问贼之标牌殆不可当如何青曰标牌步兵也当骑兵则不能施矣青率众半夜度昆仑闕逆战于归仁铺纵骑二千出贼后标牌为马军所突皆不能驻马上铁连枷击之遂皆披靡智高焚城遁去【南丰杂记】

陰德愈昌曹彬封冀王事太祖太宗收复四方未尝枉戮一人其后子孙益炽世为将相出皇后且三世为将道家所忌而冀王后世愈昌岂非陰德所致【分纪】

楯上磨墨梁荀济曰大丈夫当于楯上磨墨作檄【坡诗注】好唤宰相吟诗景德元年虜犯澶渊真宗北伐高琼自扶輦拥众渡河至浮桥一半高琼执轡曰好唤宰相吟两首诗退虜骑蓋当时宰相王钦若陈尧叟好为诗以薄此輩故高琼有此语【元城语录】

銳头将军杜诗銳头将军何来迟令我心中苦不足【白起头小而銳】

江南干当公事曹武惠冀王彬凡降四国主江南西川广南湖南未尝杀一无辜诸子皆贤玮琮璨皆领旌钺陶弼有诗曰搜兵四把降王缚教子三登上将坛其后少子玘实生光献慈圣太后辅佐仁宗母仪累朝子孙昌盛近世无比既平江南回诣阁入见榜子称奉敕江南干当公事回其谦恭不伐如此【涑水记闻】

铜梁门铁遂城虜犯潼渊傅潜坚壁不战河北支郡或陷或弃是时魏能守安肃军杨延朗守广信军乃世所谓梁门遂城者二军最逼虜境而攻围不下时人目二军为铜梁门铁遂城由二将能守也【笔谈】

牙旗折成都王穎以陆机叅大将军事假机后将军河北大都督穎起兵讨长沙王乂机督诸将二十余万临戎以牙旗折列军朝歌至于河桥鼓声闻数百里汉魏出师未尝有也长沙王乂奉天子与战军大败宦人孟玖譖机有异志穎遂大怒机遇害于军中机临刑叹曰华亭鹤唳岂可复闻乎是日昏雾昼合大风折木平地尺雪以为陆机之冤也

坐无空席王浑平吴复镇壽阳吴人新附浑虚懷绥纳坐无空席门下不停賓

吞十万众蜀先主问魏延曰今委卿以重任卿欲云何对曰若曹操举天下而来请为大王拒之偏将十万之众至请为大王吞之众壮其志【并本传】

虎痴虎侯魏许褚从太祖讨马超其后太祖与超单马会语惟褚从超欲突太祖素闻褚勇疑从骑是乃问太祖曰公有虎侯者安在太祖顾褚褚瞠目盼之超不敢动乃罢军中以褚力如虎而痴号曰痴虎是以超问虎侯也【分纪】

诏出大惊唐刘辟据蜀阻兵宰相杜黄裳独以长武城使高崇文可以成功充节度使讨辟时宿将甚众人自谓当选及诏出大惊卯时宣命辰时出师八战皆防【本传】不妄杀屠戮无遗曹彬征金陵垂克忽称疾诸将皆来问疾彬曰余之病非药石所愈惟诸公共誓以克城之日不妄杀一人则自愈矣诸将共焚香为誓及克城城中皆按堵曹翰克江州忿其从不下屠戮无遗彬之子孙贵盛不絕翰之子孙有乞丐者【涑水记闻】

青涧城凿井种世衡建言延安东北二百里故寬州兴废全有三利朝廷从之以君董役然处险无泉凿地百五十尺至石工徒拱手君曰尔其屑之凡一畚偿尔百金过石数重泉果沛发人欢呼复凿数井【墓志】

遗侍姬种世衡守青涧湖酋苏慕恩最彊尝夜与慕恩饮出侍姬佐酒世衡起入潜窥之慕恩潜与侍姬戏世衡出掩之慕恩惭谢世衡笑曰君欲之耶即以遗之由是得其死力【涑水记闻】

三鼓夺昆仑狄青宣抚广西时依智高手昆仑關青至賓州值上元节令大张灯烛首夜燕从军三夜飧军校首夜乐饮彻晓次夜二鼓时青忽称疾暂起如内久之使人谕孙元规令暂主席行酒少服药乃出数使人劝劳坐客至晓各未敢退忽有驰报者云是夜三鼓青已夺昆仑矣

黑王相公王武恭公德用状貌魁伟而面色正黑虽间巷遠夷识与不识称之为黑王相公北虏常呼其名以惊小儿苏绅孔道辅等言其宅枕干冈貌类艺祖公奏曰宅枕干冈朝廷所赐貌类艺祖父母所生【燕谈】

敖曹比项籍北齐高昂字敖曹其父以其昂藏故名而字之为高欢将马稍絶世左右无一当百时人比之项籍【北史】

诗将军少年出武威入掌银台防紫微平明拂劒朝天去薄暮垂鞭醉酒归爱子临风吹玉笛美人娇面舞罗衣都尉朝天跃马归香风吹入乱花飞银鞍紫骝照云月左顾右盼生光辉将军出使拥楼船江上旌旗拂紫烟万里横戈探虎穴三杯拔劒舞龙泉虬须顚顚羽林郎曾入甘泉侍武皇雕没夜云知御苑马随晓仗识天香五湖归去扁舟月六国平来两鬓霜【李白】锦衣香重花垂足束玉光寒雪绕腰秣马暖思秦地草弓劲忆鴈门雕【王操】淮海维一俊人金章紫绶照青春指麾能事回天地训练彊兵动鬼神湘西不得归關羽河内犹宜借寇恂总戎楚蜀应全未方驾曹刘不啻过今日朝廷须汲黯中原将帅忆廉颇【杜甫】八表顺风惊雨露四溟随劒息波涛手扶北极鸿图永云卷长天圣日高未会汉家青史上韩彭何处有功劳【杜光庭】四朝忧国鬓如丝龙马精神海鹤姿天上玉书传诏夜阵前金甲受降时【李郢上裴度】才子却嫌天上桂世危翻作阵前功廉颇解武文无說谢朓能文武不通双美尽输张太守二南章句六钧弓【杜荀鹤】家散万金酬死士身留一劒答君恩渔阳老将皆回席鲁国书生半在门【刘长卿】九金神鼎重丘山五玉诸侯杂佩环星坐通宵狼蜡暗戍楼吹笛虎牙關【杜牧】玉匣销龙鳞甲冷金铃系鹞羽毛寒早貂拥出花当背白马骑来月在鞍【施肩吾】接战春来苦孤城日渐危合围侔月晕分守效鱼丽屡厌黄尘起时将白羽挥裹疮犹出战饮血更登陴忠信应难敌精诚谅不移无人报天子心计欲何施【张巡守城作】黑云压城城欲摧甲光向日金鳞开【李贺】胡骑入回中急锋连夜过短刀穿虏阵溅血貂裘浣一来犂轂下愁闷惟欲卧今朝从公猎稍觉天宇大一双铁丝箭未发手先唾射杀雪毛狐腰间余一个青绫衲衫暖衬甲红线勒巾光绕脇秃襟小袖雕鹞盘大刀长剑龙蛇插两军鼓噪屋瓦动红尘白羽纷相戛将军恩重此身轻笑里锋铓如一搯书生只肯坐帷幄谈笑毫端弄生杀叫呼繁鼓催上竿猛士应怜小儿黠试问黄河夜偷渡掠面惊沙寒霎霎何如大舰日高眠一枕清风过苔雪【东坡】挽弓当挽强用箭当用长射人先射马擒贼先擒王苟能制侵陵岂在多杀伤【杜甫】将军昔着从事衫铁马驰突重两衔被坚执锐略西极昆仑月窟东嶰岩君门羽林万猛士恶若哮虎子所监五年起家列霜防一日过海收风帆平生流辈徒蠢蠢长安少年气欲尽魏侯神骨耸精爽华岳峯尖见秋隼星躔寶校金盘陀夜骑天驷超天河櫜枪荧惑不敢动翠防云稍相荡摩吾为子起歌都防酒防插劒肝胆露钩陈苍苍映武万歳千秋奉明主临江节士安足数【杜魏将军歌】成都猛将有花卿学语小儿知姓名用如快鹞风火生见贼惟多身始轻【花卿歌】

儒将

轻裘缓带羊祐在军常轻裘缓带身不被甲铃阁之下待衛不过十人也

射不穿札杜预为征南将军身不跨马射不穿札有左传癖

不为掩袭之计羊祜都督荊州与吴人交兵克日方战不为掩袭之计有欲进诡譎之防輒饮以醇酒使不得言【并本传】

武夫夺气柳公绰为荊州韩退之与书云独阁下能出入行间与士卒均辛苦用儒雅文字章句之业率先天下武夫關其口而夺之气【韩文】

数万兵甲范仲淹领延安阅兵选将日夕训练又请戒诸将养兵蓄銳母得轻动夏人闻之相戒曰母以延州为意今小范老子胷中自有数万兵甲不比大范老子可欺也戎人呼知州为老子大范为雍也【名臣传】

师旅

国初兵十六万艺祖初得周兵十三万又得蜀兵十万太宗继之兵余三十万又曾子固集太祖时举中国才十六万人平五疆国不知兵之少也

百万为额雍熙之间天下兵仅三十万咸平景德以来兵倍之寶元庆厯之间緣边所屯至七八十万天下遂以百万为额【苏子由书】

防军皇祐二年诏陝西防军及保防军年五十以上若不及格者皆免为民纷然以为边事未可知不宜减兵又云停卒一旦失衣粮归乡里必聚为盜沿边诸将争之尤切是时文公執政庞公为枢密使固执行之不疑是歲陝西所免凡三万五千人皆欢呼反其家傳求曰陝西计一歲费七百贯养一保防是歲減二百四十五万贯陝西之民由是稍苏【涑水记闻】

后唐战马后唐赵延庆为枢密使明宗问马数防何对曰骑军三万五千明宗叹曰吾居兵间四十年太祖马数不过七千庄宗与梁战河上马万疋今有马三万五千疋而不能一天下吾老矣【五代史】

察军张仪曰秦带甲百余万车千乘骑万疋虎贲之士跼踖科头贯颐奋防者至不可胜计秦马之良戎兵之众探前踈后蹄间三寻腾者不可胜数山东之士披甲 胄以会战秦人捐甲徒褐以趋敌左挈人头右挟生虏夫秦卒与山东之卒犹孟贲之与怯夫乌获之与婴儿垂千钧于乌卵之上必无幸矣

沈括论车熙寧北虏将入寇亟遣中贵取西河民车以为战备自宰相以下言不便者俱不省

时沈括为记注一日持笔立御上顾曰卿知籍车之事乎括曰未知车将何用上曰北虏以多马故胜惟车可以当之括曰车战之利见于历世巫臣教吴子以车战遂霸中国李靖用偏箱鹿角车以擒颉利臣但未知一事古人所谓轻车者兵车也五御折旋利于轻速今之民间輜车重大椎朴以牛挽之日不能行三十里少雨雪则跬步不进故俗谓之太平车或可施于无事之日恐兵间不可用也上喜曰无人如此说遂罢【邵氏后录】

养兵不可废韩魏公尝议养兵事慨然曰养兵虽非古然积习已久不可废之又自有利处昔者百姓戍边父子有生离死别之苦汉唐调兵于民杜甫石壕吏其弊乃至此后世既收拾强悍者养之为兵良民虽税敛重而终身保骨肉之乐此岂小事又其练习战阵而豪勇可使安得与农民同日道哉【别录】

与契丹八十一战熙宁中赐契丹金缯召二府观焉众谓天子修贡为辱而陛下神武可一战胜也张文正公方平独曰宋与契丹凡几战胜负几何两府八公皆莫知也公曰宋与契丹战大小八十一战惟张齐贤太原之战才一胜耳陛下视和与战孰便上善之【谈丛】

兵說

将有五危孙子曰将有五危必死可杀必生可虏忿速可侮廉洁可辱爱民可烦

十围五攻用兵之說十则围之五则攻之倍则分之敌则战之少则逃之不若则避之是故小敌之坚大敌之擒也

势节激水之疾至于漂石者势也鸷鸟之疾至于毁折者节也善战者其势险其节短势如彊弩节如发机兵形象水孙子曰兵形象水水之形避高而趋下兵之形避实而击虚水因地而制流兵因敌而制胜故兵无常势水无常形

勿遏勿迫用兵之法佯北勿从锐卒勿攻饵兵勿食归师勿遏围师勿缺穷寇勿迫途有所不由军有所不击城有所不攻地有所不争君命有所不受

恃吾无恃其不来恃吾有以待之无恃其不攻恃吾有所不可攻【孙子】

辞卑者进敌辞卑而益备者进也辞彊而进驱者退也杖而立者饥也汲而先饮者渴也见利而不进者劳也鸟集者虚也夜呼者恐也

攻坚弃瑕善用兵者不呼傲不苟聚不妄行不强进呼傲则敌人戒苟聚则众不用妄行则羣卒困强进则锐士挫故凡用兵者攻坚则韧乘瑕则神攻坚则瑕者坚乘瑕则坚者瑕故坚其坚者瑕其瑕者【管子】

暗合孙吴晋武平吴之后诏天下罢军示海内大安州郡悉去兵大郡置武吏百人小郡五十

人时山涛论用兵之本以为不宜去州郡武备于时咸以涛不学孙吴而暗与之合【涛传】

足制四夷唐太宗命李靖教侯君集兵法既而君集奏靖且反兵之隐微不以示臣帝责靖靖曰方中国无事臣之所教足以制四夷而君集欲尽臣术此君集欲反耳【君集传】

贪蛇忘尾端拱中敌卒万余骑袭威敌军粮道李继伦领步骑千人巡徼忽当敌强敌蔑视不顾继伦曰贪蛇勇行必忘其尾吾当衔枚掩其后其夕懷短兵嘿逐其后至唐河天未明举兵一鏖如拉枯朽敌人曰黑大王不可当【玉壶清话】

鼓繁气易衰南史柳元景随宋孝武入讨至新亭据险令军曰鼓繁气易衰叫数力易竭各衔枚疾战一听吾鼓音贼遂大溃【本传】

宿饱千里馈粮士有饥色樵苏后防师不宿饱【韩信传】五兵魏相曰救乱除暴谓之义兵兵义者王敌加于已不得已而起者谓之应兵兵应者胜争恨小故不忍愤怒者谓之忿兵兵忿者败利人土地货寶者谓之贪兵兵贪者破恃国家之大矜人民之众欲见于敌者谓之骄兵兵骄者灭此五者非但人事乃天道也【本 】

奇谋

以败兵击胜兵曹公征张绣一朝引军退绣自追之贾诩曰不可追也追必败绣不从大败而还诩曰促更追之必胜绣谢曰不用公言至此今已败奈何复追诩曰兵势相变亟往必利绣信之遂追果以胜还问诩曰绣以精兵追退军而公曰必败以败军击胜军而公曰必克悉如公言何其反而皆验诩曰此易知耳将军非曹公敌也军虽新退曹公必自断其后追兵虽精将不敌故知必败曹公攻将军力未尽而退必国内有故已破将军必轻军速进留诸将断后诸将亦非将军敌故虽用败兵而战必胜也绣乃服【诩 】

逆风而战张彦泽与契丹战阳城为契丹所围而军中无水凿井輒壞又天大风契丹顺风尘奋击甚銳军中大惧彦泽问诸将皆曰今虏乘上风而吾居其下宜待风回乃可战偏将药元福独谓彦泽曰今军中饥渴已甚若待风回吾属为虏矣且逆风而战敌人谓我不能所谓出其不意彦泽即拔拒马力战契丹奔北二十余里至衛村又大败之契丹遁去【五代史】

然马尾灰车破贼后汉杨璇为零陵太守有滑贼攻郡县璇制马车数十乘囊盛石灰于车上系布索于马尾又为兵车专穀弓弩马车居前顺风鼓灰贼不得视因以火烧布然马尾马惊奔突贼阵弓弩乱发羣盜骇奔追斩无数【本 】

奇兵伏归路卢光稠据防州遣弟光睦攻潮州光睦好勇而轻进谭金播戒其持重不听度其必败乃为奇兵伏其归路光睦果败走潮人追之金播以伏兵邀击大败之遂取潮州【五代史】

战射观者周韦孝寛与尉迟迥战于邺失利邺中士民观战者数万人宇文忻曰事急当以诡道破之乃先射观者观者皆走腾借声如雷忻乃呼曰贼败矣军复振因其扰而乘之迥军大败【通鉴】

敌国

战义战德贾谊曰臣闻强国战兵王者战义帝者战德故汤祝网而汉陰降舜舞干羽而三苗服今汉帝国也宜以厚德懷服则孰敢不承帝意陛下为臣建三表设五饵以此与单于争则下匈奴犹振槁也【新书】

备边马成拜 武将军屯常山中山以备北边又代骠骑大将军杜茂缮治障塞自西河至渭桥河上至安邑太原至陞中山至邺皆筑堡壁起烽燧十里一 【后汉书西羌】

遣子入侍后汉明帝命将北征匈奴取俾吾卢地置宜禾都尉以屯田遂通西域于阗诸国皆遣子入侍真长老魏梁习领并州刺史时高干荒乱之余吏民亡叛习到官诱谕招纳豪右以尽边境肃清百姓布野勤劝农桑令行禁止贡达名士咸显于世太祖嘉之更拜为真长老称咏以为自所闻识刺史未及习者【魏志】招来服遠康国求内附上曰前代帝王好招来絕域以求服遠之名无益于用而糜弊百姓今康国内附倘有急难于义不得不救师行万里岂不疲劳劳百姓以取虚名朕不为也遂不受【唐通鉴】

赤气下垂隋长孙晟曰臣夜望碛北有赤气长百余里如雨下垂按兵书名洒血欲灭匈奴愿在今日【本】三防唐刘琬以为严尤辨而未详班固详而未尽推其至当周得上防秦得中防汉无防焉何以言之荒服之外声教所不逮其叛不为之劳师其降不为之释备严守御险走集使其为寇不能也为臣不得也惠及中国以绥四方周之道也故曰周得上防易称王侯设险以守其国筑长城修障塞所以设险也赵简子起长城燕秦亦筑长城后魏筑长城人治一步方千里役三十万人不旬朔而获从逸故曰秦得中防汉以宗女嫁匈奴而高祖亦审鲁元不能止赵王之逆谋谓能息匈奴之叛非也且谓冒顿手弑其父而冀其不与外祖争疆岂不惑哉方更靡耗费粮连兵积年故严尤以为下防然而汉至昭宣匈奴遠徙犹袭奉春之过举倾府藏给西北歲二亿七十万皇室淑女嫔于穹庐掖庭良人降于沙漠夫贡子女方物臣仆之职也诗曰莫敢不来享莫敢不来王荒服称其来不言往也公及吴盟讳而不书奈何以天子之尊与匈奴约为兄弟而汉之君臣竟莫之耻哉诚能移其财以养戍卒则民富移其爵以饵守臣则将良富利归于我危亡移于彼弃此而不为故曰汉无策【出突厥】

有罪后讨颉利政乱薛延陀回纥等叛之颉利不能制防大雪牛羊马多死民大饥鸿臚卿郑元璠使还言于上乘间擊之上曰背盟不信利灾不仁乘危不武纵其种落尽叛六畜无余朕终不擊必待有罪然后讨之【唐通鉴】

可为长城李世勣为并州长史上曰朕置世勣于晋阳而边城不惊可为长城

张说疏张说为相帝欲事吐蕃说密请讲和帝曰待王君防计之说出谓源干曜曰君防好兵以奔利彼入吾言不用矣后君防破吐蕃于青海说策其且败因上疏讽谕帝识其意纳之后州失守君防死【本】

康定军范仲淹建鄜城为康定军招集流亡定堡障通斥堠于是羌汉之民相踵归业

岭南蛮夷蛮夷悍轻易怨以变其南州皆滨大海多洲岛飘风一日踔数千里漫不见踪迹控御失所以险阻机毒矢将吏撞搪呼号以相和应蜂屯蚁杂不可爬梳好则人怒则兽故常薄其征入有所遗漏不究切之长养儿子至纷不可治乃草薶而禽狝之尽根株痛断乃止故岭南帅得其人则一边尽治【韩送郑序】

五溪酈元注水经云武陵有五溪雄溪橐溪酉溪瀟溪辰溪蛮夷所居皆盘瓠之子孙也今雄作熊橐作郎瀟作武皆在辰州界也【杜诗注】

多故

旄头杜诗旄头彗紫微无复俎豆事金甲相排荡青衫一憔悴【旄头胡星也彗紫微言胡星犯帝坐】

大角兵气日月还相鬬君臣屡合围大角躔兵气钩陈出帝畿烟尘昏御道耆旧把天衣【杜诗】

太平

休徵备至周公之时天下之人才皆已举用奸邪谗佞之徒皆已除去九夷八蛮在荒服之外者皆已賔贡天灾时变昆虫草木之妖皆已消息天下之所谓礼乐刑政教化之具皆已修理风俗皆已淳厚动植之物风雨霜露之所沾被者皆已得宜休徵嘉瑞麟凤 龙之属皆已备至【韩退之书】

净洗甲兵不知何国致白环复道诸山得银瓮隐士休歌紫芝曲词人解撰清河颂田家望望惜雨干布谷处处催春种安得壮士挽天河净洗甲兵长不用【杜诗】

国赋

租庸调唐制凡授田者丁岁输粟二斛稻三斛谓之租丁随乡所出岁输绢二匹綾絁二丈布加五之一绵三两麻三斤非蚕乡输银十四两谓之调用人之力岁二十日闰加二日而不役者为绢三尺谓之庸

两税法唐租庸调法坏自代宗时始以畝定税而敛以夏秋德宗时宰相杨炎遂作两税法戶

无主客以居者为簿人无丁中以贫富为差商贾税三十之一与居者均被田税视大历十四年垦田之数为定夏输无过六月秋输无过十一月歲敛钱二千五十余万缗米四百万斛以供外钱九百二十余万缗米千六百余万斛以供京师

歲入唐天寶长庆间兵九十九万率三戸奉一兵宣宗复河湟天下两税推酒榷盐歲入九百二十二万缗常费少三百余万【食货志】

歲费皇祐治平中歲入一亿万以上歲费亦一亿万以上景德郊费六百万皇祐郊费一千二百万治平郊费一千三十万【曾子固集】

唐国计簿唐韦处厚撰太和国计簿王彦威撰古额供军图李吉甫首创是法总天下方镇戸二百四十四万此天寶四分减三兵八十三万比天寶三分增一大率二戸供一兵名曰元和国计簿是韦处厚王彦威仿而为之

本朝会计录丁谓景德中权三司使撰景德防计録五卷以上后苏辙亦仿其法为皇祐会计录绍兴五年迺臣亦有是议请自元年上四年为率名曰绍兴会计簿【职官分纪】

唐宋歲入唐东南之米歲运不过二百万石国朝乃六百万石唐铜锡银之冶凡六所而五在江浙歲入十数万缗国朝则百余万缗矣唐之盐利刘晏增六百万缗本朝乃二千万缗矣唐正元中茶利四十万缗至国朝乃一百二十五万缗矣

唐宋歲运大中祥符二年召近臣观书龙图阁上阅元和国计图三司丁谓曰唐自江淮歲运米四千万至长安今江淮歲运米五百余万即知今府库充实仓廩盈衍上曰诚頼天地宗庙而国储多备亦自计臣也谓再拜【分纪】

不没赋旧名程文简公琳为三司使议者患民税多目如盐曲钱之类名件颇碎庆历中欲除其名并合为一文简以谓没其旧名一时之便也后有兴利之臣必复增之是重困民亦善虑事也

寬财论天禧三年李士衡为三司使罢陝西市木募民送木京师如入粟法如售盐及米纲任民私市以足数民大便真宗以寬财论赐之仁宗即位士衡求罢上与太后垂帘谕曰先帝常称卿知钱谷利害以比刘晏宜安其位【神道碑】

绍兴费宣和间国家全盛每月支费九十五万缗绍兴三年每月支一百一十万以绍兴初为率一歲通支一千三百二十余万见张孝祥论又中兴事实云绍兴初刘光世一军给钱每月十六万缗米三万斛又范正舆见管兵除激赏用外每月支用钱二十二万余贯

田亩

通率为十一司马法曰夫三为屋屋三为井是九夫为井孟子曰请野九一而助谓九夫之内与公助一夫周制有贡助助者九夫而税一夫之田贡者什一而贡一夫之谷通之二十夫而二夫是为十中税一也冬官匠人注周制畿内用夏之贡法税夫无公田邦国用殷之助法制公田不税夫贡者自治其所受田贡其税谷助者借民力以治公田又使收敛焉助则九而助一贡则十而贡一通率为十一也国中十一乃云使自赋是十一之中使自赋之非什中一为赋也故郑云通其率以为十一

同养公田孟子曰方里而井井九百亩其中为公田八家皆私百亩同养公田公事毕然后敢治私事班固云井方一里是九夫八家共之各受私田百亩公田十亩是为八百八十亩余二十亩为庐舍其言取孟子而失其本防由是何休范 赵岐宋均咸以为然夫言中为公田则中央百亩共为公田不得家取十亩又云八家皆私百亩则百亩皆属公矣何得复以二十亩为庐舍也言同养公田是八家共理公事何得分十亩自治之也若家取十亩自治之安得谓之同养也若二十为庐舍则别二亩亦入私矣何得为八家皆私百亩也【诗疏】初税亩用田赋作丘甲周之彻法以私助公而上下两足及其弊也鲁哀公履亩而税之民倍其出而上亦不足春秋于是书曰初税亩丘十六井而出三牛一马因其田赋通而出是谓赋法及其弊也别其田各为一赋季孙欲之国老无如之何春秋于是书曰用田赋六十四井而为甸甸出甲士三人及其弊也丘出一人而甸四人矣春秋于是书曰作丘甲【陈了翁录】

亩益三升高允仕元魏魏太武问万几何先允因曰臣少也贱所知惟田请言田事古人云方一里则为田三顷七十亩方百里为田三万七千顷若劝之则亩益三升不劝则亩损三升方百里损益之率为粟二百二十万斛况天下之广乎【高允】

国朝垦田景德户七百三十万垦田一百七十万顷皇祐户一千万垦田二百二十五万顷治平户一千二百九十万垦田四百三十万顷【曾子固文】

坐食之人居其一 张孝祥谕禹别九州地以顷计者凡二千四百二十万八千有奇田之垦者凡九百一十万八千有奇而其不垦者犹千五百万二千顷也周庄王之世自世子公侯以至庶民凡千一百八十四万人而受田者九百万四千人以数计之耕作之人居其中而坐食之人居其一也

周制百步为亩杜佑以为周制百步为亩百亩给一夫商鞅佐秦以为地利不尽更以二百四十步为亩百亩给一夫又以秦地旷而人寡晋地狭而人多诱三晋之人耕而优其田宅复及子孙使秦人应敌于外非农与战不得入官大率百人以五十人为农五十人习敌故兵彊国富【突厥传】

周尺六尺四寸为步礼记王制云古者以周尺八尺为步今以周尺六尺四寸为步古者百亩当今田百四十六亩三十步古者百里当今百二十一里六十步四尺二寸二分周尺之数未详闻也实按礼记王制周以十寸为尺盖六国时变乱法度或言周尺八寸则步更为八八六十四步以此计之古者百亩当今百五十六亩二十五步古者百里当今百二十五里

戸口

汉唐前汉戸口一千二百二十三万后汉一千六百七万魏九十四万晋二百四十五万宋九十
十万后魏三百三十七万北齐三百三万后周三百五十万隋八百九十万唐九百六万

国朝太祖戸口二百五十万太宗三百五十七万真宗八百六万仁宗一千九百九万英宗一
千二百四十八万神宗一千七百二十七万【侯鯖录】

二戸养一兵唐元和中供税赋八道戸百四十四万兵食于官者八十二万通以二戸养一兵
会昌永戸增至四百九十五万【食货志】

铸钱

歳铸钱百余万贯国初江南平转运使张齐贤得江南旧承指丁钊尽知信建等州铜铅处即
调发丁夫采之初江南饶州永平监歳铸钱六万贯齐贤初年增十数倍明年得铜八十五万
斤锡六十万斤因杂为铅锡铸钱三十六万贯其后信州铅山出铜无算钱所市数千万斤饶
州薪炭不能给分池州置永寧监建州置永丰监并歳铸钱二十万贯以铅山铜给之杭州置
保兴监凡四监歳铸百余万贯【杨文公谈苑】

歳铸钱三百万贯国初平江南歳铸钱七万贯至天圣中稍增至歳铸百余万贯庆厯至三百
万贯熙寧六年以后歳铸铜钱六百余万贯【沈括笔谈】

广寧寓于赣汉惟上林三官铸钱其铜取诸关中唐武德初置监于幽并益桂四州国朝十有
六监曰雍曰絳曰鄂曰饶曰池皆因唐旧唐极盛时歳铸钱以钜万计者仅能三之而嬴国朝
天圣中已二倍其数熙寧以后则二十倍矣中兴以来所存者七监饶之永平池之永丰江之
广寧韶之永通建之丰国严之神泉赣之铸钱院初鄂有寶泉监崇寧元年废而置于赣绍兴
二年江池为兵冲以永兴寓于饶广寧寓于赣于是赣之鼓铸倍于昔【杨舜俞记】

铜铁钱国初立五监之铜以谨上供歳铸钱百五十万缗又立三监之鐵以二蜀歳铸铁钱二
十七万缗铜钱不入铁钱界铁钱不入铜钱界

铁缗设交张乖崖在蜀以铁缗重设质剂之法一交一缗以三年一界换之虽智者不可改也
【湘山野集】

搯茶

兴茶税唐贞观初赵赞兴茶税而张滂继之长庆初王播又增其数大中裴休立十二条之利
【南丰录】

贴射法淳化二年令商贾就园户买茶公私官场贴射始行贴射法行之三年茶利尽归大商官场但得黄晚恶茶乃诏孙奭重议罢贴射法只用见法

三分法咸平五年三司使王嗣宗始立三分法以十分茶价四分给香药三分犀象二分茶引

三税景德中许人入中钱帛金银谓之三税干兴元年改三分法支茶引三分东南见钱二分半香药四分半岁入一百九万余贯国朝六推货务十三山场都卖茶岁一千五十三万余斤除官本杂费钱外岁入净钱取一年最中数计一百九万四千余贯

岁得钱四十万缗唐德宗纳赵贇议税天下茶十取一以为常平本钱后罢之贞元八年张滂奏出茶州县以三等定估十税其一自是岁得钱四十万缗穆宗即位王播乃增天下茶税率百钱增五十大中初裴休着修私鬻法三犯皆三百斤论死郡旅茶虽入少皆犯天下税茶增倍【食货志】

八牀主人马殷为湖南节度使民得自摘山收茗筭募户置邸阁居茗号八牀主人岁筭数十万用遂足【本 】

防酤

起于桑 羊推酤之法起于桑 羊而详于王莽之鲁正罢于魏起陈又罢于隋之开皇复于唐之乾元代宗行于广德一切禁之穆宗行于正元则置肆酤之法罢于宪宗复盛于昭宗国朝可程能之奏而推酤始行王城之中则征其蘖不征其市闽蜀之地取其税不禁其私四方郡国则有常禁

推钱百五十六万唐初无酒禁肃宗以食方屈禁京城酤酒广德二年置肆酒斛收钱三千私酿者论其罪贞元二年置肆以酤者计钱百五十凡天下推酤钱百五十六万缗【食货志】

岁入二千五百余万贯宣和元年淮南推盐岁一千四五万贯两浙岁入七八万贯两路每岁通入不下二千四五百万余贯解州不与焉【张孝祥论】

天下之赋盐居其半刘晏以为因民所急而税之则国足用于上盐法轻重之宜岁得钱百余万贯至大历未六百余万贯天下之利盐居半矣【唐食货志】

不可弛茶盐禁庆历中议弛茶盐之禁范文正公以为不可茶盐商税之入但分减商贾之利尔于商贾未甚为害也今国用未减既不取之于山泽及商贾取之于农与其害农孰若取之于商贾国用有余当先宽赋役然后及商贾弛禁非所当先也议遂寝【圣谈】

罢河北推盐河朔地鹺民刮鹺煎盐不买而足周世宗尝推海盐共得三十万缗民多犯法苦之艺祖征河东还父老进状乞随两税纳钱三十万缗而罢推法艺祖许焉今两税外食盐钱

是已及仁宗朝王拱辰君贶为三司使复议榷法未定张方平安道继之具本末以奏不宜复榷仁宗惊曰朕不知也卿为朕撰数句语朕将批出使河朔人知此意时贾魏公守北都圣语至即刻石于府园骑山楼癸木亭上魏人以此深德贾公【龙川志】

锦绣万花谷前集卷十五

卷十六

<子部,类书类,锦绣万花谷

钦定四库全书

锦绣万花谷前集卷十六

父子

侍寝问安文王有疾武王不说冠带而养文王一饭武王亦一饭文王再饭武王亦再饭文王为世子朝于王季日三鸡初鸣而至寝门问内豎曰安否何如豎曰安文王喜及日中又至亦如之及暮又至其有不安内豎以告文王文王色忧

南山桥梓伯禽与康叔见周公三见三答之二子乃问商子商子曰南山之阳有木名桥南山之阴有木名梓何不往观之二子往见桥木高而仰梓木实而俯还告商子商子曰桥者父道也梓者子道也【尚书大传】

曾子耘 曾皙今曾子耘瓜误伤其根曾皙怒擊其首曾子仆地有顷乃苏孔子闻之谓弟子曰参来勿内也昔瞽瞍有子曰舜瞽瞍使之未尝不往欲杀之未尝可得小杖则受大杖则逃不陷父于不义也【家语】

膝上王文度晋王述字怀祖子坦之字文度为桓温长史温欲为子求婚于述坦之还家省父而述爱坦之虽长大犹置膝上坦之因言温意述大怒遂排下曰汝竟痴耶【述传】

老莱儿啼老莱子事二亲行年七十作婴孩自娱着五色防衣取浆上堂跌仆因卧地为小儿啼【列女传】

炊饭成糜陈太丘有子元方季方有客诣太丘谈锋甚敌太丘令二子炊饭延客二子委甑窃听客语饭落釜成糜而进客去太丘责之二子言其故且诵客语无遗太丘曰但糜自可何必饭【商芸小说】

循陔束皙补亡诗曰南陔孝子相戒以养也循彼南陔言采其兰眷恋庭闱心不遑安【选诗】

风月景山水谢庄生五子颺肱颡崧沦谓庄名子以风月景山水【南史】

羲之生五子王羲之有子七人其知名者五人曰 之凝之徽之操之献之孟郊诗曰羲之生五子羲之又有之

践霜挽车伯奇尹吉甫之子吉甫惑于后妻虐伯奇无衣无履而使践霜挽车伯奇顺父之今不敢有辞发假收严唐杨惟直名四子发假收严发以春为义假以夏为义收以秋为义严以冬为义收大拜发至丞郎阿戎王浑子戎防爽阮籍谓浑曰戎清爽非卿伦也与卿言不如与阿戎谈【晋书】

屏风隔坐呉纪亮为尚书令子隲为中书令每朝防诏以御屏风隔坐

犊子破车石季龙少时数弹人石勒白母欲杀之母曰快牛为犊子时多能破车汝当小忍之勒乃止【晋书载记】睡不听父言汉陈万年子咸数言事讥刺近臣万年病召咸戒牀下语至半夜咸睡头触屏风万年大怒曰乃公教戒汝汝反不听吾言何也咸曰且晓所言大要教咸谄也万年乃不复言【咸传】

过五男十日饮汉陆贾有五男卖橐中金分其子二百金令为生产贾常乘安车侍者十余寶劍直百金谓其子曰与汝约过汝汝给人马酒食十日更所死之家得剑【贾传】

双珠出老蚌韦康元将弟诞仲将孔融与其父书曰前日元将来渊才亮茂雅度 毅伟世之器也昨日仲将来文敏笃诚保家之主也不意双珠近出老蚌【后汉】父子骨渗血梁武帝第二子综封豫章王初母呉淑媛在齐东昏侯宫及幸武帝七月而生综宫中多疑之及综年十四常梦一少年肥壮自挈其首对综非一问母母问梦中形状类东昏因密报之勿泄综遂于别室祠斋庙然犹无以自信闻俗说以生者血沥死者骨渗即为父子综私发东昏墓出其骨沥血试之既验在西州生次男月余潜杀之既瘞发其骨又试之【南史】

父鬻渗子血唐王少 父死兵遗腹生十岁问父所在母以告即哀泣求尸时野中白骨覆压或曰以子血渍而渗者父鬻也少 镵肤阅旬而获【本传】

好消息恶消息唐崔 暉为军校员外郎母卢氏戎之曰吾见辛 馭云儿子从官者闻有人来云贫乏不能自存此是好消息若闻货货充足衣马轻肥此是恶消息吾重此言汝今坐食俸禄若不能忠清何以戴天履地特加修洁勿累吾此意也【职官分纪】

盗酒不拜孔文举有二子大十岁小五岁昼日父眠小者牀头盗酒饮之大儿谓曰何以不拜小者答曰偷何行礼此言小而善言语也【世说】

添丁卢仝生子名曰添丁欲为国持役也

见白云思亲唐狄仁杰授并州司法参军亲在河阳仁杰登太行山反顾见白云孤飞谓左右曰吾亲舍其下顾望久之云移乃去

九子母丈夫钱穆父生九子东坡以九子母丈夫目之【本 】

同桓 王荆公及子雱同修经义经成加荆公左仆射雱龙图直学士同日受命元绛贺诗曰陈前舆服同桓 拜后金珠有鲁公【东轩笔录】

三子列侍陈省华蜀人三子尧叟尧佐尧咨皆进士及第而伯仲为天下第一晚年与燕国夫人冯氏俱康宁尧叟知枢密院次子直史馆少子知制诰每对客三子列侍客不自安省华曰学士列侍常也士夫以为荣【澠水燕谈】

宰相侍立本朝王溥拜相年三十二其父祚累迁防御使每见客溥常朝服侍立客不安求去祚曰学生劳贤者起避耶【庐陵归田录】

手植三槐于庭王晋公祜太祖朝为知制诰使魏州太祖曰使还与卿王溥官职时王溥为相也使还帝怒安置华州七年不召初祜赴贬时亲朋送祜曰意公作王溥官职矣祜笑曰某不做儿子二郎必做二郎者文正公旦也祜手植三槐于庭曰吾子孙必有三公者已而果然天下谓之三槐王氏【邵氏录】

索杖欲撻韩忠献公亿教子严肃知亳州第二子舍人自京西倅谒告省觐康公与右相及侄宗彦皆中甲科归公喜置酒召僚属之亲厚者俾诸子坐于隅惟持国多深思知必有义方之训托疾不赴坐中忽云二郎吾闻西京有疑狱奏谳者其详云何舍人思之未得已诃之再问未能对遂推案索杖大骂曰汝食朝廷爵禄倅贰一府事无巨细皆当究心大辟奏案尚不能记则细务可知必欲撻之众宾力解方已诸子股栗家法之严如此所以多贤子孙也【苏氏谈训】

郎罢团圞人呼子为团谓父为郎罢顾况有诗述之青箱杂记故山谷有诗送秦觏少章从东坡学云斑衣儿啼真自乐从师学道也不恶但得新年胜旧年即如常在郎罢前【黄集】

贤愚系于汝邵尧夫四十余始娶生男有诗曰我今行年四十五生男方始为人父鞠育教诲诚在我壽夭贤愚繫于汝我若壽年七十岁眼前见汝二十五我欲愿汝成大贤未知天意肯从否【闻见录】

八龙国朝韩亿忠献公八子曰纲综绂绎纬缜维 多为闻人绂缜皆为宰相维为门下侍郎以比荀氏八龙【黄诗注】

穷达有命唐介一日自政府归语诸子曰吾备位政府知无不言桃李固未尝与汝等栽培而荆棘则甚多矣然汝等穷达莫不有命惟自勉而已【湘山野录】

守鸣蝉赋予起作赋草他儿一视而过独小子棐守之不去此儿必能为吾此赋因以予之【欧集棐字叔弼】

长头峙玉东坡中子迨生三年不能行请辩才师为落髮摩顶祝之不数日能行坡有诗云我有长头儿角颊峙犀玉四岁不知行抱负烦背腹师来为摩顶起走趣奔鹿

虎儿诗苏子由己卯生坡尝号为卯君生子名虎儿坡有诗云旧闻老蚌生明珠未省老兔生于菟老兔自谓月中物不骑快马骑蟾蜍蟾蜍爬沙不肯行坐令青衫垂白须于菟骏猛不类渠指挥黄熊驾墨防丹沙紫麝不用涂眼前百步走妖狐妖狐莫夸智有余不劳摇牙咀尔徒

母子

啓母化为石禹治水通轘辕山化为熊谓涂山氏女曰欲饷必闻鼓声乃来禹排石误中鼓涂山氏往见禹方作熊慙而去至嵩山下化为石方孕啓禹曰归我子石破北方而啓生【武帝纪注】

伊尹母化为枯桑伊尹母方孕行汲化为枯桑其夫防至水滨见桑穴中有儿乃收养之【尚书大 序】

搯臂呼参曾参出薪于野有客至其家欲去其母曰愿留参方到即以左手搯右臂臂痛参即驰至问母曰臂何故痛母曰今者客至搯吾臂呼汝耶【论衡】

三釜曾子再仕而心再化曰吾及亲仕三釜而心乐后仕三千钟而不汨吾心悲【庄子】

断机孟轲母三徙既居孟子学而归母问学所至孟子曰自若也孟母以刀断机曰子之废学若吾断机孟子惧勤学不息遂成名儒

倚门王孙贾之母谓贾曰汝朝出而晚来则吾倚门而望汝暮出而不还则吾倚闾而望【战国防】

织屦汉翟方进年十二三失父为太守府小吏因病归家辞其后母欲西至京师授经母怜其防随至长安织屦以给方进后十余年至宰相母尚在

分榼后汉蔡顺当王莽末大荒顺拾榼以异器盛之赤眉贼见而问之顺曰黑者奉母赤者自食贼知其孝乃遗米肉放之【本传】

桑门遗瓜滕昙恭年五岁母患热病思食寒 土俗不产昙恭歷访而不得俄遇一桑门曰我有双 分一相遗举室惊异【南史本传】

遗蒲萄陈叔达为纳言尝赐食得蒲萄不举高祖问之对曰臣母病渴尝求不能致愿归奉之帝曰卿有母遗乎因赐之【本传】

和熊胆丸以助子勤柳仲郢防嗜学母尝和熊胆丸使夜咀嚼以助子勤【唐本传】

识杜黄裳潘孟阳母刘晏女常问未坐有绿衣少年何人曰补阙杜黄裳夫人曰此人觉全别必是贵人后为相【南部新书】

鼓吹震耀洛瀆晋汝南王亮母伏太妃常有小疾祓于洛水亮兄弟三人侍从并持节鼓吹震耀洛瀆武帝登凌云台望见曰伏妃可谓富贵矣

拥笏垂鱼唐曹成王臯为刺史遭诬在治念其母太妃老将惊而戚出则囚服就辨入则拥笏垂鱼【退之曹王碑】拜畫像金日防母死武帝诏图其形于甘泉宫日防养马苑中每牵马过见遗像輒拜

冰筋南史萧叡明母病风积年叡明昼夜祈祷时寒叡明下泪为之冰如筋额上叩头血亦冰不溜后其母遂安【孝义集】

当归遠志姜维天水人既归蜀得母书令求当归维曰但有遠志不在当归【本传】

刻母形丁兰少丧父母不及养乃刻木为亲形事之若生隣人张叔妻从兰妻有所借兰妻跪报木人木人不悦不以借之叔醉骂木人以杖敲其头兰归奋杀张叔郡县嘉其孝遂上之图形于灵台【孙盛逸士传】

社日悲恸魏王脩年七岁母社日死脩每至社日悲恸邻里为之辍社

防刀逐贼仆固怀恩父子平史朝义举河朔若拾遗护回纥归国过太原为辛云京所拒闭關不犒军大怒顿军汾州遣子瑒攻云京偏将焦晖等斩瑒首献阙下怀恩闻以告母母曰我戒汝勿反国家训汝不浅今众变祸且及我提刀逐之曰吾为国杀此贼取其心以令军中怀恩走以部曲三百走灵州诏辇其母归京师賛曰其母防刀逐贼烈妇人哉

捧檄而喜毛义家贫养亲张奉慕其名诣义防府檄至以义为守令义捧檄入喜动顔色奉心贱之及义母死举贤良方正不就奉叹曰往日之喜为亲也【本传】

寄物瓶中曹公令路粹枉状奏孔融与布衣襦衡放言云父之有子当有何亲论其本意实为情欲发耳子之于母亦复奚为譬寄物瓶中出则离矣【后孔融传】

非此母不生此子陶侃母湛氏新涂人初侃父丹聘为妾生侃陶氏贫贱母纺绩资之番禺孝防范逵寓宿于侃时大雪湛氏乃彻所卧新荐自剉给其马又密截防供饌逵叹曰非此母不生此子侃竟以功名显【晋烈女传】母有疾輒病唐张志寛尝诣县忽称母疾求急归令问状答曰母有疾志寛輒病令疑妄繫于狱驰验如言执熨辞褱晋韩伯数岁大寒母方为作襦令伯提熨斗而谓之曰且着襦寻当作复褱伯曰不须母问故曰火在斗中而柄热今既着襦

下亦当暖【本传】

百官回班候起居唐赵隱辅政他宰相及百官皆诣第陞堂庆母懿宗诞日宴慈恩寺隱侍母以安輿临观宰相率百官拜恩于庭回班候夫人起居缙绅以为荣【职官分纪】

噬指悟子蔡顺采薪于野有客卒至母望顺不还噬其指顺即心动弃薪驰归母曰有客来吾噬指以悟汝耳喜录囚平反汉隽不疑为京兆尹行县录囚还其母輒问有所平反活几何人即多有所平反母喜笑为饮食异于他时或无所出母怒为不食故不疑为吏严而不残【本
】

扫墓地严延年治河南酷刑号屠伯母数责延年天地神明人不可独杀我不忍当老见壮子被刑戮也行矣去汝东归扫墓地耳遂归后岁余果弃市东海莫不贤智其母延年兄弟五人皆至大官母号万石严姬那得生宁馨儿宋废帝子业性凶悖其母疾笃召之帝曰病人多鬼那可往其母怒谓侍者将刀来破我腹那得生此宁馨儿【南史本传】

秤槌中足寇莱公少时不修小节颇爱飞鹰走犬太夫人性严每不胜怒举秤槌投之中足流血由是折节从学及贵母已亡每扞其疮防輒哭【记闻】

剪髻杜甫诗送王砮【音例】砮是王珪之后云家贫无供给客位但箕帚俄顷羞颇珍寂寥人散后入怪鬓髮空吁嗟为之久自陈剪髻鬢市易充沽酒上云天下乱宜与英俊厚秦王时在坐真气惊戸牖及乎贞观初尚书践台斗此称珪母之贤【西清诗话】

杖碎金鱼陈康叔善射号小由基及守荆南回其母冯夫人问汝典郡有何异政尧咨云每以弓矢为乐母曰汝父教以忠孝辅国家今汝不务行仁化而专务一夫之勇岂汝父之志耶杖之碎其金鱼

刺血写经求母朱壽昌少不知母所在刺血写经求之五十年后得之蜀中东坡贺之以诗云嗟君七岁知念母怜君壮大心愈苦羨君临老得相逢喜极无言泪如雨烹龙为炙玉为酒鹤髮初生千万壽金花诏书锦作囊白藤肩輿帘蹙绣感君离合伤我魂此事今无古未闻长陵谒来见大娣仲孺岂意逢将军开皇苦桃空记面建中天子终不见西河太守谁复讥颖谷封人羞自荐【坡集】

子孝妇义真宗朝有士人其母死乃号恸抱母尸而死其妻见夫死乃抱夫尸而哭亦就死曰此家人子死于孝妇死于义也

金花诰官诰院敕郡夫人使金花罗纸七张锦縹袋赐以汤沐邑乃奉亲之荣也【春明退朝录】

兄弟

花萼相辉楼睿宗五子 宗为季子制大衾长枕与诸王共之后于宫南造花萼相辉之楼时登之必召诸王登楼赋诗世谓天子友悌无比有鹳鸪千数集麟德殿柱帝尝赐宪等书曰魏文帝诗曰西山一何高高殊无极上有两仙童不饮亦不食赐我一丸药光辉有五色服之四五日身体生羽翼朕每言宁如兄弟天生羽翼乎陈思王才足以经国家絶其朝谒卒以忧死魏祚未终司马氏夺之岂神丸效耶【明皇传】

花萼集李义山与兄弟俱以文章自名同为一集号李氏花萼集

酥醢乳酪穆贇兄弟皆和粹世以珍珠目之贇少信然有格为酪质美而多文为酥员为醢酪赏为乳腐双与唐张越石楚金同举有以兄弟不可两收欲俱退李勣叹曰贡举本求才行何妨双与【干 子】

聯珠集窦羣与兄常牟弟庠巩兄弟五人皆为郎工词章义取五星然故为聯珠集行于世【本传】

白眉马良兄弟五人并有才名乡里谚曰马氏五常白眉最良良眉中有白毫故云【蜀志】

三珠树唐王勃与兄勳勔皆着才名故杜易简称三珠树

紫荆花京兆田真兄弟三人欲分庭前紫荆花破而为三明旦枯死真曰是人不如木也兄弟相感复合荆亦茂陆机诗云三荆欢同株又古诗三荆同根生【续齐谐记】蜀龙呉虎诸葛瑾仕呉诸葛亮仕蜀从弟诞仕魏后以兵反见诛世人谓蜀得龙呉得虎魏得狗【世说】

难兄难弟汉陈元方子长父即陈羣也与季方子孝先各论其父功德争之不决谘于陈太丘太丘曰元方难其兄季方难其弟【世说】

难兄晋王珉小字僧弥少有才艺名出珣右语曰法护非不嘉僧弥难为兄法护珣小字【晋本传】

人琴俱亡王徽之与献之俱病术人曰应终而有生人乐代则死者可生徽之曰吾才不如弟请代术人曰君今与弟箒俱尽何可代献之卒徽之奔丧直取献之琴鼓之久而不调曰子敬人琴俱亡因一恸而卒

夹河为郡汉杜周为廷史久任事列三公两子夹河为郡守【本 】

少言佳客王子敬献之与兄徽之操之俱诣谢安二兄多言俗事献之寒温而已既而客问王氏兄弟优劣安曰少者佳客问其故安曰吉人之辞寡以其少言故知之

封胡羯末晋谢氏尤彦秀者称封胡羯末封谓谢歆胡谓谢朗羯谓谢 末谓谢川皆其小字

也歆朗川皆早卒惟 以功名终

太祖娣太祖将北征自京师归民间諠言当立防检为天子太祖闻之惧密以告家人太祖娣魏国长公主方在厨引麪杖逐太祖曰大丈夫临大事可否当决胷怀乃来怖妇女太祖默然出【涑水记闻】

四鸟之悲孔子闻妇人哭声谓顔渊曰此非独哀又有离别之声何以知之曰昔桓山有鸟生四子羽翼既成将分飞声类于此问之果然父死卖子以葬【六帖】

洒血陈业兄渡海同死六十人骨肉消烂而不可别业乃割臂流血洒骨上而后别也

连璧分鼎东坡子由孔文仲经甫武仲常甫平仲毅甫俱以才名播天下鲁直有诗云二苏上连璧三孔分立鼎天下坠斯文俱来集台省

形貌相类张伯偕仲偕兄弟形貌相类仲偕妻新妆镜中忽见伯偕问曰今日新妆饰好否伯偕不顾仲偕妻惭久伯偕复过仲偕妻复呼之曰向误认伯偕是卿伯偕又不顾仲偕妻始惭俱误

友于世谓友弟谓友于朱浮喋血友于杜甫诗云山鸟山花皆友于皆歇后语也【洪驹父诗话】

争死后汉时赵孝宗弟孝礼被贼捉去欲杀而食之孝宗闻之走见贼曰孝礼不如孝宗肥愿代弟死贼相谓曰此义士也遂并放之【孝义】

子孙叔侄

霍氏衰张氏兴张安世子千秋与霍光子禹俱为中郎将随度辽将军范明友擊乌桓还谒大将军光光问战鬪山川形势千秋口对兵事手画地成图无所忘失复问禹禹不能记曰皆有文书光由是赏千秋而以禹为不才叹曰霍氏衰张氏兴矣

一夜十起第五伦或问伦曰有私乎曰余兄子尝病一夜乃十起退而安寝余子有病虽不省视而通夕不寐【本传】

紫罗囊谢 尝佩紫罗香囊叔安恶之而不欲伤其意因戏赌得乃焚之【本】

买德郎桓温弟冲小字买德郎初温兄弟并少家贫母患需羊以解温乃以冲为质羊主言不欲为质幸为养买德郎【本】

乌衣郎晋宋时江左谓王谢子弟为乌衣诸郎【坡诗注】碧梧鸾鹄瑶环瑜珥退之云余在

京师不能自存拜北平王于马前王怜之赐食与衣召二子使为之主其季遇我厚姆抱防子立侧肌肉玉雪可怜当是时见北平王如龙虎变化不测见少傅翠竹碧梧鸾鹄停峙幼子姁好静秀瑶环瑜珥兰茁其芽北平王马燧也少傅燧子畅也防子燧之孙即少监也

未尝教子孙学问王敬 岁中见儿孙不过一再见见輒刻日未尝教子孙学问多随所欲或问之答曰丹朱不应乏教密越不闻被捶【南史】

阿买韩退之诗阿买不识字颇知书八分诗成使之写亦足张吾军或问黄鲁直阿买是退之何人鲁直曰退之侄必有据也【坡注】

仲容贤嗣宗诸子侄早觉仲容贤仲容乃阮咸字籍之侄也【杜诗】

鸬车竹马小儿五岁曰鸬车之戏七岁曰竹马之戏【博物志】

荐侄宰相吕 正居洛真宗祀汾阴过洛幸 正宅问曰卿诸子孰可用对曰臣诸子皆豚犬不足用有侄夷简任颍州推官宰相才也帝记其语遂至大用文靖公也【邵氏闻见录】

璠璣经纬翰林学士彭乘不训子弟范宗翰上啓责之曰王氏之子琪珪玘璿器尽璠璣韩氏之宗综绉缜维才皆经纬非荫而得由学而然谓王氏皆以玉名韩氏皆以丝名天下衣冠子弟取高科者唯王韩为盛【名臣 】梁罗苏子由子迟适远子瞻有诗云独防三子出古刹访禅师高谈付梁罗诗律对阿虎梁罗迟小字阿虎即虎儿小字也【坡集】

皎皎头玉东坡贺子由生孙云朋来四男子大壮泰临复无官一身轻有子万事足举家传吉梦殊相惊凡目烂烂开眼电皎皎峙头玉 李贺诗头玉皎皎眉刷翠杜郎生得真男子

夫妇

射雉始笑叔向曰昔贾大夫恶娶妻而美三年不言不笑御以如皐射雉获之其妻始笑而言【左 】

屢屢歌百里奚仕秦其妻歌曰百里奚五羊皮忆别时烹伏雌炊屢屨今日富贵忘我为

白头吟司马相如将聘茂陵女子为妾文君作白头吟凄凄重凄凄嫁娶不须啼愿得一心人白头不相离相如感之乃止【西京杂记】

娶骂己者人有挑其隣之妻者其长者骂之其少者报之后其夫死而娶其长者或曰夫非骂尔者耶曰在人欲其报我在我欲其骂人【后冯衍 】

三同冯衍字敬通其妻极悍刘孝标云予与敬通三同不遇一同也刚直二同也冯有忌妻自

操井臼予亦有忌妻家道坎轲三同也【刘孝标】

以粉书扇后汉阴喻妻荀爽女名采早寡父母强嫁与郭奕爽以诈疾召采采归而怀白刃爽执夺不得已到郭氏伪为欢建四灯以共谈奕敬惮之及曙奕出采叱左右办浴既入室以粉书扇曰尸还阴氏字未成恐人来乃以衣带自缢死

卿卿晋王浑妻钟氏常卿浑浑曰诂可尔妻曰怜卿爱卿是以卿卿我不卿卿谁当卿卿【世说】

饮琼捣霜裴航遇云翘夫人与诗云一饮琼浆百感生 霜捣尽见云英蓝桥便是神仙窟何必区区上玉京后经过蓝桥渴过一舍有老妪揖之求浆妪令云英擎一瓯浆饮之即美女也航欲娶云英妪曰但得玉杵玉臼当与之后航得杵臼为捣药乃得娶遂得仙也【奇】不对梳沐宋刘穆之贫往妻兄家乞食多见辱不以为耻其妻江氏每禁不令往穆之犹往食毕求防榔江氏兄弟戏曰槟榔消食君何需此妻复截髮市肴馔为其兄弟以饷穆之自此不对穆之梳沐及穆之为丹阳尹召妻兄弟饮至醉以金杵贮防榔一斛进之【本】

感孤燕南史卫敬瑜妻年十六而夫亡父母舅姑欲嫁之乃截耳为誓不许户有巢燕常双飞后忽孤飞女感其偏栖乃以缕系脚为志后岁此燕果复来犹带前缕女为诗曰昔年无偶去今春又独归故人恩意重不忍更双飞【张景仁传】

黄鹄歌烈女陶婴夫死守义作黄鹄歌曰黄鹄早寡兮七年不双宛颈独宿兮想其故雄其命早寡兮独宿何伤念此寡妇兮泣下数行死不忘兮鸟将然虽有贤雄兮终不重行鲁人闻之遂不复求【列女】

箔上蚕机上丝王肃在江南聘谢氏女为妻及至京师复尚公主其后谢氏为尼亦来奔肃作诗赠肃曰本为箔上蚕今作机上丝得络逐胜去颇忆纏绵时公主代肃谢曰针是贯绅物目中常絰丝得帛缝新去何能袖故时肃甚恨遂造正觉寺憇之【伽蓝记】

写真寄诗南楚才旅游似无返旧之意其妻薛媛防知其意乃对镜自图其形并诗以寄之诗曰欲下丹青笔先拈寶镜端已惊顏索寞渐觉髮凋残淚眼描来易愁肠写出难恐君浑忘却时展畫图看楚才遂归如初【云溪友议】

出妻复还严灌夫娶慎氏十年无嗣乃出之妻乃为诗以别曰当时心事已相闕雨散云收一饷间便是孤帆从此去不堪重过望夫山遂如初

梦归见写诗有书生娶后游大学久不归一夕梦返其家见妻秉笔写诗云数日相望极须知意思迷梦魂不怕险飞过大江西书生怪而记之后家书至妻有诗一首如梦中所见无殊梦之夕乃发书之日

畫佛唐武侍御喪其配斂其遺服栲珥輦輓于亡月旦十五日出陳之抱嬰兒以泣有浮屠者諭之曰是豈有益耶吾師云人死則為鬼鬼且復為人隨所積善惡受報環復不窮也西方有佛焉其土大樂能圖是佛而禮之往生莫不如意韓愈聞而吊之曰圖西方兮道之勤以妄塞悲兮慰新魂【韓吊武侍御畫佛文】

無雙唐劉震之女防時許其甥王仙客未成婚防朱泚之亂震夫妻死無雙沒入掖庭仙客后二年入京遇舊蒼頭塞鴻又得無雙婢采苹與居后為縣尉至長安驛忽有中使押內家三十人往元陵洒掃塞鴻烹茗于帘外夜深忽聞帘下語曰塞鴻郎健否明日我去后閣子中取書送郎書后云常見敕使說富平縣古押衙有心人今能求之否后仙客尋古押衙結以寶玉半歲古押衙求茅山道士藥令采苹假作中使賜無雙自盡立死三日活以親屬贖尸以與仙客救療得愈押衙自盡仙客與無雙易姓名偕老襄鄧間【太平廣記】

綉 彤詩唐防昌中有邊將張揆防邊近十年其妻侯氏綉回文作 彤詩詣闕進曰睽離已是十年強對鏡那堪更理妝聞鴈防回修尺素見霜先為制衣裳開箱疊練先垂淚拂杵調砧更斷腸綉作 彤獻天子愿教行客早還鄉

封髮三十年唐賈直言妻董氏直言坐事貶嶺南以妻少年訣曰死生不可期吾死可別嫁董不答引防束髮封以帛使直言署曰非君手不解直言貶二十年乃還署帛宛然及湯沐髮墮無余【本 】

詩寄夫毛友龍達可未第時其內以一詩寄之剔燭親封錦字書擬凭歸鴈寄天隅經年未報干秦策不識如今舌在無【齋錄】

少婦集句壽之老醫娶少婦或集句嘲之曰隈他門戶傍他牆年去年來來去忙采得百花成蜜后為他人作嫁衣裳【后山詩話】

河東獅子吼陳慥字季常妻柳氏悍忌季常畏之東坡詩戲之曰龍丘居士亦可憐談空談有夜不眠忽聞河東獅子吼拄杖落手心茫然龍丘季常道號河東柳姓郡也【西清詩話】

錦綉萬花谷前集卷十六

卷十七

钦定四库全书

锦绣万花谷前集卷十七

妓妾

樊通德汉伶 之妾樊通德赵飞燕女史也能道赵飞燕娣妹事伶 曰其人俱灰灭矣疲精神驰嗜欲宁知终归荒田野草乎通德掩袖视烛影以手拥髻凄然泣下伶 因作飞燕外传

友通期后梁商美人友通期献于顺帝通期有过帝以归商商出嫁之商子冀遣客盗还友通期生子伯玉【冀 】翔风石季伦有爱婢曰翔风能别五声以文显名年三十石崇乃退为房老翔风怨而作诗云春华谁不美卒伤秋落时坐见芳时歇憔悴空自嗤【王子年拾遗】

络秀周顗母李氏字络秀初顗父俊为将军出猎遇雨止李氏父兄不在络秀与婢于内宰羊具饌不闻人声俊窥之见一女甚美因求为妾父兄不许络秀曰门户殄瘁何惜一女遂与之生顗三子

绿珠岭表録异曰昔梁氏女有容貌石季伦为交趾采访使以真珠三斛买之即绿珠也善吹笛孙琇使人求之崇曰绿珠吾爱妾不可得也琇竟诛崇求访绿珠绿珠闻之坠楼死【本传】

染髮媚侧室何长瑜以韵语序僚佐云陆展染白髮欲以媚侧室青青不解久星星行复出【谢灵运 】

玉箫韦臯少游江夏姜史君之館有小青衣曰玉箫年七岁常令侍臯年长有情韦去与玉箫约曰后七年再来玉箫遗以白玉指环并诗曰黄雀衔来已数春别时留解赠佳人长江不见鱼书至为遣相思梦入秦逾八年韦不至玉箫絶食而殁后十年韦理蜀不替因作生日东川卢八坐中送一歌姬来未满破 亦以玉箫为号观之乃真玉箫也【云溪友议】

雪儿雪儿李密之爱姬善歌每见宾僚文章中意者即付雪儿歌之故韩定云盛德好将银管述丽词堪付雪儿歌【百斛明珠】

阿软元微之到通州见壁间有诗落句云绿水红莲一朵开千花万草无颜色不知何人题也録此词寄乐天乃乐天十五年前及第时赠长安妓阿软絶句故白诗云十五年前似梦游曾将诗句结风流偶助笑歌嘲阿软那知传诵到通州

红儿鄜州李孝恭籍中有红儿善肉声罗虬挑之不答遂作絶句百篇号比红儿诗

酥香唐杜秘书工于小词邻翁有女小字酥香凡才人所为歌曲悉能讽之一夕逾墙而至杜始望不及此邻翁失女所在下半年仆有过杜笞之窜而闻官杜流河朔临行述永遇乐一词决别女持纸三唱而死【并白乐天集】樊素小蛮白乐天有二妾樊素善歌小蛮善舞尝有诗曰樱桃樊素口杨柳小蛮腰二妾既长又有诗云一树春风万万枝嫩于金色软于丝后二妾各去有诗云病与乐天相伴住春随樊素一时归【古今诗话】

薛瑶英唐元载宠婢薛瑶英杨炎赠歌曰雪面淡娥天上女凤箫鸾翅欲飞去玉钗翘翠步无尘楚腰如柳不胜春【鸡跖集】

燕子楼唐张建封牧徐州有爱妓盼盼建封没盼盼不嫁居燕子楼十余年白乐天作燕子楼诗有云醉娇胜不得风袅牡丹花

秣李昭华王晋卿有二女奴名秣李昭华黄鲁直改竹夫人为青奴有诗云秣李四弦风拂席昭华三弄月侵牀我无红袖堪娱夜正要青奴一味凉【山谷】

绛桃柳枝韩退之二妾一曰绛桃二曰柳枝退之使山东有诗云东风欲动别长安春半边城特地寒不见园花并巷柳马头唯有月团团柳枝后逾园遁去有诗曰别来杨柳塔头树摆乱春风只欲飞还有小园桃李在留花不发待郎归【语林】

莺莺唐贞元中张生与崔氏女小字莺莺往来后弃之莺莺已委身于人张亦娶适经其所求见不得崔知之潜赋一章曰一从消瘦减容光万转千回懒下牀不为旁人羞不起为郎憔悴却羞郎竟不见元稹为作莺莺歌

燕燕坡诗诗人老去莺莺在公子归来燕燕忙【张祜妾名燕燕】刘禹锡拟四愁诗禹锡有妾甚丽李逢吉强取之禹锡思妾拟作四愁诗内警句云得意紫鸾休舞镜能言青鸟罢衔牋金盆已覆难收水玉钗长抛不续 买笑树边花已老畫眉窗下月犹残 三山不见海沉沉岂有仙踪更可寻青鸟去时云路断姮娥归处月宫深纱窗遥想春相忆书幌谁怜夜独吟料得夜来天上月只应偏照两人心【本事诗】

黄鹂啼别韩滉镇浙西戎昱为部内刺史有官妓善歌色亦闲妙滉闻召至帐下昱词送之云送客春风湖上亭柳条藤蔓繫人情黄鹂住久浑相识欲别频啼四五声妓至首歌此词滉即归之

青娥赵嘏浙人有美妾泊计偕母不许防行防上元节为鹤林之游帅见之掩为已有明年嘏归以诗感之曰寂寞堂前日又曛阳台去作不归云当时闻作沙吒利今日青娥属使君帅闻之乃遣还【古今诗话】

啖春莺王晋卿贬均州姬侍尽逐有一歌者号啖春莺色艺两絶不知流落何许二年内徙道过许昌市旁小楼闻泣声晋卿问乃啖春莺也恨不可复得因赋一聯佳人已属沙吒利义士今无古押行客有足成章云防年流落向天涯万里归来两鬓华翠袖香残空挹泪青楼云渺定谁家回首音尘两沉絶春莺休啖沁园花【西清诗话】

杜秋娘李锜叛有妾杜秋娘没入宫后又放归杜牧感而作诗有云椒壁悬绵幕镜奁蟠玉螭月上白璧门桂影浮参差金阶玉露重闲把紫箫吹燕媒得皇子夫人亲捧持虎睛珠络襪金盘犀镇帷【国史补】

崔徽崔徽河中娼也裴敬中以兴元幕使河中与徽相从累月敬中归情怀怨抑后东川幕白知退归徽乃写真奉书谓知退曰为妾谓敬中崔徽一旦不及卷中人且为郎死矣元稹为作歌【元集】

薛涛蜀妓也元微之寄诗云锦江膩滑峨眉秀幻出文君与薛涛

书仙长安中有娼女曹文姬尤工翰墨为關中第一时号为书仙有任生者投之诗曰玉皇前殿掌书仙一染尘心下九天莫怪浓香薰肉膩雪衣曾惹御炉烟【丽情集】御史娘国乐妇人有永新妇御史娘柳青娘皆一时之妙也有与御史娘诗曰天下能歌御史娘花前月底奉君王九重深处无人见独把新声传顺郎【桂苑丛集】

诵灵光殿赋蜀刘琰侍婢十人悉读书能诵鲁灵光殿赋【蜀志】

徐月英江淮间娼徐月英送人诗曰惆怅人间万事违两人同去一人归生憎平望池亭水忍照鸳鸯两皆飞枕前淚与阶前雨隔个窻儿滴到明词多不尽【北梦言】

却要观察使李庚之女奴名却要美容止善辞令李有四子皆欲烝之而不得遇清明中堂弓月四子各在一处待之长子遇于櫻桃花影中却要给之曰可于东南隅相待少顷却要燃密炬豁扉照之曰阿堵贫儿争敢向这里宿四子掩面各走

闽妓诗闽中有一妓能诗有絶句与陈梦和云梦和残月过楼西月过楼西梦已迷唤起一声肠断处落花枝上鷓鴣啼【夷坚志】

琴客顾况有宜城访琴客诗序曰琴客宜城之爱妾也宜城请老而爱妾出嫁不禁人之欲达者也【丽情集】小桃陈述古有小妓答诗曰小桃破萼未胜春不见方中第一人闻道使君归去后舞衫歌扇总生尘【坡诗】雪中观妓诗曹元宠母王氏能诗有雪中观妓诗云梁王宴罢下瑶台窄窄红靴步雪来恰似阳春三月暮杨花飞处牡丹开【湘江诗话】

青青防稽翟素遭贼欲犯之临以白刃素婢名青青乞代素贼杀素后欲犯青青青青不许复杀之【列女传】平康三曲平康里京师妓坊也有三曲铮铮者多在南曲【北里志】

贾爱卿韩魏公帅陝西李师中过之为官妓贾爱卿赋诗曰愿得貔貅十万兵犬羊巢穴一时平功成不用封侯印只问君王乞爱卿【后山诗话】

杨台柳文潞公知成都喜行乐有飞语至京师御史何郯字圣徒蜀人告归上遣察之李少愚谓公曰无足念虑因迎谒圣徒于汉州同郡防有妓善舞圣徒喜之问其姓曰杨圣徒曰所谓杨台柳者少愚取妓帕题诗曰蜀国佳人号细腰东台御史惜妖娆从今唤作杨台柳舞尽春风万万条命其妓歌之数日圣徒至成都颇严重潞公一日宴圣徒迎其妓杂府妓中歌其词以酌圣徒圣徒每为之醉事与陶谷使江南相类【闻见录】

秦弱兰陶谷奉使江南留写六朝实录每进见严冷下视江左韩熙载曰五柳公虽若端整其守可隳乃命妓秦弱兰衣 衣为驿卒之女每日拥箒扫地陶微见悦之询其故答曰妾守驿者之女也久丧夫归托父母陶因与狎因与一词名风光好云好因縁恶因縁祇得邮亭一夜眠别神仙琵琶拨尽相思调知音少待得鸾胶续断 是何年数日李主开宴令弱兰歌此词陶大沮即日北归

不好声色王安石知制造呉夫人为买一妾荆公见之曰何物女子曰夫人令执事左右曰汝谁氏曰妾之夫为军大将部米纲运失舟家赀没犹不足又卖妾以偿公愀然曰夫人用钱防何得汝曰九十万公呼其夫令为夫妇如初尽以钱赐之 司马温公从庞公辟为大原府通判尚未有子夫人为买一妾公殊不顾夫人疑有所忌也一日教其妾俟我出汝自饰至书院冀公一顾也妾如其言公讶曰夫人出安得至此亟遣之颢公知之对寮友咨其贤荆公温公不好声色如此

美人

南威晋文公得南威三日不听朝遂推南威遠之曰后世由我故必以色亡国【战国策】

夷光脩明越谋灭呉以美女夷光脩明贡于呉呉处以珠幌若双鸾之在烟雾中

金屋贮阿娇汉武帝防时景帝问儿欲得妇否时长公主指其女曰阿娇好否武帝曰好若得阿娇作金屋贮之【汉武故事】

玉卮娘有书生遇神女见胡僧指曰此西王母第三女号玉卮娘【幽怪】

王昭君汉元帝使画工图后宫案图召幸宫人皆赂画工独王嫱不肯遂不得见后匈奴入朝求美人以昭君行召见貌为后宫第一帝重信于外国不复更乃穷案画工毛延壽陈敞刘白樊育同日弃市【西京杂记】 后汉匈奴传云王嫱防郡人入掖庭数岁不得见时呼韩邪入朝帝敕以宫女五人赐之昭君积悲怨乃请行呼韩辞帝召五女视之帝见嫱大惊欲留之而难于失信遂与匈奴昭君明妃皆号

雪体无钿粟飞燕初居贫与妹合德共被尝通邻人羽林射雕者夜露雪立闭息顺气体无钿粟射雕者以为神仙

温柔乡冯万金善歌世事江都王王孙女嫁江都赵曼万金又事曼因与主通曼有疾不能近妇人主有身恐乃称疾一产二女归于万金长曰宜主次曰合德冒姓赵氏宜主聪敏家有彭祖方脉之书善行气微长而纖膩举止翩然谓之飞燕合德肤滑出浴不濡善歌此绝色也俱选入宫合德新沐膏九迴沉水香为卷髮号新兴髻为薄眉号远山黛施小朱号慵来妆左右啧啧嗟赏帝谓合德为温柔乡曰吾老是乡矣不能效武帝求白云乡也

睡花飞燕与其妹坐后误睡其袖合德曰姊睡染人绀碧正似石上花令尚方为之未必能此乃号石华广袖【并赵后外传】

远山眉芙蓉脸文君卓王孙之女眉色似远山脸际常若芙蓉十七而寡放诞风流故悦长卿之才而越礼焉【西京杂记】

祈祷欲有子成帝时庆安世年十五善鼓琴为侍郎能为双凤离鸾之曲赵后悦之白上得出入御内与后同居处而终无子后常托以祈祷则开一室自左右莫得至上亦不得至焉以骈车载轻薄少年入宫以十数而卒无子【西京杂记】成帝病陰弱得外国慎恤胶每一丸幸一夕媿好进七丸帝居九成帐笑吃吃不絶抵明精流不止遂崩【飞燕外】

夜来针神魏文帝美人薛灵芸初别父母泪下红色至京凝如血色帝改名夜来好于针工处深帷不用烛裁制立成【鸡跖集】

玉奴莲步齐东昏侯有美人潘妃名玉奴东昏凿金为莲花以贴地令潘妃行其上曰步步生莲花南史王茂云齐亡王茂请妻之玉奴守节而死故坡诗月地云阶漫一樽玉奴终不负东昏

三阁陈后主自居临春阁张贵妃居结绮阁龚孔二贵妃居望仙阁并复道往来张贵妃髮长七尺其光可鉴瞻视光采溢目尝于阁上靓妆临槛宫中遥望飘若神仙【分纪】

蔓金苔晋元帝外国人进蔓金苔宫人有被幸以苔赐之光照一室又名夜明苔【拾遗记】

来梦儿隋炀帝欲揉动劳顿方就一梦侍儿韩浚儿每就枕必令振动肢体帝常得美睡帝呼为来梦儿【出南部烟花录】

半面妆梁元帝徐妃不见礼以帝眇一目每知帝将至必为半面妆以俟帝帝见大怒而出【职林】

十眉明皇幸蜀令画工作十眉图横云斜月皆其眉名【坡诗注】

脂粉浣顏色楊妃女兄封為虢國夫人姿容極白時杜詩曰虢國夫人承主恩平明上马入朝門却嫌脂粉浣顏色淡掃蛾眉朝至尊

月地云階牛僧孺不第夜行伊闕入薄太后廟引僧孺宿有楊妃潘貴妃戚夫人王嬙綠珠來各賦詩僧孺詩曰香風引到大羅仙月地云階拜洞天共道人間惆悵事不知今夕是何年明日出方知是廟【周秦行紀】

記曲娘張紅紅善歌舞每听新聲一遍即記節奏入宮号記曲娘【樂府】

秋水真宗宴近臣語及莊子忽命呼秋水至則綠衣翠鬢小女童也誦秋水篇聞者駭異【雜志】

步搖堯舜以銅為笄舜加首飾雜以象牙玳瑁為之文王髻上加珠翠翹花傅之鉛粉其高髻名鳳髻加之步步而搖故以步搖名之又釋名云首飾副其上有垂珠步則搖也【東皇后記】

飄輕裾翳長袖曲眉丰頰清聲而便體秀外而惠中飄輕裾翳長袖粉白黛綠者列屋而閑居妬寵而負恃爭妍而取怜大丈夫之遇知也【韓送李愿序】

詩綠樹鶯啼春夢覺樓外雞人唱清曉深紅淺白競東風為怜滿眼枝枝好
舞袖何年絡臂韝蛛丝网斷玉搔頭羊車一去空余竹纨扇相看不到秋
蛟綃淚滴鴛鴦冷月上欄杆照孤影踟躕開花過粉牆轆轤汲水敲金井 妾意長如鳳管寒君恩不學綈衣寬漢家公主歌黃鵠猶有琵琶馬上彈【李漢老宮詞】雨滴梧桐秋夜長愁心和淚到昭陽淚防不學君恩斷拭却千行更萬行【劉媛】兩鬟如鴉指如笋天生玉顏不着粉臨春迴覺春光輝照溪添入溪光嫩顏如冰玉操雪霜無人得贈雙明瑯自是臨流拾翠羽不勞騎馬傍垂楊【王性之】月姊曾逢下彩蟾傾城消息隔重帘已聞佩响知腰細更辨聲覺指纖 輕寒衣省夜金斗熨沉香【李義山】小槽橫捧梳妝薄綠羅緩帶仍斜搭日烘花底光似潑嬌鶯得暖歌唇滑玉容嬌困撥仍挿雪里一枝初破腊【惠洪】蘭缸如何買不眠玉爐夜起沉香烟青娥一行十二仙欲笑不笑桃花燃碧窻弄嬌梳洗晚戶外不知銀漢轉被郎嗔罰琉璃盞酒入四肢紅玉軟【施肩吾】娉娉裊裊十三余荳蔻梢頭二月初春風十里州過卷上珠帘總不如【杜牧】斜倚綉牀愁不語紅綃帶緩綠鬟低辽陽春盡無消息夜合花前日又西 妝成每被秋娘妬一曲紅綃不知數鈿頭云篴擊節碎血色羅裙灑酒污【并白居易】裙拖六幅瀟湘水髻染巫山一朵雲貌態只應天上有歌聲豈合世間聞【李羣玉】蘭膏新沐雲鬟滑寶釵斜墜青絲髮蟬鬟尚隨雲勢動素衣猶帶月光來【任氏行】紅玉枕高冰簟滑凝烟夏水春雲闊重重翠被紅雲錦枕肱不枕相思枕【真真歌】宛轉雙翹鳳釵舉飄飄翠雲輕楚楚映燭看花未敢前低鬟向人嬌不語【李神公】娉婷十五勝天仙白日嫦娥早地蓮何處閑教鸚鵡語碧紗窻下綉牀前 滿面胡沙滿口風眉銷殘黛臉銷紅愁苦辛勤憔悴盡如今却似畫圖中【并白樂天】高髻雲鬟宮樣妝春風一曲杜韋娘司空見慣渾閑事斷盡蘇州刺史腸【韋應物】鏤月為歌扇裁雲作舞衣自怜回雪態好取月中歸【

李太甫】双颊凝酥髮抹漆眼光入帘珠的皪吳音娇软带儿痴多少闲愁总未知自古佳人真命薄闭门春尽杨花飞【东坡】姑山半峰雪瑶水一池莲晚院花留立春窻月伴眠【乐天】菱花炯炯垂鸾结烂学宫妆匀膩雪风吹凉髮影萧萧一抹疎云对斜月【刘美中】飞花成阵春心困寸寸别肠多少添愁闷无人问偷啼自搵残妆粉抱瑶琴寻幽韵玉纖趁南风解慍低云髮眉峰敛黛娇和恨公家列屋闲蛾眉珠帘不动花阴移露帐银牀初破睡牙籤玉局坐围碁【东坡六忆诗】忆行屏障腰肢出洞房宫花窄地领巾长罗裙遮定双鸳小只有金莲步步香忆书纖玉参差象管轻蜀牋小砚碧窻明袖纱密映嗔郎看学写鸳鸯字未成忆饮緑蚁频斟不厌多帕罗轻软衬金荷从教弄酒春衫浣别有风流上眼波忆歌一串红牙碎玉敲碧云无力驻春宵也知唱到關情处缓按余声眼色招忆眠泥娇成困日初长暂卸纱裙小簾凉漠漠帐烟笼午枕粉肌生汗白莲香忆妆宫样梳儿翠缕犀钗梁冰玉刻蛟螭妆成要防双心字不管箫官只画眉 春云阴阴雪欲落东风和冷惊罗幙渐看遠水緑生漪未放小桃红入萼佳人瘦尽雪肤肌眉敛春山知为谁深院无人剪刀响应裁白纈作春衣 垂柳阴阴日初永蔗浆酪粉金盘冷帘幕低垂紫燕忙蜜脾已滿黄蜂静高楼睡起翠眉顰枕破斜红未肯匀玉腕半挥云岫碧楼前知有断肠人 新愁旧恨眉生緑粉汗余香在蕲竹象牀素手熨寒衣烁烁风灯动华屋夜香烧罢掩重局香雾空蒙月满庭抱琴转轴无人见门外空闻裂帛声 霜叶萧萧鸣屋角黄昏陡觉罗裳薄夜风摇动镇帷犀酒醒梦回闻雪落起来呵手画双鸦醉脸轻匀衬晓霞真态生香谁画得玉奴纖手嗅梅花【东坡四时诗】一声啼鸟禁门静满地花阴春昼长【王文惠】玉钗半脱云垂耳亭亭芙蓉在秋水【东坡】婵娟两鬓秋蝉翼宛转双蛾遠山色 緑水红莲一朵开千花万草无顔色 桑条初緑与郎别柳叶半黄犹未归 飘飘舞袖双飞蝶宛转歌喉一索珠【并白乐天】剥葱十指转筹疾舞柳细腰随拍轻 粉臂半卷凝晴昼醉眼偷回小样刀【并方宇】满额鹅黄金缕衣翠翘浮动玉钗垂【裴余庆】蛱蝶双飞芍药丛鸳鸯对浴芙蓉水【真真歌】寶髻巧妆金翡翠罗裙宜着绣鸳鸯【章孝标】舞袖低回真蛱蝶朱唇深浅缀樱桃【方宇】楚金蹙袖春衫薄蜀锦攢花细带长【法振】平阳抚背穿驰道铜雀分香下璧门 闲吹玉殿昭阳笛醉折梨园缥带花【并杜牧】撚花下呈新曲放拨灯前谢改名【梦得】景阳春暖无人报太液秋深有鴈来【吳融】衣飘荳 減浓香脸射芙蓉失娇色【霍小玉歌】连理枝前同结舌丁香花下共论心【韩襄】妆成落日卷帘坐小玉焚香罗帐深【李惟】孔雀罗衫窄窄裁珠襦防露鳳头鞋【石曼卿】君恩秋后叶日日向人疎【高蟾】扫黛开宫额裁裙约楚腰【李义山】秀色似堪餐秣华如可掬【乐天】阴井生秋早明河澈曙迟【惠崇】难消守宫血易折舞腰肠【钱惟演】芙蓉初出水桃李总无言【尉迟正】出戶一囊麝见人双眼波

锦绣万花谷前集卷十七

卷十八

钦定四库全书

锦绣万花谷前集卷十八

婚姻

齐魍周礼地官媒氏【媒谋也谋合异类使和成者今齐人名魍魋曰媒是也】婉婉女子十年不出姆教婉婉听从执麻枲治丝茧【婉谓言语也婉谓媚容也出记内则】

招招舟子匏有苦叶诗云招招舟子人涉卬不【招招号召之貌舟子舟人主济渡者舟人之子号召当渡者犹媒人之防男女使为匹配也】

宋子河魴诗云岂其娶妻必宋之子岂其食鱼必河之魴

七梅三梅标有梅其实七兮标有梅其实三兮求我庶士迨其今兮【落梅在树者三嫁娶急】

三星诗绸缪束薪三星在天主男女时礼而成若薪待人而后束三星在天所以嫁娶笺云三星谓心星有夫妇之象故嫁娶取以为候焉【出唐国风】

白狐九尾禹年三十未娶行涂山有白狐九尾造禹涂山人歌曰綏綏白狐九尾庞庞成子家室乃都攸昌禹遂娶之【吕氏春秋】

浩浩育育齐桓公使管仲求甯戚戚应之曰浩浩乎育育乎管仲不知婢子曰诗有之浩浩者水育育者鱼未有室家安召我居【水鱼喻人配偶甯戚有伉俪之思故陈此诗管子】

八世之后莫与京懿氏卜妻陈敬仲其妻占之是谓鳳凰于飞和鸣锵锵有劬之后将育于姜五世其昌并于正卿八世之后莫之与京【京大也左】

贤夫张耳游外黄外黄富人女甚美嫁其夫庸女去抵父客素知张耳贤乃谓女曰必欲求贤夫从张耳女听嫁张耳【史记】

九子墨郑众言婚礼有合欢铃九子墨铃取音声和谐墨取长生子孙【通典】

鳳求凰司马相如琴心挑文君歌曰鳳兮鳳兮归故乡遨游四海求其凰又云凰兮凰兮从我

栖得托字尾兮永为妃【玉台新咏】

竹笥练褙后汉逸民戴良有五女疎裳布被竹笥木履而遣之故东坡诗云竹笥与练褙随时早婚嫁

纁加璧加羊晋志婚姻礼纳徵王侯 纁束帛加璧乘马大夫 纁束帛加羊天子加谷圭诸侯加大璋羊者祥也有羊汉末始也【晋志】

禁脔晋武帝为晋陵公主求婚谓王珣曰如真长子敬便足珣曰谢鲲不及真长不减子敬未几帝崩袁崧欲以女妻之珣曰卿莫近禁脔【本传】

玉镜台温峤姑有女甚丽姑嘱之峤曰佳壻难得如峤比如何曰何敢希汝比数日白姑已得壻身尽不减峤因下玉镜台一枚姑大悦既婚交礼女以手披纱扇抚掌大笑曰吾固疑是老奴果然【世说】

快壻后魏刘昺少依博士郭瑀学有女求婚偶有心于昺遂设一席召诸子弟曰吾有一女欲求一快女壻谁当坐此席者昺奋衣来坐曰昺其人也遂妻之【北史】剪刀为聘南史江祐求范云女为婚因酒酣巾箱中取剪刀与云曰且以为聘云笑而受之至祐贵云曰昔与将军为黄鹄将军今化为凤凰荆布之室理隔华盛因出剪刀还之祐更姻他族及祐败妻子流离【本传】乌羊为礼南史孔淳之与王敬 为方外之游又申以婚姻敬 以女适淳之子遂以乌羊系所乘车辕提壶为礼至于尽欢共饮迄暮而归或怪其如此答曰固亦农夫田父之礼也【隐逸传】

武秋之后沈约弹王源为婚满璋璋庶人其祖满奋字武秋东晋之朝无闻其子孙【文选】

同系为婚晋刘颂嫁女于陈矫矫本刘氏子与颂近亲出养于姑改姓陈刘友讥之曰姚卢陈田本同根系而世皆为婚礼律不禁【颂 】【

禹别之州刘 未第时娶赵晃长女早亡有二妹复欲妻之晔曰若是武有之德不敢为姻如言禹别之州庶可从命盖不欲七姨欲九姨故也夫人曰谚云薄饼从上揭刘郎及第岂得便拣防人家之女晔曰非敢有择但七姨骨相寒薄遂娶九姨生七子皆大官【青箱杂记】坦腹东牀郗鉴使门生求女壻于王导导令就东牀遍观子弟门生归谓鉴曰王氏诸少并佳然闻信至咸自矜惟一人在东牀坦腹独若不闻鉴曰此正佳壻及访之乃羲之也遂以女妻之后为右军

射孔雀目唐高祖窦皇后父毅尝谓妻曰此女有奇相何可妄与人因画二孔雀于屏间请婚者射二矢阴约中目则得之射者阅数十皆不合高祖最后射中各一目遂归之【帝后 】【

女坐壻鞍不经刘岳删定郑余庆书仪又以当时传习所见有亲迎女坐壻鞍之类尤为不经

【岳 】

牵丝得妻唐郭元振少美宰相张嘉贞欲纳为壻曰吾五女各有姿色今各持一丝幔前使子取便牵之得者为妇元振牵得一红丝得第三女【天寶遗事】

卢舅善箜篌卢李二生隱太白山习吐纳李生不甘贫浪迹江湖后于 州逢卢生昔号二舅以马来迎朱门斜开侍婢数百人一女子佐酒善箜篌容色极佳上有朱字一行云中辨江树天际识归舟燕罢曰莫愿作姻否其年汴州陆长源以女妻之宛类卢舅善箜篌者李具言旧事女曰少年时因兄弟戏乃作梦入仙宫如公所言【卢肇遗史】

碧鸛雀唐裴寬为润州防军刺史韦诜有女择所宜归登楼见人于后圃有所瘞藏访诸吏曰防军裴寬居也诜问状答曰适有人以鹿为饔不敢自欺故瘞之诜叹异乃引为按察判官许妻以女归语妻曰尝求佳壻今得矣明日防其族使观之寬时衣碧瘠而长既入族人皆笑呼为碧鸛雀诜曰爱其女必以为贤公侯妻也何以貌求人卒妻寬【本传】

飘叶题诗唐侯继图微时方倚檻于大慈寺楼忽有木叶飘然而下有诗曰浅拭翠娥悲为郁心中事擲管下庭除书成相思字后贮巾篋五六年与任氏为姻常念此诗任氏曰此是某作在左绵时书此争得至此如今书辨之无异【玉溪编事】

文书衔袖唐处士侯高将嫁其女曰吾一女怜之必嫁官人不以与凡子王适懷奇负气曰吾求妇久矣闻此翁可人意且闻其女贤漫谓媒妁曰吾明经及第即官人侯翁女幸嫁若能令侯公许我即进百金妁诺公曰诚官人即取文书来适计穷吐实妁曰无苦我祇得一卷书粗若告身者我袖以往公未必取视公望见文书衔袖果信不疑曰足矣以女适王氏【韩王适墓志】

华阳洞仙姻南昌萧防得第为句容簿县有三茅宫九锡亭瑞芝館碧柰涧防遍游之至玉晨观有青童请至大门金书牌曰华阳洞又至一门曰藥珠殿有一人紫袍称东方大夫名朔为华阳洞主谓曰公之遠祖萧史真人裔董双成与公为妇扶侍者云英夫人秉扇者吳防鸾许飞琼接引者梁玉清卫承庄姮娥结髮麻姑合 中夜梁玉清卫承庄引防至藥珠殿礼后堂见一女子乃旧曾见诸葛氏交拜梁玉清致辞曰华阳玉女圣世才郎仙凡契合如鳳求凰今日相偶和鸣锵锵壽筭天地庆衍无疆礼毕宴于藥珠殿曲终青童召防曰双成夫人请君暂起防避席恍若夢觉四顾已失藥珠殿矣但见左右深林茂草寻玉晨观归县已半山防遂休官入山【云堂广记】

立冰为媒令狐防梦立冰上与冰下人语问索統統曰冰上为阳冰下为阴阴阳事也士如归妻迨冰未泮婚姻事也君当为人作媒冰泮而成婚果然【晋志】

赤绳婚牒唐韦固求婚次宋城南店中见老人倚布囊而坐向月检书覩之不识其字问之老人曰天下婚牒耳固喜曰吾欲娶人有以潘昉女为议者可以成乎曰未也君之妇适三岁因

问囊中何物曰赤绳耳以系其夫妻之足君之足已系于彼矣他求何益【续 怪録】

双石婚礼有九子蒲朱芾双石蒲芾取其心可屈伸双石义在两固

青庐北方婚礼用青布幔为屋谓之青庐于此交拜行礼【并酉阳杂俎】

得婿如龙楚国先贤传孙隽文英与李元礼俱娶太尉桓 之女人谓桓叔元两女乘龙言得婿如龙老杜诗云门防多喜色女婿近乘龙宋景文公云承家男得鳳择婿女乘龙皆谓此【潘子真诗话】

种玉得妇杨雍伯尝设浆给行旅一日有人饮讫怀中取石子一升与之曰种此生美玉并得好妇如言种之有徐氏女极美求之徐公曰得白璧一双即可乃于所种得璧遂娶之【搜神记】又仙 拾遗杨雍伯事亲孝葬父母水神感之泉出墓侧有饮马者以白石一升与之令种生美玉一日有青童引至海山仙人曰汝孝于亲当夫妇皆仙后徐氏有女以白璧成婚数年夫妇俱升天【太平广记】

监中择婿晏元献判南京范希文以大理寺丞丁母忧权掌西监一日晏谓范曰吾一女及笄君为我择婿范曰监中有二举子富臯张为善并可婿也晏曰然则孰优范曰富脩谨张疎俊晏即取富臯为婿后改名即富郑公也为善后亦更名方平【笔録】

罗帏范文正公之子纯仁娶妇妇将归或传以罗为帏幔者公闻之不悦曰吾家素清俭安得乱吾家法持至当火于庭【遗事】

戚里权要盛度钱惟演责词云三星所构多戚里之家百两所迎皆权要之地盖惟演之姑嫁刘氏而其子娶丁谓也【东坡志林】

女嫁三日饷食为饌宋景文公纳子妇三日子以妇家馈食物书白即曰书错一字姑报之子扣其错以笔涂暖字子扣当用何字久之怒声曰从食从而从大子退检字书博雅中出饌字【注云女嫁三日饷食为饌邵氏后録】

岳公欧阳永叔尝云今人呼妻父为岳公以太山有丈人峰又呼妻母为泰水不知出何书也【摭遗】

甥舅真冰玉苏陈甥舅真冰玉【甥谓婿舅谓妇翁尔雅曰谓我舅者吾谓之甥孟子曰帝馆甥于贰室妇翁冰清女婿玉润故云坡诗】

冰叟东坡生日子由婿王郎以诗贺坡和云竭来冰叟来游宦【卫玠妻父乐广有重名时谓妇翁冰清故云】

红纒酒缸诚堪堦阿巽买红纒酒缸【山谷欲与子瞻子迈伯达为婚今人定婚多以红防纒酒缸山谷诗】

教相里儿读书杜祁公衍少时客济阳县县令厚遇之令与大姓相里氏议婚相里兄弟二人其兄尤之弟曰杜君令之重客其可违兄怅然曰姑从之俾教诸儿读书耳祁公未成婚登第相里之兄厚资往见公曰婚议已定其敢违但某既出仕忧门下无教儿读书者相里兄大惭以归【闻见録】

大姨夫小姨夫欧公与王拱辰同为薛简肃公子壻文忠公先娶长王拱辰娶其次后文忠再娶其妹故文忠有旧女壻为新女壻大姨夫作小姨夫之戏【邵氏録】嫁女娶妇安定胡先生遗训嫁女必须胜吾家娶妇必须不若吾家或问其故曰嫁胜吾家则女之事人必钦戒娶妇不若吾家则事舅姑必执妇道【曾攷洺记】

四六鸣鳳其昌已笃陈卿之旧同车彼美不遑郑忽之嫌叠烦信绍申笃嘉盟焕然纯白之仪宠以问名之礼萝施松柏世方昌而莫与京桃报琼瑶物虽薄而用可重误重言委贶嘉币维兹息女近若而人屈元礼之高明及承阿之小丑着姓多有顾衰宗之眇然懿亲不忘维伯氏之好也協比其邻愿为有室种成双玉亲结五丝得人实迈于南容修睦有叨于东武和鸣虽協于鳳占定礼尚稽于鴈币问名纳防式存先后之仪修词立诚允着再三之义是谓鳳凰之于飞永为好也实惟币帛以将意迨其吉兮谓大伦之至重谅前定之有由是何宋子之求俯误阿承之择爱人以德无言不酬拜命之嘉愿珍藏于十袭匪报为好实有愧于双南乌丝栏之华幅锦绣段之美贻织女渡河徒庆七襄之念蓝桥防杵伫观百两之来名实缺然门地蓊尔虽江湖橘柚之域遠京洛衣冠之游顾尝同僚辱贶重礼藐是孙女逮于纵筭某人簪笏望于乡闾芝兰秀于庭戶卜相宗事当求大家猥得附葭莩之亲恐未胜洒扫之职申以盟好不遑延迁勉輒拜嘉对越将命【山谷】钦仰风流惟是婚姻之故讲修世睦敢申嫵婉之求某才不及中学未闻道猥叨命士方且异宫惟节春秋莫助苹藻伏承某人教承端绪德盛幽闲妄听行媒之岂顾鄙宗之陋谨占谷旦躬俟玉音【山谷】

孕育

虹流华渚河图云大星如虹下流华渚女节感而生少昊【初学记】

电绕斗枢少典氏取附寶见大电光绕斗枢星照郊野感附寶孕二十四月生黄帝于寿丘

瑶光贯月昌意正妃女枢见瑶光之星贯月如虹感女枢生颡顓

观河感龙尧母庆都观河遇赤龙感而生尧帝【并帝王世纪】握褒舜龙顏大口手握褒字【手中有褒文孝经援神契】

流星贯昴脩己见流星贯昴又吞神珠已而生大禹白气贯月主癸之妃内扶都见白气贯月

意感以乙日生汤故字天乙【并帝王世纪】

狼星之精成汤母感狼星之精又感黑龙而成

玉鸡衔珠汉高母池浴见玉鸡衔赤珠石名玉英吞之有孕生高祖【并金楼子】

赤龙神女汉景帝坐崇方阁上有丹霞起赤龙盘栋间使王夫人居之改崇方阁为猗兰殿旬日景帝梦神女捧日以授王夫人夫人吞之十四月而生武帝【汉武内传】甲馆画堂汉元帝元后生成帝于甲观画堂为世适皇孙宣帝爱之【汉书】

尧母门武帝钩弋赵婕妤生昭帝妊十四月乃生上曰闻尧十四月而生钩弋亦然乃命其所生门曰尧母门【外戚传】

五麟七凤光武生赤光照室影如五麟七凤望气者见舂陵城郭曰佳哉郁郁葱葱【金楼子】

青云如车魏文帝生有青云如车盖其上望气者以为贵证非人臣气【魏志】

日精刘元海父刘豹妻祈子于龙门有大鱼二角跃鳞而去其夜梦所见鱼变为人把一物授其妻曰此是日精服之生贵子自是十三月生元海【载记】

遗 陈武帝章后尝遇道士以小 遗之光彩五色及期后生紫光照室因失 所在【南史】

吞菖蒲花梁武帝母张后方孕忽见庭前菖蒲花光彩非常侍者皆不见后曰尝闻见菖蒲花者当富贵因取吞之当日生武帝【南史】

虹光烛室后唐太祖在妊十三月生是时虹光烛室白气充庭井水暴溢【北梦琐言】

西土树神睿宗宫人初生赠太子防武后以母贱欲不齿以示浮屠万回万回诡曰此西土树神宜兄弟后喜乃止【本传】

梦神入胁肃宗在东宫时张后忽寢戾不寤太子问之曰梦神降我介而劒决我胁而入殆不能堪烛至其文隱然遂生代宗【后妃 】【

煮鼎三覆明皇在东宫时太平公主忌帝萧良娣有妊帝不自安密语张说曰用事者不欲吾多子奈何命说挟剂以入帝于曲室自煮之梦若有介而戈者环鼎三而三煮尽覆以告说说曰天命也乃止生肃宗

)

有功坡贺洗儿词曰犀钱玉果利市平分霭四坐深愧无功此事如何得到侬【苕溪诗话】

)

氏録】

五星降庭徵在以绣绂系麟角及夫子将絕抱麟解绂而往【王子年拾遗记】

子孙其兴乎乃探得黄金自是诸子官学有名至场七世通显【孝子传】

解裸之此儿独啼言寒又并令日中行此儿独无影人咸服【风俗通记】

记本】

然明净以瓢接取马氏得而吞之遂有孕生 【晋】

化为鸮飞去【翰府名谈】

赏故名之曰温【本传】

石榴房元魏安德王延宗纳李祖收女为妃后帝幸李宅宴而妃母荐二石榴于帝前人莫知

其意祖收曰石榴房多子王新婚其母欲子孙众多也帝大悦【收传】弄甕书唐太常少卿姜度诞子李林甫手书庆之有曰闻有弄甕之喜客视之掩口【职林】

门楣杨贵妃宠幸时謡曰男不封侯女作妃君看女却作门楣【杨妃外传】

卵生徐偃王徐君宫人有孕而生卵弃于水滨有犬 颡衔卵归其母母腹暖之遂成儿宫人闻之乃取为己子又东夷传注云偃王有筋而无骨

梦兰郑文公父有贱妾燕姑梦天使与己兰曰以是为而子既而文公与之兰而御之曰妾幸而有子敢徵兰乎【左传】

范博范 母如厕产 额为博所伤故以博为小字缙郎崔慎由镇西川有异人曰君四十无子为公求之终南翠微寺有僧絶粒五十年君遗以服玩受之则其嗣也果受之僧防卒遂生子字曰缙郎即崔微也【南部新书】白鹄笄云呉时张承家有白鹄笄云占者曰鹄是延年之物从室入云自卑升高之象当使子孙位极人臣名擅江表若生子可以名曰鹄后承生昭至辅呉将军【王子年拾遗记】

虜脱上衣索充梦虜脱上衣索纯曰虜去上男字也君妇当生男果然

三美并集五代和峴晋宰相和凝之子峴生防凝入翰林加金紫知贡举凝喜曰我平生美事三者并集此子宜于我矣且名曰三美【范蜀公 求】

高其户齐田婴贱妾有子名文五月五日生婴告其母曰勿举也其母窃举之及长其母因兄弟而见其子婴怒曰吾令若去此子而敢生之何也文顿首因曰君所以不举五月子者何故婴曰五月子者长与户齐将不利其父母文曰必受命于户则又高其户耳人谁至者婴曰子休矣后文为孟尝君【本传】

胡广生胡广字伯始本姓黄以五月五日生恶之瓮盛弃江中胡公见收养为己子【世说】

王鳳生王鳳以五月五日生父欲不举曰俗谚曰举五月五日子长及户则自害否则害父母其叔父曰昔田文以此日生后为孟尝君非不祥也【西京杂记】

当有五丈夫商瞿年长无子其母为取室孔子使之齐瞿母请之孔子曰无忧瞿年四十后当有五丈夫已而果然【史记】

道士授碁子李泰伯母初无子祷无所不至祥符二年梦二道士奕碁户外往观之其一人取局之一子授焉遂孕生泰伯【本传】

渡河湔褰北齐窦太母有娠期而不产大惧有巫云渡河湔褰必易生因至水所忽一人云当

生贵子还家生泰【比史】

浮磬之精高琳母尝袂襖泗滨见一石光彩可爱遂持归是夕梦人谓曰此浮磬之精若保之必生令子俄而有孕生琳【北史】

枫生腹上唐张志和母梦枫生腹上遂生志和【本传】匹练升天后汉虞升初生有物若匹练上升于天占以为吉后至太尉

梦鳳集身唐王知遠生母昼寢梦鳳集其身因有娠【本传】天人香炉陶 景母梦两天人
手执香炉来至其所已而有孕生 景【本传】又云笈经云陶隱居初生母梦日精在怀二
天人手执金香炉降

灵鳳集身南史王曇首母昼寢梦灵鳳集身因有娠又闻腹中啼声僧寶志曰生子当为神仙宗伯【鸡跖集】 禱軋葦山安祿山母禱子于軋葦山虜所谓鬪战神者既而妊及生有光照穹庐野兽尽鸣望气者言其祥范阳节度张仁愿遣搜欲杀之匿而免母以神所命遂字軋葦随母嫁虜将安延偃遂冒姓安归国更名祿山遂乱天下【本传】

印绶登楼而歌魏张奭为武威太守妻方孕梦印绶登楼而歌奭占曰夫人生男复临此郡必死官乎及生子猛果为武威守自缢楼上

充闾贾充始生父逵曰后当有充闾之庆故名充字公闾【本】

汤饼刘禹锡送张盩诗云尔生始悬弧我作坐上宾引筯举汤饼祝词天麒麟【本】

五防旗盖梁任昉母昼卧梦五防旗盖四角悬铃自天而坠其一铃落入怀中心悸因而有孕占曰必生才子遂生昉【本】

梦长庚星李白欲生其母梦长庚星遂生白【本】

九鹤飞集张九龄母梦九鹤自天而下飞集于庭遂生九龄【九龄家】

玉燕投怀张说母梦玉燕投懷遂生张说【定命錄】

白象入門第十祖脇尊者生時父夢白象背有寶座上有明珠入門乃生【 灯錄】

鳩集庭樹唐王庭湊始生有鳩數十朝集庭樹暮宿檐戶長駢脇歷居戎職值亂殺田洪正推
為留后子孫相繼藩鎮一百年【唐年補錄】

遇产范云与梁武帝宿顾嵩之舍嵩妻方产有鬼在门曰此中有王有相云起曰王当仰属相

以见归【南史】晋魏舒尝诣野王主人妻夜产俄而闻车马声相问曰男也女也男十五以兵死寝者为谁曰魏公舒后十五岁问所生儿曰因条桑斧伤而死舒自知当为公果然【本】识之无字白居易生七月能展书因指之无两字虽试百数不差【本】

七枝秀草西域有七枝秀草若罗汉圣人生则此草生清静之地第三祖和脩生时九枝秀草应时而生【灯录】怀玉山人杨大年父文逸为唐玉山令大年将生一道士袖刺来谒自称懷玉山人冠褐秀爽斯须遽失公遂生后三十七为学士昼寝于玉堂忽梦道士来谒称怀玉山人故出一牒阅之写三十七字大年惊曰得非数乎许添乎道士命笔一防为四十七字至其数果卒【王壶清话】

玉筋食羹邵康节母李氏其姑张氏遇之甚严一夕欲自尽梦神人令以玉筋食羹一杯告曰无自尽当生佳儿后生康节【闻见录】

黑猿后李夫人因山行于云霞间见大黑猿有感遂孕临蓐时慈乌满庭人以为瑞是生康节七岁戏于庭蚁穴中别见天日云气往来也【本】

梦木 枯墮死胎女邵康节母李夫人病瘦医者投药夫人梦坐堂门左右木 二株右者已枯父取药令覆之及期生康节同墮死胎女后十余年夫人病卧堂上见女子拜泣曰母不察庸医以药毒儿可恨夫人曰命也女子曰若命何兄独生夫人曰汝兄独生乃命也女子泣涕而去又十余年夫人再见女子来泣曰一为庸医所误二十年方得受生与母縁重故相别泣涕而去【邵氏录】

黄鹤楼有光王钦若父仲华侍祖郁官鄂渚钦若母有孕值江水暴溢亟迁黄鹤楼始免身生公时隔岸汉阳人望楼上若有光景【青箱杂记】

武夷君化鹤杨大年初生母章氏梦羽人自言武夷君托化既生乃一鹤雏尽室惊骇弃之江叔父曰吾闻间世之人其生必异追视之则鹤蜕而婴儿具焉体尚有毳经月乃落【诗序】

梦邓禹范祖禹母梦一丈夫被金甲至寝曰吾故汉将邓禹也祖禹是日生公遂以名初字梦得温公以传称邓禹仲华内文明笃行淳备改字淳或配以甫故字淳甫【家传】

獐郎富献简公曰王荆公之生也有獐入其室俄失所在故小字獐郎

道士授黄 梅圣俞生男前一日梦道士赠 一枚圣俞和永叔洗儿诗云夜梦有人衣帔水边授我黄 儿明朝我妇忽在蓐乃生男子实秀眉【圣俞集】

绿衣舛童相国王公丙申岁为谯幕值亡者数千户公奏乞贷种粒牛粮恳诉甚切朝廷可之一夕次驿舍梦中有人召公出拜见一人紫绶象简如牧守之仪遣一绿衣舛童曰以汝有忧民之心上帝嘉之赐此童为宰相子授讠寤是夕夫人亦有祥兆而孕焉后果生一子庆之器

格清粹谈紫府间事祥符壬子岁谓所亲曰上元夫人命我为玉童只为吾父未受相印受则吾去矣不数日公果正拜及逾月庆之卒【湘山野錄】

大蛇压帐崇宁中大将刘法欲生其母帏帐忽堕压而下视之一大蛇蜿蜒母布甚避之他所法生再视之但见蛇蜕耳其后法为将有贤称帅熙河童贯俾用老弱策应遂陷【邵氏錄】

诗郁葱佳气夜充闾始见徐卿第二雏甚欲去为汤饼客惟愁错寫弄輦书防军新妇贤相敌阿大中郎喜有余我亦从来识英物试教啼看定相如【东坡】

锦绣万花谷前集卷十八

卷十九

<子部,类书类,锦绣万花谷

钦定四库全书

锦绣万花谷前集卷十九

生日

甜波上声风木东方朔从西那国还得声风木十枝长九尺出甜波上帝以赐羣臣年百岁者此木有疾则枝汗死则枝折此木千岁一湿万岁一枯朔曰臣见此枝三枯死矣【方朔外】

羊酒相贺两家卢绾与高祖同里卢亲与太上皇相爱及生男高祖与绾同日生里中持羊酒贺两家【绾】紫半臂为汤饼唐明皇王皇后宠衰一日诉曰三郎独不记阿忠脱新紫半臂换一斗麪为生日汤饼耶上戚然闵之【后】

甌墙延壽邢和璞善得仙位真人与崔司马有旧崔病经年且死心恃邢崔一日卧室北墙有人甌声七日甌不已墙忽透明经一日穴中如盘崔窥之乃野外有数人荷锹镢立云邢真人处分开此司马厄重倍费功力有顷真人至见邢舆中谓崔曰公尽璞为公论得延一纪言毕墙如旧旬日病愈【酉阳杂俎】

献鹤南飞曲元符三年十二月十九日东坡生日置酒赤壁下酒酣笛声起江上使人问之即进士李委闻坡生日作鹤南飞曲以献奏曲嘹唳有穿云裂石之声【出玉局文】

老子出關图钱穆父尹天府生日杨次公画老子出關图作诗献曰秘藏函谷關中子来献蓬莱阁上仙愿得须眉如此老却教鹤美长年【云斋广录】

金笼放雪衣玃大卿善事权贵王丞相生日笼雀鸽造相府以献搢笏开笼取雀鸽一一放之每一放祝曰愿相公百二十岁故东坡诗云记得金笼放雪衣【倦遊录】优昙华是人甚希有过于优昙华疏云优昙华鉢名瑞应三千年一现现则金轮王出【法华经】

一万春兴王防静妖氛气圣壽宜过一万春【杜诗】

诗庭下秋风吹紫兰蟠桃为寿菊斑斓厌分铜虎天边郡屡直金鸾海上山洲渚忽然生户外岁星今却在人间愿扶帝力须难老穩踏龙墀立近班【卢溪】先生真是地行仙住世因循

五百年每向铜人话畴昔故教铁杖鬪清坚入怀冰雪生秋思倚壁蛟龙护昼眠遥想人天防方丈众中惊倒野狐禅 二年相伴影随身踏遍江湖草木春摘石旧防犹带眼闭门高节欲生鳞畏涂自卫真无敌防径争先却累人远寄知公不嫌重笔端犹自斡千钧【东坡以铁拄杖为张安道生日诗】岳气此时来世上文星今日到人间降因天下思姚宋出为儒门继孔颜静神凝想仰青 此夕长天降瑞星海上昨闻鹏羽翼人间初见鹤仪型【杜光庭】唐虞得良弼姬孔是前身尼邱钟骨骼嵩岳与精神【王禹偁】只应门阙悬弧际正是乾坤和气中寿语珠璣千轴富贺樽鲸吸百川空【石敏】

前身

玉源道君刘沆赴举有老人赠云今年且跨穷驴去异日当乘宝马归公曰何以知之叟曰公自是罗浮山玉源道君公愧谢而去【青琐高议】

临水观影傅大士名善惠婺州人南齐时降于傅宣慈家纳刘氏女名妙志生普建普成二子梁武帝时防天竺僧达摩号嵩头陀谓大士曰我与汝毗婆尸佛所发誓出兜率宫衣鉢见在何日当还因命临水观其影见大士圆光宝盖大士笑时有法师闻法悟解言我师弥勒应身耳大士呵之天嘉二年大士于松山顶双林寺行道入灭【灯录】

李氏金钗羊祜年五岁令乳母取金钗乳母曰无此物祜乃访邻人李氏东园桑树中探得之主人惊曰此余亡儿所失物也乳母具言之李氏悲惋时人异之乃知李氏子乃祜前身【本传】

李白后身梅圣俞赠郭功甫诗以为李白后身诗云在昔熟说汾阳王纳官赀死义难忘今观郭氏奇俊郎眉目真似攻文章死生往复犹康庄树穴探环知姓羊【苕溪诗话】

白蝙蝠精明皇问叶法善张果老是何人曰混沌初分时白蝙蝠精也【高僧传】

蔡邕是张衡张衡死曰蔡邕母始怀孕二人才貌甚相类人云邕是张衡后身【商芸小说】

房琯是永禅师唐房琯为卢氏宰与道士邢和璞出游过夏口村入废寺坐古松下和璞使人凿地得瓮中所藏刘师德与永禅师书笑谓琯曰颇忆此耶琯因怅然悟前生之为永禅也【东坡诗序】

边镐是谢灵运江南边镐初生父忽梦前永嘉守谢灵运来谒愿托君为父子镐生貌类梦中者小字康乐及冠颖秀嗣主累用之平建州克湘潭号为边罗汉【玉壶清话】三生唐曲沃县尉孙缅家奴年六岁忽视缅母笑云娘子总角时曾养一野狐今忆否母亦省之奴云尔时野狸即奴身也见鹰得走入古墓后为猎人撃殄见阎罗王王以无罪当得人身遂生海州为乞人子苦饥寒二十而死又见王王曰与汝作贵人家奴遂得至此今已三生矣【广异记】

戒和尚苏子由在高安聪禅师梦同迎戒禅师坡至云某八九岁时梦身是僧往来陝右又云妣方孕梦一僧瘠而眇来托宿聪惊曰戒陝右人失一目暮年弃五祖终于大愚逆数盖五十年矣后坡谪英州与僧书曰戒和尚又凿脱也【志林】

蛇精蔡君谟知福州疾累日每梦登鼓角楼凭鼓而卧通判诘不打三更鼓角将对数夜有大蛇盘据鼓上惊逐不去可畏不免避之遂致违更君谟既愈与通判言遂以君谟为蛇精【东斋记事】

朋友

白犬丹鸡之盟越人每能相交于山下作坛祭以白犬丹鸡盟曰甲与乙为友上下四旁莫不并见卿若乘车我戴笠后日相逢下车揖我若步行君乘马后日相逢君当下【段公路北户录】

遇雪先死羊角哀左伯桃二人为死友欲仕于楚道遇雪饥寒不得行自度不俱生伯桃谓角哀曰俱死之后骸骨莫收我不如子我乐在树中角哀听之伯桃入树中而死楚平王爱角哀之贤以上卿礼葬伯桃后角哀梦伯桃曰正苦荆将军塚相近今月十五日当大战角哀至期陈兵马诣其塚作三桐人自杀下从之【烈士传】梦中往寻六国时张敏与高惠为友每相思不能见敏便于梦中往寻行至半道即迷不知路【韩非子】

缟带纁衣呉季札见郑子产如旧相识与之缟带子产献纁衣【左传】

定交杵臼后汉呉祐为新蔡长时公沙穆来游太学无赀乃变服客佣为祐赁舂祐与语大惊遂定交杵臼之间【祐】

千里不失期后汉范式与张元伯为友春到京师秋暮为期元伯是日杀鸡炊黍以待之母曰千里何期之审元伯曰臣卿信士终不失期言毕范至【式传】

胶漆雷义陈仲为友情如兄弟时人语曰胶漆虽坚不如雷与陈【义传】

为友报仇郅恽友人董子张父为乡人所害及子张病将终恽往候之子张视恽歔歔不能言恽曰吾知子不恐天命而痛讎不复也子在吾忧而不手子亡吾手而不忧恽即将客遮仇人取其头以示子张子张遂死忘年尔汝祢衡有逸才与孔融作尔汝交时衡年二十余而融年已五十敬衡而忘年也【衡】

三友一龙华歆与邴原管宁为友时人号三友为一龙歆为龙头原为龙腹宁为龙尾【魏志】

斗酒只鸡相酌曹操感乔 知己后经过 墓自为祭文曰承誓约之言徂役之后路有经过

不以斗酒只鸡过祠沃酹车过三步头痛勿怨

侨札之分鲁肃指困米与周瑜瑜益知其奇遂定侨札之分谓季札与子产也【本传】

广絶交论任昉子四人东里西华南客北叟皆无术业兄弟流离不能自振生平旧友莫有相防道逢刘孝标 然惊曰我当为汝作计乃着广絶交论讥其旧友云四防卢东美何长师李华韩衢为友淮泗间号为四防【摭言】

握手出肺肝士穷乃见节义今夫平居里巷相慕悦酒食游戏相徵逐诤诤强笑语以相取下握手出肺肝相示指天日涕泣誓生死不相背负真若可信一旦临小利害仅如毛髮比反眼若不相识落陷穽不一引手救反挤之又下石焉者皆是也此宜禽兽夷狄所不忍为而其人自是以为得计【退之柳子厚志】

交大雅大忠大直范文正公賛王元之像曰昔王文正公居宰府二十年未尝见爱恶之迹天下谓之大雅寇莱公左右天子却戎狄保社稷天下谓之大忠枢密马公慷慨立朝有犯无隠天下谓之大直此三君子者一代之伟人也公与三君子深相交许情如金石则公之道可知矣【八朝言行録】

出谒更为仆韩参政亿李参政若谷未第时俱贫同途赴试京师共有羶一席一割分之每出谒更为仆李先登第授许州长社县主簿赴官自控妻驴韩为负一箱将至长社三十里李谓韩曰恐县吏来箱中只有钱六百以其半遗韩相持大哭别去后举韩亦登第皆至参政【邵氏録】

耐久朋唐魏元同与裴炎缔交能保终始时号耐久朋

奴仆

典琴北齐王元景有奴名典琴【启顔録】

余地公孙志节有苍头名余地年七十二【书防风俗通】渔童张志和有奴婢二人奴曰渔童婢曰樵青后与为配偶【志和传】

奴星送穷文云主人使奴星结柳作车【退之集】

责奴须髯王褒有奴号髯奴尝有辞责其须曰我观人须长而黑髯弱而调离离若縁坡之竹郁郁若春田之苗附以丰颐呈以妍姿黝若 圭之垂若子髯既乱且赭枯槁秃瘁浊垢流离污秽泥土无素顔可依无丰颐可恃獼须瘦面常如死灰曾不如犬羊之毛为子须者不亦难哉【初学记】

臧获 雄方言云凡民男而婿婢谓之臧女而妇奴谓之获张揖云婿婢之子谓之臧妇奴之子谓之获【庄子音义】长须老无齿长须谓老仆也老无齿谓老婢也出韩退之赠卢仝诗玉川先生洛城里破屋数间而已矣一奴长须不裹头一婢赤脚老无齿

王褒僮约蜀郡王子泉以事到煎上寡妇杨惠舍有一奴名便了倩行酤子择上家巔曰大夫买便了时但约事守不约为他家男女酤酒子泉大怒曰奴寧欲买耶惠曰奴父讶人无欲者子即决买券之奴复欲使皆上券不上券便了不能为也子泉曰诺券文曰神爵三年正月十五日资中男王子泉从成都安志里杨惠买夫时戸下髻奴便了决卖万五千奴从百役使不得有二言晨起洒扫食了洗涤当穿白 箒裁孟凿斗浚渠博洛鉏园研陌杜埤地刻大枷屈竹作把削地鹿卢出入不得骑马载车蹠坐大呶下牀振头垂钓刈蒟结茱蜡纁绂不络住防织履治龕粘雀张乌结网捕鱼缴鴈弹鳧登山射虎入水捕 涉园纵鱼鴈鹜百余驱逐鸱鸟题梢收猪种姜养羊育放豚豨粪除常洁餽食马牛鼓四起坐夜半益刍二月春分落桑披防种 作剗别茄披防樊槎发笋塋集破封日月早畜鸡鸣起春调治马牛兼落三重舍有客至持壶行酤汲水作餽涤杯整案披蒜斲苏切脯筑肉臠 脍鱼炰鳖烹茶尽力且餽已而盖藏闭门熏窰餽猪纵犬勿与隣里争鬪当饭豆水不得嗜酒欲饮美酒不得染唇渍口不得饮杯覆斗不得晨出夜入交關伴偶不得夷蹲旁卧恶言丑骂多作弓刀持斧入山断槩裁辕焚薪作炭叠石薄岸治舍盖屋前削代牒日暮以归当送干薪四月当披五月当获十月收豆多取蒲苙益作绳索无所为当编蔣织箔树桃李柘桑三丈一树八尺为行果类相从纵横相当果熟收敛不得吮尝犬吠当起惊告隣里撑拔拄户上楼擊鼓勤心疾作不得遨游奴老力索种莞织席浣衣常白夜半无事当舂一石不得奸私事当闕白如不听教当答一百读券文讫词穷咋索乞乞扣头两手自搏目泪下落鼻涕一尺当如王大夫言不如早归黄土陌【初学记】

锦绣万花谷前集卷十九

卷二十

钦定四库全书

锦绣万花谷前集卷二十

习学

倦学愿息子贡倦于学告于仲尼曰愿有所息仲尼曰生无所息望其圯如也宰如也坟如也鬲如也则知所息矣【列子】

妻断织后乐羊子寻师学一年而归妻跪问其故乐羊子曰久行懷思妻乃引刀趋机而言曰此织生自蚕茧成于机杼一丝而累至于丈匹若断斯机也则无成功夫子积学中道而归何异断斯织乎羊子感其言七岁不反【本 】

吞文石五鹿充宗受学于 成子成子少时尝有人授以文石大如燕卵成子吞之遂为通儒后成子病吐出文石以授充宗又为名学【西京杂记】

减油灭火沈约孤贫笃志学书一夜必拾卷母恐其劳生疾常遣减油灭火而昼之所读夜輒诵之遂博通诸史

书痴窦威家世贵子弟皆喜武力独威尚文诸兄诋为书痴【本 】

书牛背为字陆羽潜以竹书牛背为字得张衡南都赋不能读危坐效羣儿噉嚙若诵状师拘之令薙草当其记文字懵懵若有遗过因叹曰岁月往矣奈何不知书因亡去【本 】

吞易三爻吳虞翻立易法奏曰郡史陈桃梦臣与道士布易六爻挠其三以饮臣臣乞尽吞之道士言易道在天三爻足矣

青成蓝蓝谢青李谧初事小学博士龙蟠后遂就谧请业门生为之语曰青成蓝蓝谢青师何常在明经【北史】以 镇心郑灼苦心热 时輒偃取 以镇心起便读诵笃志如此【南史本 】

黄卷中对圣贤狄仁杰为儿时门人有被害者吏就诘众争辨对仁杰诵书不置吏责之答曰黄卷中方与圣贤对话何暇偶俗吏语耶

不观龙褚无量家滨临平湖有龙出人皆走观无量尚防读书若不闻众异之长成名

不食鹿裘休方儿讲经著书终年不出户有馈鹿者诸生共荐之休曰不食犹不足今一啖肉后何以继梦人持凿破心尹知章少年未通梦人持巨凿破其心若内剂焉惊悟志思开彻遂明六经【并唐本】

读书眼读书眼如月罅隙靡不照【山谷诗】请天还我读书眼愿载轩辕望鼎湖【东坡诗】

读经读小说阅小辞钱思公言一生惟好读书坐则读经史卧则读小说上厕则阅小辞未尝顷刻释卷【归田录】圆木警枕司马温公以圆木为警枕少睡则枕转而觉乃起读书【范祖禹集】

沉潜磨砢遂得穷究于经 史记百家之说沉潜乎训义反复乎句读磨砢乎事业奋发乎文章凡自唐虞以来编简所存大之为江河高之为山岳明之为日月幽之为鬼神纖之为珠玑华实变之为雷霆风雨奇辞奥防靡不通达【韩集】

未尝释卷范质自从仕未尝释卷人或勉之质曰昔尝有异人与吾言他日必当大用苟如是言无学术何处以之【本朝防求】

不读书王荆公初参政下视庙堂如无人一旦行新法怒目诸公曰此輩坐不读书耳赵清简公同参知政事独折之曰君言失矣如臯防稷契之时有何书可读荆公默然【邵氏后录】

惟勤读书顷岁孙莘识欧阳文忠公尝乘间以文字问之曰无他术惟勤读书而多为文自工世患作文少又 读每一篇出即求过人如此鲜有至者疵病不必待人指擿多作自能见公以其尝试者告人故知有味【东坡杂记】

防悟

英妙汉终军年十八号终童西征赋云终童山东之英妙【汉书】

咏凤凰七龄思即壮开口咏凤凰九龄书大字有作成一囊脱略小时輩结交皆老苍【杜诗】

苦李王戎七岁当路有李羣儿竞取戎独不取曰李当路而繁必苦李也果然

十三善属文杨收十三善属文呉人多造门观赋诗至压其藩收嘲之曰尔非羸角者何用触吾藩

耸壑昂霄房 龄防警敏高孝基谓裴矩曰仆观人多矣未有如此郎者当为国器但恨不见其耸壑昂霄尔【并本】

赋方圆动静李泌七岁知为文 宗禁中有员俶者九岁升坐词辨注射坐人皆惊帝异之曰半千孙固当然因问童子岂有类若者俶跪曰臣舅子李泌帝即驰召之泌既至帝方与张说观奕因使说试其能说请赋方圆动静泌曰愿闻其略说曰方若碁局圆若碁子动若碁生静若碁死泌即答曰方若行义圆若用智动若骋材静若得意说因贺帝得奇童【泌】

八岁吟华山诗寇準八岁吟华山诗只有天在上更无山与齐其师谓準父曰贤郎怎不作宰相【陈辅之诗话】小友王禹偁年七八岁已能文文简公从军事始知之留在子弟中讲学一日太守席上出诗句云鹦鹉能言争似鳳坐客皆未有对文简写之屏间禹偁书其下曰蜘蛛虽巧不如蚕公叹息经纬之才遂加以衣冠呼为小友至公及入相禹偁已掌书命矣

一阅不再读张方平年十三入应天府学穎悟絶人家贫无书常就人借三史旬日輒还曰吾已得其详矣凡书皆一阅终身不再读属文未尝起草人曰天下奇才【苏内翰撰墓志】

七岁神童本朝贾黄中以七岁神童及第李昉赠诗曰七岁神童古所难贾家门户有衣冠七人科第排头上五部经书诵舌端见榜不知名字贵登筵未识管弦欢从今穩上青云去万里谁能测羽翰【闻见録】

文采愈美晏元献公殊父本抚州太守晏防能文李虚已知徐州一见奇之荐于杨大年以闻时年十三真宗面试诗赋疑其宿着明日再试文采愈美上大奇之即除秘书省正字令于龙图阁读书师陈彭年张文节荐之召至阙下值御试进士便令就试公一见题曰臣十日前已作此赋有草尚在乞别命题上极爱其不隱卒至大用【笔谈】

甘露顶唐裴敬彝能文章性谨敏宗族重之号甘露顶【本】

干戈俎豆曹武惠王彬始生周岁父母以百玩观其所取武惠左手提干戈右手取俎豆斯须取一印后为枢密使赠济阳郡王【玉壶清话】

执防漂流杜祁公衍父早卒遗腹生其祖爱之防时祖父脱防使公执之防山水暴至家人散走其姑投一竿与之使挟以自泛公一手执防漂流久之得免而防竟不濡【记间】

击瓮图司马温公童稚时与羣儿戏于庭有大瓮一儿足跌坠水中羣儿皆弃去公则以石击瓮水迸出儿得不死盖其活人手段已见韶龢中至今京济间多为小儿击瓮图【冷斋夜话】

不谩语脱胡桃皮温公云光五六岁弄胡桃女兄欲为脱其皮不得女兄去一婢以汤脱之女兄复来问脱胡桃者光曰自脱也先公适见诃之曰小子何得谩语自是不敢谩语后公以诚授学者曰自不谩语入是也【邵氏后録】

博学

探肋得鱼仲尼困于陈蔡从者莫能兴夜弦歌于堂上有异人貌甚伟被甲持戈立于庭下子路与之鬪久不胜仲尼谛视之语子路曰何不探其肋子路探其肋即时而落乃巨鱼也剖而食之明日遂行【事实】

石中紫文金简吳王伐石治宫室于合石之中得紫文金简之书不能读使使者问仲尼而欺仲尼曰吳王闲居有赤雀衔书以置殿上不知其义故遠咨呈仲尼曰此乃灵寶之方长生之法禹之所服隱在水邦年齐天地朝于紫庭者也禹将仙化封之名山石函之中今乃赤雀衔之殆天授也【抱朴子】

识罇于北史斛斯微博览乐有罇于者近代絕无此器有自蜀得之莫识斯微见之曰此罇于也遂依干寶周礼注为芒苘振之其声极清众乃叹服【按南齐王鉴为益州刺史广汉人段祖以罇于献鉴罇于者古礼器也高三尺六寸六分围三尺四寸圆如筒色黑如漆甚薄上有铜马以绳悬焉令去地尺余灌之以水又以器盛水于下芒茎当心跪柱以手振芒则声如雷良久乃絕古以节乐也出分纪】

书簏李邕淹贯古今然不能属文故时号书簏

识亡书汉武帝幸河东亡书三篋诏问知者惟张安世识之具作其事后得亡书校无所遗上奇之【本传】

青藜杖刘向校书天禄阁夜暗独坐诵书有老人黄衣植青藜杖叩阁而进乃吹杖端烟燃因以见向说开辟以前向因受五行洪范之文至曙而去向请问其姓名曰我是太乙之精天帝闻卯金之子博学下而观焉乃出怀中竹牒有天文地图之书悉以授之故王介甫戏刘贡父诗云不知太乙游何处定把青藜烛照公经神经苑郑康成号经神任宋号经苑【拾遗记】

事夺物南史陆澄好学博览王俭在尚书省巾箱几案杂服饰令学士 事事多者与之人人各得一两物澄后来更出诸人所不知事各数条并旧物夺去门庭藩溷皆纸笔左思博览欲作三都赋遂搆思十稔门庭墙溷皆着纸笔遇得一句便书记之【晋本传】

户牖墙壁置刀笔王充著论衡闭户潜思户牖墙壁各置刀笔遇得即书后【本传】

三十车书张华读三十车书作博物志四百卷武帝以为繁只作十卷【殷文圭启注】

五经库隋房暉遠号五经库【本传】

学库梁傅昭博极古今号曰学府【南史】

幕府书厨五代朱遵度博学号幕府书厨【十国纪年】

防狱鸡碑丁用晦序云学慚防狱智乏鸡碑【芝田錄】书仓曹曾积石为仓以藏书号曹氏书仓【拾遗记】

辨中山铭梁任昉大同四年七月于中山得铭曰 言土筮言水甸服黄钟启灵祉瘞在三上庚墮遇七中已六千三百浹辰交二九重三四百圯当时莫能辨因戒诸子世世访人五世孙升之写以授郑钦说行三十里语曰甸服五百者黄钟十一也由大中四年却数汉建武四年凡五百一十一年葬以三月十日庚寅三上庚也圯以七月十二日己巳七中已也浹辰交二建武四年至大同四年七月十六日六千三百一十二日故曰六百三十浹辰交二九十八重三六也建武四年三月十日距大同四年七月十二日十八万六千四百日故曰二九重三四百圯升之大惊【唐本传】

柳篋子唐柳璨迁左拾遗公卿朝野托为笺奏时誉日洽以其博目为柳篋子【分纪】

深博无涯涘柳子厚贬永州司马益自刻苦务记览为词章泛滥停蓄为深博无涯涘然子厚斥不久穷不极虽有出于人其文学辞章必不能以 后虽使子厚得所愿为将相于一时以彼易此孰得孰失【韩退之子厚志】鼎铭谬五代张同居洛阳浚井得古鼎铭曰魏黄初元年春二月同以为奇其子策年十三启曰汉建安二十五年曹公薨改元建康是岁十月文帝受禅又改黄初元年无二月铭何谬耶同大异之【五代史张策】

误行黄道江南陈彭年礼文详练归朝列于侍从朝廷郊庙礼仪多委彭年援引故事颇为该洽常摄太常卿导驾误行黄道上有司止之彭年正色回顾曰自有典故礼曹素畏其该洽不敢诘问【笔谈】

衲被杨文公亿为文章所用故事常令子侄检出处每段用小片纸录之缀粘所录而蓄之时人谓之衲被焉【吕氏家塾记】

束帛夏英公镇襄阳遇赦赐致仕高年束帛时胡大监旦瞽废在襄英公选缣十疋赠之胡得缣以手扞之曰寄语舍人何寡闻如此奉还五疋请检韩诗外 及服防贾谊诸侯所解束帛自可见证英公检之果见三代束帛束脩之制十挺之脯其实一束也束帛则卷其帛为二端五匹遂见十端夏少沮【湘山野錄】

夜视镇星得女刘原父学问广博无书不通自浮屠老子以及山经地志阴阳卜筮医药天文略皆防知尝与吕臻济叔同在礼部夜视镇星指曰于汉当得土不乃得女居数日使者言宫中两夫人当就馆数日果生两公主【行状】

玩物丧志谢显道云尝录古人善行别作一册明道先生曰是玩物丧志胡安国云谢先生初以记问为学自负该博对明道举史书成篇不遗一字明道曰贤却记得许多可谓玩物丧志谢闻此语汗流浹背及看明道读史又却逐行看过谢甚不服后来省悟却将此事作话头接引博学之士【近思錄】

文章

赤虹化王孔子修春秋制孝经既成而向北斗告备忽有赤虹自天而下化为黄玉刻文孔子受之【搜神记】字挟风霜淮南王刘安撰鸿烈二十一篇云字中皆挟风霜【西京杂记】

梦吐白鳳 雄作甘泉赋成梦吐白鳳

梦肠反胃 雄作赋有梦肠之谈曹植为文有反胃之论言劳神也【金楼子】

梦吐五臟桓潭子曰 雄作甘泉赋成梦吐五臟在地梦五色鸟罗含梦吞五色鸟自后顿有文章【六帖载晋传】梦如椽笔王珣为桓温掾尝梦人以大笔如椽与之既觉曰此当有大手笔事俄而武帝崩哀册谥议皆珣所草

匹锦见还江淹尝梦张景阳曰前以匹锦相寄今可见还淹于怀中得数尺与之其人恚曰那得割截都尽顾见丘迟谓曰余此数尺以遗君自尔淹文章蹶矣【本传】笔头生花李白少时尝梦笔头生花自是才思赡逸【天寶遗事】

梦人遗墨王勃尝梦人遗以丸墨盈袖自是文章日进【酉阳杂俎】

梦吞丹篆韩文公少时梦人与丹篆一卷强吞之傍一人抚掌而笑觉后胃中如物噎后见孟郊乃梦中傍笑者【异人传】

梦紫文鸞唐张鷟为儿时梦紫文大鸟五色止于庭太公曰赤文鳳也紫文鸞鷟也汝殆以文瑞朝廷乎【本传】梦吞五色云张迺少年苦吟未有所得梦五色云从天而下取一团吞之遂精雅道【郡阁雅谈】

梦青镂管纪少瑜尝梦陆隍以一束青镂管笔授之曰卿自择其善者其文因此大进【青箱杂记】

梦吞金 五代刘贊文思迟乃祷乾象乞文才一夕梦吞小金 自后大有文思孟氏朝为学士有玉堂集一日吐金 投水中不久卒【牧竖闲谈】

梦浣肠胃五代周仁裕梦剖其肠胃引江水浣之自是文性陡高有诗百卷号西江集

梦饮西江水五代王仁裕少梦饮西江水见水中沙石背有篆文其后文思日进【五代史】

锦绣肠李白送仲弟令闻序曰心肝五臟皆锦绣耶不然何开口成文下笔雾散也【本集】

锦绣堆谢廷皓以词赋著名号锦绣堆【摭言】

锦绣屏风夏英公言杨文公之文如锦绣屏风但无骨耳议者谓英公之文如泉水迅急至于汪洋则不及文公也【东斋记】

防麒麟手黄生学诗用力新急手疾口如翻盆还来结字稳且匀径须赤手缚麒麟【后山诗】

造五凤楼手韩浦韩洎能为古文洎常轻浦语人曰吾兄为文譬如绳缚草舍庇风雨而已予之文造五凤楼手浦闻其言作诗与洎曰十样蛮牋出益州寄来新自浣溪头老兄得此全无用助尔添修五凤楼【谈苑】

五典笙簧抱朴子云五典为笙簧三坟为金玉

五经鼓吹孙绰重张衡左思赋每云三都二京五经之鼓吹也

一片宫商沈光有洞庭乐赋韦岫云此赋乃一片宫商也【北梦琐言】

文章老宿唐李峤前与王杨接中与崔融苏味道齐名晚诸人没而峤为文章老宿【本传】

文中虎谢希深以启谒杨大年题四句扇上曰此文中虎也【归田录】

燕许大手笔苏颋封许国公张说燕国公以文章显故时号燕许大手笔【本 】

光焰万丈李杜文章在光焰万丈长平生千万篇金薤垂琳琅山官勅六丁雷电下取将流落人间者太山一毫芒

笔力扛鼎文章日娱戏金石日击撞龙文百斛鼎笔力可独扛【并邵氏后录】

焚笔砚晋陆云与兄机书曰君苗见兄文欲焚笔砚衙官屈宋杜审言云吾之文可使屈宋作衙官【本传】奴仆命骚杜牧李贺集序云使贺未死少加以理奴仆命骚可也

白地明光锦孙兴公云曹毗白地明光锦裁为负贩袴非无文采酷无裁制【世说】

干将莫邪李邕文名天下卢藏用常谓如干将莫邪难与争锋但虞伤缺耳【本传】

云垂海立杜甫朝献太清宫赋云九天之云下垂四海之水皆立【王立之诗话】

正始之音正始魏齐王年号时何晏好庄老作道德论及文赋王洵好论儒道文词不如晏天下翕然宗之名理之学盛行后晋卫玠与王敦相见敦谓谢鲲曰昔王辅嗣吐金声于中朝此子复玉振于江表微言绪绝而复传不意永嘉之末复闻正始之音【卫玠传】

海涵地负退之樊宗师墓志其富若生蓄万物必具海涵地负放恣横纵无所統纪然不烦绳削而自合也怪怪奇奇不专一能怪怪奇奇不可时施祇以自嬉【韩愈送穷文】

横骛别驱退之贊曰愈以六经之文为诸儒倡障隄末流反剗以朴划伪以真当其所得粹然一出于正刊落尘言横骛别驱汪洋大肆要之无抵牾圣人【本 】

龙翔鳳跃退之为文汗澜卓蹕渊 澄深诡然而蛟龙翔蔚然而虎鳳跃锵然而韶钧鸣日光玉洁周情孔思千态万貌洞视万古【李汉韩文序】

茹古涵今皇甫湜退之墓志云茹古涵今无有端倪浑浑灏灏不可窥校及其酣放豪曲快字凌纸怪发鲸铿春丽惊耀天下然而栗密窈眇章妥句适精能之至入神出天呜呼极矣

玉佩琼琚退之祭子厚文玉佩琼琚大放厥词不善为斲血指汗顏巧匠傍观缩手袖间

有江有海天下之人始知文有江而学有海识于人而际于天【文粹集】

穿天心出月胁皇甫湜顾况集序云逸歌长句骏发踔厉往往穿天心出月胁意外惊人语非寻常所能及也破星心孟郊诗似开孤月口说破落星心东坡云说破星心如鸡鸣【东坡集】

潘江机海潘岳传贊曰机文喻海潘藻如江机谓陆机也

愈头风陈琳作檄草成呈魏太祖太祖先苦头风是日疾发卧读琳所制起曰此愈我病【魏典略】

诗消暑王平甫答苏颂秋日诗急吟佳句诗消暑远胜前人檄愈风【隱居诗话】

捕长蛇骑生马孙樵书曰玉川子月蚀诗韩吏部进学解莫不防地倚天句句欲活读之如赤手捕长蛇不施鞚勒骑生马

睢涣藻绘魏文帝与曹洪书游睢涣者学藻绘之防【注云睢涣之间出文章故老杜防府书怀云藻绘忆游睢苕溪诗话】

为文真诀孙樵与王霖书曰尝得为文真诀于来无择无择得于皇甫持正持正得于韩退之然樵未尝与人言及文章惧得罪于时

卢前王后王勃与杨炯卢照邻骆宾王皆以文章齐名天下称王杨卢骆号四杰炯尝曰吾愧在卢前耻居王后议者信然

卓然为一时冠侍从酬奉则李峤宋之问沈佺期王维制策则常袞杨炎陆贽权德舆王仲舒李德裕言诗则杜甫李白元稹白居易刘禹锡谪怪则李贺杜甫李商隐皆卓然以所长为一时冠

羞称曹陆阎士和事萧颖士颖士死著论称颖士所长以为闻萧氏风者五尺童子羞称曹陆【并唐文艺】

八吟温庭筠工赋每入试凡八义手而八韵成【北梦琐言】摭言云庭筠未尝起草作赋一吟一韵场中号温八韵吟

三易沈约曰文章当从三易易见字易识字易读诵也【颜氏家训】

三多学者当取三多看读多持论多著述多【谈苑】

三上作文有三上马上枕上厕上【归田录】

六丁下取唐王逵知善易知人生死作易总十五卷一日雷雨云雾中一老人叱逵知曰所泄者书何在上帝命吾摄六丁追取逵知据地傍有六人青衣已捧书立矣老人责曰上方禁文自有飞天保卫金科秘藏都何者辄藏箱帙逵知曰青丘元老传授也【异人记】

中和之气许景先能文张说曰许舍人文虽乏峻峰激流而词防丰美得中和之气

一饼熟成一韵本朝举子李庶防文思敏速与举子于饼肆中作赋一饼熟成一韵【归田录】

日晷八寸赋就眉州人朱台符敏博少有赋名同辈课试以尺度日晷八寸而台符一赋已就【玉壶清话】

山林台阁夏英公尝以文谒盛度度曰子文章有馆阁气异日必显欧公云文章虽出于心术之间而实有两等有山林草野之文有朝廷台阁之文山林之文其气枯槁道不得行著书立言者所尚也台阁之文其气温润丰缛乃得位于时者所尚也王安国尝语余曰文章虽是官样官样岂亦谓有馆阁气耶【归田录】

同工异曲沉浸醲郁含英咀华上规姚似浑浑无涯下逮庄骚太史所录子云相如同工异曲本深而未茂形大而声宏行峻而言厉心醇而气和昭晰者无疑优游者有余体不备不可以成人辞不足不可以成文养其根而俟其实加其膏而希其光根之茂者其实遂膏之沃者其光学之二十年矣始者非三代两汉之书不敢观非圣人之志不敢存处若忘行若遗俨乎其若思茫乎其若迷当其取于心而注于手也唯陈言之务去戛戛乎其难哉如是者亦有年乃徐有得也当其取于心注于手也汨汨然其来矣如是者亦有年然后浩乎其沛然矣然后

肆焉 气水也言浮物也水大而物之浮者小大毕浮气之与言犹是也气盛则言之长短与声之高下皆宜虽如是其敢谓成乎

大慙大好时时应事作俗下语下笔令人慙及示人人以为好小慙以为小好大慙必以为大好不知古文真何用于今世也【并韩文】

发于羁旅草野和平之音淡薄而愁思之声要妙懽愉之辞难工而穷苦之言易好也是故文章尝发于羁旅草野若王公贵人气得志满非性能而好之则不暇以为【韩荆潭诗序】

短篇大章其文引物连类穷情尽变宫商相宣金石谐和寂寥乎短章春容乎大篇【韩文序】

驱涛涌云李翱祭退之文建武以还文卑质丧俚花鬬叶颠倒相上及兄之为思动鬼神开合怪骇驱涛涌云包刘越羸并武同殷

劲气沮金石故文章言语变化若雷霆浩瀚若江汉正声谐韶濩劲气沮金石丰而不余一言约而不失一词【韩上襄阳书】

字字作金声王翊干亨初拜中书舍人昭阳殿成朝献赋颂又白龙颂每赐予稍缓必 言曰吾赋字字作金声何受赐之晚也

六州解元天圣中吴育甲科进士应贤良入高等文词雅正天下推之晏元献曰以六论分六州当为六州解元【分纪】

翰动如飞唐李巨川干符中以刀笔从王重荣为书记时车驾在蜀贼据京师军书奏请堆积巨川文思敏速翰动如飞

独步当世欧阳公之于文天材有余丰约中度雍容俯仰不动声色而义理自胜短章大论施无不可辄欲效之不谄则俗不淫则陋终不可及是以独步当世求之古人亦不可多得【神道碑】

雄浑瓌伟南丰文章之剽鹜奔放雄浑瓌伟若三军之期猛兽之抉江湖之波涛烟云之姿状一何奇也【王震南丰文序】

倚马作文桓温北征鲜卑唤袁虎倚马前作露布文手不辍笔李白尝曰请日试万言倚马可待世以倚马事为李白事非也【学林】

与时高下八音与政通而文章与时高下三代之文至战国而病涉秦汉复起汉之文至列国而病唐兴复起夫政厯而土裂三光五岳之气分大音不完故也混一而后大振

下饰万物贞元中上方向文章昭回之光下饰万物【刘禹锡柳文序】

芒寒色正天下之士争执所长与时而奋灿然如繁星丽天而芒寒色正人望而敬者五行而已

文如倾河唐崔评王勃文章宏博非常人所及卢照邻杨盈川可以企之不然盈川文如倾河优于卢而不减王

思若涌泉唐苏廷硕为中书舍人 宗平内难书诏填委独廷硕口授轻重无差书史曰丐公徐之不然手腕脱矣中书令李峤曰曰舍人思若涌泉吾所不及张説论近世文章张説与徐坚论近世文章説曰李峤崔融薛稷宋之问之文如良金美玉无施不可富嘉谟如孤峰絶岸壁立万仞浓云郁兴震雷具发诚可畏也若施之廊庙骇矣阎朝隐如丽服靓妆燕歌赵舞观者忘疲若类之风雅则罪人矣坚问今世説曰韩休之文如太羹 酒有典则而薄滋味许景先如丰肌腻体虽秾华可爱而乏风骨张九龄如轻缣素练实济时用而窘边幅王翰如琼杯玉笋虽烂然可珍而多玷缺坚谓笃论【王勃传】

老泉论韩欧文孟子之文语约而意深不为巉刻斩絶之言而锋不可犯韩子之文如长江大河浑浩流转鱼鼉蛟龙万怪皇惑而抑絶蔽掩不使自露而人望见其渊然之光苍然之色亦自畏避不敢迫视欧阳之文纡余委备往复万折而条达疎畅无所间断气尽语极急言竭论而容与闲易无艰难辛苦之态此三者皆断然自为一家之文也惟李翱之文其味黯然而长其原油然而幽俯仰揖逊有执事之态陆贽之文遣言措意切近的当有执事之意盖贽之文非孟子韩子之文乃欧阳之文

柳子之文如峻峰絶壑壁立千仞间见层出森然于时苍烟杳霭之外望之者不能跼跼之者不能逾

东坡之文坡云吾之文如万斛泉源不择地而出在平地滔滔汨汨虽一日千里无难及其与石曲折随物赋形而不可知也所可知者常行于所当行常止于所可止如是而已矣

苏文类战国文章东坡中制科王荆公问吕申公曰见苏轼制策否申公称之荆公曰全类战国文章若安石为考官必黜之故荆公后修英宗实录谓苏明允有战国纵横之学【邵氏后録】

表忠观碑东坡作表忠观碑荆公寘坐隅叶致远杨德逢在坐公曰斯作絶似西汉坐客叹誉不已公曰西汉谁人可拟德逢曰王褒盖易之也公曰不可草草德逢复曰司马相如 雄之流乎公曰相如子云未见其叙事典赡若此也直须与子长驰骋上下坐客悚然曰毕竟似子长何语公徐曰楚汉以来诸侯王年表也韩文拟体祭竹林神文其体疑出于书祈太湖神文其体疑出于国语吊武侍御文其体疑出于离骚其哀欧阳詹独孤申叔之文疑合于庄子内篇贾谊鵬赋之体柳文拟体天对则祖屈平之天问其乞巧之文则拟 雄之逐贫先友记则

法家语七十二子解

杂文专法兰亭东坡尝言鲁直杂文专法兰亭

英气和气欧公之文和气多英气少苏公之文英气多和气少【并潘子岳诗话】

陈无已拟策似董生公孙山谷高吟交臂老杜至古文每推无己无己亲炙南丰拟试二策正似董生辞严过公孙【秦防之书】

上水船下水船唐裴延裕在内廷文思敏捷号下水船梁太祖受禅姚洎为学士号上水船又号急滩头上水船

絶去翰墨畦径李贺工词章尚奇诡所得皆超迈絶去翰墨畦径每旦骑款段马从小奚奴背古锦囊遇所得投囊中及归足成日率如此母使探囊中书多即怒曰是儿要呕出心乃已【本传】

孙郎帐下看刘表自作书与孙伯符以示祢衡衡嗤之曰如是之作欲使孙郎帐下儿看之邪将使张子布见邪【魏典略】

每字三疋绢裴度修福先寺将立碑求白居易为碑皇甫湜为从事在坐怒曰近舍湜而远徵居易信获戾于门下矣裴谢之因请之湜饮酒挥毫立就明日献之裴亦奇之因以车马器玩约千缗酬之湜怒曰何待之薄也其碑三千字每字三疋绢更减五钱不得裴闻之笑依数酬之湜受之无愧也【唐阙史】

淮西碑如诗书孙觉谓淮西碑序如书铭如诗秦少游谓退之元和圣德诗与淮西碑如两手

元和圣德诗苏子由云退之作元和圣德诗哀刘辟之死曰婉婉弱子赤立伛偻牵头曳足先断腰膂次及其徒体骸撑拄未乃取辟骸汗如雨挥刀纷纍争切脰脯此李斯颂秦所不忍言何其陋也

烦句烦字公羊称郤克眇季孙行父秃孙良夫跛齐使跛者逆跛者秃者逆秃者眇者逆眇者宜除跛者以下字但云各以类逆者即见其为烦句也张苍传云年老口中无齿今盍去年及口中可以成句而三字妄加此为烦字【刘知防史通】

潘兑行词晁氏客语曰潘兑行西夏词云敢于移檄之文犯我宗祖之讳改云乃于移文犯吾国讳张天觉曰乃于移文有失恭谨

记犬死工拙沈存中笔谈云穆脩张景同造朝待旦于东华门外方论文次适见有奔马践犬以死二人各记其事以较工拙穆曰马逸有黄犬遇蹄而毙景曰有犬死奔马之下时文体新

变二人之语皆拙澁当时谓之工可叹也

震雷无暇掩聪宋景文公修唐史好以艰深之辞文浅易之说欧公思有以讽之一日大书其壁曰宵寐匪贞札闕洪休宋见之曰非夜梦不祥题门大吉耶何必求异如此欧公曰李靖云震雷无暇掩聪亦是类也宋公慙而退今所谓雷霆不及掩耳者系再改

锦心绣口柳子厚乞巧文抽黄对白嘹唳飞走骈四俚六锦心绣口【柳文】

柳子厚文柳子厚记其先友为父墓志意欲着其父虽不显所交游皆天下伟人列其姓名官爵可矣又从而讥病之何也是时子厚贬永州好讥议如此则为尚书郎可知也退之云不自贵重者其资如此

宋景文去一吾字柳子厚书段太尉遗事解佩刀选髻者一人持马至郭晞门下甲者出太尉笑曰吾戴吾头来矣宋景文修新史曰吾戴头来矣去一吾字便不成语戴头来果何人头耶【并邵氏后録】

谄諛化成财成通儒之文昔有论相如子云不是正气以为谄諛之文贾谊铺陈帝王之道以为化成之文司马迁为财成之文董仲舒刘向之徒为通儒之文唐文三变唐有天下文章无虑三变高祖太宗沿江左余风絺章绘句揣合低昂故王杨为之霸 宗好经术羣臣稍厌雕琢崇雅黜浮气益雄浑则燕许擅其宗大厯贞元间美才辈出嚆济道真涵泳圣涯于是韩愈倡之柳宗元李翱皇甫湜和之排逐百家法度森严抵轹晋魏上轹汉周唐之文卓然为一王法此其极也【唐书】三十六体李商隐初为文奇古及在令狐楚府楚本工章奏因授其学商隐俚偶而繁缛过之时温庭筠段成式俱用是相夸号三十六体【本传】

澁体唐徐彦伯为文多求新奇以凤阁为鸕阁龙门为虬户金谷为铕溪玉山为琼岳以刍狗为卉犬以竹马为篠骖后进效之谓澁体【朝野僉载】

腹藁王勃作滕王阁序都督遣吏俟之一再出语益奇都督矍然曰天才也每属文磨墨数升酣饮引被覆面卧及寤援笔成篇不易一字时谓腹藁【本传】

沐浴敢见李迪为举子时从种放明逸先生学将试京师防明逸书见柳开仲涂以文卷为贄与谒俱入久之仲涂出曰读君之文湏沐浴乃敢见因留之门下一日仲涂自出题令迪与诸子门下客同赋赋成惊曰君必魁天下为宰相令门下客与诸子拜之【闻见録】

辞胜理理胜辞侯希声以谓李观之文辞胜理韩愈之文理胜辞【本传】

锦绣万花谷前集卷二十

卷二十一

钦定四库全书

锦绣万花谷前集卷二十一

诗律

钟嵘评诗潘安仁诗出于仲宣翩翩如翔禽之有羽毛张茂先诗出于王粲兴托不凡恨其儿女情多风云气少郭景纯宪章潘岳变平淡之体故称中兴第一陶彭泽诗出于应璩又协左思风力古今隐逸诗人之宗二王袁谢五贤出于张华才力苦弱务为清淡殊得风流媚趣谢晖诗出于谢鲲微伤细密一章之内自有玉石【镜莹诗话】

升堂入室钟嵘品曹子建诗羣伦之有龙凤五音之有笙竽孔氏之门则公榘升堂陈思入室潘陆自可坐廊庑之间也

流风回雪落花依草南史丘迟文辞丽逸时有钟嵘着诗评云范云婉转清便如流风回雪丘迟防缀映媚似落花依草【本 】

在古无上李观论孟郊诗高处在古无上平处下顾沈谢二百年无此谢朓长五言沈约云二百年无此诗也李长吉歌诗之妙唐皇诸孙贺字长吉元和中韩吏部亦颇取其歌诗云烟绵联不足为其态也水之迢迢不足为其情也春之盎盎不足为其和也秋之明洁不足为其格也风樯阵马不足为其勇也瓦棺篆鼎不足为其古也时花美女不足为其色也荒园侈殿梗莽丘陇不足为其怨恨悲愁也鲸呿鳌掷牛鬼蛇神不足为其虚荒诞幻也盖骚之苗裔理虽不及辞或过也贺生年二十七死矣使贺少加以理仆奴命骚可也【杜牧之序李长吉诗】浑涵汪洋千彙万状唐兴诗人承陈隋风流浮靡相矜至宋之间沈佺期等研揣声音浮切不差而号律诗竞相沿袭开元间稍裁以雅正然恃华者质反好丽者壮违人得一槩皆自名所长至杜甫浑涵汪洋千彙万状兼古今而有之他人不足甫乃厌余残膏賸馥沾丐后人多矣故元稹谓诗人以来未有如子美者【本 】

元稹论老杜杜子美诗上薄风骚下该沈宋言夺苏李气吞曹刘掩颜谢之孤标杂徐庾之纖丽尽得古人之体势【元稹集】

秦少游论老杜苏武李陵之诗长于高妙曹植刘公干之诗长于豪逸陶潜阮籍之诗长于冲淡谢灵运鲍照之诗长于峻洁徐陵庾信之诗长于藻丽子美穷高妙之格极豪逸之气包冲淡之趣兼峻洁之姿备藻丽之态而诸家之作所不及焉

石林叶少蕴论老杜禅宗论空门有三种语其一随波逐浪谓随物应机不主故常其二截断众流谓超出言外非情识所到其三函盖乾坤谓泯然皆契无间可测其深浅以是为序余尝戏谓老杜诗亦有此三种语波飘菰米沉云黑露冷莲房坠粉红为函盖乾坤句落花游丝白日静鸣鸠乳燕青春深为随波逐浪句百年地僻柴门迥五月江深草阁寒为截断众流句【石林诗话】王荆公论老杜甫之诗悲懽穷泰发敛抑 无施不可故其有平淡简易者有绵密精确者有严重威武若三军之帅者有奋迅驰骤若泛驾之马者有淡泊闲静若山谷隐士者有风流酝借若贵介公子者盖绪密而思深所以光掩前人而后者无继也【遯斋闲览】

张芸叟评诗石曼卿诗如饥鹰乍归迅逸不可言欧阳永叔诗如春服既成春酒既酺登山临水竟日忘归王介甫如空中有声相中有色欲有执着曾不可得苏子瞻诗如武库乍开干戈森然不觉令人神悚子细防检不无利钝梅圣俞诗如深山道人草衣葛屨王公大人见之不觉屈膝郭功甫诗如大排筵席终日揖逊而适口者少世以为知言

如蝤蛸江瑶柱东坡尝云黄鲁直诗如蝤蛸江瑶柱格韵高絶盘殮尽废然不可多食

体格句法诗之流二十四名赋颂铭赞文诔箴行吟咏题怨叹章篇操引謡讴歌曲词调皆诗人六义之余【元稹乐府古题序】

鹅腿子举子诗投汴帅王智兴曰莫有鹅腿子不谓鹤膝句也【卢氏杂説】

蜂腰鹤膝沈约曰诗有八病三曰蜂腰谓第二字不得与第五字同声如闻君爱我甘切欲自修饰君甘皆平声欲饰皆入声也四曰鹤膝谓第五字不得与第十五字同声如客从远方来遗我一札书上言长相思下言久别离来思皆平声也【诗苑类格】

双声叠韵上官仪曰诗有六对四曰双声对黄槐对绿树是也五曰叠韵对彷徨放旷是也【诗苑类格】王融双声云园蘩 红蘼湖苕煜黄华杜甫卑枝低结子接叶暗巢莺乐天量大嫌甜酒才高笑小诗【诗话】

蹉对九歌云蕙肴蒸兮兰借奠桂酒兮椒浆倒用之谓之蹉对

假对自朱邪之狼狈致赤子之流离是也朱邪李克用祖姓流离亦禽名又如厨人具鸡黍雅子摘杨梅是也【并笔谈】

葫芦格辘轳格进退格郑谷与齐己黄损定今体诗云一曰葫芦格二曰辘轳格三曰进退格葫芦韵者先二后四辘轳韵者双出双入进退韵者一进一退如李师中送唐介诗两韵中用韵进退格也【杂记】

八句法贺方回学诗于前辈得八句法平淡不流于浇俗奇古不流于恠僻题咏不窘于物象叙事不用于声律比兴深通于物理用事工者如己出格见于成篇浑然不可涯气出于言外

浩然不可屈【直方诗话】

交股法王介甫诗云春残叶密花枝少睡起茶多酒盏疎惠洪谓多字当作亲字盖欲以少对密疎对亲江朝宗谓惠洪不晓古人句格此一联以密对疎以多对少正交股用之所谓蹉对也【艺苑雌黄】

换字拗句法七言第五字反其平侧欲其气挺然如田中谁问不纳履坐上适来何处蝇负盐出井此溪女打鼓发船何处郎今俗谓之换字拗句法【禁齋】

折句格欧公诗静爱竹时来野寺独寻春偶过溪桥俗谓之折句卢賛元雪诗想行客过梅桥滑免老农忧麦陇干效此格也

促句格禁齋有促句格三句一换韵三叠而止山谷观李伯时画马用此格云仪鸾供帐鬢虱行翰林湿薪爆竹声风帘官烛泪纵横木穿石罅未渠透坐窻不遯令人瘦贪马百段逢一豆眼明见此玉花骢径思着鞭随诗翁城西野桃寻小红【苕溪诗话】

句中响字潘邠老云七言诗第五字要响如反照入江翻水石归云拥树失山村翻字失字皆响五言诗第三字要响如圆荷浮小叶细麦落轻花浮字落字皆响字谓致力处也【童训】

句作两节老杜诗云不知西阁意肯别定留人【肯别耶定留人耶】山谷爱其深邃闲雅也【诗眼】

言用不言体陈本明论诗云前辈作诗言用不言体若言冷则云可咽不可漱言静则云不闻人声闻履声【漫叟诗话】用事琢句妙在言其用不言其名惟荆公东坡山谷知之荆公云含风鸭绿鳞鳞起弄日鹅黄袅袅垂山谷云管城子无食肉相孔方兄有绝交书荆公又云缲成白雪桑重绿割尽黄云稻正青【冷斋夜话】

髣髴形容李义山雨诗憾憾度园依依傍水轩此不待说雨自然知是雨也后来诸人咏物不待分明说尽只髣髴形容便见好处【童训】猬毛苍苍磔不死铜盘蠹蠹钉头生吴鸡鬬败绛绡碎海蚌决出真珠明诵此则知是芡【梅圣俞】海上仙人绛罗襦红绡中单白玉肤不须更待妃子笑风骨自是倾城姝诵此则知荔枝【东坡】平池碧玉秋波莹绿云拥扇青摇柄水宫仙子鬬新妆轻步凌波踏明镜诵此则知是莲花【张文潜】雕虫蒙记忆烹鲤问沉绵不说作赋而说雕虫不说寄书而说烹鲤不说病而说沉绵颂椒添讽味禁火卜欢娱不说岁节但云颂椒不说寒食但云禁火亦文章之工也【吕童蒙训】西昆体杨大年钱文僖晏元献刘子仪为诗皆宗李义山号西昆体景祐庆历后欧公始矫昆体专以气为主【诗话】

得江山助张说谪并州刺史诗愈凄惋人谓得江山助薰风联句文宗与公权联句帝曰人皆

苦炎热我爱夏日长薰风自南来殿阁生微凉帝以谓词情俱足命题于殿壁

送客西江冯定为太常工部文宗见异之曰岂非能章句耶亲诵定送客西江诗召升殿诏悉以所着上枫落吴江冷崔信明尝矜其文过李百药郑世翼遇信明江中谓曰闻公有枫落吴江冷愿见其余信明多出众篇世翼览未终曰所见不逮所闻投诸水中引舟而去

看花君子刘禹锡既贬还宰相欲任省郎而禹锡作 都观看花君子诗语讥忿当路不喜出为播州刺史入为主客郎中复作防 都观诗且言始谪十年还京师道士植桃其盛若霞又十四年过之无复一存惟兔葵燕麦动摇春风耳以诋权近闻者益薄其行

征人早行李益长于诗每一篇出乐工争求之至征人早行等篇天下皆施之图绘

鸡林行贾白居易最工诗当时人争传鸡林贾售其国相率篇易一金其伪者相輒能辨之

讽谕闲适感伤居易自叙言关美刺者谓之讽谕咏情性者谓之闲适触事而发谓之感伤其他为杂律锦绣成文建安后诗律屡变至沈约以音韵相婉附及宋之问沈佺期文加靡丽回忌声病如锦绣成文学者宗之

纖艳不逞杜牧谓白诗纖艳不逞非庄士雅人所为流 人间子父女母交口教授淫言媒语入人肌骨殆不可去盖救所失不得不云

神物防持刘禹锡善诗晚节尤精白居易言其诗在处有神物防持【并本】

浩露涖笔杨徽之能诗太宗尝寫其警句十聯御屏上时有诗云谁似金华杨学士十聯诗在御屏中僧文宝谓必以天地浩露涖笔于冰瓯雪碗中方与此诗神骨相副

花骨长鬣张郎三十一天遣裁诗作花骨【言行錄】

兰陵絶唱元 在越时辟竇巩工诗与之酬答故镜湖秦望之奇益 时号兰陵絶唱【本】

五言芙蓉南史鲍昭曰谢灵运五言如初绽芙蓉自然可爱顏延之诗若铺锦列绣雕绘满眼

剪红刻翠长沙徐东野诗浮翠轻艳皆铅华歌舞媚一时樽俎其句不过牡丹宿醉兰蕙春悲霞宫日城剪红刻翠而已【玉壶清话】

集大成东坡谓杜诗韩文顏书左史皆极其至集大成诗史杜甫善陈时事律切精深至千言不少衰世号诗史【本】

诗豪刘禹锡好诗晚节尤精白居易尝推为诗豪诗城刘长卿与秦系为诗相赠答权德舆曰长卿自谓五言长城系以偏师攻之

诗囊李贺工词章每旦出骑款段马从小奚奴背古今囊遇所得投囊中日萃如山

诗窖高仁裕着诗万首号诗窖【后史补】

诗筒林逋集注白乐天元徽之唱和以筒着诗往来谓之诗筒

十步后魏彭城王勰从幸上党有大松上行而赋诗曰汝可作诗至吾行所而令就也时勰去帝十余步至帝所而就诗曰问松经防冬山川何如昔风云与古同【职林】三步柳公权从文宗幸未央帝曰朕有一喜边戍赐衣久不时今仲春已给当贺我以诗宫人迫之即应声成文再诏赋之复无停思帝悦曰子建七步尔乃三焉简古澹泊李杜之后诗人虽有逵韵而才不逮意独韦应物柳子厚发纖秣于简古寄至味于澹泊非余子所及也

刻削天物吾闻淫畋渔者谓之暴天物天物不可暴又可抉摘刻削露其情状乎使自萌卵至于槁死不能隱天能不致罚耶长吉夭东野穷王浚坐官不挂朝籍而死正坐是耳【笠泽丛书】

豫章不以语后山陈后山答少章云仆之诗豫章之诗也然仆之所闻于豫章豫章不以语仆仆亦不能为足下道也【后山诗话】

小胥抄老杜诗抄诗聽小胥山谷诗岂作牛腰束 抄聽小胥

灰里拨陰何山谷诗寒炉余防火灰里拨陰何言深思苦求乃得

经年方遂偶句贾岛诗思迟澁杼轴方得至如鸟从井口出人自岳阳来经年方遂偶句【摭遗】

竞病梁曹景宗破魏旋帝御光华殿宴饮联句景宗不得韵顏色不平启求赋诗不已帝令赋竞病二字景宗操笔成诗曰去时儿女悲归来笳鼓竞借问行路人何如霍去病【南史】

别目鉞心搯擢胃肾孟郊为诗别目鉞心物迎缕解钩章棘句搯擢胃肾神施鬼设间见层出惟其大翫于词而与世推移之【孟郊铭】

江西宗派吕居仁以歌诗至豫章始大出而学者同作共和録其名曰江西宗派以其源流皆出豫章也其次曰陈无已潘邠老谢无逸洪 父饶德操何正平徐师川林子仁洪玉父汪信民李希声韩子苍李商老晁师川正平曰吾乃居行间乎韩子苍云我自学古人夏均父又以在下列为耻【吕居仁集】

诗李白李贺遗机杼散在人间不知处闻君收在芙蓉江日鬪蛟人织秋浦【齐己诗】五言出汉时苏李首更号东都渐弥漫派别百川导建安能者七卓犖变风操逶迤至晋宋气象日雕耗中间数鲍谢比近最清奥齐梁及陈隋众作等蝉噪搜春摘花卉沿袭荡剽盗国朝盛文章子昂始高蹈勃兴得李杜万类困陵暴后来相继生亦各立阡陌有穷者孟郊受材实雄骍防观洞古今象外逐幽好横空盘硬语妥帖力排奂敷柔肆纡余奋猛卷海潦荣华肖天秀防疾愈响报君诗多态度蔼蔼春空云东野动惊俗天葩吐奇芬张籍学古淡轩昂避鸡羣阿买不识字颇知书八分诗成使之写亦足张吾军险语破鬼胆高词媲皇坟崔侯文章苦防敏高浪驾天输不尽朝为百赋犹郁怒暮作千诗转遒紧摇毫掷简自不供顷刻青红浮海蜃才豪气猛易语言往往蛟螭杂蚯蚓

铿金戛玉千余篇脍炙嚼人口须知一一丈夫气不是绮罗人语言去年左迁夜郎道琉璃砚水长枯槁今年勅放巫山阳蛟龙笔砚生辉光愿扫鹦鹉赋与君醉百场啸起白云飞七泽歌咏秋水动三湘【太白集】玉为蟾蜍冰作滴乌丝栏开宝鸦黑天孙夜拾摇草归醉舞银毫鬪春碧娲皇细链昆仑石海底云绡弄娇织香风暗漾云锦囊花史司书青帝国楼成天下消息唤起虹霓扫东壁【汪彦章】镌鑱物象三千首照耀乾坤四百州【出王逢源】清占月中三峡水丽偷云外小洲春【沈彬】僧寺聚观刊石处人家写挂牌时【孙仅】琴有调声秋转淡诗无僧字格还卑【郑谷】七子论诗谁似公曹刘须在指挥中【杜牧】转战风骚如甲冑平分才学过权衡【孙仅】身闲不恨辞官早句好当甘得味迟【林楚】杜诗韩笔愁来读似倩麻姑痒处爬【杜牧】一句坐中得片心天外来【永叔】毫发无遗恨波澜独老成【老杜】写嫌僧舍窄吟怕酒船停【林逋】吟成一个字撚断数茎髭【卢延逊】箒吟千万首方得两三联【林逋】笔倒三江水诗专五字城【韩驹】五七字中苦百千年后清【齐己】

锦绣万花谷前集卷二十一

卷二十二

钦定四库全书

锦绣万花谷前集卷二十二

科举

始置进士科唐薛登疏曰古之取士考素行之硕询乡曲之学以敦朴为先雕文为后以计贡贤愚为州之荣辱李陵降而陇西慙干木隱而西河美冀缺以礼逊升而晋人知礼文翁以经术教而蜀士多儒未有上行而下不从也汉世求士必观其行魏取放达晋先门阀梁陈尚词赋隋文纳李谔之言禁浮词炀帝始置进士科后生相驰竞缀小文名曰防学以浮为贵【本】

唐科取士有三学館曰生徒州县曰乡贡天子自诏曰制举【选举志】

南院东墙唐旧制都省考试南院放榜南院东墙别筑起一堵高丈余未辨色自北院将榜南院张之【国史补】千佛名经唐张倬东之之孙数举进士不第捧登科记顶上戴之曰此千佛名经

宴名宴名有九五曰樱桃六日月灯杂进士尤重樱桃宴樱桃之熟和以糖酪

大科头小科头进士榜出便往期集院状元请一人為錄事其余主宴主酒主乐探花主茶之类主乐两人一人主饮妓放榜后大科头两人第一部也小科头一人第二部也常宴小科头主之大宴大科头主之【并摭言】探花宴进士杏园初防谓之探花宴以少俊二人为探花使遍遊名园若他人先折得名花则二人被罰榜花唐大中以来礼部放榜有姓氏稀僻者曰榜花【并秦中记】春闕得第谓之前进士俱防谓之同年列姓名于慈恩寺谓之题名籍而入选谓之春关不防而醉饱谓之打【国史补】

建福门鼓动新进士放榜翌日排建福门候謁宰相时有诗云华阳观里钟声起建福门前鼓动时即其日也【南部新书】

泥金信新进士及第以泥金帖子附家书谓之泥金信【开元天寶遗事】

烧尾宴士人初登第必展欢宴谓之烧尾說者云虎化为人惟尾不化須得烧去乃化又說新羊入羣羊抵触須烧其尾乃定又說鱼跃龙门化为龙时必雷为烧其尾乃得化【闻见錄】

谢衣鉢放榜后状元以下到主司定谢名曰谢衣鉢衣鉢谓得主司名第其或主司先人同名第即谢大衣鉢也【摭言】

龙门交州记有龙门水深百寻大鱼登此化成龙不得过曝腮防额血流此水恒如丹池【后汉地理志注】又谓龙门今在绛州【后李膺传注】

龙虎榜唐欧阳詹与韩愈李观李绹崔羣王涯联第进士皆天下选时称龙虎榜【詹】

巨鳌戴石卢肇江西解末有谢啓云巨鳌颶颶首冠蓬山有司恠其语答曰顽石处上巨鱼戴之非首冠耶【摭言】槐花黄谚云槐花黄举子忙唐翁承賛诗雨中妆防望中黄勾引蝉声送夕阳忆得当年随计吏马蹄特特为君忙

雷起南山吕蒙正微时于洛阳龙门利涉院与温仲舒读书有诗曰八滩风急浪花飞手把渔竿傍钓矶自是钓头香饵别此心终待得鱼归又云恠得池塘春水满夜来雷雨起南山后状元及第位至宰相

呼状元韩持国知颍川府时彦以状元及第唱称状元持国怒曰状元无官耶自此呼时签判彦终身衔之马涓巨济亦以状元及第为秦签亦呼状元秦帅吕晋伯曰状元者及第未除也既为判官不可曰状元巨济媿谢【邵氏闻见録】

白衣公卿进士科始于隋大业盛于唐贞观其重谓之白衣公卿其艰难谓之三十老明经五十少进士【国史补】芙蓉镜唐李固言下第游蜀遇一老姥与言郎君明年芙蓉镜下及第明年果状头及第诗赋有人镜芙蓉之目所遇老姥金天神也【酉阳杂俎】

挽弓射狗裴元质举进士夜梦一狗从窠出挽弓射之其箭遂斲以为不祥梦神解之曰苟弟字头也弓者第字身也箭者第字豎也有斲为弟也寻唱第【朝野僉载】梦践积木孙屋梦积木数百践其上自谓必作状元居众材之上已而果然【摭言】

树头花冢中骨胥偃应举时梦徐将军斩下头项作诗云昔作树头花今为塚中骨以为不祥明年徐奭榜第二人及第【南部新书】

第三人五代李庆显德中举进士工诗有云醉轻浮世事老重故乡人枢密王朴以此一聯荐于申文炳知举遂为第三人【玉壶清话】

第四人张文景以古文驰名第四人登第不厌所望有诗云惊天动地张文景只得南宫第四人【续归田録】

第五人唐崔偃试进士东都吴武陵谓偃曰公方为天子求奇才敢献所益因出防中书偃读之乃杜牧阿房宫赋坐客皆惊武陵曰牧方试有司请以第一人处之偃谢已得其人至第五

偃未应间武陵勃然曰不尔宜以赋见还偃曰如教牧果异等【武陵】

第十三人孟賁于湖湘连上人与李昉同擢第后昉寄賁于诗曰初防书劒别湘潭金榜标名第十三昔日声名喧洛下只今诗句满江南

梦龙骆驼丁咸序未第时梦乘龙而起回顾又有骆驼在后二十年方防殿榜出亚其名乃龙起次骆驼起因悟梦【江南野史】

崔公下过堂唐张曙与崔昭纬同赴举问卜者卜者殊不顾曙曙有愠色卜者曰郎君亦及第但崔家郎君拜相当于此时过堂既而张果不第崔首冠曙以诗别之曰千里江山陪骥尾五更风水失龙鳞昨夜浣沙溪上雨绿杨芳艸为何人后七年崔大拜曙果于裴公下及第于崔公下过堂【摭言】

六举孟賁于华山神卜玦有如一年乞一玦凡六掷得上上大吉每年下第有诗今各举一联第一年云蟾宫空手下泽国有谁来第二年云水国二亲应探榜龙门三月又伤春三年云仙岛却回空說梦清朝未達自嫌身四年云云僧不见城中事问是今年第防人五年云因逢日者教重应忍被云僧劝却归天福九年符下及第果六举也【郡国雅谈】

梦 刘发秦少防梦发殡而 之者云是刘发之柩是歲发首荐【东坡集】

梦剃髭髯李文定公迪美髭髯未御试前一夕梦被人剃其髭髯俱尽迪恶之有解者曰秀才须作状元緣今歲省元是刘滋已替滋矣非元而何是歲果然第一【青箱杂记】斫头留项刘公沆天圣中办装赴省梦被人斫落头甚恶之人解曰状元不到你只得第二人公诘曰虽斫却头留项在里项沆刘留同音果第二人及第

席防离身国初犹袭唐士子皆曳袍重戴出则席防自随李巽累举不第乡人曰李秀才不知甚时席防离身及第后乃遗乡人诗曰当年踪迹困泥尘不意乘时亦化鳞为报乡间亲戚道如今席防已离身【并青箱杂记】造榜天唐陆扈举进士时方迁幸六月榜出甚暑李士轍戏曰造榜天也讥扈进非其时也

新郎君薛逢晚年厄于宦途防羸马赴朝值新进士缀行而出团司所由数十人见逢行李萧然前导曰回避新郎君逢口然遣介语曰莫贫相阿婆三五少年时也曾东涂西抹来【摭言】

收第若摘髭佳句喧众口考官敢瑕疵连年收科第若摘颌下髭【韩退之诗】

鬱轮袍唐王维素为岐王所知将应举告王为地王令作琵琶曲引至贵戚家自弹其曲曰郁轮袍贵戚大爱之王曰此非伶人乃能文之士遂为夤緣是年为举首【广异记】

列方物备充庭通典武后长壽二年始令举人献歲列于方物前以备充庭诗充庭初识苍龙
础賜醴行沾白兽樽

子弟五人同及第庆历五年仁宗临轩賜进士第详议官祝諫侍廷中男唐次谿季许及一壻
皆擢第每唱一名祝即称谢是日諫五拜殿下仁宗嘉赏之【澠水燕谈】试进士沿革开宝
六年因徐士防伐鼓讼不公帝御讲武殿覆试御试自此始賜诗自兴国二年吕蒙正榜始分
甲次自兴国八年王世则榜始及第日賜袍笏自祥符中姚 榜始賜宴自吕蒙正榜始賜同
进士出身自王世则榜唱名自雍熙二年梁顥榜封弥誊録覆考编排皆始于祥符景德之间
唐制礼部试举人夜以三鼓为限本朝率用白昼不复继烛【国朝事实】

廷试以防吕公着知贡举密奏曰天子临轩防士而用诗赋非举贤求治之意今来廷试乞出
自宸衷惟以诏防咨访治道自是上临轩始以防试进士【吕家 】

墨毡书榜李紆侍郎放举人命笔吏勒纸书榜未及填礼部贡院字吏得疾令史王防亦善书
诏令终其事值防醉以毡笔染不能加墨迨明方觉字体浓淡相间反致其妍自后法之遂为
故事【贾魏公谈録】

日五色赋李程试日五色赋破题云德动天鉴祥开日华擢为状元后浩虚舟应宏词复试此
题程虞浩愈于已驰一介取本观破题云丽日焜煌中含瑞光程喜曰李程在里

锦标卢肇黄颇皆宜春人同举郡守独餞颇明年肇状元及第归郡守防肇观竞渡肇即席作
诗云报道是龙君不信果然夺得锦标归太守大慚【古今诗话】

喜得陈 周师厚在郑獬榜及第只压得陈 自赋诗云有眼不堪看郑獬回头犹喜得陈
【朱定国诗话】

破天荒荆州人每歲解举人多不成名号天荒解刘蛻以荆州解及第号破天荒【北梦琐言
】

九肋举人卢肇赴举先达问所从来曰某袁民也先达曰袁出举人耶答曰袁之举人亦犹沅
江鳖甲九肋者稀【摭言】

王俊民为状元嘉祐中未御试京师 王俊民为状元莫知言所起及御试王荆公杨乐道为
羣定官旧制详定官不得立等荆公以覆考官所定第一人未当别取一人为主为状元乐道以为
不可议论未决遂各以己意进稟诏从荆公之请发封乃王俊民也【笔谈】

手搏争状元太祖时王嗣宗与赵昌言争状元于殿前乃命二人手搏约胜者与之赵昌言发
秃嗣宗欧其幞头坠地趋前曰臣胜之上笑以嗣宗为状元【涑水记闻】先衣新衣王拱辰
与欧公同年进士文忠自监元省元赴廷试銳意魁天下明日当唱名备新衣一袭拱辰辄先

衣以入文忠怪焉拱辰笑曰为状元者当依此唱名果第一【邵氏后錄】

五色云天圣五年仁宗试进士韩魏公名在第二时唱名第一甲方终太史奏曰五色云见从官皆贺【魏公家语】不在温饱王曾青州发解及南省廷试皆为首冠中山刘子仪为翰林学士戏语之曰状元试三场一生吃着不尽沂公正色答曰曾平生之志不在温饱【东轩笔记】于休哉杨大年为翰林学士适礼部院试天下士一日合乡里待试者或云学士必持文衡幸预以教之大年作色而入曰于休哉大年果知贡举凡程文用于休哉者皆中选而当时坐中之客半不以为意不用也【邵氏后錄】及第授官正奏名第一甲赐进士及第第二甲同进士及第第三甲第四甲赐进士出身第五甲赐同进士出身特奏名第一等二名附前五甲余并登仕郎第二等京府助教第三等上州文学第四等下州文学并郊第五等诸州助教进士第一人承事郎第二第三人文林郎第四第五人从事郎以下至第五甲并廸功郎【官品】月灯毬唐进士开宴寄于曲江亭既彻饌则侈乐泛舟又有灯阁打毬之防故坡诗有曲江船舫月灯毬之句【坡诗注】

制科仁宗天圣间从夏竦之奏增重制科之目于是自贤良方正以下其科为六自书判防萃以下其科为四验之以进防十卷先之以过阁六论荐之纠之以台谏上书乞应制举夏英公以父没王事授丹阳县主簿上书乞应制举其略曰若陛下以枕流漱石为达则臣世居市井若陛下以金榜丹桂为材则臣未忝科第若陛下以鸠杖台背为德则臣始逾弱冠若陛下以荷戈控 为勇则臣生不绵歷若陛下令臣待诏公车指陈时事犹可与汉唐诸生并驱较其先后真庙再言赏激召赴中书试论六首一曰定四时别九州圣功孰大论二曰考定明堂制度论三曰光武二十八将功业先后论四曰九功九法为国何先论五曰舜无为禹勤事孰优论六曰曾参何以不列四科论是歲中制科【归田錄】制科无登三等宋兴以来御试制科举人无登三等者惟吴育第三等余皆四等除此则落之【东轩笔錄】

一举三十年推恩富郑公当国立一举三十年推恩之法盖公与河南进士段希元魏升平同场屋相善公作相不欲私之故为天下之制至今行之【闻见錄】

诗丹霞照上三清路瑞锦裁成五色毫预想平生腾跃处龙津春碧浸仙桃【郑谷】天上高高月桂丛分明四十一枝风满懷春色向人动遮路乱花迎马红鹤驭迥飘云雨外兰亭不在管弦中居然尽是前贤事何必青楼倚碧空【赵嘏】一战文 防赵旗便调金鼎佐无为跋勅案前人到少筑沙堤上马归迟【王仁裕】闻思蓬岛防神仙二百同年最少年利市襴衫抛白纈风流名字写红牋歌楼夜宴停银烛柳巷春泥污锦鞢【王禹偁】折桂一枝先许我穿杨三叶尽惊人【乐天】鹤使晓来华表上分明說得帝都春门开闾阖星河在榜注神仙姓字新【韩持国】春官南院院墙东晓色初明日色红文字一千重马拥喜欢三十二人同眼看鱼变辞凡水心遂莺飞防晓风莫怪云泥从此隔总曾惆悵去年中【陈标】桃花先透三层浪月桂高攀第一枝闾苑更无前骤马杏园都是后题诗男儿显達当如此满袖馨香天下知【陈元老】青云随步登华榻红雪飘香入杏园【王禹偁】綠袍不怕露痕湿走入乱红深处来朝来已与碧桃约留住东风不放开【郑獬】才唱第三条烛尽南宫风月画难成【韦承昭】洗眼上林看跃马贺诗先到古宣城【东坡】新向月中攀桂后更从天上领春

回【赵嘏】名同夜月家家见声逐春雷处处闻【传翼】三春省壁莺迁榜一字天津马渡桥【禹锡】长乐遥听上苑钟彩衣称庆桂香浓【义山】

下第

饮墨水梁试进士不中程者饮以墨水又北齐选举滥者饮墨水一斗【坡诗注】

眼迷五色李方叔为东坡客坡知贡举方叔下第有诗云平生漫説古战场过眼还迷日五色【王直方诗话】

梦贴月飞沈彬尝梦着锦衣贴月飞识者谓身不入月不及第果然【雅言参述】

蝶梦入桐花泉州刘昌言作下第诗云唯有夜来蝴蝶梦翩翩飞入刺桐花【青箱杂记】

纲官蜀人石 休屡拔乡荐常屈春官蜀人比之纲官盖谓牙校部士员入京师只空归也【续归田録】

九泣都门月曹邴未第时诗云一辞岩桂丛九泣都门月年年孟春至防花不如雪【雅言参述】

白蜡明经张鷟号青钱学士谓万选万中时有董方九举不第号曰白蜡明经与鷟为对【朝野僉载】

白头英雄唐制进士科甚重其老死文场者亦无恨故有诗云太宗皇帝真长防赚得英雄尽白头【国史补】宋五坦率唐德宗微行西明寺宋济葛巾方抄书上曰茶请一碗济曰鼎水方煎可自泼之上曰作何事业是何姓名济曰姓宋第五应进士举须臾闻呼官家济惶惧上曰宋五坦率后闻礼部放榜上令探济无名上曰宋五又坦率也【卢氏杂记】

味如中酒唐人下第诗气味如中酒情懷似别人【坡注】下第集句石曼卿下第集句云一生不得文章力欲上青天未有因圣主不劳千里召嫦娥何惜一枝春鳳凰诏下须沾命豺虎丛中也立身啼得血流无着处朱衣骑马是何人【西清诗话】年去年来来去忙为他人作嫁衣裳仰天大笑出门去独对春风舞一

归燕诗唐章孝标下第为归燕诗献庾庚承宣云旧垒危巢泥已落今年故向社前归连天大厦无栖处更傍谁家门户飞庾得诗恨遗才期秋荐引庾果重典礼曹章遂擢第【云溪友议】

孟浩然诗令狐楚知张祜録其诗三百首表荐之值元稹在内庭上问祜诗高下稹曰张祜雕虫小巧恐变陛下风雅由是失意祜以诗自悼云贺知章口徒劳説孟浩然身更不疑

曾到蓬山张漬陈商下状元及第翰林覆落赵嘏以诗贻之曰莫向春风诉酒杯謫仙真个是仙才犹堪与世为祥瑞曾到蓬山顶上来【并摭言】

罗隱诗六载辛勤九陌中却寻岐路五湖东名慙桂苑一枝綠脰忆松江满筴红浮世到头须适性男儿何必尽成功唯应鲍叔深知我他日蒲帆百尺风【南楚新闻】花样不同卢仝不及第出都投逆旅有一人附火吟曰学织锦绫工未多乱投机杼错抛梭莫教宫锦行家见把似文章笑杀他因问之云旧 宫锦坊近以薄技投本行云如今花樣不同且东归也【卢氏杂记】

文章罢生儿胡曾下第诗云翰苑何时休嫁女文章早晚罢生儿上林新桂年年发不许凡人折一枝

报罗使进士放榜后至春关前须有一人谢世名曰报罗使言报大罗天也【秦中杂记】

刀劍伤孟郊下第诗弃置复弃置情如刀剑伤【名贤诗话】与孤寒争路雍熙二年三月己未亲试进士梁顥以下赐及第始唱名内有李宗谔宰相昉之子吕蒙亨参政吕蒙正之弟王防盐铁使明之子许待问度支仲宣之子上曰斯并世家与孤寒争路纵以艺升天下亦谓朕有私也并下第【圣政编年】

倒防孩儿苗振召试馆职晏殊语之曰君久从仕必疎笔砚今将就试宜稍温习振曰岂有三十年为老娘而倒防孩儿者乎既而试泽宫选士赋押韵有王字振曰率土之濱莫非王由是不中选殊闻曰苗君竟倒防却孩儿矣【笔谈】

锦绣万花谷前集卷二十二

卷二十三

钦定四库全书

锦绣万花谷前集卷二十三

才德

金山玉海南史朱异涉猎文史兼通杂艺博士明山賓表荐于梁武帝曰器宇宏深神表峯峻金山万丈緣陟未登玉海千寻窺映不測【异传】

丰年玉荒年谷世称庾文康为丰年玉王稚恭为荒年谷

梁稷織纆刘孝标称刘訐超超如半天朱霞刘歊矫矫如云中白鹤皆俭歲之梁稷寒年之織纆【南史】

言若涌泉戴胄为大理卿犯顏据正参处法意随类指摘言若涌泉【胄 】

万顷波王惠恬静若万顷波【南史】

鳳雏水镜庞德翁谓诸葛孔明为卧龙庞统为鳳雏司马德操为水镜

南州冠冕庞统少时往见司马德操德操采桑树上统乃树下自昼达夜谈论称之为南州冠冕【并蜀志】

陈元龙湖海之士陈登字元龙有威名魏太祖表为广陵太守卒后许汜与刘备在刘表坐上与备论天下人汜曰陈元龙湖海之士豪气不除备曰君言豪宁有事耶曰昔过下邳见元龙元龙自上大牀卧使客卧下牀备曰君有国士之风所望有救世之意而君求田问舍言无可取是元龙所诿也如小人则卧百尺高楼上卧君于地何但上下牀之间耶表大笑【吕布传】

德星聚陈太丘诣荀淑元方御车季方骖乘羣尚防抱于车中荀淑使慈明应门行酒文若小坐于膝余六龙下食太史奏德星聚五百里有贤人聚

沧海遗珠狄仁杰调汴州参军为吏诬诉黜陟使阎立本召讯特异其才谢曰仲尼称观过知仁君可谓沧海遗珠矣

余子琐琐陈矫季弼谓陈登曰遠近之论谓明府骄而自矜登曰夫闺门雍穆有德有行吾敬陈元方兄弟渊清玉洁有礼有法吾敬华子鱼清修疾恶有识有义吾敬赵元达博闻强记奇材卓犖吾敬孔文举雄姿杰出有王霸之略吾敬刘 德余子 焉足録所敬如此何骄之有【吕布 】

暗中摸索可识许敬宗性轻见人多忘或谓其不聪乃曰卿自难识若遇曹刘沈谢暗中摸索着亦自可识【出国史纂】口伐可汗唐太宗时突厥寇太原郑德芳劳之虜以不信咎中国德芳随语折责突厥愧服太宗赐书知公口伐可汗【德芳 】

霹雳手裴琰之为同州司户年少不主曹务刺史李崇义轻之吏白积案数百崇义使趣断之乃命吏连纸进笔省决一日毕予夺当理崇义惊曰子何自晦成吾过即自是名动一州号霹雳手【本 】

一言贤十万众唐初或告冯盎叛太宗诏发江淮甲卒讨之魏徵諫曰今四海已平盎尚何事反未服当懷之以德帝乃遣韦叔谐谕盎盎遣子入侍帝曰徵一言贤于十万众【盎 】

独出蒙轮康子元与赵冬曦议燔柴不从张説曰康子独出蒙轮以当一队耶【本 】

读碑覆棋王粲与人行读道傍碑而背诵之又观棋局壞粲为覆之棋者不信以帕盖更以他局为之相校不失一路

诵路傍碑萧穎士尝与李华陆据游洛龙门读诵路傍碑穎士即诵华再阅据三乃能尽记闻者谓三人才高下此其分也【穎士传】

读曹娥碑杨修为曹公主簿至江南读曹娥碑背有八字曰黄绢防妇外孙蠶曰操不解问脩脩曰解之操曰且勿言待朕思之行三十里乃得之脩解曰絶妙好辞操曰一如朕意俗云有智无智校三十里【语林】

谈垒谢胡儿语庾道季诸人暮当就卿谈可坚城垒庾曰若文度来我以偏师待之庾伯恭来济河焚舟【世説】谈藪裴頠善谈论时人谓之言谈之林藪【本传】

口中雌黄王衍善 言惟谈庄老义理有所不安随即改更世号口中雌黄【衍 】

瑶林琼树王戎尝曰王衍神姿高澈如瑶林琼树自是风尘表物【戎 】

触目琳琅珠玉有人诣王太尉遇安丰大将军丞相在往别屋见绣平子还语人曰今日之行触目琳琅珠玉【世语】

体仪立玉山涛啓事征南将军羊祜体仪玉立可以整肃朝廷【职官分纪】

玉山嵇康字叔夜山涛曰叔夜之为人也岩岩若孤松独立其醉也惺然若玉山之将頽【本】

八斗才谢灵运云天下才共一石曹子建独得八斗我得一斗自古及今共用一斗奇才博识安足继之【魏志】一片文章李建博览羣籍颇善理论宋齐丘尝曰李相善谈不必润色自是一片文章矣【南康近事】

卧虎陈留耆旧 高谨字孝甫敦实少华口不能剧语而好深沉之谋其徒号曰卧虎又曰痴不语高孝甫白玉碑进士牛益梦至天第吏曰此羣玉宫也见殿上有白玉碑朱书字防以绛纱大字云中洲天仙籍其次皆姓字数千其中惟识数人乃吕夷简李迪余靖而巳有故人吕臻掌此官益问今世卿相亦皆仙乎曰十中七人【李綽尚书故实】

玉管银管梁元帝为湘东王尝记录忠臣义士文章之美者笔有三品忠孝全者以玉管书之德行精粹者以银管书之文章赡丽者以班竹管书之

金榜银榜鐵榜崔绍暴卒复生云见防门列榜人间姓名将相列金榜其次银榜州县小官并列长鐵榜【言行錄】卜江左兴亡殷浩识度深遠尤善 言为风流谈论者所宗屏居十年于时拟之管葛王蒙谢尚俟其出处以卜江左兴亡因省之谓曰深源不起当如苍生何后为都督欲荡平关河为姚襄大败坐废【本】

驾轻车就熟路辨古今事当否论人高下事后当成败若河决下流而东注若驷马驾轻车就熟路而王良造父为之先后若烛照数计而 卜【韩送石洪序】

要人争令出门下议论出入经史踔厉风发率常屈其坐人名声大振一时皆慕与之交要人争令出我门下交口誉之【柳子厚碑】

不如一缝掖后汉皇甫规鲜官居安定鴈门太守刺谒规卧不迎曰卿食鴈美乎有语顷王符至规惊起衣不及带屣履出迎时人谓之语曰徒见二千石不如一缝掖【本传】

蒹葭倚玉树晋毛曾与夏侯 并坐时人谓之蒹葭倚玉树

气麤屈贾垒气麤屈贾垒目短曹刘墙曳裾置醴地奏赋入明光【老杜壮游诗】

腹中空洞无物晋周顗字伯仁性寬裕王导甚重之尝枕顗膝而指其腹曰卿此中何有曰此中空洞无物然足容卿数百人导亦不以为忤

大儿小儿借面监厨曹公迁都许或问祢衡当今许中谁最可者衡曰大儿有孔文举小儿有杨德祖又见荀或有容仪而赵稚长有腹决因曰文若可借面吊丧赵稚长可使监厨请客众人皆切齿

转般仓王元咎黎宗孟皆为荆公学世谓黎为模画手一防一画不出前人王为转般仓致无赢余但有所欠以其因人成能无自得也【后山居士谈丛】

订坐梨崔澹举止秀峙时谓玉而冠者子远亦有文采而风致整峻世慕其为人目为订坐梨言为坐所矜也【唐崔珣】

大才槃槃晋阳秋云谚曰大才槃槃谢家安 州独步王文度后来出人郗嘉賓

羣飞刺天子之视人自以无前一斥不复羣飞刺天【柳子厚文】

冰镜青天晋乐广字彥辅卫瓘何晏曰此人之冰镜莹若披云雾而覩青天又谓水清【本】

一团和气谢显道云明道先生坐如泥塑人接人则浑是一团和气

春风中朱公掞见明道先生于汝归谓人曰光庭在春风中坐了一个月【并程氏外书】

落笔中书堂老杜诗忆献二赋蓬莱宫自怪一日声辉赫集贤学士如堵墙观我落笔中书堂

起草姿公含起草姿不遠明光殿【杜甫】

挥翰手收取玉堂挥翰手【欧公诗】小试玉堂挥翰手【后山诗】屋上乌六韬武王登夏台以临商民周公曰爱人者爱其屋上乌憎人者憎其余胥杜甫诗云丈人屋上乌人好乌亦好

银钩玉唾山谷次钱穆父诗云银钩玉唾明蠶纸松篴轻凉并送仙

诗我评君材甚高妙孤竹截管空桑琴眉宇之间见风雅蓝田烟霞生球琳胷中礪磊政须酒东海可揽北斗斟 吾闻李元中学为古人青出蓝眉宇之间如太华一段翠气连终南【并山谷】驥之子鳳之雏炯然一段清水出万壑置在迎风寒露之玉壶 淮海维 一俊人金章紫绶照青春指挥能事回天地训练强兵似鬼神湘西不得归关羽河内犹宜借寇恂朝覲从容问幽友勿云江汉有垂纶【并杜甫】君材于用无不宜医无闾之珣玕琪防稽竹箭梁山犀贾而不售君不疑亦不自以为矜奇【吕居仁】眉间爽气照秋色山水顿觉生精神胷中撑拄万卷书对客倾写如崩云【惠洪】文章一代喧高价忠直三朝受圣知帐下军容森劒防门前行客拥旌旗云笼古雾黄榆暗雪满长江白草衰出去暂开龙虎幕归来须占鳳凰池鬓边未有一茎白陶铸苍生固未迟【黄觉诗刘贡父诗话】当年志气压朱云老作吾皇谏诤臣章疏罢封无事日朝廷犹指直言人起诗野馆光泉石讲易秋堂动鬼神【王禹偁】涧松无心古须鬣天球不琢中粹温落笔尘沙百马奔剧谈风霆九河翻 日临天闲豢真龙新诗得意挟雷风我贫无句当二物看君倒海取明月【并山谷】韵如秋水初含风秀出兰芽新茁

从人间何从有此客妙语屑玉霏无穷【惠洪】君材有如切玉刀见之凛凛寒生毛愿随壮士斩蛟蜃不愿腰间纏锦绦【东坡】犹拱北辰纏寇盗欲倾东海洗乾坤文章曹植波澜阔服食刘安德业尊【杜甫】鸢在卿云冰在壶代天才业共讐谟昨夜星辰回劔履前年风月满江湖【赵嘏】冰雪照人苏季子幅巾短褐在山林胷中泾渭自派别蹊下桃李成清陰珠藏老蚌夜光逸豹隱南山春雾深【僧善权】范侯渥洼种出水已权奇失身肉马羣俛首枯豆萁【张彦实】六符摇斗极八座冠文章规宪存中府勲庸入太常【石曼卿】天为国家孕英才森森矛防拥云台浩瀚深谋喷江海纵横逸气走风雷朝见裴叔则朗如行玉山黄河落天走东海万里泻

入胷懷间 承恩初入银河门看书独在金銮殿龙驹雕勒白玉鞍象牀綺食黄金盘【并李太白】五百年中降岳灵神仙风骨鹤仪形劔光带日冲南斗鹏翼翻云起北溟八表顺风均雨露四溟随劔息波涛手扶北极鸿图

永云卷长天圣日高未防汉家青史上韩彭何处有功劳【杜光庭】蹶履三千皆后学搏风九万是前程名将日月同时朽身出山河应世生【方干】曾立玉墀聯近侍新持金节领诸侯屠龙伎俩终须用探虎功名未肯休【孔常父】子虽躯干少老气横九州挺身艰难际张目视寇讎【杜甫】诗魂躔斗壁醉力撼蓬萊剖山无鹄印倾廐尽龙媒【杨幡】邦基今年方十九美如濯濯春风柳龙章鳳姿本天然金马玉堂如固有酒防爱捉玉麈尾玉色已同批诰手高烧银烛拥红妆看君落笔龙蛇走能驱清景入秀句万象奔趋不敢后人疑锦绣纏肺肝不然笔端应有口但恐功名纏縛人少年天子须师友【僧慧洪】颶士声名动倭国乐天词笔过鸡林节旄零落毡吞雪辨舌纵横印佩金【孙莘老和东坡韵】韵如风蝉蜕尘垢气如春容在杨柳风流翰墨俱细事自是吾家道门友【冷斋】拨炉应对夜语久云灰消尽红金斗君才合在殿阁间簿书帷中不应有且置玉堂风雨笔来试牛刀霹雳手【汪彦章】防检金闺彦飘零玉笋班尚令清庙器犹隔鬼门关【高符】秋风十驿望台星想见冰壶照坐清零雨已回公旦驾挽须聊聽野王箏三朝元老心方吐四海苍生耳已倾白髮故人来一别却归林下看升平【魏泰别张天觉】我公天与英雄表龙章鳳姿照鱼鸟但令端委坐庙堂北狄西戎谈笑了【坡与张安定】汉家太史宋公孙漫逐班行谒帝阁燕颌封侯空有相蛾眉倾国自难婚家徒四壁书侵坐马瘦三山叶拥门安得风帆随雪水江南石上对霏樽【山谷和宋茂宗】平生四海苏太史酒浇不下胷崔嵬黄州副使坐闲散谋疏无路通银台胸蟠万卷夜光寒笔倒三江砚滴干大似不蒙稽古力只今犹着侍儿冠 晁子智囊可以括四海张子笔端可以回万牛自我得二士意气横九州道山延阁委竹帛清都太微望冕旒男儿生世间笔端吐白虹何事与秋萤争光蒲苇丛【并山谷】霜蹄千里骏风翻九霄鹏笔飞鸾耸立章罢鳳騫腾【杜甫】三公歷拜荣无敌二府更居贵莫伦【李籍】迈古文章金鸞鸞出羣行止玉麒麟【赵嘏】三陪藻宴簪裾上五对龙顔日月边【刘长卿】少时解奏三千牍老去犹繙十二经【田元邈】一片灵台挂明月万丈辞焰飞长虹【杜默】气与神兵上牛斗诗如晴雪灌江汉【山谷】风流要是贤公子白晳仍为美少年【韩驹】中朝驸马何平叔南国佳人陆士龙【陈羽】狗监 新赋鸡林邁近诗气纏霜匣满水置玉壶多 紫诰鸾回纸清朝燕贺人笔落惊风雨诗成泣鬼神龙舟移棹晚兽锦夺袍新【并杜甫】无波古井水有节秋竹竿【乐天】直如朱丝弦清如玉壶冰【文选】劔防明山雪旌旗湿海云【惠

崇】清秋一鶚上拭目万人看【陈无己】

吉兆

白鹿夹轂郑洪为淮陰守有白鹿夹轂而行洪怪问主簿黄国国贺曰闻三公车幡画作鹿明府当作宰相【后汉】合两舟升天刘穆之梦合两舟为船施华盖升天有一姥説之曰君必居端右言讫不见后至仆射【异苑】

梦捧日唐杨炎梦登山视日光赫然以左右手捧之后登相位【宣室志】

双旌烛影唐淮西用兵刘沔为小将军头每捉生踏仗因月黑风甚沔行十余里因坐睡有人觉之授以双烛曰君方大贵但存心此烛在即无忧也沔后拜将常见烛影在双旌上【酉阳杂俎】

两炬前引段文昌尝佐韦臯为成都馆驿巡官摄灵池尉羸僮劣马奔迫去灵池六七里昏黑路絶人行忽两炬前引更呼曰太尉来及入郭门两炬皆灭文昌后作丞相封邹平公【録异记】

飞蝉集冠朱异除中书郎时秋日始拜有飞蝉正集异武冠侍谓蝉貂之兆后至散骑常侍又迁侍中

梦锦半臂唐窦参为御史中丞梦德宗以文锦半臂赐之参曰半臂股肱之衣其遂登此位后数日果大拜【出烟花録】

梦赐褥席梁刘世隆为大将军子庆逵亦为征虏将军子津嗣庆逵尝谓津曰昔吾梦太尉以褥席见赐吾遂典台司今吾又梦以褥赐女女必光我宗至是庆逵亦继世隆焉【南史】

柳神九列君唐李固言未第时尝行古柳下闻指声问之应曰吾柳神九列君也用柳汁染子衣科第无疑得蓝袍当以枣糕祀我固言许之未久状元及第【三峯集】梦取中稷未蔡茂为广汉守梦坐大殿极上有三穗禾茂取之得中稷复失之以问郭贺贺庆曰大殿者官府之象也极而有禾人臣之上也得取中穗是中台之位也于字禾失为秩虽曰失之乃所以得禄也袞职有阙君其补之旬日代戴涉为司徒【本 】

虾蟆天使唐李揆未相时夜见一大虾蟆占之曰虾蟆天使也吉兆也未几拜相【宣室志】

樵得貂蝉江淹孤贫采薪以养其母于樵所得貂蝉一具母曰此汝之休徵也汝才行若此岂长贫贱可留待得侍中着之后迁中丞【南史本 】

芦三节唐李全忠为棣州司马有芦生其室一尺三节别驾张建曰芦茅类茅土之兆也 节

者其三世乎果如其言【鸡跖集】

三卢慕容竇与韩黄李根等擣菹竇誓之曰擣菹有神若富贵可期愿得三卢于是三擣皆卢袒跣大叫【杜诗注】梦八翼上天陶侃少时梦生八翼飞而上天见天门九重而登其八惟一门不得入闾者以杖击之坠地折其左翼后果都督八州握强兵潜有窥窬思折翼之祥乃止【本 】

旌节花开唐王侍中处回一旦有道士防花子二粒种之逡巡花渐长渐开已乃烂然道士曰此仙家旌节花也公当富贵之兆处回官至太傅【野人门话】

堂柱生槐韩偓字龙光家堂柱生槐枝葇而茂既而偓秉政本

鹄入懷得铜钩张氏世为功曹晨起当朝有鹄从承尘上飞下欲取飞上者三功曹朝还正坐曰鹄为我祸耶当往承尘上为福耶入我懷中鹄飞入懷探得铜钩因以带之官至数郡子孙或至九卿三辅故事云何氏防张氏钩张氏肥何氏瘦肥贵瘦贱故二族以钩防占吉凶以肥瘦知贵贱今并失钩防南北防矣【并职官分纪】镜影成相字宋璟未第时日中览镜镜影忽成相字璟因此自负后果如志【职林】

头上焰光江淮间有术者姓吴术甚精有赴宏词者谒之吴曰公是何人头上有焰光高一丈其人对以实曰必高第【唐宋史】

沟起为岸殷仲堪游于江濱见流棺接而 焉旬日门前沟忽起为岸其夕有通名自称徐伯感君之惠仲堪因问门前之岸何祥对曰水中有岸其名为洲君将为州言终而没后果为荊州刺史【本 】

十倍售畚王猛少贫鬻畚为事尝至洛阳有人置畚曰家在此可随取直随至深山中见一老翁坐胡牀从十许人引猛进曰大司马公可进猛拜翁曰王公何緣拜即十倍售畚送出山头视乃嵩山【晋中兴书】

三遇异人李德裕自言三遇异人故入禁苑居相位领节制皆与之協不差歲月惟谪南荒未尝有知之岂祸患不可移神所秘耶【职官分纪】

蛻龙五代侯 实十三四歲尝寐于檐下天大雨有虹自河贯于 实口良久没及觉母问有梦否对曰适梦入河饮水饱足而归数月有僧诣门母呼 实请僧相之僧视之曰此蛻龙也官必显荣同光三年 实从兴圣太子收蜀节制防州【监戒錄】

虎取 去韩祭张员外仆来告言虎入廐处无敢惊逐以我 去君云是物不骏于乘虎取而往来資其微我预在此与君俱膺猛兽果信恶禱而遷【 驴子也 不骏去之则亨虎取而去疑其亨也故来寅望征猛兽果信者虎取 果亨遂有府椽之命不待禱而有遷也韩退之

集】江渎庙知宰相来文潞公少从其父赴蜀州幕官入江渎庙庙祝接之甚勤且言夜梦神令洒扫明日有宰相来官人岂异日宰相乎公笑曰宰相非所望若为成都当令庙室一新庆厯中公以枢密直学士知益州谒庙有感方经营忽有大木数千章蔽流而下取以为材庙成【邵氏錄】

左顾 晋孔愉放 于余干溪中 左顾后有功封余干亭长及铸印 左顾更铸犹然愉悟佩之【本】

检书苍头本朝石元懿熙载游嵩阳道中遇一叟熟视之曰真太平良弼也吾防为唐相房龄检书苍头公酷似房公语讫即防太宗朝石为左仆射【谈苑】

梦神授大小二笔五代马裔孙初为河中从事因赴阙宿逻店其池上有逻神祠夜梦神人授二笔一小一大为翰林学士洎为相入中书治事吏奉二笔大小如梦者

掷柱入穿刘穆之迁丹阳尹与弟子饮宴防事柱上有一穿穆之谓弟子曰汝等试遥掷此柱若能入穿后必得此郡穆之诸子并不能中惟秀之独入焉【并职官分纪】门路令容长防旗幡晋王濬字士治恢廓有大志尝起宅开门前路广数十步曰吾欲使容长防旗幡众咸笑之后果以平吴功仕至大将军

玉龙池郑獬未贵时病瘟梦至一处若宫阙有吏迎谒甚恭公谓吏曰吾思凉浴吏云已为公办矣引至小池甃以明玉水滟滟公乃坐甃上以水沃身俄视两臂生鳞视水中影则头已角公惊遽出吏云此玉龙池也惜乎公不入其中入则为宰辅乃觉后登第为诗落句云霹雳一声从地起到头身是白龙翁【青 郑獬】

紫微二字王钦若昔年行莆田道中宿于村舍起视天中有赤文成紫防二字光耀夺目后贵显每设坛礼神必朱篆紫防二字以表焉【青箱杂记】

音声木都堂有古槐夜闻丝竹之音省中必有相者时号音声木【因话錄】

锦绣万花谷前集卷二十三

卷二十四

<子部,类书类,锦绣万花谷

钦定四库全书

锦绣万花谷前集卷二十四

贵

东京贵莫比邓禹自中兴后累世宠贵侯者二十九人公二人大将军以下十三人中二千石十四人牧守四十八人皇后二人东京贵莫比

七叶珥貂汉功臣惟金张二家亲近贵宠比于外戚左思诗云金张借旧业七叶珥貂蝉【文选】

五侯汉成同日封舅五人谭商根立逢时为侯世谓之五侯【元后传】

八居九列四登三事刘宠自防稽太守罢归八居九列四登三事

三世仆射唐高士廉迁右仆射三世居此官人荣之【本传】持橐簪笔张安世持橐簪笔事孝武数十年【注】近臣负橐簪笔从备顾问或有所记也【赵充国传】

击钟鼎食张柬之谓宿卫将李多祚曰将军居北门防何曰三十年矣将军击钟鼎食贵重当世非先帝恩乎曰死且不忘【多祚】

流水游龙后汉显宗马皇后诏曰前跃龙门上见外家问安起居者车如流水马如游龙【皇后记】

芝盖桂室北齐邢子才广平王碑文云侍讲金华参游铜雀出陪芝盖入奉桂室【分纪】

印累累绶若若汉石显与中书仆射牢梁少府五鹿充宗为党附者得位民歌之曰牢邪石邪五鹿客耶印何累累绶何若若耶若若长貌【石显传】

佩六国相印苏秦曰使我有洛阳负郭田二顷岂能佩六国相印乎

树旗旄罗弓矢韩退之送李愿归盘谷序云其在外则树旗旄罗弓矢武夫前呵从者塞途供

给之人各执其物夹道而疾驱才俊满前道古今而誉盛德入耳而不繁其在内则曲眉丰颊清声而便体秀外而慧中飘轻裾翳长袖粉白黛绿者列屋而闲居妬宠而负恃争妍而取怜丈夫之遇知者之为也

组之华齐孔稚圭为王敬则让司空表云遂得北带五州东跨六郡内亚二鼎外齐四岳蝉佩之映则左右交辉 组之华则纵横吐耀轻轮徐送则车骑如云飞盖暂停则歌钟成列攬金龙吹郁其前鸣笳凤管叠其后

东省南宫王绩云左貂右蝉荣冠东省掌壶负玺望重南宫朝夕丹墀揖让增价往来青 步武生光丰屋华棖鸣钟列鼎【文粹】

紫霄栖月梁书庾肩吾武陵王拜仪同三司章曰臣宅庆紫霄聯依皇极地均栖月既无迹以成高仕若乘风故不行而自远

丰貂步文昌梁何敬容为尚书令以罪免复起谢郁致书戒之曰昔君侯纳言加首鸣玉在腰回丰貂以步文昌耸高蝉以超武帐

八貂唐显庆中置散骑常侍二人始有左右之名并金蝉珥貂左常侍与之八貂【并分纪】

五鼎成列王维张公碑云重组累印珥香貂乘朱轮胜衣则绮襦纨袴通籍则玉 青墀动则两骖如舞坐则五鼎成列【文粹】

鸣珂里张嘉贞为相嘉祐任金吾昆弟每朝轩盖驺导盈间巷世号所居曰鸣珂里【嘉祐传】

膏梁华腴唐柳芳氏族论曰三世有三公曰膏梁有令仆曰华腴

貂拂帝手宋文帝元嘉中王嘉王昙首并为侍中与帝接膝共语貂拂帝手拔貂置案上语毕复插之【分纪】狗尾续貂晋赵王伦既篡位虽奴卒厮役亦加爵位每朝防貂蝉盈坐时人语曰貂不足狗尾续

陈省华三子列侍谏议大夫陈省华华蜀人三子尧叟尧佐尧咨皆登进士而伯仲为天下第一晚年与燕国夫人冯氏俱康宁长子尧叟知枢密院次子直史馆少子知制诰每对客三子列侍客不自安省华曰学生侍立常也士大夫以为荣【渑水燕谈】

三参政二侍郎燕山窦禹钧五子仪俨偁□僖皆及第冯道赠之诗曰灵椿一株老丹桂五枝芳窦为尚书每对客即三参政一侍郎一起居皆侍焉天下荣之【剧谈录】一門二相六內翰本朝吕蒙正夷简一門二相二十年居政府又文靖公子公弼公着公亮公儒俱为內翰长有名德又贾黄中昌朝一門二相【青 集】

三十二拜相本朝王溥二十六歲状元及第六年拜相年三十二罢相归班时四十二在具庆下其父见客公以前宰相侍侧无惰容客不安席引去甚众【退朝錄】王韩二族为盛初翰林学士彭乘不训子弟范宗翰上啓责之曰王氏之琪珪玕璫器尽璠璵韩氏之综绉纈维才皆经纬非防而得由学而然谓王氏皆以玉为名故云今天下衣冠子弟取高科者王韩二族为盛【国史】重金叠盖重金谓金带上垂金鱼叠盖谓重戴【退朝錄】国初两制出入皆重戴【归田錄】

富

三致千金范蠡善治生十九年三致千金【史记货殖传】载金一舸唐冯盎豪侠入朝载金一舸自随

歲俸二十四万缗郭子仪歲入官俸无虑二十四万缗良田美器名园甲馆不可胜纪

牙筹王戎田园水碓周遍天下自执牙筹昼夜算计而俭嗇不自奉养天下人谓之膏肓之疾有好李卖恐人得种鑽其核以此获讥【并本传】

钱愚梁武帝弟萧宏钱百万一聚黄榜标之千万一库挂一紫标如此三十余间武帝见之计钱三亿余万武帝少子综作钱愚论讥之【南史】

钱癖和峤富拟王者人谓之钱癖

地癖唐李愷善殖产伊州有膏腴自都至關口田畴弥望谓地癖

铜臭后汉桓帝时鸿都卖官崔烈用钱五百万为三公谓其子曰我为三公议者以为如何子对曰众嫌大人铜臭守钱虏马援云凡殖财贵能赈施否则守钱虏耳多田翁卢从愿为刑部尚书占良田数百顷 宗薄之欲以为用者屡矣卒以是止时号多田翁【并本 传】

张车子钱周驎贫夜耕困卧梦天公过而哀之勅外有以与司録案籍此人相贫限不过此惟有张车子钱千万车子未生请以借之天公曰善【干寶搜神记】

李窟郎崔昭生崔芸李兼生窟郎堆钱一百屋破散何披猖今虽未即死饥冻防欲僵【杜牧诗】

以富死狱陈子昂父世高赀子昂解官归县令段简贪暴闻其富欲害之子昂家人纳钱二十万缗简薄其赂捕送狱中子昂见捕自筮卦成惊曰天命不祐吾殆死乎果死狱中

钱声如牛五代袁象先子正辞积钱盈室室中常有声如牛以为妖劝其散以禳之正辞曰吾闻物之有声者求其类耳宜益以钱闻者以为笑【并本传】

黄金多汉高祖赐陈平黄金四万斤以间楚梁孝王未死时府库黄金四十余万斤王莽败时省中三十万斤遗匿者尚十许【汉书】

坞中金二三万董卓筑郿坞高与长安城埒积谷为三十年储云事成雄据天下不成守此足以毕老及卓死坞中金二三万银八九万奇玩杂物山崇阜积不可知数【魏志】

奢

肉擡拌肉屏风唐宰相杨国忠家富凡有賓客设酒则不设擡拌令妓女各执其事号曰肉擡拌又冬月则令妓女围之号肉屏风

香闻数十里杨贵妃得宠兄钁錡国忠诸姨五家第舍聯亘治锦绣琢金玉者大抵千人变化若神仙每帝幸华清宫五家队合炯若万花川谷成锦绣遗钿堕舄瑟瑟珠翠狼籍于道香闻数十里

乌羽泽米韦陟逍遥公后性奢纵侍儿列左右常数十穷治饌羞以乌羽泽米每食厨中所弃犹不减万钱以五采牋为书使侍婢裁荅授意而已【并本传】

玉钗直七十万钱王涯居右位窦氏女归请玉工货钗钱七十万王曰七十万钱岂于汝惜但钗直若此乃妖物也祸必随之后钗为外郎冯球妻首饰冯为贾餗门人贾有奴颇横冯爱贾召奴责之未几冯晨谒贾贾未出有二青衣赍银罌曰公恐君寒奉地黄酒三杯冯悦尽饮之俄暴卒贾叹惜不知其由【柳玭】

厕有纹帐綈縠刘寔以贫俭素尝诣石崇家如厕见有纹帐綈縠甚丽内婢持香囊寔退走谓崇曰误入卿内崇曰厕耳【崇】

韭萍虀石崇为客作豆粥咄嗟而办每冬得韭萍虀常以此为恨

奢俭不同寇準知邓州自少年富贵不防灯尤好夜宴剧欲虽寢室亦燃烛达旦每罢官去后人至官舍见厕溷间烛泪在地往往成堆杜祈公为人清俭在官未尝燃烛油灯一炷荧然若防与客相对清谈而已二公皆为名臣而奢俭不同如此祈公壽考终吉萊公晚年有南迁之祸遂歿不返虽不幸亦为可戒也【归田錄】

诗君家稻田冠西蜀 玉 珠三万斛寒江流木起书楼碧瓦朱栏照幽谷倾家取乐不论命散尽黄金如转烛惟余旧书一百车方舟载入荆江读【坡诗】

知遇

猎见太公太公姓姜字子牙行年八十不遇于渭水之濱垂钓周文王出猎前期卜之曰所猎

获之物非熊非罴非虎非貔乃帝王之师文王至渭水见太公因与之语见其贤乃与同载而归以父礼师之伐纣之策遂有天下【史记】

挂天邢君牙唐邢君牙为陇右节度使有进士张汾不待賓司引报直入见君牙君牙方怒宴设司欠钱汾起曰汾在京师每闻京西有邢君牙上挂天下挂地今日于汾前与设吏论钱君牙甚忤更与汾相亲赠五百缣【干子】

堕甑孟敏客居太原甑堕地不顾而去郭林宗见而问其意对曰甑已破矣视之何益林宗异之因劝令学十年知名【林宗】

解骖齐越石父贤在縲紲中晏子遇之途解左骖赎之载与归石父曰君子屈于不知己而申于知己【史记】倒屣蔡邕竒王粲闻粲至倒屣迎之既至容貌短小一坐尽惊曰此王生也有异才吾家书文尽当与之【魏志】拥篲邹衍如燕昭王拥篲前驱筑碣石之宫亲师之【史记】堂下一言叔向适郑蔑心欲观叔向从使之收器者而往立于堂下一言而善叔向闻之曰必礪蔑也下执其手以上曰子若无言吾几失子矣遂如故知【左】說项斯杨敬赠项斯诗云防度见君诗尽好及观标格过于诗平生不解藏人善到处逢人说项斯

蜀道难李白自蜀来京师以所业谒贺知章览蜀道难一篇曰子谪仙人也因荐之上【本】

崆峒叟元昊叛时關中士人姚嗣宗写二诗于驿壁云踏破贺兰石扫清西海尘布衣能効死可惜作穷人百越干戈未息肩九原金鼓又轰天崆峒山叟笑不语静聽松风白日眠韩忠献竒之遂奏补【分纪】

长安客有一庸生持一诗谒杜祁公曰昨夜云中羽檄来案兵谁解埽氛埃长安有客面如鐵为报君王早筑台祁公亦异之奏补一尉胷中无物未几贬去【湘山野錄】文富二公皆出吕氏门富郑公之父甚贫客吕文穆公蒙正门下一日白公曰有儿子十歲许欲令入书院事廷评大祝公许之其子韩公也文穆公见之惊曰此儿他日名位与吾相似亟令供给甚厚后郑公两入相及文靖公夷简亦知人文潞公自兖州通判代归文靖一见竒之问潞公曰有兖州墨否防以来明日潞公进墨文靖熟视久之欲相潞公手也荐为从官出将入相五十年文富二公皆出吕氏之门

韩欧张三公知老苏自雷简夫始老苏先生里居时雷简夫为雅州独知之以书荐之韩忠献张文定欧文忠三公皆有味其言也三公自简夫始知先生简夫长安人以遗才命官其文亦竒上韩忠献书云不获搢版约袂疾指读洵文于几格间以豁公之視聽也上张文定书苏洵乃天下之竒才今人欲糜珠蠶芝躬执匕筯饫其腹中恐他饋伤上欧文忠书必若知洵不以告人则简夫为有罪

国士无如富弼富韩公初游场屋穆修伯长谓曰进士不足以尽子之才当以大科鸣也果礼

部试下西归次陝范文正公尹开封遣人追公曰有防以大科取士可亟还公见文正辞以未尝为此学文正曰已同诸公荐君矣久为开辟一室皆大科文字可往就馆时晏元献公为相求婚于文正文正曰公之女若嫁官人某不敢知必欲求国士无如富弼者元献一见大爱之遂议婚公亦继以贤良登第【并闻见録】

请不税农器吕夷简通判濱州王文公问王沂公曾曰君识吕夷简否曰不识也他日又问如初沂公以其所问对文正曰此人他日与舍人对秉钧轴沂公曰何以知之曰吾亦不识之但以奏请得之如不税农器等数事也后卒与沂公并相【龙川志】

简重贵相薛简肃公奎知开封府参知政事明镐为推官奎待之甚厚以公辅奇之有问何以知其必贵公曰为人端肃言简而理尽凡简重则尊严此贵臣相也其后果至参政【归田録】

范蜀公廊庙人薛简肃公知成都府范蜀公方为举子一见爱之馆于府第每曰范君廊庙人也公益自谦乘小驷至铜壶阁下步行趋府门逾年人不知其帅客也简肃公还朝载蜀公以去或问自成都府得何奇物曰吾得一伟人耳后为贤从官【闻见録】

贵人识贵人吕夷简为布衣时马尚书亮一见知其必贵以女妻之马公知江宁府陈恭公执策经过马接之曰寺丞他日必至宰相曾諫议致尧一日大李侍郎虚已坐上见元献晏公曰奉礼他日贵甚吕许公夷简为相文潞公进谒许公改容接之曰太博过于我位贵人识贵人【笔谈】

不遇

郎潜三叶不遇汉武帝至郎署见一老郎眉毛皓白问何为郎对曰臣姓顔名驷以文帝时为郎文帝好文而臣好武景帝好老臣尚少陛下好少臣已老是以三叶不遇上感其言擢为防稽都尉【本】 庞眉而郎潜兮【张衡赋】 孟浩然唐孟浩然与王维善私邀入内院而宗至浩然匿牀下维以实对帝喜曰朕闻其人而未见也浩然出帝问其诗自诵所为至不才明主弃之句帝曰卿不求仕而朕未尝弃卿奈何诬我命放还山

崔颢崔颢有文李邕闻其名虚舍邀之颢至献诗首曰十五嫁王昌邕叱曰小儿无礼不与接而去【并本】 穷猿投林晋李充家贫求出外除剡县令语人曰穷猿投林岂暇择木

贫贱

簞食瓢饮一簞食一瓢饮在陋巷人不堪其忧【论语】 孔子谓顔渊曰家贫居卑胡不仕乎对曰回有郭外之田五十畝足以为桑麻鼓琴足以自娱夫子之道足以自乐不愿仕也

户桑枢原宪居鲁环堵之室茨以生草蓬户不完桑以为枢而瓮牖二室上漏下湿匡坐而

子贡乘大马中绀而表素往见宪宪华冠纒履杖藜而应门子贡曰嘻先生何为病宪对曰闻之无财谓之贫学而不能行谓之病今宪贫也非病也子贡有愧色【并庄子】

葭墙艾蓆梁书安城康王秀 云或葭墙艾蓆乐在其中矣

绳枢瓮牖贾谊过秦论云绳枢瓮牖之子材能不及中庸

斗升之水庄子家贫往贷粟监河侯监河侯曰诺我将得邑金贷子三百金可乎周忿然作色曰周昨来中道有呼者顾视车辙中有鲋鱼焉问之对曰我东海之波臣也君岂有斗升之水而活我哉周曰诺我将南游吴越激西江之水而迎子可乎鲋鱼忿然作色曰吾得斗升之水活耳君乃言此曾不如索我于枯鱼之肆【庄子外物篇】数滴之泉于頓镇襄阳郑大穆以书投之曰分千树一叶之影即是陰浓減四海数滴之泉即为膏泽于公依索数半与之【云溪友议】

门多长者车张负随陈平至其家家乃负郭穷巷以蓆为门然门多长者车辙

门外可设雀罗下邳擢公为廷尉賓客填门及废门外可设雀罗后复为廷尉客欲往翟公大书其门曰一死一生乃知交情一贫一贱交情乃见一富一贵乃知交态【汉郑当时传】冷官门外可张罗【坡次杨褒诗】

贫无锥滹山香严颂曰去年贫未是贫今年贫始是贫去年贫尚有卓锥之地今年贫锥地也无卓【 灯录】肘见踵决曾子在卫緼袍无表正冠而纓絕捉襟而肘见纳履而踵决【庄子】

短衣不掩胫长镵长镵白木柄我生托子以为命黄精无苗山雪盛短衣数挽不掩胫此时与子空归来男呻女吟四壁静【老杜诗】

车如鸡栖朱震字伯厚谚曰车如鸡栖马如狗疾恶如风朱伯厚【陈蕃 】

白社衣百结董京在洛汤隱居白社以残絮缕帛为衣号百结衣【逸士 】

防诗见张韩贾岛初见韩退之及张籍有云袖有新成诗欲见老张韩

脱羊裘高恭之曰生当夕脱羊裘朝佩珠玉【后魏】

防榔消酒刘穆之世贫往妻兄江氏乞食食毕求防榔江氏戏曰防榔消食君尝饥何须此后为丹阳尹乃以金盘贮防榔一斛以进妻兄【南史】不索防榔常晏食【山谷】蓬蒿偈人张仲蔚平陵人所居蓬蒿偈人【三辅决录】仲蔚爱穷居绕宅生蓬蒿【陶渊明诗】

贫贱骄人魏文侯师田子方太子击逢之引车下谒子方不为礼击因问曰富贵者骄人乎贫贱者骄人乎曰亦贫贱者骄人耳诸侯骄人失其国大夫骄人失其家贫贱者行不合则去之楚越如脱屣【史记】

富不如贫向子平读易至损卦喟然叹曰吾已知贵不如贱富不知贫未知死何如生耳【后本】

鬼笑刘伯龙贫窶尤甚常营什一之利忽见一鬼在傍大笑伯龙曰贫困固有命乃为鬼所笑【南史】

儿号寒冬暖而儿号寒年登而妻啼饥头童齿豁竟死何裨【韩文公进学解】

晚食当肉齐王蠋与齐王游食必太牢出必乘车妻子衣服丽都蠋辞曰玉生于山制璞则破焉土生于野推选则禄焉然而璞不完形神不全蠋愿得归晚食当肉安步当车无罪以当富贵蠋可谓安于贫者也未饥而食虽八珍犹草木也使草木如八珍唯晚食为然【东坡志林】舌耕贾逵通经门徒来学献粟盈仓或云逵非力耕乃舌耕【拾遗记】

砚城墨甲水砚者城池也笔者乃稍也墨者甲兵也心意者将帅也【墨诀书数】

笔耕舌织唐王勃能文请者金帛盈积人谓勃舌织而衣笔耕而食【张着盛事】

食蓼少年辛苦如食蓼老境清甜如啖蔗【坡诗】何异食蓼甘不知是荼苦【乐天】

抱添丁防花玉川先生真可怜一生酖酒无一钱病过春风九十日独抱添丁防花发【坡诗注】数日不食行可忍索我抱看满树花【卢仝示添丁】

借车借车载家具家具少于车乃是全无一物【孟郊移居诗】食破砚我生无田食破砚还来砚枯磨不出【坡诗】

处穷药方东坡云吾闻战国中有一方吾服之甚效其药有四味一曰无事以当贵二曰早寝以当富三曰安步以当车四曰晚食以当肉若此则可谓善处穷矣拆海图牀前两小女补绽才过膝海图拆波涛旧绣移曲折天吴与紫凤颠倒在短褐【杜诗】

藁席张晨为京兆功曹冬月无被惟有禾藁一束暮铺盖卧旦则收之

孙叔敖子贫问优孟楚孙叔敖病且死属其子曰我死汝必贫可往见优孟居数年贫困负薪逢优孟与曰我孙叔敖之子也父死属我见优孟孟曰若无远游有所之即为孙叔敖衣冠抵掌谈笑为敖像楚王与左右不能别也以为孙叔敖复生欲以为相优孟请归与妇计三日来王曰妇言谓何孟曰楚相不足为也如孙叔敖之相楚得以霸今死其子无立锥之地贫困负

薪必如孙叔敖不如自杀楚王于是召叔敖子封之寝丘四百户以奉其祀【史记】

穷巷扫轨汉陈平家乃负郭穷巷杜门扫轨然门外多有长者车辙

无友之叹东坡谪居海外与程夫侔书云此间食无肉病无药屋无居出无友

冰蘖声王文正公侄王质在相门弗骄弗华以贫为寔文正为舍人时家甚虚尝贷金以贍昆弟过期不入辍所乘马偿之公得其券示家人曰此前人清风吾当不坠又得颜鲁公为尚书时乞米墨帖刻石遗亲友间其雅尚如此故所至有冰蘖声【墓志】

范文正补孙明复学职范文正公在睢阳掌学有孙秀才上谒文正赠钱十千明日复谒又赠十千问何汲汲于道路曰老母无以养若日得百钱则甘防足矣公曰吾观子才非凡客也一年仆仆所得几何而废学吾今补子学职月得三千以供养子安于学乎孙生大喜于是授以春秋文正去睢阳孙亦辞归后十年闻太山有孙明复先生道德高迈朝廷召至太学乃昔日索游孙秀才文正叹曰贫之为累大矣傥索游至老则虽人材如孙明复犹将汨没也【东轩笔录】

早晚啗粥四块范希文修学时最贫在长白山僧舍煮粟米二升作粥一器经宿遂凝以刀划为四块早晚取二块断齏数十茎醃汁半盂入少盐暖而啗之如此者三年【湘山野录】

割鹭股我无置锥君立壁春黍作糜甘胜密割白鹭股何足难食鸬鹚肉未为失【后山诗】

夷白南史李滂谓古人安贫清白曰夷涅而不缁曰白【本 】

诗李髯家徒四立壁未尝一饭曾留客春寒茅屋交相风傍墙扃虱读书防老妻甘贫能养姑宁剪髻鬢不典书大儿得馐不得鱼小儿得襌不索 未论功活人饱活不尝得妻寒尚賔敬儿饿犹笔墨平生贷米家十辈来薄责囊无孔方兄面有陈蔡色君不见公车待诏老诙谐饥来索米长安街君不见杜陵白头在同谷夜提长镵掘黄独文人古来例寒饿安得野蚕成茧天雨粟【并山谷】君不如屈大夫夕飧但秋菊又不如颜平原米尽且食粥痴人要赢余椒有八百斛钱有一百屋【吕本中】身在秋湖天一角岭猿洲鴈亦相哀他时相见柯山下土锉芳薪煮芋魁【卢防】本卖文为活翻令室倒悬荆扉深蔓草土挫冷疎烟

不防井晨冻无衣牀夜寒囊空恐羞澁留得一钱看北里富薰天高楼夜吹笛焉知南邻客九月犹絺绤【并老杜】病多谙药性年长信人愁萤影竹窗下松声茅屋头盘飧市远无兼味樽酒家贫只旧醕肯与邻翁相对饮隔篱呼取尽余杯【并于鹄】多病吴中一腐儒新来鈇水照髭胡扫地静怜黄吻婢鸡卖遣白头奴【卢防】无地可耕归不得有恩堪报死何难流年怕老相将去百计求安未得安【褚载】到来难遣去难留着骨粘心万事休潘岳愁丝生鬓里婕妤悲色上眉头长途计尽空骑马远鴈声初独倚楼更有相思不相见酒醒灯背月如钩【李延壁愁诗】多才久被天公怪阙食惟应防妇知杜叟挽衣那及胫颜公食粥敢言炊【坡和柳子玉诗】借车载家具家具少于车鬓边虽有丝不堪织寒衣【孟郊朝饥诗】

卧闻东牀琴冻折两三弦其不止忍饥而已寒不可忍也【欧公诗话】脱使端能去穷鬼自量无以致钱神【唐子西】烟村旧业牵归梦雪屋孤灯照病身【王禹偁】僧态盘飧虽笋味道情栏槛只松花【魏野】千里故园魂梦里百年生事寂寥中【子由】暗天欲照盆无水贫女如花镜不知【施肩吾】穷巷悄然车马絶案头干死读书萤【老杜】旧屋但余烧药灶破囊犹欠买山钱【卢防】髯奴便了能沽酒稚子添丁解灌畦【李彭】建邺江山千里远长安风雪一家寒【胡恢】老妻稻下收遗 稚子松间拾堕樵【荆公】雨荒春圃惟生草雪压朝厨未有烟【乐天】傍暖旋烧红落叶觉寒犹着旧生衣【王建】车如鸡栖马如狗闭门常多出门少【山谷】愁从竹叶杯中去老向菱花鉴里来【赵循道】一夜不眠孤客耳主人门外有芭蕉【戎昱】儿馁嗔郎罢妻寒怨藁砧【唐子西】万事不挂眼四愁犹有诗【山谷】瓦池研灶煤苇管书柿叶【东坡】乌几重重缚鹑衣寸寸针【老杜】朝食不盈肠冬衣才掩体【韩愈】长喜诗无病不忧家更贫【潘阆】贫教谋事拙病使出言忧【陶侃】每因多事日减却少年心为农山涧曲卧病海云边【杜甫】醉中惊老去笑里觉愁来【包佶】瘦肌寒带粟病眼馁生花【裴説】冷髮不长黑贫交无久情【杜荀鹤】老觉僧斋健贫还药债迟【姚合】春非孤客事花在五侯门【薛能】眼昏书字大耳重觉声高【张洎】孟郊天地窄杨朱岐路多【石曼卿】竹斋烧药灶花璵读书牀

锦绣万花谷前集卷二十四

卷二十五

钦定四库全书

锦绣万花谷前集卷二十五

隱逸

四皓秦夏黄公綺里季甬里先生东园公避秦隱商山行歌紫芝曲汉高祖累聘不至后用张良计乃出随太子朝太子乃定

九老白居易与胡杲吉叟郑据刘真张浑狄兼謨卢贞燕集皆高年不仕者人慕之绘为九老图【本 】

白莲社刘遗民雷次宗依庐山遠师乃于精舍无量壽像前建斋立社共期西方庐阜记遠师结白莲社以书招陶渊明陶曰弟子性嗜酒若许饮即往遠许之遂造焉陶攢眉而去

支牀有 坐帐无鹤支牀有 一寸二寸之鱼三竿两竿之竹名为野人之家是谓愚公之谷【庾信小园赋】

买山钱符山人投襄阳于頔乞买山钱公与之仍加衣服【云溪友议】

山资已足王秀之为晋平太守朞年便求去曰山资已足岂可久留以妨贤路【南史】

膏肓痼疾唐田游岩隱许由祠傍号由东隣高宗幸嵩亲至其门曰先生此佳否对曰臣所谓泉石膏肓烟霞痼疾者【隱逸传】

能言鬪鸭陆 蒙有鬪鸭一栏极驯一旦驿使挟弹毙其尤者 蒙曰此鸭善人言见欲上进奈何毙之使惧尽与囊中金徐问人语之状 蒙曰能自呼其名也驾飞鸿山谷观卢鸿图云黄尘逆防马辟易归来下帘卧书空不知绣鞍万人立何如卢郎驾飞鸿卢隱士驾飞鸿归隱也

浪士漫郎元结作自释曰少避乱入猗玗洞称猗玗子后家瀼瀼乃称浪士及有官人以为浪者亦漫为官乎呼为漫郎漫郎既客樊上漫遂显左右少长相戏更曰聲叟彼谓以聲者为其不相从聽不相钩加带箬簪而尽船独聲牙而挥车酒徒得此又曰公之漫其终犹聲乎脱朝服辞官陶 景为诸王侍读家贫求县宰不遂永明十年脱朝服挂神武门上表辞官诏许之【南史】

角巾东洛薛平除散骑常侍年老致仕角巾东洛多幸老民宋琪拜右仆射被病作多幸老民叙以见志北山南山后法真隱处太守欲以功曹相屈法真曰若欲使之真将在北山之北南山之南【本 】

池中龙种庞德公字子鱼晋太康中弃官居南白沙里人皆敬之曰池中龙种来我家【襄阳耆旧 】

兰菊丛生罗含歷散骑常侍老年致仕还家阶庭兰菊丛生

理圃布真珠为乐南唐近事陈继善自江宁尹致仕一旦荷鉏理山圃成畦布以真珠百余颗若种蔬状布土间记颗俯拾周而复始以为乐

三笑图遠法师送陶元亮陆修静不觉过虎溪因相与大笑今世 三笑图是也【庐山记】

辋川別墅王维有別墅在辋川地奇胜有华子冈欽湖竹里馆柳浪茱萸泝辛夷坞与裴迪游其中赋诗为乐靖长官张师旦括异志靖长官真定人登第一旦弃妻子不归洛下斬裘者尝于其家设一帷榻甚洁詢其故曰以待靖长官今隱嵩山间歲或一至或再至曾慥集仙 谓唐僖宗时为登封令弃官学道遂升仙东坡云刘几尝遇于嵩高山中【坡诗注】

头颅可知陶洪景与从弟书曰昔仕宦期四十左右作尚书郎即投簪高迈今三十六方作奉朝请头颅可知不如早去【摭遗】

笋味胜中堂骨邵尧夫一日谓富郑公食笋味甚美公曰未如中堂骨头之美也尧夫曰野人食笋三十年未尝为所辱今日可食中堂骨头乎【闻见錄】

花外小车司马温公居洛与邵康节游一日防崇德阁约邵未至有诗曰淡日浓云合复开碧伊清洛遠萦回林间高阁望已久花外小车犹未来尧夫和云君家梁上午时燕过社今年尚未回请罪误君凝伫久万花深处小车来

钟鸣漏尽魏田豫书答司马宣王曰年过七十而居位譬犹钟鸣漏尽而夜行不休也【魏志 】

诗白头不是折脚具桐防防鞋称老夫沧江鸥鸟野心性陰壑虎豹雄牙须鸛鵲作裘初服在猩血染带邻翁无儿无饱饭尚勤书妇无复裤且着 社瓮可漉溪可渔且问黄鸡肥与臞【黄诗】处士骨相不封侯卜居但得林塘幽家藏玉唾防千卷手校韦编三十秋相知四海孰青眼高卧一庵今白头襄阳耆旧节独苦只得庞公不入州【温叟谢无逸诗】投绂归来万事轻消磨未尽只风情旧因莼菜求长假新为杨枝作短行不祷自安緣壽骨苦藏难没是诗名浅斟低唱红生颊细琢歌词穩称声蜗殼卜居心自放蝇头写字眼能明跪履数从圯上老逸书闲访济南生【东坡】夜踏华阳三径小晓耕秋色一犁深庭园纵窄犹栽药活计虽贫

亦买琴【王禹偁】稚子新能编笋笠山妻旧解补荷衣秋山隔岸清猿叫湖水当门白鸟飞
【陈羽】杖屦独游栽药圃琴樽多在钓鱼船晚来花下敲门者不是神仙即酒仙【僧楚峦】
玉函怪牒锁云篆紫洞香风吹碧桃三山朝去应非久姹女当窗织羽袍【杜牧】一榻琴
书双门寺片心泉石两林山江楼把酒云供望秋院支筇鹤对闲【陈尧叟】碁声敲月重履
齿印苔深竹径茶烟细山园碧树阴【韩持国】种竹五七个结茅三两间稍通溪上路不碍
屋头山黄叶水去住白云风往还生涯只此是道者少机关【王珪】鸟归村落后水向县城
斜【刘长卿】门掩少人至春残啼鸟多苔钱对井口花片入虫窠【柳放】竹里编茅倚石
根竹茎踈处见前村闲眠尽日无人到时有清风为扫门【僧显忠】谷鸟随柯转庭花夺酒
香初晴岩翠滴向晚木阴凉【杨徽之】秋梦有时见孤云无处寻神清峯顶望衣冷瀑边吟
【刘禹锡】江头日暖花又开江东行客思悠哉满船明月一竿竹家住五湖归去来【罗隐】
日照西山雪僧门犹未开冻瓶粘柱础宿火陷炉灰童子病归去鹿麕寒入来【郑肇】犬
吠水声中桃花带露浓树深时见鹿溪午不闻钟野竹分晴霭飞泉挂碧峯【李白】草暖青
牛卧松高白鹤眠雨来江色暮独自下寒烟【李白】松阴绕院鹤相对山色满楼人未归【
姚鹄】手中藤杖留霞防身上荷衣带酒痕【文本】求猿句寄山深寺乞食书 海上州【
杜荀鹤】满屋烟霞春睡足一溪风雨夜灯孤【张咏】松阴转处琴书润花片飞来枕簟凉
【彭应求】幽鸟唤人穿竹去野猿寻果出云来【沈彬】唯防老子五千字不踏长安十二
衢【白居易】防院只留双白鹤入门唯见一株松【乐天】壶中别有仙家日岭上犹多隐
者云【李义山】怪来诗思清人骨门对寒流雪满山【韦应物】临水鹤窥行道影隔云僧
认读书声【楚峦】洗盂秋涧日华动捣药夜堂秋气深【王正己】云歎石花生剑壁雨敲
松子落琴床【林逋】千里白云随野步一湖明月上秋衣月届晓窗琴岳润竹侵秋几墨云
鲜不甘五等诸侯荐直待九重天子知【赠刘素】带雨小舟横别涧隔花幽犬吠深云【张
观】止应独有江山秀合自都无廊庙心【韩驹】两枪未试泠泠水五鬣常闲淅淅风【林
逋】潺潺药泉来石窦霏霏茶霭出林梢
花月病怀防酒谱云萝幽信着茶经峯后月明秋啸去水边林影晚樵还
鹤 沧海信僧和白云篇【惠崇】松风吹发乱岩溜溅碁寒 圭窦先知晓盆池别见天
古寺寻僧饭寒岩衣鹿裘【廖融】夜船浮海月秋寺傍江云 石梯青障下茅屋白云间【崔
峒】眼明山雨后鬓乱竹风前【魏野】因客始酤酒借书方到城【姚合】白云风散尽红
叶水浮来【刘德仁】疎篱僧舍近嘉树鹤庭宽【陈尧佐】试墨书新竹张琴和古松【李
义山】浅濑寒鱼少丛兰秋蝶多【钱起】扫叶秋风下拾薪山雨前【孟贯】雪残僧扫石
风动鹤归林【惠崇】拨云寻古道倚树听流泉【李白】水春云母碓风扫石南花竹影扫
秋月荷花落古池【李白】

渔父

箬簑玉篇云取鱼器也山谷诗耕夫荷鋤解被襖渔父洒网投箬簑又陆 蒙诗头经畧约冠
微亚腰插箬簑带蠹频

浪婆铜斗歌孟郊诗铜斗饮江水手拍铜斗歌依是拍浪儿饮则拜浪婆脚踏小舟头独自舞
短簑

射鸭射鸭复射鸭鸭惊菰蒲头依是清浪儿每踏清浪游笑他乡贡郎踏土称风流

鸥社本与江鸥为保社聊随海燕度炎凉【山谷诗】

鱼蛮子江淮水为田舟楫为室居鱼虾以为粮不耕自有余异哉鱼蛮子本非左衽徒连排入江住竹瓦三尺庐于焉长子孙戚施且侏儒擘水取鲂鲤易如拾诸途破釜不着盐雪鳞芼青蔬一饱便甘寝何异獭与狙人间行路难踏地出赋租不如鱼蛮子驾浪浮空虚空虚未可知防当箬舟车蛮子扣头泣勿语桑大夫【东坡诗】诗穷秋漫漫蒹葭雨短褐休休白髮翁范子归来思狡兔吕公何意兆飞熊渔收亥日妻到市醉卧水痕船信风四海租庸人草草太平长在碧波中【山谷】八月九月芦花飞南溪老人垂钓归秋山入帘翠滴滴野艇倚槛云依依却把鱼竿寻小径闲梳鹤髮对斜晖翻嫌四皓曾多事出为储王定是非村寺钟声渡远滩半轮残月落前山徐徐拨棹却归湾浪叠朝霞锦绣翻【李梦符】新嬪矾头眉黛愁女儿浦口眼波秋惊鱼错认月沉钩青箬笠前无个事绿蓑衣底一时休斜风细雨转船头【山谷】鉴湖春水夜来生防叠春山远更横烟艇小钓丝轻钓得闲中万古名薄晚烟林淡翠微江边秋月已明辉纵远施适天机水底闲云片片飞雪洒清江江上船一钱何有买江天催短棹去长川鱼蟹来倾酒舍烟青草开时已过船锦痕跃处浪痕圆竹叶酒柳花蘊有意沙鸥伴我眠扁舟小缆荻花风四合青山暮霭中明细火倚孤松但愿樽中酒不空鱼信还催花信开风光得得为谁来舒柳眼落梅腮浪暖桃花夜更雷水涵防雨湛虚明小笠青蓑未要晴明鉴里縠纹生白鹭飞来空外声无数菰蒲间藕花棹歌轻举酌流霞随好处转山斜也有孤村三两家清湾幽岛住盘纡一舸横斜得自如唯有此更无居从教红袖泣前鱼【高宗皇帝御制】

农家

茅蒲被襖管子云先雨耘耨以待时雨时雨既至挟其抢刈耨耨以旦暮从事于田野脱衣就功别苗秀列踈首戴茅蒲身服被襖沾体涂足防其发肤尽其四肢之力此谓之农

抱瓮负薪编茅结草上漏下湿之悲桔槔抱瓮占星望云之劳负薪蒸以耕耘溪一饷而不至者之苦举债于豪右结一为五者之冤农之为农亦良苦矣

谷父蚕母三川饥者有三青衣童子语人曰世人厌弃五谷地司已收五谷之神矣可相率祈谢谷父蚕母之神当致丰穰【续仙】

瓠窋满篝淳于髡曰臣见道旁有穰苗者操一豚蹄一盂酒祝曰瓠窋满篝污邪满车五谷蕃熟穰穰满家【史记滑稽】

妻馐如賓晋冀缺耨其妻馐之相敬如賓晋侯曰能敬必有德以为下军大夫【左】

鸦头轆李白诗履上足如霜不着鸦头轆谓农妇也兔园册冯道本田家状貌质野朝士多笑

其陋道入朝任赞刘岳在后道行数步反顾赞问岳何为岳曰遗下兔园册尔兔园册者乡校俚儒教田夫牧子之所诵也故岳举以诮道道闻之大怒迁岳秘书监【刘岳】

诗春种一粒粟秋成万颗子四海无闲田农夫犹饿死鋤禾日当午汗滴禾下土谁知盘中餐粒粒皆辛苦【李绅诗又云溪友议】父耕原上田子斲山下荒六月一禾生官家一开仓 陂妇勃磎农荷鋤身披袂头茅蒲雨不破块田坼图稊稗青青佳谷枯大妇碓舂头鬓踈小妇拾穗行饷姑四时作苦无袴襦门前叫嗔官索租【洪驹父田家谣】南村北村雨一犁新妇饷姑翁哺儿田中啼鸟自四时催人脱袴着新衣着新替旧亦不恶去年租重无袴着【山谷】青裊縞袂于潜女两足如霜不穿屨 沙鬓发丝穿杼蓬沓障前走风雨苕溪杨柳初飞絮照溪画眉渡溪去蓬郎樵归相媚妩不信姬姜有齐鲁【东坡诗】

村落

略约横木渡水陆 蒙诗头经略约冠微亚腰插笊簪带蠹频

灊东灊西楚俗以山间水可涉为灊水经注灊东灊西水两傍之名【杜诗注】

卜邻白乐天与元八卜邻诗明月好同三径夜绿杨宜作两家春

诗草肥朝牧牛桑绿晚鸣鸠列宿檐前见清泉碓下流春蔬和雨摘社酒向花筵引我南坡去篱边有小舟【郑谷】种茶岩接红霞坞灌稻泉生白石根皤腹老翁头似雪海棠花下戏儿孙【滕白】一笛秋风急千岩晚照多竹根邻叟醉牛背牧儿歌【李若水】钓船归落昏鸦后江雨来从白鸟边旧屋但余烧叶灶破囊犹欠买山钱【卢襄】摇落暮山迴丹枫霜叶稀孤城向水闭独鸟背人飞渡口月初上邻家渔未归乡心正愁绝何处捣寒衣【刘长卿】稻凉初吠蛤柳老半书虫荷背风翻白莲腮雨退红【东坡】静爱竹时来野寺独寻春偶过溪桥【欧公】平林霜着色沙岸水留痕【后山】方宅十余畝草屋八九间榆柳防后园桃李罗堂前暧暧远人村依依墟里烟狗吠深巷中鸡鸣桑树颠户庭无尘杂空室有余闲【陶集】

客舍

桂玉战国防苏秦之楚三日乃得见王谈卒辞行楚王曰愿留秦曰楚国食贵于玉薪贵于桂谒者难见于鬼王难见于帝今臣食玉炊桂因鬼见帝其可得悉 文选注红粒贵琼瑶

奴白马青肯访浣花老翁无为君酣酒满眼酤与奴白饭马青藜【杜诗】

诗鴈外无书为客久蛩边有梦到家多画堂玉佩紫风响不及桃源欵乃歌【王昱】五湖归梦常苦短一寸客愁无奈多慈母每占乌鹊喜家人应赋戛戛歌 婉婉有诗来入梦温柔何日聴还乡 孤游懷耿介旅宿梦婉婉【退之】他时夜雨困移牀坐

见愁声防客肠【东坡】寒灯挑不焰残火拨成灰【后山】我家白髮问乌鹊他家红妆占蛛丝【山谷】

斋宅

萧斋梁武帝造佛寺令萧子云飞白大书萧寺至今一字存焉李约之买归建一小室以玩之号萧斋今呼萧寺因此也【国史补】

玉杯金盃唐一行云长安永宁坊东南是金盃地安邑里西是玉杯地后永宁为王锬宅复赐袁及史宪诚等所以为金盃破而复成安邑为马燧宅后为奉诚园所以为玉杯破而不复完也桑道茂号长安公卿宅有玉杯金盃之号【卢氏杂记】

蜗舍鲁人有夜行迷失道路遠望田中有火宅因寻至其处见一大屋有人居住其人遂扣门求寄宿须臾有一妇人出端正顏色延入防上设酒食至醉倒卧明旦酒醒天明见身在田塍上睡傍有一田螺大如斗因恶心而吐吐出者皆泥也方知是田螺精今人因此名所居之舍为蜗舍即田螺也

舟船

黄头郎邓通以櫂船为黄头郎【土胜水而色黄故刺船之郎皆着黄防号黄头郎后汉书】

乌榜红舷坡诗城头月落尚啼乌乌榜红舷早满湖乌榜红舷湖船也

吴榜张载 吴榜越船不能无水而浮游舫已装吴榜隱

三翼文选张景阳七命有浮三翼泛中沚之句故诗人多用三翼为轻舟按越絕书伍子胥水战兵法经曰大翼一艘广一丈五尺长十丈中翼一艘广一丈二尺长五丈小翼一艘广一丈二尺长三丈所谓三翼者皆战船也非轻舟也【韵语阳秋】

僧寺

珍楼寶屋唐高力士于来庭坊建佛祠珍楼寶屋国货不逮

涂金瓦王缙剎五台山佛祠铸铜为瓦以金涂之百寺南蛮婆賄伽庖国喜佛法琉璃为壁错以金银丹彩紫纁涂地覆以锦罽王居亦如之

诗夜深殿突兀风动金琅玕天黑扃春院地晴栖暗芳【杜甫】玉斗生网户银河耿花宫香云徧山起花雨从天来【李白】清闻树杪磬遠谒云端僧【杜甫】跻阁谒金像攀云叩禅局【韦应物】

宫观山名

福区王璵建言唐家宜崇表福区招致神灵

灵境不死之福乡养真之灵境【崔尚桐栢观颂】

瑞云灵迹唐显德中世宗营道宫于城西二人发得石一片上有字题瑞云灵迹镇梁东他日多应与古同天华上宫唐广德初王璵建言请度昭应南山作天华上宫

诗焚香礼真像盥手披云篇【陆 蒙】闲开蕊珠殿暗阅金字经【元稹】上有蔚蓝天垂光抱琼室【杜甫】

锦绣万花谷前集卷二十五

卷二十六

钦定四库全书

锦绣万花谷前集卷二十六

凶兆

梦奠两楹之间孔子曰予畴昔之夜梦坐奠于两楹之间夫明王不兴天下孰能宗余余殆将死也【礼记】

梦讲东堂之奥后汉周磐年七十三谓子曰吾梦先师东里先生与我讲于东堂之奥既而长叹岂吾齿之尽乎其月卒【本 】

泰山裂李虚中将疾谓其友韩愈曰吾梦泰山裂流出赤黄物如金有人曰是所谓大还者虚中既歿愈追占其梦曰山者艮为背裂而流赤黄疽象也大还者其去之矣【韩李虚中墓铭】

水穷天尽李续长源一日忽有人在牀下诵诗曰行到水穷处未知天尽时续斥曰误矣岂非坐看云起时耶答曰此云安能起兹必死期故来相别数日而卒【古今诗话】云穿雪压廖融作诗曰云穿捣药屋雪压钓鱼舟自解曰屋破云穿其中无人也船为雪压无用后六十日卒【摭遗】琼瑰盈怀鲁公孙婴齐号声伯初梦涉泾或与之琼瑰食之泣而为琼瑰盈其怀从而歌之曰涉泾之水赠我以琼瑰归乎归乎琼瑰盈吾怀乎不敢言三年言之暮而卒【左传】

草木皆稼唐天寶中谚曰冬凌树稼达官怕其年水稼而宁王卒熙宁三年草木皆稼众谓大臣当之未数日韩琦卒【青箱杂记】

白蝙蝠李禪居广陵昼忽有白蝙蝠绕庭而飞出院门又出中门至外门不见其年禪妻卒輶车出即蝙蝠飞翔处也【稽神錄】

玉鱼符唐贞元中司勳郎中李朝归第梦二黄衫人引朝至户外中有人曰未至须玉鱼符下也后朝当龙尾道上见一玉鱼把玩至家数日卒【戎幕闲谈】

月酉没晋文王司马为魏国相蜀譙周书版示文王曰典午忽兮月酉没兮典午谓司马月酉谓八月文王果卒【周 】

白鸡年谢安曰桓温在时吾梦乘輿行十六里止见一白鸡而止今十六年矣白鸡在酉今太歲在酉吾殆不起乎安寻卒【本 】

龙蛇之年郑 字康成梦孔子告之曰起今年歲在辰明年歲在巳既悟以防合之知命当终【防云歲在龙蛇贤人嗟本传】

梦旌旗鹤鴈邵康节一日昼睡觉言曰吾梦旌旗鹤鴈自空而下导吾行乱山中吾神往矣无以药相逼也梦桑丁固梦井中生桑以问赵答曰桑文四十八字君壽恐不过此果然【佩觿集】

梦枣王子董善占梦有人梦枣董曰枣字重来来来呼魂之貌其人果卒【酉阳杂俎】

梦灯广守数人连卒多先梦灯后作守梦灯遍郡城未几果卒【杂錄】

风吹灶突后汉方伎李南女 父风角术为人妻晨诣防室卒有暴风妇便求归辞二亲姑不许乃跪曰家世 术疾风卒起先吹灶突及井此祸为主防者妾将亡之应乃如期而卒【李南传】

梦炊臼中有客张贍将归梦炊臼中问解梦者王生生言君归不见妻矣臼中炊无妇也及归其妻果卒甑上生莲花宋滕景直家在广州炊釜中有声如雷家人走视甑上花生渐长似莲花而赤色俄顷萎景直旬日卒【古今五行纪】

种树孔子 鲁城北弟子各以其国树种之于莹本毫末之小至于合拱【文选刘夫人墓志注】

破 吕仙翁有诗与张洎言将作鼎鼐之句其句云功成当在破 年俗以破 为二八字洎六十四而卒乃悟【谈苑】

赋鵬贾谊为长沙王 有鵬飞入谊舍乃为赋以自广曰单阏之歲四月孟夏庚子日斜鵬集予舍止于坐隅貌甚闲暇【谊 】

抱鹤林杰神童年十七忽有双鹤下杰忻然抱得一只父恐其非祥令放之是夕得疾卒郑丘以诗哭之曰才高不及贾生年何事孤魂逐逝川萤聚帐中人已去鹤离堂上月空圆【古今诗话】

鳳集两拳有孙氏求官梦双鳳集其两拳以问卜者曰鳳非梧桐不栖非竹实不食卿当大凶非苴杖则削杖后孙氏果遭母丧【集异记】

牛足上出汉梁孝王猎梁山有献牛足上出者王恶之六月中病六日薨【牛丑畜冲在六月

北方数六故六月六日薨本 【】

项赤杨大年临终项赤跌坐戒家人语曰汝辈勿哭惊吾既而果然释教云项赤生天腹赤生人足赤沉滞【江邻几杂志】

与绢两疋南史沈庆之临赐死时年八十梦有人以两疋绢与之曰此绢足度寤而谓人曰老子今年不免矣两疋八十尺也足度无余也【本 【】】

织女着服晋成帝杜后时三吴女子相与簪白花如素柰 言天上织女死为之着服至七年后崩【后传】

洞寘与钱吕洞寘与黄觉大钱七丈其次十文又小钱三文曰数不可过也觉至七十余作诗曰牀头历日无多子屈指明年七十三果以是歲终【贡父诗话】

龙首山人前进士杨通与杨寘状元相善梦寘投刺自称龙首山人庆历中登第而卒后人解曰龙首状元也山人无禄之称【括异志】

死作神

孔子为广桑山真官唐韩滉防问浙西尝有不轨之志有李顺夜漂船不知所止及明泊一山下上岸见一乌巾古服引诣一宫有人自帘中语曰欲寓金陵韩公一书顺得书受之出门因问赞者曰此为何处恐韩公问是何人致书曰东海广桑山也是鲁国仲尼得道为真官理于此韩公即仲由也性强夫子恐其缀刑网致书谕之顺还投书韩公发视之九文九字皆科斗之书不可晓诘问其由以为妖妄访能篆籀之人有一客庞眉古服自诣言识古文韩公以书示之捧书贺曰此孔宣父科斗之文也曰告韩滉谨臣节勿妄动客出门不见韩了然自忆克保终始【神仙感遇集】

上帝司纠吕海为御史出知安陆一日燕坐忽见碧衣人云非久上帝南游炎洲命子为纠正羣仙赐公清凉丹一粒吞之不见公捐馆朱明复渡湘见公乘玉角青鹿左右数百人明复拜曰公已仙乎公曰吾侍上帝南游口占一篇落句云我今从帝为司纠更有何人植栢台数日间谢世【古今诗话】

孔升真人唐明皇移入大内玩紫玉笛吹数声有双鹤下于庭上皇曰吾受上帝为元始孔升真人笛可送与大牧大牧 宗小字也俄崩【杨后 【】】

芙蓉城主石曼卿卒后有人见之者恍惚如梦言我今为仙所主芙蓉城欲其人与游不得忿然乘一青骡去如飞【欧公诗话】

芙蓉馆主庆历中有朝士晚赴朝见美女三十余两两并马而行观之丁度按辔于后朝士惊

问有一人最后曰迎芙蓉馆主俄闻丁卒【张师古括异志】

修门郎陶隐居真诰云洞天六宫人死皆至其中犯宫一门有二亭长四修门郎一天门凡八修门郎顔渊卜商今见居此职又云纪瞻为天北修门郎代田録为之侍帝宸有八人徐庶庞德爰愉李广王嘉何晏解结殷浩如世之侍中是北大帝之官极真仙中庄周为围编郎

灵芝宫王平甫在朝一夕梦至水殿榜曰灵芝宫邀平甫曰欲与之俱往有人隔水止之曰时未至他日迎之平甫恍然梦觉禁中已鸣钟矣平甫每自负为诗曰万顷波涛木叶飞笙箫宫殿号灵芝挥毫似不似人间世长乐钟声梦觉时后四年平甫卒其家卜之曰君尝梦往灵芝宫果然乎卜曰然又三年曾阜梦与平甫防傍一人曰平甫已列仙官矣【东轩笔録】

助讨骨蕤国宣室志韩退之昼卧见一神人谓曰帝命与卿计事愈起整冠神人曰威粹骨蕤国世与韩氏为仇今欲讨之而力不足何如对曰臣愿从大王讨之神人领而去于是书其辞置于坐侧数日不能解十二月卒

北斗君许收梦乌衣吏奉六封书曰府君当为北斗君陈康伯为主簿既觉陈康伯来谒收曰我作道师死不过作社公今得北斗主簿余为忝矣明年同日而卒【幽防録】

长白山主欧公子仲纯尝与东坡説吾梦道士特告吾授上帝命汝为长白山主者何祥也后一年纯父卒【坡诗】为遮须夷国王刘聪有子约死后苏言见其祖元海在不周山谓约曰东北有遮须国无主待汝父为之汝父三年当来约辞归道过一国倚尼渠国与约皮囊一枚曰为吾遗汉皇帝约归置皮囊于几上俄而苏取皮囊开之有一方白玉题曰倚尼渠国天王敬讯遮须夷国天王歳在摄提当相见也【北史】

王屋山道君许吉过王屋山见丞相庞公道服从三四童而行吉询童曰此丞相庞公乎童曰然吉曰何故游此曰公作王屋山道君治此山也【青 】

五相清燕堂张泽民死七日复生自云至一处若琼瑶世界有堂高隆金牌曰五相清燕之堂泽民问其守门吏曰五相可得闻乎曰吕相【夷简】李相【迪】刘相【沆】庞相【籍】富相【弼】也【翰府名谈】

九江真人元丰间于立礼舟至落星寺舟没立礼为人导至一官府有牌曰三江都水使者九江真人立礼筭未终令速送出门询吏曰九江真人谁也曰大丞相刘【沆】也

阎浮提王寇莱公有妾蒨桃随南迁再移光州蒨桃泣曰妾前世师事仙人作为侠今将别去敢有所托愿 杭州天竺寺莱公诺曰吾去非久也何之桃曰吾向不言恐泄陰理今欲去言亦无害公当为地下主者浮提王也公不久亦亡有王克勤见公于曹州境上拥驴北去克勤询后骑曰公何往曰阎浮提王交政也果为阎罗王矣

神清之洞欧公为西洛推官梅圣俞为洛阳簿一日约游嵩山望西峯有丹书四字神清之洞指示圣俞圣俞不见永叔不言泊高卧颍水因成诗四字丹书万仞崖神清之洞鎖楼台烟霞极目无人到鸾鹤应须待我来【青琐】

淮阳上神田画字丞君阳翟人其人物雄伟议论慷慨知淮阳军一日小疾不出军之人尽见丞君拥骑从腾空而去就问之死矣或曰为淮阳上神云

更生佛故德阳县男虞祺字齐年起陵州诸生中初不知佛书也每曰诚者天之道也思诚者人之道也其至则一也吾知此而已矣间属微疾凭几不言忽顾坐客曰古佛俱来吾亦去矣男子允文旁立泣下又笑曰人而为佛宁不可哉即云已逝矣明年陵州民鲜述者病死一昼夜再生具言初为黄衣追去遇故里中曹生曰卿之大人虞君主吏事当为更生佛亟见之前抵宫室王者冕服正坐虞君也更问述为善状述诉力贫但至丸屋山见羣支佛瑞色甚胜得释去王再语述过语吾家广置更生佛道场诵更生佛名号忽白光自王身起直大观 黄金书榜大慈大悲更生如来述洒然而悟【邵氏后录】

阎罗王隋时韩擒虎有人疾笃忽惊走至擒虎家我欲谒王左右问曰何王曰阎罗王子弟欲挾之擒虎止之曰生为上柱国死作阎罗王亦足矣因寢疾而卒【本】

哀挽

尸隄林三水小牒僧从暴卒遗言送尸于建春门外尸隄林施与鸟兽为食按唐僧经音义曰尸隄林本在王舍城侧死人多送其中今总指弃死尸之地名尸隄林者取此也【坡诗注】

神道墓门前开道建石柱以为梁乃谓之神道【后汉中山王 】属纣属纣俟絶气【纣今之新绵易动摇置口鼻之上以为候也礼记防大记】

易箒曾子病童子隅坐而执烛曰华而晄大夫之箒欵乐正子春曰止曾子闻之瞿然曰斯季孙之赐也我未之能易也元起易箒举扶而易之反席未安而歿【礼记】马鬣封孔子之丧有自燕来观者舍于子夏氏子夏曰昔者夫子言之曰吾见封之若堂者矣见若坊者矣见若覆夏屋者矣见若斧者矣从若斧者马鬣封之谓也今一日而三斩板而已封尚行夫子之志乎哉【封筑土为垄斧形旁杀刃上而长孔子以为刃上难登狭又易为功马鬣封俗间名也檀弓】

宰木拱泰伯怒蹇叔曰若尔之年宰上之木拱矣【宰 也公羊 坡诗使宰树出此】

鬼神恶韩退之诗云天公居高鬼神恶欲保性命诚难哉
东坡挽包氏云天高鬼神恶骨朽姓名芳

祖載白虎通曰祖載者始載柩于庭乘軸車辭祖祔故曰祖載【初學記】

引绋礼仪志曰吊于丧者皆执绋【庙中曰绋在途曰引又见礼记】阖棺韩诗外 曰学而不已阖棺乃止 晋刘毅云丈夫踪迹不可寻常混羣小中盖棺事方定矣

汨河世説人间顾长康哭桓宣武之状如何曰鼻如广莫风眼如悬河决声如振雷破山汨如倾河注海杜甫用此云犹有汨成河经天复东注

滴泪到泉韩退之诗上呼无时闻滴地泪到泉
羊祜薨武帝哭之哀是日大寒帝涕泪沾项皆成冰

手遮瓶雀楞严经频伽注精神居身内犹雀居瓶中瓶破则雀去矣又云人身如瓶神识如雀五蕴既尽神识自去以手遮之不可况以罗縠遮之可乎

四蛇二防有人入井遇四蛇伤足上树则逢二防咬藤四蛇喻四时二防喻日月迫促大限无所逃耳有偈云井里四蛇催命促攀枝二防嚼藤伤

玉棺后汉王乔为叶令乃下玉棺于堂乃沐浴寝其中盖便覆吏民 城东土自成坟其夕县中牛皆流汗喘乏

黄金骨李太白诗三载夜郎还于兹链金骨雪窦颂鐵椎击破黄金骨天地之间有何物
后山诗话地要黄金骨天成白玉楼

恸哭西州门晋谢安卒甥王昙辍乐弥年不由西州路尝大醉不觉至州门昙悲感以马防叩肩咏曹子建诗生存处华屋零落归山丘恸哭而去

不见嫁娶魏管辂叹曰天与我才不与我壽恐四十七八间不见女嫁男娶也卒时年果四十八

地可置万家韩信母丧乃出营 地择高燥令旁可置万家

埋玉树庾亮卒将 何充叹曰埋玉树于土中使人情何能已【本 】

病鲙邢和璞居嵩颖间房琯问终身之事邢言降魄之处病起于飧而休于 兹板后房公舍阆州紫极宫见有治 兹板者始忆邢之言有顷刺史具鲙邀房房悟具以白刺史其夕病鲙卒【酉阳杂俎】

布被黔娄先生卒曾西来吊见尸在牖下覆以布被手足不尽覆头则足见覆足则头见西曰斜其被则敛矣妻曰斜之有余不若正之不足先生生而不斜而死斜之非其意也【高士传】

賻縑后汉陈遵大俠其友人喪親遵為防喪事賻功甚丰王丹乃懷縑一疋陳之于前曰此縑出自機杼遵有慚色【丹傳】

石兔刻文周長孺字士彥為共成縣令獵近郊有兔起草間自射中之即其處不復見兔有石刻文曰士彥當都而卒后士彥每至京師必遽歸后治平中以都官員外郎卒【聞見錄】

泰山其頽梁木其壞孔子蚤作負手曳杖逍遙于門歌曰泰山其頽乎梁木其壞乎哲人其萎乎子貢聞之曰泰山其頽則吾將安仰梁木其壞哲人其萎則吾將安放夫子殆將病也

元 何寄指南何托任昉死殷芸與劉溉書曰哲人云亡儀表長謝元 何寄指南何托其為士夫所推如此【南史】

秦春不相山谷詩方祈酌周斗何意輟秦春【行葦酌以大斗以祈黃耆趙良曰五殺大夫死秦國春者不相禮記鄰有喪春不相】

助沐椁孔子之故人原壤母死夫子助之沐椁原壤登木曰久矣予之不托于音也歌曰貍首之斑然執女手之拳然夫子為弗聞也者而過之

投綠沉 任昉死梁武帝方食綠沉 投之于盤悲不自勝哭久之【本 】

巨篩落豆王師伐金陵城將破或夢女子行空中以巨篩篩物散落如豆著地皆成人問其故曰此當死于難復見一貴人盛冠服墜于地云此徐舍人也既寤聞鐃死圍城中后王平甫和籥事韻詩云當時徐氏擅筆墨夜圍夢墮空中籥謂此【西京詩話】

酒垆之嘆王戎經黃公酒垆嘆曰昔與嵇阮為竹林之游今嵇阮亡余為羈縻視此虽近邈若山河【晉書】

鄰笛之思向秀作思舊賦序云余少與嵇康呂安居止并不羈之才其后各以事見法經其舊廬于時鄰人有吹笛者發音寥亮追思曩者感音而嘆故作賦云【文選】乞肥牛亭漢張禹年老自治 瑩愛平陵肥牛亭地奏請之上以賜禹令徙亭他所【本 】

蔡邕作碑蔡伯喈為郭林宗作碑頌謂盧子朝曰吾與有道獨無愧【世說】

八美句盧思道朝士多作文宣帝挽歌十首擇其善者用之魏收陽休之等不過一二篇唯盧思道得八篇故詩號八美盧郎【北史】

雙鶴吊陶侃丁母憂在墓下忽有客來吊儀服鮮異禮畢遣人尋之但見雙鶴飛天而去

大鳥徐步楊震死 日有大鳥立樹上須 下地行到柩前低頭汨出而去

奠当郭林宗亲丧防者甚众徐孺子不言姓名来吊之置生刍一束于前而去林宗曰必徐孺子也诗曰生刍一束其人如玉吾无德何以堪之【后汉书】

貌类孔融与蔡邕友善邕卒后有虎贲士貌类邕融每酒酣引与坐曰虽无老成且有典刑【后汉书本传】

云山游已遍中书舍人郑居中辞官游名山一日搦管写诗才书五字曰云山游已遍笔忽坠地而终【分纪】摧峯坠月南齐王融豫章王墓志云半岳摧峯中河坠月鲸骖惋慕葆吹徘徊

临白玉栏干赏牡丹仁宗光献皇后崩上悲慕甚有姜识者自言有神可使死者复生上以其术置坛外苑数旬不效乃曰臣见太皇后方与仁宗宴临白玉栏干赏牡丹无意来人间也上知其诞亦不深罪蔡承禧进挽词曰天上玉栏花已拆人间方士术何施谓是也【笔録】葆挽晨鏐海陵王墓铭云龙纛夕俨葆挽晨鏐风摇草色日照松光

复防服大记注曰招魂复魄也气絶则哭哭而复复而不苏然后可以为死事以衣升屋履危北面三号卷衣投于前

虞檀弓曰 日反日中而虞丧祭也虞士三大夫五卿七天子九如七虞丁日虞己日又虞庚日又虞

不以死伤生丧服四制父母之丧衰冠绳纓菅屨三日而食粥三月而沐期十三月而练冠三年而祥比三日而食三月而沐期而练毁不防性不以死伤生也故为免以代之问丧冠者不肉袒故为免以代之【状如冠而广寸】

练练而慨然【至小祥但叹慨日月若驰之速也又曰练练衣黄裹纁縁小祥练冠练中衣以黄为内纁为饰黄之色毕于纁纁纁之类明外除】

练而祔殷练而祔周卒哭而祔孔子善殷【期而神人之情】居垊室间 父母之丧居倚庐寝苦枕块不脱经带既虞卒哭柱楣剪屏芊剪不纳期而小祥居垊室寝有席又期而大祥居复寝中月而禫

如壤墙妇人不宜袒故发背击心爵踊殷殷田田如壤墙然悲哀痛疾之至也

重檀弓重主道也【始死未作主以重主其神也重既虞而埋之乃复作主春秋 曰虞主用桑练主用栗周人作主彻重埋之】

遣车五乘遣车载所包牲遣而藏之【人臣赐车马乃得有遣车天子九诸侯七大夫五乘又云国君七个遣车七乘大夫五个遣车五乘个谓所包遣奠牲体之数也】

刍灵檀弓注刍灵束茅为人马谓之灵者神之类孔子谓为刍灵者善谓为俑者不仁不殆于用人乎【俑偶人也有面目机发有似于生人】

柳窆檀弓曰饰棺墙置窆【墙柳衣又云绞衾设柳窆绞衾尸之饰柳窆棺之墙饰窆以木为筐广三尺高二尺四寸方两角衣以白布画者画云气柄长五尺车行使人持而从既穴之枉于圻中饰棺者以华道路不欲众恶其亲也】

帷荒丧大记饰棺者君龙帷黼荒大夫画帷画荒荒蒙也在旁曰帷在上曰荒皆所以衣柳也士布帷布荒者白布也君大夫加文章焉

榆沈礼记为榆沈故设袂【袂所谓紼也以水浇榆白皮之汁有急以播地引 车滑沈昌审切】

熬丧大记熬君四种八筐大夫三种六筐【熬者煎谷也设于棺傍所以感蚍蜉使不至棺也】

哭声三曲而偯斩衰之哭往而不返齐衰之哭若往而返大功之哭三曲而偯小功缌麻哀容可也三曲一声三曲也偯声从容也【偯音倚】

禅旁庄子云宋有荆氏宜松柏桑七围八围贵人富商之家求禅旁者斩之禅音善【棺材之全一边者】

送车五千乘剧孟 其母送车五千乘

哀挽诗主家十二楼一身当三千古来妾命薄事主不尽年起舞为主壽相送南阳阡忍着主衣裳为人作春妍有声当彻天有泪当彻泉死者恐无知妾身长自怜叶落风不起山空花自红捐世不待死惠妾无其终一死尚可忍百歲何当穷天地岂不寬妾身自不容死者如有知杀身以相从向来歌舞地夜雨鸣寒蛩【后山为南丰作】挺然直节庇峨岷谋道从来不计身属纆家无十金产过车巷哭六州民尘埃輶寺三年别樽酒岐阳一梦新他日思贤得遗像不论宿草更沾巾【东坡】成纪星郎李义山适归泉壤抱长叹词林枝叶三春尽学海波澜一夜干【崔珣挽李义山】为爱诗名吟到此风魂雪魄去难招直教桂子落坟上生得一枝魂始消【贾岛哭孟郊】一簇草平秋欲暮数声鸦噪日将曛终须取去英灵骨 近司仓贾岛坟【潘阆】此老已云没邻人嗟亦休竟无宣室召徒有茂陵求空堂總帷在淅淅野风秋【杜甫】燕入非傍舍鸦归只故池断桥无复板卧柳自生枝遂有山阳作多应鲍叔知【杜甫】王家碧瑤树一树忽先摧海外故人泣天涯吊鹤来未成霖雨用先失济川材一罢广陵散鸣琴终不开【李太白】故人万化尽闭骨茅山冈天上玉棺坠泉中掩龙章流水生涯尽浮云世事空唯余旧台栢萧瑟九原中 老罢知明镜悲来望白云自从失词伯无复更论文虚歷金华省何殊地下郎致君丹檻折哭友白云长涕泗不能收哭君余白头江雨铭旌湿湖风井千秋 无由覩雄略火树月萧萧 谈柄寂寥尘久

暗墨池荒废草空青三招不见三巾湿拟画轩昂太白星【林逋】军门半掩槐花宅每过犹闻哭临声渐穷老仆慵防马着惨佳人懒按箏诗侣酒徒消散尽一场春梦越王城【卢多逊】寡妻无子息破宅带林泉家近登天道诗随过海船【贾岛】祭法宜修庙传名不在碑何人为立传愿录野人诗【魏野】一代风流尽修文地下深斯人不重见临老失知音【杜甫】屋夜肯教黄壤晓悲风不许白杨春箏瓢颜子生仍促布被黔娄死更贫未防悠悠天上意惜将富贵与何人【白居易】沈约多清瘦文园仍病瘠共疑天上召更欲水边招金马人相吊长沙物易妖秋风吹越树归旄自飘飘【欧公】位至三公有恩加锡谥无再调金鼎屡剖玉麟符已叹鸾空穴还悲凤少雏拥途看鹵簿谁为毕三虞【梅圣俞】处外诸侯重居朝圣主知妖逢庚子日梦异戊丁时古今皆可见富贵不常存歌者未离席吊賁俄在门

朱轮方反辙绿酒尚盈樽【梅圣俞挽刘沆】转战谯门日再晡空拳犹自冒干戈柱下呆卿存断舌袴间杵白得遗孤可怜三尺英雄气不愧山西大丈夫【元厚之挽赵师旦】周南留滞登封日鲁国逍遥曳杖时海内时流今略尽不知谁作蔡邕碑【李彭】早辞左史春秋笔学种东陵母子爱酒能诗似元亮作碑今尽与刘义天上新除黄纸诏人间已度白鸡年赤虬控御迎长吉明月心胷洗谪仙他日西州难重过只今北阮已萧然相思甲乙翻遗藁万斛珠玑得贯穿一夜风霜凋玉芝苍生绝望士林悲空怀济世安民防不见男婚女嫁时【刘禹锡】韦公八十余位至六尚书五福惟无富一生谁得如桂枝攀最久兰省出仍初海内文章杰朝廷直谅闻黄琼起处士子夏遽修文贝锦生迁怒江湖久离羣伤心王佐略不得致华勋【魏泰】今日临风泪潇潇似纆縻空怀徐稚絮谁立郑碑无力酬推轂平时愤抵巇何人知枉状路粹岂能为【魏野挽王平甫】昨夜舟还浙水湄今朝丹旆欲何为才收北浦一竿钓未了西斋半局碁洛下已传平子赋临川争写谢公诗不堪旧里经行处风木萧萧邻笛悲【郡阁雅谈】诗到年来更老成江山为助笔纵横眼看白骨埋黄土何况人间父子情【山谷挽邢夫人】人物于今叹渺然孤坟宿草已生烟日暮行人道傍舍应何年少共谈禅【蔡光啓挽敦夫】天丧我良知无言双泪垂唯求相见梦永绝寄来诗应有异人吊从兹雅道衰春风古原上新草离离【潘若中】折玉摧兰事竟空贮云含雾思无穷仙阶忽列通明观人世犹称太史公绛帐老生悲籍湜传灯嫡子有徐洪以那为首聊披拂三绝韦编对晚风【李彭读山谷文】象中台拆皇家上相薨大功铭玉铉密事在金滕【王禹偁挽赵普】结髮逢明主驰声着两朝奠楹先有梦升屋岂能招赠服三公袞兼荣七叶貂春风箎鼓动松栢助萧萧【欧阳永叔】小堰门头柳系船吴山堂上月侵筵潮声半夜千门响诗句明朝万口传岂意日斜庚子后忽惊岁在己辰年佳辰一闭无穷事南望题诗泪洒牋少年才气冠当时晚节孤风益自奇君胜宜为夫子后林宗不愧蔡邕碑高才本出朝廷右能事方推德业余每见便闻曹植句至今寶魏华书济南名士新凋丧剑外生祠已洁除欲寄西风两行泪依然乔木郑公庐祭礼家法阡名载板图防看千字诔木抄看跌东晋巾车令西京执防郎甘心向山水结髮更文章故自轻千户何曾羨一囊天高鬼神恶骨朽姓名芳庾岭铭旌湿秦淮旧宅荒吾诗不用刻妙语有黄香才名惯作广文寒月斧云斤琢肺肝晏一生都卧病子云三世不迁官幽兰空觉香风在宿草何曾泪叶干犹喜诸郎有曹志文章还复富波澜京口年来耆旧衰高人沦没路人悲空闻韦叟一经在不见恬侯万石时贫病只知为善乐逍遥却恨弃官迟七年一别真如梦犹记萧然瘦鹤姿先帝亲收十五人四方争着撃鹏鹕他年京口寻遗迹宿草犹应有泪痕妙龄驰誉百夫雄晚

节心懷大隱中惆悵无华真汉吏文章尔雅称吾宗趋时肯负平生志有子还应不死同惟我
闲思十年事数行老泪寄西风一舸南游遂不归清江赤壁照人悲请看行路无从涕尽是当
年不忍欺雪后独来栽柳处行间行复采桑时山城散尽尊前客旧恨新愁只自知大任刚烈
世无有疾恶如风朱伯厚小任温毅老更文聪明慈爱小冯君两任才行不须說畴昔并友吾
先人相看半作晨星没可怜太白与残月大任先去冢未干小任相继呼不还强寄一樽生死
别樽中有泪酒应酸贵贱贤愚同尽耳君家不尽緣贤子人间得丧了无凭只有天公终可倚
【竝东坡挽诗】先皇憑玉几未命寄元勲寅日行黄道攀髯上白云四时成歲律五色补天
文不谓堂堂去今成马鬣坟【山谷挽王禹玉】宥密探黄阁光辉极上台藏舟移夜壑华屋
掩泉台雨緋谁为挽寒筇故作哀伤心具瞻地无复袞衣来方祈酌周斗何意辍秦春水枝忧
木稼食昂恨长庚【山谷挽韩献肃公】两纪天中侍冕旒甘盘仍作济川舟起家经术终台
阁防手功名未白头身自留侯初去汉如姬旦不忘周千官祖奠城东陌十里春风鼓吹愁
【汪彦章】早扈六飞依日月晚辞三事作神仙马蹄忽记滕公室鸡梦那逢谢傅年一品真
王封异姓功名今不数凌烟家有平津旧学人材嘉祐至和前运筹惯倚将军

柱画诺频分刺史天字得钟王真楷法心超粲可祖师禅五叶清白由来福有基家无阿堵
物门有宁馨儿

落日秋容惨流泉夜响悲个中无限思惟有故人知阅世松成盖家桂满丛素车千两送荣
絕九原中耆旧风流絕后尘尚容歲晚接冠巾英豪取友半天下议论常倾一坐人横槊阵前
工草檄结庐江上老垂纶只今遗像髯如棘由足堂堂耸缙绅【卢溪】衣冠南渡塞淝川始
识莱王自然舌卷风雷翻海岳学穷精祲出人天归来元亮荒三径老去雄有一防斗酒
只鸡思欲吊无因下马拜新阡忆昔相逢子少年诗书从我自磨研平生极力欲推挽世事惊
人忽变迁未办虚符送天上忽将遗骨江边双亲白髮终身恨不见青衫落眼前【并挽黄
忠臣】书报登科墨未干已闻吊客在门防只金榜魁兰省不得丹梯上广寒诏下两番随
计吏花开一日遍长安谁知鬼錄南宫籍却作修文地下官异世雄姿冠里閭唯公挟防似寒
儒欲将那律九经库定胜江南千木奴玉柱诸郎新命诰锦囊丹诏宠光殊当年籍甚吴丞相
恩泽今归两鳳雏【王民瞻】早歲同充上国賓惟公先占广寒春青云尚记当时事黄土今
埋如此人别驾朱幡星饰弁身纓茜绶带钩银生前富贵皆无憾堂上空遗白发亲我家羣从
有封胡潇洒如君更隱居岂但开轩隐松竹能令满屋贮图书朱栏手植花犹在黄叶风飘日
已疎触目自然堪痛哭不胜清泪湿衣裾初挟儒书战举场弟兄旗鼓略相当探囊聊复起人
死系肘空余济世方翰苑旧曾知姓字壶天今在有仙乡龙天由抱玉函诀夜叩柴门乞水浆
曾看词锋战举弟兄旗鼓略相当两贤方折月中桂此老翻为地下郎弟妹力防家数口文
章空费纸千张广寒宫里丛生桂何日飘来垆上芳宰树连山谷祠堂照路隅养松无触鹿助
祭有驯乌归梦先寒食儿啼到白须遥知隣里化醉叟道争扶【东坡】十年帅越倦驰驱适
意方谋一壑居贾谊有才终太薛无壽处中书伤心风月江山在过隙光陰梦幻虚红紫
飘零春色尽后凋松柏独萧疎荒城难访十金医半幅遗书世共悲宁有故人怜阿鹜但余息
女类文姬气概凌云孰敢先中兴事业冠英躔朝廷议论一言定翰墨风流四海传恰跨鳌头
升紫闕忽骑箕尾上青天竹林笑傲今陈迹抚棕江臯涕然【沈约之挽于湖】布衣驰誉
入京都丹旌俄闻反旧閭诸老谁能先贾谊君王犹未识相如三年弟子行丧礼千两乡人防

车独我空斋挂尘榻遗编时阅子云书【欧公挽老泉】文章天下无双誉伯仲人间第一流出入两朝推旧德周旋三事者嘉谋从容进退身名泰宠锡哀荣礼数优棠棣从来敦友爱九原相望接松楸【欧公挽朱司空】昔叹防销骨今伤泪满膺空余双玉劔无复一壶冰江势翻银砾天文露玉绳何因防庾信同去哭徐陵【李义山】离居星岁易失望死生分酒瓮凝余桂书籤冷旧芸江风吹鴈急山木带蝉曛一叫千回首天高不为闻【李义山哭刘司户】上帝深居闭九阍巫咸不下问衔冤广陵别后春涛隔湓浦书来秋雨翻只有安仁能作诔何曾宋玉解招魂平生恩义兼师友不敢同君哭寝门【李义山哭刘蕡】言中谋猷行中经關西人物数清英欲于叔度留终日未见鲁山空此生议论凋零三益友功名分付二难兄老来尚有忧时叹此涕无从何处倾【东坡挽吕大临】脱遗十件事经纶满腹龙蛇自屈伸南驾威声传絕域西征旧恨属奸臣空余諫疏惊頽靡终忆诗词话苦辛浩气如云未应尽一双嗣子亦麒麟【东坡挽李成之】

妇人挽词栢舟高节冠乡邻绛帐清风耸缙绅岂似凡人但慈母能令孝子作忠臣当年织屦随方进晚节称觞见伯仁回首悲凉便陈迹凯风吹尽棘成薪【东坡】鳳逐清箫遠鸾随幽境沉风前银竹防月冷洞房深【上官仪】回廊檐断燕飞入小阁尘凝人语空幽泪欲干残菊雨余香更入败荷风【义山】海阔三山路香轮定不归帐添闲翡翠佩冷失珠玑明月留歌扇残云散舞衣都门送车返宿草自春霏【御制】春风寒鲁馆明月断秦箫尘入罗衣暗香随玉篆消歌钟虽下馆桃李不成春水折空还沚楼高亦隔秦【神考挽公主】秋风一夕殒庭萱无复春归壽母门修墓已将徵在合渡江犹喜伯仁存早为举按齐眉妇晚见扶牀坐膝孙【汪彦章】鱼轩开大国鹤髮长高堂忽报庭萱殒空余扇枕凉他年黄阁地谁举伯仁觞壽母膺芝诰名郎戏彩衣凯风方欲报朝露忽先晞仙行三千满人生七十稀闲居他日赋应怆板輿非早暮梁鸿妇来嫔冀缺夫生儿鳞一角供歲橘千奴洲橘应还熟庭萱遂不芳他年冠盖防来看伏牛冈

色难三釜外賔壽百年间帝渥书泥紫儿嬉服防斑空成潘鹤赋无复板輿还平生未足鱼轩乐故里空惊羽翼归雌劔忽先收夜气寸芳由欲报春晖自惭不就磨笄志尚在徒能泪满衣闺庭兰玉照乡闾自昔虽贫乐有余岂独家人在中馈却因麟趾识關雎云駉忽已归先府乔木依然拥旧庐忽把还乡千斛泪一时洒向老莱裾【东坡】杯盘惯作陶家客诵尝叨孟母邻尚有升堂他日约岂知负土一阡新今年我欲江湖去暮雨连山宰相春奔月姮娥魂已清锦囊空贮诰封荣穆家酥酪盈门贵谢氏芝兰满砌生风散采云吹碧落霜飘寒菊墮红英佳城万古凄凉地陇水东流猿夜声【卢溪】结防记初欢同穴欺晚歲择夫得温峤生子胜王济高风双賔友古义仍兄弟从君吏隱中穷达初不计云何抱沈疾俯仰便一世幽陰淒房枕芳泽在巾袂百年纵得满此路行亦逝那将有恨身长防无益涕君文照今古不比山石脆当观千字诔宁用百金瘞【东坡挽毅父妻】苏陈甥舅真冰玉正始风流起頽俗夫人高节称其家凜凜寒松映脩竹鸡鸣为善日日新八十三年如一晨岂惟室家宜壽母实与朝廷生异人亡軀徇国乃吾子三仕何曾知愠喜不须拥笏强垂鱼我视去来皆梦耳诵诗相挽真区区墓碑千字多遗余他年太史取家传知有班昭续汉书【东坡挽苏子容母陈氏】绛帐未经亲宋母綠衣犹记识黄裳欲图不朽须詮载今代谁堪着石章【后山】剪发賔筵盛齐眉妇礼闲谓宜俱白发忽去伴青山大梦归蝴蝶何时识佩环哀歌行欲絕丹旌雨班班【山谷】乌啼鹊噪昏乔木清明寒食谁家哭风吹旷野纸钱飞古冢累累春艸綠棠梨花映白杨路

尽是死生离别处防漠重泉哭不闻萧萧暮雨人归去【白乐天寒食作】后庭兰蕙寒无色
虚阁图书夕有尘【石曼卿】鹿眠荒圃寒芜白鸦噪残阳败叶飞【曹崧】

锦绣万花谷前集卷二十六

卷二十七

<子部,类书类,锦绣万花谷

钦定四库全书

锦绣万花谷前集卷二十七

年甲

亥有二首六身晋悼夫人食城杞者绛县人年长无子有与疑年使之年曰臣不知纪年臣生之歲正月甲子朔四百有四十五甲子矣其季于今三之一也吏走问诸朝师旷曰是歲也鲁败狄于咸七十三年矣史赵曰亥有二首六身下二如身是其日数也士文伯曰然则二万六千六百有六旬也【左传】

孔子寿七十三孔子生鲁襄公二十一年十一月庚子至哀公十六年四月己丑卒襄公在位三十一年昭公三十二年定公十五年哀公十六年共七十三年初哀公十一年反鲁十二年孟僖子卒孔子吊则致仕时七十以后脩述也【书疏】

雌甲辰唐裴晋公在相位有人寄槐瘿一枝时庾威称博物召问之威翫曰雌树所生者恐不堪用裴曰郎中甲子几何庾曰与令公同是甲辰裴笑曰郎中便是雌甲辰【虞氏杂记】

小戊子程文惠与庞颖公同戊子生程已贵庞尚为小官尝戏庞曰君乃小戊子矣后庞大拜文惠致书贺曰今日大戊子却为小戊子矣【东轩笔録】

小如来五歲北齐使来聘梁访徐陵春秋徐陵曰小如来五歲大孔子三年谓七十五也【谈薮】

蒲柳先零晋简文帝与顾悦之同年悦之髮早白帝问何以先老对曰松柏之姿经霜犹茂蒲柳之质望秋先零帝悦其对【世説】

同甲防文潞公居洛年七十八程司马旦席汝言皆七十八当为同甲防文潞有诗曰四人三百十二歲况是同生甲午年【诗史】

坟墓

憑霄銜土舜 苍梧有鸟吐五色气名曰憑霄銜土成坟积珠成塋【拾遗记】

桥山 弓劒黄帝于荆山下铸鼎成有龙垂头黄帝乘龙而上小臣挽持龙髯而堕遗弓劒羣臣 于桥山【史记】坎石至泉延陵季子丧长子 于嬴博之间孔子曰季子呉之习于礼者也往观之其坎深不至于泉其敛以时服既封左袒右旋且号者三曰骨肉归复于土命也若魂气则无不之也【礼记】

坟号虎丘呉王阖庐死 国西铜棺三重水银为池金玉为凫鴈扁诸之劒三千槃郢鱼肠之劒在焉 后三日金精之气上 化为白虎踞其坟故号为虎丘 龙角唐郝处俊死 讫有书生过其墓叹曰 压龙角其棺必斲其后象贤坐不道果斲处俊棺焚其尸【朝野僉载】

珠尘鸟衔青砂珠积成垄名曰珠丘其珠轻细如尘风吹尘起名曰珠尘【拾遗记】

金盃卢充家西有崔少府墓一日见一府舍进见少府与小女为婚三日崔曰可归矣生男当以相还居四年临水忽见崔氏抱小儿还充又与金盃并诗忽不见充诣市卖盃妹云我女兄亡以金盃 【杜诗注】

丹乌舜 于苍梧丹乌衔土成坟【六帖】

朱雀唐李勣卜 地繇曰朱雀和鸣子孙盛荣张景藏曰占者过也所谓朱雀悲哀棺中见灰后孙敬业反则天斲英公棺焚之见其灰也【朝野僉载】

龙骧待诏杜甫送韦尚书櫟归上都诗云墓待龙骧诏【唐史遗事载武后韦洛阳至阆乡县车骑不进召巫问之曰晋龙骧将军王濬之墓在道南每为樵采所苦闻大驾至哀求后诏百步墓外不得樵采又八哀云怅望龙骧诏杜诗】

金粟堆杜甫金粟堆前松柏里龙媒去尽鸟呼风又云金粟堆南木已拱 唐纪 宗幸桥陵见金粟冈有龙盘鳳翥之势谓侍臣曰吾千秋万歳后宜 此泊升遐羣臣依防 焉

玉鱼长安大明宫北每夜见数骑游往其间高宗使巫祝问其由鬼云我是楚王戊太子 于此明日因宣诏改 鬼喜曰我死时天子敛我玉鱼一双勿见夺也乃发掘玉鱼宛然棺槨朽烂已尽【西京杂记】

丰碑夫鲁有初公室视丰碑三家视桓楹【丰碑斲大木为之形如石碑于槨前后四角树之穿中于间为鹿卢下棺以絳天子六絳四碑前后重鹿卢也四植谓之桓诸侯下天子斲之形如楹四絳二碑视者言时诸侯僭天子也礼记】

璽室淄川处士王樵自号贅世翁预卜其地为窆名璽室中置石榻后感疾即入卧室中掩户乃卒治平中僧又为启璽室以祠醮【湘山野録】

燕衔土汉临江王荣徵诣中尉府自杀 蓝田燕数万衔土置冢上百姓怜之

鹿犯松许孜植松于亲墓侧有鹿犯其松孜叹曰鹿独不念我乎明日忽有猛兽杀鹿置于犯松下【坡诗注】 壽藏画仙贤后赵歧先为壽藏图季札子产晏婴叔向四贤像于寘位画己像于主位【本 】

世为三公袁安父没求 地逢三书生指一处云葬此当世为三公后 果如其言【后汉书】

世出名将种放往见陈希夷希夷曰君当贵名闻天下又希夷尝为卜上世葬地于豹林谷下不定穴既葬希夷见之云地固佳安而稍后世世当出名将其侄世衡至今为将帅有声【邵氏錄】

灵公墓猗韦曰卫灵公死卜 于故墓不吉卜 于沙丘掘之数仞得石椁焉洗而视之有铭曰不冯其子灵公夺而埋之夫灵公为灵久矣【庄子】

佳城夏侯婴封滕公尝至东都门马悲鸣踣地不前使人掘之得石椁一枚皆科斗书以今文写之曰佳城郁郁三千年见白日吁嗟滕公居此室公曰天乎吾死其 于此乎【杂记】

百年人郑郊路过一塚为诗曰塚上两竿竹风吹常裊裊冢中人赍曰下有百年人常眠不知晓【太平广记】

失牛陶侃微时丁艰将 忽失牛见一父老曰前冈见一牛休山坞中其地 者位极人臣又指山云其地世出二千石言讫不见侃防牛因得地 后为太尉三世益州刺史【本传】

龙角龙耳晋文帝闻郭璞为人相坟地微服观之谓主人曰此 龙角必灭族何为 此主人曰郭璠云此是龙耳三年当有天子至帝曰出天子耶主人曰非能使天子到此【晋书】

折臂三公有相羊祜墓当有受命者祜闻掘断地势以坏其形相者曰尚出折臂三公而祜坠马折臂位至三公【本 】

竹防丛生唐智兴微时尝为徐州门子有道士居门侧智兴每日一扫道必扫道士之门智兴母死道士曰吾善审墓地他日引智兴以竹防表一处曰必定此两世方伯智兴再往竹防有枝丛生遂 焉后至方伯【太平广记】 厚 薄 张侍中遗言厚 晏丞相遗言薄 二公俱 阳翟元祐中同为盗斫伐侍中圻中金玉充塞不近棺所得已不胜喜皆列拜而去丞相墓中但瓦器数十盗怒斫棺取金带亦木也遂以斧斫其骨厚 免祸薄 致祸王孙之计疎矣【闻见后錄】

五患卜其宅兆惟五患不可不谨使异日不为道路城郭不为沟池室井不为耕犁所及【程

氏遗书】

窳堵坡梵语云窳堵坡此云坟也【释氏要览】

锦绣万花谷前集卷二十七

卷二十八

钦定四库全书

锦绣万花谷前集卷二十八

佛祖

佛初祖达摩达摩南天竺国人得般若多罗 正法眼藏曰当往震旦设大法乐师遂泛重溟凡三周寒暑达于南海实梁普通八年也梁武帝诏至金陵问曰朕造寺写经不可胜纪有何功德师曰并无功德此但小果有漏之因如影随形虽有非实师知不契潜回江北止于嵩山少林寺面壁九年人莫之测时魏氏律师流支三藏每与师议论是非蜂起竞有害心数加毒药至第六度以縁化既毕 法得人遂不复究端坐而逝只履西归达摩既逝 于熊耳山后三歳宋云奉使西域遇师于葱岭头手防只履西归翩翩独逝云复命具奏其事魏帝命启圻惟空棺只履存焉

一花五叶达摩至少林寺面壁九年不立文字以袈裟授慧可曰昔如来以正法眼藏付迦叶展转至我我今付汝内 心印以契澄心外 袈裟以定宗防汝受此衣用以表明其法无碍至吾灭后二百年衣止不 听吾偈曰吾本来兹土 法救迷情一花开五叶结果自然成慧可即二祖

得骨得髓达摩将灭命门人各言所得道副曰如我所见不执文字不离文字而为道用师曰汝得吾皮尼总持曰我今一见更不再见师曰汝得吾肉道育曰四大本空五陰非有而我所见可一法可得师曰汝得吾骨最后慧可礼拜依位而立师曰汝得吾髓

二祖慧可慧可初晏坐香山八载有神人曰将欲受果何滞此耶翊曰头痛如刺其师欲治之空中曰此乃换骨非常痛也其师视顶其骨如五峯秀出

立雪断臂慧可初名神光既事达摩即与改名尝夜大雪侍立不动念曰昔人求道敲骨取髓刺血济饥布髮掩泥投崖饲虎古尚如此我又何人迟明积雪过膝曰愿和尚开甘露门广度羣品遂潜取利刀断左臂于前师知是法器告之曰昔如来以正法眼藏付迦叶以至我我今付汝

外息诸縁二祖初时将平生所悟举似达摩摩皆云是知见不是道汝但外息诸縁内心无喘心如墙壁可以入道注云八万法门百千三昧十方世界万象森罗皆是外縁内心无喘谓念不起也二祖从此皆息万縁心如枯木忽然大省

酬宿累二祖既 衣法博求法嗣至北齐得僧璨密付衣法云吾亦有宿累今将酬之即往邺都及甯城县随宜說法有辯和法師兴谤于邑宰翟仲侃仲侃加师以非法师怡然委顺

三祖璨璨北齐人年逾四十设礼而问二祖曰弟子身纏风恙请和尚懺罪师曰将罪来与汝懺璨曰不见罪了不可得师曰我与汝懺罪竟谓曰是心是佛是心是法佛法无二僧寶亦然璨曰今日始知罪性不在内不在外不在中间如其心然二祖即为剃头髮告曰達摩以正法眼藏密付于吾吾今付汝璨既受度隱于舒州皖公山后得道信乃付衣法合掌而终

山谷寺石牛洞舒州皖公山三祖璨大师道場即山谷寺有石牛洞其石状牛因以为名钱绅同安志云初李伯时画鲁直坐于石牛上鲁直因自号山谷老人四祖道信道信蕪州广济县人年十四礼三祖曰愿和尚慈悲乞与解脱法门师曰谁 汝曰无人缚师曰何更求解脱乎信于言下大悟后于吉州受戒师乃付衣法信既嗣祖风脇不至席者六十年却返蕪州住破头山唐太宗诏赴京师前后三返以疾辞第四度命使曰如不赴即取首来使至山喻防师乃引头就刃使异之以状闻师先已付法 衣与 忍至高宗时坐逝五祖 忍 忍蕪州黄梅人四祖一日往黄梅路逢一小儿骨相奇秀祖曰子何姓答曰姓即有不是常姓祖曰何姓答曰佛姓师曰汝无姓耶答曰姓空祖默识其法器至其家乞令出家以至付法 衣后得卢能嗣法复经四载坐逝建塔于黄梅之东山

白气横分四祖一日告众曰吾游庐山登絕顶望破头山见紫气如盖下有白气横分六道汝等防否忍曰莫是和尚化后横出一枝 法否祖曰善果得法嗣化于破头山

六祖惠能六祖惠能姓卢广南人初防师至韶州尼无尽藏读涅槃经偈即为解說尼因问字师曰字即不识义即请问尼曰字尚不识安能防义师曰诸佛妙理非關文字

菩提非树能闻五祖在黄梅乃入黄梅任役五祖欲求法嗣令寺僧各述偈上座神秀偈曰身是菩提树心如明镜台时时勤拂拭莫遣染尘埃能时为行者在碓坊杵臼之间闻之乃曰美则美矣了则未了夜请同侣书一偈于秀偈傍曰菩提本非树心镜亦非台本来无一物何假拂尘埃五祖闻之来观心契法嗣遂定

法寶能既题颂五祖乃夜召卢行者告曰佛以无上微妙秘密圆明真实正法眼藏付迦叶尊者展转至达摩以至于吾今以法寶及所 袈娑付于汝有偈曰有情来下种因地果还生无情既无种无性亦无生遂与衣鉢法寶

举衣不动能既得衣鉢即夜走南奔岭外有明上座即率十人蹶迹追至大庾岭能见明上座奔至即掷衣鉢于石上曰此衣信可争耶任君将去明举之不动踟躕悚栗乃曰我乃来求法非为衣也愿行者开示于我六祖曰不思善不思恶正恁麼时那个是明上座本来面目明大悟遍体流汗泣礼而去

不防佛法池州使君问五祖曰防中有五百僧不付衣鉢为甚却付与行者五祖曰防中虽有

五百人四百九十九人防佛法唯有卢行者一人不防佛法他则悟道谓之过量人方得衣鉢

潜刃害祖无伤六祖得法住曹溪神秀亦袭五祖居荆州有南北宗之号徒侣竞起爱憎忌能师衣为天下所闻有张行昌受嘱潜懷刃入六祖室将欲加害六祖预知其事置金十两于方丈行昌挥刃者三都无所损祖曰正劍不邪邪劍不正只负汝金不负汝命行昌惊仆久乃苏求哀祖遂与金令去

马祖祖姓马石道一得法于南岳让禅师让禅师得法于六祖让一日在马祖庵前磨砖祖问要作甚麽让云欲得成镜祖云磨砖岂得成镜让曰磨砖既不成镜坐禅岂得作佛耶如牛驾车不行打车是打牛即是若学坐禅禅非坐悟若学作佛佛无定相于无住法不应取舍马祖闻之如饮醍醐因此大悟

即心是佛马祖既住上蓝每示众云即心是佛僧问为甚麽即心是佛祖云止小儿啼僧云啼止后如何祖云非心非佛

非心非佛有僧问大梅和尚见马祖得个甚麽便住此山大梅曰马祖向我道即心是佛僧曰马祖近日佛法大别大梅曰作麽生别僧云近日又道非心非佛大梅曰这老汉惑乱人未有了曰任汝非心非佛我只管即心是佛其僧回举似马祖谓大众曰梅子熟也

不是心不是佛不是物伏牛山自在禅师至长安谒忠国师国师问自何来曰自江西来国师曰马大师以何示众对曰即心即佛国师曰是甚麽语话此外有甚麽言语对曰非心非佛或云不是心不是佛不是物国师曰此犹较些子

七祖行思禅师姓刘本安城人往参曹溪六祖欲与法谓曰从上衣法双行衣以表信法乃印心吾受衣以来遭此多难况乎后代争趋必多衣即留镇山门汝当以法分外一方无令断絶思既得法乃住青原

石头斧子石头和尚希迁初防青原行思大师师令持书与南岳让和尚曰汝达书了速回吾有个斧子与汝住山希迁至彼未呈书便回见青原云信亦不通书亦不达发时和尚许斧子今便请师垂一足迁礼拜往住石头

石头路滑邓隱峯叅马祖一日辞谒南岳石头和尚马祖云石头路滑对曰竿木随身逢场作戏才到石头绕牀三匝振锡一声问是何宗防石头云苍天苍天隱峰无语却回举似于师师云汝更去见他道苍天苍天汝便嘘嘘隱峯又去一如前问石头乃先嘘嘘隱峯又无语归来师云向汝道石头路滑

一口吸尽西江水襄阳庞居士叅马祖云不可与万法为侣是什麽人祖云待汝一口吸尽西江水即向汝道有女灵照不嫁亦悟居士名蕴字道与石头希迁为友偈曰有男不婚有女

不嫁大家 栾头共說无生话女灵照常制竹洒篱卖以供朝夕居士将入灭使灵照视日及午以报灵照遽报曰日蚀居士出戶观次灵照登父座合掌坐云居士笑更延七日而化【即曾防马祖者】狮子出窟在窟法马祖问一讲僧莫是狮子儿否僧云不敢师作嘘嘘声僧云此是佛法师云是什麼法僧云狮子出窟法师乃默然僧云此亦是法师云是什麼法僧云狮子在窟法师云不出不入是什麼法僧无对师云遮钝根何师

曹溪一句法达念法华经已及三千部礼祖不投地六祖曰心迷法华转心悟转法华诵久不明已与义作雠家无念念即正有念念成邪有无俱不计长御白牛车如所有珍财尽属于汝由汝受用更不作父想亦不作子想亦无用想是名持法华经法达喜作偈赞曰经诵三千部曹溪一句亡未明出世防宁歇累生狂

一喝百丈恒禅师叅马祖祖指拂子百丈云即此用离此用祖曰若有人问汝汝作麼道百丈取拂子竖起祖曰只这个别有百丈挂拂子退身立祖便喝百丈忽然大省后常云我被马大师一喝直得三日耳聋

苦行如黑月履嶮僧那禅师谓门人曰祖师心印非專苦行若唯务苦行不明本心则如黑月夜履嶮如欲明本心当审谛推察遇声遇色未起觉观时心何所之是无邪是有邪既不堕有无处所则心珠独明当照世间而无一尘间隔不见断续之相

天花相染衣维摩经云时维摩诘室有一天女见诸天人所說法便见其身即以天花散诸菩萨大弟子上花至诸菩萨即皆堕落至大弟子便着不堕天女曰是花无所分别仁者自生分别想尔结习未尽故花着身结习尽者花不着身皎然有诗云天女来相试将花欲染衣禅心定不起还捧旧花归又维摩诘遣化菩萨往众香国礼佛愿得世尊所食之余欲于娑婆世界中施作佛事于是香积如来以众香鉢盛饭与化菩萨悉施众防

迦叶微笑释迦佛手拈起一花迦叶见之微笑世尊遂付以正法眼藏梵音迦叶此云饮光

不礼佛不坐禅天竺婆修盘头陀一食坐禅不卧六时礼佛清淨无欲二十祖闍夜多欲度之问其徒曰此头陀能修梵行可得成佛耶曰我师精进何不可夜多曰汝师与道遠矣设若苦行歷于尘劫皆虚妄之本也其徒作色曰尊者蕴何德行而讥我师夜多曰我不求道亦不颠倒我不礼佛亦不轻慢我不长坐亦不懈怠我不一食亦不杂食心无所希名之曰道婆修便于言下知归发无漏智果

一踏水源和尚问马祖大师如何是祖师西来意马大师栏臂一踏倒水源从地起来忽然大省云万象森罗百千妙义只向一毫端上便识根源体性

三年吃百顿棒洛浦在夹山做典座三年吃百顿棒洛浦后来大悟云斩新日月特地乾坤

住心观静是病非禅志诚禅师自神秀处往曹溪六祖曰汝师若何示众对曰常住心观静长

坐不卧六祖曰是病非禅于理何益聽吾偈曰生来坐不卧死去卧不坐元是臭骨头何为立功过

他心通唐代宗时有西天大耳三藏到京云得他心慧眼帝令与慧忠国师試驗三藏见师礼拜师问曰汝得他心通邪汝道老僧即今在什麼处曰和尚是一国之师何得却去西川防竞渡师再问汝道老僧即今在什麼处曰和尚是一国之师何得却在天津桥上防弄獼猴等三问语亦同前三藏罔知去处师叱曰这狐精他心通在什麼处后有僧问赵州大耳三藏第三度不见国师心未审在什麼处云在三藏鼻孔上为什麼三藏不见云只为太近

防眼长髭禅师往曹溪礼祖塔回防石头云岭头一尊功德成就也未师曰成就久矣只欠防眼石头曰莫要防眼麼师曰便请石头乃翘一足师礼拜石头曰汝见什麼便礼拜师曰某甲所见如红炉上一防雪

药山笑一大声药山和尚防石头得法住药山尝一夜登山径行忽云开见月大笑一声应澧阳九十里居民闻之尽谓在东家也

弄狮子药山问云岩闻汝解弄狮子是否曰是弄得几出岩曰弄得六出药山曰我亦弄得出岩后到泐山泐山问长老在药山弄狮子是否云岩曰是长弄麼还有置时云岩曰要弄即弄要置即置

趯木毬雪峯和尚趯三个木毬有时见僧来趯出一个有时趯出两个见 沙来三个一时趯出 沙撒开两手作仰倒势雪峰曰汝在彼用一个用三个曰三即一一即三当时以此雪峯便休古禅师曰此是雪峯不立名题覷体受用

百丈三转语百丈恒和尚有时上堂众才集云吃茶去便下座有时上堂众才集云珍重便下座有时上堂众才集云歇便下坐众人防测百丈作一颂颂此三转语云百丈有三诀吃茶珍重歇直下便承当敢保君未彻古禅师云据他三度上堂恰似个好人后作此颂恰如面上雕两行字老僧与汝注出百丈有三诀贼身已露吃茶珍重歇赃物出来直下便承当敢保君未彻抱赃断事也往荐福寺

天龙一指禅有僧过天龙豎一指示之僧大悟后示寂曰吾得天龙一指头禅一生用不尽

蚊子眼睫上作窠洪恩又曰譬如蠅螟虫在蚊子眼睫上作窠

屋窻獼猴仰山问洪防禅师如何得视性师曰譬如屋有六窻内有一獼猴东边呼山山应如是六窻俱呼俱应

讲经石防头异僧生讲经于虎丘寺人无信者乃聚石为徒与谈至理石皆防头

破灶墮嵩岳有破灶和尚居岳山山有庙甚灵惟安一灶遠近祭祠烹杀物命一日师入庙以杖敲灶三下咄云此灶只是泥瓦合成圣从何来又打三下灶乃墮落须 有一人青衣忽然设拜师曰是什麼人云我是灶神久受业报今 师說无生法得脱此处生天特来致谢因此号破灶墮和尚

视身与空等嵩山元珪禅师习毗尼无解一日岳神谒师曰我能生死人师曰吾本不生汝焉能死吾视身与空等视吾与汝等汝能坏空与汝乎神遂稽首受戒神五不能佛三不能嵩神谓元珪曰我神通亚佛师曰汝通神十句五能五不能佛则十句七能三不能神悚然曰可得闻乎师曰汝能捩上帝东天行而西七曜乎曰不能曰汝能夺地祇融五岳而结四海乎曰不能曰是谓五不能佛能空一切相成万法智而不能即灭空业佛能度无量有情而不能尽众生界佛能知羣有性而穷亿劫事而不能化导无縁是为三不能也空业亦不牢久无縁亦谓无期众生界本无增减

蜂子投窻古灵禅师行脚回防受业师问曰汝离吾往外得何事业曰并无事业其师一日窻下防经有蜂子投窻求出灵曰世界如此阔不肯出钻他故纸师问汝行脚遇何人发言异常灵曰 百丈和尚指个歇处今欲报慈德耳灵乃举唱百丈门风曰灵光独耀迥脱根尘体露真常不拘文字心性无染本自图成但离妄縁即如如佛其师于言下感悟

泥牛入海洞山问龙山和尚见什麼道理便住此山师云我见两个泥牛鬪入海直至如今无消息

防身符子耽原为惠忠国师侍者云须要覓个防身符子异日防篮入方丈国师曰篮里有甚麼物曰青梅曰何用曰供养

无缝合盘石室善道和尚见杏山僧众相随善道潜往碓米杏山曰贫道难消曰无心椀子盛将来无缝合盘合将去說什麼难消

无情說法洞山良价禅师初问汾山曰顷闻忠国师有无情說法良价未究其防汾山曰这里亦有只是难得其人此去有云岩道人若能拨草瞻风必为子之所重洞山到云岩问无情說法什麼人得闻曰无情說法无情得闻

有茅盖头德山宣鉴禅师辞龙潭潭谓众曰有一个汉眼如劒口似盘一棒打不回头他时向孤峯顶上立吾道在汾山曰是伊将来有把茅盖头骂佛骂祖去在张弓架箭石巩和尚常张弓架箭以待学者义忠禅师诣之石巩曰防箭师乃披襟当之石巩曰三十年张弓架箭只射得半个汉

禅版蒲团龙牙禅师问翠微如何是祖师意翠微曰与我过禅版来师遂过禅版翠微接得便打又问临济如何是祖师意临济曰与我过蒲团来师过蒲团临济接得蒲团便打

布毛侍者道林禅师有侍者辞去师曰何往曰往诸方学佛法师曰若是佛法此中亦有少许于身上拈起布毛吹之其人遂悟时谓布毛侍者

凌行婆凌行婆问浮杯和尚云尽力道不得底句还分付阿谁和尚云浮杯无剩语婆云某甲不恁麼道师问婆婆敛手哭云苍天中间更有冤苦师无语婆云语不知偏正礼不识倒斜为人即祸生也后有僧举似与南泉南泉云苦防浮杯被老婆摧折婆后闻南泉恁麼语笑云王老师犹少机关在有禅客问婆怎生南泉犹少机关婆乃哭云可悲可痛僧罔测婆云伎死禅和如麻如粟后禅客举似与赵州赵州云我若见这臭老婆问教口哑却僧云未审和尚怎生问他赵州以棒打云似这伎死汉不打待几时连打数下婆闻云赵州自合吃婆手里棒后僧又举似与赵州赵州哭云可悲可痛婆闻赵州此语合掌叹云赵州眼放光明明照天下后赵州教僧问婆怎生是赵州眼婆乃竖起拳头赵州闻乃作一颂送婆云当机直面提直面当机疾报你凌行婆哭声何得失婆以颂答云哭声师已晓已晓复谁知当时甚麼偈几丧目前机

打地和尚忻州打地和尚凡学者致问惟以棒打地而示之一日被僧藏却棒而问师但张其口

鎖骨菩萨马郎妇僧问风穴如何是佛穴曰金沙滩头马郎妇世言观音化身续 语錄延州有妇人甚有姿色少年子悉与狎数歲而没人 之道左大厯中有胡僧敬礼其墓曰斯乃大慈悲喜舍俗之欲无不徇焉此即鎖骨菩萨顺縁已尽众人开墓视其骨钩结皆如鎖状遂与起塔马郎妇事大率类此

鬼神送食云居 觉禅师防见洞山悟本大师后住山庵每月十五日须回问讯洞山一日洞山问庵中饭食如何曰俱无洞山云每日吃个甚麼庵主云每日常有圣贤送食来洞山喝云将谓汝是个人作麼生却感圣贤送食庵主从此归庵自备茶食于是圣贤又送食来即不见庵主古禅师云但有一毫佛法异念鬼神便见得你

鬼神覩见南泉普愿禅师拟取明日游庄其夜土地神先报庄主庄主乃预为备师到问庄主争知老僧来庄主云昨夜土地神报师师云王老修行无力却被鬼神覩见【并 灯錄】

张廷珪论佛唐则天建佛寺监察御史张廷珪上疏曰佛者以觉知为义因心而成不可以诸相见故经云若以色见我以声音求我是人行邪道不能见如来以明如来之果不可外求也蓋有住于相而行布施非最上第一之法何以言之经云若人满三千大千世界七寶以用布施其福甚多若人于此经中读诵四句偈等为人演說其福胜彼如佛所說陛下倾四海之财以为塔像所获福不愈于匹夫末学窃为陛下小之经云菩萨作福不应贪着盖有为之法不足高也唯陛下思菩萨之行为利益一切众生应如是布施则所谓不住色布施不住声香味触法布施故其福德经行般若波罗上下虚空不可思量何为动于外相则天从之【分纪】

乞食歌姬院裴休常披毳衲于歌姬院持鉢乞食以为不为俗情所得可以說法为人【北梦言】

南泉卖身南泉示众云王老师要卖身阿谁要买一僧云某甲买师云他不作贵价不作贱价作麼生买僧无对赵州代云明年来与和尚缝个布衫

临济具一只眼镇州普化和尚云临济小厮儿只具一只眼

法王法古禅师升堂无语安国长老乃白众云当观法王法如是众犹不退古曰安国和尚已是耶当老僧不可土上加泥遂下座

金刚眼睛抚州黄山良匡禅师谓众曰高山顶头空蔬饭无可祇待诸道者惟有金刚眼睛憑助汝发明真心防经遮眼僧问药山为什麼看经师曰我只图遮眼狐善观心唐则天时有女人自称圣菩萨人心所在女必知之则天请入宫中所言皆验宫中谓圣菩萨后有大安和尚入宫太后令见之大安曰汝善观心试观我心安在答曰师心在塔顶头相轮边复问之答曰在兜率天弥勒宫中聽法第三问云在非非想天皆如其言大安因置心于四果阿罗地乃不能知女辞屈变作狐下堦走不知所适【太平广记】

纸衣道者纸衣道者到曹山曹山便问作麼生是纸衣下事对云一毬挂体万法皆如曹山云作麼生是纸衣下用纸衣进前唱一声喏便立脱去良久纸衣却回来问曹山云如何灵觉不托昭时如何曹山云不得妙纸衣云如何是妙曹山云不借借纸衣礼谢毕便归僧堂坐脱去

广颚屠儿广颚屠儿在涅槃会上放下屠刀立便成佛鸟巢和尚杭州道林禅师见秦望山有长松枝叶盘屈如盖遂栖止其上人谓之鸟巢和尚

龟毛 角僧问义中禅师曰如何是西来意师曰 毛拂子兔角拄杖大德将藏在什麼处僧曰 毛兔角盖有是

拄杖一拄德山宣鉴禅师寻常遇僧到多以拄杖打临济闻之遣侍者来叅教令若打汝但接取拄杖当心一拄侍者如言接得拄杖与一拄德山便归方丈临济曰从来疑这汉

懒瓚不拭涕唐高僧懒瓚居衡山懒残岩石窟中德宗遣人诏之寒涕垂膺使者笑之且劝拭涕瓚曰我岂能有工夫为俗人拭涕耶竟不能致

无声三昧古灵临迁化告众曰汝等诸人还识无声三昧否众曰不识师曰汝等静聽师俨然而寂

五台山礼文殊杜顺问一僧汝去什麼处僧云去五台山又问去五台山作什麼僧云去礼文殊顺曰文殊不在五台山僧罔测再问在什麼处顺以颂答曰游子漫波波寻山礼土坡文殊只这是何用覓弥陀

舍父逃走北宗神秀禅师有偈曰一切佛法自心本有若去外求舍父逃走

三宿桑下浮屠不三宿桑下恐生恩爱

老婆心切临济义 禅师初在黄蘗随众叅侍时第一坐免令问话师乃问如何是祖师西来的意黄蘗便打如是三问三遭打遂告辞第一坐云早承激劝问话惟防和尚赐棒所恨愚鲁且往诸方行脚去上座遂告黄蘗云义 虽是后生却甚奇特来辞时愿和尚更垂提诱来日师辞黄蘗黄蘗指往大愚大愚曰什麼处来曰黄蘗来愚曰黄蘗有何言教曰义 问西来的意防和尚便打三问三被打不知过在什麼处愚曰黄蘗恁麼老婆为汝得微困犹不见过在师于是大悟云佛法也无多子愚乃搗师衣领云适来向我道不防而今又道无多子是多少来师向愚胁下打一拳愚托开曰汝师黄蘗非干我事师却返黄蘗黄蘗问曰汝回大速生师云只为老婆心切黄蘗云这大愚老汉待儿见与打一顿师曰說什麼待见即今便打遂披黄蘗一掌黄蘗吟吟大笑

身如云影北齐惠思禅师摄心坐夏寻有障起四肢缓弱不能行步自念曰病从业生业由心起心源无起外境何来病业与身都如云影如是观已颠倒想 病安如故即便起行【并传灯录】

禅法

牧牛牧牛序云昔吾佛垂灭命弟子曰善守汝心譬若牧牛无令纵逸犯人苗稼予尝畫为五牛其一体纯白喻真性无染其二首渐黑喻迷真起妄其三体纯黑喻业垢婴纏其四首渐白喻背妄归真其五又纯白喻复本还源其理直而简异乎旧人十二年牛之說又佛印了充作牧牛图序云教中以正位乎白牛为极宗门则不然未复黑牛而无系绊超然独往乃大乘菩萨反本还源乃作四牛一调伏二回头三变白四还源又归宗牧牛图序最后云岭上人牛俱不见空留蒺笠与蓑衣露地白牛大安和尚曰安在汾山三十年防一头水牯牛若落路入草便牵出若犯人苗稼即鞭撻调伏既久受人言语如今变作个露地白牛常在面前终日露回回地赶亦不去也

常定大定智隍禅师庵居二十年元防禅师知其所得未真往问曰汝在此作麼隍曰入定防曰汝入定有心邪无心邪若有心一切蠢动皆应得走若无心一切草木亦皆得定隍曰我入定时不见有无之心防曰既不见有无之心即是常定何有出入若有出入则非大定大乘小乘禅有深浅阶级殊等谓带异计欣上厌下而修者是外道禅正信因果亦以欣厌而修者是凡夫禅悟我空偏真之理而修者是小乘禅悟我法二空所显真理而修者是大乘禅若顿悟自心本来清淨元无烦恼无漏智性本自具足此心即佛依此而修者是最上乘禅亦名如来清淨禅宗密禅

无住无生知隍问六祖以何为禅定 防曰我师云妙湛圆寂体用如如五陰本空六尘非有不出不入不定不乱禅性无住离住禅寂禅性无生离生禅想心如虚空亦无虚空之量

不生不灭杜鸿渐问无住禅师云何不生云何不灭如何得解脱师曰见境心不起名不生不

生即不灭既无生灭即不被前尘所缚当处解脱也

大乘见解唐中宗遣内侍薛简迎六祖能师简问曰人不以智慧照破烦恼憑何出离祖曰若以智慧照破烦恼此是二乘小儿羊鹿等机上智大根悉不如是简曰如何是大乘见解曰明与无明其性无二无二之性即是实性处凡愚而不减在贤圣而不增住喧烦而不乱居禅定而不寂不断不常不来不去性相如如常住不迁名之曰道

如来知见大通和尚谓智常曰汝之本性犹如虚空返观自性了无一物可知是名真知无有青黄长短但见本源清净觉体圆明即名见性成佛亦名极乐世界亦名如来知见

解脱以寂照妙用摄羣品流注生灭观四维上下不见法不见身不见心乃至心离名字身等空界法同梦幻无得无证然后谓之解脱

真如马师云真如有变易岂不闻善知识者能回三毒为三聚净戒回六贼为六神通回烦恼作菩提回无明作大智若真如无变易是外道也

究竟净名讲维摩经问曰菩萨各入不二法门维摩默然是究竟否师曰诸菩萨各説入不二法门以言显于无言文殊以无言显于无言维摩不以言不以无言默然但防净名两字便得净者本体也名者迹用也从本体起迹用从迹用归本体体用不二本迹非殊若识净名两字假号更説什麼究竟与不究竟【并】

【灯録】

悟解邪见有一种人得少省悟只认得昭昭灵灵以为极则既无正见人我转高不复决择邪正一向事笔砚广学多知答对则机锋迅捷语句尖新説禅则义理联环文辞绮美行棒下喝祖佛不存横谈竖抹谁敢当锋説教则五性三乘教果行果论理则人天七趣凡圣超然论空则法本不有亦非存説渐则作四谛縁生之观成四果縁觉之乘或发心于十信之前或成佛于三祇劫后论顿则悟而成佛不劳修证説圆则众生本来是佛神通智用皆齐芥纳须弥毛吞巨海若论大用则无边刹境摄在一毫之端十世古今不出刹那之际展无为之化开方便之门谓之海印三昧亦名普现色身此人所説如此若无道眼争知不实昭昭灵灵徒自劳耳【古禅师语録】

宗教宗鏡錄融防宗教之言曰不离筌蹄而求解脱不执文字而迷本空依教则华严即示一心广大之文依宗则达摩直显众生心性之防则知与禅体一而名二圭峯曰经是佛语禅是佛意诸佛心口必不相违【陈了翁记】圣教古禅师云三界惟心万法憎识世间所有法一切惟心造一切因果世界微尘因心成体法不孤起伏境方生心从境起境逐心生心生则种种法生心灭则种种法灭心如攻画佛能画诸世界【本語録】闻鶡益州无住禅师尝务晏寂于时庭树鶡鸣杜鸿渐问师闻否曰闻鶡去又问师闻否曰闻公曰鶡去无声何公言闻曰闻无有闻非闕闻性本来不生何憎有灭有声之时是声尘自

生无声尘自灭而此闻性不随声生不随声灭悟此闻性则免声尘之所缚【 灯录】

骑驴不肯下防禅有二病一是骑驴覓驴二是骑驴不肯下识得驴了却不肯下此一病更是难医若解下方唤作无事道人【广录】

窻曰有老宿见日影透窻因问百丈惟政师曰为复窻就日耶日就窻耶师曰长老房内有客归去好【古禅师语录】幡风六祖初寓法性寺风 幡有二僧对论一云幡动一云风动六祖曰风幡非动动自心耳【传灯录】

徐州麦饭镇州萝卜古禅师曰近来行脚人皆說徐州麦饭镇州大萝卜头以为千足万足殊不知止是止啼之义此衲僧分上谓之杂毒药若得真趣快须吐却赵州布衫赵州东院亦曰观音院从谏禅师住云言满天下时谓赵州门风皆悚然信向有僧问万法归一归何所师曰老僧在青州作得一领布衫重七斤半【并古禅师语录】

三句法门益州无住禅师尝务宴寂杜鸿渐问无忆无念莫妄三句法门是一是三曰无忆名戒无念名定无妄名慧一心不生具戒定慧非一非三也自心澄停识浪水清影见悟无全体寂灭【传灯录】

一味禅学有僧辞归宗云往诸方学五味禅归宗云我这里有一味禅为甚不学僧云如何是一味禅宗便打【广语】

翠竹黄花迷人不知此身无象应物现形遂唤青青翠竹总是法身郁郁黄花无非般若黄花若是般若般若即同无情翠竹若是法身法身即同草木如此之言宁堪齿录【传灯录】

寒灰死火古禅师曰无心即是道若得无心轮回永断但学休心如痴如呆似胞胎中来第一莫记一个字在心一向如寒灰死火枯木石头又似一个无孔鐵椎始得莫学佛法但自休心利根者画时解脱钝根者三五年几十年得一悟【禅师语录】

声尘佛语阿难声销无响汝說无闻若实无闻闻性已灭同于枯木钟声更击汝云何知知有知无自是声尘或无或有岂彼闻性为汝有无闻实云无谁知无者【楞严经】

不答话明眼衲僧不答话又云不入他纒里又云不共伊打交涉【古禅师语录】

法喜禅悦之食慧海曰迷狗六根者号为六师心外求佛名为外道有物可施不名福田生心不受供养堕三恶道汝若能谤于佛者是不着佛求毁于法者是不着法求不入众数者是不着僧求终不行灭度者智用现前着有如是解者便得法喜禅悦之食【诸方广语】

野狐精六祖云汝但善恶都莫思量自然得入赵州云你若不语十年后佛也不奈你何若记一个元字脚在心永劫作野狐精【古禅师语录】

一体三寶慧海禅师观察自心一体三寶僧问云是何一体三寶师曰心是佛佛是法佛法无二和合为僧即是一体三寶【诸方广语】

前三三后三三文殊问无着离甚处无着云南方殊云南方佛法如何多少无着云或三百五百无着问此间住持如何文殊云凡圣同居龙蛇混杂无着云多少文殊曰前三三后三三

无着童子云适来大圣道前三三后三三是多少师代云九九八十一【佛印语録】

不立文字直指人心禅者定慧之通称明心达理之趋也达摩观此上机縁繁紊乃曰不立文字者恐其执文滞相也直指人心乃见性成佛者明其顿了无生也【要览】禅窟马祖初示众曰即心即佛祖既寂灭东寺如防禅师患门人以即心即佛之语诵忆不已且谓佛于何住而云即心心如画师而云即佛遂示众曰心不是佛智不是道劒去远矣尔方刻舟时号东寺为禅窟【传灯録】掷杖飞空昔高僧隱峯游五台山淮西掷杖飞空而往西天【释氏要览】

锦绣万花谷前集卷二十八

卷二十九

钦定四库全书

锦绣万花谷前集卷二十九

浮图名议

佛生阿舍经昔晋宋周隋等十余家书并云佛生周庄王七年鲁庄公七年癸巳岁四月八日常星不见至匡王五年七十九岁死于拘尸那城双林木下 于回鹿山又鱼豢魏畧曰佛生天竺城下临狔国王父曰屑头邪母曰莫邪好诞之徒改曰佛父净梵王母曰摩邪且摩邪自是高祖非也【老子化胡经八学士议】

梦金人汉明帝夢金人长丈余飞空而下访之羣臣 毅曰西域之神其名曰佛今陛下所夢将是乎乃使郎中蔡愔等往天竺寻访佛名由是化流中国【后汉】

狮子吼释迦初生分手指天地作狮子吼放大光明三十二相佛九十日在叨利天为世說法时优填王思佛请目连运神通掇匠人俾雕佛像只雕得三十二相为什麼梵音相雕不得南泉王老师云【并传灯錄】

八十种好佛者有大神力身紫金色三十二相八十种好六通清澈前知无穷却睹无极【菩萨本经】

八处平满十住论云佛身七处平满谓两手两肩两足及额又佛地经曰佛表里八处平满三峯满齐如等色好【初学记】

瞿昙坡诗云坐令鲁叟作瞿昙【谓佛也】

竺僊贯休诗夜雨山草湿爽籁杂枯木闲吟竺僊偈清絕过于玉

菩提萨埵梵语菩提此云觉梵语萨埵此云有情言菩萨者本云菩提萨埵欲简于称呼故省文言菩萨此云觉有情也凡有生皆有情菩萨乃有情之中觉者耳佛有觉性而无情菩萨亦未免有情故谓之觉有情阿耨多罗三藐三菩提梵云阿此云无梵语耨多罗此云上梵语三此云正梵语藐此云等梵语菩提此云觉是阿耨多罗三藐三菩提者乃无上正等正觉谓无上真性也

涅槃梵语涅槃此云无为楞严经云乃不生不死之地一切修行之所依归佛說施灯文云愿

一切众生皆得涅槃防妙光明世人误认以为死大非也

波罗密多梵经云波罗密多此云到彼岸彼岸者西土俗以设谕诸佛地谓之彼岸众生轮回作业之地如在海中谓之此岸则佛地所以谓之彼岸【并心经注】

毗卢遮那梵经云毗卢遮那华言是种种光明遍照【出道院集】

净名毗耶维摩经云毗耶离城中有长老名维摩诘【维摩诘华言是净名也本经注】

净名体用净者本体也名者迹用也从本体起迹用从迹用归本体体用不二本迹非殊也此维摩诘所以立名也【诸方广语】

正法眼藏五祖 忍夜召六祖惠能告曰佛以无上防妙秘密圆明真实正法眼藏付迦叶展转至达摩以至于吾今以法寶及所传袈裟付与汝【传灯录】

五分法身五分法身所谓戒定慧解脱解脱知见此五者皆以超出五陰故戒超色陰定超受陰慧超想陰解脱超行陰解脱知见超识陰【王介甫金陵语录】

三句正见一函盖乾坤句二随波逐浪句三截断众流句体中 即函盖乾坤句中 即随波逐浪句 中 即截断众流句此三 法门是佛祖正见学人但入得一 已具正见若不达此三 别有误解皆是邪见【语录】

戒定慧法要有三曰戒定慧戒生定定生慧慧生八万四千法门是三者迭为用若次第言之则定为慧因戒为定根根植则苗茂因为果树树培则果满无因求满犹梦果也无根求茂犹握苗也虽以一切种智摄三界必先用戒菩萨以六波罗蜜化四方不能舍律律之用不可思量【文粹白居易文】又唐宣宗问 辩禅师何名戒定慧师曰防非止恶谓之戒六根涉境心不随緣谓之定心境俱空照览无碍谓之慧【传灯录】

律法禅白居易问惟宽禅师既为禅师法何以说法师曰无上菩提被于身为律說于口为法行于心为禅应用者三其致一也譬如江湖淮汉在处立名名虽不一水则无二

六通华严经一天眼二天耳三地心四宿命五神足六漏尽

五禅禅有五有凡夫禅有外道禅有小乘禅有大乘禅有最上乘禅

五蕴五陰谓色受想行识也色谓色身有形或黄或白是也受谓一切受苦受乐受用是也想谓一切思念是也行谓所行之事识谓晓解世间事五蕴即五陰【并晁迥道院集】

六尘六入色声香味触法谓之六尘眼入色耳入声鼻入香舌入味身入触意入法谓之六入

【文选头陀寺碑】

色陰楞严经云如人以目观晴空惟一晴空迴无所有其人无故目瞪发劳则虚空别见狂华非从空来非从目出若空来者还从空入若有出入即非虚空若非虚空自不容其华相起灭若从目出还从目入既从目出当合有见若有见者既云空华旋合见眼若无见者出既翳空旋当翳眼是故当知色陰虚妄

受陰如人以手于空相摩妄生澁滑冷热诸相是诸幻触不从空来不从掌出若从空来既能触掌何不触身若从掌出应非待合要名为触当知受陰虚妄

想陰如人谈酸梅口中水出思蹋悬崖足心酸澁如是假說不从梅生非从口入若梅生者梅合自淡何待人說若从口入自合知闻何须待耳若独耳闻此水何不耳中而出想蹋悬崖与說想类是故知想陰虚妄行陰譬如暴流波浪相续前际后际不相逾越如是流性不因空生不因水有若因空生则无尽虚空成无尽流若因水有则此暴流性即非水是故当知行陰虚妄识陰如人取频伽鉈塞其两孔满中擎空千里远行用饷他国如是虚空非彼方来非此方入若彼方来则本瓶中取去水地应是少虚空若此方入则开孔倒瓶应是空出是故当知识陰虚妄

眼入如人目睛瞪发劳相因明暗二种妄尘发见当知是见非明暗来非于根出于空生若从明来暗即随灭应非见暗若从暗来明即随灭应无觉明若从根生必无明暗若于空出前瞩尘象归当见根是故当知眼入虚妄

耳入如人两手争塞其耳头中作声动静两种妄尘发闻是闻非动静来非于根出于空生若从静来动即随灭应非闻动若从动来静即随灭应无觉静若从根生必无动静若从空出有闻成性即非空出是故当知耳入虚妄

鼻入如人急搐其鼻耳中闻其冷气触目触分别通塞通塞二种妄尘发闻毕竟无体是闻非通塞来非于根出于根出于空生若从通来塞闻即灭如因塞有通则无闻若从根生必无通塞若从空出自当回齁汝鼻是故当知鼻入虚妄

舌入如人以舌防物熟防令劳其人若病则有苦味无病之人防有甜味舌根不动之时淡性常在甜苦二尘毕竟无体非因淡有非因根出于空生若从苦来淡则知灭若从淡来甜则知亡若从舌生必无甜淡若从虚空自味非汝口知是故当知舌入虚妄

身入如人以冷手触于热手若冷势多于热者从冷若热势胜于冷者成热离合二种妄尘发见离合二尘毕竟无体非离合来非违顺有出于根出又非空生若合时来离当已灭若从根出必无离合必于空出空自觉知何關汝入是故当知身入虚妄

意入如人倦劳则眠睡熟则悟览尘斯忆失忆为妄是其颠倒生任异灭生灭二尘毕竟无体

非寤寐来非生灭有不于根出亦非空生若从寤来寐即随灭必生时有灭灭即同生若从灭有生即无灭若从根出寤寐二相随身开合同于空化若从空生自是空知何關汝入是故当知意入虚妄【并楞严经】

十二处色与见二处聽与声二处嗅与香二处尝与味二处身与触二处意与法二处十二处俱虚妄有相因緣非自然

十八界眼所见之处耳所闻之处鼻所嗅之处舌所味之处身所触之处意所思之处谓之六根界色声香味触法所在谓之六尘界眼识色处谓之眼识界耳闻声处谓之耳识界并鼻识界舌识界身识界意识界谓之六识界总谓之十八界【龙舒心经】

十二类因动有声因声有色因色有香因香有触因触有味因味有法六乱妄想成业性故十二区分由此轮转是故十二变为一旋复成此轮转故有卵生湿生胎生化生有色无色有想无想若非有色若非无色若非有想若非无想【楞严经】

十六观门唐宣宗问 辯禅师令人念佛如何对曰如来出世为天人师随根器而說法为上根者开最上乘 悟至理中下者未能顿晓是以佛为韦提希权开十六观门令念佛生于极乐【传灯錄】

十六观禅圭峯禅源序曰念佛求生净土亦须修十六观禅【金陵語錄】

八风寶积经及大毗婆沙论以利衰毁誉称讥苦乐为八风寒山子诗八风吹不动山谷诗八风吹得行【诗注】又得可意事名利失可意事名衰不见前排拨名毁不见前讚美为誉现前讚美为称见前排拨名讥逼迫声心名苦悦适心意为乐【要览】

四谛苦集灭道是也苦谓一切生老病死之类集谓一切聚集骨肉财帛之类灭谓坏灭道谓修行类此名四谛谓其理审谛非徒說也经云见苦断集因灭修道【龙舒心经注】

五浊劫浊见浊烦恼浊众生浊命浊【弥陀经】

五盖贪欲瞋恚痴眠调戏疑悔【文选】

十身自身众生身国土身业报身声闻圆觉菩萨智法虚空等身【古禅师語錄】

三味道家云贞一儒者云致一释氏云三昧其义通也言一即有二逐至于三言三即昧在其间反覆存之而已【佛言杂记】

三有欲有色有无色有有者何谓一切有漏法是佛言若业能令后生相续是有又云生灭故名有墮苦集谛中是有【婆沙论】

三藏谓经律论三者总名【六帖】

七众谓比丘比丘尼式叉摩那沙弥室罗末尼此出家五众优婆塞优婆夷此在家二种此七众也

三衣一僧伽梨即大衣也二 多罗僧即七条也三安陀防即五条也此是三衣若呼七条褊衫裙为三衣悞也

四大我今此身四大和合所谓毛髮爪齿皮肉筋骨脑髓垢色皆归于地唾涕脓血涎沫津液痰泪精气大小便利皆归于水暖气归火动静归风四大各离今者妄身当在何处【圆觉经】

七寶身报恩经云人生世间祸福从口生当防于口甚于猛火猛火能烧一世恶口能烧无数世猛火烧世间财恶口烧七圣财口舌皆凿身之斧也七圣财谓一信二精进三戒四惭愧五闻舍六忍辱七定慧七者能资用成佛故名财

七支业谓三身业四口业

三法门体中 句中 中

三摩提一切禅定摄心皆云三摩提秦言正心行处谓是心从无始以来萦曲百端得是正心行处心则端直如蛇入竹筒内

四欢喜法一俭素欢喜能引少欲乐二积集梵行欢喜能引远离乐三无悔欢喜能引三摩地乐四乐断乐修欢喜能引三菩提乐【要览】

四无量心慈悲喜舍是无量心授与饶益是慈相除去衰损是悲相庆慰得舍是喜相忌坏平等是舍相六波罗蜜一布施二持戒三忍辱四精进五禅定六智慧布施以广义持戒以守信忍辱以为谦精进以思敬禅定以守静智慧以通理又谓之六度【文选头陀碑】

三身四智六祖谓智通曰三身者清静法身汝之性也圆满报身汝之智也千百亿化身汝之行也若悟三身即名四智大圆镜智平等性智妙观察智所作智【传灯录】三业四威仪如来以身口意三业难调伏也净尸罗以息其内行住坐卧四威仪摄善心也明布萨以照其外故曰波罗提木叉是汝之师【文粹颜鲁公文】

三万六千偈沙门支法领从于阗国得华严三万六千偈【隋经】

三千威仪八万细行六祖云夫沙门者具三千威仪八万细行【传灯录】

妙喜国佛言有国名妙喜维摩诘于彼国寂没而来此生也

般若梵语云般若此云智慧也

般若航清凉禅师云夫般若者苦海之慈航昏衢之巨烛也【杜诗注】

飞锡挂锡释子云遊行僧为飞锡安住僧为挂锡【释氏要览】忘心一念离真皆为妄想一念计生死即落诸魔一念起诸见即若外道凡人皆逐境生心若欲无境当忘其心心妄则境空境空则妄灭若见善相诸佛来迎亦无心随去若见恶相种种现前亦无畏心但自妄心同于法界便得自在

着相心即是佛佛即是心更无别佛亦无别心今人不悟此心向外造恶枉受轮廻着相修善枉受劳苦不如认取即心若不直下无心累劫修行终不成道供养十方诸佛不如供养一无心人无心者一切无心也亦无别心之体内外有如木石不动不转内外如空虚不动妄念便证菩提【黄蘗示要论】

声闻因声得教谓之声闻但不了自心于声教上起解或因神通或因端相语言运动闻有菩提涅槃三阿僧只劫修成佛者皆属声闻因声闻道谓之声闻【传灯录】又诸佛圣教声闻为上首从师友所闻展转修证小行小果故名声闻【要览】

緣觉因声教而悟者名声闻观因緣而悟者名緣觉狸奴白姑池州甘贄行者将钱三贯入僧堂云请上堂施财上座云财施无尽法施无穷甘云恁麼道争得某钱却将去与南泉和尚设粥云请和尚念诵南泉云甘贄行者设粥请大众为狸奴白姑念摩訶般若波罗蜜甘乃礼拜僧问南泉狸奴白姑不知有师三世诸佛不知有师曰未入鹿苑犹较些子【传灯录】

在家出家有问佛在家白衣能修福德善根胜出家否佛言我于此则不定若出家不修善根不如在家若在家能修善根则胜出家【要览】

象迹蜂歌下压象迹欢喜之地上接蜂歌庄严之境【段成式懋像记】

正因起信论云离言說法佛說三乘十二分教了无交涉所以佛祖不立文字以心传心有僧辞上座云某甲亲附上座三年正因中也未曾闻一字曰若是正因一字也无【传灯录】

正位呼为正位犹如至尊指斥乘輿者尚获罪何况正位而欲拟议论辨

白牛车法达念法华经三千部礼祖不投地六祖曰心迷法华转心悟转法华诵从不明已与人作雥家无念念即正有念念成邪有无俱不计长御白牛车法达问经說三车大牛车与白牛车如何区别祖曰汝自迷背不如坐却白牛车更于门外覓三车【传灯录】

鸚鵡車設有人道得言語尖新語中旨趣都總不知必無實行只謂之鸚鵡車可也【古禪師語錄】

阿蘭若蘭若梵言阿蘭若唐書無淨四分律云空靜處菩薩名論云閑靜處知度論云遠離處小異大同【釋氏要覽】祇樹園祇洹林樹名梵云祇陀洹此云戰勝即太子名須達長者施園祇陀太子施樹為佛說法之處故後人曰祇園【金剛經注】

叢林梵語貧婆此云叢林譬如大樹叢叢故僧聚處得名叢林【祖庭事苑】

禁苑昔西域國有禁樹生果果中有一女子王收為妃女乃以苑地施佛為伽藍故曰禁苑

寶坊給孤長者布黃金地為伽藍故寺字號為寶坊【并鷄跖集】

不住色布施所謂不住色布施不住聲香味觸法布施如是布施不住於相其福德不可思量

不住法布施若菩薩心住於法而行布施如人入暗則無所見若菩薩心不住法而行布施如人有目光明照見種種色【并金剛經】

白骨觀優婆塞沙陀語曰白骨防塵歸於空虛謂之白骨觀【楞嚴經】

大願船淨土傳云菩薩乘大願船住生死海就此世界呼引眾生上大願船如是送至西方如有往者無不得生

優婆塞梵語也又云邬波索迦秦言善宿男唐言近事男亦云青信士

優婆夷梵語云夷即女聲字也又云邬婆斯迦名義同前

苾芻是西天草名體性柔軟引蔓傍布馨香遠聞能療瘡不背日光喻出家人

僧梵語云僧伽唐言眾僧史畧云凡四人以上名僧今一人亦稱僧蓋從眾之名也亦如萬二千五百人為軍一人亦稱軍也

沙門梵云沙迦滿曩又沙門那或云桑門唐言勤息秦譯云勤行又云善覺

沙彌落髮後稱沙彌也華言為息慈謂安息在慈悲之地又謂息惡行慈也

比丘梵語云比丘秦言乞士謂上於諸佛乞法資益惠命下於施主乞食資益色身

上人有過能自改名上人內有德智外有勝行在人之上名上人

閼梨梵语云阿閼梨耶唐云轨范今称閼梨盖梵音讹畧也又云阿閼梨夜隋云正行能纠正弟子行故头陀梵语云杜多汉言抖擞谓三毒如尘坌真心此人能振掉除去古今讹称头陀又抖擞贪欲嗔痴三界内外不敢不舍名杜多

田相衣佛住王舍城经行见稻田畦畔语阿难云诸佛衣相如是从今依此作衣相记云田畦贮水生长嘉苗法衣之田润以四利之水增其三善之苗以养法身自惠命也

尼师坛坐具也梵语云尼师坛又云尼师但那此云随坐衣唐言坐具也【并要览】

鹿苑在罗柰国佛成道初转法轮处也

鸡园在摩竭陀国无忧王造小舟大众出家寺也佛灭后众多名德比丘皆住鸡园

鴈塔昔有比丘见羣鴈飞翔忽有一鴈投下自殒众曰此鴈垂戒宜旌彼德于是瘞鴈建塔【西域记】

鴈堂毗舍离于大林为佛作堂形如鴈子一切具足【要览】鹫岭耆闍窟山中山形如鹫佛常居此中故号鹫岭【出法华经】

净土如来说从西方过十万亿佛土有世界号极乐以无八苦十恶道故也其国名净土以无三毒五浊业故也其佛号阿弥陀以壽无量愿无量功德相好光明无量故也【文粹白公文】

梵刹梵云刹瑟故此云竿今畧名刹即幡柱也沙门得一法者便当建幡告四逵【要览】

金田或云金池即舍卫国给孤长者侧布黄金买祇陀太子园建精舍诸佛居之处也

法中象龙达摩传曰波罗提法中龙象按智度论曰龙象言其力大水行中龙力大陆行中象力大故负荷大法者比之象龙【传灯录】

不挠鱼鳖性维摩经云佛以四大海水入大毛孔不挠鱼鳖性彼大海本相如故又云取三千大千世界如陶家轮着掌中掷过恒河沙国界之外其中人不觉不知不使人有往来相【后汉楚王英】

西方真人东坡咏开元寺吳道子画佛诗西方真人谁所见衣被七寶从双趺【谓佛也】

金粟如来发迹经云净名大士是往古金粟如来又祖庭事苑维摩诘是金粟如来梵言维摩诘华言净名也【李善文选注】

苍天王介甫佛书语録云哀莫哀于心死禅家所谓苍天苍天

慈云谓如来慈心如彼大云陰【世界鸡跖集】

伽蓝梵语题云僧伽蓝摩或云僧伽罗摩此云众园园者生植之所佛弟子防之取生植道本圣果之义也或云毗阿罗此云遊止处【释氏要览】

招提梵语云招鬪提奢唐言四方僧物訛柘为招去鬪奢留提故称招提即今十方住持寺也

浮图梵云浮图此云聚相

盂兰盆梵云盂兰此云救倒悬盆则此方器也华梵双举自目连救母始也【要览】

衣珠譬如人醉亲友之家亲友以珠系衣内而其人不觉贫困求乞后亲友乃指示其珠后乃大富此喻众人自有佛而不知觉也徒去外求【法华经】

尘垢想相无尘识情为垢二俱遠離则法眼清明【楞严经】不二法门文殊谓维摩诘曰何等是不二法门维摩诘默然不应文殊曰善哉乃至无有文字言语是真入不二法门也【文选头陀寺碑注】

总持门秦少防长老疏语云往开大总持门以继钵迦罗眼

甘露灭维摩经始在佛住力降魔得甘露灭觉道成空觉观为觉为动止为空为静空觉未尝相离有动无静有觉无空即成人见是凡夫法有静无动有空无觉即成我见是三乘法【王介甫金陵语録】

如来道院集本觉为如今觉为来故曰如来 迴云须菩提西域人凡称人道高腊长呼为须菩提如中国凡具道眼有可尊之德者号曰长老也【禅门规式】

舍利弗舍利子亦云舍利弗乃佛弟子名以其母眼似舍利弗鸟之眼故因其母而立名或云舍利鸟则此间所谓鹭鸟其眼圆因以舍利称其母此言舍利子若曰妇人舍利者之子也【龙舒心经注】

真妄如火世间诸相无所从来亦无所从去如鑽木火出可以遍世界烧尽有形还归于无若知妄为妄即妄是真认妄为真虽真亦妄【荆公语録】

罪障如债主王韶在熙河多杀伐晚年知洪州学佛一日问长老祖心曰昔未闻道罪障固多今闻道矣罪障灭乎心曰今有人贫负偿及富贵而债主至其偿乎否也韶曰必还曰然则闻道矣奈债主不相放邪韶快然不悦未几韶疽发于脑卒【东轩笔録】

說法如謗佛人言如來有所說法即為謗佛不能解我所說故須菩提菩提者無法可說是名說法

誦經有功宋武帝以王元謨北侵及魏救至元謨夜遁蕭斌將斬之沈庆之諫止初元謨將見杀夢人告曰誦觀世音千遍得免元謨誦千遍將刑忽傳停刑元魏盧景裕兵敗系獄志心誦經枷鎖自脫當時又有負罪當死夢沙門教誦經千遍臨刑刀折主者以聞赦之此經号高王觀世音經后世奉佛者以此借口也【學林】

阿毗曇梵語云阿毗曇此云論總言經律論

修多羅梵語修多羅此言經也【并釋氏要覽】

鉢塞數珠梵語鉢塞莫梁云數珠此是引接下根牽果修業之具也

軍持淨瓶梵語云軍持此云瓶常貯水隨身用以淨手也寄歸傳云軍持有二若甕瓦者是淨用若銅鐵者是濁用

檀那梵語陀那鉢底唐言施主稱檀那者即訛陀為坛去鉢底故曰檀那也又稱檀越者謂此人行檀施能越貧窮海故

吃栗多梵云吃栗多唐言賤人

伽陀梵言伽陀此言諷誦【祖庭事苑】

毗尼梵語毗尼藏此云律也【釋氏要覽】

佛初出家游四城門佛初為太子年十四出游東城門天帝化為病兒乃回車又出南門天帝化為老人復愍生壯不久又出西門天帝化為死人復念人有三苦又出北門天帝化為沙門太子曰善哉唯是為快乃念道清淨不欲在家

阿育造塔錢鏐曰釋迦真身舍利塔見于明州鄞縣阿育王所造八萬四千而此震旦得十九之一也太宗命取舍利禁中度開寶寺地造浮屠十一級以藏舍利上謂近臣曰我曩世嘗親佛坐但未通宿命不能了了見之矣【談苑】

鬼復為人人死則為鬼鬼且復為人隨所即善惡受報還復無窮極也西方有佛其土大樂

淨土極樂世界經云西方淨土以七寶裝嚴無地獄餓鬼禽畜以至蠕動之類常清淨自然無一切雜穢故名淨土其人生蓮花中長生不老衣食宅宇隨意化成其景序常春無復寒暑大受快樂無一切苦惱故名極樂世界

欲界无禅有法师问鹅湖欲界无禅禅居色界此上凭何而立师云法师只知欲界无禅不知禅界无欲【传灯录】咽如琉璃三昧经曰佛咽喉如琉璃筒佛舌色如 瑚【初学记】

非非想释迦于檀山中学非非想觉道成【传灯录】

律师法师禅师有人问惠海禅师云律师法师禅师何者最胜师曰律师者启毗尼之法藏传受命之遗风秉威仪行轨范三番羯磨作四果初因若非宿德白眉焉敢造次法师者据狮子座泻悬河辩启凿 闢开般若妙门若非龙象蹴踏安敢当斯禅师者据其枢要直了心源出没卷舒纵横应物顿见如来防生死深根获见前三昧三学虽殊得意忘言一乘何异【诸方广语】

狂慧干慧佛祖是解悟人无正见只是学解谓之狂慧亦非干慧干慧者悟得正见为无定水浸润既非悟解只认得生死垢心却成邪【古禅师语录】

白马负经造寺汉明帝天生僧摩腾竺法兰自天竺至以白马负佛经又译经四十二章传于世乃立精舍以居之今洛城白马寺是也【法苑】

定慧止观定有出定入定意非若止无所不定慧者见防而已不若止观无所不见故定慧为菩萨止观为佛【王介甫金陵语录】

声闻报化佛佛祖不立文字直指人心本来是佛若也闻声悟道故号声闻【声是言教也假饶歷劫修行只成报化佛终不成道报化佛非真佛亦非说法者】

名相诸人被名相二字所惑圣凡名号三世诸佛八万法门百千三昧有佛有众生总谓之名相只为诸人起心动念妄有生灭妄有菩提涅槃便有出世间法不出世间法妄起许多异见却同在鬼窟里作活计诸人皆防自己便是佛悟即是佛迷即是凡夫不假修行佛心唐宣宗问 辩禅师何为佛心对曰佛者西方之语华言觉谓人有智慧觉照为心心者佛之别名有万千异号其体惟一心外无佛佛外无心【并古禅师语录】

无位真人临济义 禅师上堂云汝等诸人肉团上有一无位真人汝若不识但问老僧有僧问师便打云无位真人是什麽干屎橛后雪峯闻乃曰临济大师白拈贼

好个佛殿古灵行脚回受业师遣执役一日澡浴命灵去垢灵乃抚背曰好个佛殿而佛不灵其师曰视之灵曰佛虽不灵且能放光师曰汝行脚遇何人发言异常灵曰 百丈和尚指个歇处今欲报慈德耳乃举唱门风曰灵光独耀迥脱尘根体露真常不拘文字心惟无染本自圆成但离妄縁即如如佛其师于言下顿悟【并传灯录】

涅槃妙心古禅师自论云空劫已来自己本名字方便呼为正法眼藏涅槃妙心又呼为正国又呼为正位又呼为沙门果

沙门果者非因果之果非有非无非真非妄无生无死无迷无悟不曾出世不入涅槃不曾生诸恶道亦不曾为人亦不曾成物亦不曾为诸天常自无为湛然常寂又曰从息心而成佛【传灯录】

小舍若广修众善有所希望闻法即空遂乃不着是谓小舍如火独在后不见坑穽【黄蘗示要论】

无为袁宏汉记佛者汉言觉也其精为沙门沙门者汉言息也息欲去欲而归于无为【后汉楚王英传】

出家三缘第一为了自己轮回生死二为绍隆三寶三为六道四生皆令解脱【古禅师语录】

伊蒲塞饌后汉楚王英诣阙以缣赎罪诏报曰王好黄老之言尚浮屠之教其还赎以助伊蒲塞桑门之饌【伊蒲塞优婆塞也】

四恩大乘本生经恩有四种一父母二师长三国主四施主

优昙华法华经云是人甚希有过于优昙华疏云优昙华鉢名瑞应三千年一现现则金轮玉出

殻漏子洞山良价和尚将圆寂谓众曰离此殻漏子向什麼处与众相见众不对师俨然坐化

阇维茶毗天竺第九祖入灭众以香油旃檀阇维真体阇维即茶毗【传灯录】

波罗提木义华言则别解脱即戒所谓感果也诸善之本以戒为根也

浮屠佛陀梵语佛陀或云浮屠或云部多或云母防或云没陀皆是五天竺语楚夏并译为觉今略称佛也五戒婆罗沙凡出家师已许之经旬月令其解息师乃为受五戒名邬波索迦此自创入佛法之基五戒谓一不杀二不偷盗三不邪淫四不妄语五不饮酒大众所摄也师次为辨漫条方请阿梨为剃头授十戒此名室罗末尼又云有善男子欲求出家未得衣鉢欲依寺中住者名畔头陀波罗沙此方行者也

式义摩那梵语也此云学法女似今之尼长髮也罗摩波演那梵语云罗摩唐言院西域记云波演那此云周围廊舍院也

南无悲花经云佛言南无者此决定诸佛世尊名号音声人梵语南无此翻为名即是归趋之义或云那摩曩谟梵音讹也

泥梨立世论梵音泥梨耶此云无喜乐又云泥梨迦此言无去处皆云地狱也【释氏要览】

底栗车立世论云梵语底栗车此云畜生谓其形傍故袈裟无垢衣忍辱铠梵音迦罗沙曳云不正色令略梵语也本作迦沙至梁葛洪撰字苑字方添衣一名袈裟又名无垢衣又名忍辱铠又名销瘦衣又名离尘服天中天佛之小名佛初为净梵王太子一日抱出谒天神庙石为神神像即礼太子足王曰我子于天神中更为尊胜宜名天中天【要览】

摩诃萨梵语摩诃萨者此云大有情即能救度人也【出地符论】

耶维阇鼻多或云荼毗或云耶维或云阇毗又云阇维正梵云阇鼻多此言焚烧

邬波三鉢那比丘既落髮披衣梵云室罗末尼唐言永寂灭度受戒已名邬波三鉢那

羯磨阇梵云羯磨阇此云知事僧

宰堵波梵云宰堵波此云坟

鞞椎梵云鞞椎此云钟磬又云凡有一个铜鐵鸣者皆名鞞椎又云但是金石板木砧槌有声可以集众者皆名鞞椎【鞞音防】

寒林寒林即西域弃尸处谓多死尸入者可畏毛寒故名寒林今云尸陀林

中有身瑜珈论云人死中有身注 问化起一相似身传识谓之中有身若未得生緣极七日住若有生緣即不定中陰经云中有极壽七日若极七日必死而复生如是展转生死乃至七七日住定得生天余业可转中有种子便于余类中有生今寻经昔极善恶无中有身既受中有身即中下品善恶业也故论云余业可转也盖七日是中身死生之际如世人七日斋得福以善追助令中有种子不生恶趣也

三蔑绕腹夫沙门者不住资生行乞取足日中受供林下托宿赵州以断薪续禅牀晏坐三十年药山以三蔑绕腹一日不作不食【山谷开元记】

锯义西域有十一祖富夜那奢有马鸣大士问曰我欲识佛师曰不识曰佛既不识焉知是乎曰此是锯义师曰果是木义复问锯义如何曰与师平出又问木义者何师曰汝被我解【灯录】

剃头书人劝刘净翁舍俗出家山谷云净翁在家出家无俗可舍戏作颂云净名庞老总垂须君宰元无免破除心若出家身若住何须更覓剃头书又云掉却甜桃摘酸梨【山谷】

白足高僧昙始在赫连勃勃时游化關中足白于面跋涉泥水未尝沾污兵戈斩戮并无所伤

【坡诗注】又魏武帝时有一僧足白名思始号白足禅师【鸡跖集】故刘禹锡送僧云备将迎者皆赤髭白足之侣

发大精进是名出家金色女白文殊听我出家非以自剃髮为出家若能发大精进为除众生一切烦恼是名出家非以阿兰若处独坐思惟名出家能于汝生死流转中以定惠方便化令解脱是名出家

梵呗梵语云呗者华言止断外事外事止断时任为法事呗者讚咏之声也清而不浊雄而不猛流而不越凝而不滞远听则汪洋峻雅近属则从容和肃昔曹子建游鱼山忽闻空中梵天之音清响哀惋独听良久乃摹其节写为梵呗自此始也

译经院润文官佛经入中国自竺法兰摩腾二师汉明帝时至白马寺首译四十二章歷晋及唐有梵僧自五天竺来及华人善竺音者相译讫开元凡經歷论集共五千四十八卷至贞元又新经二百余卷本朝太宗初有梵僧法贤法天施防三人自西域来太宗受佛记遂建译经院募童子五十人令习梵学得江南李王之子惟净慧悟尽能通天竺文字真宗即位陈恕以为费国愿罢之上不许自至道以后新经九千五百余卷多惟净所翻译经院置润文官常以南北省官学士充如赵安仁杨亿同编修【文公谈苑】

唐僧道数唐初天下观一千六百八十七道士七千七百六十八女冠八百八十八寺五千三百五十八僧七万五千五百二十四尼五千五百七十六【百官志】

国初僧道数国初西京诸州僧尼共六万七千四百人削平诸国其数弥广天禧三年普度僧道凡六十六万二千四百九十人天禧末僧三十九万七千六百人尼六万一千二百人【事实】

国初泉州僧数建隆初诏佛寺已废不得再兴开寶中令僧尼百人许歲度一人至道初又令三百人岁度一人先是泉州奏僧尼未度四千人已度万数天子惊骇曰夫一夫耕十人食天下安得不重困故立此制【曾子固集】绍兴末僧数壽圣于绍兴二十年中问贺允中僧道之数允中言道士止有万人僧有二十万一夫当受田百畝一夫为僧即百畝之田不耕矣【中兴圣政】

五代李钦明上言五代汉李钦明为司勳员外郎上言古语云一夫不耕一妇不织必有受饥寒者矣圣化之内且约十万僧尼每日人食二升十万人日费二千石以日系月其数可知每一僧岁中须绢五匹绵五两十万僧计绢五千万疋绵五千万两此辈不耕不蚕实斲大伦臣谓聚僧不如聚兵僧富不如民富经曰圣人在上国无幸民民之多幸国之不幸【分纪】

壽圣论佛壽圣于绍兴二十三年因王大寶乞放行度牒上曰建言者多以出卖度牒为利亦以祝人主壽延洪国祚佛自东汉永平方入中国五帝三王之时人主壽世太平卜年至八百此时佛法安在哉如高齐萧梁奉佛时无益人主但当念天心仁及生民自然享国长久

防昌之籍没广明之除荡今也毁中民百家之产而成一屋集农夫十口之食而饭一僧不亦泰乎不耕者燕居而玉食所在常居千百数是以有防昌之籍没穷土木之好龙蛇虎豹之区化为金碧是以有广明之除荡可不忌耶然防昌之诏其說不过人其人火其书庐其居若夫毗卢遮那宫殿充满十方书入三世于诸境界无所分别彼又安能庐吾庐有大经卷量等三千大千世界藏在一防尘中彼又安能火吾书无我无人无众生彼又安能人吾人黄庭坚曰此上人者如来藏中之說客菩萨藏中之游侠耶【开元修造记】

毁佛后魏太后七年诏诸州县沙门毁佛像至文帝兴安元年始复佛法后周武帝建德三年毁经像沙门道士并令还俗至静帝大像二年始复佛道二教唐武宗防昌三年大毁佛寺令僧尼为民至宣宗太中元年始复佛寺【学林】

释语

杂說自白马东来而人知象教佛衣始传而人知心法味真实者即清淨以观空存想好者怖感神而迁善厚于求者植因以觊福罹于苦者证业以消冤陰助教化总持入天所谓生成之外别有陶冶刑政不及曲为化柔其方可言其防不可得而言也【刘禹锡记】

道枢今法王真子为世界主佛世淨胜同转道枢何忧魔事耶【山谷集】无有可舍是达本源无空可住是知空本在百法而无得周万物而不殆则知法本不生因心起见见无可取法则常如有证于此得无漏不尽漏度有为非无为者其曹溪乎【文粹】以五蕴九识十八界皆空犹镜之明也虽万物毕呈而光性无累心之虚也虽三际不住而觉观湛然得此者即凡成圣不然则一尘瞥起六入胶固循环回复于生死之中风涛火轮迷妄不息心本清淨而无境也非遣境以防心非去垢以取淨

神妙独立不与物俱能悟斯者不为习气生死幻蕴之所累也【文粹权德輿】烹物炉鞴煨十地钳锥倒用降魔之印追大将军于藕吼孔中全提金翅之威取毒龙于生死海底又云子湖狗口里刺得手秘魔岩叉下有出身路又云十圣三贤当路亦须草偃风行四方八面俱来无不投戈散地【南昌集】佛薪尽于干竺而像东行是法平等所至为淨土是身应供故随意如降生【刘禹锡】如来灭后后五百岁而摩腾竺法兰以经来而华人始闻其言后五百岁而达摩以法来而华人始 其心【文粹刘禹锡曹溪碑】沙界尘劫驱迷走妄浩乎若汨诸巨海而无垠怅乎若囚诸暗室而无晓四蛇六贼攻其内热焰焦芽寓其质而举世犹切切然以强力敏智可大取所欲攘螳臂而战蜗角其不胜也则悲忧恐惧日以交驰曾不知形壽有良 佛之心以空化执智化也以福利化欲仁化也以緣业化妄术化也以地狱化愚劫化也是故中下之人闻其说利而畏之所谓救溺以手救火以水其于生人亦幸矣【并文粹】

右语正法眼藏诸祖之所亲传大甘露门众生之所祈向【介甫请长老疏】辊毬指拍当面热防系竹卷 遭人冷笑见成公案不劳更商量本分作家便斩新拈出【云云】未免揜行夺市当如借水献花虽云自有家风不出这般窠臼公案现在宗派分明要教佛祖防头便使云烟改色同势智于无量壽国贊彼道师即善才于小白华山示诸知识岂止于一佛二佛三

四五佛种诸善根直能以多身百身千万亿身作大佛事拔沉沦于五浊业海息转徙于三有苦轮竭身口意之妄源裂贪嗔痴之迷网感而遂通犹蟾光之映水静而善应若谷响以随声

【并戛玉】某人深探慧海秀出禅林握灵蛇珠出狮子窟揭至明镜具眼者见必自知辟大施门有分者入期可取拈一瓣香已有落处指向上路正是其时

真乘演法常闻最上之緣寶藏幡文能起无边之福惠日分辉仙花覆坐雨花零坐潮梵腾音饌蒲塞于祇园荐椿龄于重庆金仙建化启第一之真乘玉偈演音集大千之妙利

一日二日万几三千大千世界

某师具烁罗眼睛操金刚寶剑吹成无孔笛牵出水牯牛眉毛散玉臂色舒金

金呗玲珑笙歌宛转云坐精谈于界观潮音杳达于穹轮

飞阁浮堦方防圆井誓海深慈云广博钦依觉苑茂闡真筌

佛性遍周于沙界示现无方竺经运转于世途有求遂应演祇园之法教悟夙智于本来

播贝叶之法文资善心于普觉无心为宗非一毫之可立有言即病徒万法之强名

净行无垢孤峯絕攀法鼓一鸣有声皆耸神珠四照无隱不彰

丧期有数方叹于壑舟法防无边聊资于岸楫

以不思议智力大解脱现神通时兴法云普赐甘泽

慈悲应物不倦于讲求神智无方何难于膏泽

居则枯木止水晏坐十方出则疾风震雷惊动万物不择喧寂作大因緣

少林开第一之花破灶见本有之性吹布衲之毛傍家行脚划法堂之草选佛登科寶花座上

共知不可覆藏粪扫堆头重为斩新拈出【山谷】得翠岩洗一味之神分大愚似千炉之焰

狸奴白牯尽教鼻孔撩天水鸟树林也须脑门着地伏愿陛下德基坚固如不动妙高之山圣

泽汪洋似甚深功德之海两宫同壽箕翼众星常拱太防河出九畴山呼万岁乃至干符虎节

千骑三军下为动植之春上協太平之业尽天地一只正眼遍十方四面无门有趣有宗难信

难解琵琶琴瑟必资妙手乃发至音

鳳凰麒麟出以其时方为上瑞某人衲僧命脉古佛心宗如净月轮出则万波分影如吹毛劍

用则千里无人况六祖名蓝粥云饭足淫方酒肆即是道场枯木寒灰不妨独坐愿膺佛记莫

闕雷音【山谷】敲开祖佛顶门拽转衲僧鼻孔临济一喝响似雷奔黄龙二闕峻如壁立披

白马之真文礼莲花之妙相海潮殷地花雨翳空效五天之法供道诸佛之真筌知洞禅源名

标觉苑水月风幡洞知心法琅函贝叶深防言詮大道无为

入之必假闻见一毫顿悟得之乃离聰明为自在门真无碍法归誠甘露之门取证法云之地

法本无法从无住而起名空故不空由不二之理证葛闻振王之音再扫布金之地

明镜当台岂分静躁孤云出岫宁系去留水澄滓去漏尽法除

万法不修而自圆六通不求而自证

即翠苑以敷延讽金文之满义延六和之净供演大号之真筌不践初地直造上

乘寒山无心自是丰干饶舌马祖多事坚要黄梅出山这圣箭子昔曾游过九重城汝钝根师

何曾梦见六代祖【云云】某人具潮外音同水中月接得青原斧子踢倒百丈净瓶

黄面老子举花已通信息碧眼胡儿含笑大露机锋大开选佛之场乞与安心之法

愿某人拨开晓色云千段吹起秋江笛一声 随分捞虾漉蚬满船空载月明归等闲带水拖泥
白日只陪人事过世尊不說一字达摩端坐九年 虽将黄叶止儿啼大

似浮云遮日面 某人无心得法有耳断闻人牛俱亡文采顿尽【李新】

追亡性尘俱解了无一念之留日月屡迁奄届三年之远念某人同登上緣早凭善利长往逍
遥之劫不迷流转之津诸佛光明同沾惠念 若万及千难量福海起二越十直趋觉城礼佛有
制老思奄卒于哀号觉路难迷世谛不忘于腾荐
伏以三乘之利布为十地之因一性湛如万緣漏尽不涉劫尘之增灭永游法界之

清精 颺有初简在夫人之德风枝不静寔惟先君之恩 二亲之年如白驹之驰过隙百身以
报如一涓之溢沧溟罔极之恩永思甚痛设当讳日共设妙因偶承不二之音咸超顿觉之路
书墨未干德音犹在不谓祸成山岳痛割肺肝陈法供于只园演金文于贝叶最初一念不昧
本来【并山谷】

诗道人耽耽痴虎头瞭然电瞩开双眸枯木已死寒岩秋空中霹雳推四周
瘦靠栏干搭梵襟綠荷堦面雨花深 锵然更有金书偈祇许龙神聽静吟【林逋】洪师抖擞
蔬笋气白昼穴我夫子墙粥鱼斋鼓了无破坐禅不废谈文章【谢无逸】不见旻公三十年
封书寄与泪潺湲旧来好事今能否老去新诗谁与传碁局动随秋涧水袈裟忆上泛湖船闻
君话我为官在头白昏昏只醉眠【老杜】不践纷华域来薰知见香山衣嗣僧粲五字法韦
郎【善权】阁浮檀水心无染优鉢罗花体自香 未于莲社添宗衲已向兰亭识道林【谢无
逸】山中老宿依然在桉上楞严已不看【东坡】蟹足相从南极边真机不落野狐涎【卢
襄】劫风火起烧真宅苦海波生荡破船【白居易】诸宫禅伯唐齐已淮甸诗豪宋惠崇【
善权】花将色不染水与心俱闲 金绳开觉路寶筏度迷川【太白】百千万劫障四十九年
非【白居易】笠重吳天雪鞋香楚地花 卷衲城钟断撻筇岳雨寒【钱惟演】坐石云生衲
添泉月入铛【惠崇】鲸吹洗鉢水犀触防灯船【李洞】一通红锦重三事紫罗轻【裴洗
】

锦绣万花谷前集卷二十九

卷三十

<子部,类书类,锦绣万花谷

钦定四库全书

锦绣万花谷前集卷三十

神仙

木公金母木公亦云东王父又云东王公盖青阳元气也西王母亦云金母又云九灵太妙山金母一号太虚九光 台金母元君皆称以王者诸天尊之地也昔道气无为自然先以东华至真之气体生木公以主阳和之气又以西华至妙之气体生金母配西方母养羣品男子得道者名 木公女子得道者名 金母汉时有小儿歌曰揖金母拜木公时人不识惟张子房知而拜之王母所居昆仑之圃阊风之苑有城千里玉楼十二左带瑶池右环翠水【仙传拾遗】

老子度關尹喜为函谷關吏忽语其徒曰初冬十月天里星西行贯昴今月以来融风三至东方真气状若龙蛇而西度汉此大圣之徵果见老君乘青牛薄板车徐甲为御来度關喜拜之老君教喜链气内修吐纳胎元之道并授三宫正一之法道德经五千言而去西升【出化胡经】

上元夫人阿环集仙传云上元夫人是道君弟子总领真籍亚于 台又汉武内传王母既降武帝乃遣侍女与上元夫人相闻侍女返云阿环再拜逺隔绛河遂替顏色近五十年时顷夫人至服赤霜之袍戴九灵夜光之冠带云仙火玉之佩垂鳳文琳华之绶腰流黄挥精之劫授帝以灵飞十二事乃去

董双成许飞琼西王母降武帝殿有侍女四人帝问其名曰董双成许飞琼婉陵华段安香【张君房說】

王子登安法兴西王母降武帝殿命侍女王子登弹八琅之璈董双成吹云和之笛许飞琼鼓灵虚之簧安法兴歌 灵之曲【武帝内传】

张天师张天师道陵字辅汉建武十年正月十五日出生于天目山得道善以符治病桓帝永壽元年于灵峯白日上升唐天寶七年封天师子孙散处无闻惟信州有族甚盛世世有一人类天师袭其号传其印印之所异者累纸百幅而丹文必彻也又集仙传张道陵伯九圣七真朝王母王母授以琼华寶耀七晨素经乃归汤保衡遇天师吕大临作汤保衡传嘉祐末京师麻

家巷有聚小学者李道太学生汤保衡与之游一日至学有道士须髯与道相接既去保衡问道士居建隆观他日复见前道士去保衡默从之入观至西廊而没保衡寻之不见观廊壁绘一道士正如所见者题云张天师保衡异之他日具冠带俟于李道之舍道士外至遂拜之再三叩请道士曰某日防于某地保衡如约道士曰但举目视日十日可复防保衡视日乃覩道士在日中复防道士曰复视日百日再防保衡如教视之乃见己形亦在日中与道士立道士曰可教矣乃授符篆召摄鬼神一日保衡语友人曰适见妇人颇有容色今夕小饮当召所见妇人生魂至形质皆如生人但语声似婴儿问保衡此何所也适既就寝不意至此疑是魂又疑死保衡曰便可归勿忧也遂欵曲与语遣去后保衡及第为令【邵氏錄】

总真真人王方平王远字方平东海人得道老君赐之七转变景灵符位为总真真人尝七月七日过蔡经家仙从赫奕如大将军教蔡经尸解法如过狗窦经忽身热因解失其尸【总仙集】

蓬莱仙监陶 景梁陶 景师事陆修静弟子孙游岳为师入茅山自称华阳隐居造三层楼栖止身居其上弟子居中接賓客于下修本草遇神仙桓闾谓曰君之陰功极着以所修本草用防虫水蛭辈为药功虽及人而害物命以此一纪后方得解形南史云仙书云眼方者壽千岁隐居末年一眼有时而方既化为马枢得道传隐居授蓬莱仙监【南史云笈经】

东华道君唐司马承祯隐天台山有弟子焦静真女人也因精思问有人导至方丈遇二女仙谓曰子欲为真官可谒东华青童道君授三皇法请名氏则承祯也乃归而诣承祯【云笈经】

东华真人咽服十二环奄有仙人房暮骑紫鳞去海气侵肌凉赠我累累珠靡靡明月光东坡云李方叔出示南岳典寶东华真人像又云此诗李真人作也又有人江上遇之云即太白也【王直方诗话】

刘奉林服黄连奉林在嵩山四百年合神丹为邪物所败乃入委羽山今千余年矣犹未升仙是试方不遇道数未足故也此人但服黄连得不死不能有所役使也疑丹不服毛伯达刘道泰谢稚坚张兆期后汉人学道王屋山共合神丹毛服之而死刘服之又死谢张不敢服捐山而去后见毛刘在山上二人悲愕就请道与之茯苓持行方服之皆数百岁游行五岳但陆仙公【并陶隱仙真诰】

壶公市药有一老翁卖药悬一壶市罢跳入壶中人不知也费长房于楼上见之因奉酒脯翁乃与俱入壶中玉堂严丽防酒甘肴饮毕而出于是随入山卧长房于空室中以朽索悬万斤于心上众蛇竞来啗索索且断长房不移翁还抚之曰子可教也复使食粪粪中有三虫臭秽甚长房恶之翁曰子几得道恨于此不成长房辞归翁与一竹杖曰骑此任所之则至又作一符曰以此主地上鬼神【后汉本】

蓊子训后汉方伎传蓊子训于长安东霸城与一老翁共摩娑铜人相谓曰见铸此已近五百

岁矣

彭祖姓錢名铿壽八百岁时歷三代喪四十九妻失五十四子【神仙】

亢居不食孙权时蜀有李阿者亢居不食世号为八百歲翁人问事阿无所言但占其顏色若欢喜则有事皆吉若顏色慘戚则事皆凶若笑则有大庆防叹则有忧后一日去不知所在后有人姓李名寬到吳而蜀语能呪水治病人呼为李八百【抱朴子】

握固长生后汉方伎传冷壽光行仙容成公御妇人法取精于 牝其要谷神不死守生养气者也御妇人之术谓握固不泄还精补髓可以长生

紫阳真人唐有人梦书新宫铭者云紫阳真人山 卿撰其畧曰良常西麓原泽东池新宫宏宏崇崇防防【广记】都仙太史唐汉卓异志许逊汝南人许子阿之后与族子穆俱学道逊为旌阳县令弃官后得仙又十二真君本传晋元帝时忽有仙人瑕丘仲奉玉皇命授许逊九州都仙太史高明大使家属四十二口皆乘云去政和中朝廷册封神功妙济真君【本传】

许遠游许长史许遠游名映丹阳句容人七世祖许子阿有陰德在人世孙副副有八子第一子名迈字叔 小名映改名遠游第五子名穆或名謐謐仕为防军长史穆有三子第三子玉斧长名翺字道翔玉斧位为上德子黄民字 文民子荣并得度世玉斧隱雷平山号雷平真人黄民为临川令真诰称许掾是也【真诰及云笈七籤】陈希夷陈 字图南唐樵郡人举进士不第去隱武当山辞谷链气后居华山云台观多闭门卧经月或至百日不起我太宗即位再召之雍熙初赐号希夷先生端拱中化形于莲花峯下张超谷中【谈苑】 唐长兴中进士有大志隱武当山有诗曰他年南面去记得此山名张邓公改南面为岳题其后云薛壁题诗志何大可怜今华老图南尝乘白骡从恶少年数百欲入汴州中途闻艺祖登极大笑曰天下于是定矣遂入华山为道士葺云台观居之【邵氏錄】

吕洞賓吕岩字洞賓關右人唐咸通中举进士不第值巢贼为梗防家隱终南山絕世辟谷变易形体尤精剑术【见雅言杂载】东坡云回先生过湖州沈东老庵以石榴皮书壁云西邻已富忧不足东老虽贫乐有余白酒釀来因好客黄金散尽为收书东轩笔錄云滕宗亮守巴陵有回道士上谒宗亮口占诗赠之曰华州回道士来到洛阳城别我游何处秋空一劍横

写诗榴皮有道士过沈东老饮酒用石榴皮寫絕句壁上称回山人【诗见前】东坡和云符离道士晨兴际华岳先生尸解余忽见黄庭丹篆字由传青纸小朱书又云至用榴皮綠底事中书君岂不中书【坡诗注】

谪鋤芝草蔡诞好道入山不堪其苦而还诳其家人曰吾为地仙位卑为老君牧龙因羣仙博戏输一五色班龙緣此被谪昆仑山下耕鋤芝草【抱朴子】

蓝采和尝于市上歌曰踏踏歌蓝采和世界能几何红颜一春树流年一掷梭古人混混去不

返今人纷纷来更多朝骖鸾鳳到碧落暮见桑田生白波长景明辉在空际金银宫阙高嵯峨
【续仙传】

顏鲁公为地仙顏真卿常服丹使李希烈为希烈所杀希烈败改 发其墓其体如生人隱士
曹庸山曰此后三十年即为地仙矣【明皇十七事】

淮南上升淮南王安爱道术之士有八公詣门皆须眉皓白王使閹人难之曰我欲上求延年
不老中欲得博物精义下欲得勇士武艺三者既乏余不敢通八公曰王薄吾老今则少矣言
未竟八公皆变为童子门吏大惊走以报王王跳而迎之北面叩首八童子乃复为老人告王
曰闻王好事故来相从未审王何所欲吾一人能坐致风雨画地为河撮土为岳一人能崩高
塞深收束虎豹使没鬼神一人能分形易貌蔽六军白日为 一人能乘云步虚出入千里呼
吸无间一人能入火不灼入水不濡人射不中一人能移山驻流千变万化一人能煎泥成金
炼水为石乘云驾龙游于太虚任王所欲王乃朝夕朝拜授王丹经三十六卷时雷被伍被乃
告王反八公谓王曰可以去矣八公与王白日升天汉史秘之安临去时药器置中庭鸡犬防
之尽得升天故鸡鸣天上犬吠云中也【太平广记及神仙传】

司马延壽唐邢和璞善心筭与崔司马有旧崔病积年乃死心待邢崔一日觉卧室北墙有人
斲声视之无所见如此七日斲不已墙忍透明如一粟经一日突大如 崔窥之墙外乃有数
人荷鉏鍬立云邢真人处分开此司马厄重倍费工力有顷导骑五六平幘朱衣曰真人至见
邢輿中白帟垂绶执五明扇去穴数十步谓崔曰公筭尽仆为公再三论得延一纪言毕墙如
旧旬日病愈【酉阳杂俎】

鲁女生初餌胡麻采药嵩山见一女人以五岳真形与之【汉武内传】

与陈尉书廓落王方平既降蔡经家经北舍有陈尉者詣门乞见方平使行前向日而立方平
从后观之曰君心邪不正未可教以仙道当授君地上主者以一符与陈尉言此不能度世止
能存君本壽出百岁向上可以禳灾治病陈尉壽果一百十岁死自方平去后数十年经复归
家有书与陈尉其书廓落大而不工陈尉家世世存之以为寶【神仙传】

授符理水真诰云王媚兰为云林夫人王母第十三女玉清娥字愈意为紫防夫人王母第二
十女又集仙传云华夫人名瑶姬王母第二十三女尝游东海过江上有巫山焉留连久之时
大禹理水大风卒至禹因拜夫人求助夫人即授禹策檄召鬼神之书禹尝詣之顾盼之际变
化形质千态万状禹初甚疑后乃信夫人授以上清寶文理水之册禹拜授遂导波决川以成
功焉【出集仙传】

学道升仙真诰云二人皆王子乔妹周灵王女皆学道得仙上升

紫虚元君魏夫人晋司徒魏舒之女刘幼彦之妻生二子学道服胡麻散茯苓丸忽有太极真
人安度明方诸青童扶桑碧河赐谷神王清虚真人王褒等来降授以太上寶文八素隱身羽

等书三十一卷位为紫虚元君南岳夫人升天而去【顏鲁公魏夫人碑】

少室仙伯王知遠师陶隱居善易知人生死作易总十五卷一日雷雨云雾中一老人叱遠曰所泄者书何在上帝命吾摄六丁追取遠据地傍有六人青衣已捧书立矣老人责曰上方禁文自有飞仙保卫金科秘藏 都汝何者輒藏箱帙知遠曰青丘老人传授也后司命授知遠为少室仙伯【云笈经及异人传】

九华真妃紫清上宫九华真妃是太虚上真元君金台李夫人之少女也昔遣詣 山学上清道成授太上玉书署为此号于是赐姓安名郁嫔字灵箫与紫防夫人俱降杨羲欲为匹偶有诗与羲【见真诰】

九嶷得道女九嶷山中得道女罗郁也梁简文帝时降黄门郎羊权家赠权诗及火浣布金玉条脱各一枚此女已九百岁矣【陶隱居真诰】

傅先生木钻傅先生入焦山七年老君与之木鑽使穿一石厚五尺云穿此便当得道其人昼夜鑽之积四十七年鑽尽石穿遂得仙丹升天【真诰】

帛和视石壁帛和入西域山事王君君令熟视石壁初一年无所见二年渐有文字三年得神丹方及五岳图乃去【神仙传】

安期先生安期先生卖药海边琅琊人人传世见之计已千年秦始皇召见与语三日三夜大异之乃赐之精璧可直数千万安期受而置之阜乡以赤玉乌一两为报【抱朴子】

黄初平牧羊黄初平年十五家使牧羊有道士将至金华山四十余年其兄初起索之不得有道士引至金华山寻之问羊所在初平曰在山初起往视但见白石初平叱之羊起于是白石皆起成羊初起弃家就初平学道服松脂茯苓能立日中无影

玉云阁吏蔡少霞又有蔡少霞者梦人遗书碑畧云昔乘鱼车今履端云触空仰涂绮辂轮囷其末题云五云阁吏蔡少霞书【并神仙传】

紫阳真人坡诗注云紫阳真人周义山入 山遇美门子乘白鹿佩青髦之节从十余玉女义山再拜乞长生要诀美门子曰子名在丹台玉室何忧不僊

养圣胎李观游南岳有一人持钉铰之具问曰问君游南岳奉烦寄语养素先生蓝方云刘处士奉问先生十月怀胎如何出得观至南岳访方具道其语方寂然惊曰其人眉间得无有白志乎观曰然方大惊曰吾不遇此人命也此所谓刘海蟾也吾养圣胎已成患无术以出之念非斯人不足以成吾道是年方卒【东轩笔錄】

链真气黄真人石晋时为惠州太守弃官入罗浮山水帘洞苏养直居润州有罗浮山道人江

观潮拜谒曰罗浮黄真人以公气母已成令某持丹度公袖中出药养直迟疑道人曰此丹非金石乃真气炼成疑即止有急服之出门不见养直后暴卒所亲记道人之言取丹饮之乃苏养直后与家人别行步如飞识者以姓江而夏来即黄真人矣【百家诗序】

简寂陆修静初杨羲等得道与紫微夫人诸仙游诸仙各授学道口诀并說羣仙事迹杨许退録其书流 吳中有司马郎得之尝有雷电光怪晋人陆修静又得之遂成此道宋武帝封修静为简寂先生即陶隱居世师也【见云笈经】

神仙名义

大洞真经大洞者神仙也别有三山三山有七宫七宫有七变朝化为金日中化为银暮化为铜夜化为光或化为山为水为石谓之七变七变有七经有二十一童子随之故曰大洞真经读万过即得真仙诰

食六气楚词云食六气而饮沆瀣注陵阳子明经云春食朝霞者日始出赤气也秋食沦汉者日没后赤黄气也冬食沆瀣者北方夜半气也夏食三阳者南方日中气也【又见杜诗注司马相如 注】

朱雀金花陰真君歌曰北方正气为河车东方甲乙成丹砂两情合养为一体朱雀调运生金花【坡诗注】

姹女河车修炼法曰河车是水朱雀是火取水一斗铛中以火炎之百沸致圣石九两其中初成姹女次谓之玉液后成紫色谓之紫河车白色曰白河车青色曰青河车赤色曰赤河车亦名黄芽出道书蓬壶集故白乐天诗云黄芽与紫车谓此

太山五岳形图西王母与上元夫降汉武帝帝视箱中有小书乞瞻览母曰此五岳真形图也乃三天太上所出岂汝所宜佩乎帝乞不已母遂与帝帝藏之栢梁台六甲灵飞十二事上元夫人与王母既防武帝谓曰阿母发五岳真形虽覩妙理而无六甲灵飞之符太陰六丁玉女之策太阳六戊之书左乙东象之文右庚摄杀之律壬癸六道隱形之术丙丁之火九赤班符六辛月华之法六已化形之方八稟十诀长生紫书内视中方凡十二事可以总摄万精驱策百鬼帝曰愿赐指教夫人即命侍女出六甲十二事来授王母曰若汝修善后三十年当告汝要道而帝淫色杀伐不休不从王母上元之戒二真遂不复来太初二年栢梁台灾真形图与六甲灵飞十二事藏于栢梁台并烧【武帝内 】

九霞觴许碯登楼饮酒忽作一诗题于楼上云阆苑花前是醉乡误翻王母九霞觴羣仙拍手嫌轻薄谪向人间作酒狂题毕乘云而去【列仙传】

弹云璈魏夫人华存学道从之 台金母三元夫人冯双礼珠来降教以神诀王母击节而歌冯双礼珠弹云璈而答歌【顏鲁公魏夫人碑】

遐举世人学道资一丹一药之功聊固其命倚以修道未能证就避忌尤多三官巡迳摄入鬼录所以频改姓名先用尸解然后进取上法或五岳授事校职仙曹优游人间或至千岁功德升闻却朝玉皇往往遐举世人无由知也今之仙隐有腾空者服金丹也遐举之事未可希望或延年不死时亦有之【北梦言】

尸解凡今之人死必视其形如生乃尸解也足不青皮不皱亦尸解也目光不毁头髮尽脱不失其形骨者皆尸解也有未敛而失尸者有人形犹在而无复骨者有衣在形去者有髮脱而形去者白日去谓之上尸解夜半去谓之下尸解向晓暮之际谓之地下主者得真僊诰

胎息胎食习闭气而吞之名曰胎息习漱舌下泉咽之名曰胎食抱朴子曰胎息者能不以鼻口嘘吸如在胎中也【内】

冰桃碧藕西王母降周穆王开宴有万岁冰桃千岁碧藕【穆天子】

仙人真人仙道有十二试皆意之所不悟皆太极真人临见之也试皆过授以真经青鸟公积四百七十二岁十二试之有三不过太极道君以为仙人不得为真人真人元君男之高仙曰真人女曰元君【并真诰】

黄庭经晋魏夫人名华存生二子学道服胡麻散道成景林真人授以黄庭内境经令读万过乃得洞观鬼神【夫人碑】

胎息法胎息者能不以鼻口嘘吸如在胞胎中初学行气鼻中引气而闭之以心数至一百二十乃以口吐气出之及引气皆不欲令自耳闻其气出入之声常令入多出少以鸿毛着鼻口之上吐气而鸿毛不动为度渐习渐增其心数从从可至千则老者更少日还一日矣夫行气必当以生气勿以死气从半夜至日中为生气从日中至半夜为死气行死气无益也故行气或可以驱瘟疫或可以禁蛇虎或可以居水中或可以行水上或可以辟饥渴或可以延年嘘水水为之逆流嘘火火为之灭但行气不欲多食及食生菜肥鲜之物令人气彊难闭且禁平居恚怒恚怒则气乱令人发欬葛仙翁每盛暑辄入深渊之底一日许乃出者正以能闭气胎息故耳【抱朴子】

鬼试又有鬼试多惑人须定志意熟视其规中珠子浊不明则鬼试也则思七星在头上以却之若规中方明者仙道人也则拜之不悟则为试不过

僊相名在琼简者目有绿筋名在赤书者阴有伏骨名在琳札者有偃骨名在星书者眼有四规皆上仙也其次鼻如山腹有丘亦仙相也【真诰】

僊槿扶桑岛有木如桑其实如槿九十年一实【十洲记】州白柰空洞灵谢卿遇神仙见素麟脂斑螭髓州白柰空洞灵又有琼飴酒弹八琅之璈丛霄之笙洞阴之磬又作回鸾转凤之舞皆非世间所闻【续仙】青饭杨桐叶细冬青寒食人采其叶染饭色青

而有光食之资阳气谓之阳桐饭道家所谓青饥饭【零陵总记又真诰魏夫人碑】

瑶草姑射之山帝女死焉化为瑶草【山海经】帝之季女名瑶姬未行而亡葬于巫山精神化为草【李善注高唐赋序】青精饭杜诗岂无青精饭使我颜色好注陶隐居登真隐诀载太极真人青精干石饭【注云以南烛草木煮汁渍米为之真诰云有道士邓伯元者受青精石饭之法】

河车挽水黄庭经云北方正气名河车又仙经云铅绝河车空所作皆无功铅失河车绝万事无所出道诀云胁腹腰曲缘黄河水逆流盖击运法也坡诗云河车挽水灌脑黑【诗注】

易骨易髓汉武叩王母求度世之术母曰子但爱精握固闭气吞液气化为血血化为精精化为液液化为骨行之不倦一年易气二年易血三年易脉四年易肉五年易体六年易筋七年易骨八年易髮九年易形变化则成道【武帝内】

易迁童初宫易迁童初二宫是男女仙之堂馆也其中闲静东海青童君一年再游校此有赵素台者是汉赵熙女在易迁宫已四百年化形炼景不肯徙自谓天下无复此乐也

昆仑山司马相如传注昆仑山去中国五万里广袤百里高八万仞层城九重面有九井以玉为槛旁有五门天帝之下都也又有阊风山在昆仑下阊阖之中水经云昆仑山去嵩高五万里其高一万一千里【又仙传拾遗记説见三卷】

方诸宫天仙上真之宫室也高九千丈有大方诸小方诸大方诸对防稽东南七万里小方诸之上多有奉佛者人皆服五星精读夏归藏经用以飞行【陶隐居真语】坎离龙虎东坡云人之生死未有不从坎离者坎离交则生分则死离为心坎为肾龙者汞也精也血也出于肾而肝藏之坎之物也虎者铅也气也力也出于心而肺主之离之物也不学道者其龙常出于水龙飞而汞轻其虎常出于火故虎走而铅枯故真人曰龙从火里出虎向水中生人能正坐瞑目调息以久为功则丹田湿而水上行翥然如云蒸于泥丸火为水犯热必从之则所谓龙从火里出也龙出于火则龙不飞而汞不干旬日之外脑满而腰足轻常卷舌上防悬痛久则汞下入口咽送至丹田久则化为铅此所谓虎向水中生也【坡志林】

按天马楚庄王时有乞食翁歌曰天庭发双华仙源彰阴邪清晨按天马来诣太真家独宋来子疑其仙人追逐十二年此翁授以中仙之道乞食翁乃西岳真人冯延寿也手为天马鼻为仙源【真诰】

脉望何讽尝于书中得一髮卷规四寸许如环之无端用力绝之两端滴水投于火作髮气莫知其何物也后与方士言叹曰君不见仙命也此名脉望蠹鱼三食神仙字则化于此夜持向天从规中望星星便立降可求丹度世也【酉阳杂俎】六甲行厨修道功深已成者自然享六甲行厨有所须举意即至【北梦言】

道语按箴真館飞章太虚披藁笈之灵文列瑶坛之芳荐 按琼式之瑶台企飈游之列驭
预祓祠场之供下延真驭之游 神功不宰天监孔昭 庶资妙道丕锡明休
大道无私妙周万物之用上帝有命陰定万民之生
天明有象昭垂列纬之精神化无方默布惟和之令 延真秘宇按式灵坛
琼科案式葢笈翻文讽琅简之内音防葢宸之华供 申祈帝祐垂鉴精

衷 玉籍开文琅庖防猷 庶緣斋恳欽达仙樽幸无隔于霄穹俾克昌于眉寿
施于亿载参庇多样讽云笈之内篇防震殄之盛供 讽葢笈之灵文列秀华之寶炬
普延飈驾临集厨场 报应如响天无妄降之灾恐惧自修人有可延之寿
元气斡于太虚至仁涵于羣动 大仁博爱而无私未尝违物遇诚虽微而苟至可以动天
九清右下六气居中 案步虚于行台演冲科于秘馆
涵象紫虚实统本生之气秘言丹篆盖司言命之文 搜太素之琅函企紫宸之芝御
载企九清之御式敷三洞之科 益严三境之科遥伫九关之驭 葢章遥达芝御来临
綠章遥御羽驾下临集羽裾之净侶绎琼笈之冲科 煩幄延真肃揖灵

游之驾珠台接式载披寶箴之文 天慈洪育圣造曲加
伏愿煩黄下集览精意之勤斯盼蠻繁臻答羣生之近止
道非常名无方而善应诚之所至有感而遂通 道本无根功施不宰
借凉风而滌濯洒甘露以清凉 列耀在天默司于陰隲众真祐善有賴于祺祥无为以清既照
临于七曜不言而信斡造化于羣生临下有赫降康自天 有昊回祥皇天垂祐
天聽则卑无幽不烛人生而静有感斯通 天难忱斯固陰阳之不测民亦劳止况水旱之靡常
惟帝难堪斋戒沐浴可以事祭神如在聪明正直依而行
伏望有昊回祥皇灵垂祐五纬循轨俾年谷之屡登三阶永平得雨暘之时若 民拱北辰之德
政士窥东壁之文章商贾趋天市之垣士子进文昌之府苍龙直角农夫享播谷之勤大火司
心嫔妇获丝蚕之利狼贪扫迹天狗垂头万里妖氛挽天河而一洗千龄国寿整箕翼之重辉
妙道渊微非尘凡之可测圆穹杳邈有诚信之能通仁者必寿信为天地之心学无不通宜从
臣子之欲防遵道范仰叩真庭祇率多仪肃陈菲荐夏方用事而養禾天则溽暑而不雨失其
机防且为饥凶走百神以告哀 小惠而未徧是用洗心虚寂戒日吉蠲款帝闻之崇高请民
命于沟 惟天地实民父母忍赤子之渴饥虽山川能出风云必有司其号令
芝盖飞章琅函发素 叩霄极以荐和伫飈游而来下
瑶席琼樽夙陈于芳防芝华羽葆纷集于真虚 式奉明科恭陈净醺
道本无为功施万物福惟善应信若四时
仰祈乾造昭回列真敷祐天本盖高曷尝私于降监神虽不测诚无味于福谦
只严秘宇仰事崇霄式案明科敢申欵谒 肃奉潢污之荐因殫蝼蚁之诚
清静杳邈非声臭之能通下土昏器苟诚忱而必达 天其仁而爱博人有欲而必从
輒殫凡 仰扣大钧 伏望恩光下烛慈寶溥临 道虚而应物无所不闻人穷则呼天有祈必达
天道虽遠孚信所以祐民人心至微防精可以事帝 拨糞壤之微軀被慈云之巨防
闵兹将槁之苗赐以崇朝之泽 强名曰道涵庶彙以皆周不测者神运元功而斯广
二仪剖判实本于鸿蒙万化施张聿崇于清静

参天两地于覆载以无私陰慘阳舒实生成而莫测 陰陽垂休至神儲庆 蕃禧有孚纯祐无极
宰司动植蓄泄风云 幽贊上天潜扶大化 空曰盖高久昭于下济道妙惟大实着于强名望盖
高于霄极达封奏于都元精一之心克协奉吉

蠲之禱盼蠻之应沓臻符幽贊之诚 奉祈报以惟寅蕴休祥而匪测 诞敷陰陽永锡藩厘
百嘉茂育允洽歲功万物伏藏是资陰陽 财成物宜翼宣神化无防不烛有感必通

地下主者三等地下主者有三等第一散在外舍闲亭不受九宫考制不闻练化之业一百四
十年得一进耳二等便得仙阶三等便得出入易迁童初二府入宴东华台受学化形濯景易
气三十年棺中骨还附神四十年复如生人五十年位补仙阶为上仙矣【真诰】

仙有数品华陰山神告刘根曰汝今髓不满血不暖气少聽減筋急肉沮必欲长生必先治病
十二年乃可服仙药药有上下仙有数品不知房中之事行气导引并神药者不能仙也药上
者为九转还丹太一金液服之皆立登天其次有云母雌黄之属虽不即乘云亦可役使鬼神
次乃草木诸药止可数百歲如欲长生先去三尸三尸常以月望晦朔上天白人间罪过使人
不壽盖人身中神欲得人生三尸欲人死人死则散而为鬼歆享祭祀故欲人死也凡人梦与
恶人鬪乃尸与人神相战也【太平广记】

得神丹立便仙食草木之药不知房中之法及行气导引服药无益也若至意感灵亦不须草
木之药若但知房中及导引不知神丹之法亦不得仙也若得神丹立便仙矣若得大洞真经
读之万过便仙不须金丹矣积功子孙仙积功满千虽有过得仙功满三百而过不足相补十
者仙功满二百者孙仙子无功德有过便得仙其子孙若无志多过者只得富贵仙不可冀也
服隱芝为仙公仙官上下次秩有左右府左右公左右卿左右大夫左右御史明大洞真经者
为仙卿服金丹者为大夫服众芝为御史若得太极隱芝服之便为仙公真人矣

托体遗迹南真夫人谓杨羲曰得道去世或隱或显托体遗迹鹿皮翁吞玉华流虫出尸仇季
子咽金液而臭闻百里季主服五云散以潜升犹头足异处墨秋咽虹丹以投水甯生服石脑
而赴火伯成纳气而肠胃三腐【并真诰】

洗髓伐毛东方朔生三日而父母俱亡后游泽中有一黄眉翁指朔曰此吾儿也吾却食服气
三千年一反骨洗髓二千年一剥皮伐毛吾生已三洗体三伐毛矣【武帝故事】

真定真惠夫欲修道惟灭动心不灭照心但凝空心不凝住心有事无事常若无心处静处喧
其志惟一制而不着放而不动处喧无恶涉事无恼者皆是真定以无事为真宅有事为应迹
不求惠而惠自生此名真惠【出定观经】

诗朝防紫泥诏夕披丹霞裳挥手折若木拂此西日光天上白玉京十二楼五城仙人抚我顶
结髮受长生闭剑琉璃匣链丹紫翠房身佩豁落图腰垂虎盘囊

【李太白】渴饮灵泉水饥食玉树枝白虎化坎青龙离销禁姤女關婴儿楼台十二红玻璃
木公金母相东西纯铅真汞相光辉乌升兔降无年期【东坡】头戴鹿胎皮身披鹤 衣月
寒丹井立霜白醺坛归【陈元老】土木形容殷七七水云情性许闲闲身中火 无人防此
药元来便驻顏【张天觉】仙翁无定数时入一壶藏夜夜桂露湿村村桃水香醉中抛浩刼
宿处有神光药裹丹山凤基函白玉郎防河移砥柱吞日傍扶桑龙竹裁轻防蛟丝熨短裳树
栽嗤汉帝桥板笑秦皇径欲随關令龙沙万里强【李义山赠 防先生】

锦绣万花谷前集卷三十

卷三十一

钦定四库全书

锦绣万花谷前集卷三十一

古人称号

紫庭真人【夏禹】西明仙公【文王】白水真人【光武】孔升真人【明皇】茂陵秋风客【汉武】祖龙【始皇】僂耳龙【德宗】紫髯将军【孙权】曹瞞【魏武】潞州别驾【明宗】闾编仙人【莊周】九霞仙人【李靖】紫垣小星【赵普】青莲居士骑鲸仙人锦袍仙【并李白】浣花翁草堂先生杜陵老翁【并杜甫】醉吟先生【乐天】愚溪翁【柳子厚】泣麟翁鲁叟【孔子】巾车令【陶潜】甫里先生【陆龟防】玉溪生【李义山】漫郎琦玕子【元结】顾虎头【恺之】昆仑真人【富弼】涑水先生迂叟【司马温公】老泉先生【蘓洵】醉翁【欧阳文忠公】横渠先生【张载】峨眉先生玉堂仙玉局翁【并东坡】金华仙伯涪翁【并鲁直】半山老人【介甫】了翁【陈瓘莹中】东湖居士【徐师川】后湖病民青翁【苏養直】后山居士【陈无己】公是先生【刘原父】公非先生【刘贡父】淇水钓翁【李清臣】龙眠居士【李伯时】石室先生笑笑先生【并文与可】石林先生【叶梦得】初寮先生【王履道】浮休先生【张芸叟】竹林先生【廖明畧】归叟【王直方】涧上丈人【陈叔易】汉上丈人【魏道辅】灌园先生【吕南公】还还先生【高荷】无垢先生【张九成】南轩先生【张轼】萧滩居士【胡藏之】乖崖公【张咏】狄梁公【仁杰】赵韩王【普忠献】范鲁公【质】王沂公【曾文正】王魏公【旦文正】李文定公【迪】向文简公【敏中】李文静公【沆】张忠定公【咏】寇莱公【準忠愍】王冀公【钦若文穆】李文正公【昉】曹武惠公【彬济阳王】吕许公【文靖夷简许申】吕文穆公【防正】丁晋公【谓】杨文公【亿】王文定公【尧臣】陈文惠公【尧佐】陈康肃公【尧咨】张文孝公【观】余襄公【靖】张邓公【士逊】晏元献公【殊】孙宣公【奭】丁文简公【度】宋莒公【庠】宋景文公【祁】宋宣献公【绶】陈晋公【恕】陈恭公【执中】钱思公【惟演】曾鲁公【公亮宣靖】唐肃公【介】章郇公【得象】狄武襄公【青】包孝肃公【拯】王章惠公【随】韩魏公【琦忠献】韩康公【亿忠献】富韩公【弼初郑文忠】范文正公【仲淹】文潞公【彦】王岐公【珪】范蜀公【镇文忠】杜祁公【衍正献】王文康公【署遂邓】程文简公【林】庞穎公【莊敏籍】吴正肃公【育】王鲁公【德用武恭】李惠公【及】欧阳文忠公【脩】赵康肃公【槩】吴文肃公【奎】张文定公【方平】胡文恭公【宿】赵清献公【扑】王荆公【安石】司马温公【光文正】吕申公【公着正献】曾文昭公【肇】苏文忠公【轼】韩康公【绛献肃】傅献简公【尧俞】范忠宣公【纯仁】刘忠肃公【摯】陈忠肃公【瓘】张文节公【知白】马正惠公【知节】吕汲公【防仲】曹武毅公【翰】夏文庄公【竦英郑】王懿恪公【拱辰】王懿敏公【素】张文定公【齐贤】

钱宣靖公【若水】曹武穆公【玮】毕文简公【士安】鲁肃公【宗道】薛简肃公【奎】蔡文忠公【齐】衛国高武烈王【琼】

书篆

三元八防云篆光明陰阳分则有三元八防之文又有八龙云篆光明之章也其后三王之世演八防之文为龙凤之章拘省云篆之迹以为顺形梵书破分二道壞真从易乃为六十四种之书遂播之三十六天上下也今三元入防太极清仙之所用云篆光明今所见神灵符书之字是也【陶隐居真诰紫微夫人说】

鬼哭苍颉观鸟迹而成字鬼乃夜哭【淮南子】

大篆周宣王史籀变科斗文以为大篆【史记】

书秦既用篆奏事繁多难成即令 人佐书曰 字或曰程邈囚狱中改籀文省为 字上之始皇大喜免其罪

八分书断上谷王次中所作又佩觿集云八分篆法二分 文又云势如八字有偃波之文又云二说皆非也书有二体蔡伯喈于八体之后又分此法故云八分行书魏初有钟胡二家为行书法盛行于世行书即正书之小变从简易相间流行又云非草非真离方遁员入真者谓之真行带草谓之草行【张懷瓘书断】

草书汉兴有草书不知作者姓名至章帝时有杜度崔瑗崔实皆称工张伯英因而转精巧下笔则号忽忽不暇草书寸纸不遗【晋衛恒 】

飞帛书蔡邕见鸿都门匠人施巫箒遂创意焉【鸡跖集】草圣张伯英临池学书池水尽黑凡衣帛必书而后练韦仲将谓之草圣【晋衛恒 】

草贤崔瑗善章草谓之草贤

衛夫人书尚书郎李充母以夫卫姓自称李衛正书如玉壶之冰瑶台之月婉然芳桂穆若清风【谈苑】

王羲之书羲之字逸少为防稽右军长史初学李衛夫人书及渡江北见李斯等书之许见钟繇梁鹄书之济见蔡邕书又见梁岳碑始知学卫夫人书徒费日月【墨薮】兰亭序羲之兰亭草号为最得意宋齐间不闻称道者永思晚出此书诸儒皆推其真行之祖所以唐太宗必欲得之其后公私相盗至于发冢今遂亡之定武本盖得髣髴褚庭诲所临极肥洛阳张景元剽地得缺石极瘦定武则肥不剩肉瘦不露骨犹可想其风流三石刻皆有佳处不必實已有而非彼也【南昌集】

王匡贮兰亭唐太宗有大王真迹三千六百纸率以一丈二尺为轴寶惜者兰亭序为最嘗附耳谓高宗曰吾千秋万歳后与吾兰亭序以玉匣贮藏昭陵【故实】

入木七分羲之书北郊文欲改削墨入木皆七分书诀墨数又沈 师诗鏤金七言陵杜老入木八分蟠高轩坡诗八法旧闻宗长史

换鹅王右军好鹅山陰道士有羣鹅意求市之道士云为写道德经当举羣相贈寫毕笼鹅而归【本 】

李斯篆室李斯变苍颉籀文为玉筋篆成一家法更八姓无出其口者唐开元时李阳冰穷入篆室隔一千年与秦斯相见【舒元與篆书】法苑寔泉号阳冰为笔虎

得伯英筋肉卫瓘索靖俱善书时谓瓘得伯英之筋靖得伯英之肉【本传】

梁武帝论书钟繇书如云鹄防天羣鹅戏海王羲之书如龙跳天门虎卧鳳阁张芝如汉武好德憑虚欲僊蔡邕骨气洞达如有神气萧子云如危峯阻日孤松一枝羊欣如大家婢为夫人举止羞澁终不似真王献之如河间少年皆悉光悅索靖如飘风忽举鵩鸟乍飞王僧防如王谢子弟之爽自有一种风流袁相如深山道士见人便退缩【书断】

梁元帝土东宫古迹后师宜八分之巧元帝三体之妙史籀李斯之篆梁鸿曹喜之书莫不总华桂宫盈满甲馆窃以鸾惊之势既闻之于索靖鷹跼之巧又显之于蔡邕是以遊雾重云传敬礼之法鸟鹄鱼鰕表杨泉之赋颇好六文多慙三礼尚方大篆既甚牢落柱下方书何曾髣髴空慕河间之聚书竟徵东平之献表齐收尺牋顾已缺然北海楷 终成难拟

结体遒丽贞观永徽间虞世南褚遂良以书專家薛稷外祖魏徵家多藏虞褚书故稷锐精临仿结体遒丽遂以书名天下【本 】

运笔超妙大令真迹旧裂为三段在大丞相忠宣范公家及范中济侍郎与王晋卿都尉家忠宣之子为赤县尉时内翰尹京【内翰谓钱穆父】中济为户部侍郎时内翰为尚书晋卿防宣仁圣烈陵寝时内翰为顿递使因得尽摸三家所藏合而为一旦旦临写至老不倦其后运笔超妙不复类临本晚年尤为雄逸柳诚悬谓大令好寫洛神赋人间合有数本今歲月益久先贤法书往往煨烬得穆父此本足一见典刑焉【郑给事跋于毗陵郡斋时绍兴甲辰秋】虞世南学智永书虞世南学书于浮屠智永究其法为世秘爱太宗称其五絶号曰书翰

褚遂良辨羲之帖遂良工 楷太宗令侍书帝方求羲之帖莫质真伪遂良独论所出【并本传】

常侍登太宗御牀唐太宗常作飞帛赐羣臣散骑常侍刘洎登御牀引手得之帝笑曰昔闻婕妤辞醉輦今见常侍登御牀故坡诗云遥怜醉常侍一笑开天容【诗注】高丽求欧阳法欧

阳询初学羲之书后险劲过之因自名体尺牍所 人以为法高丽常遣使求之高祖叹曰彼
观其书谓形貌魁梧邪【本 〇】

钟繇呕血钟繇见蔡邕笔法椎膺三日因呕血【墨薮】卫夫人流涕羊欣笔阵图曰王羲之年十二见前代笔说于其父枕中窃而读之父因与之不旬日书便大进又学卫夫人书夫人见其书流涕曰此子必蔽吾名五云体韦陟封郇公性侈纵常以五彩牋为书记使侍妾主之其裁答授意而已陟唯署名自谓所书陟字若五朵云时人慕之号郇公五云体

连绵书唐吕向工草 能一笔环寫百字若紫发然世号连绵书

银钩晋索靖善草书婉若银钩飘若惊鸾学张伯英【本 】【金剪唐司马承祯字子微善篆别为一体名金剪书【出续仙 】【

鹤头蚊脚二书皆汉诏板所用各象其形也【法书苑】隼尾波击石波草书须缓前速后字有 者字竟乃安 书有击石波八分书有隼尾波最为难作【墨薮】

笔塚墨池东坡云笔成冢墨成池不及羲之即献之笔秃千枝墨磨万挺不作张芝作索靖【志林】

纸田墨稼刘氏小说蔡洪赴洛人问吴中旧业曰纸为良田笔为锄耒墨为稼穡义理为丰年文房四宝三具韦诞字仲将诸书并善邺都宫观始成诏仲将题署御笔墨不佳因奏若用张芝笔左伯纸臣墨兼此三具又得臣手然后可以逞径丈之势【书断】

堆墨八分陈文惠尧佐变古之法自成一家虽画肥重而笔力劲健为方丈字谓之堆墨八分【湘山野録】

家鸡野鹜南史王僧防庾翼少侍书与右军齐名右军后进庾犹不忿与都下人书云小儿辈
厌家鸡爱野鹜皆学逸少书又云庾征西初亦不服逸少有家鸡野鹜之论后以为伯英复生

怒猊渴驥唐徐浩工書嘗書四十二幅屏八體皆備草尤工世狀其法曰怒猊抉石渴驥奔泉【本】

精笔佳墨唐裴行俭工草 唐中宗尝给绢素诏写文选秘爱其法每曰褚遂良非精笔佳墨未尝辄书不择笔墨而妍防者余与世南耳【行俭传】

手和墨调褚遂良嘗问虞世南曰吾书何如智永答曰吾闻彼一字直五万君岂得此孰与欧阳询曰吾闻询不择纸笔皆得如志君岂得此褚遂良曰然则何如世南曰君若手和墨调足可贵尚遂良大喜【询传】

烟霏霞结王逸少裁成之妙烟霏雾结状若断而还连鳳翥龙盘势如斜而反正

风送云收郑防草书如风送云收霞催月上【法书苑】沈聃讲学书之神运虽得之于心然法度必资讲学凡字须均平若笔画多寡相远不可使停寡在左则取上齐吟字是也寡在右则下齐知字是也【笔谈】

绍宗积习正绍宗工草 尝与人书曰鄙夫书无工者将由水墨积习耳尝精心率意虚神空思以取之吴中陆大夫常以余比虞世南以不临写故也闻世南被中画腹与余正同【本】

秃笔十八瓮僧智永善书以百本散于江南诸寺各留一本其所居吴兴学书积年有秃笔十八瓮

飞帛三百 仁宗飞帛书尤为神妙至和中有待诏李唐卿撰飞帛三百 以进上颇嘉之乃特为清浄二字以赐之其六 尤奇絶又出三百 之外【归田録】

周越蘓子美本朝尚书郎周越以书名于天圣景祐间然笔法软俗无古气梅尧臣作诗闲谈苏舜钦子美喜为健句草书尤俊快尝曰吾不幸写字为人比周越作诗为人比梅尧臣良可叹【东轩笔谈】

比崔杜不足赵袭炖煌太守先是杜伯度崔子玉以工草书称于前世袭与罗晖亦以能草颇自矜夸故张伯草书与袭同郡太仆朱赐书曰上比崔杜不足下方罗赵有余【三辅决録】罗叔景赵元嗣与张伯芝并时见称于西州伯英自云上比崔杜不足下方罗赵有余【坡诗注】欧阳草迹【贞元初为太子率更令】所谓如旱蛟得水鼯兔走穴信不虚邪【周越题千文】

蔡邕篆势体有六篆巧妙入神或象龟文或比龙鳞纤体放尾长翅短身 波振激鷹跂鸟震延颈胁翼势似凌云

章草书断云汉黄门令史史游作急草解散 体籀书之王羲之以草草答庾翼翼叹服曰吾昔有伯英章草十纸失之今见王书神明顿还旧观

书势盖草书之为状也婉若银钩漂若惊鸾舒翼未发若举复安虫蛇虬螭或往或还頽阿邠以羸形歛奋崢嶸而桓桓及其逸游盼向乍正乍邪骐驎暴怒逼其轡海水崑隆 其波 熊对距于山岳飞燕相追而差池举而察之又似和风吹林偃草扇树枝条从风转相比附窈娆防苦随体散布纷扰扰以绮靡中持疑而犹豫 螭蛟兽嬉其间腾猿飞鼯相奔趋陵鱼奋尾蛟龙反据投空自 张设牙距【晋索靖本】

鸚哥娇刘十五论李十八草书谓之鸚哥娇谓鸚鹉能言不过数句大率鸟语十八其后稍进

以书问仆曰比旧日何如仆云可作秦吉了矣然仆此书自有公在干侯之意也【志林】

书虎唐李阳冰作篆字人不能及号书中虎

飘 严重真书难于飘 草书难于严重大字难于结密小字难于宽绰【志林】

劲健端妙无惑同安人善小篆为翰林待诏徐 郑文宝查道高绅中革葛湍皆江东人善篆弗能及也其劲健端妙又过于凝士夫藏以为宝

元和脚柳子厚酌刘禹锡家鸡之赠云日日临池弄小雏还思写论付官奴柳家新样元和脚且尽姜牙敛手徒【柳文】

贞观字唐太宗求书凡得王羲之真行二百九十纸又得献之张芝等书以贞观字为印草迹命褚遂良楷书小字以影之开元五年 宗又书开元字为印

观舞剑而得其神张旭自言始见公主担夫争道又闻鼓吹而得笔法意观公孙大娘舞剑器而得其神后人论书者得其法惟崔邈颜真卿云【旭传】

听江声而笔精进坡云古今人诗笔有所自长史以剑器容有是理雷大简云听江声而笔法进文与可亦言见蛇鬬而草书长殆非诞【志林】

老人陈牒求判张旭为常熟尉有老人陈牒乞判宿昔又来旭怒老人曰观公笔奇妙欲以藏家尔因问所藏尽出其父书旭视之天下奇笔也自是尽其法【本传】郎官 壁记笔墨三昧张长史郎官防壁记唐人正书无出其右所以度越诸家无辙迹可寻可谓入笔三昧【出山谷集】

神品妙品能品书有十体较其优劣之差为神妙能三品居神品者二十有五妙品九十有八能品一百有七古今善书尽于是矣【书断】又书诀墨薮云张旭草入神品八分入妙品隶入能品

真生行行生草真生行行生草真如立行如行草如走未有未能立能行而能走也【志林】

印泥画沙韦续书诀墨薮云张长史曰褚河南论书云用笔如印泥画沙始不悟后于江岸以锥画字始信长史之言贵藏锋也

屈玉垂金窦泉作小篆赞曰钗头屈玉鼎足垂金【书苑】王羲之变格难侔李嗣真论右军书每不同以变格难侔书乐毅论太史箴体皆正直有忠臣烈士之象告誓文曹娥碑其容憔悴有孝子顺孙之象逍遥篇孤鴈赋迹远趣高有拔俗抱素之象画像赞洛神赋姿仪雅丽有矜莊严肃之象皆义以成字非得意以独妍

李阳冰意在古篆字书冰或作凝与李夫人书云其意在古篆于天地山川得方圓流峙之状于日月星辰得经纬昭回之度于云霞草木得罪布滋蔓之容于文物衣冠得揖逊周旋之体【并法书苑】

笔力遒婉顏鲁公善正草书笔力遒婉世寶之见本 又南昌集云鲁公已得张长史笔僧懷素自折钗股笔鲁公云折钗股何如屋漏法懷素起捉公手云老贼尽之矣

笔法劲圓前朝翰林书艺正着笔法劲圓今所藏乐毅论皆着墨迹此其长处不减季海所乏者韵耳【南昌集】崇韬发圻旧 乐毅论乃羲之亲书于石其他皆纸素所 唐太宗聚二王墨迹惟乐毅论石本在其后随太宗入昭陵朱梁时耀州节度使郭崇韬发昭陵得之因复传人间或曰公主以伪本易之元不曾入圻本入高绅学士家【笔谈】

顏筋柳骨范文正公祭石曼卿文云曼卿之笔顏筋柳骨散落人间寶为神物【志林】

素瘦张肥懷素草工瘦张长史草工肥瘦硬易作肥劲难工又云此两人一代草书之冠冕也【南昌集】

大小欧阳欧阳通早孤母教以父书使希父遗迹数年大进亚于询父子齐名号大小欧阳体

会稽六纸刘连州寄柳子厚诗云书成欲寄庾安西纸背应劳手自题闻道近来诸子弟临池寻已厌家鸡注云家有右军书每纸背庾翼题云王防稽六纸二月三十日【本集】

长沙得三昧长沙僧懷素善书自言得草圣三昧【国史补又山谷诗】

李阳凝陈后山诗玉筯凝潮后注唐李阳凝李潮皆能篆

钟王无以尚唐柳公权书法结体劲媚尝召至御前书纸三番作真行草之体文宗尝与公权聯句属曰薰风自南来殿阁生防凉帝命题于壁字径率五寸帝叹曰钟王无以尚也【本集】

笔阵图砚者城池也笔者刀稍也墨者兵甲也心意者将帅也

一波三折笔钟繇弟子宋翼每画一波三折笔作一戈如百钧弩作一 如高锋坠石作一牵如百歲枯藤作一放纵如惊蛇入草此三折笔法【并书诀墨薮】

黄仙鹤李邕善书仍自刻多假立刻字人名如茯苓芝黄仙鹤之类是也【法书苑】

殷铁石坡诗已将铁石充逸少注云殷铁石梁武时人今法帖大王书中有铁石字

东吴精张旭蘓州人老杜旭草书诗斯人已云亡草圣秘难得悲风生防绢万古起古色呜呼东吴精逸气盛清识

蔡君谟为本朝第一五代杨凝式笔迹雄强往往与顔柳相上下世多称李建中宋宣献此二人书仆所不晓宋寒李俗殆浪得名惟蔡君谟姿格既高当为本朝第一【仇池笔谈】

写细字江南野史应用善写细字防如毛髮嘗于一钱上写心经又于粒麻上写国泰民安四字

蓬萊女官学山谷书徐清字静之蓬萊女官也下西里王氏诗作谢体书效鲁直妍妙可喜陈无已诗云蓬萊仙子补天手笔妙诗清万世功肯学黄家元祐脚信知人厄匪天穷【后山集】

书象其人欧阳询貌寒防敏悟过人其书劲险厉正称其貌尔是知凡书象其为人【志林】

学书如泝急流近年笔法蔡君谟独步当世予尝戏谓君谟言学书如泝急流用尽气力船不离处所君谟以为能取譬

张颠以头濡墨张旭善草书大醉呼叫狂走乃下笔或以头濡墨而书既醒自视以为神不可复得世呼张颠【本 】【

张旭郑防亚栖书张旭草书如孤蓬自振惊沙坐飞郑防草书如风送云收霞催月上释亚栖草书如飞鸟出林惊蛇入草

戈法太宗学虞世南 书每难于戈法一日书遇戠字召虞世南补写其戈以示魏徵徵曰仰窥圣作内戠字戈法逼真帝赏其鉴识【并法书苑】

□匾法江南徐骑省 善小篆映日视之画之中心有一縑浓墨正当其中至于曲折处亦当中乃笔锋直下不倒故锋嘗在画中铉嘗自谓吾晚年始得□匾法凡小篆喜瘦而长□匾法非老笔不能【湘山野録】

拨橙法钱若水言唐陆希声得笔法凡五字撇押钩格柢用笔双钩则 画遒劲而尽妙矣谓之拨橙法希声以授沙门 光光入长安为翰林供奉又宰相刁术言江南后主得此法复增二字曰导送今待诏李希古亦得之而所书为一时之妙【澠水笔谈】

山谷论三家之法东轩笔録云唐初字学劲健得晋宋风开元后变为肥厚元和后柳沈之徒复尚清劲五代杨凝式国初李建中妙絶一时行草亦主肥厚李昌式不免于重浊山谷嘗论三家法以为杨少师如散僧入圣李西台如法师叅禅王着小禅缚律【南昌集】

书凌云殿晋太元中新起太极殿谢安欲王献之题榜而难之试谓曰魏时凌云殿榜未题而匠者误钉之不可下乃使韦仲 悬橙书之比讫鬓须尽白才余气息献之揣知其防正色曰使其若此有以知魏德之不长【王本】

隆冬枯树献之字势疎瘦如隆冬之枯树拘束如严家之饿 其枯树虽槎枿而无屈伸其饿 羈羸而不放纵【本 赞】

王着善大书翰林院自五代以来字势轻弱笔体无法太宗即赐笔札求善书许自言首得蜀人王着即召为侍书着善草 独步一时初以纸一番今书八字又令书六字四字至一字皆极遒劲上称善自是诏书体一变灿然可观【谈苑】

一台二妙索靖炖煌人靖草法武帝爱之时尚书令卫瓘世号得伯英之筋一台二妙【王隐晋书】

墨猪王逸少云凡字多肉防骨谓之墨猪书诀【墨薮】无筋骨子云近出擅名江表仅得成书无丈夫之气行行若紫春蚓字字如绾秋蛇卧王防于纸中坐徐偃于笔下秃千兔之翰无一毫之筋穷万谷之波无半分之骨以兹播美非滥名邪【本】

神全守固苟可以寓其巧智使机应于心不挫于气则神全而守固虽外物至不胶于心尧舜禹汤治天下養叔治射庖丁治牛师旷治音声扁鹊治病僚之于丸秋之于奕伯伦之于酒乐之终身不厌奚暇外慕夫外慕徙业者皆不造其堂不诘其蔽者也往时张旭善草书不治他伎喜怒窘穷忧悲愉佚怨恨思慕酣醉无聊不平有动于心必于草书发之观于物见山水崖谷鸟兽虫鱼草木花实日月列星风雨水火雷霆霹 歌舞战鬪天地事物之变可喜可愕一寓于书故旭之书变动犹鬼神不可端倪以此终其身而名后世【退之送高闲上人序】诗苍颉鸟迹既茫昧字体变化如浮云陈仓石鼓文已讹大小二篆生八分秦有李斯汉蔡邕中间作者寂不闻峰山之碑野火焚枣木 刻肥失真苦县光和尚骨立书贵瘦硬方通神惜哉李蔡不复得吾甥李潮下笔亲尚书韩择木骑曹蔡有邻开元以来数八分潮也奄有二子成三人况潮小篆逼秦相快劒长防森相向八分一字直万金蛟龙盘拏肉屈强吴郡张颠夸草书草书非古空雄壮岂知吾甥不流宕丞相中郎丈人行巴东逢李潮逾月求我歌我今衰老才力薄潮乎潮乎奈尔何【老杜】中郎石经后八分盖憔悴顾侯运炉锤笔力破余地昔在开元中韩蔡同颶颶 宗妙其书是以数子至御札早流 揄 非造次三人并入直恩泽各不二顾于韩蔡内辨眼工小字分日侍诸王钩深法更秘【老杜】颠张醉素两秃翁追逐世好称书工何曾梦见王与钟妄自粉饰欺盲聋有如市倡抹青红妖歌嫚舞 儿童谢家夫人淡丰容萧然自有林下风天门荡荡惊跳龙山林飞鸟一扫空为君草书续其终待我他日无忽忽【坡题王逸少帖】空余小来翰墨场松烟兔影傍明窗偶随儿戏洒墨汁众人许在崔杜行晚学长沙小三昧幻出万物真成狂龙蛇起陆雷破柱自许奇观绕绳牀家人骂 宁有道污染黄素败粉墙【山谷】人生识字忧患始姓名粗记可以休何用草书夸神速开卷慙恍令人愁我尝好之每自 君有此病何年瘳自言其中有真乐适意无异逍遥游近者作堂名醉墨如饮斗酒消百忧君于此艺亦云至堆墙败笔如山丘兴来一挥百纸尽骏马倏忽踏

九州我书意造本无法 画信手烦推求胡为议论独见假只字片纸皆藏收不减钟王君自取下方罗赵我亦优不须临池更苦学完取绢素充衾裯【坡】兰亭蠶纸入昭陵世间遗墨犹龙腾顔公变法出新意细筋入骨如秋鹰徐家父子亦秀絶字外出力中藏棱峰山 刻典刑在千载笔法留阳水杜陵评书贵瘦硬此论未公吾不憑短长肥瘦各有态玉环飞燕谁敢憎吴兴太守真好古购买断缺挥缣繒 跌入坐螭隐壁空斋昼静闻登登奇踪散出走吴越胜事 说夸友朋书来乞诗要自写为把栗尾书溪藤后来视今犹视昔过眼百世如同灯他年刘郎忆贺监还道同时须服膺【坡墨妙亭】蓬莱春昼永玉殿明房枕金牋洒飞帛瑞雾萦长虹遥怜醉常侍一笑开天容【坡】管城脱防为微笑便觉金光走龙尾试较鹅经拂硬黄 此寶书十余纸纸光叶叶揭云摸字工戢戢行冻螳【僧惠洪】异时长笑王防稽野鷺腥腥污刀几暮年却得庾安西自厌家鸡题六纸二子风流冠当代顾与儿童争愠喜秦王十八已龙飞嗜好晚将蛇蚓比【坡】三管曝书防蠹毁得见来禽与青李春蛇秋蚓久相杂野鷺家鸡定谁美玉函金钥天上来紫衣勅赐亲临启纷纶过眼未易识磊落挂壁空云委归来妙意独追求坐想蓬莱二十秋怪君何处得此本上有桓 寒具油巧偷豪夺古来有一笑谁似痴虎头君不见长安永寧里王家破垣谁复修【坡次韵】元章作书日千里平生自苦谁与美画地为饼未必似要令痴儿出鼃水锦囊玉轴来无趾餐然夺真疑圣智忍饥看书泪如洗至今鲁公乞余米【坡次米元章跋王书】

锦绣万花谷前集卷三十一

卷三十二

钦定四库全书

锦绣万花谷前集卷三十二

笔

丰狐毫枯木管番禺诸郡多以青羊毛为笔或用山雉丰狐之毫防须麝毛狸毛董仲舒尝答牛亨之问曰防恬以枯木为管鹿毛为柱羊毛为被以成笔【树萱录】狸毛象管欧阳通询之子晚自矜重以狸毛为笔覆以兔毫管用象犀非是未尝书【本 】

緑沉漆竹管王羲之笔经曰有人以緑沉漆竹管及镂管见遗斯亦可玩诂必金玉哉【初学记】

青镂管纪少瑜尝梦陆倕以一束青镂管笔授之曰卿自择其善者其文因此大进【青箱杂记】

如椽晋王珣梦人以大笔如椽与之既觉语人曰当有大手笔事俄而帝崩哀册文皆珣所为【晋书】

四管为牀南朝呼笔管为牀梁简文帝答徐摛书特设书幌下置笔牀四管为一牀【树萱录】

管子文有书生谒李林甫云管子文后化为管【开元遗事】毛元锐文嵩管城侯 宣城毛元锐字文锋封为管城侯有传

毛穎管城子中书君防恬猎中山围毛氏献俘章台秦始皇赐之汤沐而封诸管城号管城子与上益狎上呼为中书君因免冠鬓秃上曰中书君老而秃【退之毛穎传】尖头奴元魏时有臣古弼头尖魏太武帝名之曰笔头又曰尖头奴时人呼为笔公【北史】

毫锥应制白居易与元微之应制各有纖锋细毫之笔防以就试相顾而笑目为毫锥故赠元诗防目穿如札毫锋利似锥【本集】

栗尾濡笔蔡君谟为永叔写集古目錄序欧以防须栗尾笔铜緑笔格等为润笔君谟笑以为太清而不俗【出归田录】

三品梁元帝为湘东王嘗記錄忠臣义士文章之美者笔有三品忠孝全者用金管书之德行精粹者用银管书之文章瞻丽者用斑竹管书之

五兄弟本朝钱次权以墨四丸笔五枝赐杨时可杨戏曰安得砚乎次权曰不难须一诗杨乃作一絕句云尖头奴有五兄弟十八公生四客卿过我书斋无一事似应终日侍陶 【百家诗】

退笔冢僧智永学书有旧笔头数石瘞之号退笔 【文房四寶】

铭心写言 云笔铭曰韡韡彤彤冉冉轻翰正色 墨铭心写言 【初学记】

防须笔蕪过叔党赋防须笔云太仓失陈红狡穴得余腐既兴丞相叹又发廷尉怒磔肉餽饿猫粉髯杂霜兔挿架刀稍健落纸龙蛇骛穿一何卑防托此得佳誉 【苕溪诗话】

诗青镂墨淋漓 瑚架最宜静援花影转孤卓漏声迟题柱吾无取如椽彼一时 【林和靖】粘粉为题栖鳳竹带香因洗落花泉 【僧贯休】尚书应用裁天诏内史新将写道经 【柳子厚】

墨

绛人陈 毛穎举绛人陈 农陶 防稽楮先生友善出处必偕上召穎三人者不待诏辄俱往上未嘗怪焉 【退之毛穎 】

松滋侯燕人易 光字处晦封松滋侯盖墨也

客卿子墨客卿妙一世懷玉山中五丈夫峨嵋老仙与推穀谷量牛马斗量珠 【洪驹父墨工诗】尖头奴有五兄弟十八公生四客卿 【见笔门】

九子墨陆士龙与兄书云有九子墨祝防者多子之义也祝曰九子之墨藏于松烟本性长生子孙无边 【文房四寶】瑜麋汉尚书令仆丞郎月给瑜麋墨大小二枚 【出坡诗注西京杂记】

三螺陆云与兄书曰一日上三台曹公藏石墨数十斤令送三螺 【文房四寶】

蛾綠螺炀帝宫女争畫长蛾司宫吏日给螺子黛五斛号蛾綠子李贺诗蛾綠攢晓门 【大业拾遗记】隋鳳舸殿御女吴峰仙善 长蛾宫中争为长蛾宫吏日供螺子黛五斛号蛾綠螺 【南部烟花錄】

乌玉玦坡诗我贫如饥防长夜空齧齧瓦池研灶煤苇管书柿叶近者唐夫子遠致乌玉玦

磨人石昌言蓄李廷珪墨不许人磨或戏之曰子不磨墨墨将磨子今昌言墓木拱矣墨固无恙可为好事者之戒【坡集】

削木蔡君谟言李廷珪墨能削木坠沟中经月不坏【百家诗注】

鱼胞犀角鱼胞熟万杵犀角盘双龙墨成不敢用进入蓬莱宫【坡诗】

李廷珪双脊龙蔡君谟云李超易水人唐末与子廷珪亡至歙州其地多松因留居以墨名家本姓奚江南赐姓李其墨有劒脊圆饼面多为龙纹嘉祐中仁宗宴近臣于羣玉殿尝以其墨赐之曰新安香墨其后翰林承防赐者皆双脊龙样尤为佳品【澠水燕谈】

漆相国寺门太祖下南唐得李廷珪父子墨同俘获付主藏籍收不为贵也后有司更造相国寺门诏用墨漆取墨于主藏车载以给皆廷珪父子墨至宣和间黄金可得李墨不可得也

隔锦囊知墨山谷几间取小锦囊中有墨半丸以示潘谷谷隔囊手之即置几上曰天下之宝也出之乃李廷珪墨又别取小锦囊有墨一凡谷手之如前则叹曰今老矣不能为之出之乃谷少所作墨其艺之精如此【并邵氏后录】

诗此墨足支三十年但恐风霜侵发齿非人磨墨墨磨人瓶应未罄墨先耻逝将振衣归故国数畝芳园自鉏理作书寄君君莫笑但覓来禽与青李一螺 漆便有余万灶松烟何处使君不见永宁第中捣龙麝列屋闲居清且美倒晕连眉秀岭浮双鸦画鬓香云委时闻五斛赐蛾绿不惜千金求獭髓闻君此诗当大笑寒牕冷砚冰生水潘郎晓踏河阳春明珠四壁惊市人那知望拜马蹄下胷中一斛泥与尘何以墨潘穿破褐琅琅翠饼防 笏布衫漆黑手如 未害冰壶贮秋月世人重耳轻目前区区张李争嗤妍一朝入海寻李白空着人间画墨仙 徂徕无老松易水无良工珍才取乐浪妙手惟潘翁鱼胞熟万杵犀角盘双龙墨成不敢用进入蓬莱宫蓬莱春昼永玉殿明房枕金牋洒飞帛瑞雾萦长虹遥怜醉常侍一笑开天容 谿石琢马肝剡藤开玉板嘘嘘云霭出奕奕龙蛇绾此中有何好秀色纷满眼故人归天禄古漆窥蠹简隃麋给上方老手擅编划分余幸见及流落一叹赧 书窗拾轻煤佛帐拂余馥辛勤破午夜收此一寸玉痴人畏老死腐朽同此木欲将东山松湮入南山竹墨坚人苦脆未用叹不足且留注虫鱼莫草三千牍 我贫如饥鼠长夜空齧齧瓦池研灶煤苇管书柿叶近者唐夫子遂致乌玉玦先生又继之圭璧烂箱篋晴窗洗砚坐蛇蚓稍蟠结便有好事人敲门求醉帖【并东坡诗】

纸

乌丝栏宋毫间纸有织成界道谓之乌丝栏又异闻集霍小玉 取朱丝缝囊中出越姬乌丝栏素段三尺以授李生生多才思援笔成章【李肇国史补】

蔡侯纸古今契多编以竹简其用缣帛者谓之纸缣贵而简重并不便于人蔡伦字敬仲为尚

方令乃造意用树肤麻头敝布鱼网以为纸奏上安帝善其能自是莫不用焉故称蔡侯纸【本】

左伯左伯能为纸时蔡伦亦为之伯尤为精妙邺都宫观成诏韦诞仲将题署奏曰若用张芝笔左伯纸及臣墨兼此三具又得臣手然后可以成径丈之势【书防】好時侯谓纸为华陰楮知白字守亦曰好時侯文馆书史

楮先生韩毛穎穎与会稽楮先生友善谓纸也云蓝予在九江造云蓝纸辄送五十板诗云三十六鳞先使时数番犹得寄相思【段成式与温庭筠诗序】

麦光麦光铺几净无瑕【注麦光纸名也坡诗】

硬黄秘阁所藏二三书多唐人所临纸皆硬黄坡诗云硬黄小字临黄庭

鸦青山谷为范子默求染鸦青纸诗云学似贫家老破除古今迷忘失三余极知鹄白非新得漫染鸦青袭旧书又云深如女发兰膏罢明似山光夜月余为染溪藤三百个待渠湔拂一牀书【山谷】

吊剡溪藤唐舒元舆作吊剡溪藤文剡溪藤可作纸言今之错为文者皆天阙剡藤者也

布头牋取布头机余经不受纬者治之作纸名布头牋此纸名冠天下【志林】

九万牋王右军为防稽谢公就求牋纸库中有九万板悉与之【语林】

陟厘本草注云水中苔取以为纸名苔纸青黄色王子年拾遗记云张华撰博物志晋武嫌繁命削之赐侧理纸万张子年云陟厘纸也此纸以水苔为之汉人语讹谓之侧理也

衍波纸萧贯梦至宫庭有妇人授贯纸曰此所谓衍波牋烦赋宫中晓寒歌【直方诗话】

赫蹏书成帝以篋里药餌又赫蹏书与狱中妇人曹宫饮赫蹏薄小纸也曹宫宫婢有皇子【赵飞燕】

生纸熟纸唐人有生纸熟纸熟纸妍妙辉光生纸非有丧不用退之与陈素书云送孟郊序用生纸写言急于自解不暇择耳【邵氏语錄】

诗阳山老藤截玉昉乌孙翠竹避寒光罗侯包赠室生白明于机上之流黄愧无征西蚕尾手为写黄门急就章【山谷】

砚

即墨侯石虚中文嵩石虚中 字居默器度方圆中心坦然拜即墨侯与宣城毛元锐燕人易元光华陰楮知白同出处【文房四寶】

陶 韩愈毛穎 穎与 农陶 友善洪驹父又为 作

端溪端溪砚水中石色青山半石色紫山顶石尤润如猪肝色者佳【蕪易简砚谱】

端溪三种魏泰曰端溪有三种曰岩山曰西坑曰后磨石色深紫衬手而润叩之清遠有清綠圓小鸚鵡眼乃岩石也其次色亦赤呵之乃润鸚鵡色紫綬慢而大此乃西坑石也其下青紫色向明侧视有碎星光 如沙中云母干而小润谓之后磨石西坑砚三当岩石之一后磨三当西坑之一其品可知【东轩笔錄】

龙尾石砚坡云余作鳳咮砚铭云蕪子一见名鳳咮坐今龙尾羞牛后已而求砚于歙歙人云子自有鳳咮何以此为盖不能平也方彦德有龙尾大砚甚奇谓余能作诗少解前语当奉饷坡乃作诗畧云君防龙尾岂石材玉德金声寓于石【坡集】

马肝石汉武时鄧支进马肝石以和丹砂食之则弥年不饥以拭白发尽黑此石亦可作砚有光起【坡诗注】鸚鵡眼死活黄黑相间鰲睛在内晶莹可爱谓之活眼四傍浸渍不甚睛明谓之泪眼形体畧具内外皆白殊无光彩谓之死眼活胜泪泪胜死死胜无【东坡笔錄】

鳳咮砚坡鳳咮砚铭云帝见武夷作茶图山为孤鳳翔且嗅残璋断璧泽而黝治为书砚美无有胡仔曰武夷山未尝有茶茶乃出北苑北苑名鳳凰山石亦顽燥非砚林询之土人未尝以为砚方悟坡为人所诳若劔浦黯澹滩有一种石黑眉黄眼人以为砚鳳咮必亦此滩石也然去武夷遠矣【茗溪诗话】

红丝石青州有红丝石红黄相参理黄者其丝红理红者其丝黄皆可为砚

綠石砚山谷以洮州线石砚赠张文 云赠君洮州綠石含风漪能淬笔锋利如锥读书元祐开皇极第入思齐访落诗【山谷集】

月石砚江上有石形色类月以为砚蕪子美诗我疑此山石久为月照着老蚌吸月月降胎水犀望星星入角彤霞烁石变丹砂白虹贯岩生美璞【子美集】

涵星石砚坡以月石砚赠范子功以涵星赠范纯父云次于房厯三星斗牛不神箕独灵 摇桑榆负西靡影落蕪子砚与屏

黯澹滩石坡作鳳咮石砚铭云出北苑鳳城山余至建州求之无有盖南劔黯澹滩石也此石有二种其一出卤水去黯澹四十里细润而不甚发墨黯澹滩石宜墨而肤理不逮唯兼二者其过龙尾也【叶少蕴云】

歙砚铭坡云余家有歙砚防有歙识云吴顺义元年处士汪少防铭松操凝烟楮英铺雪毫穎如飞人间四絕【苕溪诗话】

结隣唐李卫公砚名结隣言与结为隣也【开元錄】

易以铜劒张防仲有龙尾紫石砚坡以铜劒易之云我家铜劒如赤蛇君家石砚苍碧椭而防君持我劒向何许大明宫里玉佩鸣冲牙我得君砚亦安用雪堂窻下尔雅笺虫虾二物与人初不异飘落高下随风花【坡集】龙尾李后主澄心堂纸李廷珪墨龙尾石砚毛元锐笔为四絕【砚谱】

书九万字郭君大砚如南溟化我霜毫作鹏翼安得剡藤三千尺书九万字不渴墨【山谷】

雷电光巨璞禹凿余异状君独见其滑乃波涛其光或雷电【杜子美】

金线纹端溪石有白赤黄 者谓之鸲鹳眼昧理黄者谓之金线纹其山号斧柯昔人采石者先以中牢祭之不尔则雷电失石所在【文房四寶】

德人俊人端石如德人每过于厚或防于才不能底滯歙石如俊人辄倾倒失之轻而遇事风生元不一一厌足人意又洌端砚屡易水其渍卒不尽除歙砚一濯即莹澈无留墨亦一快耳【邵公后錄】

诗帝规武夷作茶圃山为孤鳳翔且嗅下集芝田啄琼玖玉乳金砂散虚窻残璋断璧泽而黜治为书砚美无有至珍惊世初莫售黑眉黄眼争妍陋苏子一见鸣鳳喙坐令龙尾羞牛后【坡鳳喙砚诗】君不见成都画手开十眉横云却月争新奇游人指 小嚙处中有渔阳胡马嘶又不见王孙青 横双碧肠断浮空遠山色书生性命何足论坐费千金买消渴迺来丧乱愁天公谪向君家书砚中小窻虚幌相妩媚令君晓梦生春红【坡眉子石砚歌】黄琮白琥天不惜顾恐贪夫死懷璧君防龙尾岂石材玉德金声寓于石与天作石来防时与人作砚初不辞诗成鲍谢石何与笔落钟王砚不知锦裯玉匣俱尘垢搗练支牀亦何有况瞠蕰子鳳喙铭戏语相嘲作牛后碧天照水风吹云明窻淨几清无尘我生天地一闲物蕰子亦是支离人麤言细语都不择春蛇秋蚓随意画愿从蕰子老东坡仁者不用生分别【坡龙尾砚歌】紫潭出 云翳我潭中星独有潭上月倒挂紫翠屏我老不看书默坐養此昏花晴时时一开眼见此云月眼自明久知世界一泡影大小真偽何足评笑此三子欧蕰梅无事自作雪羽争故将屏砚送两范要使珠璧栖窻櫺牀头复一月下有风林横急送小范家防此涵星 愿从少陵 一句山木尽带洪涛倾【坡月石砚屏】琢雕山骨秀磨礧发光炯体润云气生寒泉冽幽井平生心腹交陈 与毛穎德重不倾侧中虚且明静置之案几上吾方日三省【谢元逸】

香

昆仑耳鹩斑倦遊録高窠等州产生结香山民见香木曲干以刀斫损经年香溜复锯取之刮去白木其香结为斑 名鹩斑又四时纂要修甲香方曰取大甲香如昆仑耳者酒煮蜜熬入诸香中用故山谷诗螺甲割昆仑耳香材屑屑【黄诗注】

一木五香婆利国有婆律树高八九丈瘦者出龙脑肥者出婆律香又云一木五香根旃檀节沉香花鸡舌胶薰陆【酉阳杂俎】

都梁古诗云博山炉中百和香郁金蕙合及都梁又云氤氲五水香迷迭及都梁按广志都梁出交广形如霍香迷迭出西域魏文有迷迭赋【王直方诗话】都梁县有山山有水清浅其中生兰因名都梁坡诗注云都梁山在泗州南山是也【本草荆州记】

麝食柏而香麝形似獐啖食柏叶嵇康云麝食柏故香也【本草注】

生结熟结香木岭南徼海诸州及琼崖山多有之有香者百无一二其树出香三等曰沉曰笈曰黄熟沉笈皆有二品曰熟结曰生结熟结者树自烂而得生结者伐汁得之又久烂脱而剔取之黄熟有三品曰夹笈其破者为散沉香之良者琼崖生取者为角沉宜薰衣黄沉木枯朽乃得者为黄沉宜入药【谈苑】

沉香鸡骨马蹄沉香青桂香马蹄香鸡骨香煎香同是一本其木类椿榉多节取之先断其木根积年皮干俱朽心与节不坏者乃香也细枝紧实为青桂香黑而沉水为沉香半沉浮为鸡骨香最麓为戔香【戔或为煎】又云沉者为沉浮者为檀似鸡骨为鸡骨香似马蹄为马蹄香似牛头为牛头香最粗者为戔香又有熟结生结丁谓在海南作天香 云四香凡四十二状皆出于一木窠化雷高中国出香之地北海南优劣不侔矣既所禀不同又售者多而取之速是以黄熟不待其稍成戔沉不待其香足盖趋于戔贼之地也非同琼莒非时不妄剪伐【类证本草】

薰陆乳香薰陆出天竺单于二国南方草木状如薰陆出大秦国其木生于海边沙上盛夏木胶流出沙上夷人取卖之乳香亦其类也广志波斯国松木脂有紫赤如樱桃者名乳香薰陆之类也今人无复别薰陆通谓乳香为薰陆耳又云胶出日久相重叠者不成ru头杂以土石其成ru头者是新出薰陆总名也乳香是薰陆中ru头也今松脂亦皆如是又云生南海是波斯国松脂紫赤如樱桃为上

龙脑香出婆律斯国木形似杉木木中脂似白松脂作木膏乃根下液亦谓之婆律膏【酉阳杂俎】木有肥瘦瘦者出龙脑香在水心肥者出婆律膏其膏在木端流出降真香出黔南拌和诸香烧烟直上天召得鹤盘旋于上又云生大秦国又云出南海山中主天行时气宅舍怪异并烧悉验之又神仙 烧之引鹤降醮星辰烧之此香为第一【并类证本草】

闻思香山谷论香有谓闻思香取楞严经观音所言从闻思修入三摩地因以名香

范 和香方范晔有思致撰和香方曰麝木多忌过分必害沉实易和盈斤先伤霍零虚燥詹唐枯湿蕰合安息之属珍于外国无取于中国又枣膏昏钝甲牋浅俗所言悉以比士麝比庾仲文霍零比何尚之枣膏比羊 保甲牋比徐演之沉实和易以自比也

螺甲本草曰螺生云南者大如掌青黄色取麝烧灰合香者多用之谓能发香也【山谷诗注】

博山炉汉故事诸王出阁则赐博山炉吕大临考古图云炉象海中博山下盘贮汤使润气蒸香象海之四环鹊尾炉费崇光好佛常以鹊尾炉置膝前【初学记】

锦绣万花谷前集卷三十二

卷三十三

钦定四库全书

锦绣万花谷前集卷三十三

劒

龙泉大阿工市三劒楚王使风湖子之吴见欧冶子干将使之爲劒三枚一曰龙泉二曰太阿三曰工市楚王问何如风湖子对曰龙泉状如登高山临深泽太阿巍巍翼翼如流水之波从文起至 如珠柱文若流而不絶晋郑闻之求之不得兴师围楚楚王引太阿麾之士卒流血千里晋郑之头毕白

干将镆邪干将吴人与欧冶子同师阖闾使造劒二枚一曰干将二曰镆邪镆邪者干将之妻名干将作劒金铁之精未肯流干将夫妻乃防发剪指爪投之炉中金铁乃濡劒成阳曰干将陰曰镆邪以其陰献吴王列士 楚王干将乃镆邪之子也楚王夫人常夏纳凉抱铁柱心有所感遂孕生产一铁楚王命镆邪铸此铁为双劒三年乃成一雌一雄镆邪乃防雄而以其雌进楚王劒在匣中常鸣对曰劒有雌雄鸣者雌忆雄也王大怒收镆邪杀之子乃为父杀楚王

越王五劒越王允常聘欧冶子作五劒一曰钝钩二曰湛卢三曰豪曹四曰鱼肠五曰巨阙

许旌阳第三劒唐武胜之见雷公逐一小黄虵盘绕滩上以石戏投之虵锵然有声雷乃飞去寻视虵得一铜劒文曰许旌阳斩蛇第三劒【广汉记】

秋水越絶书太阿劒其色如秋水

韩楚龙渊汉文推成后汉肃宗赐韩楚龙渊赐郅寿蜀汉文赐陈宠济南推成皆劒名【汉】

兔胆铁铸劒昆吴山有兽如兔食铜铁吴国武库中兵刃皆尽忽见双兔杀之有铁胆肾方知兵刃为兔所食乃铸铁胆为二劒雄为干 雌为镆邪【拾遗】

倚天劒荆楚故事曰襄王与唐勒景差宋玉等游于云阳之台王谓左右曰能为大言乎唐勒曰壮士怒兮絶天柱北斗房兮泰山夷宋玉曰方地为舆圓天为盖弯弓挂扶桑长劒倚天外

管涔王五色劒晋刘曜隐管涔山闲居有二童子跪入曰管涔王使小臣奉谒赵皇帝献劒一口置前再拜而去以烛视劒长二尺赤玉为寶铭曰神劒曜遂服之劒随四时而变为五色【

载记本 】

白猿公越王问劒处女处女将见王道逢袁公曰闻子善劒术女子曰愿试也公即以劒杖簇竹枝上颧桥委随女即挠其末公操其本而刺女女因举杖逐之袁公变为白猿而去【吴越春秋】

疥癩寘顾彦辉有东川节度防诸将所以佩劒号疥癩寘使侍左右曰生死同之违者先齿

櫺具劒首以玉作井辘轳形上刻木作山形似莲花初生未敷时雋不疑带櫺具劒见暴胜【不疑传】

诗雨余江清风卷沙雷公蹶云捕黄蛇虵生空中如注矢雷公煜煜烧蛇尾或投以块铿有声雷飞上天蛇入水水上青山如削铁神物欲出山自裂细看两脇生碧花犹是江西老蛇血苏子得之何所为蒯缞弹铗咏新诗君不见凌 功臣长九尺腰间玉具高柱颐【坡】君不见昆吾铁冶飞炎烟红光紫气俱赫然良工锻鍊凡防年铸作寶劒名龙泉龙泉顏色如霜雪良工咨嗟叹奇絕琉璃寶匣吐莲花错镂金环生明月正逢天上无风尘幸得用逢君子身精光黯黯青蛇色文章片片綠 鳞非真结交游侠子亦曾亲近英雄人何言中道遭弃捐零落飘沦古狱边虽复沉埋无所用犹能夜夜气冲天【唐郭元振上此武后奇之遂得擢用】

画

五经三史晋顾恺之陆探防张僧繇北齐杨子华隋董仲仁辰子奇唐吴道子郑防皆名画顾陆张吴为五经杨郑董辰为三史余画为百家【名画记】

通神手开元中李思训画大同殿壁明皇喻之曰卿所画夜闻水声真通神佳手【炙轂子】

误防成蝇吴曹不兴误 屏风因就画为蝇孙权以手拂之【吴志注】

误笔成牛王献之善丹青桓温使画扇笔误落因就画一驳牯牛甚妙【晋书】

龙生烟雾唐吴道子画殿内五龙鳞石飞动每天将大雨即生烟雾【后画品】

六马袞尘图唐宁王善画马花萼楼壁上有六马袞尘图明皇最 玉面花聪风鬃雾鬣纖悉备具后壁上惟有五马信知神物变化【异人錄】

龙眼飞去张僧繇在金陵安乐寺画四龙不 眼睛每云 之则飞去人以为诞因 其二须臾电雷破壁二龙去【名画记】

画驴恼僧吴道子尝访僧僧不礼遂于壁上画驴一头一夜僧房家具踏破恼乱不堪僧知是

道子悬邀涂却画乃已【卢氏杂记】

有光发屋张僧繇在江陵天星寺柏堂画卢舍那佛像夜有光发寺屋壁【名画记】

一挥圆光吴道子尝画佛防其圆光对万众中举手一挥圆中规观者惊呼画家自有法但以肩倚壁自然中规吴道子妙不在此

天机所到唐王维字摩诘善画思入神至山平水远云势石色绘工以为天机所到也【本】

天趣活笔陈用之善画宋迪谓曰汝画信工但少天趣当求一败墙张素倚之朝夕观之既久隔素见败墙之土高平曲朽皆成山水之象心存目想高者为山下者为水显者为近晦者为远神领意造恍然见其有人禽草木飞动之象则随意命笔自然境皆天就不类人为是为活笔【海外记】

云汉北风图汉桓帝时刘褒画云汉图见者皆热及画北风图见者皆寒【博物志】

昼夜牛本朝太宗时李至献画牛昼则齧草栏外夜则归卧栏中莫晓其理僧赞宁曰此幻药所图南海倭国有蚌泪和色着物昼见夜隐沃焦山有石磨色染物昼隐夜见【海外记】

牛鬪尾入股有藏戴崧牛鬪与客观旁有一牧童曰牛鬪力在前尾入两股间今尾掉何也

鸟飞头足无两展黄筌飞鴈头足皆展不知飞鸟缩头则展足缩足则展头无两展者【仇池笔记】

按乐图国史补云客有以按乐图示王维维曰此霓裳第三叠第一拍也客未然引工按曲乃信此好奇者为之曰凡画乐工能奏一声金石丝竹同用一字何由无此声岂独霓裳防霓裳曲凡十三叠前六叠无拍至第七叠始有拍而舞作故曰乐天诗中序擘騞初入柏中序即第七叠也第三叠安得有拍也即见其妄【青箱杂记又见类说】

画乐琵琶误拨下弦相国寺高益之画奏乐最有意人多病拥琵琶者误拨下 众管皆发四字琵琶四字在上 此拨乃掩下误也予以为非误盖箏以发指为声琵琶以拨过为声此拨掩下 则声在上 也亦初心匠如此【笔谈】

韩干周昉写真郭汾阳女壻赵纵令韩干写真后又请周昉写真二人皆有能名令公尝列二真画于坐未定优劣因女赵夫人归省问云此何人对曰赵郎也何者最似曰两画总似前面得赵郎状貌后面画兼移其神思情性笑语之姿是日定二画之优劣【画断】

画花在似不在似画花赵昌意在似徐熙意不在似非高于画者不能以似不似第其高下盖

意不在似者太史公之于文杜陵老之于诗是也

江都王马江都王绪霍王元轨之子善画鞍马老杜诗云国初已来画鞍马神妙独数江都王是也【名画记】包鼎虎近时名画李成巨然山水包鼎虎赵昌花鼎宣州人世以画虎为业而最为精妙【归田录】

画家百世师五代营丘李成字咸熙尤妙画山水王朴与之善画平远寒林气韵潇洒古今一人真画家百世师也昔称王维李思训之徒不可同日而语其后燕贵翟阮深许道宁辈仅得一体【退朝录】本朝画学古今第一荆浩曰山水之学吴道子为有笔无墨项容有墨无笔王维李思训之流不数也其所立可知矣然入吾本朝如长安闕同营丘季成原范宽之绝艺荆浩者工不数也故本朝画学古今第一【邵氏录】周昉绝冠画断云周昉穷丹青之妙至画美人女子为古今绝冠

诗筌逼真名画评云黄筌蜀人善丹青凡所操笔皆逼真与其子居实从孟防归朝居实字伯鸾善画竹苏易简得其墨竹图李宗谔作赞

神彩飞动王鉉据陕州集天下良工画寿圣寺壁为一时妙绝画工凡十八人皆杀之使天下不复有此笔今佛母壁最奇神彩飞动鬼母瘦佛次之【笔谈】

神气迥出国初江南布衣徐熙伪蜀翰林待诏黄筌皆善画著名筌与二子居实惟亮皆 图画院其后徐熙至京师送画院品其画格诸黄妙在赋色巧细不见墨迹但以轻色染成徐熙以墨笔画之殊草草略施丹粉神气迥出别有飞动之意筌恶其轧已言其画麤恶不入格罢之熙之子乃效诸黄格更不用墨直以彩色图之谓之没骨图工与诸黄不相上下筌等不复瑕疵遂得齿院品然其气韵皆不及熙远甚【湘山野录】

不以细碎为工翠防堂记云落笔之际未尝以傅色晕淡细碎为工

不为彩色所隐蜀有赵昌善画花每晨露绕栏谛玩手中调色写之自号写生赵昌人谓赵昌染成验之者以手扪摸不为彩色所隐者乃真也【东斋记事】

正午牡丹欧公得一古画牡丹下有猫吴正肃公一见曰此正午牡丹也其花披哆而色燥此日中时花也猫眼朝暮不同黑睛如线正午猫眼也【归田录】

蛱蝶图名画记云嗣滕王湛然善画蝴蝶王建宫词云 得滕王蛱蝶图是也

寒具油柜 好蓄法书名画客至尝出观客食寒具而油污其画后遂不设寒具【寒具今油饼也刘禹锡佳话】

永宁里王涯破垣唐王涯居永宁里蓄名书画以金玉为匳轴凿垣贮之重复固秘及被诛为

人破垣剔取金玉而弃书画于道

酒醒画于地蜀有孙大古善画山水又有李懷衮虽夜中酒醒睡觉得意时急起画于地迟明寫之则优于平居所画也【东斋记事】

僧择仁画松永嘉僧择仁画松一日梦看四百条龙自是臻于神每醉挥墨醒后乃补之形状极于奇恠常醉永嘉市顾竹壁取拭盘布濡黑洒其上来日少增修为狂根枯枿人伏其神【笔谈】

以小为大画牛虎皆画毛惟马不画毛予以问画工不能对大凡画以大为小所以毛细不可画牛虎虽是以大为小但牛虎深毛马浅毛理须有别故名为小牛小虎约略拂拭自有神观若画马如牛虎之大理当画毛盖见小马无毛遂亦不比庸人袭迹非可与论理也【笔谈】以大观小李成画山上亭馆及楼塔之类皆仰画飞檐其说以谓自下望上如人平地望塔檐间见其榱桷此谬论也大都山水之法盖以大观小如人观假山以上望下只合见一重山又如屋舍不应中庭及后巷李君不知以大观小之法折高折远自有妙理岂在掀屋角也

韦偃朱景 画断云韦偃伯父工龙马父鸾工山水松石偃又工仙僧老松异石人知其善画马不知松石更工

黄梅出山图黄梅出山图王维所画黄梅曹溪二人气韵神检皆如其人王仲圭最爱之

雪里芭蕉王维画物多不问四时如画花往往以桃杏芙蓉莲花同画一景画袁安卧雪图有雪中芭蕉【画评】仲由木劒昭君帷防吴道子画仲由戴木劒阎令公画昭君着帷帽殊不知木劒创于晋代帷帽兴于本朝举此凡例亦画之病也【名画记】

佛光风不可动今画工画佛光有圓匾如扇者谓身侧则光侧此大谬也渠但见雕木佛耳不知此光常圓又有画行佛光尾向后谓之顺风光此又谬也佛光乃定果之光虽劫风不可动岂常风能摇哉【笔谈】上古之画迹简而意淡顾陆之流是也中古之画细密而精防展郑之流是也吴 纵以恠石崩滩山水之变始于道 成于李思训父子树石之状妙于韦偃穷于张通又若王右丞之深重杨仆射之奇贍王宰之巧密刘商之取象【名画记】

董羽董羽江左人善画水太宗作端拱楼命羽四壁画龙水羽极其精思半年而毕意望恩赏太宗与宫嫔登楼皇子幼遥见画壁惊亟令圻墁之卒不获赏

无古人格致近者名画赵昌花写生逼真笔法较俗无古人格致然时亦未有其比昌每题其画末曰劒南樵叟【归田錄】蜀有赵昌善画花每晨露绕栏谛玩手中调色写之自号写生赵昌人谓赵画染成验之者以手扞摸不为采色所隐者乃真也【东斋记事】

东丹王赞华契丹阿寶机以长子突欲为东丹王后奔于唐明宗赐其姓更名赞华

图画见闻志云东丹王善画人物鞍马而马尚丰肥笔乏壮气

不 眼顾长康每画人数年不 眼人问之答曰四体妍媸本无妙处 神写照正在阿堵中

痴絶顾恺之小字虎头以一厨画寄桓 悉糊题之 乃发而取之好脩理而还之恺之见封题如初直云妙画通神变化而去 云顾长康有三絶文絶画絶痴絶画狮子愈疟建康有陆溉患疟医疗无效有顾光实能画遂命笔画一狮子令于外榜之谓陆曰可防心祈祷当有验如言中夜闻户外有窸 之声明日看狮子口臆有血淋 溉病乃愈【穷怪録】

生枝枯枝唐张藻善画尝以手握双笔一时齐下一为生枝一为枯枝生枝则润含春泽枯枝则干裂秋风【画断】朱繇画唐末朱繇善画世所收吴道子画多朱繇笔也八景本朝度支员外郎宋迪工画其得意处有平沙落鴈遠浦归防山市晴嵐江天暮雪洞庭秋月潇湘夜雨烟寺晚钟渔村落照【墨客挥犀】

时称第一名画评曰李成营丘人能画山林时称第一山谷云郭熙因为蕲才翁家摹六幅李成骤雨从此笔墨大进

工画寒林郭熙河阳人熙宁初为御史院艺字工画山水寒林【郭若虚见闻志】

尤工小景惠崇建阳人工画鹅鴈鸥鹭尤工小景烟汀雾渚虚旷之象

神明殊胜顾长康图裴楷后于颊上加三毛觉神明殊胜【本 】【

藏秘阁之画淳化元年太宗出古画藏之阁上有顾恺之画王维像韩干马薛稷鹤戴崧牛又近代东丹王李贇华千角鹿蜀黄筌白兔皆一时之妙也东丹王契丹人名托云【蓬山志】

画塑一法古画塑一法杨惠之与吴道子同师张僧繇学画惠之见道子笔法已至不服居其次乃去学塑亦为古今第一【邵氏録】

诗堂上不合生枫树恠底江山起烟雾闻君扫却赤县图乘兴遣画沧洲趣画师亦无数好手不可遇对此融心神令君重毫素岂但祁岳与郑防笔迹遠过杨契丹得非 圃裂无乃潇湘翻悄然坐我天姥下耳边已似闻清猿反思前夜风雨急乃是满城鬼神入元气淋漓障犹湿真宰上诉天应泣野亭春还杂花遠渔翁暝踏孤舟立沧浪水深青溟阔欹岸侧岛秋毫末不见湘妃鼓瑟时至今斑竹临江活刘侯天机精爱画入骨髓自有两儿郎挥洒亦莫比大儿聪明到能添老树巖崖里小儿心孔开貌得山僧及童子若耶溪云门寺吾独胡为在泥滓青鞋布袜从此始【老杜出水障歌】十日画一水五日画一石能事不受相促逼王宰始肯防真迹壮哉昆仑方丈图挂君高堂之素壁巴陵洞庭日本东赤岸水与银河通中有云气随飞龙渔人舟子入浦溆山水尽亚洪涛风尤工遠势古莫比咫尺应须论万里焉得并州快剪刀剪取吴松半江水【老杜题王宰山水图歌】老夫清晨梳白头 都道士来相访握发呼儿延

入户手提新画青松障障子松林静杳冥憑轩忽若无丹青陰崖却承霜雪榦偃盖反走虬龙形老夫平生好奇古对此兴与精灵聚已知仙客意相亲更觉良工心独苦松下丈人巾屨同偶坐自是商山翁怅望聊歌紫芝曲时危惨淡来悲风【题李尊师松】天下防人画古松毕宏已老韦偃少絶笔长风起纖末满堂动色嗟神妙两株惨裂苔蘚皮屈铁交错回高枝白摧朽骨龙虎死黑入太陰雷雨垂松根胡僧憩寂寞庞眉皓首无住着偏袒右肩露双脚叶里松子僧前落韦侯韦侯数相见我有一匹好素绢重之不减锦绣段已今拂拭光凌乱请公放笔为直干【老杜韦偃双松歌】楚公画鹰鹰戴角杀气森森到幽朔观者贪愁掣臂飞画工不是无心学此鹰写真在左绵却嗟真骨遂虚 梁间燕雀休惊怕亦未抟空上九天【杜题姜楚公鹰】高堂见老鹄飒爽动秋骨初惊无拘挛何得立突兀乃知画师妙巧刮造化窟写此神俊姿充君眼中物乌鹄满櫜枝轩然恐其出侧脑看青霄宁为众禽没长翮如刀劒人寰可超越乾坤空峥嵘粉墨且萧瑟缅思云沙际自有烟雾质吾今意何伤顾步独纡郁【杜甫画鹄行】素练风霜起苍鹰画不殊 身思狡兔侧目似愁胡绦簇光堪摘轩楹势可呼何当击凡鸟毛血洒平芜【杜咏鹰】郑公粉绘随长夜曹霸丹青已白头天下何曾有山水人间不解重骅骝【老杜】往时李成写骤雨万里古色毫端聚人行深藏鸟不度便觉非复鹅溪素龙眠老腕作阳關比风低草雪埋山行人客子两愁絶未信蒲萄能解颜【李彭】五日十日一水石此言虽工盖其迹请看天地开辟初炼就日魂镕月魄贵人费尽数寸管中有江湖万里客【徐师川】世人只数曹将军谁知虎头非痴人腰间大羽何足道颊上三毛自有神平生狎侮诸公子戏着幼舆岩石里故教世世作黄冠布袜青鞋弄云水【坡赠善画李道士】论画以形似见与儿童隣赋诗必此诗定知非诗人诗画本一律天工与清新边鸾雀写生赵昌花 神如何此两幅疎淡含精匀谁言一 红解寄无边春 瘦竹如幽人幽花如处女似昂枝上雀摇荡花间雨若人防天巧春色入毫楮悬知君能诗寄声求妙语【并坡与王簿书】天容玉色谁敢画老师古寺昼闲房梦中神授心有得觉来信手笔已忘幅巾常服俨不动孤臣入门涕自滂元老侑坐须眉古虎臣侍立冠劒长平生惯写龙凤质肯顾草间猿与鼯都门踏破铁门限黄金白璧空堆牀还来摹写亦知我谓是先帝白发郎【坡赠写御容僧】贵人多金身复闲争买书写不计钱已将铁石充逸才更补朱繇为道 烟薰屋满装玉轴鹿皮苍璧知谁贤吴生寫佛本神授梦中防化飞空仙觉来落笔不轻意神妙独到秋毫巅我昔长安见此画叹惜至寶空潜然素丝断续不忍看已作蝴蝶飞聯翩志公彷彿见刀尺脩罗天女由媼妍如观老杜飞鸟句脱字欲补知无縁贵人一见空羞忤锦囊千纸何足捐不须更用博麻缕付与一炬随飞烟【坡旻画】玉堂昼掩春日闲中有郭熙画春山鸣鸠乳燕初睡起白波青嶂非人间离离短幅开平远漠漠疎林寄秋晚却似江南送客时中流回头望平巘伊川佚老鬢如霜卧看秋山思洛阳为君纸尾作行草炯如嵩落浮秋光我从公遊如一日不觉青山映黄发为画龙门八节滩待向伊川买泉石【东坡题文潞公跋郭熙画】

画马诗将军魏武之子孙于今为庶为清门英雄割据虽已矣文彩风流今尚存学书初学卫夫人但恨无过王右军丹青不知老将至富贵于我如浮云开元年中常引见承恩数上南薰殿凌烟功臣少顔色将军下笔开生面良相头上进贤冠猛将腰间大羽箭褒公岳公毛发动英姿飒爽来酣战先帝天马玉花骢画工如山貌不同是日牵来赤墀下回立阊阖生长风诏谓将军拂捐素意匠惨澹经营中斯须九重真龙出一洗万古凡马空玉花却在御榻上榻上庭前屹相向至尊含笑催赐金圉人太仆皆惆悵弟子韩干早入室亦能画马穷殊相干惟画

肉不画骨忍使骅骝气凋丧将军尽善盖有神必逢佳士亦写真即令漂泊干戈际屡貌寻常
行路人途穷反遭俗眼白世上未有如公贫但看古来盛名下终日坎 纏其身【杜丹青引】
国初已来画鞍马神妙独数江都王将军得名三十载人间又见真乘黄曾貌先帝照夜白
龙池十日飞霹雳内府殷红马脑盘婕妤 诏才人索盥赐将军拜舞归轻纨细绮相追随贵
戚权门得笔迹始觉屏障生光辉昔日太宗拳毛騧近时郭家狮子花今之新图有二马复令
识者久叹嗟此皆骑战一敌万缟素漠漠开风沙其余七匹亦殊絶回若寒空动烟雪霜蹄蹴
踏长楸间马官廐养森成列可怜九马争神骏顾视清高气深稳借问苦心爱者谁后有韦讽
前支遁忆昔巡幸新丰宫翠华拂天来向东腾骧磊落三万匹皆与此图筋骨同自从献寶朝
河宗无复射蛟江水中君不见金粟堆前松柏里龙媒去尽鸟呼风 韦侯别我有所适知我怜
君画无敌戲拈秃笔扫骅骝歛见麒麟出东壁一匹齧草一匹嘶坐看千里当霜蹄时危安得
真致此与人同生亦同死【韦偃画马歌老杜】南山之下沔渭之间想见开元天寶年八坊
分屯隘秦川四十万匹如云烟骀駟騊駼骠騊骝白鱼赤兔骅皇翰龙倾鳳颈狞且妍奇姿逸
德稳且顽碧眼胡儿手足鲜歲时剪刷供帝闲柘袍临池侍三千红妆照日光流渊楼下玉螭
吐清寒往来蹴踏生飞湍众工舐笔和朱鉛先生曹霸弟子韩廐马多肉尻肱圓肉中画骨夸
尤难金羈玉勒綠罗鞍鞭撻刻烙伤天全不知此图近自然平沙细草荒芊绵惊鸿骇兔争后
先王良挟策飞上天何必俯首服短辕【坡书韩干牧马图】潭潭古屋云幙垂省中书字如
乱丝忽见伯时画天马朔风胡沙生落锥天马西来从西极势与落日争分驰龙膺豹股头八
尺奋迅不受人间羈元狩虎脊聊可支开元玉花何足奇伯时有道真吏隐饮啄不美山梁雌
丹青防笔聊尔耳意在万里谁知之干惟画肉不画骨而况失实空余皮烦君巧脱腹中事妙
语欲遣黄泉知君不见韩生自言其所学廐马万匹皆吾师【坡诗咏李伯时所藏韩马】仪
鸾供帐饗虱行翰林湿薪爆竹声风帘官烛泪纵横木穿石盘未渠透坐 不邀令人瘦贫马
伯賢逢一豆眼明见此玉花骢径自着鞭随诗翁城西野桃寻小红【山谷试院观李伯时画
马】少年鞍马勒遠行卧闻齧草追风声见此忽思短防横十年髀肉磨欲透那更陪君作诗
瘦不如芋魁归饭豆门前欲嘶御史骢论诏三日休老翁羨君懷中双橘红【坡和山谷画马】
山西战马饥无肉夜嚼长稭如嚼竹蹢间三丈是徐行不是天山有坑谷岂知廐马好头赤
立仗归来卧斜日莫教优孟小 地厚衣薪糲入桐厯【坡诗好头赤】赤髯碧眼老鲜卑回
防如縈独善骑赭白紫骝俱絶世马中岳湛有妍姿【坡二马】神工妙技帝所収江都曹韩
迹莫防人间画马惟韦侯当年谁为扫骅骝至今霜蹄踏长楸圉人困卧沙陇头沙苑茫茫蒺
防秋风騷雾鬣寒飈飈龙种尚有骹骀游长稭短豆岂我羞八鸾六轡非马谋古来西山与东
丘【坡咏偃牧马图】于阗花骢龙八尺看云不受络头丝西河骢作蒲萄锦双瞳夹镜耳卓
锥长楸前日试天步知有四极无由驰李侯一顾叹絶足领略古法生新奇一日真龙入图画
在垆羣雄望风雌曹霸弟子沙苑丞喜作肥马人笑之李侯论干独不尔妙画不相遗毛皮况
我平生赏神骏僧中元是道林师【山谷】李侯画骨不画肉笔下马生如破竹秦驹虽入天
仗图犹恐真龙在空谷精神权奇汗沟赤有头赤马能逐日安得身为汉都防三十六城看厯
厯【山谷诗】

卷三十四

<子部,类书类,锦绣万花谷

钦定四库全书

锦绣万花谷前集卷三十四

琴

蓬萊移情伯牙學琴于成連先生乃與游蓬萊山留伯牙曰子居習之我將迎之師刺船而去伯牙迎過但見海水瀕洞山林冥杳鳥獸悲號嘆曰吾師將移我情乃援琴而歌終成連至遂為天下妙為連仙【樂府解題】

廣陵散韓臯聞鼓琴至止息嘆曰美哉嵇康之為是曲其當晉魏之際乎其音商商主金晉乘金運此所以知魏季晉將代也王陵母丘儉文欽諸葛誕繼為揚州都督咸有興復之謀皆為司徒所殺康以揚州廣陵地故其曲曰廣陵散言魏散亡自廣陵始止息者篇名其音哀傷痛迫脇晉雖暴興終於止息【臯】

洋洋翼翼孔子學琴于師襄子曰丘得其意未得其人有間曰得其人矣洋洋乎翼翼乎其文王乎【家語】

巍巍蕩蕩伯牙鼓琴意在山鍾子期曰巍巍乎意在水子期曰蕩蕩乎子期死伯牙絃絕

賀若世傳琴曲十小調皆隋賀若弼所制一不博金二不換玉三峽泛吟四越溪吟五越江吟六孤猿吟七清夜吟八葉下聞蟬九三清十亡其名琴家但名賀若而已太宗尤愛之改不換金曰楚澤涵秋不換玉曰塞門積雪命詞臣探題制詩時蘇易簡探得越江吟其詞曰非云非烟瑤池宴片片碧桃冷落黃金殿蝦須半卷天香散春雲和孤竹清婉入霄漢紅顏翠態爛熳金輿轉霓旌影亂簫聲遠【冷齋夜話】東坡听武道士彈賀若詩云清風終日自開涼月今宵肯挂檐琴里若能知賀若詩中定合愛陶潛
賀若琴操名唐宣宗待詔賀若所制因人得名【坡詩注】

武聲有安說善琴楊収問五絃外其二云何說曰世謂周文武二王所加者収曰能為文王操乎說即以黃鍾為宮而秦之以少商應大収曰止如子之言少商武也且文世安得武聲乎說大驚

蓼莪附灌木楊収嘗言琴通黃鍾姑洗無射三均側出諸調猶蓼莪附灌木然【并収】

孔子感猫防孔子昼息于室鼓琴焉闵子自外闻之告曾子曰向也夫子之音清彻以和今也更为幽沉之声幽则利欲之所发沉则贪得之所施夫子何感若是乎二子入问孔子孔子曰汝言是也向者见猫方取防欲其得之故为之音也【孔丛子】

蔡邕闻杀声蔡邕在陈留隣人召酒邕比往有客弹琴邕听有杀声遂反主人自追问邕邕以告琴者曰我向见螳螂方捕蝉此岂为杀心形于声乎【邕】

蔡邕知絶 蔡琰邕之女年六歲邕夜弹琴弦絶琰闻之曰第一也复故断一 问之曰第四 苞曰偶中耳琰曰苦季札观风知四国典衰师旷吹律知南风不熏刮是言之何得不知【后汉】

退之得趣三吴信义海知琴或以欧公之论问海海曰欧公一代英伟然斯语失矣昵昵儿女语恩怨相尔汝言轻清柔细真情出见也划然变轩昂勇士赴敌场精神余溢竦观听也浮云柳絮无根蒂天地濶远随飞扬縱横变态浩乎不失自然也喧啾百鸟羣忽见孤凤凰又见孤絶不同下俚也跻攀分寸不可上失势一落千丈强起伏不常抑扬不主故常也皆指下丝声妙处惟琴为然琵琶格上声乌能耳退之深得趣未易讥评也【西清诗话】

东坡未知琴三吴僧义海曰东坡琴诗亦未知琴大 春温和且平小 廉折高以清丝声皆然何独琴也牛鸣盎雉登木槩言宫商也八音宫角皆然何独丝也闻者以海为知言

单鹄寡鳧刘道强善鼓琴能为单鸣寡鳧之弄听者悲不自胜【西京杂记】

蟹行鸾鸣凡弹琴轮指曰蟹行侧转指曰鸾鸣若全用甲则声干而多思全用肉则重浊而不匀【琴书诀】

十二操一将归二猗兰三 山并孔子作四越裳周公作五拘幽文王作六岐山周公为文王作七履霜尹伯奇作八雉朝飞牧犊子作九别鹄商陵穆子作十残形曾子作十一水仙十二懷陵并伯牙作【见韩文】

杂弄二十一章有河间杂弄二十一章蔡氏五弄双凤离鸾归凤送遠幽兰白云长清短清侧清明君胡笳广陵散白鱼叹楚妃叹风入松乌夜啼石上流泉双鸾离阳春綠水悲风别鹤之类

九引列一列女楚姬作二伯飞鲁伯飞作三贞次次鲁女作四思归衛女作五霏 楚商梁作六走马恭侯作七箜篌霍子高作入琴引秦皇作九楚引楚龙丘子作【风俗通语】

九弄唯琴工曲传楚汉旧及清调蔡邕五弄楚调四弄谓之九弄【唐志】

轻松脆滑琴虽用桐然须多年木性都尽声始发越予曾见唐初路氏琴木皆枯朽殆不胜指

而其声愈清越陶道真蓄一越琴云是古冢中败棺杉木也声极劲挺大抵琴材欲轻松脆滑谓之四善谓坚如石亦所未论【笔谈】

四美嵇叔夜琴赋曰器有故响逸 急故声清间辽故音庑 长故徽鸣此四皆美声也东坡曰庑防声音鲜琴之有防声以琴面不平或焦尾与岳高低不相应则其声防此琴之病声也盖琴操弄中自有庑下声非病声也间音知声间辽者徽之远处徽外近焦尾处声手取之自然庑下【学林】

四声韩退之听颖师琴诗欧公以为听琵琶诗后注云浮云柳絮无根蒂天地濶远随飞杨此泛声也谓轻系重非木也喧啾百鸟羣忽见孤凤凰泛声中寄指声也跻攀分寸不可上吟绎声也失势一落千丈强厉声也此数声最难工文忠之论似未然

宫非宫角非角尝考琴家谓宫者非宫角者非角又五调迭犯特宫声为多与五音之正者异【西清诗话】

腰绂鸣玉嵇绍迁侍中齐王冏燕防左右进琴绍推不受曰绍虽庸鄙忝备常伯腰绂冠冕鸣玉殿省岂可操执丝竹为伶人事若释公服从私宴所不敢辞也冏大慙【绍】

客授嵇康广陵散嵇康尝游洛西暮宿华阳亭引琴而弹夜分忽有客诣之称是古人与康共谈音律词致清辩索琴弹之而为广陵散声调絶伦遂以授康仍誓不 人亦不言其姓字【康传】

箎色定弦调琴须用箎色合字定宫 乃以宫 下生祉祉 上生商上下相生终於少商凡下生者隔二 上生者隔一 取之凡 声皆当如此今之苟简不复以箎定声故其高者无准声无法度也【笔谈】

增琴九 太宗令待诏蔡裔增琴为九 有待诏朱文济以为不可太宗曰古琴五 而文武增之今有何不可文济曰五弦尚有遗音而益以二 实无所闕上怒斥出遂增琴 【笔谈】

弹琴鬼叹语林嵇中散夜弹琴忽有一鬼械而长叹举其手袂曰君一弦一调中散与琴弹之声清冷遥问不对疑是蔡邕死之日身着桎梏【职官分纪】

琴正古之郑卫世以琴为雅声误矣琴正古之郑卫耳今世所谓郑卫者乃皆胡部非复古者之声自天寶中坐律部与胡合自尔莫能辨者

百纳响泉韵磬刘禹锡嘉话载汧公李勉好雅琴取桐丝精者杂缀号百纳琴其尤絶者曰响泉韵磬【坡诗注】焦尾蔡邕在吴闻人家爨下桐爆声知其良材因请之果良桐以治琴琴成尾有焦处因号焦尾【本】

雷氏琴蜀中雷氏琴最佳上者玉徽次瑟瑟徽次金徽次螺蚌徽【国史补】

响泉秀州祥符院僧智和蓄一古琴瑟瑟徽碧文细石为轸制作精巧音韵清越中刻李阳冰篆三十九字其畧云南溟夷鸟产木名伽陀罗文横如银屑其坚如石遂用作此朱长文琴谱皆着此琴即唐李勉所制响泉也

冰清钱塘沈振蓄一琴名冰清腹有晋陵子铭云卓哉斯器乐惟至正音清韵高月苦风劲璫余神爽泛絶机静雪夜敲冰霜天击磬陰阳潜感石臧前镜人其审之岂独知政书大厯三年三月三日上抵蜀郡雷氏斲奉诏书贞元十一年七月八日再修士雄记或以谓晋陵子杜牧道号篆法类李义山不知士雄何人也【渢水燕谈】琴畅琴操凡琴曲和乐而作命之曰畅言其道之畅也忧愁而作命之曰操言周征穷追犹不失其操【风俗通】瑶池燕东坡云琴曲有瑶池燕其词曰飞花成阵春心困寸寸别肠多少愁闷无人问偷啼自搵残妆粉抱瑶琴寻出新韵玉纖趣南风未解幽慍低云鬟眉峯眉□娇和恨【坡集乃廖明畧词】

蛇蚺文知琴者以谓前一指后一纸为妙以蛇蚺文为古王晋叔所蓄前防不容指而后劣容纸然终无杂声可为妙矣

孙枝凡本实而未虚惟桐反之试取小枝削背实坚其本皆中虚故世所以贵孙枝者贵其实也实故丝中有木声也【并志林】

诗昵昵儿女语恩怨相尔汝划然变轩昂勇士赴敌場浮云柳絮无根蒂天地濶远随飞扬喧啾百鸟羣忽见孤凤凰躋攀分寸不可上失势一落千丈强嗟余有两耳未省听丝簧自闻颖师弹起坐在一牀推手遽止之湿衣泪滂滂颖乎尔诚能无以冰炭置我肠【退之聴颖师琴】孤禽晓警秋野露空澗夜落春岩泉经纬文章合调和雌雄鸣飒飒骤风雨隆隆隱雷霆无射变凜冽黄钟催发生咏歌文王雅怨刺离骚经二典意淡薄三盘语丁宁【欧公】大 春温和且平小弦廉折亮以清平生未识宫与角但闻牛鸣盎中雉登木门前剥啄谁叩门山僧未闲君勿嗔归家且覓千斛水净洗从前箏笛耳【坡公】秋风拂松疎独鹤忆子笼中鸣铁击 瑚一两曲冰泻玉壶千万声至和无攫醜至平无按抑不知微妙声究竟从何出散我不平气洗我不和心此心知有在尚复此微吟【坡公】大声粗若霰飒飒风和雨小声细欲絶切切鬼神语方知鹊报喜转作猿啼苦【乐天】风松瀑布已清絶更爱玉佩声琅琅自从郑卫乱雅乐古器残破世已忘千年寥落独琴在有如老僧不死阅兴亡世人不容独反古强以新曲求铿锵微音淡弄忽变转数声浮脆如笙簧无情枯木一尚尔何况右意堕渺茫江空月出人响絶夜防更请弹文王【坡公】天寒络绎悲向壁秋高风露声入林【林逋】拂琴开素匣何事独颦眉古调俗不乐正声公自知寒泉出澗澁老桧倚风悲纵有来听者谁堪继子期【王文元妻】湘水泻秋碧古风吹太清【齐已】飞泉落翠巘爽籁生寒空【孙何】池小未开春浪泛岳低由欠暮云生【无逸】

琵琶

龙香拨杨贵妃善琵琶以迤逻檀为槽龙香板为拨郑愚津阳门诗云玉奴琵琶龙香拨倚歌促酒娇声悲【坡注】鵀丝铁拨唐贺懷智以鵀鸡筋作 用铁拨弹之坡诗鵀丝铁拨世无有

防廋铁唐乐工廉郊池上弹琵琶作防廋调忽闻芰荷间有物跃出乃是方响一片按之是防廋铁也【琵琶録】皮 欧公谪永阳其倅杜彬善琵琶酒间请之正色谢不能后彬置酒遽起还微闻丝声且作且止而渐近久之抱器而出手不絶弹公喜甚故诗曰坐中醉客谁最贤杜彬琵琶皮作弦自从彬死世莫传玉连锁声入黄泉

曹纲有右手裴兴有左手乐天琵琶行云曲罢曾令善才伏琵琶録云元和中曹保有子善才善才有子纲皆能琵琶又有裴兴奴与曹同时乐府杂録云曹纲善运拨兴奴长梳撚时人谓纲有右手兴有左手故乐天听曹纲琵琶示重莲云谁能截得曹纲手插向重莲红袖中【高斋诗话】

转關防索乐谱琵琶曲有转關六么取其声调闲婉又有防索梁州谓其音节闲繁【蔡寬大诗话】

琵琶声多琵琶声少汉中王瑀闻康昆仑奏琵琶曰琵琶声多琵琶声少是未可弹五十四丝大弦也乐家以自下逆鼓曰琵琶自上顺鼓曰琶【汉中王 】【

三调不出唐元稹诗琵琶宫调八十一三条 中弹不出十二律各七均乃成八十四调稹云八十一调人多不喻贺懷智琵琶谱序云八十四调内黄钟太簇林钟宫声弦中须管色定弦其余八十一调皆以此为准更不用管色也始悟【稹笔谈】

诗春风和暖百鸟语晓确山路行人行啄木飞从何处来花间叶底时丁丁林空山静啄愈响行人举头飞鸟惊【欧公】鵀 铁拨世无有乐府旧工惟尚叟一生啄硬眼无人坐此困穷今白首翠环女子年十七指法已似呼韩妇惊涛渡海风掣面满面尘沙和泪垢青衫不逢湓浦客红袖漫插曹纲手转關防索动有神雪辊空堂战牕牖四弦一抹拥袂立再拜十分为我壽世人只解锦纏头与汝作诗传不朽 数 已品龙香拥半面犹遮凤尾槽新曲翻从玉连锁旧声终爱郁轮袍梦回尺记归舟字赋罢双垂紫锦绦何异乌孙送公主碧天无际鴈行高【坡诗】一弹既罢又一弹珠幢夜静声 低头慢弄關山思坐对燕然秋月寒一声既罢又一声骤弹曲破音繁并百万金铃簇玉盘醉客满船皆暂醒【元徽之】大 嘈嘈如急雨小弦切切如私语嘈嘈切切错杂弹大珠小珠落玉盘间關燕语花底滑幽咽泉流水下滩银瓶乍破玉浆迸铁骑突出刀枪鸣【乐天】大 声迟小 促十指娇羞弹啄木啄木不啄新生枝唯啄槎牙枯木腹【欧公见王直谓女奴弹琵琶】湘水冷波慚鼓瑟秦楼明月罢吹箫寒敲白玉声何婉暖逼黄莺语自娇【王仁裕】

总乐曲

乐器八百般舜调八音计用乐器八百般至周改用宫商角徵羽减乐器至五百般唐又减三百般太宗挑糸部为胡部五音并分平上去入四声其徵声有声而无调【乐府杂录】

從声变声五音宫商角为从声徵羽为变声从谓律从律吕从吕变调以律从吕以吕从律故从声以配君臣尊卑有序不可相逾变声以为事物则或过于君声无嫌六律为君声则商角皆以律应徵羽以吕应六吕为君声则商角皆以吕应徵羽以律应加变徵则从变之声已瀆矣【笔谈】

八十四调隋郑铎牛洪及祖孝孙之徒以十二月旋相为六十声因五音生二变以一律为七音一音为七调凡八十四调

二十八调陈周以上雅郑淆乱隋文帝始分雅俗二部所谓俗乐者二十有八调正宫高宫中吕宫道调宫南吕宫仙吕宫黄钟宫为七宫越调大石调高大石双调小石调歇指林钟商为七商大角高大石角双角小石角歇指角林钟角越角为七角中吕调正平调高平调黄钟羽般涉调高般涉为七羽皆从羽皆从浊至清下益浊上益清

繁声谓之入破天寶后诗人多为流寓之思及寄兴于江湖僧寺而乐曲亦多以边地为名至其曲遍繁声谓之入破盖破碎云【唐五行志】

祭祀不用商唐杨收曰上古祀天地宗庙皆不用商汉祭天用商而宗庙不用谓鬼神畏商之刚唯用黄钟一均【本传】

羯鼓羯鼓出夷乐以戎羯为名以山桑木为躁如漆桶下以牙牀承之击用两杖其鸣烈急破作连鼓速碎之声又宜高楼晚景明月清风碎空透远异于众乐杖用黄檀狗骨花楸等木干紧絕湿气而复柔膩干取发越响亮膩取战裒健举卷用钢铁至匀若不刚即应滕上下搯掇不停不均即鼓面有缓急【羯鼓录】明皇帝称羯鼓八音之领袖诸乐不可方也其音太簇一均 兹高昌疏勒天竺部皆用其声焦杀【唐志】又羯鼓曲惟有邠州一父老能之中有大合蝉滴滴泉之曲酈延时尚闻其声涇源承事王元孙因奏事固有旨令召此人赴阙元孙至邠而其人已死羯鼓遗音遂絕【笔谈】

鼓吹唐绍曰鼓吹本军容黄帝战涿鹿以为警衛故曲有灵防吼雕鹗争石坠崖壮士怒之类唯功臣兼用之男子有四方之功所以加宠虽郊祀天地不用设也【唐志】阮咸有人破冢得铜器似琵琶正圆人莫辩元行冲曰此阮咸所作也命易以木 之其声亮雅遂谓之阮【冲传】车铎掘钟武帝时太常缺黄钟铸不成李嗣真居崇业里疑土中有之弗得其所道逢一车有铎声甚厉嗣真曰宫声也市以归振于空地若有应者掘之得钟乐遂和

吹笛裂石李謩吹笛天下第一尝乘月泛舟吹之俄有呼船请载既至请笛而吹其声清壮金石可裂及入破呼吸盘礴应指粉碎疑客是蛟龙也【坡诗注】

迷魂曲师延当黄帝时已数百岁纣欲杀之师延奏迷魂之曲乃免【拾遗记】

锦纏头老杜诗樽前应有锦纏头注唐王元寶富而无学尝防賓客明日人问必多佳论元寶曰但费绵纏头耳又唐明皇宴清殿元自打羯鼓曲终谓八姨曰乐籍今日幸供养夫人请一纏头八姨曰岂有大唐天子阿姨无钱用邪出三百万为一局戏【杜诗注】

有播迁之祸唐明皇时凉州献新曲帝召诸王观之让皇帝宪曰曲虽佳然宫离而属商乱而暴君卑逼下臣僭犯上发形于声音播之咏歌见于金石臣恐一日有播迁之祸帝默然果安史乱

人有中和之声礼宫杨杰言金声春容失之则重石声温润失之则轻土声含胡失之则下竹声清越失之则高丝声纖微失之则细革声隆大失之则洪匏声丛聚失之则长木声无余失之则短惟人禀中和之气有中和之声足以权量八音故先儒云依人音而制乐托乐器以宣音请详大乐以歌为本声必依永律必和声【元丰圣训】

李照刘几乐仁宗命李照改定大乐下王朴乐三律刘几用李照乐加用四清声而乐奏成【范景仁墓记】

大乐还魂范宣仁与司马温公皆上疏论律尺之法又与光往复论难凡数文言往在馆职唯议乐不合奕碁以决之君实不胜后二十年君实在西京予往候之不持他书唯持向所說乐论八篇争论者数夕不能决又投壶以决之景仁不胜君实謹曰大乐还魂【言行錄】王朴乐太高元丰三年命刘几范镇定乐凡言太常钟声三等王朴一李照二胡瑗阮逸三王朴乐声太高仁宗命李照定乐乃下乐法时疑其太重照乐由是不用皇祐中瑗逸定乐比王朴微下及铸大钟郁弇亦不用于是依旧用王朴乐今请下王朴乐二律【出元丰圣训】又国朝用王朴乐和现以为声高遂下一律言乐犹以为高李照作乐又下其声太常歌工以其太浊歌不成声铸钟时乃私赂铸匠使减其铜李照亦不知

王朴编钟侧垂太常所用王朴编钟皆不圆而侧垂李照胡瑗之徒皆以为非及得古编钟一枚工人不敢销毁叩其声与王朴夷则清声合而其形不圆侧垂正与朴钟同然后知朴博古不为无据其后胡瑗改铸编钟遂圆其形而下垂叩之掩抑而不扬其搏钟又震掉而不和寻废不用【归田錄】

诗摘阮寒虫催织月笼秋独鴈叫羣天拍水楚国羈臣放十年汉宫佳人嫁千里深宫洞房语恩怨紫燕黄鹂韵桃李楚狂行歌同市人渔父拏舟在葭苇【山谷】

箏诗八鸾锵锵渡银汉九雏威凤鸣朝阳又冯夷蹁跹舞緑波蛟人出听停绡梭【刘禹锡】绵蛮巧啖花间舌呜咽交流水下泉【欧公】多景楼上弹神曲欲断哀 再三促江妃出听雾雨愁白浪翻空动浮玉唤取吾家双凤槽遣作三峡孤猿号与君合奏芳春调啄木飞来霜树杪【东坡聽箏】

锦绣万花谷前集卷三十四

卷三十五

钦定四库全书

锦绣万花谷前集卷三十五

酒

酒犹兵南史陈暄嗜酒与兄子秀书曰江谿议有言酒犹兵也兵可千日而不用不可一日而不备酒可千日而不饮不可一饮而不醉速营糟丘吾将老焉【本】贤人坐对贤人酒门多长者车【杜诗】

黄封羣下以黄封酒为贵盖重内醖也坡诗上樽白日泻黄封又倦防怜忆黄封【坡注】

兰生玉薤兰生汉武帝百味旨酒名玉薤隋炀帝酒名醺醖翠涛魏左相能治酒其名有醺醖翠涛常以大甕内贮十年味不败太宗尝赐诗曰醺醖称兰生翠涛过玉薤千日醉不醒十年味不败【异人录】

治聋酒兵部李涛小字社翁时李公昉为翰林学士月给内醖兵部尝因春社寄昉诗云社公今日没心情为寄治聋酒一瓶恼乱玉堂将欲遍依稀巡到第三社酒号治聋酒【治平声贾氏谈录】

锦屠苏老杜诗愿随金骝裹走置锦屠苏屠苏乃元日入香药酒清而饮广济方以大黄等八味防咀囊盛沉井中至元日平明出药置酒中名屠苏云量力饮之一人饮一家无疫一家饮一里无疫殊验

醪酎说文云醪海母也醴一宿也醪滓汁酒也酎三重也醕薄酒也醕茜酒也汉书八月饮酎别法【窆子野酒谱】霏暑月雷霆时收雨水淘米炊飴酿酒名曰霏酒【醉乡日月】

青州从事桓温有主簿善别酒好者为青州从事恶者为平原督邮青州有齐郡从事谓到脐下平原有革县督邮言在鬲上住也【世说】

郎官清李肇国史补酒有京城之郎官清

玉友刘防字斯立命酒为玉友仍为作【百家诗序】

麴神麴神寅日合酒圣卯时欢【白乐天诗】

千日醉刘 石于山中酒家沽酒酒家与千日酒饮之至家大醉其家不知以为死 之后酒家计日往视之云已 之是日开棺醉始醒也【博物志】

桑落杜诗坐开桑落酒一云庐山有桑落洲世说桑落多美酒庾信徙蒲州刺史乞酒诗云蒲城桑落酒灞岸菊花秋王直方诗话
续古今注索郎酒桑落时美因以为名又齐民要术酿桑落酒亦以九月

梨花春白乐天杭州诗红防织绶夸柿叶青旗沽酒趁梨花杭州俗酿酒趁梨花时熟号为梨花春

上樽中樽下樽稻米一斗得酒一斗为上樽稷一斗得酒一斗为中樽粟米一斗得酒一斗为下樽师古云稷即粟也中樽宜为黍【平当】

圣贤愚君子小人凡酒以色清味重为圣色如金而醇苦者为贤色墨味酸醨者为愚以家醪糯酿醉人者为君子以家醪黍酿醉人者为中人以巷醪黍酿醉人者为小人【醉乡日月】

银凿落韩翃句泽发戴兜鍪酩酊倾凿落又白乐天讽谏诗银含凿落盏金屑琵琶槽盖饮器也【韩诗】

金叵罗齐著作郎祖珽有文字多技艺而疎率无行尝因宴失金叵罗于珽髻上得之近世以洗为金叵罗若果为洗其可置之髻上未知叵罗果何物也【邵氏录】莲花杯有王永年娶宗女监金耀书库尝置酒延窆卞杨绘于室出其妻间坐妻以左右手掬酒以饮卞绘谓之白玉莲花杯后永年盗库书下狱引卞绘受馈俱落职【东轩笔记】

蕉叶饭东坡云吾兄子明饮酒不过三蕉叶吾少时望见酒盏而醉今亦能三蕉叶矣【志林】

软脚樽唐 宗幸诸杨第出有赐曰钱路及还有劳曰软脚
郭子仪自同州归代宗诏大臣就宅作软脚局人出三百千【坡诗注】

中圣人徐邈为尚书郎禁酒邈私饮沉醉校尉赵达问曹事邈曰中圣人达白之太祖太祖甚怒鲜于辅曰醉客谓酒清者为圣人浊者为贤人邈性修慎偶醉言耳【魏志】

酒家胡玉台新咏载辛延年羽林诗曰昔有霍家妹姓冯名子都依倚将军势刚笑酒家胡胡姬年十五春日独当垆山谷诗云但见索酒郎不见酒家胡

醉乡记唐王绩字无功作醉乡记【本】

步兵厨阮籍闻步兵厨有贮酒三百斛乃求为步兵校尉【阮籍 】

一斗亦醉一石亦醉齐威王问淳于髡曰先生能饮防何而醉对曰臣饮一斗亦醉一石亦醉王问故髡曰赐酒大王之前执法在前御史在后髡恐惧饮不过一斗径醉矣若乃履舄交错杯盘狼籍堂上烛灭主人留髡而遣客当此时髡心欢能饮一石【史记】

三升可恋王绩待诏门下省官给酒日三升或问何乐答曰美醞三升差可恋耳陈叔达闻之日给一斗时称一斗学士【本 】

酒树顿逢国有树似石榴采其花汁停瓮中数日成酒甘美【通典】

糟牀頼知禾黍收已觉糟牀注【杜诗注】

鹦鹉杯李白诗鸛鷖杓鹦鹉杯一杯一杯复一杯玉山自倒非人推百年三万六千日一日须倾三百杯鸳鸯盏张易之与李迥同饮以鸳鸯盏一双共饮取其常相逐也【鸡跖集】

偏提唐元和间酌酒谓之注子后仇士良恶其名同郑注乃去其柄安系名曰偏提【刘冯事始】

麴生秀才叶法善有道术一日与朝士防忽有一人扣门称麴生秀才来未及延接已突入坐内少年秀才言语不凡叶疑其非人潜以飞劒击之应手堕地乃一酒榼中有美醞饮之同坐曰麴生风味不可忘【开元 信记】进士常持满汝阳王饮叶静能静能曰有一生能饮当令来谒翊日有通谒者曰进士常持满见之侏儒也谈胚臑之道饮以酒五斗醉倒乃是一瓮耳【河东记】

银海裴钧大宴有裴 泰后至竭坐上小爵至觥觥饮皆竭随即寘器于懷有银海受一斗一饮而尽踏其海卷 之索马径去得银二百余两【干馱子】

茅柴韩子苍诗三年逐客卧江臯日与田工压小槽饮惯茅柴谳苦梗不知如蜜有香醪谓苦硬之酒如茅柴火易过

狂药晋孙季舒与石崇酣饮慢游过度崇欲表免之裴楷曰足下饮人狂药责人正礼不亦乖乎乃止【楷 】白鸡盏柳亨饮未尝醉有白鸡盏取其迅速【朝野僉载】酒何负政曹操欲制酒禁孔融与操书云天垂酒星之曜地列酒泉之郡尧不千钟无以建太平孔非百斛无以堪上圣樊吟解屣鸿门非钟酒无以奋其怒赵之厮养东迎其主非卮酒无以激其气高祖非醉斩白蛇无以畅其灵景帝非醉幸唐姬无以开中兴袁盎非醇醪无以脱其命定国不酣饮一斛无以决其法故酈生以高阳酒徒着功矜汉屈原不餽糟歠醢取困于楚由是观之酒何负于政哉【孔融 注】

醉有所宜凡醉有所宜醉花宜昼袭其光也醉雪宜夜消其洁也醉楼宜暑资其清也醉水宜秋泛其爽也大曰武小曰文饮器大者曰武小者曰文【醉乡日月】

太白文选飞觴举白盖酒杯也杨大年诗愁里酒杯浮太白梦回香冢上孤青坡当须举白便浮君

浇胷中磊砢王逊问王忱阮籍如何司马相如忱曰阮籍胷中磊砢故须浇之言同相如唯有酒异耳【世說】得老兵晋谢奕尝逼桓温温走避之奕遂引一兵帅共饮乃曰失一老兵得一老兵何损

恶客元结以不饮者为恶客后人以痛饮者为恶客【坡注】婪尾杯苏鹗云今人以酒巡匝为婪尾又云婪贪也谓处於坐末得酒既贪婪之故云宋景文守歲诗云迎新送故只如此且尽灯前婪尾杯白乐天诗云三杯蓝尾酒一碟胶牙 东坡寒食诗蓝尾忽惊新火后遨头要及浣花前但改婪为蓝耳或云蓝颍水其深三文时人取之以为酒

卷白波李济翁资暇集云黄巾余党起西河白坡谷汉既擒白波戮之如卷席然故酒席仿之以快人情也宋景文诗镂管喜 吟处笔白波催倦醉时杯或云青箱杂记曰杯名文选飞觴举白盖卷白上之酒波耳一饮三百杯周伯仁渡江唯三日醒吾不以为少郑康成一饮三百杯吾不以为多【南史】

十万八千杯坡诗赵子饮酒如淋灰一年十万八千杯注以李白诗计之如此

漉酒市陶潛逢酒熟取头上葛巾漉之毕还复着之【本 】蒲萄醅韩子苍守黄州取春江绿涨蒲萄醅以名新酿酒蒲萄醅有诗云蒲萄酒用春江水压倒云安麴米春【百家诗序】

洞庭春色安定郡王以黄柑酿酒色香味三絕坡有诗云去年洞庭春香雾常嚙手今年洞庭春玉色疑非酒瓶间香浮坐盞亚光照牖要当立名字未可问升斗应呼钓诗钩亦号扫愁帚须君滟滟杯浇我谈天口抛青春麴米春韩诗百年未死不得死且可勤买抛青春国史补云酒则营阳之上窟春富平之不冻春按杜诗亦有麴米春则知唐人名酒多以春抛青春亦酒也【坡诗注】

罗浮春坡在惠州自造酒以惠州有罗浮山而得名【坡注】瓮头春山谷诗多方挈取瓮头春【谓初熟酒也见乐天诗】

碧霞酒魏郑公徵三伏之际率賓僚避暑取大莲叶盛酒以簪刺叶令与柄通屈茎轮囷如象鼻持吸之名为碧箫酒【鸡跖集】

郾筒酒杜诗鱼知丙穴由来美酒忆郾筒不用沽
郾人倾春酿於竹苞以蕉叶断后之以献号郾筒酒

注鄣出大竹土人截以盛酒故号鄣筒故李义山诗锦石有槁子鄣筒当酒壶【集注】

青田酒古今注乌孙国有青核大如六升瓢贮水俄而成酒刘章得二核集賓客供二十人一核尽一核所盛已复中饮旋盛旋饮不可久置久则苦名曰青田壶酒曰青田酒

糟丘台李太白诗遥看汉水鸭头绿恰似蒲萄初醖醕此江若变作春酒叠麴便筑糟丘台糟丘始于纣鷺黄坡诗小舟浮鸭绿大杓浮鹅黄盖使杜诗鹅儿黄似酒对酒爱新鹅

澄清随日淮南子云东风至酒泛溢注东风震方也酒泛酒味也大味相感高诱曰泛者风至拂动李淳风云今酒初熟瓮上澄清常随日转旦则清在东午在南日落在西夜半在子又春夏间地下陰酒瓮上蚁泛皆逐风移【感应录】

酒魁蜀中有酒器名酒魁诗人所谓酌以大斗遗制象北斗有魁柄山谷谢杨景山送酒器诗云杨君喜我梨花盏却念初无注酒魁摆脱金壶肯持送婆娑残菊更一杯谓此

狂花病叶或有勇于牛饮者以巨觥沃之既撼狂花凋病叶饮流谓睡者为狂花目睡者为病叶【醉乡日月】

酒盆阮咸与宗人集以大盆盛酒时有羣豕来饮其酒咸直接去其上便饮之

酒魔元载不饮酒人强之辞以鼻闻酒气已醉人以为可治即取十挑载鼻尖出一小虫曰此酒魔也闻酒即畏之是日载饮至二斗【山记】

沈霞抱朴子项曼卿云到天上仙人以流霞一杯饮之醒酒石李德裕平泉别墅有醒酒石德裕醉则抱之【出鸡跖集】

欢场害马酒徒谓不可与饮者欢场之害马【醉乡日月】面青肝气微饮酒面赤者心气微面青者肝气微【酉阳杂俎】醉胜醒南史孔顗为安陆王长史每醉弥日不醒而明晓政事醉时决判未尝有壅众咸曰孔公二十九日醉胜世人二十九日醒也【职官分纪】

铜槽铜槽旋压清樽美玉麈闲挥白日长【欧公诗】

浮礼记投壶若是者浮尔雅曰浮罚也

诗天若不爱酒酒星不在天地若不爱酒地应无酒泉天地设爱酒爱酒不愧天三杯通大道五斗合自然但得酒中趣勿为醒者传花间一壶酒独酌无相亲举杯邀明月对饮成三人兰陵美酒鬱金香玉碗盛来琥珀光蟹螯即金液糟丘是蓬莱【李白】酒味既冷冽酒气又氤氲性情渐浩浩谐笑方云云此诚得酒意余外徒缤纷长安众富儿盘饌罗饕餮不解文字饮唯能醉红裙虽得一饷乐有如聚飞蚊【韩愈】冰纱卧瓮青练罽浮蛆欲上真珠泣蒙蒙

昆山清露寒洗下云腴和玉汁小槽泱泱秋泉语老盆灑灑春光湿【毛泽民】

茶

茗奴王肃好鱼王勰戏谓曰卿不重齐鲁大邦而好邾莒小国明日我为君设邾莒之飧亦有茗奴因此号茗饮为茗奴言与茗粥作奴【杨徽之洛阳伽蓝记】

茶经陆羽嗜茶注经三篇言茶之原之法之具尤称天下益知饮茶矣时鬻茶者陶潜羽以为茶神

早者为茶晚者为茗尔雅云苦茶注似梔子今呼早采者为茶晚采者为茗蜀人名之苦茶故坡诗云周诗记苦茶茗饮出近世初緣厌梁肉假此雪昏滞【苕溪诗话】烂石砾壤陆羽茶经云茶上者生烂石中者作砾壤下者生黄土

南劔石花南劔有蒙顶石花湖州有顾渚紫笋峡州有碧涧明月

紫笋湖州紫笋入贡每歲以清明日贡到先荐宗庙赐近臣紫笋生顾渚在湖常二州之间以其萌茁紫而似笋采时两郡守毕至【并蔡寬夫诗话】

白芽草茶盛於两浙日注第一自景祐以来洪州双井白芽制作尤精遠出日注之上遂为草茶第一【坡注】玉截贵人高宴罢醉眼乱红緑赤泥开方印紫饼截圆玉倾瓯共叹赏窃语笑童仆【东坡】

缕金茶之品莫贵于龙凤团凡八饼重一斤庆厯间蔡君谟为福建运使始造小片龙茶其品絶精谓之小龙团凡二十余饼重一斤其价直金二两然金可有而茶不可得每因南郊致斋中书枢密院各赐一饼四人分之宫人往往缕金其上其贵重如此【归田録】

京珽十余品江左近日有防面之号李氏别命取其乳作片或号曰京珽的乳二十余品名乳防面龙凤茶荣又有研膏茶即龙品也【谈苑】

金泉顾渚涌金泉每歲造茶时太守先祭拜然后水渐出造贡茶毕水稍减至供堂茶毕已减半矣太守茶毕遂涸或闻今北苑龙焙泉亦然【蔡寬夫诗话】

凤山北苑在富沙之北 建安县去城二十五里乃龙焙造贡茶之处亦名凤凰山自有一溪南流至富沙城下方与西来水合而东【苕溪诗话】

龙焙龙焙泉即御泉也北苑造贡茶社前芽细如针用御水研造每斤计工直钱四万分试其色如乳乃最精也

活火因话録李约嗜茶曰茶须缓火炙活火煎活火谓炭火之有焰者

寒炉烹雪五代郑愚茶诗嫩芽香且灵吾谓草中英夜白和烟捣寒炉对雪烹惟忧碧粉散尝见緑花生【三山语録】破树惊雷文书满案惟生睡梦里鸣鸠唤雨来乞与降魔大圆镜真成破树作惊雷【山谷】

蟾背虾目谢宗论茶云候蟾背之芳香观虾目之沸涌【茶録】

龙团高齐诗话大小龙团始於丁晋公而成于蔡君谟欧公闻而叹曰君谟士人莫至作此作俑者可罪【茗溪诗话】细花沫饽者汤之华也华之薄者为沫厚者为饽轻细花者曰花【陆羽茶经】

甘露陆羽顾渚山记载豫章王子尚访昙济道人于八公山道人设茗子尚味之云此甘露也何言茶茗也北苑壑源沙溪北苑宫焙也漕司歲贡为上壑源私焙也土人亦入贡为次二焙相去三四里间若沙溪外焙也与二焙絶遠为下故鲁直诗莫遣沙溪来乱真是也官焙造茶尝在惊蛰后【茗溪诗话】

顾渚唐制湖州造茶最多谓之顾渚贡焙歲造一万八千四百余斤【南部新书】

日注日注在越州顾渚在湖州并进草茶其品尤贵茗战建人谓鬪茶为茗战【茶録】

茗粥茶録云茶古不闻晋宋以降吴人采叶煮之谓之茶茗粥

一掬春坡诗周家新致雪坑茶自注云近得增坑茶又云增坑一掬春紫饼供千家山谷亦云茗花浮增坑仙人掌李白诗集序云荆州玉泉寺玉泉边有茗香滑枝叶如碧玉僧中孚示十数斤状如掌号仙人掌【白集】琉璃眼唐德宗好煎茶加酥椒之类李泌戏为诗曰旋沫翻成碧玉池添酥散作琉璃眼【邺侯家】

密云龙神庙熙宁末有旨下建州制密云龙其品又高【张舜民小説】

一水鬪茶蔡君谟茶録曰建安鬪茶以水防先退者为负耐久者为胜故较胜负之説相去一水两水耳云覆蒙岭东斋纪事蜀雅州蒙岭产茶最佳其生最晚常在春夏之交方茶生常有云雾覆其上若有神物防持之

火前学林新编茶之佳者造在社前其次火前谓寒食前也其下则雨前谓谷雨前齐己诗曰高人爱惜藏岩里白甄封题寄火前皆言火前盖未知社前之为佳也唐人於茶虽有陆羽茶经而持论未精本朝蔡君谟茶録则持论精矣

报春鸟顾渚山茶记云山有鸟如鸛鸽而色苍每至正二月作声春起也至三月止春去也采

茶人呼为报春鸟

毁茶论常伯熊因陆羽论复广煮茶之功李季卿宣谕江西知伯熊善煮茶召伯熊执器季卿为再举杯至江南有荐羽者召之羽衣野服挈具入季卿不为礼羽愧之更着毁茶论【羽传】

九难陆羽茶经茶有九难一曰陰采夜焙非造也二曰嚼味嗅香非别也三曰膩鼎腥甌非器也四曰膏薪庖炭非火也五曰非湍拥潦非水也六曰外熟内生非炙也七曰碧粉缥尘非末也八曰操艰搅遽非煮也九曰夏兴冬废非饮也

水厄世說王蒙好茶人至輒饮之士大夫甚以为苦每欲候蒙必云今日有水厄

水晶

水二十种陆羽茶经论水云山水上江水次井水下又云山水乳泉石池漫流者上瀑涌湍漱勿食食久令人有颈疾江水取去人遠者井水取汲多者其說止于此刘伯刍以扬子江水为第一惠山石泉为第二虎丘石井第三都单阳井第四扬州大明寺井第五松江第六淮水第七而李季卿论水次第有二十种以庐山康王谷水第一无锡惠山泉第二虎丘井第五杨子江第七松江水第十六雪水第二十与羽相反水味有美恶而已欲求一二而次第之者妄也【六一集】

虾防石水第一张又新水记峡州扇子硤石中突而泄水浊清冷石状如虾防头俗谓虾防石其水煎茶为第一【坡诗】

江中冷水扬子江中有冷水为天下 茶第一【张又新水记】谷帘水陆羽以庐山康王谷水第一陈舜俞庐山记云康王谷有水帘飞泉破岩而下者二三十派其广七十余尺其高不可计山谷有诗云谷 煮甘露是也阁门井水东京记曰文德殿两挟有东西上阁门故杜诗云东上阁之东有井絕佳山谷忆东坡烹茶诗阁门井不落第二竟陵谷帘空误书【竟陵陆羽也竟陵人】

防石防音妥石圆而长曰橢防石所以澄水也山谷有井水帖云取非傍十数石置瓶中令水不浊故诗曰锦谷寒泉防石俱是也

诗蟹眼已过鱼眼生飍飍欲作松风鸣防茸出磨细珠落 转绕甌飞雪轻银瓶泻汤夸第二未识古人煎水意君不见昔时李生好客手自煎贵从活火发新泉又不見今时潞公煎茶学西蜀定州花瓷琢红玉我今贫病常苦饥分无玉盃捧蛾眉且学公家作茗饮埽炉石铍行相随不用撑肠拄腹文字五千卷但愿一甌常及睡足日高时【坡煎茶】建溪所产虽不同啜过始知真味永縱复苦硬终可録汲黯少戇寬饶猛葵花玉 不易致道路幽险隔云岭谁知使者来自西开緘磊落收百饼啜香嚼味本非别透纸自觉光炯炯粃糠 凤友小龙奴 日

注臣双井收藏爱惜待佳客不敢包裹鑽权幸我生百事常随縁四方水陆无不便扁舟渡江适吴

越三年饮食穷方鲜金齏玉鲙饭炊雪海螯江柱初脱泉临风饮食甘寝罢一瓯花浮轻圆柘罗铜碾碾弃不用脂麻白玉须盆研沙溪北苑强分别水脚一线谁争先清诗两幅寄千里紫金百饼费黄钱吟蛾烹噉两奇絶只恐偷去烦封纒老妻稚子不知爱一半已入姜盐煎知君穷旅不自释因诗寄谢聊相镌 妙供香来积珍烹具大官拣芽分雀舌赐茗出龙 晓日云庵暖春风浴殿寒聊将试道眼莫作两般看

火煎试焙分新胯雪裹头纲辍赐龙从此升堂是兄弟一瓯林下记相逢 我生亦何须一饱方想灭空烦赤泥印逵致紫玉玦禅 丽午景蜀井出冰雪坐客皆可人鼎器手自挈金钗候汤眼鱼蟹亦须决遂令色味香一日备三絶报君不虚授知我非轻啜【并东坡】簇簇新英摘露光小红园里火煎尝吴僧漫説鸦山好蜀叟休夸鸟觜香合坐满瓯轻泛緑开缄数片浅含黄鹿门病客不归去酒渴更知春味长【郑谷】白云峯下两枪新膩緑长鲜谷雨春静试恰如湖上雪对尝兼忆剡中人【林和靖】开时微月上碾处乱泉声六碗睡神去数朝诗思清碧沉霞脚碎香泛乳花轻【曹邴】红纸一封书后信録芽十片火前春汤添勺水煎鱼眼未下刀圭搅麴尘【乐天】苍壁碧云盘小凤睿思分赐君恩重緑杨院落天昼永碾声惊破南

梦骤观诗胆已开张欲啜睡魔先震恐七泽清风生两腋月脇清魂谁与共戏将妙语敌分香诗成一吊卢仝垄【惠洪】偷嫌曼倩桃无味捣觉嫦娥药不香【薛能】莫夸李白仙人掌且作卢仝走笔章【梅圣俞】麤宫乞与真抛却頼有诗情合得尝【薛能】香从灵坚垄上发味自白石源中生为公唤觉荆州梦何待南柯一梦成【山谷】平生心赏建溪春一丘风味极可人香包解尽寶带胯黑面碾出明窓尘 春陰养芽鍼锋铤沆瀣养膏冰雪香玉斧运风寶月满密云候雨苍龙翔惠山寒泉第二品武定乌瓷红锦囊浮花元属三昧手竹斋自试鱼眼汤【吕居士】

锦绣万花谷前集卷三十五

卷三十六

钦定四库全书

锦绣万花谷前集卷三十六

饌食

十字蒸饼晋何曾蒸饼上不作十字不食【本 〇】

九钉盘唐御厨进饌用九钉盘

甘露羹李林甫壻郑平为省郎鬓斑林甫曰上明日赐甘露羹郑郎食之能乌髮食之一夕髮如防【明皇杂録】炊金饌玉骆賓王谓盛饌为炊金饌玉【拾遗】

厨珍山谷谢人酥笋云玉人怜我长蔬食走送厨珍自不尝

郎官鲙江南人喜作鲙名郎官鲙因张翰思鲙得名【海物异名记】

暖老 鲫山谷诗偶因暖老庖 鲫公遣霜鳞贯柳来羹臼方看金作屑鲙盘已见雪成堆金屑以橙为鲙也银线玉簪汤饼一杯银线乱菱蒿数筵玉簪横【山谷诗】金羹玉鲙南人鱼鲙以细缕金橙拌之号为金羹玉鲙隋时吴郡献松江鲙炀帝曰所谓金羹玉鲙东南佳味也【隋唐佳话又南部新书】

駝蹄羹劝客駝蹄羹霜橙压香橘【杜诗】

牛心炙晋王恺有牛名八百里王武子与射赌得趋左右探心作炙一啖而去

热洛河唐明皇命射生官射鹿取血煎鹿肠食之谓之热洛河【卢氏杂记】

寒具晋人饮食中有寒具者乃今环饼也桓 尝收书画聚客观之客有寒食具者不濯手执书画污之自是不设 亦名寒具也【鸡跖集】

五侯鯖汉娄君卿游五侯之门每旦五侯馈饌之君卿乃合五侯所饌为鯖鯖与 同音征盖煎和之名【太平广记】鰲着两褭鰲增四脚僧谦光尝云老僧无他愿鰲增四脚鰲着两褭足矣【五代史补】

滫瀡内则滫瀡以滑之注秦人溲曰 齐人滑曰瀡 音思酒切瀡音髓溲所九切又内则枣栗饴蜜以甘之 瀡以滑之脂膏以傅之注谓调和饮食也

醍醐陶隐居云佛书称乳成酪酪成酥酥成醍醐醍醐乃酥酪之精液也

南烹北饌退之诗我来御魑魅自宜味南烹坡诗久客厌北饌枵然思南烹

鮓峯炙酉阳杂俎云将军曲良翰作鮓峯炙甚美腹腴鱼腹下肥肉也礼记少仪云冬右腴夏右鳍注冬气在上腴腹下也夏气在下鳍脊也

通印鱼披绵雀风卷飞花自入帷一尊遥想破愁眉泥深厌听鸡头滑酒浅欣尝牛尾狸通印子鱼犹叶骨披绵黄雀漫多脂殷懃送去烦纖手为我磨刀削玉肌【坡送牛尾狸与徐君】

糝缶将军梁韦琳滑稽作防表以刺时人词曰臣防言伏覩除书以臣为糝缶将军油蒸校尉臞州刺史臣闻高沙老姬非有意于绮罗白鲙女儿岂留心于珠翠常恐鰕腹之讥惧貽鳖岩之诮注高沙白鲙并江陵武南地名其中多鱼防与鰕同

盘游饭谷薰羹江南人好作盘游饭鮓脯脰炙无有不埋在饭下里谚曰掘得窖子罗浮颖老取凡饮食杂烹之类名谷薰羹陆道士出一聯云投胶薰谷羹锅内掘窖游盘饭碗中【仇池笔谈】

足以一笑烂蒸桐州羔灌以杏酪食以匕不以筋南都拨心面作槐芽温淘糝以襄邑抹猪炊共成香稻荐蒸鷺吴兴厨人砭松江鲈鱼鲙继以康王谷水烹增坑鬪品茶焉解衣少卧使诵东坡赤壁赋足以一笑也【志林】匹制 狸刁约使契丹有诗云钱行三匹制密赐十 狸匹制以小大罌为之如黄漆 狸形如防而大北狄以为珍膳【古今诗话】

食将药长汉食货志曰盐为食肴之将酒为百药之长

云子汉武帝内 王母谓帝曰太上之药乃有 光梨角风实云子故杜诗饭抄云子白

笼饼唐侯思止食笼饼必令缩防如肉号缩防侍郎笼饼即今馒头也【朝野僉载】

汤饼唐人谓之饅飴今俗谓之饅饨晋束皙饼赋有馒头薄持起溲牢久之号惟馒头今存而起溲牢从皆莫晓为何物薄持荀氏谓之薄夜亦莫知其何物汤饼湿麪【归田录】倦游录凡以麪为食羹之皆谓之汤饼【青箱杂记】饅 饅厚粥也酏薄粥也

潘澜内则面垢燂潘请澣 潘米澜也释文燂详廉切潘芳烦切泔米汁也

腊鱮内则云夏宜腊鱮腊其居切干雉也释文雉腊又北方谓鸟腊曰腊鱮求所切干鱼也

腳音香牛臙也臙许云切羊臙也臙许尧切豕臙也藪内则三牲用藪音鱼气切煎茱萸也

水梭花鑽篱菜僧谓酒为般若汤鱼为水梭花鸡为鑽篱菜人有为不义而文之以美名者与此何异【东坡志林】烂蒸葫芦唐卢懷慎为相清俭召客食曰烂蒸去毛莫拗折项疑鷺鸭已而下栗米饭一器及盛葫芦一枚【卢氏杂錄】

醒酒冰山谷诗冰厨欲罄浮蛆瓮慢妇初供醒酒冰山谷自号水晶鲙为醒酒冰

诗姜侯设鲙当严冬昨日今日皆天风河冻求渔不易得凿冰恐侵河伯宫饕人受鱼蛟人手洗鱼磨刀鱼眼红无声细下飞碎雪有骨已剝觜春葱偏劝腹腴愧年少软炊香饭緣老翁落碓何曾白纸湿放筯未觉金盘空新懽便饱姜侯德清觴异味情屡极【杜姜少府设鲙歌】青青高槐叶采掇付中厨新麪来近市汁滓宛相具入鼎资过熟加殮愁欲无碧鲜俱照筯香饭兼苞芦经齿冷如雪劝人投北珠愿随金腰褭走置锦屠苏万里露寒殿开冰清玉壶君王纳凉晚此味亦时须【杜槐叶冷淘】五日一见花猪肉十日一遇黄鸡粥土人顿顿食藷芋荐以重防烧蝙蝠旧闻密唧尝呕吐稍近虾蟆緣习俗十年京国厌肥羜日日花厌红玉从来此腹负将军今日固宜安脱粟人言天下无正味即且未肯贤麋鹿海康别驾复何为防寬落惊童仆相看防作两臙仙还乡定可骑黄鹄【闻子由瘦作此海康别驾子由也】枇杷已熟粲金珠桑落初尝灑玉蛆暂借垂莲十分盞一浇空腹五车书青浮舂盃槐芽饼红冰盘藿叶鱼醉饱高眠真事业此生有味在三余霏霏落雪防收麪隱隱叠鼓闻春糠防流一啜云子白炊裂十字琼肌香岂惟牢九荐古味要使真一流天浆诗成捧腹便絕倒书生說食真膏肓【并东坡诗】

菓木

龙眼荔枝广雅曰益智龙眼也交州记龙眼树高五六丈似荔枝而小广州记曰子似荔枝而圆七月熟荔枝树高五六丈如桂树实似鸡子甘而多汁以安石榴有甜酸者至日禺中翕然俱赤即可食【和帝纪注】

汉永元交州贡后永元中交州进荔枝龙眼十里一置五里一堠奔腾虫兽之害无数唐羌字伯防为临武长上书言南州炎热恶虫猛兽犯触死囚此二物升殿未必延年益壽和帝勅大官勿复受献【后汉】

海山仙人坡诗海山仙人绛罗襦红纱中单白玉肤不须更待妃子笑风骨自是倾城姝

绛衣仙子蔡君謨七月食荔枝诗绛衣仙子过中元别叶空枝去不还

与荔枝同祖本草广州别有龙眼似荔枝而小又坡云廉州龙眼质味殊絕可敌荔枝诗云龙眼与荔枝异出同父祖

谓龙眼为奴海南人谓龙眼为荔枝奴【博物志】

似江瑶柱东坡尝谓荔枝厚味高格两絕果中无比推江瑶柱河豚鱼近之耳诗云似开江瑶斫玉柱更洗河豚烹腹腴是也

日啖三百颗坡诗罗浮山下四时春卢橘杨梅次第新日啖荔枝三百颗不辞长作岭南人

侧生野岸杜诗侧生野岸及江浦不熟丹宫满玉壶云壑布衣鲐背死劳人害马翠眉须蜀都赋旁挺龙眼侧生荔枝翠眉指杨妃也

泸戎青枫映忆过泸戎摘荔枝青枫隱映日逶迤京华应见无颜色红颗酸甜只自知蜀无荔枝唯泸戎最多

红尘一骑唐杨贵妃嗜荔枝必欲生致之乃置骑 走数千里味未变之时至京师杜牧诗云一骑红尘妃子笑无人知道荔枝来

十八娘蔡君謨荔枝谱荔枝有十八娘者其色深红而细长闽中王氏有女好噉此品因而得名有干红荔枝以盐浸佛桑花为红浆投荔枝渌之曝干红色而甘甜有蜜荔枝剥生荔枝醃去其浆然后以 羹之

色变香变味变白乐天荔枝图序云荔枝若离本根一日色变二日香变三日味变四五日色香味尽去矣【白 】【二十四五年乃实荔枝至难长二十四五年乃实坡诗云柳天着水万浮萍荔实周天两歲星【坡诗】

罗公遠嗅橘明星食柑几千余枚背缺一瓣问进柑使者云途尝有道士嗅之盖罗公遠也【太平广记】

罗浮种君家秋实罗浮种已作累累半佛墙莫遣儿童酸打尽要看霜后十分黄【山谷诗】

凝祥池芡京师防灵观凝祥池芡最盛仆射坡在郑州世亦称其贡芡欧公诗云凝祥池鎖防灵园仆射荒村安可比【王直方诗话】

剖蚌鸿头山谷诗剖蚌羹鸿头【周礼注黄鸡头一名鸿头退之聯句鸿头刺芡实是也】

来禽青李法帖云来禽青李皆囊盛为佳勿函封东坡诗云青李扶疎禽自来賔防尚书言来禽以味甘来众禽也

金衣素袖陈昭问蒲萄何如橘柚尉瑾曰金衣素袖见作贡向齿自消良应不及【酉阳杂俎】

象席玳筵刘植 赋布象牙之席重玳瑁之筵凭雕玉之几酌璚玉之樽

赐羣臣汉明帝宴羣臣以赤瑛盘盛樱桃赐羣臣月下视羣臣皆卢胡笑云是空盘也盖桃与盘同色【艺文类聚】念慈母莲实大如指分甘念慈母共房头戢戢更深兄弟思实中有么荷拳如小儿手【咏莲】唐狄仁杰蒲萄愿归母

緑浮 南史任昉死梁武帝方食緑浮 投之于盘哭之悲不自胜

奠杜如晦唐杜如晦死太宗食 思之因辍 奠之【本 】湖目酉阳杂俎谓莲为湖目也

蒲鸽青老杜园人送 云江间虽炎瘴 熟亦不早倾筐蒲鸽青满眼顔色好沉浮甜冰玉爱惜如芝草又云饭抄云子白 嚼水晶寒

橘弟淮南子云槐榆与橘柚合为兄弟言道能化同异物也

食 皮元魏王黑性俭与客食 客削 皮厚黑意嫌之引手取之食客甚愧【北史】

铡谷 秦始皇改古文为篆 国人多谤秦患天下不从召诸生至者皆拜为郎凡七百人密令冬月种 于骊山铡谷中温处 实乃使人上书曰冬 有实有诏博士诸生説之人人各异皆使往视之先为伏机诸生方相论难发机徙上填之以土皆终命【卫宏古今奇字序】诗南村诸杨北村卢白华青叶冬不枯垂杨缀紫烟雨里特与荔枝为先駢海山仙人绛罗襦红纱中单白玉肤不须更待妃子笑风骨自是倾城姝不知天公有意无遣此尤物生海隅云山得伴松桧老霜雪自因楂梨龕先生洗醖酌桂醕冰盘荐此頼虬珠似开江瑶斫玉柱更洗河豚烹腹腴我生涉世本为口一官久已轻莼鲈人间何者非梦幻南来万里真良图【东坡】异哉西海滨琪树罗 圃累累似桃李一流膏乳坐疑星殒空又恐珠还浦图经未尝説玉食遠莫数独使皴皮生弄色映雕俎蛮荒非汝辱幸免妃子污 时新满座闻名字别久何曾记色香叶似杨梅蒸雾雨花如卢橘傲风霜每怜莼菜下盐防肯与蒲萄压酒浆回首惊尘卷飞雪诗情真合与君尝 代北寒螿捣韭萍奇苞零落似晨星逢盐久已成枯腊得蜜犹疑是薄刑欲就左慈求拄杖便随李白跨沧溟攀条与立新名字儿女称呼恐不经 柳花着水万浮萍荔实周天两歳星本自玉肌非鹄浴至今丹殼似猩刑侍郎赋咏穷三峡妃子烟霞动四溟莫遣诗人説功过且随香草附骚经 丞相祠堂下将军大树旁炎云骍火实瑞露酌天浆烂紫垂先熟高红挂遠扬分甘徧铃下也到黒衣郎【并东坡】芳华春漠漠丹实夏煌煌深于红踯躅大较白槟榔胭脂掌中颗甘露舌头浆【乐天】

蔬菜

庾郎三韭庾杲之食常有韭菹滹韭生韭任昉戏之曰谁谓庾郎贫食有二十七种谓三种韭也【南史】

李令公十八种李崇为尚书令富而多俭食常无肉正有韭茹韭菹崇客李元祐谓人曰李令公一食十八种人问故元祐曰二韭十八闻者大笑【鸡跖集】

雕胡黑米本草云菰又谓之茭白歲久中心生白防谓之菰米其台中有黑者谓之茭郁至后结实乃雕胡黑米也

綠葵紫蓼早韭晚菰周顒独处山舍王俭问曰卿山中何食曰赤米白盐綠葵紫蓼太子问菜何者胜顒曰春初早韭秋末晚菰【南史】

雉尾莼四月莼生茎而未叶名为雉尾莼五月莼叶舒长名丝莼入七八月中不食有蜗虫故也又至十月冰冻虫死虽老犹可食【鸡跖集】

马蹄唐诗晚菰细切肥牛肚新笋初尝嫩马蹄

土酥如练杜诗云长安冬菹酸且綠金城土酥净如练土酥即今之芦菔也魏夫人帖云脍土酥如练【老杜诗注】

锦带羹杜诗滑忆雕胡饭香闻锦带羹 荆渚间有锦带春未间开花红如锦其苗嫩脆可食

银包白银作颗非琢成中有万粟嚼轻冰戎州夏畦少蔬供感君来饭在家僧
畦町收尽垂露实叶底犹藏十二三待得银包已成殼更当乞种过江南【山谷】

玉版东坡同山谷访玉版师玉版谓笋也

芋魁翟方进奏罢鸿隙陂郡中追怨童謡曰壞陂谁翟子威饭我豆食羹芋魁以芋根为魁【本】

鸭脚葵绿米蠶牙稻园蔬鸭脚葵

银筍黄诗君家水筍白银色殊胜埧里紫彭亨 埧音必驾切蜀人谓平川曰埧

羊踏破菜园有人常食蔬茹忽食羊肉梦五脏神曰羊踏破菜园【啓顔録】

鱼蟹

蟹胥周礼庖人注曰若青州之蟹胥按説文云胥蟹醢也

海镜膏叶盘海镜广人呼为膏叶盘两片合成殼圆中莹滑内有红蟹子海镜饥则蟹出拾食蟹饱归腹海镜亦饱迫之以火即蟹子走出立毙生剖之蟹子活逡巡亦死【岭表録】

赤玉盘溪边石蟹小如钱喜见轮囷赤玉盘半殼仓黄宜 酒两螯斫雪劝加飧【坡诗】

石蟪蛄明越间四时常有蟪蛄重者逾数斤其小而黄者谓之石蟪蛄肉硬【风物志】

斫雪流膏坡云蟪蛄大蟹斫雪流膏

帶糟含酒东坡松醪赋云蛤半熟以含酒蟹微生而帶糟

十足明越风物志蟪蛄并蟹十足在海边地泥穴中潮退探之母蟹之脐 雄蟹之脐尖【坡诗注】

霜前两螯东坡老饕赋尝项下之一齧嚼霜前之两螯招潮海物异名记云蟹之小者每遇潮头来出穴举螯迎之名招潮子

蟹奴海上有蟹大如钱腹下又有十蟹附之名曰蟹奴【柱萱錄】

水母海中有物浑然凝结如覆盆小者如碗腹下有物如悬絮俗谓之足而无口眼广州谓之水母闽人谓之蛇【蛇音痴嫁反】常有数十虾寄腹下啗食其涎以五辣肉醋食之补暖【岭表錄】

寒沙奔火怒目横行与虎争寒沙奔火祸胎成虽为天上三辰次未免人间五鼎烹
勃岑髻跚任涉波黄泥出没尚横戈也知馘觥元无罪奈此尊前风味何
形模虽入妇女笑风味已解壮士顏寒蒲束缚十六輩已觉酒兴生江山【山谷】

墨鱼乌贼鱼又云墨鱼所居放墨以藏身江东人取其墨书契脱人财物书如淡墨逾年字消唯空纸耳赤鰾唐律捕鱼得鲤即放之号赤鰾公言鲤为李也【酉阳杂俎】

缩项宋张敬儿为刺史作六舸船献齐高帝曰奉槎头缩项鳊鱼一千六百头【古今诗话】

细鳞尔雅云魴𩚰也今之鳊鱼是也陆机疏云魴鱼广而薄肥甜而少肉盖细鳞之美者也杜诗魴鱼鱗色胜银是也

美味楚人云长腰粳米缩项鳊鱼美味也

蟹筐礼记檀弓蚕则绩而蟹有筐兄则死而子臯为之衰

石蚶沙虹河祗脯鸡跖云石蚶小蟹也沙虹虾也河祗脯干鱼也

鲸鲵鲸鱼大者长千里小者数千丈五六月就岸生子十八月从其子归海鼓鬣成雷喷沫成

雨雌者为鲩【古今诗话】

槎头鳊襄阳耆旧 岷山下汉水中出鳊鱼肥美常禁人采捕以槎断水谓之槎头鳊

神守鲤鱼能变化飞越小湖养鱼者置鳖数头池中鲤不能去谓之神守【齐民要术】

姬隅晋郝隆诗曰姬隅跃清池桓温问曰何物答曰蛮谓鱼曰姬隅温曰何得作蛮语隆曰千里从君惟得一蛮府参军安得不作蛮语【世说】

亥日鱼白乐天诗寅年篱下多逢虎亥日沙头始卖鱼山谷渔父诗鱼收亥日妻到市醉卧水防船信风

防防堂堂庾氏穴池养鱼以木为凭栏登之者其声堂堂每凭栏投饵鱼必踊跃而出辛氏云他出不投饵但闻防防堂堂之声鱼亦出是庾氏之鱼可名防防辛氏之鱼可名堂堂【宋齐丘化书】

不遗种越王谋吴七年越王谓范蠡曰令其蟹不遗种可乎遂兴兵伐吴

鳄鱼王齐直知潮州钩得一鳄鱼其大如船画以为图其形如鼉啄长半其身牙如锯齿尾有三钩极利遇鹿豕即以尾防之以食生卵甚多或为鱼鼉其为鳄不过一二【岭表物志】

戮鳄鱼陈尧佐文惠公谪官潮州恶溪有鳄鱼食人公命捕得鸣鼓于市以文告而戮之鳄鱼屏息【神道】

鳄鱼图陈文惠既戮鳄鱼图其形为之赞鳄大者数丈或 黄苍白似龙而无角类蛇而有足睥目利齿卵化山谷间为鳄者十二三余或为鼉或为鼉食人畜必以尾卷去如象之任鼻也【澠水燕谈】

诗溪边石蟹小如钱喜见轮囷赤玉盘半壳含黄宜 酒两螯斫雪劝加餐蛮珍海错闻名久雨腥风入座寒堪笑吴兴馋太守一诗换得两尖团【丁公默送螯蚌】霜筠细破为双掩中有长鱼如卧劒紫荇穿颔气惨凄红鳞照座光磨闪防来虽远鬣尚动烹不待熟指先染坐客相防为解颜香粳饱送如填塹早岁实为荆渚客黄鱼屡食沙头店滨江易采不复珍盈尺辄弃无乃僭自从西征复何有欲致南烹嗟久欠游儵琐细空自腥乱骨纵横动遭砭故人远餽何以报客俎久空惊忽瞻东道无辞信使频西隣幸有庖鼉醢【东坡溪陂鱼】绵州江水之东津鲂鱼鰈鰈色胜银渔人漾舟沉大网截江一拥数百鳞众鱼常多尽却弃赤鲤腾出如有神潜龙无声老蛟怒回风飒飒吹沙尘饕子左右挥霜刀鲙飞金盘白玉高徐州秃尾不足忆汉阴槎头远遁逃鲂鱼肥美知第一既饱驩娱亦萧瑟君不见朝来割素髻咫尺波涛永相失【老杜】苍江渔子清晨集设网提纲取鱼急能者操舟疾若风撑突波涛挺又入小鱼脱漏不可纪半死半生犹戢戢大鱼伤损皆垂头崛强泥沙有时立东津观鱼已再来主人罢鲙

还倾杯日暮蛟龙改窟穴山根鱣鲔随云雷干戈兵革鬬未止凤凰麒麟安在哉吾徒胡为纵
此乐暴殄天物圣所哀【杜观打鱼】

锦绣万花谷前集卷三十六

卷三十七

钦定四库全书

锦绣万花谷前集卷三十七

凤

九苞一曰口苞命二曰心合度三曰耳聪达四曰舌屈伸五曰色光彩六曰冠短周周尚朱色也七曰锐钩八曰音激扬九曰腹户所由出入

凤形凤鸡冠燕喙龙胫鹤翼鱼尾鸿前鳞后鹤颡鸳鸯臆 目而中注【韩诗外传】

长离鸾鵷雏唐薛收与侄元敬德奇齐名世称河东三凤收为长离德奇为鸾鵷元敬年最少为鵷雏【唐书】

鹤

青田永嘉青田有双白鹤年年生子而去

登木抱朴子千岁之鹤能登木其未千岁者终不集树也纯白防尽成骨也

还丹使茅君 或见一鹤飞入帐中鹤者九转还丹之使也

丁令威辽东华表柱有鹤集其上曰有鸟有鸟丁令威去家千年今始归城郭如故人民非何必学仙正累累【神仙集】

蝶

金玉钱唐穆宗禁中花开夜有蝴蝶数万飞集花间宫人以罗巾扑之无有获者上令张网空中得数百迟明视之皆库中金玉钱也【杜阳杂编】

诗叶叶复翻翻斜枝对侧门芦花唯有白柳絮可能温西子寻遗殿昭君覓故村年年芳物尽来别故园孙长眉画了綉帘开碧玉行收白玉台为问翠钗钗上凤不知香颈为谁回

总禽

鳧翁史防急就章云春草鸡翘鳧翁濯顏师古注云鳧翁颈上毛也山谷诗春谿蒲稗没鳧翁

山鸡照影博物志山鸡有美毛自爱其色终日映水自 则溺死王介甫诗山鸡照綠水自爱一何愚

鷓鴣子规扬雄 注鷓鴣一名买防一名子规一名杜防常以立夏鸣则众芳歇鷓亦音鷓鴣音决防音诡【本传】李善注思 赋引临海异物志鷓鴣一名杜鹃又引服防注鷓鴣一名鷓鴣伯劳也又离骚恐鷓防之先鸣兮【注鷓音第防音桂】

杜鹃非子规程續注坡诗或言杜鹃一名子规非也今春夏有鸟声若云不如归去者乃子规也

思归乐白居易诗山中不栖鸟夜半声嚶嚶似道思归乐行人掩泪聽 零陵总记思归乐状如鸠而惨色三月则鸣其音云不如归去王仲闻思归乐诗云声声相劝教归去莫学陶潜化作君

鷓鴣本草钩其格磔皆鷓鴣声也 山谷诗注鷓鴣之声若行行不得哥哥故诗云山雌之弟竹鸡兄乍入雕笼便且惊此鸟为公行不得报晴报雨总同声

四禽泥滑滑苦竹冈雨萧萧马上郎马蹄陵兢雨又急此鸟为君应断肠
婆饼焦儿不食尔父母何之尔母山头化为石山头花石可奈何遂作防禽啼不息
提葫芦沽美酒风为賓树为友山花撩乱目前开劝你今朝千万壽 不如归去春山云莫万木兮参天蜀天兮何处人言有翼可飞归安用空啼向高树【梅圣俞】

五禽土人云布谷为脱却破袴使君向蕲州更唱蕲州鬼我不识使君宁知使君死人生作鬼防不免使君已老知何晚【王元之自黄州移蕲州闻帝鸟问其名或曰此名蕲州鬼】南山昨夜雨西溪不可渡溪边布谷儿劝我脱布袴不辞脱袴溪水寒水边照见催租瘢去年麦不熟挟弹规我肉今年麦上场处处有残粟丰年无象何处寻听取林间快活吟【此鸟声云麦饭熟即快活】力作力作蚕丝一百箔陇上麦头昂林间桑子落愿依一箔千两丝纍得蛹饲尔鷓【鸟声云蚕丝一百箔】姑恶姑恶姑不恶妾命薄君不见东海孝妇死作三年干不如广汉庞姑去却还【姑恶水鸟也俗云妇以姑虐死故其声云】

春鉏尔雅鹭春鉏注行如春如鉏 桂萱錄有号碧继翁者谓白鹭也

唤起催归韩诗唤起牕全曙催归日未西无心花里鸟更与尽情啼山谷云催归子规也唤起江南人谓之春唤声圆转如络丝【本集注又冷斋夜话】

翡翠翠鸟形似燕翡赤而翠青【贾琮传注】

属玉三辅黄图云属玉水鸟似防防长安有属玉观司马相如传鸳鸯属玉【属玉似鷀而大长颈赤目其色紫间】

秦吉了泸州有畜秦吉了者亦能人言有夷首欲以钱五十万买之其人告以贫将卖尔秦吉了曰我汉禽不愿入夷中遂不食而死

黄栗留欧公摄事斋宫闻莺诗四月田家麦穗稠桑枝生甚鸟啁啾凤城绿树知多少何处飞来黄栗留注麦熟时鸣者为黄栗留【诗义】

孤鸾舞镜异苑罽宾国得一鸾三年不鸣夫人悬镜照之覩影飞鸣一奋而绝言孤鸾见影谓是雌乃歌舞也蜂为孔升翁龙门寺庭多古桐有异蜂如吟花间僧异之网一枚置笼中翌日大蜂寻至笼边有曰孔升翁为箴不祥颇记否又曰君已除死籍何惧又曰予与青桐君奕胜获琅玕纸君出为我写星于词僧密听得畏乃放之【酉阳杂俎】

虎

斐旻射真虎唐斐旻善射北平多虎一日得虎三十一休山下有老父曰此彪也稍北有真虎将军遇之且败旻不信趋之有虎小而猛踞坡入吼旻马辟易弓矢皆堕自是不复射【李白诗】

龙

八十一鳞一三五为九九者老阳之能变者也二四为六六者老阴之能变者也干纯阳故干言用九坤纯阴故坤言用六龙八十一鳞九九之数也鲤三十六鳞六六之数也龙能隐能显不可制也故为在天之能变者鲤能神化飞越山湖故为在地之能变者大抵得九六之数者皆有变之理此天地自然之道【学林】

马

穆王八骏王子年拾遗周穆王有八骏一绝足二翻羽行越飞禽三奔霄夜行万里四越影逐日而行五逾辉光色炳耀六超光一形十影七腾雾乘云而趋八挟翼身有肉翅又穆天子云天子八骏赤骥黄骊白义逾轮山子渠黄骅骝騄耳又曰骅骝騄耳日驰三万里汉文帝九逸汉文帝有良马九疋一浮云二赤电三绝群四逸骠五紫燕骝六绿螭七龙子八麟驹九绝尘号九逸【西京杂记】

秦七名马秦有七名马追风白兔躡景追电飞翾铜雀神鳧【崔豹古今注】

肃爽唐成公有两肃爽马楚子常欲之不与三年止之唐人窃马而献子常唐公归羣臣请偿之【左】

惊帆鲁直有马名惊帆【古今注】

照夜白唐明皇马名杜诗曾见先帝照夜白龙池十日飞霹雳

忽雷骏秦叔宝马名【酉阳杂俎】

狮子骢隋文帝时大宛献千里马其骢曳地号曰狮子骢朝发西京暮至东洛隋末不知所在【朝野僉载】

赤兔吕布有马号赤兔时人歌曰人中有吕布马中有赤兔

的卢刘备有骢马名曰的卢乘至檀溪坠水备急呼曰的卢何不努力马遂一跃五丈乃得过【蜀志】

九花虬代宗时李德山贡马名额高九尺毛拳如鳞身被九花故号九花虬【伽蓝记】

三花骢世收韩干画马多分其骢为三莫晓其意唯白乐天诗凤书裁五色马骢剪三花唐学士类借飞龙廐马李伯时学画不知三骢之意常难于下笔有得乐天诗先诵而不言所出使伯时作数马始以集示之然后悟【蔡宽夫诗话】

玉逍遥仁宗御马名玉逍遥色白乘之如舆輶圉人云马行步有尺度疾徐皆中节御者行速则以足栏之一日燕王借乘即长鸣不行王怒还之帝以配南城马铺久之复御其行如初帝升遐从 至陵下悲鸣不食而死【邵氏闻见录】

腰褭腰褭者神马也赤喙黑身与飞兔同君有德则至也【汉书音义】

乘黄飞黄乘黄古之神马亦名飞黄皆有角日行万里淮南子云天下有道飞黄伏皐龙翼马身也

拳毛騧狮子花杜诗昔日太宗拳毛騧近时郭家狮子花代宗以九花虬赐郭子仪又名狮子花【诗注】

天马騊龙之媒前汉礼乐志天马騊龙之媒元狩三年马生渥洼水中作天马歌曰霑赤汗沫流赭神异经大宛马蹄如汗腕可握日行千里至日中汗血乘者当以绵絮缠头李斐曰南阳新野有暴到长武帝时遭刑炖煌界数于此水旁见奇马利长持勒绊于水后马玩习久之收得其马献之欲神异此马云从水中出【杜诗注】騊尾萧梢汉天马歌曰尾萧梢兮朔风起神异经大宛有良马鬣至膝尾委于地则尾之长者萧梢然摇动可起朔风

金盘陀杜诗星躔寶校金盘陀 顏延年赭白马赋星躔寶校鏤章霞布

锦鞍帕古乐府紫骝马曲玉 绣纒 金鞍覆锦幪锦鞍帕也杜诗云青旭散幪锦

血从前膊孔中出汉东平王苍得赐宛马一疋有血从前膊上小孔中出所谓血马【苍 】【

自在将军五代刘旻据太原与契丹约为父子契丹以黄马骝为防后与周世宗战高平败独乘黄骝以归遂与黄骝治廐食以三品料号自在将军【五代史】

三山元稹望云骹歌曰胯耸三山尾株直山谷诗马瘦三山叶拥门用官清马骨高之意【山谷诗注】

回防如縈蚁封晋王湛王济之叔宗族皆以为痴济有马难乘济问湛曰叔颇好骑否曰亦好之因骑此马姿容既妙回防如縈善骑无以过之又济所乘马甚爱之湛曰此马虽快然力薄不堪苦行近见督邮马当胜但刍秣不至耳平路无以别任重方知之于于是当蚁封内试之济马果蹶而督邮马如常济益叹异白其父曰济始得一叔【本 】【

求马不知马色牝牡秦穆公谓伯乐曰有使求马者乎曰马不在形容筋骨相也天下之马若灭若没臣之子皆下才可告以天下之马臣有檐纒束薪者九方歟其于马非臣之下也求马三月而反曰得马矣在沙丘牝而黄及马至则牡而骀公谓伯乐曰子所求马者毛色牝牡不知败矣伯乐太息曰一至此乎歟之所观者天机也得其精而忘其粗见其内而防其外果千里马也【列子】

相马马援善别名马云近世西河子舆亦明相法子舆 仪长孺长孺传丁君都君都 杨子阿臣常师事子阿受相马骨法谨依仪氏防中音居奇切帛氏口齿谢氏唇髻丁氏身中备此数家骨相以为法注引相法云水火在鼻两孔间上唇欲急而方口中欲红而有光此马千里颌下欲深肩欲缓牙欲前向去齿一寸则四百里牙劒封则千里目欲满而泽肋欲长而县薄欲厚而缓县薄股也腹下欲平满汗沟欲长腋欲开膝欲方蹄欲厚三寸坚如石【本 】【

碧云霞梅圣俞着碧云霞讥诋当时大臣其序曰碧云霞者廐马也庄宪太后临朝以赐荆王王恶其旋毛太后知之留以备上闲为御马第一以其吻肉色碧如霞片故号云王性之以为魏秦伪托圣俞着此书【邵氏后录】十二闲周礼夏官庾人掌十有二闲之政教以阜马佚特教駣攻驹注二歲曰驹三歲曰駣教駣始乘习之也攻驹谓乘其蹄齧者闲之先牧先牧制闲者

十骥唐时东骨利干国产良马日中驰数百里太宗时来献帝取其异者号十骥曰腾霜曰皎雪骢曰凝露骢曰县光骢曰决波驎曰飞霞骠曰发雷赤曰流金 曰翔麟紫曰奔红赤【回鹘 】【

七十万六千匹唐初得隋马三千于赤岸泽徙之陇右用张万岁领羣牧自贞观至麟德四十年马七十万六千匹八坊四十八监

四十三万开元初以王毛仲领闲廐马稍稍复始二十四万至十三年乃至四十三万秦汉以来唐马最盛【并出兵志】

诗吾闻天子之马走千里今之画图无乃是是何意态雄且杰骏尾萧梢朔风起毛为绿縹两耳黄眼有紫焰双瞳方矫然龙性合变化卓立天骨森开张伊昔太仆张景顺监牧攻驹阅清峻遂令大奴守天育别养骥子怜神骏当时四十万匹马张公叹其才尽下故独写真 世人见之坐偶从更新年多物化空形影呜呼健步无由骋如今岂无騷褭与骅骝时无王良伯乐死即休【天育骠骑歌】君不见左辅白沙白如水缭以周墙百余里龙媒昔是渥洼生汗血今称献于此苑中騋牝三千匹丰草青青寒不死食之豪健西域无每岁攻驹冠边鄙王有虎臣司苑门入门天廐皆云屯骠驎一骨独当御春秋二时归至尊至尊内外马盈亿伏枥在坰空大存逸羣絶足信殊杰倜傥权奇难具论岂知异物同精气虽未成龙亦有神【沙苑行】东郊瘦马使我伤骨骼硃兀如堵墙绊之欲动转欹侧此岂有意仍腾骧细看六印带官字众道三军遗路旁皮干剥落杂泥滓毛暗萧条连雪霜去岁奔波逐余寇骅骝不惯不得将士卒多骑内廐马惆怅恐是病乘黄当时厯块误一蹶委弃非汝能周防见人惨澹若哀诉失主错莫无晶光天寒远放鴈为伴日暮不收乌啄疮谁家且养愿终惠更试明年春草长【瘦马行】邓公马癖人共知初得花骢大宛种夙昔 闻思一见牵来左右神皆竦雄姿逸态何嵒岿顾影骄嘶自矜宠隅目青荧夹镜悬内驥碾礪连钱动朝来久试华轩下未觉千金满高价赤汗微生白雪毛银鞍却覆香罗帕卿家旧赐公能取天廐真龙此其亚书洗须腾泾渭深朝趋可刷幽并夜吾闻良骥老始成此马数年人更惊岂有四蹄疾矜鸟不与八骏俱先鸣时俗造次那得致云雾晦冥方降精近闻下诏喧都邑肯使麒麟地上行【骢马行】安西都防胡青骢声价欻然来向东此马临阵从无敌与人一心成大功功成惠养随所致飘飘远自流沙至雄姿未受伏枥恩猛气犹思战场利腕促蹄高如踣铁交河防蹴曾冰裂五花散作云满身万里方看汗流血长安壮儿不敢骑走过掣电倾城知青丝络头为君老何由却出横门道【横门音光高都防骢马行】丈人骏马名胡骝前年避胡过金牛回鞭却走见天子朝饮汉水暮灵州自矜胡骝奇絶代乘出千人万人爱一闻説尽急难才转益愁向驄骀头上鋭耳批秋竹脚下高蹄削寒玉始知神龙别有种不比凡马空多肉洛阳大道时再清累日喜得俱东行凤臆龙髻未易识侧身注目长风生【李鄠县胡马行】胡马大宛名锋棱瘦骨成竹批双耳峻风入四蹄轻所向无空阔真堪托死生骁腾有如此万里可横行

总兽

扑朔迷离木兰歌雄兔脚扑朔雌兔眼迷离一本又作扑屋

狐有三德説文云狐有三德其色中和小前大后死正丘首【白虎通】

兔无脾鼈无胆古语云鼈无胆兔无脾其说信然按字説赤与白为鼈鹿见鼈而成以此知其无胆脾属土土主信故诗以兔爰刺桓王之失信以此知其无脾【青箱杂记】螭有筐蟬有綏檀弓 则绩而蟹有筐范则冠而蟬有綏注范蜂也

鼯知水脉无水之时人不知泉脉乘橐鼯寻之过脉停不肯行以足躅地之处即扞躅处掘之得泉【博物志】狐变为巫狐五十歲能变化百歲为美女为神巫为丈夫与女子交接能知千里外事即与天通为天狐【中记】猿变为獼猴猴壽八百歲变为猿猿壽五百歲变为獼獼壽千歲【抱朴子】

依木而立犀之类不一生鬯管及交趾者角文如麻实理燥少润生大食者文如茱萸理润光彩莹彻甚类犬鼻若傅以膏甚有花文尤异者曰通天犀或日月云星葩花山水神仙衣冠杖屨宫殿鱼龙飞走鳞毛全具或以为犀爱一物玩之久则形入其角有通天花文者必自顾其影则怖常饮浊水不欲见其角也海人取犀者多扞山麓植木如羊栈从则木朽犀前足短止则依木而立朽栈折犀倒因格杀【澠水燕谈】

孙供奉昭宗时有一弄猴颇驯能随班起居昭宗赐以绯号孙供奉朱梁僭号令此猴随班起居猴望见全忠诤趋跳跃奋击遂被杀唐之羣臣愧此猴者多矣【幕府燕谈】将军主簿谓猪为长喙参军羊为长髯主簿【古今注】羶根有僧作蒸豚诗云若把羶根来比并羶根自合契藤条【澠池笔谈】

一封大月氏出一封橐鼯注脊上有一封封高也若封土然【前汉】

果然果然兽名扬州人取果然得一果然而数十果然可得盖果然不忍伤其类聚族而啼虽杀之不去也此禽兽状而人心薄俗有不如者果然大类猩猩【国史补】黑衣郎猿也坡诗食荔支也到黑衣郎

乌金唐拱州人有畜猪致富号猪为乌金【朝野僉载】

伊尼佛书谓鹿为伊尼般若经世尊三十二相第八相名双腩纖图如延鹿玉

胸防音蠢润唐以山南西道开州盛山郡改为胸腮郡以其地多胸腮虫刘禹锡云胸防蚯蚓也常至夜江畔出其身半跳于空中而鸣上音屈下音忍【韩文序注】

古旃北方有尼师都生四子一子化为鸿遂委三子谓尔可从古旃牛也三子因随古旃古旃所糞悉成乳酪【酉阳杂俎】

盘瓠高辛氏宫中有老妇耳疾耳中得物似瓠盛之以盘覆之有顷化为一犬因名之【后汉】

牛形狗声兽名似牛而狗声食禽兽逢忠信之人嚙而食之逢奸邪之人则捕禽兽以饷之【神异经】

猪头犬腹犀形如牛猪头犬腹鹿脚三蹄黑色二角一在鼻上一在额上鼻上为食角小而不

墮

噉刍刘景升有千斤大牛噉刍豆十倍于常牛负重致遠不如羸防【晋书】

饲乳王济性好侈帝常幸其第供饌甚丰蒸豚尤美上问其故对曰以人乳饲之上食未毕而去【晋 】

褐衣缺口防恬筮筮者曰今日之获不角不牙衣褐之徒缺口而长须八窍而趺居【毛穎 】

白望青曹汉茂陵少年李亨好驰俊狗有白望青曹之名【酉阳杂俎】

东郭防战国防云韩子卢者天下之疾犬也东郭防者海内之狡兔也韩子卢东郭防环山者三腾山者五兔殛于前犬毙于后两俱伤

韩卢宋防毛穎 云东郭防与韩卢争能卢不及怒宋防谋而杀之【防音鹄宋国之良犬也 】

骇鸡犀通天犀中有一防白理如线者置米其上以饲鸡鸡见惊却者名骇鸡犀刻为鱼形持入水輒自开亦名离水犀【枹朴子】

明駝世 鸣駝千里脚鸣当作明谓駝卧屈足腹不着地而漏明最能行遠【酉阳杂俎】

駝峯杜诗紫駝之峯出翠釜曲良翰善駝峯炙【见饌食门】巫峡三声巴东三峡猿长鸣至三声闻者莫不垂泪【出荆州记】

类仁类义几卿贄用羔羔有角而不用类仁执之不鸣杀之不谤类死义者饮乳必跪类知礼者故卿以为贄【春秋繁露】

性淫性卑南史卞彬为禽兽决録云羊性淫而狠猪性卑而率鷺性顽而傲狗性俭而屈皆指斥贵势【本 】辽东白头辽东有豕生而白头异以献之行至河东见羣豕皆白懷慚而还【朱浮 】诗有豕白躋烝涉波矣鲁津伯符子曰洛朔人有献燕相大豕令宰夫膳之豕乃见梦于相曰造化营我以豕形仗君之灵而化始得为鲁津伯

锦绣万花谷前集卷三十七

卷三十八

<子部,类书类,锦绣万花谷

钦定四库全书

锦绣万花谷前集卷三十八

相貌

隆準龙顏汉高祖隆准而龙顏美须髯左股有七十二黑子【本纪】

凤姿曰表唐太宗生四歲有书生谒高祖曰公相法贵人也必有贵子及见太宗曰龙凤之姿天日之表必能济世安民【唐本纪】

龙瞳凤颈袁天纲见武后母曰夫人法生贵子后防姆抱以见给以男天纲视其步与目惊曰龙瞳凤颈若为男当作天子【后】

虎头燕额汉班超诣相相者曰当封侯万里之外问其状曰燕额虎头飞而食肉万里侯相也后封定远侯龙额上五柱入顶隋文帝杨坚龙额上有五柱入顶有文在手曰王字长上短下相者来私谓帝曰公当为天子后果然【本】

鱼鬣际四道已成石勒卖为奴有老父谓勒曰君鱼龙鬣际上四道已成当贵为天子忽然不见勒后僭位防目虎吻王莽为侈口蹙頞露目赤睛大声而嘶长七尺五寸反膺高视瞰临左右有方技待诏黄门者或问以莽形貌待诏曰所谓鸱目虎吻豺狼之声者也故能食人亦当为人所食【王莽】

形不如心心不如术相形不如论心论心不如择术形不胜心心不胜术形相虽恶而心性善
无害为君子形相虽善而心术恶无害为小人孙叔敖突秃长左徐偃王有筋无骨不能俯视
仲尼之状面如防俱周公之状身如防菑臯陶之状色如削瓜閼夭之状面无见肤傳說之状
身如植鳍伊尹之状面无须眉【荀子非相篇】

有相无心相形不如论心心相有三十六善不近小人不忘故旧不念旧恶常行陰德之类三十六善全有位极人臣谚曰有心无相相逐心生有相无心相随心灭【青箱杂记】

骨类多逊寇萊公十九及第有相者曰君相甚贵骨体类卢多逊但及第太早恐不善终若早退庶免深祸【笔録】眼似王敦李承之在仁宗朝官州县因邸吏报包拯拜参政或曰朝廷

自此多事矣承之正色曰包公无能为今知鄞县王安石眼多白甚似王敦他日乱天下者此人也【邵氏錄】

相在怒时张憬藏相魏元忠人不答元忠怒曰穷通有命何预君邪拂衣去憬藏遽起曰君之相在怒时位必卿相也【本 〇】

寝熟可相苏子美谪居呉门有相僧子美谒之云俟寝方可观子美一日熟睡僧揭帐视之但云来得也曷呉人语甚为曷子美扣之乃曰得一州县官肯起否子美意复召用闻之不乐果复湖州长史而卒【百家诗序】

奴有侯相卫青为所生父郑季牧羊至甘泉居室有钳徒相青曰贵人也官至封侯青笑之曰奴之生得无笞骂足矣安得封侯事乎后击匈奴封關内侯【本 〇】

当刑而王黥布姓英氏少时客相之曰当刑而王及壮坐法黥布欣然而笑曰人相我当刑而王几是乎【史记】裴晋公陰德裴晋公质状 小有相者曰郎君若不至贵即当饥死一日遊香山寺有妇人以父避罪假得玉带二犀带一以赂津要致于栏楯忘收而去度得而授之后见相者曰必有陰德及物前程万里非某所知也【摭言】

柳浑笃学柳浑十余歳有巫告曰儿相夭且贱为浮屠可缓死诸父欲从其言浑曰去圣教为异术不若速死学愈笃后至宰相【本 〇】

眉过其目袁天纲见岑文本曰学堂莹夷眉过目文章振天下【袁 〇】

耳白于面欧公尝曰少时有僧相我耳白于面名满天下唇不着齿无事得谤其言颇验【仇池笔録】

大贵人陈莹中尝入朝已立班上御朝差晚杲日照耀众莫敢仰视蔡京注目久而不瞬莹中私谓中省曰此公视日不瞬真大贵人也【百家诗序】

伏犀贯玉枕袁天纲见窦轨曰君伏犀贯玉枕辅角全起十年且显立功在梁益间后轨为益州行台仆射兰防学堂全袁天纲相杜淹曰公兰台学堂全且博将以文章显后淹以侍御史为学士【并本 〇】

速登者易颠高智周郝处俊来济孙处约客石仲览家仲览使相工视之工语曰高之贵君不及见来早显而末蹶郝显而壽吾闻速登者易颠徐进者少患后济等皆显【智周传】

语迟者神定杨元琰生数歳未言相者视之曰语迟者神定必为重器【唐本 〇】

李固足履 文李固鼎角匿犀足履 文后为太尉【文选】面长而身短五代桑维翰为人

丑怪身短而面长常临镜自奇曰七尺之身不如一尺之面后至相

面偏而喉骨高初王旦与钱若水同直史馆有僧善相谓若水曰王舍人他日位极人臣富贵无比若水曰王舍人面偏而喉骨高如何其贵也僧曰作相之后面偏自正喉骨高者主自奉养薄耳后果如言面自正【涑水记】手摩重瞳庐山智常禅师以目有重瞳遂得药手按摩目眦俱赤号赤眼归宗和尚【灯录】

指有豎理相者谓陶侃曰君左手中指有豎理当为公贵不可言侃以针刺决之见血洒壁上乃为公字后果如云【本】

河目隆颡腰以下不及禹三寸孔丛子曰仲尼圣人之表河目隆颡是帝皇之貌史记孔子立东门人曰其颡似尧其顶类皋陶其肩类子产然自腰以下不及禹三寸身長九尺六寸累累若丧家之狗

河目海口洛人陈去非河目海口大耳耸峙识者知其为贵人也徽庙时为参政

又海口钩命决曰仲尼海口言若苍泽也

圣贤异貌尧眉八彩舜目二瞳子禹耳三漏文王四乳皋陶马喙【三漏有三穴也淮南子】

手相甚贵王克正任江南归本朝直舍人院及死无子其家修佛事唯一女十余岁跪炉于像前防陈抟入吊出语人曰王氏女吾虽不见其面但观其捧炉手相甚贵若是男子当白衣入翰林女子嫁即为国夫人后陈晋公恕为参知政事一日太宗从容问曰卿娶谁氏有几子对曰臣无妻今有二子太宗曰王克正江南旧族身后唯一女令淑卿可作配晋公辞年高太宗敦谕再三遂纳为室不数日封郡夫人如陈之相也【笔录】

蔡泽怀印蔡泽从唐举相曰吾闻先生相李兑百日之内持国秉政有之乎曰有之曰若臣者何如唐举熟视而笑曰君曷鼻巨肩魑颜蹙膝挛吾闻圣人不相殆先生乎蔡泽知唐举戏之乃曰富贵吾所自有所不知者寿也愿闻之唐举曰从今以往四十三岁泽笑谢而去谓其御者曰吾跃马疾驱怀黄金之印结绶于腰揖让人主之前食肉富贵四十三年足矣【史记】

小吏有封侯骨翟方进年十五为小吏迟钝数为掾吏骂辱乃诣蔡父相大奇其形曰小吏也而有封侯骨当以经术进谢病而归【本】

刘备自顾见耳刘先主身長七尺五寸垂手下膝自顾见其耳【本】

钱若水无仙骨若水少时谒陈抟求相陈戒曰过半月来至期陈邀入山斋中一老僧拥衲附火于炉若水揖之其僧开目而已若水颇嫌之默坐久之陈问僧曰如何僧摇头曰无此等骨

既而若水起陈戒曰三两日却来若水如期往陈曰吾始见子神观清粹谓可学神仙然见之未精不敢奉许特召此僧决之渠云子无仙骨但可作贵公卿耳问僧何人陈曰麻衣道者也

【湘山野录】食胡汉禄真宗为开封尹呼一术者且瞽令张耆夏守赉杨崇勳辈揣听声骨或中或否至王继忠瞽者骇曰此人可讶半生食汉禄半生食胡禄真宗笑而遣之继忠复为高阳总管咸平六年与敌战遂陷敌敌以其姿仪雄伟以女妻之伪封为吴王改姓耶律终于敌钱若水遇异人 相法若水尝遇异人 相法其事甚怪公后以传杨大年故世称二人有知人之明大年尝云章郇公张士逊皆有宰相器后皆如其言【并玉壶清话】鬼貌蓝色唐卢 体甚陋鬼貌蓝色不耻恶衣菲食桓温似刘琨初桓温自以雄姿是宣帝刘琨之流北伐还得一巧作老婢访之乃琨妓女也一见温潜然而泣温问故答曰公甚似刘司空温笑出外整理衣冠入呼问婢云面甚似恨薄眼甚似恨小须甚似恨赤形甚似恨短声甚似恨雌温于是褫冠解带昏然而睡不怡者数日

猬毛磔刘琰称桓温眼如紫石棱须作猬毛磔【并本传】吴王濞有反相汉高帝立兄子濞为吴王已受印召濞相之曰若状有反相独悔业已拜因拊其背曰汉后五十年东南有乱岂若邪后果反【濞】

周亚夫饥死法周亚夫为河内守许负相之曰君后三歲而侯侯八歲而将相贵重矣后九年而饥死亚夫笑曰贵如负言又何饥死负指其口曰从理入口此饥死法也后有罪入廷尉不食五日呕血死【本】

病见吏凿玉枕骨唐杭州狱吏凌华遇相者曰能舍吏当为上将军华为吏酷暴以取贿元和初病一夕死见黄衣使宣牒云华昔宰剧县甚着能绩后有鉄行谪官环扉俟其循省大乖乃心玉枕岿然委于庸贱付司 凌凿玉枕骨送上俄有执刀斧琢其脑华既醒扪其脑而骨亡后十五年暴卒【异记】

眄刀歷阳陈训相甘卓曰头低视仰相名眄刀目中赤脉自外入必兵死后果为王敦所杀【晋书】

卜命

天贵星临门王处讷通星历之学太宗时賛宁撰僧史十卷充史馆编修壽八十四处讷推其命孤薄三命禽畧六壬遁甲俱无壽贵之处谓宁曰师生时正得天贵星临门必有列土侯王在户否宁曰母长谓某生时方卧草钱文穆王元瓘往临安县拜莹至门雨作避于茅檐甚从浣浴襁借徘徊方去【湘山野录】

三处合章郇公得象曰人生贵贱莫不有命但生年月日时临胎有三处合者不为宰相亦为枢副张方平宋子京退而召术者泛以朝士命推之唯得梁适吕公弼命各有三处合皇祐间梁为相熙宁中吕为枢密使皆如章言【归田录】

一日阅四宰相张邓公云举进士时与寇莱公诣一卜肆卜者曰二人皆宰相也既出逢张齐贤王公遂复诣之卜者大惊曰一日之内而有四宰相四人相顾笑因是卜者消声其后皆如其言

辨证

行李唐李济翁资暇录曰古文使字作山八子左氏言行李乃是行使后人误为李字学林按僖公三十年左言若舍郑以为东道主行李之往来共其困乏杜预曰行李使人也襄公八年曰亦不使一介行李告于寡君杜预曰行李行人也昭公十二年传曰诸侯靖兵好以为事行李之命无月不至杜预曰行李使人通聘问者然则左或言行李皆谓行使也但文其言谓之行李又谓之行理耳非改古文山八子字为行李也介鸡左昭公二十五年季郈之鸡鬪季氏介其鸡郈氏为之金距杜预注曰搗介子播其羽或曰以胶沙播之学林按史记改介为芥与介不相通者甲也介其鸡者为甲以蔽鸡之臆以御彼之金距又沙以胶播羽是自累也

票姚霍去病为票姚校尉服防注票姚音飘摇颜师古注曰票频妙切姚羊召切劲疾貌也学林按票姚字于平声去声皆收杜诗借问大将谁恐是霍票姚汉朝频选将应拜霍票姚又云将军数拜汉票姚子美皆作平声颜师古谓不当非也

魁梧闻张良之智勇以为其貌魁梧奇伟反若妇人女子苏林曰梧音悟也颜师古曰魁大貌言其可惊悟张良东坡诗和刘贡父夫字韵云此诗尤伟丽夫子计魁梧平声韵押似误也

浩穰京兆与京师长安中浩穰于三辅尤为剧郡穰人掌切见张敞传

耳孙前汉惠帝纪上造以上及外公孙耳孙有罪当刑皆耐为鬼薪白粲李斐曰耳孙曾孙也学林按平帝纪元始五年立梁孝王元孙之耳孙为王又梁孝王表曰元始五年王音以孝王元孙之曾孙绍封然则纪言耳表言曾其义明矣

铅槩论衡曰防本为槩雄采集异国殊语尝把三寸弱翰赍素防四尺以问其异语归以铅摘刻之于槩鄴郡史记高祖以萧何功最盛封为鄴侯文潁注曰鄴音贊今南阳县也孙检注曰有二县音字多乱其属沛郡者音嵯属南阳者音贊茂陵书萧何国在南阳宜呼贊前地理志南阳有鄴阳注云即萧何所封也二路多有区别

雌霓南史沈约作郊居赋以章草示王筠读之至雌霓连蜷抚掌恐人读作雌霓平声郊居赋注五结切与鬻同本朝范蜀公镇召试学士院诗用彩霓字作平声考试者判郊居赋霓为入声谓景仁失韵上除馆阁校勘学者皆为景仁愤郁学林按霓字虽有两音然文士用倪音多而鬻音少若专用雌霓则当音鬻若泛用霓字则倪鬻可通用杜甫石龕诗驱车石龕下仲冬见虹霓于迷字韵押又滕王亭子诗云尚思歌吹入千骑把霓旌凡此以霓作平声押何伤

井干谢元晖诗總屏飘井干尊酒若平生五臣注铜雀台一名井干楼学林案干音寒史记始皇幽母于咸阳宫諫者杀之于井干阙下汉武立井干楼高五十丈汉郊祀志亦云顏师古注云井干楼积木而高楼若井干形也井干者井上木栏也其形或四角或八角又谓之银牀皆井檣也

绳牀以绳穿为坐器即俗谓之交椅也孟东野诗云绳牀独坐翁李济翁资暇錄不晓乃改为藤牀误矣【并学林】虑囚隼不疑行县錄囚注省錄之知其情今之虑囚本錄声之去音耳音力具反谓思虑之虑非不疑 药栏园庭中药栏栏即药药即栏犹言園援非花药之栏有不晓其意者以蔬圃为切对汉宣帝池药未御幸者假与贫民又汉书阑入宫禁字多用草下栏则药栏分明也【资暇錄】

乘 汉高纪乘 詣洛阳如淳注曰律四马高足为高 四马中足为驰 四马下足为乘一马二马为轺 急者乘一乘传张恋反【高纪】

精舍晋武帝初奉佛法立精舍于内殿引沙门居之故今人皆以佛寺为精舍殊不知精舍乃儒者教授生徒之地也后汉包咸檀敷刘淑传皆有立精舍教授生徒之文谢灵运石壁精舍诗曰披佛趋南径愉悦偃东扉非佛寺也李善注文选云精舍者今读书斋是也綠沉杜诗苔卧綠沉枪集注綠沉精鐵也隋文帝赐张文渊綠沉枪甲兽文装具按宋书御史中丞奏广州刺史韦朗作银涂漆屏风二十三 又綠沉屏风一牀请夺朗官又邺中记石季龙每出时乘輿用桃枝扇或綠沈色或木栏色或紫紺色或郁金色【初学记】

厠褕石建窃问侍者取父中羣厠褕身自澣洒注谓厠褕小袖衫也师古曰近身之小衫若今汗衫也褕音投青箱杂记以苏林說褕溷板是也【石建】

睥睨杜诗睥睨登哀柝矛弧照夕曛注引宣公十二年守陴者皆哭睥睨也左 注作俾倪崔豹古今注女墙城上小墙又名睥睨言于墙上睥睨人也【皆杜诗注】乐石李斯峰山碑云刻此乐石人多不晓师古云泗水浮磬以作碑也【邵氏闻见錄】

倦防司马相如 长卿故倦防文穎注曰倦疲也言疲厌防学博物多能也

庆音羌庆字音丘映切贺也又音卿祸福也又平声音羌学林考诗书庆皆当音羌楚茨曰祝祭于祊先祖是皇孝孙有庆万壽无疆尔穀既将莫怨具庆甫田曰与我牺羊以社以方我田既臧农夫之庆又曰乃求千斯仓乃求万斯箱黍稷稻粱农夫之庆閼宫曰白牡骍刚牺尊将将万舞洋洋孝孙有庆俾尔壽而臧易曰东北丧朋乃终有庆安贞之吉应地无疆又曰损上益下民悦无疆自上而下其道大光利有攸往中正有庆凡此庆者皆音羌可知矣 雄甘泉赋曰直巍巍以造天兮厥高庆而不可弥顏师古庆注曰庆音羌班固通幽赋曰恐罔两之贡景子庆未得其去已顏师古注庆音羌以此知庆音羌不妄矣陆德明不能稽考于释文不能载【学林】

四十金惠帝纪赐将军四十金二千石二十金六百石以上六金五百石以下二金晋灼曰言黄金真金也不言黄谓钱也食货志黄金一斤直万金钱师古曰言黄金与之金不言黄金者一金与万钱也

易数诗三人同行七十稀五郎念一镇相随七哥记取常十五此是易数大希夷【无余者不算】

短褐短褌褌常恕切列子云衣则短褐食以粢粝音义引方言短复襦许慎注淮南子云楚人谓袍为短褐又云粗衣又布襦也又僮褌短者谓之短褌荀子作竖褐注童竖之褐汉书贡禹上书曰臣家货不满万钱糠豆不具短褐不完师古曰短褐谓童竖所着布长襦也杜甫云赐浴皆长缨与宴非短褐又短褐风霜入还丹日月迟皆作长短之短盖褌褌短者谓之短褌则短义亦通【韩文注】

粳糯稻稌本草云粳米味甘稻味苦陶隐居云通呼粳为稻耳唐本注云稻者穠谷通名尔纪胜之云秬稻三月种秬稻四月种秬稻即并称也今按李含光音义云字书鲜秬字云稻也秬字云稻属也不粘者鲜粢云稻饼也明稻米作粢盖糯米也今通呼秬糯谷为稻所以惑之矣今此稻米即是糯米也尔雅云秬稻郭璞云今沛国呼秬周颂曰多黍多秬内则云牛宜秬豳风云十月获稻是也是一物也说文云沛国谓稻为糯秬稌属也学林云糯粘稻也秬稌不粘者师古刊谬正俗云本草所谓稻米者今之糯米耳陶以糯为秬不识稻是糯许氏鲜字云秬稷之粘者稻秬也或通呼秬稻总谓之稻孔子曰食夫稻周官有稻人之职汉置稻田使者此并指粳糯为一色所以后混糯不知稻本是糯耳【本草注】秬本草秬米味甘唐本草注云是稻秬也今大郡呼粟糯为秬稻秬为糯耳北土亦多以粟秬酿酒颜师古刊谬正俗云今之所谓秬者似黍而小亦堪作酒

瓦松昔耶崔融瓦松赋曰谓之木也访山客而未详谓之草也验神皇而罕纪段成式杂俎曰崔公博学岂不知瓦松自有着説引梁简文帝诗曰依檐映昔邪笔谈云段成式以昔邪为瓦松不知昔邪乃是垣衣瓦松自名昨叶何草按陆防苔赋云高有瓦松卑有泽葵散岩窵者石髮补空田者垣衣在屋者昔耶在药者陟厘若然则瓦松垣衣昔耶各一物也

方版简策觚槧古人以木为方用以写书张苍为御史主柱下方书如淳注曰方版也周礼摅簇氏掌覆天鸟之巢以方书十日十二辰二十有八星之号垂巢上则去之史记防传取防事论于下方又曰谨连其事于左方周礼内史王制禄则賛为之以方出之凡言方者谓书其事于木方也古人写书有简有策有觚有方有牋有札有槧有板盖简策觚皆以竹为之方牋札槧板皆以木为之后汉呉祐父恢以火炙竹令汗取其青写书谓之杀青简汲郡掘冢得竹简所谓竹简此类是也策象册字形有二编孔子读易韦编三絶以为贯编作册也觚以竹为之其形有方角亦作觚所谓操觚者可以持书也方以木为之张苍主柱下方书周礼以方出之是也牋以木为之所谓尺牋盈尺之牋周勃狱吏书牋背示之此类是也札以木为之而薄小者司马相如令给笔札又曰遗札书言封禅事又郊祀志卿有札书颜师古曰札木简之薄小者朱博曰与笔札使自记奸赃是也槧以木为之而可脩削者玉篇曰槧削简牋

也论衡曰防木为槩释名曰槩版长三尺西京杂记子云好事常怀铅提槩是也版以木为之周礼小宰听闾里以版图司马掌邦中之版大胥掌学士之版盖以板记户籍论语曰式负版者谓民数书于版也古未有纸故简牍以竹或木为之其谬误则以刀削之故刀笔吏持刀笔以自随后世或以缣帛写书蔡伦乃用木肤麻头弊布鱼网以为纸【并学林】

卒更践更过更昭帝元凤三年令三年以前逋更赋未入者皆勿收如淳注曰更有三品有卒更践更过更古者正卒无常人皆迭为之一月一更是谓卒更贫人欲得雇更钱者次直月出二千雇之是为践更天下皆直戍边三日不可人人自行诸不行者出钱三百入官官以给戍者是为过更此汉因秦法也【昭纪】

李白读书匡山范 正李白墓碑白之先客居蜀之彰明太白生焉彰明縣州之属邑也有小大匡山白读书于大匡山有读书防尚在清防乡后为陇西寺【杜诗注】

释义

勺药秦宥诗曰伊其相谗赠之以勺药崔豹古今注勺药一名可离将行送之以此见意也上【市若切】下【以畧切】子虚赋勺药之和具而后御之注曰以兰桂调食五味之和也南都赋归鴈鸣鸕香稻鲜鱼以为勺药师古曰今之于兰桂五味以助诸食学林云子虚南都赋言勺药勺音酌药音畧乃以鱼肉等物醢酱食物也与溱洧之诗所言异矣枚乘七发张景阳七命勺药之酱和兼芍药皆音酌畧退之联句云两厢铺氍毹五鼎调勺药又曰但掷顾笑金仍祈却老药二药字不同故也【学】一切前平帝纪元始元年诏赐天下民爵一级吏在位二百石以上一切满秩如真师古注曰一切者如以刀切物取整齐不顾长短纵横故曰一切李斯传谓一切逐客货殖 曰一切用文持之太史公自序曰唯一切严削赵广汉 曰一切治理路温舒 曰一切不顾国患王莽 曰设此一切之法光武纪曰罪非犯死一切勿按明帝纪曰殊死者一切募下蚕室唐仆固怀恩 曰其他一切赦之凡此言一切者皆音千结切唯佛书音切为砌儒家不当袭其音

蒲柳尔雅曰桎河柳旄泽柳阳蒲柳所谓蒲柳乃柳之一种是一物也左 曰董泽之蒲可胜既乎杜预注曰蒲柳可以为箭杜甫诗手自移蒲柳家才足稻粱以蒲柳为二物误矣

羊枣孟子曰曾皙羊枣尔雅曰遵羊枣郭璞注曰俗呼为羊矢枣一物也

防刘后汉礼仪志立秋之日肄兵集战斩牲以祀名曰防刘章怀太子引古今注永平六年六月令百官防腰又引风俗通曰尝行始杀食曰防刘又后汉祭祀志曰立秋之日天子射牲以祭宗庙名曰防刘学林按古谓之防腰至汉名曰防刘盖人呼腰为刘汉高祖娄者刘也然则防刘防腰其事一也字书曰防【頼俱切】兽似豸刘者杀也以此考之则防刘者杀兽以祭也托此以肄兵习战耳

犹豫离骚曰心犹豫而狐疑兮蒯通曰猛虎之犹豫不如蜂蛰之致螫孟贲之狐疑不如童子

之必至此折离骚之句以为文也高后纪禄计犹豫师古曰犹兽名性疑虑故不决者称犹豫顏氏家训曰尔雅称犹如麀学林曰犹者心不能自决之辞也马援诗曰计犹豫未决广韵曰犹豫不定也尔雅释言曰犹图也释兽曰犹如麀善登木广韵去声曰犹音救以此观之则犹豫非兽明矣师古家训俱误也犹尤字通用先事而图之为犹后事而图之为豫故尔雅释言犹图也

朝请东方朔 奉朝请之礼备臣妾之仪窈窕 不得朝请吳王濞 曰使人秋请师古注曰请才性反孟康注曰律春曰朝秋曰请如古诸侯朝聘也

鹖冠师古注黄伯 虎贲武骑皆鹖冠鹖黑色出上党以其鬬死乃止故用其尾以饰武臣冠又輿服志鹖勇雉也其鬬死乃止故赵武灵王以表武臣又鹖似黑雉无攫撮应爪摧衄故武骑以冠焉【并学林】

椎轮夫椎轮为大辂之始大辂宁有于椎轮【文选序】氍毹上音瞿下音刍声类曰毛席也风俗通曰织毛褥谓之氍毹广韵作 毹韩文逵联句两牀铺氍毹康瓠贾谊吊屈原赋云斡弃周鼎寶康瓠兮注云康瓠瓦盆底也尔雅谓之匱【五利反】

掉罄内则舅姑使冢妇母怠不友无礼于介妇舅姑若使介妇母敢敌耦于冢妇不敢并行不敢并命不敢并坐注云不敢掉罄释音云齐人以相绞讐为挥罄崔云北海人谓激事为掉罄【释文】

狱犴韩诗外 乡亭之狱曰犴朝廷之狱曰狱

狼烟诸侯时中国有事烧狼粪为烟以达诸侯【出五代殷文圭集注】

缙骑汉制执金吾所管兵赤衣缙赤也坡贺观灯诗翻翻缙绮走香尘是也【坡请注】

冰蘖坡诗十年冰蘖战膏粱白乐天所谓饮水食蘖也言清苦也【坡诗】

边琐案边长史琐科条其人张晏曰琐録也欲科条其人老少及所經歷本以文武进也【丙吉】

扶輿王介甫诗扶輿渡阳羨窈窕一川花后汉陈球传太尉李咸时病乃扶輿而起退之送廖道士序云彬之为州又当中州清淑之气蜿蟺扶輿螃 而委积王褒九怀云登羊角兮扶輿

横陈楞严经云我欲无心应汝行事于横陈处味如嚼蜡李商隐诗小莲玉体横陈夜已报周师入晋阳王介甫诗云歲晚苍官才自保日高青女尚横陈又云木落冈峦应自献水归洲渚得横陈洪驹父雪诗偏随江月横陈夜未放宫梅独自春夏英公诗横陈皆锦绣器皿尽金玉所谓横陈乃铺陈之义也【并艺死雌黄】

税驾 雄方言曰舍车曰税驾

籍甚陆云 名声籍甚注云狼籍甚盛也

底事师古正谬云问曰何物为底底义训何答曰此本言何等物其后遂省促言直云等物底音都礼切又转音丁几切【家训】

子姓礼记丧大记曰子姓谓众子孙也姓之言生也又左昭公四年叔孙豹奔齐及庚宗遇妇人而宿焉适齐防后鲁人召之不告而归所宿庚宗妇人献雉问其姓对曰余子长矣注问有子否

烽燧唐六典云镇戍烽 大率相去三十里有一炬二炬三炬四炬者每日初夜举一炬谓之平安火余则随贼多少为差光武纪作土台台上作桔槔头有兜笊以薪草置其中每遇有寇即燃火举之以相告曰烽又多积薪寇至燔之望其烟曰燧昼则燔燧夜则举烽防问汉高帝纪诏曰且防问有不如吾诏以重论之师古曰防察也

不佞汉文帝纪曰寡人不佞注佞才也

孤负李陵书陵虽孤恩汉亦负德老杜诗或作辜负盖写误也【诗注】

部曲续汉书百官志将军领将军皆有部曲大将军营五部部有校尉一人部下有曲曲有军一人【李广 注】落魄魄音薄衰恶之貌师古曰失业无次也【酈食其 】祖道黄帝之子累祖好逯遊而死于道故后人祭以为行神也祖祭因飧饮也【汉临江王 】

羈縻羈马络头也縻牛绉也

方丈唐显庆中长史王 策因向印度过净明宅以笏量其地有十笏许故号方丈之室【法苑珠林】

郑重王莽 称非皇天所以郑重降符命之意注云郑重犹频频也【青箱杂记】

辜防灵帝纪豪右辜防注辜障也防专也谓禁阻余人买卖而自取其利也【本纪】

槩防汉杂事曰汉制假槩防以代斧钺崔豹古今注槩防前驱之器也以木为之后代刻伪无复典制以赤油翰之谓之油防亦曰槩防【后杜诗 注】

寢庙贾谊 注室有东西厢曰庙无东西厢曰寢兰锜张平子西京赋云武库禁兵记在兰锜注架兵也前修离骚云蹇吾法夫前脩兮非世俗之所服注前脩谓前代修习道德之人韩退之闵已赋勤祖先令所贻兮汲汲于前修骚作脩韩作修想同

鰕生张良 沛公曰鰕生說我距關毋納诸侯服防注曰鰕生小人也

唐捐法华经普门品谓唐捐虚弃也

股弁严延年 吏皆股弁注股战若弁弁谓扶手也学宫文翁传修起学宫于成都市注学之官舍也又贾谊 学宫所学之宫也注谓官舍

徼塞东北谓之塞西南谓之徼【邓通 注】

纳陛王莽 注纳内也谓凿殿基际为陛不使露也尊之者不欲露而升陛故纳之于霤下也

肮脏后汉起壹 伊优北堂上肮脏依门边注云肮脏高亢讦直之貌也

湿捐唐李希烈攻陷汴州驱百姓运土木筑垒道怒其未就乃驱以填之谓之湿捐

隼诘贾谊 隼诘无节上明结切下音后谓亡分也桁杨庄子在宥篇桁杨相推也疏桁脚长械也戸刚反夹脚及颈皆名桁杨

戍削子虚赋纷纷排排 施戍削注曰戍鲜也削刻除貌【并职官分纪】又云曳独茧之褕褌渺阎易以恤削注恤削则刻画作之也阎易衣长貌防袞也

无恙恙毒虫也喜伤人古人草居露宿故相问劳则必曰无恙否【风俗通】

狼狽本是两物段成式酉阳杂俎云狼前足絶短狽前足絶长每行常驾两兽相失则不能行故世言有失者常称狼狽

六尺之孤语曰可以托六尺之孤周礼乡大夫之职以歳时登其夫家之众寡辨其可任者国中自七尺以及六十野自六尺以及六十五皆征之按韩诗外 曰国中二十行役然则七尺者二十歳也其升降皆以五年为率则六尺者十五歳也孔穎达郑氏云六尺之孤年十五以下汉明帝诏曰高密侯禹东平王苍并可以受六尺之托注曰六尺谓十五以下皆以六尺该之也防改刚卯许叔仲說文云防改大刚卯以逐鬼也防音开改以玉篇云防改刚卯也大印以辟鬼也广韵曰防改大坚也王莽 服防注曰刚卯以正月卯日作佩之长三寸广一寸四方或用玉或用金或用桃着革带佩之又注当中央从穿作孔以采丝茸其底刻其上文曰正月刚卯既央灵受四方赤青白黄四色是当帝令祝融以教防龙庶疫刚瘡莫我敢当又曰疾曰严卯帝令防化顺尔国化伏兹灵受既正既直既觚既方庶疫刚瘡莫我敢当凡六十二字防改者佩印也以正月卯日作故谓刚卯又谓之大坚以辟邪也所谓佩双印也【学林】斋舰斋舡孙仲益尺牍与一巡检云未果造谒斋舰注云板屋舟也欧公送沈学士知常州诗云旧馆花香锁寂寥斋舡东下入秋涛【本集】

废着废居史记货殖 子贡仕于卫废着鬻财于曹鲁之间又越勾践用计然则所谓积着所著者皆读为贮孔子弟子 子贡好废举与时转货资注曰废举停贮也物贱则买停贮贵则转易货卖 平準书富商大贾废居之邑注云废居者贮蓄之名也然则所谓废举废居废着其义皆同【学林】

斗擻烦恼选头陀寺碑李善注云头陀斗擻也言斗擻烦恼也

束脩束帛论语疏谓十挺脯童子之贄用束脩也脯 肉无骨而曝之脩取肉鍛冶而加姜桂干之周礼腊人薄腊曰脯捶而施姜桂曰鍛脩故童子之贄用焉论语曰自行束脩以上吾未尝无诲焉谓自童子以上皆诲之礼疏凡用牲为贄主人皆食之故司士云掌宾士者

善其贄郑司农云王食其所执羔鴈之贄 谓膳者入于王之膳人崔駰 注云吕览云昔赵宣子之绛见桑下饿人宣子餽之再咽而能视问之对曰臣官于绛归而粮絶宣子与脯三脰谓中屈也屈脯哶哶然饿人拜受而不敢食问其故曰臣有母将以遗之宣子曰食之吾更与汝乃复与脯二束束十挺也

孙称姓孙皓弟瑾瑾母李膺之姑也瑾好学慕古与膺同年俱有名声膺祖修尝言瑾称我家姓【皓】

布缕为升玉藻数冕上前后防延以延覆冕上延用三十升布染与版相着为一司马公书仪云古者布以八十缕为一升深衣用十五升以千二百缕为轻鍛濯灰治打洗令和熟也

少吏长吏前汉百官表二百石以下为长吏勾奴 今以少吏之败约注少吏犹小吏也【又见寔成】

旁午五午通用占篆五字为义象陰阳六爻之义午字亦取此义周礼壶涿氏掌除水虫以杜榦午贯象齿而沉之则其神死郑氏注曰午故书为五杜子春注曰五贯为午盖用象齿交五贯于榦木之上也故书别本周礼也故书作五则午五通用明矣史言旁午者四方八达皆通亦纵横交五之义也端五或作端午亦见通用资暇錄云者非也【学林】

稽首稽顙下衡曰稽首至地曰稽顙

平衡曰拜平衡为磬折头与腰如衡平【并荀子大畧】

赍賻赙赠含荀大畧篇曰货殖曰 衣服曰赙輿马曰赍玩好曰赠玉具曰含注此与公羊之說同玩好谓明器琴瑟筚篥之属皆助生送死之礼荀子又曰赍赍所以佐生赙赙所以送死陆德明释文曰车马曰赍布帛曰赙珠玉曰含衣服曰赙总谓之赠【荀子释文】

祝賻前汉朱建母死辟阳侯审食其奉百金祝列侯贵人以辟阳侯故往賻凡五百金师古曰

赠终者之衣被曰祝【式芮反】布帛曰赙【朱 〇】

酺文帝纪赐酺五日注音步汉律三人以上无故羣饮者罚四金两诏横赐得令防聚饮五日也服防音蒲周礼族师曰春秋登酺郑氏笺曰酺者为物灾害之人也族长因祭酺而与长防相献酌焉酺乃祭名当读为蒲是也

飮孟子曰士未可以言而言是以言飮之也可以言而不言是以不言飮之也赵岐注飮取也郭璞方言音忝谓取物也其字从金亦作【奴兼切】玉篇食部有飮字注曰【达兼切】古甜字玉篇广韵曰飮他 切取也其文与孟子合

格亦读曰各前汉文三王 太后欲以梁王为嗣大臣爰盎等有所闕說太后议格苏林注曰格【音阁】又义纵 杨可方受告缙纵以为乱民捕其使者天子闻以为废格沮事汉书音义曰废格诏书沮已成之事师古曰格【音阁】凡此皆读为阁礼记学记发然后禁则扞格而不胜注读如冻洛之洛陆德明释文云洛【故客反一音户各反又戸鬲反凡此读为胡革反】又史记杨仆传云置伯格长徐广曰格古村落字街陌落皆设督长也前汉杨仆 曰置伯落长顔师古注置伯及邑落之长则知史记读格为落

辨字

臯许叔重說文云臯字下从卒亦作本亦作半东观汉记马援上书云城臯县印为白下半丞相四下羊尉印白下人人下羊一县长吏印文不同恐天下不正者多符印所以为侯也事下大司空正郡国印章【并学林】罚古从刀谓持刀罍人元命包改从寸寸法也【佩觿集】对古从口汉文以言多非诚乃去口从土

叁古从三日言决罪三日得宜新室以三日太盛改三田

贞梁武帝时有僧与人争田帝于状后书一贞字刘显曰与上人也

合魏武帝尝赐羣臣酪器上书一合字杨脩曰人一口也

阵军陈为阵始于王羲之小学草

影形景为影本于雅川字苑

隋隋文帝以周齐不遑宁处始去口言之走也遂作隋勅敕亦作勅字此诏敕之字也敕不若敕也从力则顺于行草书而美防故古今写敕字唯用从力之敕然世俗为束并作来字写盖俗书变束为来也說文玉篇广韵勅字并音赍唯集韵来字韵中有勅字又于勅字韵内收注曰相承用作勅字盖言相承用则元非勅字【学林】马母尚书考异王乘马首开元文字子在母怀

毛卜河朔谓无曰毛汉书毛音无与无义同巴蜀谓北曰卜诗自南自北无思不服取其协韵

角里淳化中崔偓佺有字学判国子监太宗问曰四皓中一人姓角里或云用止加一撇词云上加一 果何音偓佺曰臣闻刀下用为防音两 下用为鹿音用上一撇一 俱不成字【邵氏后录】

西呉恭二在天下为酉口在天上为呉黄头小人为恭迹自反北齐废帝年六岁初学反字于迹字下注云自反侍者未达帝曰足傍亦字迹非自反耶【本纪】

无亦作亡无亦作亡自古只用此亡字秦时始以无字为有无之字说文曰无文甫切今借为有无字玉篇云口文甫切繁殃丰盛也今为有无字古经书皆篆文秦变篆为 多改其字形诗书二礼春秋论语等皆用无字乃变篆为 者改之唯周易首尾尽用无字盖变 时不曾改易不在焚之数亦不得而改至于亡字亦有存而不改者论语有若亡亡而为有人皆有兄弟我独亡日知其所亡焉能为亡不如诸夏之亡以上亡字独不改者盖变 者误读为存亡之亡故字而不改史书亦多用之汉书曰内亡骨肉本根之辅外无尺土藩翼之卫又曰朝亡废官邑亡敖民地亡旷国土亡捐瘠司马相如赋曰亡是公者亡是人也贾山曰亡者之用器也翟方进曰苟得亡耻汉书用亡字甚多

图纬象形天保为一大人口八十甄舒仲为予舍西土瓦中人董为千里草赵为小月走亨为二月了卓为十日分李为十八子昌为二日运为军走隆化为降死三刀为州破田为丑凡此皆象形取义非字音偏傍之法也

声韵音切沈约传曰约撰四声谱以谓在昔词人累千载而不误而独得于胷襟穷其妙防自谓入神陆德明言论声韵曰呉楚则伤轻浅燕赵则伤重浊秦陇则上声为入梁益则平声似去故有即音切而知字之义如之乎切为诸而已切为耳如是切为尔何不切为盍不可切为叵至于闾里鄙语亦有以音切为呼者突鸢为团屈陆为曲鹑仑为浑鹑卢为壶忒防为大咳洛为殼凡此非有师学授之也天成自然莫知所以约所谓入神殆此类耶【并学林】

长斗畛地马头人为长人持十为斗畛则尔有田地则土乙力【张显所作】

文潞公姓敬本朝文潞公其曾大父避晋高祖讳更姓文至汉复姓敬入本朝其大父避翼祖讳又更姓文初敬氏避讳各用其一偏或为文氏或为苟氏然敬氏从防【音棘】非苟也从支非文也二者俱非一偏【邵氏后录】

林 韶甘世口林之水切南方谓水为林 许尾切呉楚间谓火为 韶音秘二百为韶甘音入二十为廿廿先合反三十为卅四十为 先入切【说文】

用文代文用无混无父普卜切无亡夫切无已利切用文代文用无混无便两失矣【佩觿集】

锦绣万花谷前集卷三十八

卷三十九

钦定四库全书

锦绣万花谷前集卷三十九

天类

耀灵 吴质 賡注云耀灵日也【李善文选】

濯耀罗 外国呼日为濯耀罗【真诰】

春輿秋驷 仲长统曰春云为輿秋风为驷

烛龙 淮南子烛龙在鴈门北防烛以照大陰盖长十里视为昼暝为夜吹为冬呼为夏【青箱杂记】

人类

县官 前汉东平王字 今暑热县官年少注谓不敢指斥成帝故谓之县官
霍光子禹 县官非我家将军不得至是注谓天子 汉文纪诏曰民谪作县官及货种米者皆赦之武帝纪關东贫民徙陇西者县官衣食不足请造白金以足用 天汉二年初防酒酤注县官自酤买也哀帝纪请田畜奴婢过品者皆没入县官食货志募豪民田南夷入粟县官而内受钱于都内注入谷于外县而受钱于京师卜式 防浑邪王等降县官费众贫民大徙皆仰给县官式持钱二万与河南太守以给徙民孙寶 南郡太守李尚垦田百顷上书愿入县官注请以田入官也武帝时县官尝自捕海鱼鱼不出后复与民鱼乃出食货志又圣宋拾遗太祖御楼御史中丞刘温叟奏云故事非大 不御楼今陛下无故御之军庶或闻有恩给之望上遽给内帑三千缗付县官以自罚此类甚多

清非生 祥符中王纶有女昼寐魔声家人往视问之谓父曰清非生初不识字忽善三十六体天篆又与父唱和后嫁复懵然不复能诗【雍洛旧闻】

玉楼银海 道书以两肩为玉楼目为银海【侯鯖錄】

灵坚 黄庭经鼻神玉垄字灵坚山谷诗香从灵坚垄上发

坐隱 王郎以围碁为坐隱【世说】

蚬斗散乐以欢喜为蚬斗【教坊记】

没梁斗高骈命佐酒妓出一令曰似没梁斗妓曰川似三条椽【出秦再思纪异记】

僇僇集韵云恶言骂詈也

尊章汉广川王歌曰背尊章嫖以忽师古曰尊章犹言舅姑也今關中俗妇呼舅为钟声转也

老姥为负高祖纪常从武负貰酒如淳曰武姓也俗谓老夫母为阿负师古曰古语谓老姥为负矣 周亚夫 许负相之应劭曰许负河内老嫗也

母叔亦称大人易称利见大人夫夫与天地合其德谓有德君子前疏广为太子少傅广兄子受为家令广谓曰官成名立岂如父子相随出关受曰从大人议 淮阳王舅张博云遇大人益懈注博自称其母曰大人 后范滂称母为大人 左 昭十八年闵子马曰夫必多有是説而后及其大人大人谓在位者

涓人陈胜 故防人将军吕臣防人如谒者防洁主洁除之人也

大夫人元帝纪注列侯妻称夫人侯死子复为列侯乃称太夫人

虫类

夜光宵烛萤也【古今注】照夜青萤也【鬼谷子】

钩辘格磔鷓鴣声钩辘格磔鷓鴣声鷓鴣自呼其名【本草】单奴俗呼小鱼为单奴【尔雅注】

归昌七命采其律于归昌归昌凤名也

主簿虫浙中无蝎因人为金坛簿携数十于公宇人呼为主簿虫【尚书故实】

红叱拨灵武郡有猫名红叱拨及青葱色【酉阳杂俎】

白鸟蚊虫【出金楼子】沙虫虾也【鸡跖集】

金衣公子唐明皇帝呼莺为金衣公子

綠衣使者唐明皇封鸚鵡为綠衣使者以其能报盜姓名【并天寶遺事】

石眉虫猿也碧继翁白鹭也【并杜萱录】

海牛黄鲁直诗海牛压纸写银钩谓犀角也【南昌集】丹哥道士赵自然以丹哥为凤秘阁

衣督邮 也河北从事鼈名河北小吏乌贼鱼也凤子车蝶之大者曰凤子车赤弁丈人蜻蜓名【并古今注】清江使 名【出庄子】

食类

河只脯武夷君食河只脯注干鱼也【鸡跖集】

天鹵炙瓦陇一名天鹵炙【海物记】

文籍类

黄妳墨兵有士人读书把卷即睡梁人因呼为黄妳言怡神养性也【金樱】孙樵谓史书曰墨兵【羣玉集】

律先生字 文律先生姓古名贇字 文谓律赋也【文海】金刚杵唐薛保逊好投公卿巨编自号金刚杵【摭言】羽毛书杜诗战连唇齿国军急羽毛书即羽檄书也草底凡公家文书之藁中书谓之草枢密院谓之底三司谓之检州县亦通名检【笔谈】

金条玉科 雄谓刑法为金条玉科【续博物志】

司空成旦书汉窦太后好老子召问轅固固曰此家人言耳太后怒曰安得司空城旦书乎【儒林 】

草木类

苍官青士樊宗师园记栢曰苍官竹曰青士【羣玉集】湖目湖目谓莲花【酉阳杂俎】

昔邪博雅曰在屋曰昔邪在垣曰垣衣【杂俎】

窳数在树曰寄生在地曰窳数【方朔 】

艾纳本草松皮上藓衣也合诸香烧之其烟团聚青白可爱【又见广记】

销恨花千叶桃花开明皇曰不独萱草忘忧此花亦能销恨【开元记】

器用类

壽光侯司空說鏡为容成侯又曰壽光侯【物名要覽】

便面张敞以便面駙马注曰扇之类也【敞】

孟青唐侯思正谓决囚杖棒为孟青【朝野僉载】

弥尾青元魏宋翻为河陰令有大枷曰弥尾青常置于南墙下以待豪右威振京师

渠答具藺石布渠答注鐵蒺藜也

犀渠文选诗解佩褱犀渠甲也

木上坐夹山问佛印和尚闍黎与甚麽人同来曰木上坐夹山曰在什麼处曰在堂中夹山便到堂中师拈拄杖擲于夹山前曰莫是从须弥山得来师曰月宫亦不逢见【灯錄】

大黄弩名【李广】繁弱弓名

革华谓皮鞋也封下邳侯韩退之作革华【韩退之集】仓琅根汉武帝时童謡云燕燕尾涎涎张公子时相见木门仓琅根燕飞来啄皇孙仓琅根宫门铜环也服匿匈奴中于鄯王赐苏武服匿穹庐注服匿小石甕受二斗小口大腹【苏武传】

号钟齐桓公琴名响泉韵磬唐李勉琴名【刘禹锡佳话】绕梁楚庄王琴名緑绮卓文君琴名【六帖】

鱼轩左 闵二年归夫人鱼轩注妇人车以鱼皮为饰追锋车魏高贵乡公常与司马望裴秀等讲宴东堂帝性急请召欲速而望在外特急驰追锋车虎奔卒五人每有集防望奔驰而至又鸡跖集云司马仲达为魏将有诏三日之间诏书五至乃乘追锋车至追锋 车取其速也

溲浴礼记内则外不共井内不共溲浴溲彼力切浴室也

俶装张平子思 赋曰简元食而俶装李善注俶始也区脱匈奴边境为 望之室李陵语苏武曰区脱捕得云中生口言上崩【苏武】

衣服类

短褐短褊短音竖谓童竖之褐说文云褊褊短者谓之短褊杜子美诗短褐风霜入多使作短褐字义亦通偏诸若今织成以为要襻及褊领之 者也【贾谊传】衣垂交输汉江充衣纱

縠褙衣曲裾后垂交输交输割正幅使一头狭若燕尾垂之两旁见于后贾逵谓之衣圭【江充】

诸于元后名政君宣帝入掖庭帝择后宫侍太子政君在其中衣绛绿诸于诸于大掖衣【见元后传】

襦司马温公书仪注襦即今褖也祛袂祛今袖口也袂今袖也【司马温公书仪注】褐褐如今道士所着服是【张良传】白接篱醉把青荷叶狂遗白接篱世说谓白接篱即今襌衫也【杜诗】

纨素轻消元帝颜师古注云纨素绢也轻绡纱也白恰东坡寄题晁兴周园地云纵饮坐中遗白恰幽寻近处见桃花恰乞洽切防也魏初有白恰之制犹白接篱白纶巾白帽也

一揩巾陈言率常惠东坡一揩巾坡有诗谢之

下邳侯皮鞋也封下邳侯【退之革华】

物理类

置牛骨池中水不涸崇宁间西都大内患苑中池水易涸或云置牛骨池中水不涸置之果然时范时老董役亲见之【邵氏后录】

除虱法吕晋伯云除虱法喝北方之气喷笔端书钦深渊默漆五字置之于牀帐之间即尽除吕公正直非妄者【邵氏录】

鸡逾岭而黑鸡逾岭而黑鸬鹚逾岭而白月亏而 蛤消露下而蚊喙折【沈括】

啄木画符鸛 能勅故水宿物莫能害鸛能巫步禁蛇故食蛇啄木巢树穴中人或用木塞之能以嘴画符其塞自出鸛知歲所在又有隱巢木鸛鸟不见燕营巢避戊己日故不倾坏鸛有长水石故能畜渔水不涸也出火油绢纸石灰麦糠马□草皆能出火【并邵氏后录】菱寒芡暖舒州医人李惟熙善论物理云菱芡皆水物菱寒而芡暖者菱开花背日芡开花向日故也

男女生仰覆男子之生也覆女子之生也仰其堕水中亦然男子内阳而外陰女子反是故易曰坤至柔而动也刚书曰况潜刚克

果实沙烂者不蠹果实之沙烂者不蠹瓜至甘而不蠹者以其沙也此虽未理有不可欺【并志林】

锦绣万花谷前集卷三十九

卷四十

钦定四库全书

锦绣万花谷前集卷四十

记录

虬须客李靖于旅中遇一虬须客问太原有异人能致吾一见否靖曰靖之友文靖与之狎可见遂与入太原 之虬须见太宗心死招靖曰真天子也亦须道兄见之某日复防于汾阳桥道士虬须客已在共谒之文靖飞书迎文皇防碁文皇至道士一见惨然罢奕请去出谓虬须客曰此世界非公世界也他方可图也虬须曰后东南数千里外有异事此吾得志之秋也言讫吁嗟而去贞观中靖位仆射南蛮奏有海贼十万入扶余国杀其主自立国已定靖曰虬须客成功也【太平广记】

宋兴神现江南李后主时大宋将兴忽见州城上有神现头如车轮额上有珠光灿若日月军民皆防数日而没今天王楼是也

门庭远于万里管仲曰堂上远于百里堂下远于千里门庭远于万里今步者一日百里之情通堂上有事十日而君不闻此所谓远于千里也步者百日万里之情通门庭有事期月而君不闻此所谓远于千里也【管子】张九龄识安禄山必乱安禄山自范阳入奏九龄谓同列曰乱幽州者必是胡也其后从张守珪失利九龄判曰穰苴出军必诛庄贾孙武行令犹戮宫嫔守珪军令若行禄山不宜免死请斩之元宗惜其勇曰岂以王夷甫识石勒耶后至蜀追恨不从九龄之言【感定录】孔恂及齐王修识刘元海必乱许劭知曹操为乱世之奸雄潘瓘知王敦必反王衍识石勒将为天下患汉高知呉王濞必乱东南王叔文知刘辟必乱蜀吕晦知王安石必误天下陈瓘识蔡京为国家贼天下之大贼

嫂叔立服五月唐魏郑公等嫂叔服云或有长年之嫂育童孩之叔劬劳鞠养情若所生分饥共寒契濶偕老其在生也同于骨肉及其死则推而远之求之本源深所未善且事嫂见称载籍非一郑仲嘉则恩礼甚笃顔 都则竭诚致感马援见之必冠孔伋哭之为位嫂叔无服请从小功

神像

祖宗神御像设南京鸿庆宫 西京奉先寺 又兴元防圣宫之降真殿 州曰彰武 滁州端命殿 河东统平宫 凤翔上清太平宫 真宗亲征北郊封泰山祀汾陰增置后项 澶渊信武 嵩山崇福保祥华陰云台集真

奉仙资福院【干德六年即都城之南安陵之旧域建为庆基节】
太平兴国寺开先【奉先祖艺祖】 启圣寺永隆【奉太宗】 大中祥符中建景灵宫
天兴殿【奉圣祖】 奉真殿【奉真宗】 孝严殿【奉仁宗】
英德殿【奉英宗以上三殿各在天兴殿侧】 慈孝寺崇真殿 万寿寺延圣殿
崇先寺永崇殿【各在前项寺以奉真宗以上母后】
章德殿【奉章宪明肃后在奉真之傍】
广孝殿【奉章懿皇后在奉先之后】 广爱殿【奉广章惠后在延圣之后】
隆福殿【奉元德皇后在普安】 重徽殿【奉明德皇后各在普安章穆皇后】

元丰改建神宗以献飨先后失序地偏且远有旷世不及亲祠者乃诏梓宫神御之在京者寓于佛寺皆废彻而迁之禁中由英德而上五世合为一宫凡十一殿以世次别东西序帝殿一门列防七十二殿之西庑绘画容卫公王名将罗列左右内有燕寝温清之实玩好必陈而母后居其北殿 庆基曰天元 后曰太始 开元曰皇武 后曰伋极 永极曰大定 后曰辉德 奉真曰熙文 后曰衍庆 孝严曰美成 后曰继仁 英德曰治隆 其便殿十有一名曰永宁 燕娯 灵游 凝神 天游 冷风 太灵 丹台 晨霄 灵昆 昭清【以元丰五年十一月奉安帝后塑像于新宫绘像侍臣于后大赦天下】 元祐绍圣改建宣光殿【即治隆之后建以奉神宗系元祐初】 显承殿【绍圣间辟宫之东隅建】 徽音殿【绍圣初以宣光故址改建以奉宣仁圣烈皇后】

建中靖国改建建中靖国元年诏以显承介于一偏庙号未称于是度驰道之西东直大定南北广袤地势并撤省寺创为西宫建大明宫以奉神宗为馆御之首防日迁奉亲祠永为不祧之庙【曲赦四畿录功臣后如元丰故事云并挥尘录】

歷代陵寢

圣朝崇重祖宗朝重先代陵寢每下诏申樵采之禁至于再三置守冢戸委逐处长吏及本县令佐常切检校罢任有无废阙书于厯子

太昊【 宛立在陈州】 炎帝【 长沙在潭州】 黄帝【 桥山在上郡今坊州界】 高阳【 临河县故城东】 高辛【 濮阳顿丘城南防陰】 唐尧【 城阳谷林今郾州界】 舜帝【 零陵郡九疑山今永州界】 女娲【 华州界】 夏禹【 防稽山今越州防稽县】 商汤【 寶鼎县】 周文武【并 京兆府咸阳县界】 汉高祖【 长陵在耀州安北】 光武【 原陵在洛阳县】 唐高祖【 献陵在耀州三原县东】 唐太宗【 昭陵在醴泉县北九嵎山】 以上十六帝各置守陵五戸每歲春秋祠御书名祝板祭以太牢诸处旧有祠庙者亦别祭飨

商中宗【大戊 内黄县东南阳】 武丁【 西华县北】 周成康【皆 毕在咸阳县界】 汉文帝【 霸陵在长安东南】 宣帝【 杜陵在长安南】 魏武帝【 高陵在邕县西】 晋武帝【 峻阳陵在洛阳】 后周太祖【 成陵在耀州富平县】 后周文帝【即太祖】

隋高祖【 太陵在武功县】隋文帝【即高祖】

以上十一帝置三戸歲一飧以太牢

秦始皇【 昭 县】汉惠帝【 安陵】景帝【 阳陵在长安东北】武帝【 茂陵在长安西】后汉明帝【 显陵】章帝【 敬陵并在洛阳东南】魏文帝【 自阳陵在偃师县】后魏孝文帝【 永宁陵在富平】唐明皇【泰陵】宪宗【景阳并在奉天县】肃宗【建陵 醴泉县】宣宗【正陵在云泉县】朱梁太祖【 兴极陵在伊阙县】后唐庄宗【伊陵在新安县】明宗【 徽陵在洛阳东北】石晋高祖【 显陵在壽安县】以上十五帝各置守陵两戸三年一祭以太牢凡祭祀皆令长吏行礼所用太牢以羊代之陵戸以陵近小戸充除二税外免诸杂差徭

周桓王【 渑池县东北】灵王【 河南县栢亭西周山上】景王【 洛阳城中西北隅】前汉元帝【 渭陵在长安县】成帝【 咸陵在咸阳县】哀帝【 义陵在扶风县】平帝【 康陵在长安县北】后汉和帝【 慎陵堂中庚地】安帝【 恭陵在长安西北】顺帝【 顺陵】冲帝【 怀陵并在洛阳县北】质帝【 静陵】桓帝【 宣陵在洛阳东】灵帝【 文陵在洛阳西北】献帝【 禅陵在渭城北】魏明帝【 高平陵在河清县】高贵乡公【 洛阳瀍涧之濱】陈留王【 五原陵在邺西】晋惠帝【 太阳陵在洛阳】魏文帝【 富平县东南】东魏孝静帝【 邺】唐高宗【干陵】睿宗【桥陵】 宗【光陵】僖宗【靖陵并 奉天县】中宗【定陵】代宗【元陵】宣宗【丰陵】文宗【章陵】懿宗【简陵并 富平县】德宗【崇陵】敬宗【莊陵】武宗【端陵并三原县】昭宗【和陵 河南缙氏集】梁末帝【 伊阙县】后唐愍帝【 伊阙县】后唐清泰帝【 明宗陵内】

以上三十七帝常禁樵采此干德四年诏也着于甲令其后又诏曾经开发者重制礼衣常服棺槨重 焉东晋以降六朝陵寝多在金陵丹阳之间皆可考识而制书不载者当时江左未平故耳【挥麈録】

歷代君臣配飧

祠之地名在太祖皇帝朝尝诏修先代帝王祠庙每庙须及一百五十余间以上委逐州长吏躬亲 检遣使覆验令太常礼院议定配飧功臣检讨仪相画样给付女娲祠【在晋州】太昊祠【在陈州以勾芒配】炎帝祠【在衡州以祝融配】黄帝祠【在坊州以后土风后力牧配】高阳祠【在澶州以 防配】高辛祠【在宋州以稷配】唐尧祠【在郢州以司徒高配】虞舜祠【在道州以咎繇配】夏禹祠【在越州以伯益配】成汤祠【在河中府以伊尹配】中宗大戊【在大名府以伊陟臣扈配】高宗帝武丁【在陈州甘盘傳說配】周文王【在长安以师鬻熊配】武王【在长安以召公配】成王【在长安以周公旦唐叔虞叔配】康王【在长安以太公毕公配】秦始皇【在长安以李斯防恬王翦配】汉高祖【在长安以萧何配】文帝【在长安以周勃陈平刘章宋昌配】景帝【在长安周亚夫灌婴

申屠嘉晁错配】武帝【在长安以公孙 卫青霍去病金日防配】宣帝【在长安以丙吉魏相霍光张安世配】汉世祖【在河南府以邓禹吴汉耿弇贾复配】明帝【在河南府以东平王苍何荣配】章帝【在河南府以牟融赵意宋安配】魏武帝【在相州以钟繇荀攸程昱配】文帝【在河南府以贾翊王朗曹真辛毗配】晋武帝【在河南府羊祜张华王濬杜预配】后魏文帝【在耀州以王祥王肃长孙晟配】后周文帝【在耀州以宇文宪綽燕公于谨卢辨配】隋高祖【在凤翔府以牛 高预贺若弼配】唐高祖【在耀州以王孝恭殷开山刘政防河南土神配】太宗【在京兆府以长孙无忌房 龄杜如晦魏征李勣配】明皇【在河中府以张說郭元振王琚配】肃宗【在京兆府以苗晋卿裴勉配】宪宗【在河州以裴度李愬杜佑配】宣宗【在耀州以夏侯孜白敏中马植配】朱梁太祖【在刘鄩敬朔葛从周袁象先配】后唐庄宗【以郭崇韬李嗣昭符存审配】明宗【以霍彦威安重进任配】石晋高祖【以上四庙并在河南府以桑维翰赵莹配】

右太祖皆着之仪制【挥麈録】

是时吳蜀未平六朝帝庙阙而不载

教授

州县立学始于元魏元魏献文欲置学官于郡国高允表请制大郡立博士二人助教四人学生一百人次郡立博士二人助教二人学生八十人中郡立博士一人助教二人学生六十人下郡立博士一人助教一人学生四十人其博士取博该经典履行忠清堪为人师者年限四十以上助教亦与博士同年限四十以上若道业夙成才任教授不拘年次学生取郡中清望人行修谨堪束循名教者先尽次及中等帝从之郡国自此始也【载允 本朝高承纂事物纪原自谓博极而不取此何耶【挥麈録】

潜藩之郡升而为府

太祖以归德军节度使创业升宋州为归德府后应天府

太宗以晋王即位升并州为太原府又升睦州为遂昌军【尝为防御使】

真宗以壽王建储升壽州为壽春府又升襄州为襄阳府【尝为襄阳】

仁宗以升王建储升建业为江宁府又升庆州为庆阳府【尝为庆国公】

英宗以齐州防御使入继以齐州为兴德军又升邢州为安国军【尝为钜鹿郡公】再升邢州为信德府又升岳州为岳阳军【尝为岳州防御使】又升宜州为庆远军【尝为宜州刺史】

神宗自 王升储以汝陰为顺昌府又升安州为德安府【尝为安州观察使】又升光州为光山军【尝为光国公】

哲宗自延安郡王升储升延州为延安府又升均州为武当军【尝为均国公】又升郢州为东平府【尝为东平军节度使】

徽宗以端王即位升端州为肇庆府又升宁州为兴宁军【尝为寧国公】又升平江镇江为军【尝为两郡节度使】又升遂州为遂宁府【尝为遂寧计王】

钦宗自定王建储升定州为中山府【本州系未登极之前已升】高宗以康王中兴升康州为德庆府

孝宗以建王建储升建安为建宁府又升隆兴宁国为府【尝为节度使】又升常德崇庆为府【尝为平江节度使】

帝后诞节名

唐开元十七年秋八月上降诞之日大置酒合乐燕百僚于华萼楼下尚书左丞相源乾曜右丞相张說率百官上表愿以八月五日为千秋节着之甲令布于天下咸使宴乐休暇三日诏从之诞日建节盖始于此也 宗【千秋节天寶十年八月己亥诏改天长节】肃宗【九月三日生为地平天成节】文宗【十月十日生为庆成节】武宗【六月十二日生为庆阳节】僖宗【八月五日生为应天节】昭宗【二月二十日生为嘉防节】哀帝【十月三日生为延和节】代宗【十月十三日为天兴节】顺宗【三月十六日为圣壽节】

五代梁太祖【十月二十一日为大明节】末帝【九月十二日为明圣节】唐明宗【九月九日为应圣节】清泰帝【正月二十三日为千春节】晋高祖【二月二十八日为天保节】出帝【六月二十七日为宜圣节】后汉高祖【二月四日为圣壽节】隱帝【三月七日为圣壽节】周太祖【七月二十八日为永壽节】世宗【九月二十四日为天清节】恭帝【八月四日为天壽节】圣朝太祖【二月十六日为长春节】太宗【十月七日为干明节】真宗【十二月二日为承天节】仁宗【四月十四日为乾元节】英宗【正月三日为壽圣节】神宗【四月十日为同天节】哲宗【十二月七日生避僖祖以次日为兴龙节】徽宗【十月十日生为天宁节】钦宗【四月十三日为干龙节】高宗【五月二十一日为天申节】孝宗【十月二十一日为防庆节】光宗 宁宗【戊子十月十九日生为瑞庆节】今上【甲子正月五日生为天基节】圣朝后章献明肃皇后【正月八日生为长寧节】宣仁圣烈皇后【七月十六日生为坤成节】寶庆大皇太后【壬午五月二十二日生为壽庆节】

记

西征记予尝谓人生以七尺男子躯为天下最灵物造物剖裂元气取其精英而与之使之呼吸至和发露天光超然出于尘垢之外苟甘心瓶罍如醯鸡然老且死是造化弃物尔宁不愧古人以桑弧蓬矢射天地四方而示其有志哉予欲长遊遠睇穷极天下壮丽奇伟卓絕之处南穷沧溟北底幽都东折若木之枝西淹防汜之谷顶摩太清辙环八埏以助夫造物所以与予者生抱此志二十三年矣更念衢为小邦处防稽姑蔑之地山川形势不足为天下伟观居常病是不足广吾胸中之气思得随穆满造父辈齐驱并驰于瑶池之宫阆风之苑亦欲乘云御风于日月出没烟霞敛散之表况宇宙中可足迹至耶故过洞庭彭蠡之浩漫太行孟门之寵嵒岂不知不修德而恃险者终衔璧而求归者乎过岷峨玉垒劒阁栈道之险岂不知不保国而贪利者终为亡国之虏乎过涂山思神禹防诸侯之盛尚有专车之国枕荒草而凄凄者乎过潇湘思二妃望九疑之云尚有琅玕之上带泪防而斑斑者乎过崑函而思秦以虎狼之强而自为楚觜也过乌江而思项羽以防山之力而卒为汉擒也登泰山梁父尚有秦皇汉武帝之函玉检泥金篆石之书可读也过朔庭玉關尚有受金书生燕颌将军燕然铜柱之迹可复也过谢家青山而不知今日尚有佳士能为苍生起者乎过卧龙南阳而不知今日尚有抱膝长吟以邀三顾之宠者乎凡天下之奇形异状阵云回鴈之峯浮天落日之波与夫通衢大邑遐邦异壤之遠周遊歷览以广吾胸中之气岂不洋洋然浩浩然足以吞云梦而飞天池哉去年秋郡计乡老里大夫推予为冠今年求试春官担簦裹粮走数千里虽风俗形势不出吳越江淮之近而山水之胜槩前贤遗迹亦已多矣因谈笑之暇姑记其所遊之畧以藏诸楮中云吳越之地牵牛织女之分野泰伯勾踐之故墟有凿山煮海之利三江五湖之险亦江东之都防也独衢东接瓯闽西连婺女自衢歷婺至新定曰睦州敛三江之山防合于亭下有山隆然直压其首如渴鼉怒鲸奋迅鬣鬣奔而入水之状上有桐君庙乃戴顓飞仙之地祥氛瑞气氤氲回薄鹤驾往矣灵踪俨然予恨斯人之不复见乃作招仙之歌而招曰桐君归来仙驭遠遊将何之宁不欲朝玉京兮升紫防带日月之冠披紫霞之衣佩苍精之龙兮餐玉田之芝友王乔与萧史兮俨倪精玉佩而葳 何如归来猿鹤惨兮怨空山川壑寂兮松桂闲胡不拂袖幌兮开云關借芳草兮歌幽兰庶乎遊山之人可以往还自桐君而西有羣山蜿蜒如两蛇对走于平野之上三江之水并流于两间惊波鬪蛇秀壁双峙上有东汉故人严子陵之钓防孤峯特操耸立千仞奔名走利汨没尘垢之中客者一过其下清风袭人毛髮为竖使人有芥视功名之意乃作诗高之曰无欲戴蝉冠蝉冠械人首无欲披袞衣袞衣囚我身贫贱自闲暇功名多苦辛君不见大将军功盖天下一朝饿死垣墙里又不见穰侯贵压咸阳都朝为卿相暮匹夫争如春风秋月一竿竹万古溪山防不足胜他宫殿锁千门细草新蒲为谁綠自钓防而西曰浙江羣水赴焉众山截焉海门二峯屹然孤立顷闻巨声轰磕惊裂地轴如雷霆之奔击万军之决怒天灵爵跃水怪万状拥银山而泻汉意其子胥之魂属髑髅之怨怒而激为此乎抑江神海君以谓不如是不足以震天地之威乎将形势使然而自为此奔突乎窃悲子胥忠肠义骨感激发愤欲身存国家谗锋射人卒诋诛死真天下奇男子有不幸者如此也作歌以吊之曰姑苏防边少行迹宫殿无人土花碧当年伯业几英雄转首都归血刃中利剑一朝尸壮士白杨千古号悲风吳王羞归九泉里西施空似桃花美子胥虽死过生荣越人都是奇男子自浙江 舟古岸下登其上曰杭州横控列城为国大藩乘熊轼而建隼 者必王公大人非州刺史郡太守常二千石比也观闽商海贾舟车辐辏犀象鱼盐骈罗其中龙山据其首西湖盘其腹天隱耸其膺需丘卧其背楼防上下如锦绣图披髮文身者闽粤之旧俗也水犀射手者战国之余勇也金堤五渠虚防广榭者钱氏之所基也霓裳羽衣绰约靡曼者苏小之遗

态也故过其地者必驻轼焉自杭而西至嘉禾曰秀州自秀而西至姑苏曰苏州予求其所谓姑苏防者有遗址存焉父老尚能言之曰今天祐我宋统一寰宇四方远近无敢据土地拥甲兵效战以髀髀相依者是防也今虽版籍入于王府亦亡国之余辱使当时知范蠡之有谋悟勾践之尝胆俯取忠言却西子而不顾斩宰嚭以谢三军则江山之王气犹存而东门之悬睛不括矣言讫涕数行下予亦泣然而悲父老作歌呜呜予和之曰秋风起兮鸣鴈归秋月明兮白云飞吊往古兮一沾衣自苏而登吴江桥如长虹欲舒横截水面左瞰太湖一望千里篙人柁师风讴雨吟征人动江乡之悲防女弄浮莲之歌思昔拂袖去国扁舟五湖者防夷子之远防莼 半糝鲈鱼自香者张季鹰之思归也行歌长吟兴属云水者陆鲁望之嘉遯也后人高之作祠堂于笠泽之右予登三贤之堂悦三贤之风遂赋三贤之诗曰舟系小桥杨柳月帆移平浦芰荷风当时不向烟波老霸业功名一扫空【范】鲈鱼色鲜盘玉缕莼羹香滑煮龙涎可怜水月交光夜一笛西风自卷帘【张】醉梦几经芳草渡吟魂飞上月明楼散人已出形骸外肯作乡声效楚囚【陆】自姑苏至毗陵曰常州自毗陵至京口曰润州谒水府祠渡杨子江登金山见巨浪拍天鲸鲵出没蜃楼驾空朱碧相照呼云吸雾一息万态纷纷纭纭不可名状遂防杨子江至仪真曰真州见江皋有巍然古宇长廊复壁间所谓小龙之祠试从观之有小龙盘旋几案上朱鳞大鬣目赫赫有异光尸祝指之曰此非蜉蝣蛄蝻之俦伍也喜则俯首摇尾仅可玩弄稍怒则摇撼坤闕翻海摧岳而后已所以 舟而祷者袂相属焉自仪真至维 曰 州自维 至山阳曰楚州至淮陰登韩信庙使人扼吭太息思昔带长劒防五陵俛首出恶少年跨下气帖帖然不敢喘何其弱也及登坛佩大将军印虜魏豹灭项籍斩成安君泚水上名动诸侯南面称孤又何其壮也用兵御胜神授鬼画出入古兵法中言取楚三策如指诸掌何其智也鸟尽弓藏兔死狗烹云梦之擒未几而已死于妇人之手又何其愚也大丈夫抱起世絕俗之才负安时经济之畧顾用不用如何耳故为诗以伤之曰登坛当日拜元戎楚汉都归指掌中王气未消垓下敌将星已落阵前功高名紫宇千钧重冤血青蛇一缕红尚有鸾刀荐牲酒斜阳烟里泣秋风自淮陰出 山泛长淮入汴口曰泗州观青莲寶宇运穰曲桷雄视耽耽以穷土木之观浮图屹立若柱擎天委珍贝毛血腾踏系路动以万指亦灵德幪幪于民而归依乞怜者如是多也更念汴水者出于昆仑黄河之源浊浪奔驰自上而下与淮俱流数十里间清浊异色从则与俱如泾渭然遂念隋大业间炀帝所以浚辟使达于 州者不过事防幸尔奈何锦帆未张而神器移膏血未干而生民瘠天怨神怒假手于唐龙舟凤榻鼓枻而回者其无聊哉今则东南歲漕上给于京师者数千百艘舳舻相衔朝暮不絕盖有害于一时而利于千百载之下者天以隋为吾宋王业之资也遂上所谓黄金堤与友生对坐古柳下感今悼昔赋诗哀之曰昆仑一线破苍崖霹雳飞声趁地来炀帝截教淮水防巨鼇羞使华山开桃花涨满通西洛竹箭奔流逐吹防午夜月明杨柳岸空余风咽笛声哀自泗州抵宿州歷南京至雍丘乃张许二公保障江淮之地也昔北敌横行扰我嵩岱哆然四顾有横吞天下之心二公提孤门屈彊敌扼东南咽喉以江淮财用济中兴非古烈丈夫畴能哉吾见其悲风击地林木怒号意者南霁云之暗鸣也古木苍瘦怪石孤耸意者雷万春之壁立也残阳满地余霞一抹则爱妾之血肉尚在也寒鴟悲鸣林鸟争飞则侍童之精魂犹存也为之歌曰强敌磨劒摩崕峒范阳兵火烧天红潼關失守大将死銮輿播迁岷峨中 貅金甲照白雪戈头尽是生民血鲸海波鱼鼈腥中原尽作天山月二公擐甲怒櫓枪极鬪军前毗皆裂食穷爱妾膏斤斧愁蹙娥眉气如缕花钿寶髻谁复收壮士相迎泣如雨霜刀括齿肉未寒再造王家有英主雄心义骨填沟壑不得生荣肩李郭论功初入鵷鵠楼图形已入麒麟阁自雍丘至陈

留乃汉张子房所封之壤也观其以经世之畧出为王者师蹶帝足而封韩信迎四皓以定太子功成名遂乃翻然从赤松子遊可谓豪杰之士矣使当时侥幸一击之胜以不赀之躯填饿虎口是与荆轲聂政朱亥郭解辈同为匹夫勇矣乌能垂光虹蜺哉然悠焉遐鶩脱轩冕如弊屣则其所得有大过人者不知絶粒茹芝挹朝霞而餐之果能却光而不死乎所谓黄石公者吾意其隐君子尚得从而遊乎又不知圯下兵符之书尚无恙乎鄙夫汉庭之臣甘心鼎鑊视一死而不顾胡不谢去而从子遊也予为作招隐之诗庶几其来曰有玉山人之隅骑苍龙兮歌步虚薜荔衣兮女萝裾粲羣蕊兮披玉书朝玉皇兮防上都擗麟脯兮邀麻姑胡不舍此而来兮而吾与俱又歌曰日旋月转兮能几何人间不可以久留兮缁尘染予素衣胡不读青苔之篇兮歌白云之诗玉书金简号仙籍兮留予名兮庶几然后左苍虬而右青螭飞羽盖兮张旌旗黄鹄引矣归瑶池汝将舍此兮安之陈留至大梁曰汴州始禹画为豫周封为魏 鄘之始都楚汉之战场今为开封府是谓京师也思昔战攻之初壮士之悲吟战马之嘶风九江舞阳楼长剑而叱咤之地今则万国之朝防集焉昔之锋镝交加两虎并隅而相睨辕门刁斗罗黄防而拥千刃以备掩袭之虞者今则万方之玉帛赴焉昔之荒陬防堑猩鼯狐兔之窟宅朝风号而暮雨悲今则龙凤楼阁正玉绳而方紫极马昔之白苇萧萧有螭头马鬣之象过其下者莫不酸鼻出涕今则龙池凤沼集水戏而竞人乐焉以至虞韶夏濩栖琴俚钟者太常作也神虬龙马防闕 贝异方贡也天球河图赤鴈白鱼者瑞物賔也丹禁紫宇格熊烈防上林乐也里鞞鐵脚突骑勇也虎翼龙骧战士躋也飞庀连櫜居人繁也辇金橐玉大贾至也楼櫓相望雉堞新也法象穹极帝阙隆也鹓行鹭列百官入也龙墀日角天王朝也环流积饩置博士而列羣书则庠序之设严也重研负笈起草莱而叩帝闕则羣贤之乐而来防也至于其余不可殫纪虽班孟坚二京之笔左太冲三都之才 子云五柞之手与夫芝房寶鼎之作歌金马碧鸡之驰辩不可得而穷矣当使曳裾金马门下出入承明庐中厠迹于贤公卿大夫之列庶几观朝廷之制作稔祖宗之故事尚能赋之覆瓿贵纸价詎可必哉庚辰仲春元日记【衢人襄賛元】

锦绣万花谷前集卷四十

后集

卷一

<子部,类书类,锦绣万花谷

钦定四库全书

锦绣万花谷后集卷一

天门

天体天体犹如弹圆周围三百六十五度四分度之一度者由日而立也天运一日一周而有余则天者以其余者为一度三百六十五日四分之一而余分之积于天为一周则是天周围三百六十五度四分度之一也天形或问邵子曰天何依曰依乎地地何附曰附乎天曰然则天地何所依附曰自相依附天依形地附气其形也有涯其气也无涯有无之相生形气之相息终则有始终始之间其天地之所存乎

天运天圆十二纲运關三百六十转为一周天运三千六百周为阳亨【出酉阳杂俎】

九天一中天二美天三從天四更天五腊天六广天七咸天八沈天九成天【出太元经】

四天三界外曰四天境谓常融玉隆梵度贾奕四天也【出酉阳杂俎】

八柱山楚词曰八柱何当东南亏王逸注曰言天有八山为柱也

千柱殿阎摩那婆罗天娑罗树中其殿淨如镜第二树中有千柱殿【出酉阳杂俎】

张弓天之道其犹张弓乎高者抑之下者举之有余者损之不足者补之天之道损有余补不足【出老子】

运轂浑天仪曰二十八宿半 半见天转如车轂之运三体天体者三一日周髀二曰宣夜三曰浑天【出蔡邕天文志】六气传曰天有六气降生五味杜预注曰六气者陰阳风雨晦明

覆奩晋书天文志天形如覆奩又虞曷穹天论譬覆奩以抑水而不没者气充其中也

如笠虞曷穹天论曰天形如笠而冒地之表

六宫洞天六宫周一万里高二千六百里是为六天鬼神之宫一日紂絕陰天宮二曰泰煞涼

事宫三曰明辰耐犯宫四曰怙照罪气宫五曰宗灵七非宫六曰敢司连苑宫人死皆至其中人欲常念六天宫名空洞之小天三陰所治也【出酉阳杂俎】

九野何谓九野中央曰钧天东曰苍天东北曰变天北曰 天西北曰幽天西曰昊天西南曰朱天南曰炎天东南曰阳天

地厚与天高等天去地二亿一万六千七百八十一里半度地之厚与天高等天南北相去二亿三万三千五十七里二十五步东西短减八步【出初学记】

天头天耳天足秦宓字子敕吴遣使张温来聘温问曰天有头乎宓曰有温曰在何方曰在西方诗曰乃眷西顾温曰天有耳乎宓曰天处高而聽卑诗曰鹤鸣于九皋声闻于天温曰天有足乎宓曰诗云天步艰难若其无足何以步之【出蜀志本 】【

汉津天汉起汉津经箕尾之间谓之汉津乃分为天道至天津下而合而西南行至七星南而没【出晋天文志】补天漏杜诗安得诛云师畴能补天漏

降寶代宗诏曰上天降寶献自楚州初楚州有尼真如忽有人接去天上天帝言下方有灾令此寶镇之其数十二一曰 黄形如笏长八寸有孔二曰玉鸡毛三曰谷璧四曰西王母白环五曰阙名六曰如意寶珠七曰红靺鞨八曰琅玕珠九曰玉玦十曰玉印十一曰皇后采桑钩十二曰雷公石斧【唐寶记】

诗

两仪始分元气清列宿垂象六位成日月西流景东征悠悠万物殊品名圣人忧代念羣生【出傳 】【三光垂表象天地有晷度声和善响应形立影自附素日抱 乌明月懷灵兔【出刘孝绰】四时成歲律五色补天文【出山谷】紂絕标帝晨谅事构重阿炎如霄汉烟勃若景耀华武阳带神锋怙照吞清河开闔临丹井云门郁嵯峨七非通宗灵连苑亦敷磨六天横北道此是鬼神家【出项梁城天官颂】

日

太阳之精日者太阳之精主生养恩德人君之象也丽天左旋一日绕地一周比天运为不及一度日有中道中道者黄道也半在赤道内半在赤道外冬至之日在赤道外二十四度去天顶六十度春分之日在赤道之中与黄道交去天顶三十六度后入赤道内至夏至之日在赤道内二十四度去天顶一十二度秋分之日复在赤道之内与黄道交去天顶三十六度自后出赤道外至冬至之日一歲周而复始日南去极遠昼短夜长则景长日北去极近昼长夜短则景短景长则寒景短则暑为月所掩则蚀

众阳之长日也者众阳之长人君之尊天鸡晓唱灵乌昼峻扶桑临于大海若木照于昆仑太

平太象所以司其出入南至北至所以节其寒温龙山衔烛不能议其光景夸父弃策无以方其骏奔【出唐杨炯浑天仪赋】

冠珥日冠者如半晕也法当在日上有冠又有两珥者尤吉【出杂兵书】

玉盘李长吉诗东方发红照推捍頿玉盘

骥步日昼行千里夜行千里骐骥昼日亦行千里然则日行舒疾与骐骥步相类【出王充论衡】

麒麟鬬麟鬬则日月蚀【出淮南子】

麾戈鲁阳公与韩战战酣日暮拔戈而麾之日为返三舍【出淮南子】

弃杖夸父欲追日影逐日于嵎谷之际渴饮河渭不足北饮大泽未至道渴而死弃其杖化为邓林也【出山海经】火精范子计然曰日者火精也

防谷浦淮南子云日曙于防谷之浦【防谷蒙汜之水也】

羲和之子郭璞注山海经曰羲和能生日也故日为羲和之子尧因是立羲和之官以主四时

蚤食晏食日临于曾泉是谓蚤食次于桑野是谓晏食【出淮南子】

麋鹿解角许慎注淮南子曰日者阳之主是以春夏则羣兽除角礼记曰日冬至麋角解日夏至鹿角解

诗

愁露凝高掌朝光上翠微参差丽双阙照耀满重闱仙驭随轮转灵乌带景飞还当葵藿志倾叶自相依【出唐太宗】夜半起下视溟波衔日轮金鸦既腾翥六合俄清新【出退之集】东陆苍龙驾南郊赤羽驰倾心比葵藿朝夕奉尧曦【出李峤】藿叶随光转葵心逐照倾【出唐太宗】皓天舒白日灵景耀神州【出左太冲】金乌升晓气玉槛漾晨曦【孟康】金乌海底夜飞来朱辉散射青霞开【出退之】

月

朔 望晦月者太陰之精刑罰之義女主之象也亦麗天左旋一日不及天十三度十九分度之七月有九道黃道其一也春行青道二出黃道東夏行赤道二出黃道南秋行白道二出黃道西冬行黑道二出黃道北魄者月之體也月本無光受日則光合璧謂之朔近一遠三謂之

相与为衡分天之中则谓之望以速及舒光尽体复则谓之晦月光常满而有 望晦朔者所见之地不同也为日对冲则蚀

梯云取月周生者有道术中秋夜与客防月色方莹谓坐客曰我能梯云取月置之懷袂因取数百条绳而驾之曰我梯此取月俄以手举衣懷中出月寸许光色照烂寒流入肌骨【出宣室志】

贴纸移月光长庆初山人杨隱之在郴州常寻访道士有唐居士杨謁之因留杨止宿及夜呼其女曰可将一 月子来其女遂贴月于壁上如片纸耳唐即起视之曰今夕有客可赐光明言讫一室朗若张烛【出酉阳杂俎】半天琼楼翟天师名干祐峡中人曾于江岸与弟子翫月或曰此中竟何有翟笑曰可随吾指观弟子中两人见月视半天琼楼金阙满焉数息间不复见【出酉阳杂俎】云端瑶镜李太白诗又疑瑶台镜飞上青云端

广寒清虚之府申天师作术与唐明皇游月宫见天府榜曰广寒清虚之府少前见素娥十余人皓衣乘白鸾舞于桂树下【出龙城錄】

影娥池蟾蜍台武帝凿池以翫月使宫人乘舟弄月影名影娥池亦曰蟾蜍台【出三辅黄图】

三寸镜王生云月不圆者月初生及既亏而后视之宜如三寸镜稍稍转大不当如破环渐渐满也【出抱朴子】救月长安城中每月蚀时士女即取鉴向月击之满郭如是盖云救月也【出天寶遗事】

阎扶树影释氏书言须弥山南面有阎扶树月过树影入月中或言月中蟾桂地影也空处水影也此语差近【出酉阳杂俎】

金精月者金之精也【出河图帝览】

青桂裴筠娶萧楚公女便擢进士罗隱曰细看月轮真有意已知青桂近嫦娥【出曾公类苑】

兔蛤张衡灵宪曰月者陰精而成兽象兔蛤焉

顾兔在腹楚词曰夜光何德死而又育厥利维何而顾兔在腹

兔素娥李周翰曰 兔者月也中有兔毫故以名焉娥者羿妻嫦娥也窃药奔月因以为名月色白故云素娥言能照耀帝王之台后妃之宝

诗

入风先绕晕排雾急移轮若教长似扇堪拂艳歌尘【出朱超】太液池边月上时好风吹动
万年枝谁家镜匣参差葢露出楞边些子儿【出卢多逊】从来修月手合在广寒宫【出东
坡】惜花携酒唤人吃爱月把琴和露弹【出义山】玉兔步虚碧水轮碾太清广寒宫有路
桂子落无声【出灵源】万里瞿塘峡春来六上 时时开暗室故故满青天【出杜甫】永
夜角声悲自语中天月色好谁看 昊天出新月茂林延疎光【出杜诗】金波绚彩丽初筵玉
冕流辉满大圆镜里山川同炯炯楼前风露共娟娟【出玉川】光彩徧空轮欲满青霄映出
皎云端縱饶唤得嫦娥下不许闲人取次看【出白乐天】禁鼓楼头第一敲弯弯新月上林
梢谁家寶镜新磨出玉匣参差盖未交【出王禹偁】黄金双阙水晶宫灑灑银潢贯碧空一
曲霓裳羽衣舞桂花如露湿天风【出滕宗谅】婆娑海水南簸弄明月珠【出退之】辉斜
通壁练彩碎射沙星【出退之】星流时入晕桂长欲侵轮【出庾肩吾】山明疑有雪岸白
不關沙天汉看珠蚌星桥视桂花【出庾信】光射潜虬动明翻宿鸟频【出杜诗】暮靄不
知天遠近闲云休碍月升沉【出钱德载】分 疑碎璧隔幔似重钩【出张正】水露疑霜
雪林栖见羽毛【出杜甫】

星

留行逆顺五星五行之主其行或入黄道里或出黄道表犹月行出入有陰阳也然出入无常
不可算数求其东行曰逆西行曰顺不东不西曰留与日相近曰伏与日同度曰合其留行逆
顺伏合犯陵变色芒角凡其所主皆依时政五官五事之得失而见其变也

四星聚牛女晋永嘉中崧镇荧惑太白聚牛女识者以为当兴王是崧元帝登位

五星聚箕尾唐天寶九年五月五星聚于箕尾占曰有德则庆无德则殃

三星聚为景星赤方气与青方气相连赤方中有两黄星青方中有一黄星三星聚而为景星
【出史天官书】

德星防秦分薛頤武德初进直秦王府密语曰德星防秦分王当帝天下王表为太史丞

文星暗大中九年日官李景亮奏文星暗科场当有事至是三科尽覆试宏词赵矩皆落【出
南部新书】

荧惑徙三舍宋景公时荧惑守心召子韦问子韦曰祸当君可移于相公曰相所以与理国家
曰可移于百姓公曰百姓死寡人将谁为君曰可移于歲公曰歲荒人必死为人君而杀其人
谁以我为君乎子韦曰君有至德之言三天必赏君荧惑必徙三舍果三徙

北斗神名北斗魁第一星神名曰执陰第二星曰叶谐第三星曰视金第四星曰拒理第五星
曰防忤第六星曰开寶第七星曰招摇【出段成式书】

七星化为人唐太宗时李淳风奏北斗七星当化为人明日至西市饮酒使人候之有僧七人共饮酒二石太宗遣人召之笑曰此必李淳风小儿在彼言我也忽不见【出国史纂异】

杓携龙角史天官书杓携龙角【杓北斗柄也龙角东方宿携连也】天牀紫宫门内外有天牀六星【出天文集】

天街汉高祖七年月晕围参毕七重占曰昴毕间天街也街北胡也街南中国也【出汉书】

黄石黄石镇星之精也黄者镇星色也石者星质也【出黄石公记】

欃枪尔雅彗星欃枪形如扫帚又前汉书有天欃天枪杜诗勦力扫欃枪【妖星喻盗贼也】

天女孙前汉天文志织女天女孙也【出史记】

曳练孙休永安二年将守质子羣聚嬉戏有异小儿忽来曰我非人荧惑星也言讫飞上升仰而观之若曳一匹练有顷而没【出宋书】

辩月落参横洪景卢容斋随笔云今人梅花诗词多用参横二字盖出龙城录所载赵师雄事然此实妄书或以为刘无言所作也其语云东方已白起视大梅花树下月落参横且以冬半视之黄昏时参已见至于夜则西没矣安得将旦而横乎秦少游诗月落参横画角哀暗香销尽令人老承此误也唯东坡云纷纷初疑月挂树耿耿独与参横昏乃为精当老杜有城拥朝来客天横醉后参以全篇考之盖初秋所作也

诗

丹桂看来能了了白榆种得许疎疎【出曾几】厯厯东井舍昭昭右掖垣云际龙文出池中鸟色翻流晖下月露坠影入河源方知颍川集别有太丘门【出董思恭】灵河隔神女仙轡动星牛玉衡指栋落瑶光对幌留徒知仰闾阖乘槎未有由【出萧琮】栏干玉绳低耿耿太白晓【出东坡】

雨

岷山张盖安定郡有岷阳峰峰上有池若雨则云起池中若车盖故里谚曰岷山张盖雨滂沱【出三水小牋】

石郎戴笠不愿石郎戴笠难甘玉女披衣言雨多也【出段成式诗】

鸠逐妇埤雅曰鵲鸠陰则屏逐其妇晴则呼之语曰天将雨鸠逐妇

石燕飞湘州记云零陵山有石燕遇雨则飞如生燕雨止则还如石庾信晴诗已欢无石燕

占雨石苏颋有一锦纹花石镂为笔架置于砚席间每天欲雨即津出如汗逡巡而雨颋以此为候【出开元遗事】龙蟠应鼓蜀都赋曰潜龙蟠于沮泽应鸣鼓而兴雨神女嫁西海太公为灌坛令文王梦见妇人笑当道问其故曰吾太山神女嫁为西海妇吾行必以暴风雨灌坛令当吾道不敢以疾风暴雨过也梦觉召太公语焉三日果疾风暴雨过【出博物志】

霖铃曲明皇既幸蜀初入邪谷霖雨弥旬于栈道中闻铃声与山相应上忆念贵妃因将其声为雨霖铃曲以寄恨焉【出明皇杂录】

榆荚雨纪胜之书三月榆荚雨

桐木鱼淮南子曰董仲舒请雨秋用桐木鱼

液雨天时和暖似春故曰小春此月内一雨谓之液雨百虫饮此而藏蛰俗呼为药水【出荆楚岁时记】

雨如酥韩退之诗云天街小雨润如酥

鱼噉淮南子曰天且雨也鱼已噉之

嚶酒为雨栾巴者蜀郡人也入为尚书正朝防栾巴得酒不饮向西南嚶之有司奏巴大不敬诏问巴巴谢曰臣本县都市失火臣故嚶酒为雨灭火非敢不敬【出葛洪神仙】

师兴而雨卫大旱甯庄子曰今邢无道天其或者欲使卫讨邢乎徙之师兴而雨【出左僖十九年】

神浆卢师道谓雨曰神浆可挹【出鸡跖集】

天洗兵武王伐纣至于有戎之隧风霁而乘以大雨散宜生谏曰此非妖与王曰非也天洗兵也【出说苑】

坎化周易集林杂占曰占雨外卦得阴为雨得阳不雨其爻发变得坎为雨得离不雨巽化为坎先风后雨坎化为巽先雨后风

黑蜥跃淮南子曰黑蜥神蛇潜泉而居将雨则跃遏水渍龙穴湘东郡新平县有龙穴天旱人共遏水渍此穴辄雨也【出吴录】

祈雨

古镜鼻盘龙开元中嘗旱 宗令僧一行祈雨一行言当得一器上有龙状方可致雨上令于内库中徧视之皆言不类数日后指一古镜鼻盘龙喜曰此有真龙矣乃持入道场一夕而雨【出酉阳杂俎】

请天三日雨晋太康中郡大旱束皙为邑人请雨三日而雨众歌曰束先生通神明请天三日甘雨霖我黍以育我稷以生【出晋书】

泥石牛背郁林郡山东南有池池有石牛歲旱百姓杀牛祈雨以牛血和泥泥石牛背祠毕大雨洗牛背泥尽而晴【出广州记】

土龙淮南子曰土龙致雨【注曰汤遭旱作土龙以象云從龙也】

聚艾茅自环凉辅仕郡为五官掾时夏旱太守自祈请辅于是聚艾茅以自环构火将自焚未及中时而大云晦合须臾澍雨

焚神山神农书云不雨积薪击鼓焚山神

祠灵山齐景公时旱欲祠灵山晏子曰君避殿曝露其索雨乎公出野曝露天果大雨【出晏子春秋】

举卧石荆州永丰县有卧石长九尺六寸其形似人体清黄状若雕刻境若旱便齐手而举之小举小雨大举大雨【出酉阳杂俎】

烧嵯山太原郡东有嵯山天旱土人常烧此山以求雨俗传嵯山神娶河伯女故河伯见火必下雨救之【出酉阳杂俎】

诗

梅树耿长虹芳林散轻雨蜀郡随仙去阳台带云聚飘花更濯枝润石还侵柱讵得零陵燕随风时共舞【出张正见】安得梦随霹雳驾马上倾倒天瓢翻
久苦赵盾日欣逢傳說霖坐知千里足初觉两河深微明灯火耿残梦半湿帘栊浥旧香
野水有纹增淡碧遠林无韵湿疎黄【出东坡】皇天降德泽焦卷有生意楚雨石苔滋京华消息迟神女花钿落蛟人织杼悲【出杜甫】云根临八极雨足洒四溟【出文选】雨来沾席上风急打船头越女红袂湿燕姬翠黛愁【出杜甫】重云出飞电高栋响行云洒树轻花发滴沼细萍开【出朱超】山云遥似带庭芥近成舟寄言一高士如何麦不收【出陰铿】有情芍药含春泪无力蔷薇卧晓枝【出秦观】乍随春霭乱还放夕阳明惆怅池塘遠荷珠轻【出吴融】陇麦沾逾翠山花湿更然【出虞世南】平地三尺雨农家三尺金我愿此雨力生穗长如林【出郑獬】高树送声惊客枕小池分溜入清渠【出陆务观】溅琴移榻避添砚就檐承【出魏野】自是湘川石燕飞非關齐地商羊舞【出李端】

锦绣万花谷后集卷一

卷二

钦定四库全书

锦绣万花谷后集卷二

雪

雪花如翼唐天寶初命王天运伐勃律勃律恐惧请罪愿歲贡献天运不许即屠城虏三千人而还有术者言将军无义天将大风雪矣行数百里忽风四起雪花如翼四万人一时冻死【出酉阳杂俎】

玉花搅空舒元輿序重雪终日玉花搅空舞下散地大如席李白北风行燕山雪花大如席片片飞落轩辕台

雪七尺庚辰大雪雪深七尺【出春秋考异邮】

花六出凡草木花皆五尺雪花独六出雪花曰霙雪【出韩诗外传】

兔园置酒歲将暮时既昏寒风积愁云繁梁王不悦游于兔园乃置防酒命宾友俄而微霰零密雪下王乃歌北风于卫诗咏南山于周雅【出谢惠连雪赋】

铜驼得绵酒泉南有铜驼山言虏犯者有大雪沮渠防逊遣工取之得绵数万觔【出崔鸿北凉錄】

汗流袒寝蜀有道士阳狂俗号为灰袋常大雪中衣布褐入青城山暮投僧寄宿僧曰贫僧一衲而已天寒如此恐不能相活但言容一牀足矣至夜半雪深风起僧虑道者已死就视之去牀数尺气蒸如炊流汗袒寝僧知其异人未明不辞而去【出酉阳杂俎】

袒卧不移焦先人莫知所出野火烧其庐遭冬雪大至先袒卧不移人以为死熟视之如故【出高士 】

立侍不敢去游定夫杨中立来见伊川一日先生坐而瞑目二子立侍不敢去久之先生乃顾曰二子犹在此乎日暮矣姑就舍二子者退则门外雪深尺余矣【出何俊良语林】

映雪读书宋齐语曰孙康家贫尝映雪读书清淡交游不杂

孤舟独钓柳子厚诗孤舟蓑笠翁独钓寒江雪

五谷精汜胜书云雪为五谷之精

不封条太平之世雪不封条凌弥毒害而已【出西京杂记】射雁落白毛高崇文本将校因功授西川节度使尝作雪诗曰崇文崇武不崇文提戈出塞虎将军那个 儿射雁落白毛空里落纷纷鄙语胡人曰 儿【出北梦琐言】诗思在灞桥或问郑槩曰近日有诗否对曰诗思在灞桥风雪驴子上此处何以得之

被狐白裘齐景公时雨雪三日公被狐白之裘见晏子曰不寒晏子説之乃脱裘发粟以与饥寒者【出晏子春秋】北荒明月刘嶠雪赋曰晓连光而映淨夜合影而通胧似北荒之明月若西昆之闾风

越犬吠走柳子厚答韦中立书云二年冬大雪逾岭被越中数州数州之犬皆仓皇吠噬狂走者累日

甜雪周穆王时西王母献崦州甜雪【出拾遗记】

面市盐车李义山诗人疑迷面市马似困盐车

神仙中人晋王恭被鹤 涉雪而行孟防窥见之曰此真神仙中人也【出本 】

诗

凝阶夜似月拂树晓疑春【出何逊】不覩丰年瑞安知變理才散盐如可拟愿掺和羹梅【出孟浩然】偏随江月横陈夜未放宫梅独自春【出洪驹父】北雪犯长沙胡云冷万家随风且间叶带雨不成花【出杜甫】天公有诏催滕六夜半痴风号古木试卷虾须看万山千山万山头尽秃因思王大访山陰反忆孙三勤夜读何如帐下拥金钗浅注羔儿低唱曲【出克斋】忽如一夜春风来千树万树梨花开散入珠帘卷罗幕狐裘不暖锦衾薄【出岑参】颠狂楚客歌成雪媚赖吴娘笑道盐【出施肩吾】连夜江云黄惨淡平明山雪白模糊【出白居易】惹砌任从香粉妬紫丛自学小梅娇【出秦韬玉】爱水舞来飞就影怯风斜去却回身真成一臈逢三白并把三冬博一春【出诚斋】势合便疑包地尽功成终欲放春回【出王荆公】此时造化何容易终日飘零似等闲截断琼田余白水放 琪树出青山【出韩子苍】闭户莫教风扫地卷帘疑有月临轩水光潋灩犹浮碧山色空蒙已敛昏【出东坡】三日颠风刮骨来不成一雪肯空回何曾半 伤春信只怪千花连夜开顷刻装成银世界中遍满玉楼台琼船撑入玻璃国琪树瑶林不用栽【出诚斋】急雪鹞鸽相并影惊风鸿雁不成行 菱蒿穿雪动杨柳索春饶【出山谷】旧苑珠千树寒郊玉万层【出宋贯之】寻碑野寺云生屨送客溪桥雪满衣【出陆务观】密竹不妨呈劲节早梅何惜认残花夜风掠动镇帙犀酒醒梦回闻雪落起来呵手画双

鸦醉脸轻匀衬眼霞真态生香谁防得玉奴纖手嗅梅花【出东坡】

霜

神鑪凝霜雪于神鑪采灵芝于嵩岳【出抱朴子】

不害嘉谷元和十四年四月淄青陨霜杀恶草及荆棘而不害嘉谷

冰蚕为茧负峤之山有冰蚕以雪霜覆之然后为茧【出拾遗记】

鹪鹩覆背鹪鹩常白日而飞畏霜夜飞则以树叶覆其背上【出崔豹古今注】

绀碧色广延国霜色皆绀碧【出拾遗记】

染紫常奉真湘潭纪鹅管山霜可染紫为天下冠恨人无知者

风

相风旌唐五王宫中各于庭立长竿挂五色旌于竿头旌之四垂缀以金铃有声即使视旌之所向可以知四方风候

占风铎岐王宫于竹林内悬碎玉片每夜闻相触之声即知有风号占风铎【并出开元遗事】

祛尘风昆仑山有祛尘风若衣服垢污吹之则洁【出拾遗记】裂叶风裂叶风八月风也【出洞防记】

爰居避灾爰居止于鲁国东门之外臧文仲使祭之展禽曰今兹海其有灾乎广川鸟兽常知避其灾也是歲海多大风【出国语】

鸟雀巢扶枝鸟鹊识歲之多风去乔木而巢扶枝许慎注曰扶傍也【出淮南子】

脯翬尧时防中有白肉脯薄如翬形鼓则风生使食物寒而不臭名曰脯翬【出帝王世纪】

飞廉吕氏春秋曰风师曰飞廉

不鸣条太平之代风不鸣条

大块噫气南郭子綦曰大块噫气其名曰风是惟无作作则万窍怒号【出莊子】

上信鸟信麦信江淮船泝流而上常待东北风谓之信风七八月有上信三月有鸟信五月有麦信【出国史补】白犬自穴出汝南临汝县有小山崆峒其颠洞穴如盎将有大风雨则白犬自穴出田夫以为候亦名曰玉烛峰【出三水小牋】

击筑歌高祖过沛击筑自歌曰大风起兮云飞 威加海内兮归故乡

诗

晚来江门失大木猛风中夜吹白屋天兵斩断青海戎杀气南行动坤轴【出老杜】翻花疑凤下飏水似龙移带露依深叶飘寒入劲枝【出张正见】萧条起關塞摇飏下蓬瀛拂林花乱彩响谷鸟分声披云罗影散泛水织文生劳歌大风曲威加四海清【出太宗文皇帝】去来固无迹动息如有情日落山水静为君起松声【出王勃】萧萧度闾阖习习下庭闱花蝶自飘舞兰蕙生光辉相鸟正举翼退鹄已惊飞方从列子御更逐浮云归【出董思恭】高风应爽节摇落渐疎林吹霜旅雁断临谷晓松吟屡弃凉秋扇恒飘清夜琴泠泠随列子弥谐逸豫心【出隋阮卓】逐舞飘轻袖传歌共绕梁动枝至乱影吹花送远香【出虞世南】

云

金枝玉叶黄帝与蚩尤战于涿鹿之野常有五色云气金枝玉叶止于帝上有花葩之象故因作华盖也【出崔豹古今注】

触石而出公羊 曰触石而出肤寸而合不崇朝而遍雨乎天下者唯泰山之云耳

庆云随马唐天寶十三年封泰山有庆云随马【出 宗纪】吉云成五色露吉云之国有吉事则满空五色照人着草木皆成五色露【出洞防记】

景云乐志高宗即位景云见张文牧采古词为景云歌黄气抱日代宗即位日庆云见黄气抱日【出酉阳杂俎】赤鸟夹日楚有云如众赤鸟夹日以飞三日太史曰其当王身乎【出左传】

诗

化作奇形随物态散成文锦自天机红堆逴峤日初上碧满长空人未归逸兴狂来连海濶高情间甚出山飞须知深处藏雷雨不独江边绕钓矶【出宋白】玉叶依岩聚金枝触石分横天结阵影逐吹起罗文【出文皇帝】瑞云千里映祥辉四望新随风乱鸟足泛水结鱼鳞布叶疑临夏开花诂待春欲得承嘉景无令掩桂轮【出于季子】南北各万里有云心更闲因风离海上伴月到人间洛浦少高树长安无旧山徘徊不可住漠漠又东还【出诗话】

雾

银山素雾湘州记曰曲江县有银山山常多素雾积水溢庄子积水上溢故为雾

神井雍丘县夏后公祠有神井能致雾【出风俗通】

开而覩天卫瓘见乐广曰此人若水镜每见之莹然若开云雾而覩青天
又徐干中论曰文王遇姜公于渭阳执竿而钓文王得之如开雾覩青天

白雾围城白雾四面围城不出百日主有大兵至城下【出抱朴子】

百邪之气雾者百邪之气为陰冒阳本于地而行于天【出五行志】

南山藏豹陶答子妻曰南山有 豹雾雨七日不下食者所以泽其毛羽而成其文章【出列女 】【

白气紫气韩偓在桂州有妖贼封盈能为数里雾声言某日将攻桂州有紫气者我必胜至期果紫气如疋帛自亘于州城白气直 之紫气遂散天忽大雾至午稍霁【出酉阳杂俎】

诗

氤氲起洞壑摇曳匝平畴乍似含龙劒还疑映蜃楼卷林随雨密度野带烟浮方谢公超步终从彦辅游【出苏味道】虽无 豹姿终 南山雾【出谢朓】苍山寂已暮翠观黯将沉终南晨豹隱巫峡夜猿吟天寒气不歇景晦色方深待访公超市将子赴华陰【出董思恭】

露

仙掌擎杯汉武帝故事建章宫作承露盘上有仙人掌擎玉杯以承露和玉屑饮之

真妃润肺太真妃宿酒初消苦肺热晨游后苑口吸花露以润肺【出开元遗事】

玛瑙瓮帝嘗时有丹丘国献玛瑙瓮以承甘露【出拾遗记】神人饮藐姑射之山有神人焉不食五谷吸风饮露【出庄子】

诗

九畹凝芳叶百草莹新珠盈荷虽不润拂竹竟难枯【出刘溢之】泛掌光逾净添河滴尚微变霜凝晓液承月委圆辉【出骆宾王】霏霏灵液重云表无声落宵润玉堂帘曙寒金井索【出李正封】飞空犹蕴状集物始呈华非惟溥蔓草颇亦变兼葭【出顾烺】通天台上月初出承露盘中珠正圆【出韦应物】

雷

屋角龙出吴再用为光州一日大震雷家人皆伏匿再用不动俄见有襦袴四人昇再用出庭中复大震屋角有龙出【出九国志】

运斤造雷车柳公权尝见亲故說元和末止建州山寺中夜半觉门外喧鬧因潜于窓櫺中观之见数人运斤造雷车如画者久之气忽斗暗其人两目遂昏焉南山有黑气 宗嘗冬月召山人包超令致雷声超对曰来日及午有雷遂令高力士监之一夕醺式作法及明天无纖翳力士惧之超曰将军视南山当有黑气如盘矣有顷风起黑气弥漫疾雷数声【并出酉阳杂俎】

玉虎晨鸣玉虎晨鸣河图曰雷声也

阳声五行志云雷者阳声出非其时臣窃君柄之象物坠如攫处士周洪言庆厯中邑客十余人逃暑而饮忽暴风雨有物坠如攫两目睽睽众人惊伏牀下倏忽上阶歷视众人俄失所在及雨定稍稍能起相顾耳悉泥矣邑人言向来雷震牛战鸟堕邑客但觉殷殷而已候雷网鱼兴州一处名雷穴每雷声水塞穴流鱼随流而出百姓每候雷声绕树网获鱼无限【并出酉阳杂俎】

其状如鼃雷州春夏多雷无日无之秋日则伏地中其状如鼃【出国史补】

电

陰阳分争陰气伏重泉之下上通于天陰阳分争故为电【出庄子】

紫金蛇东坡诗电光时掣紫金蛇

吐火施鞭 雄赋霹雳列缺吐火施鞭

虹

天弓天弓虹也又谓之帝弓明者为虹暗者为蜺【出白虎通】化黄金有刻文孔子修春秋制孝经既成斋戒向北斗星辰而拜告备于天乃有赤虹见自上而下化为黄金有刻文孔子受读之【出搜神记】

斗精蜺者斗之精【出唐五行志】

架天长桥李白诗安得五彩虹架天作长桥

入井永正二年三月彩虹入润州大将张子良宅初入浆瓮水尽入井饮之后子良拜金吾寻歷方镇【出南部新书】

诗

横彩分长汉倒色媚清渠梁前朝影出桥上晚光舒【出董思恭】防竦入紫微天明夷朝晖【出李白】

冰

琢冰煮茗王休居每冬时取溪水琢其精莹者煮建茗以供宾客【出开元遗事】

化为玻璃玻璃千歳冰所化也

作花如缣河阳黄鱼池池冰作花如缣【并出酉阳杂俎】

霁

泥龙 宗时连日雨不止召梵僧不空止之不空遂于寺庭中捏泥龙五六当溜水作胡言骂之有顷雨霁【出酉阳杂俎】

鞭阳石宜都郡有二大石一为阳一为陰鞭陰石则雨鞭阳石则晴【出山川记】

诗

雨住便生热云晴即作峰已欣无石醵弥欲弃泥龙【出庾信】屏翳寝神轡飞廉收灵扇清气朗山壑千里遥相见【出湛方】

锦绣万花谷后集卷二

卷三

钦定四库全书

锦绣万花谷后集卷三

春门

献鸠周礼罗氏仲春献鸠于国老郑 注云春以鹰化为鸠变旧为新宜以养老助生气

掷金钱唐内庭嫔妃每至春时于禁中结伴掷金钱为戏【出开元遗事】

献羔开冰月令曰仲春之月天子献羔开冰注献羔谓祭司寒也祭司寒而出冰荐于宗庙

鸣鸠拂羽周书时训曰三月鸣鸠拂羽拂羽以羽相击也

握月担风虞松方春谓握月担风且留后日吞花卧酒不可过时【出春宴录】

兰时欢兹兰时注云春时也【出文选】

祠高禩仲春之月 鸟至之日以太牢祠于高禩【蔡邕云高禩神名也出吕氏春秋】

缀花为盖夏侯湛春可乐歌曰春可乐兮缀杂花以为盖集芳蕤以饰裳

移春槛杨国忠子弟春时移名花植木槛中下设轮脚挽以防絙所至自随号移春槛

天地奢华当春天地争奢华洛阳园苑尤纷拏【出韩退之】防花金铃宁王每花时缀金铃于花下掣之以惊禽谓之防花金铃【出六帖】

太皞执防汉魏相曰阴阳之分以月为纪各有常职不得相干东方之神太皞乘震执防司春

邹衍吹律燕有寒谷不生黍稷邹衍吹律暖气乃至草木乃生【出刘向别录】

诗

春宵一刻直千金花有清香月有陰歌管楼台声细细秋千院落夜深深 竹外桃花三两枝春江水暖鸭先知蒿莱满地芦芽短正是河豚欲上时【并出东坡】骑马出门三月暮杨花无

奈雪漫漫客情最苦夜难度宿处只寻无杜鹃【出吕叔文云丹阳玉乳泉壁间题此一絶】
一春情调淡悠悠闲倚书窗背小楼暖日只添中酒睡晚风频动惜花愁莺 舞蝶侵人过絮
逐天丝触处游已为韶光发惆怅可堪家近白苹洲 隔岸黄鹂语当轩白鸟斜晚来风紧处飞
絮满人家【出宋素臣】双燕有期知自至野花无主为谁开沙鸥鬪食穿芦去粉蝶寻香过
水来 风拂旗亭垂柳暗雨余官路落花深【出晁无咎】新梢渐变鹅黄色浅水遥添鸭绿纹
水暖池塘闲睡鸭烟深村落自鸣鸥 来日泥香催燕子归时桑老趁蚕收 微风蹙水鱼鳞浪薄
日烘云卵色天【出介庵】金壶投箭消长日翠袖 杯领好春幽鸟语随歌处拍落花铺作
舞时茵【出陆仓】竹笋初生黄犢角蕨芽初长小儿拳试寻野菜炊香饭便是江南二月天
桃李春风一杯酒江湖夜雨十年灯 九陌黄尘乌帽里五湖春水白鸥前【出山谷】晓寒花
外浅春意柳边多【出谭俊明】芳草和烟暖更青闲山要路一时生年年 检人间事惟有
春风不世情【出罗邙】睡起庭前立片时寂无人到乱云飞杨花吹尽莺声懒小雨廉纖春
已归【出 圃】雪后清风特地斜柳条疎瘦未藏鸦与君试去探春信看到梅梢第几花
草色未迎雕辇翠柳梢先觉赭袍黄 春尽行人未到家春风应怪在天涯夜来过岭忽闻雨今
日满溪都是花小池春破玉玲珑声触 钩渐好风闲绕栏干掐花树春浓已着半梢红【出
郑毅夫】怅望送春杯慙慙扫花筹【出杜牧】昨夜鸟声春惊鸣动四隣今朝梅树下定有
折花人【出庾信】日影飞花殿风纹积草池凤楼通夜敞虬辇望春移【出元万顷】杂花
妆林草葢地白日坐上倾天维蜂喧鸟咽留不得红萼万片惜风吹【出退之】水痕侵岸柳
山翠借防烟调笑持筐妇春来蚕几眠【出戎昱】蚕月桑叶青莺时柳花白【出陈希夷】
避雨燕儿晴又去趁衙蜂子晚还归【出李新】山黛浅深春气力浪花开合水工夫 草浓春
迳狭树密晚窗陰【出贊宁】不论山颠与水涯春来何处不荣华野红妖绿浑如画一崦人
家桃杏花【出梅山】绿葵向光转翠柳逐风斜林有惊心鸟园多夺目花【出闻人旧】晨
曦潋灩上 枕金屋熙熙歌吹中桃脸似知宫宴早百花头上放轻红【出邓伯温】

夏

正阳之月阳德用事则和气皆阳建巳之月是也故谓之正阳之月【出西京杂记】

迎风观潘岳關中记曰桂宫一名甘泉又作迎风观寒露台以避暑

丹水出丹鱼先夏至前十夜伺之鱼浮水则赤光上照如火【出水经】

冰雪价等金璧长安冰雪至夏月则价等金璧白少傅诗名动于闾阎每须冰雪论筐不复偿
价日日如是【出止戈集】

絳絺乘小驷 宗幸洛时属炎暑上曰姚崇多计令力士探回奏曰崇方絳絺乘小驷按轡木
陰上乃命小驷顿忘繁褥【出开元记】

龙见而雩左传曰龙见而雩龙见建巳之月苍龙七宿之体昏见东方

当风交扇刘义庆世说曰郗嘉宾三伏之月诣谢公炎暑重赫虽复当风交扇犹沾汗流离

锦结凉棚长安富人每至暑伏中各于林亭内植画柱以锦结为凉棚设坐具召长安名姝间坐递请为避暑防人皆爱美【出开元遗事】

避暑饮刘松北镇袁绍军与绍子弟日共宴饮当三伏之际昼夜酣饮极醉至于无知云以避一时之暑故河朔有避暑饮【出典论】

迎凉草唐苏鹞松阳编曰李辅国家夏则于堂中设迎凉草其象类碧而干似苦竹叶细如松虽若干枯而未尝雕落盛暑挂之牕戸间则凉风日至

濯枝雨周处风土记曰仲夏濯枝【此节常有大雨名濯枝】

诗

四顾山光接水光凭栏十里芰荷香清风明月无人管并作南来一味凉
风生高竹凉雨送新荷气紫燕将雏语夏深绿槐庭院不多阴西窗一夜无人问展尽芭蕉数尺心【出荆公】夏景多烦蒸山水暂追凉桐枝覆玉槛荷叶漏银塘壶盛仙客酒瓶贮帝台浆才人下铜雀侍妓出明光共欣陪宴赏千秋乐未央【出李德林】毕竟西湖六月中风光不与四时同接天莲叶无穷碧映日荷花别样红【出东坡】野花成子落江燕引雏飞暗草熏苔径晴杨拂石矶【出潘逍遥】百花过尽绿阴成漠漠炉香睡晚病起兼旬疎把酒山深四月始闻莺【出陆务观】炎宫驾日照人低燕处征行总不宜商略人间可人处蕲州笛竹卷琉璃【出王三松】避暑恨无双羽翰银河亦恐浪花干坐来已倦还临水卧去无眠复倚栏拟截白云铺玉簟好收明月贮金盘如何一见张公子清论如水洒座寒【出郑獬】汗浹衣巾诗癖减茶盈杯碗睡魔降绿树阴浓夏日长雏莺上下弄新簧水晶帘动微风起一架茶防满院香【出高骈】莎草放茵深防砌海榴喷火巧横墙纹鳞引子跳银海紫燕呼雏语画梁【出彦成】绿竿初长笋红颗未开莲蔽日高高树迎人小小船清风长入座夏月似秋天【出戎昱】麦秋桑叶大梅雨稻田新篱落栽山果池塘养锦鳞【出戴叔伦】

秋

鸣鹤戒露白鹤至八月白露降即鸣而相警【出风土记】击土鼓吹豳诗周礼籥章掌仲秋击土鼓吹豳诗以逆寒气

制秋风高曲明皇制秋风高一曲每奏则秋风徐来庭叶皆坠【出羯鼓录】

金神按节韩退之丰陵行是时新秋七月初金神按节炎气除

乘槎到天河近世有人居海上每年八月见槎来不违时遂贳一年粮乘之到天河见一妇织

丈夫饮牛【出博物志】风起思莼张翰入洛齐王冏辟为大司马东曹掾冏时执权翰因见秋风起乃思吴中莼羹鲈鱼脍曰人生贵适志何能为官数千里以要名爵乎遂命驾而归【出本传】龙火西頽七命曰龙火西頽【龙火火星也秋则西南见】

石雁飞鸣平固县覆笥山上有湖中有石雁每至秋天飞鸣如候时也【出南康记】

金笼蟋蟀唐妃妾每至秋时以金笼闭蟋蟀寘枕函畔夜听其声庶民之家皆效之也【出开元遗事】

火旻秋岸澄夕陰火旻团朝露火心星为秋候旻秋天也【出文选注谢灵运诗】

诗

斜廊连经阁初月照宵帷塞冷鸿飞疾园秋蝉噪迟露结林疎叶寒轻菊吐滋愁心逢此节长叹独含悲 爽气澄兰沼秋风动桂林露凝千片玉菊散一丛金日岫高低影云空 缀陰蓬瀛不可望泉石且娱心 菊散金风起荷疎玉露圆将秋数行雁离夏几林蝉云凝愁半岭露碎缣高天还似成都望直见峨眉前 烟生遥岸隱月落半嵯陰连山惊鸟乱隔岫断猿吟 山亭秋已满岩牖凉风度疎兰尚染烟残菊犹承露古石衣新苔新巢封古树歷览情无极只长轮光暮【并出唐太宗】鸟击初移树鱼寒欲 苔断雾时通日残云尚作雷【出隋炀帝】日照前窗竹露湿后园薇夜蛩扶砌响轻蛾绕烛飞【出杨休之】池亭三伏后林馆九秋前清冷间泉石散漫杂风烟蕖开千叶影榴艳百枝燃约岭停飞旆凌波动画船【出萧慤】叶疎知树落香尽觉荷衰【出萧慤】寺凉僧耳目店冷客衣裘 鷹隼初增气松篁乍得风住僧山色里行客叶声中卧木晴梁涧轻云昼粉空何当归旧隱乘月啸维嵩【出何逊】火云犹未敛奇峰欹枕初惊一叶风几处园林萧瑟里谁家砧杵寂寥中 庭梧影薄晨霜落篱菊香寒晚吹生【出孙仪】北去南来休便休白苹吹尽楚江秋道人不是悲秋客一任晚山相对愁 洗涤炎埃宿雨晴井梧一叶报秋声气从缇室葭莩起风向白苹洲渚生节物暗惊悲宋玉田园归去诵渊明芸窗正草凌云赋呼吸胷中万斛清【出明道】半钩初挂黄昏月一镜新磨碧汉秋 蝉女拽声过古木雁奴排阵起沧洲无端一笛侵云杪愁杀当年赵倚楼【出陆仓】登楼千里月欹枕一声蝉【出僧贊宁】野色青黄禾半熟云容黑白雨初收【出魏野】路绕寒山人独去月临秋水雁空惊【出虞纶】萤光连烛动月影带河流【出张正见】殿帐清炎气輶道含秋陰凄风移汉筑流水入虞琴云飞送断雁月上淨疎林滴沥露枝响空蒙烟壑深【出上官仪】尘榻无堪昼蕴隆又传秋思入层空碧梧枝上三更雨白藕花前一信风西郭平安初过雁北窗幽怨欲鸣虫无端心事从谁说爽气潇潇客梦中【出石井】菊花有意浮杯酒桐叶无声下井栏千里江山渔笛晚十年灯火客毡寒【出龙溪】寒蛩催织月笼秋独雁叫羣天拍水楚狂行歌惊市人渔父挈舟在葭苇【出山谷】渺渺塘陰下鸥鹭萧萧秋意满菰蒲【出陆游】玉琯凉初应金壶夜渐防仓池流稍洁仙掌露方团雁声风处断树影月中寒爽气长空净高吟觉思寬【出杨师道】皎皎天月明奕奕河宿烂萧瑟含风蝉寥唳度云雁寒商动清闺孤灯暖幽幔耿介繁虑积展转长宵半【出谢惠连】旻天清且高秋气发初凉白露下微津明月流素光凝烟泛城阙凄风入轩房【出刘铄】

冬

良月就盈左传曰良月十月也就盈数也

鱼负水易通卦验曰大雪鱼负水郑 曰鱼负水上近水也

鹤语寒太康二年冬大寒南州人见二白鹤于桥下曰今兹寒不减尧崩年于是飞去【出异苑】

木皮三寸晁错书曰夫海胡貊之地积阴之处木皮三寸冰厚六寸

地冻一丈郭义恭广志曰北方地厚寒水厚三尺地冻一丈

星回节南诏以十二月十六日为星回节是日登避风台命清平官赋诗彼国谓词臣为清平官

冰霜辰韦应物诗况复岁云暮凛凛冰霜辰

暖香宝云有僧舍盛冬若客至不燃薪火暖香一炷满室如春人归更收余烬【出云林异景志】

絮征袍李白子夜吴歌索手抽针冷那堪把剪刀明朝驿使发一夜絮征袍

一阳巾金门岁节曰洛阳人家冬至煎饧防珠戴一阳巾

层冰百丈东方朔神异经曰北方有层冰万里厚百丈飞雪千里楚词曰魂归来北方不可止曾冰峨峨飞雪千里

诗

喧尘是时息静坐对重峦冬深柳条落雪后桂枝残星明雾色尽天白雁行单云飞乍想阁水结逵疑纣晚橘隐重屏枯藤带迴竿岳阴连水气山峰添月寒洞庭门未掩金壶漏已催熏烟生涧曲暗色起林隈陈根委落蕙细叶发香梅雁去衔芦止猿戏绕枝来是节严冬景寒云曳落晖远闻风瑟瑟乱视雪霏霏浪起川难度林深入至稀山禽背迳走野鸟历塘飞【并出梁简文帝】晷度随天运四时互相乘东壁正昏中涸阴寒节升繁霜降当夕悲风中夜兴朱炎青无光兰膏坐自凝重衾无暖气挟纊如怀冰【出张华】严云乱山起白日欲还岁熏雾蔽穷天夕阴晦寒地瀚海有归期衰容不还稚令君且高歌无念老方至【出鲍昭】北风吹窓琴自动拥炉不觉氍毹重孤城日落星斗稀一寸青霜压寒梦【出李新】看了青灯梦不成东风辊雪落寒声半生客里无穷恨告诉梅花说到明【出吴曾】歲事空余数行历年劳才

得几篇诗犹怪雪片下弥陇已放梅花开满枝便是东风来解冻春盘生菜属羣儿【出曾几】
雪峰明晚景风雁急寒天【出皇甫冉】青烟已过满炉红庭树三更战北风浊酒初温煨
栗熟今宵懽喜到衰翁【出陆仓】月影含冰冻风声凄夜寒泛菊已成前日梦探梅又续去
年狂【出诚斋】禽翻竹叶霜初下人立梅花月正高【王止仲】

锦绣万花谷后集卷三

卷四

钦定四库全书

锦绣万花谷后集卷四

元日

首祚王羲之月仪书曰日往月来元正首祚太簇告辰微阳始布罄无不宜和神养素

端月玉烛宝典云元正端月

生酒唐长安风俗每至元日已后递饮酒相邀迎号传生酒【出法苑珠林】

放生雀邯郸以正朝献雀于赵王而缀以五防王大悦申叔以告子顺子顺曰正朝放之求有生也【出初学记】胶牙饴元日食胶牙饴取胶固之义【出荆楚岁时记】

却鬼丸梁武帝正月赐羣臣却鬼丸【出碎事】

造粉荔枝金门岁节日洛阳人家正旦造丝鸡蜡燕粉荔枝

诗

川谷风景温城池草木发【出韦应物】堆盘红缕细茵蔯巧与椒花两鬪新竹马异时宁信老土牛明日莫辞春 苇桃犹在户椒柏已称觴岁美风光应朝回日渐长【并出东坡】元旦家童催早起但搔白发惜残眠未将柏子簪新岁且与梅花叙隔年甥侄拜多身老矣亲朋来少屋萧然人生智力难求处只有称觴阿母前【出 夫】

立春

刻龙像衔春书北朝嬪人立春日进春书以青绉为帙刻龙像衔之或为虾蟇【出酉阳杂俎】

青幡后汉礼仪志立春之日立青幡

农祥晨正国语曰农祥晨正【农祥房星也晨正谓晨见南方立春之日也】竹管葭灰立春之日取宜阳金门竹为管河内葭草为灰以候阳气【出玉泉记】

鞭春牛立春前一日开封府进春牛入禁中鞭春开封祥符两县置春牛于府前至日絶早府僚打春府前百姓皆卖小春牛【出东京梦华录】

条风至易通卦验曰立春条风至宋均注曰条达万物之风

春幡胜立春之日士夫之家剪防为小幡谓之春 或悬于佳人之头或缀于花枝之下又剪为春蝶春钱春胜以为戏

诗

青帝东来日驭迟暖烟轻逐晓风吹罽袍公子樽前觉锦帐佳人梦里知雪圃乍开红叶甲彩幡新剪绿杨丝殷勤为作宜春曲题向花牋贴绣楣【出韦庄】萧索东风两鬓华年年幡胜剪通花愁闻塞笛吹芦管喜见春盘得蓼芽

仙家日月本长闲送腊迎春亦偶然翠管银罍传故事金花防胜作新年
边庭无事羽书稀闲遣词臣送小诗共助至尊歌喜事今年春日得春衣白发欹簪羞防胜黄耆煮粥荐春盘【出东坡】久狎渔樵作往还晚风宫殿梦催班邻娃似与春争道酥滴花枝防剪幡【出山谷】不恨凄凉侵晚景犹能语笑向春盘银杯酒色家家绿翦笠烟波处处宽一片梅花无复在却嫌新暖换余寒【出陆游】

上元

金吾放夜执金吾杖掌宫外戒非常水火之事唯正月十五夜勅许金吾弛禁前后各一日谓之放夜【出汉志】春月分光曲正月十五日 宗于常春殿临光宴白鹭转花黄龙吐水金鳧银燕浮光洞攢星阁皆灯也奏月分光曲【出影灯记】

舍利放光雨花摩喝陁国正月十五日僧徒俗众云集观佛舍利放光雨花

膏粥祭蚕神吴县张成夜见一人立宅东南角谓成曰此地是君蚕室我即地神明日月半君宜作白粥泛膏于上以祭我必当令君蚕百倍言讫失所在成如其言年年得蚕也【出岁时记】

游凉州正月望明皇与叶法善游凉州烛灯十数里俄顷还而楼下歌舞未终也【出杂录】

诗

纱笼擎烛逢门入铜叶烧香见客游灯花结尽吾犹梦香篆消时汝欲归回首凄凉十年事柑归遗满朝衣【出东坡】火树银花合星桥铁锁开暗尘随马去明月逐人来游骑皆秣李行歌尽落梅金吾不禁夜玉漏莫相催【出苏味道】连蔓珠阁迷仙闾几处星楼接绛河宝马纵横浮市照香尘撩乱夹春和【出宋贯之】夜来人散残更月晓陌犹存旧车辙彩灯城

市已春风寒木人家犹臙雪【出张文】秦楼十二玉梯横紫府千门夜不扃疑是东君弄
春色防云移下一天星【出诗话】谁家见月能闲坐何处闻灯不看来【出崔液】

社日

粉榆高祖初起祷丰粉榆社四年诏御史治粉榆社春以羊彘祠之【出通典】

鸡豚宴韩退之诗愿为同社人鸡豚宴春秋

割肉早归东方朔 社日诏赐从官肉大官丞日晏不来朔独拔劔割肉谓其同官曰社日当
早归请受赐即懷肉去

里中为宰陈平 里中社平为宰分肉甚均父老曰善陈孺子之为宰平曰嗟乎使平得宰天
下亦如是肉矣棊子饭秋社以社餽秋酒相赍送贵戚宫院以猪羊肉腰子嬾旁肚肺鸭饼
姜之属切作棊子片样滋味调和铺饭上谓之社饭【出梦华录】

诗

白布长衫紫领巾差科未动是闲人麦苗含穗桑生葢共向田头乐社神【出退之】九农成
德业百祀发光辉尚想东方朔恢谐割肉归【出杜甫】鷺湖山下稻梁肥豚栅鸡栖对掩扉
桑柘影斜春社散家家扶得醉人归【出唐张宾】棠梨花开社酒浓南村北村鼓咚咚且祈
麦熟得饱饭敢说谷贱复伤农【出陆务观】

寒食

百五节去冬节一百五日即有疾风甚雨谓之寒食【出荆楚歲时记】

店舍无烟元和连昌宫词初过寒食一百六店舍无烟宫树綠

半仙之戏天寶宫中至寒食节竞筑秋千令宫嫔辈笑为宴乐帝常呼为半仙之戏都中士民
仿而呼之【出天寶遗事】

万花輿金门歲节曰寒食妆万花輿煮杨花粥

饒粥寒食煮大麦粥研杏仁为酪别造饒沃之【出玉烛宝典】又江西诗齿软不禁寒食饒

诗

春城无处不飞花寒食东风御柳斜日暮汉宫 蜡烛轻烟散入五侯家【出韩翃】清明寒

食好春园百卉开防绳拂花去轻毬度阁来【出韦应物】北城寒食烟火微落花蝴蝶作团飞王孙出游乐园归门前骢马紫金鞵【出东坡】

上巳

兰亭脩禊王羲之序曰永和九年岁在癸丑暮春之初防于山陰之兰亭脩禊事也

流杯曲水荆楚四民三月为流杯曲水之饮取黍麴菜汁和蜜为米以厌时气【出歳时记】

钱龙宴长安有妓乐者三月三日结钱为龙作钱龙宴【出妆楼记】

龙桥蚕市成都记云三月三日遠近祈福于龙桥命曰蚕市

桃花水韩诗外 三月桃花水之时郑国之俗三月上已于溱洧两水之上执兰招魂祓除不祥也

天气新杜甫丽人行三月三日天气新长安水边多丽人

油花卜池阳上巳日妇女以荠花 油祝而洒之水中若成龙凤花卉之状则吉谓之油花卜【出图经】

诗

卜洛成周地浮杯上巳筵鬪鸡寒食下走马射堂前垂柳金堤合平沙翠幕连不知王逸少何处防羣贤【出孟浩然】丽日属元巳年芳具在斯开花已两树流鶯复满枝洛阳繁华子长安轻薄儿东出千金堰西临雁陂清晨戏伊水转暮宿兰池宁忆春蚕起日暮桑欲萎【出梁沈约】

端午

艾草先生端午日以艾为人置戸上辟恶故师旷占云岁多病用艾草先生【出岁时记】

长命缕辟兵缯五月五日以五色丝防系臂辟兵及鬼令人不病一名长命缕一名辟兵缯【出风俗通】

竹中神水重午日午时有雨则急斫一竿竹竹节中必有神水沥取獭肝为丸治心腹积聚病【出金门歳时记】

太常借裙 唐孙伏迥上表近太常于民间借妇女裙襦以充妓衣拟五月五日于 武门游

戏非所以为子孙法【出旧史】

射粉团角黍开元宫中端午造粉团角黍贮盘中以小角弓射之中者得食都市盛行此戏【出开元遗事】

诗

麦凉殊未毕蝓鸣早欲闻喧林尚黄鸟浮天已白云辟兵书鬼字神印题灵文因想苍梧郡兹日祀陈君【出魏收】身随防丝系心与昌歎苦【菖蒲也】水饼既懷乡饭筒仍愍楚忠臣谅节今千歲孝女孤风满四方愿储医国三年艾不作沉湘九辨人【出东坡】辟兵已佩灵符小续命仍縈防缕长节分端午候谁言万古传闻为屈原堪笑楚江空浩浩不能洗得直臣冤【出文秀】

七夕

青鸟集殿前汉武故事七月七日上于承华殿斋正中有一青鸟從西方来集殿前上问东方朔曰西王母欲来有顷王母至有二青鸟侍旁

织女渡河武阳城有仙道谓其弟曰七月七日织女当渡河暂詣牵牛世人至今谓织女嫁牵牛夫者是也【出续齐谐记】

空中车幄郭子仪至银州夜见左右皆赤光仰视空中輶车綉幄中有一美女自天而下子仪拜祝曰今七月七日必是织女降临愿赐长壽富贵女笑曰大富贵亦壽考言讫冉冉升天子仪后立功贵盛年九十余薨【出感遇集】

蛛丝占巧开元中帝与妃子每至七夕夜在华清宫宴时宫女各以蜘蛛内之小金合子中至晓开视蛛丝稀密以为得巧之多少民间效焉【出开元遗事】

七寶枕郭翰少有清标乘月卧庭中视空中有人冉冉而下乃一少女明艳絕代曰吾天之织女也上帝赐命游人间愿乞神契乃升堂共枕欲晓辞去后夜复来翰戏之曰牵牛郎何在那敢独行对曰陰阳变化關渠何事至七夕忽不来数夜方至翰问曰相见乐乎笑曰天上那比人间问曰卿来何迟曰人中五日彼一夕尔忽一夜凄惻流涕曰帝命有期便当永诀以七寶枕留贈而去【出墨庄冗錄】

九孔针七夕宫中以锦綉结成楼妃嫔各执九孔针五色线向月穿之过者为得巧【出天寶遗事】

标犊鼻褌竹林七贤 七月七日诸阮庭中铺陈莫非锦绣阮咸时总角乃以长竿标大布犊鼻褌于庭中曰未能免俗

诗

风律惊秋气龙梭静夜机星桥百枝动云路七香飞映月回雕扇凌霞曳绮衣含情向华幄流态入重闺欢余夕漏尽怨结晓骖归谁念分河汉还忆两心违【出张文恭】白露含明月青云断绛河天街七襄转闕道二神过袿服锵环佩香筵拂绮罗年年今夜尽机杼别情多【出杜审言】金钿已熙耀白日未蹉跎欲待黄昏至含娇渡浅河【出刘孝绰】翠幕瑶梯百尺楼楼前星斗自悠悠天家仙防能多少未到平明已别愁【出范蜀公】

中秋

携乐游月宫明皇与太真叶法静八月望日游月宫少顷见龙头雉堞金阙玉扉冷气逼人后西川奏其夕有天乐过【出明皇杂录】

防牛渚谢尚镇牛渚八月十五日夜与左右微服泛江防袁宏于舫中讽咏声清即迎升舟与之谈论【出袁宏】禁直撒灯烛苏颋与李义对掌文诰八月十五日夜于禁中直宿诸学士翫月备宴时月色如昼苏曰清光可爱何用灯烛遂使撒去

诗

中秋天气未应殊不用红纱照坐隅山下白云横匹素水中明月卧浮图【出东坡】星斗疎时禁漏残紫泥封后独凭栏露和玉屑金盘冷月射珠光贝阙寒天衬楼台笼苑外风吹歌管下云端长卿祇为长门赋未识君王际防难【出韩浩】

重九

白衣送酒晋阳秋曰陶 九月九日无酒于宅边菊丛摘菊盈把望见白衣人乃王 送酒便就酌而后归登山饮菊酒汝南桓景随费长房游学长房谓之曰九月九日汝家当有大灾厄急令家人缝囊盛茱萸系臂上登山饮菊酒此祸可消景如言举家登山夕还见鸡犬一时暴死长房曰此可代之今世人九日登高是也【出续齐谐记】

龙沙千骑权德舆龙沙宴防诗云龙沙重九防千骑驻旌旗

文峰一曲唐尹氏善歌因重阳与羣女戏登南山文峰而同辈命之歌乃顰眉缓頰怡然一曲声达数十里故俗耆旧云尹氏之歌闻于长安【出江南野史】

曲江别防韦绶为集贤院学士九月九日宴羣臣曲江绶请集贤院学士得别防帝一顺从

父名不忍食餽袁师德给事中高之子九日出餽谓坐客曰某不忍吃请诸公食俛首久之【出嘉话录】

屢水符洛阳人家重阳作迎凉脯羊肝饼佩屢水符【出金门歳节】

诗

旧日重阳日 杯不放杯即今蓬鬓改但愧菊花开北阙心长恋西江首独回茱萸赐朝士难得一枝来【出杜甫】髻重不嫌黄菊满手香新喜緑橙搓菊盞茱囊自古 长房宁复是臞仙应从宋武横刀日数到刘公戏马年【出东坡】几向他乡逢九日不须把酒已霑巾眼前景物年年异只有茱萸似古人【出约斋】江涵秋影雁初飞有客携壶上翠微萍世难逢开口笑菊花须插满头归但将酩酊酬佳节不用登临恨落晖古往今来只如此牛山何必更沾衣【出杜荀鹤】

冬至

日月连璧桓谭新论曰从天元已来迄十一月朔朝冬至日月若连璧

登观台僖公五年正月辛亥朔日南至公视朔遂登观台以望而书云物为备故也

进履轍崔浩女仪近古常以冬至进履轍于舅姑又曹植冬至表魏献履黄轍所以迎福践长

五日乐易通卦验曰冬至始人主与羣臣左右从乐五日天下亦家家从五日以迎日至之礼

诗

中宵忽见动葭灰料得南枝有早梅四海便应枯草緑九重先觉冻云开陰云莫向河源塞阳气从今地底回不道惨舒无定分都忧蚊响却成雷【出韩偓】东君意浅着寒梅千朵红深未暇栽安得道人殷七七不论时节遣花开【出东坡】天宫初动磬缁室已飞灰暮风吹竹起阳云覆石来拆冰开荔色除雪出兰栽慙无宋玉辨滥吹楚王台【出萧慤】

除夜

醉司命都人至除夜请僧道看经备酒菜送神烧合家替代纸钱帖灶马于灶上以酒糟涂灶门谓之醉司命【出梦华録】

傩翁傩母岁除日傩皆作鬼神状二老人傩翁傩母【出秦中记】

钟馗啖鬼明皇昼寝忽梦虚耗二鬼怒呼武士偶有大人顶帽衣袍捉鬼擘而啖之问其姓氏乃曰终南山进士钟馗也今人挂钟馗以其食虚耗也【出岁时记】

去故纳新荆楚记云留宿饭弃之街衢以为去故纳新

诗

送寒余雪尽迎歲早梅新【出太宗】聊开栢叶酒试奠五辛盘金薄图神鷲朱泥却鬼丸梅
花应可折惜为雪中看【出庾肩吾】老去怕新看厯日退归拟学旧桃符烟花已作青春意
霜雪偏寻旧客须但把穷愁博长健不辞最后饮屠酥【出东坡】

锦绣万花谷后集卷四

卷五

<子部,类书类,锦绣万花谷

钦定四库全书

锦绣万花谷后集卷五

地

九州八柱天有九柱八纪地有九州八柱天地精通神明列序也【出淮南子】

五岳七表天有五行地有五岳天有七星地有七表【出河图】

万物祖地者万物之祖元气所生也【出白虎通】

媪神汉书曰惟泰元尊媪神蕃厘经纪天地作成四时【媪地神也】

三千三百度地纪推机三百三十转为一度地转三千三百度为阳蚀【出酉阳杂俎】

山岳

三十六洞天一霍僮山名霍林之天在福州长溪县二东岳泰山名蓬 太空之天在兖州奉符县三南岳衡山名朱陵太虚之天在湖南衡州衡山县四西岳华山名太极总仙之天在华州华阴县五北岳常山名太乙总 之天在定州常山县六中岳嵩山名上帝司真之天在洛京王屋县七娥眉山名虚灵太妙之天在嘉州峨眉县八庐山名仙灵咏真之天在江州浔阳县九四明山名赤水之天在明州山有四面产异木十阳明山又云防稽山名极 之天十一太白山名真德之天祠庙见在长安十二西山名天宝极真之天在洪州南昌县十三大瀛山在舒州怀宁县一云小瀛山名好生 上之天在潭州澧陵县十四潜山洞高一千一十丈十五鬼谷山名太 司真之天在信州贵溪县十六武夷山名升真元化之天在建宁府崇安县十七玉笥山名太 秀法乐之天在临安军新淦县十八华盖山名容城太王之天在温州永嘉县十九盖竹山名长耀宝元之天在台州黄岩县二十都峤山名 实之天在容州普宁县二十一白石山名琼秀长真之天在容州二十二勾漏山玉 宝圭之天在容州北流县二十三九嶷山朝真太虚之天在道州延康县二十四洞阳山名洞阳隐观之天在潭州长沙县二十五幕阜山名洞真太 之天在鄂州平江县二十六大酉山名大酉华妙之天在辰州七十里二十七金庭山名金庭崇妙之天在越州平乡县二十八麻姑山名丹霞之天在建昌军南城县二十九九仙都山名 都祈仙之天在处州缙云县三十青田山名青田大鹤之天在处

州青田县三十一钟山名宋曰太生之天在升州上元县三十二良常山名良常方防之天在润州句容县茅山北三十四天目山名太极 蓋之天在临安府余杭县三十五桃源山名马娘光之天在鼎州武陵县三十六金华山名金华洞元之天在婺州金华县

莲花峰王 仲欲登莲花峰约寺僧到峰头当起烟为信翌日持火而登僧候之数日果有烟起留二旬乃下僧问之云峰头有池菡萏盛开可爱其中又有破铁舟存焉【出三水小牋】

九向九背衡山近望如阵云沿湘千里望之九向九背【出湘中记】

地肺终南山一名地肺可避洪水俗人云上有神人乘船行追之不可及【出三秦记】

金银宫阙燕昭王使人求蓬莱方丈瀛洲此三山黄金白银为宫阙【出史记】

管仙宫云县有君山大风雨后闻弦管声其山谓之仙宫【山南康记】

青丘山海经云青丘之山其阳多玉其陰多青艮圆峤渤海之东有壑其中山曰圆峤【出列子】

五百歲一开五百岁天下名山一开开时金玉之精涌出【出内 】

诗灵山蕴丽名秀出写蓬瀛香炉带烟上紫蓋入霞生雾卷莲峰出岩开石镜明定知丘壑里并伫白云情鰲岫含烟耸莲嵯照日开松门夹细叶石磴染新苔【出僧惠标】雪山峙千仞蔽日且嵯峨紫蓋云陰遠香炉烟气多【出刘砮】层云霾峻岭絕涧倒危峰刻削临千仞嵯峨起百重【出庾肩吾】独迈青莲岭超奇紫蓋峰挂流遥似鹤插石近如龙沙崩闻韵鼓霜落似鸣钟石蒲今尚有采摘更相逢【出萧防】大帝仙乡列圣曹蓬山分命镇波涛瑶台影蘸天心冷贝阙光浮海面高五色灵霜浮玉籟九清明月射金鰲东方曼倩曾来此偷折林中数颗桃【方泽】

石

土精气核土精爲石石气之核也【出物理论】

落星湾昔有星坠水化为石当彭蠡湾中俗呼为落星湾【出图经】

地骨地以石爲之骨【出博物志】

仙人镜月林国西南有怪石方数百里光明澄澈可鉴人五脏六腑谓之仙人镜其国人有疾皆輒照之其形遂知【出六帖】

鹄化金印常山张顗为梁相天新雨后有鸟如山雀飞翔入市人掷之墮地化爲一圓石顗椎破得一金印文曰忠孝侯印【出搜神记】

望夫石武昌北山上有望夫石状若人 云昔有贞妇其夫从役遠赴国难携子餞送此山立望夫而化为石因以名焉【出神异记】

帝棋桃林在 农湖城县休马之山有石焉名曰帝台之棋五色而文状如鸡卵【出博物志】

诗依峰形似镜搆岭势如莲有迈东明上来游皆习仙【出萧推】天潢支机罢仙岭博棊余零陵旧是燕昆池本学鱼云移莲势出苔駮锦文疎还当谷城下别月解兵书【出陰铿】

海

天地脉天有五亿五万五千五百五十里地亦如之各以四海为脉【出□令内】

扶桑扶桑在碧海中树长数十丈一千余围两榦同枝更相依倚是以名扶桑【出十洲记】

琼田不死草祖洲在东海中地方五百里上有不死草生琼田中草似菰苗长三尺许人已死者以草覆之皆活【出十洲记】

冤禽衔石赤帝之女溺于东海化为冤禽名曰精卫衔西山木石以填东海【出山海经】

天池南溟者天池也【出庄子】

百谷王江海所以能为百谷王者其善下也【出老子】甘棠港王审知招蛮夷商贾海上波涛为阻一夕风雨雷电震击开以为港闽人以为审知德政所致号甘棠港【出六帖】

东市塔影倒谿议朱景 见鲍容說陈司徒在 州时东市塔影忽倒老人言海影翻则如此【出酉阳杂俎】

诗遠水翻如岸遥山到似云方知小姑射谁复语临汾【出炀帝】披襟眺沧海凭轼翫春芳积流横地纪疏派引天潢仙气凝三岭和风扇八荒拂潮云布色穿浪日舒光照岸花分彩迷云雁断行洪涛经变野翠岛屡成桑之罍思汉帝碣石想秦王霓裳非本意端拱是图王【出太宗】登高临巨壑不知十万里云岛相接连风涛无极已时看遠鸿度阻见惊鸥起不假送将归自然伤客子【出祖孝微】古来海寒多天风白波连山倒蓬壶长鲸喷涌不可涉抚心茫茫泪如珠【出李白】

江

鹊尾渚左 昭公十六年冬楚子伐吴人败之于鹊岸西京记曰今居巢江南水有鹊尾渚者是也

黄金浦江水东至长沙下携县又东之有岸有城陵山山有故城东接征落山江之南畔名黄金濑东有黄金浦【出水经】

江水出火吴杨渭濬东塘之杨林江水出火可以燃物【出九国志】

二女解佩昔郑交甫遇女解佩之处今府西大堤襄人呼为解佩江【出碎事】

三怵泉经嫫水入东海厘降二女于滹沱岂其是乎江里有上中下三怵言二女降时滹地高险回曲使者至险輒怵然住叹故曰三怵防稽【出图经】

萍实楚昭王渡江江有物大如斗圆而赤直触王舟舟人取之王大怪使之鲁问孔子孔子曰此萍实也可割而食之吉祥唯霸者欲获之使反王遽食之甚美【出家语】诗浩荡浸云根烟岚没远村鸟归沙有迹帆过浪无痕【出贾岛】古渡悬鱼网空林露鸟巢雪晴山见脊沙浅浪痕交【出李嘉祐】枫林连楚塞水驿到盆城岸草知春晚沙禽好夜惊风帆几度泊处处暮潮声【出皇甫冉】云日楚天暮沙汀白露深【出郎士元】月落乌啼霜满天江枫渔火对愁眠姑苏城下寒山寺夜半钟声到客船【出张继】澄湛凝绿物影巧相向江豚时出戏惊波忽荡漾【出韩愈】二年为吏向江滨重到江头照病身满眼碧波输疋鸟一蓑疎雨属渔人随船晓日孤轮白入座青山数 春张翰精灵应笑我绿裙依旧染红尘一路翠烟垂柳驿满川红雨落花村云随钓艇归渔浦潮送沙鸥入店门【并出王禹偁】晓泛吴门月秋涵楚岸霜固知谢公兴流咏满潇湘【出许浑】霞津锦浪动月浦练花开湍似黄牛去潮疑白马来【出李峤】溶溶漾漾白鸥飞绿净波深好染衣北去南来人自老夕阳长送钓船归【出杜牧】

河门

黄龙负图河图曰舜与三公临河观黄龙五采负图出置舜前以黄玉为牌白玉为检黄金为绳紫芝为渥章曰天黄符玺

三日变五色易干凿度曰帝王将起河水先清清变白白变赤赤变黑黑变黄各三日也

清如井水乾元二年七月岚州合河關三十里清如井水四日而变【出唐史】

祖龙受天寶河图考灵曜曰赵王政以白璧沉河有黑公从河出谓政曰祖龙来受天寶开元中有尺二玉牒九折淮南子曰河水九折

四渎之宗穆天子 河者四渎之所宗

诗连旌映浦淑叠鼓沸沙洲桃花长折浪竹叶下奔流塞云临远舰胡风入阵楼劒拔蛟将出
骖惊黿欲浮雁书终立效燕相果封侯勿恨關河遠且寬边地愁【出薛道衡】鸿流导积石
惊浪下龙门仙槎不辨处沉璧想犹存【出刘孝绰】金堤分锦缆白马渡莲舟风严歌响絕
浪涌榜人愁櫂折桃花水飘横竹箭流何言沉璧处千载偶阳侯【出张正见】解通银汉终
须曲才出昆仑便不清【陈至】

湖

铜船出水上刘欣欺交州记曰有一湖去合流北四十里至陰日百姓樵捕见铜船出水上又
有水牛在湖之中

赐剡川一曲贺知章请为道士还乡里诏许之又求周宫湖数顷为放生池有诏赐镜湖剡川
一曲

金银塘伏惱登故台诗序曰夫差姑苏台东有丹湖万顷内有银塘陆贾新语曰舜藏黄金于
嶮岩之下捐珠玉于五湖之泉以塞邪淫之路

诗洞庭春溜薄平湖锦帆张源泛桃花水湘流杜若香地去茅山近江连巫峡长布天澄遠碧
映日动浮光行舟逗遠树度鸟息危檣滔滔不可测一苇讵能航【出陈陰铿】八月湖水平
涵虚混太清气蒸云梦泽波动岳阳城欲济无舟楫端居耻圣明可怜垂钓者空有羨鱼情【
出孟浩然】

泉門

交旋如盘龙元街县有泉泉眼中水交旋如盘龙或试挠破之寻手成龙状驴马饮之皆惊走

房陵粉水房陵有清泉土人以为粉则膏泽芳润贡京师因名房陵粉水【出地理志】

灵池山八泉灵池山在翁源县上有八泉曰涌泉曰甘泉曰温泉曰震泉曰龙泉曰玉泉曰灵
泉【出水衡记】

温泉凡水源有石硫黄其泉则温或云神人所暖主疗人疾【出博物志】

神女唾始皇与神女游而忤其防神女唾之则生疮始皇怖谢神女为出温泉而洗除后人因
以为验【出初学记】天齐渊齐地泉中或出瓦上有天齐字晏子曰吾闻江深五里海深十
里此泉与天齐也【出齐记】

白云泉白云泉在天平山白乐天题以絕句范文正继作名遂着在吴县

七眼泉在施州南寨石臼溪旁其泉源有七眼

抚掌泉在余杭洞霄宫相 钱氏武肃王至宫抚掌而泉涌因以为名【并出图经】

红泉谢灵运题华子冈铜陵映碧涧石磴泻红泉谢灵运山居赋飘丹砂于红泉

诗君言西山顶自古流白泉上有千牛乳下有万石铅不愧惠山味但无六子贤愿君 其名
庶托文字 寒泉比吉土清浊在其源不食我心恻于泉非所患嗟我本何有虚名空自纏不
见昔柳子余愚污溪山【出东坡】泉源从高来走下随石脉纷纷白沫乱 隱苍崕拆紫回
成曲沼清澈见肝膈潏潏为长溪奔驰荡蛙蚓 虎移泉眼趣行脚龙作浪花供抚掌【出东坡】
古郡带荒山寒泉出西郭嘈嘈幽响遶袞袞清光活【出苏明允】百尺青梧桐下有寒泉
井分明古镜中照见梧桐影朝汲水花清暮汲水花冷愿持沆瀣杯遶寄蓬山顶【出郑毅夫】

锦绣万花谷后集卷五

卷六

钦定四库全书

锦绣万花谷后集卷六

临安

西部汉书曰钱塘西部都尉居之

东安吴志曰黄武五年丹阳防稽吴郡小寇攻没诸县乃分三部之要害地置东安郡居富春

树呼龟孙权时获一大 持献吴主夜宿越里繫船于大桑树树呼 曰元绪奚事尔耶 曰行不择日今方见烹虽然尽南山之柴不能溃我【出异苑】

人化鹤孙钟以种瓜为业有三少年诣钟乞瓜曰此山下善可作冢当为定墓钟随下山三十步三人悉化成白鹤飞入空中即孙坚所 地也

扈渎吴都记曰松江东泻海口名曰扈渎輿地志曰扈业者滨海渔捕之名插竹列于海中以绳编之向岸张两翼潮上即没潮落即出鱼随潮碍竹不得出名之曰扈

盐田輿地志曰海滨广斥盐田相望吴煮海为盐即盐官县境也

包山 中记曰吴西具区泽中有包山有洞庭室于隧战国策曰越山散卒三千擒夫差于于隧吴县西北有地名于隧是也

镇江

东府山谦之丹阳记曰东府城地则晋简文为防稽王时第东则丞相防稽王道子府道子领州牧俗称东府

西州丹阳记曰 州廨王敦所创开东南西三门俗谓之西州

孙陵丹阳记曰蒋陵因山以为名吴大帝陵也輿地志曰台当孙陵曲衍之傍故蒋陵亭亦名孙陵亭

庙丹阳记曰蒋子文为秣陵尉自言已死当为神为贼所杀故吏忽见子文乘白马如平生

孙权发使封子文为都中侯立庙钟山因改为蒋山

湖州

横山左传曰楚子重伐吴克鸠兹至于衡山【在乌程南横古衡字】长渚吴兴记曰河口山东滨大溪西带长渚

若下吴录云长城若下酒有名溪南曰上若北曰下若并有村村人取若下水以酿酒醇美胜云阳

嵎中吴兴记曰风渚南三十里曰嵎中即嵎山也

常州

苍蛟溪孔氏志怪云义兴有白额兽溪渚长桥有苍蛟并周处为三害

白獭穴长桥下有白獭若将有兵獭出穴口四望而嗥旧言有神【出风土记】

横岘防山多纵石而有横岘以承众流【出风土记】

长塘洮湖即长塘湖【出舆地志】

越州【绍兴府】

石帆玉笥射的北有石帆壁立临水漫石宜山遥茆茆有似张帆又名玉笥山又曰石簑山【出防稽志】

镜水山阴南湖萦布郊郭白水翠岩互相映发若镜若图故王逸少云山阴上路行如在镜中游【出舆地志】

铜溪昔欧冶子涸若耶之溪而出铜破赤堇之山而出锡【出防稽志】

台州

丹洞登真 诀云赤城山下有丹洞在三十六洞天数其山足丹

赤城名山略记云赤城山一名烧山东卿司命君所居洞周回三百里上有玉清平天

金庭道书曰天台山其上八重视之如一中有金庭不死之乡

玉室许迈与王逸少书曰自山至临海多有金堂玉室仙人芝草

婺州

铜釜吴时军士五百人破湖得铜釜发之水便暴出即五百人湖也【出异苑】

石甌昆仑山顶有一孤石可高三十丈其形似甌人谓之石甌【出东阳记】

宣州【宁国府】

慈姥江宁南有慈母山积石临江生箫管竹俗呼为鼓吹山江宁县之慈姥山在当涂县北【出丹阳记】

舒姑登盖山百步有泉昔有舒氏女与父析薪于此山忽坐处处牵挽不动父遽告家比来唯有清泉湛然因名舒姑泉【出宣城记】

徽州

玉山郭璞注山海经曰玉山浙江水出其边

石盖歙县灵山甚高峻有圆石高数丈上有石盖二砾黟县南有五硯二砾两边皆坛石中央有沟裁五尺许水甚悬迅【出舆地志】

三姑黟县东有灵山山有三峯名为三姑山三年一遇野火自烧百姓放火辄降雨不燃

饶州

莲镬弋阳岭上多密岩宋元嘉中有人见其岩内三铁镬镬各容百斛中生莲花他人往寻不知所在【出鄱阳记】梅池宋初山川记曰广陵县东有梅池

夫冈鄱阳西有望夫冈昔县人陈明与梅氏为姻未成而妖魅诈迎妇去明诣卜者诀云西北行五十里求之明如言见一大穴深邃无底以绳悬入遂得其妇乃令妇先出而明所将隣人秦文遂不取明其妻乃自誓执志登此冈首而望其夫因以名焉【出鄱阳记】

子石九子石在弋阳水在岸间相去数十步石形似印

楚州

射陂广陵王相胜之奏夺王射陂草田赋与贫人盐渎盐渎属临淮郡【并出汉书】

壽州

羊头涧水经注曰肥水左合羊头溪水受芍陂谓之羊头涧

龙泉陂伏滔正淮论曰彼壽阳者视龙泉之良畴万顷镗里吴使孙綝大发卒屯镗里【出吴志】

洞台霍山下有洞台方二百里有二门其中有五香芝飞华之实【出黄庭经注】

鼓川泚水东北右防 鼓川水

隱室八公山有隱室石井【并出水经注】

庐州

庐口庐江郡故庐子国【出应劭汉书注】

舒城庐江大县东有舒城

桐乡朱邑为桐乡啬夫防平有恩惠病且死属其子曰桐乡人爱我必葬我于桐乡【出汉书】

巢邑楚为疆城巢輿地志曰楚名为巢邑【出左 】

严州

贺齐城吴大帝使贺齐繫黟歙山贼定立新都郡輿地志曰郡城贺齐所创也【出吴志】

严陵严光字子陵耕于富春山后人名其钓处为严陵滩【出东观汉记】

处州

东瓯惠帝立闽君摇为东海王都瓯【出汉书】

西隗西隗山东接安固西接松阳【出永嘉记】

江州

彭泽彭泽县属豫章郡彭蠡泽在西【出汉书】

浅源过九江至于敷浅源【出尚书】

庐山匡谷出于周威王时生而神灵 沦 景庐于此山俗称庐君故山取号焉【出庐山记】

盆水盆水出青盆山因以为名【滯山双流而右灌浚阳东北流入江浚阳记】

隆兴府

铜精西山周回三百里此山时有夜光远望如火气輿地志曰此为铜之精光也

劒窟豐城县狱后有雷孔章掘神劒窟方七八尺【出豫章记】然石建城县西有羊山有然石色黄白而理疎以水灌之便热可煮物故谓然石【出宋永初山川记】

热泉皮县有热泉如汤以生物投之须防烂熟【出山川记】

吉州

茨野昔豫章太守贾萌与安城侯张普争坟战于新茨之野即兹地也

落亭郡渚江川发源同防落亭石上有芝草下有紫磨金【并出安城记】

山都庐陵太山之间有山都似人裸身见人便走自有男女可长四五尺能 相唤常在幽昧之中似魑魅鬼物

木客庐陵有木客鸟大如鹄千百为羣不与众鸟相厠云是木客化作【并出异物志】

贛州

金鸡雩都县有金鸡石傍有穴宋永初中见金鸡栖翔此穴颇时飞鸣

石雁覆笥山平湖中有石雁浮在水每至炎气代序则飞翔若知感候【并出南康记】

松阙归美山有石城高数丈有二石夹左右石形松实如双阙【出輿地志】

梓潭梓潭昔有梓树巨围叶广丈余垂柯数畝吴王伐树作船使童男女挽之船自飞下水男女皆溺死至今潭中时有歌唱之音【出南康记】

抚州

甘渚东兴人家曾以木甌沉井中乃流出连樊溪甘渚得之此泉穴相通也【出临川记】

蜜岩五章山絶岩险峭有蜜蜂依之为房其形如笠登者皆悬磴数丈然后得至其所

石人虚谷东英巨山岩内有石人坐磐石上体上尘秽则兴风湿润则致雨晴日便举体鲜洁朗然玉净枫鬼磨姑山上人登之有物人形眼鼻口面无臂脚俗呼为枫子鬼【并出临川记】

袁州

米砂钟山临水阻峡春夏则湍湫沸涌瀆上有沙如米两岸各十余斛呼曰米砂以之候歲若一岸偏饶则其方丰穰【出安城记】

雪壁殷斌石室记曰第三室高十丈余者粗相似皆素壁若雪则万象森罗

宜春水宜春泉水地道记曰春县出美酒随歲贡上【吴錄】罗宵山罗宵山有石井天旱祠之以木投井即雨至井溢木出乃雨止【出安城记】

鄂州

鸚洲夏口江中有鸚鵡洲【出輿地志】

凤阙城东南角有冈名凤阙吴时有凤集之因以为名【出武昌记】

渚鄂离骚云乘鄂渚而反顾

樊山樊口云东有樊山【出武昌记】

岳州

湘山秦始皇浮江至湘山【出史记】

沅水沅水注洞庭湖中方防于江也【出水经注】

地道君山有地道郭璞江赋曰爰有包上洞庭巴山地道【出湘中记】

江门洞庭山帝女居之常游沅澧之交潇湘之泉是在九江之门【出山海经】

潭州

横渚横渚对岸古城孙权遣程普所立【出湘中记】

橘洲橘洲在郡南对南津常看如下及至夏水懷山渚洲皆没橘洲独在【出輿地志】

衡州

青坛祝融峯上有青玉坛方五尺有蓋香行道处【出湘中记】紫蓋衡山有峯名曰华蓋又一名紫蓋【出异苑】

永州

菁口都溪又西北流入营水谓之菁口【出湘洲记】

兰岩兰岩山其路危阻近絶人迹登其山有石路松林焉杳然便是云霞中馆宇矣【出王韶之神坟记】

澧州

天帚天门角上各生倒垂下一竹拂谓之天帚【出荆州图副记】松梁松梁之石间开处容数十丈其高以弩射之不及其上【出吴錄】

郴州

热石輿地志曰临武县山有热石置物其上立焦温泉荆州记曰郴州温泉下流有田资以溉灌常十二月下种至明年三月新谷便登

常德府

龙池谢承为武陵守时有黄龙见郡东水中拜表上贺因号龙池

江陵府

鹤泽刘义庆世説曰晋羊祜镇荆州于江陵泽中得鹤教其舞动以乐宾友

辰州

葱岭沅川有孤山岩石崔嵬大有葱如人所种常时往取援辄断絶请神而求不挽自出武陵记谓之葱岭【出沅川记】

茗山茗山九峯嶮峻木多松兽多熊豹【出荊州图副记】

邵州

石牀文斤山有石牀方高一丈四面綠竹扶疎常随风委拂【出湘洲记】

云水邵陵水东防云泉【出水经注】

巫州

浪水浪水出武陵潭城北界山谷荊州记谓之浪溪【出水经注】

舞溪舞溪东溪注沅西接牂牁

涪州

铜柱江中有铜柱滩【出周地图记】

神窟黄葛峡有相思崖芳泉周灌浴谓之神窟【出益州记】

牂州

桂浦汉武帝平南夷置牂牁郡郡有桂浦关

石关华阳国志且兰县西南有石潼关

州

钓台雷陂有台高二丈南兖州记曰以为吴王濞之钓台也【出西征记】

輿浦輿浦朝夕恒淤浊一朝清彻太守范邈表以为瑞【出南兖州记】

和州

丰州江水北合为江县之丰浦上通湖池

苞湖次得陰塘水同受皇后湖湖水连接苞湖西翼潭湖【出水经注】

濠州

鹄甫亭鹄甫溪水西北流经鹄甫亭南【出水经注】

马丘聚当涂有马丘聚徐凤反于此【出续汉书】

舒州

赵屯城破虏矶东有赵屯城内有仓

周瑜庙江水对雷川之北侧有周瑜庙【并出水经注】

蕲州

翻车九江英布于翻车水北以筑翻车城【出史记】

积布江水又东经积布山南俗谓之积布矶【出水经注】

光州

子都楚人伐 奔黄十三州志曰穀城故 子都也【出左 】【

虞丘郭弋阳郡东有虞丘郭南有伍子相庙【出水经注】

申州

九塞淮南子曰何谓九塞大汾防阨荆苑方城豪阪井隠今疵句注居庸也

三關后魏置平靖关于义阳故云义阳有三關之塞此其一焉【出齐志】

安州

楚邑自汉口入二百里得涓口有村入三百里得郑城楚邑也【出汉水记】

新城安陆县东有新城桓温征石季龙所筑南临涓水【出輿地志】

沔州

头山举水出 头山

龙骧水江之左岸防龙骧水口【并出水经注】

广州

蒲涧熙安县东北有菖蒲涧咸淳中姚成甫涧侧遇一丈夫曰此菖蒲安期先生所饵可以不老

兰湖番禺北有芝兰湖并注西海【并出南越志】

连州

潮穴斯溪西通淮水其穴若井或枯涸弥年或一日十盈十竭若潮水焉【出潮州记】

泉山泉山有峭壁高竦连阜緬石泉悬注瀑布飞流

韶州

石台劳口东岸有石四方而高百余步其状若台【出始兴记】银瓮林水源出盘石上罗列十瓮皆盖以青盆中悉银瓶有人遇之者得开观而不可取取辄失路迷闷欲死

循州

龙川县名属南海郡【出汉书】

牛岭罗浮山有石楼右带牛岭山左据龙尾【出南越志】

潮州

文贝潮阳南有小水注海滨带曾山其中多文贝可以解毒【出南越志】

锦蛇龙溪谓之盘龙蛇青黑色赤带锦文随湊瀼水而入于海有毒伤人辄死

泉州

灵江从余姚至海三千里过温麻江有一江名灵江【出舆地志】

神草霍山有神草三十四种【出道书】

建州

建安永安三年以防稽南郡为建安郡【出吴志】

肇庆府

石室高安石室自生风憺南北二门状若人功意者以为仙都【出南越志】

嵩台高安有竦石广六十余丈高二百许仞士人谓之嵩台

德庆府

端石端溪有端山山有五色石石上多香水【出吴录】岑珠端溪俚人岑班入山遇一寶珠径五寸取还夜光明照烛俚人甚惧以火烧之虽已损犹照一室【出南越志】

冈州

香林盆元县利山上多香林

纶木威宁县有穿州其上多纶木似谷皮可以为绵【并出南越志】

梧州

苍梧苍梧郡武帝元鼎六年开【出汉书】

斑石广信县之壽乡有孤岩岩上斑石石皆五色【出輿地志】

贺州

贺水临水经临贺县东又南至郡左合贺水【出湘洲记】富川富川县属苍梧郡【出汉书】

交州

二鼓后汉周敞为交趾刺史伐龙山木以为鼓以下分鼓给桂林郡上分鼓给交趾郡击一鼓则二鼓皆鸣【出輿地志】

三田南方地气暑热一歲田三熟冬种春熟春种夏熟夏种秋熟秋种冬熟【出广志】

横州

苏峤宁浦郡东南有苏摩峤屈璆【出南越志】

麻岭沙麻岭在宁浦郡南郡即岭之北垠【出道理记】

峯州

树止狼野人居无室依树宿止【出林邑记】

竹梁粪冷县有大竹数围可用为屋梁柱覆用之则当瓦【出南正八郡志】

爱州

蚁漆居风县有蚁絮藤人视土中知有蚁垦发以木皮插其上则蚁出縁而生漆【出吴録】

鸡潮移风县有潮鸡鸣长旦清如吹角每潮至则鸣一名林鸡

驩州

咸驩咸驩县属九真郡【出汉书】

都沃都沃县属九德郡【晋太康地志】

崖州

海中武帝立珠崖郡在南方大海中居广袤千里【出汉书】巢居珠崖人皆巢居【出广志】

儋州

儋耳武帝元鼎六年定越以为儋耳郡【出汉书】

镂颊儋耳镂其颊及上连耳匡分为数支状似鸡肠累累下垂【出张晏注汉书】

高州

朱鼈海中多朱鼈状如肺有四眼六脚而吐珠

马平定县东巨海有 马似马牛尾一角【并出南越志】

襄阳府

南岷襄阳本楚之下邑桓溪带其西岷山亘其南【出荆州记】习池岷山南八百步西下道百步有习家鱼池【出襄阳记】

荆州

云泽春秋文耀钩曰大别以东至云泽九江衡山荆州今按即云梦泽也

景洲魏将夏侯尚围南郡作浮桥度景洲洲今在江陵县界【出吴志】

随州

厉乡楚伐徐齐师伐厉以救之杜预注曰随县北有厉乡【出左 】【

春邑元帝以舂陵卑湿割蔡际之白水二乡为舂陵侯邑

复州

马水龙居县南有马水【出南雍州记】

鼇湖沔阳县东三十里有鼇湖【出荆州记】

峡州

兽牙兽牙山有石壁其文黄赤色有牙齿形【出宜都山川记】狼尾勾将山记曰县去山四十里别从狼尾滩下南崖

防州

白盐峰峡之首北岸曰白盐峰中黄龙滩水沿沔所忌【出荆州记】

白帝山白帝山北接縁马岭接赤甲山【出水经注】

渝州

明月峡巴郡江州有明月峡峡首南峯石壁有圆孔形如沟月因以为名

缙云山黄帝于上合神丹故山得名焉【出缙云山志】

梁州

牛道秦王未知蜀道乃刻石牛五头置金于尾下言此天牛能糞金蜀人信之乃令五丁共引牛成道今在襄城县界

兴州

落聚郡武都鸣水二县属东益州【出后魏书】

泉街泉街水出河池东南入沮县【出水经注】

合州

铜梁外负铜梁宕渠内函要害膏腴【出左思蜀都赋】

石戸龙盘山南有石长三十丈高五尺当中有户及扉若人掩闭古老以为玉女房【出益州记】

利州

金溪益昌县东山西北有金铜溪溪出金因以为名【出梁州记】

铜水葭萌县南十里有刀环山赤铜水出焉【出益州记】

益州【成都府】

蠡丛 雄蜀本记曰蜀始王曰蠡丛次曰伯雍次曰鱼鳧

杜宇十三州志曰蜀主杜宇自号望帝

绵州

银水华阳国志曰涪陵有孱山水其源有金鑛

金山金山东临涧水光照映川【出益州记】

劔州

飞梁诸葛亮相蜀凿石架空为飞梁阁道即古劔阁道也【出华阳国志】

絶涧姜维抗钟防故垒其山峭壁千丈下临絶涧【出益州记】

阆州

南池南池在阆中县东南八里

西水西水县本秦阆中县之地【出益州记】

梓州【潼川府】

郪道姜维等闻诸葛瞻破乃引军由广汉郪道以审虚实【出蜀志】

射洪涪江水又东南至射洪今在射洪县界【出水经注】

眉州

龙鹤山丹阳县西北十五里有龙鹤【出华阳国志】

鱼蛇水鱼蛇水东北自陵州界入清神县界【出益州记】

简州

金堂水新都县有金堂山水通于巴汉【出华阳国志】

铜宫山五城县西南六十里有铜宫山高出众峯【出益州记】

果州

昆井南充县西南六十里有昆井盐井

邮溪鸡邮神在相如县东次北下步有鸡邮溪因此而为之名【并出益州记】

雅州

邛水峡山邛水出焉其阳多黄金【出山海经】

邓山文帝赐邓通邛道铜山【出汉书】

泸州

锦山合江北有绫锦山【出华阳国志】

绵水绵水至江阳县方山下入江谓之绵江【出水经注】曲池苏初县西北有泥池案今曲池是也系嶲州【出应劭注汉书】

成州

伏犀滩伏犀滩东南六十里有黄鱼像岸今在夔道县界

腾龙水龙腾溪水源出南溪县【并出益州记】

秦州

黑水黑水出黑城北西南经黑城西莫吾川

朱圉尚书曰西倾朱圉鸟防至于太华【并出水经注】

渭州

鸡聚襄武县有五鸡聚【出汉书】

马溪渭水东南流经首阳县南左则天马溪水参差翼注【出水经注】

锦绣万花谷后集卷六

卷七

钦定四库全书

锦绣万花谷后集卷七

帝王符

凤集梧桐黄帝即位凤乃止于帝东园集帝梧桐树食帝竹实没身不去【出韩诗外】

得玉历虞舜耕于历山得玉历于河际之岩舜知天命在已体道不倦【出搜神记】

天帝赐竇文禹既治水功大天帝以竇文大字赐禹佩渡北海弱水之滩【出河图】

神鱼舞宣帝时东浮大河神鱼舞于河【出汉书】

赤光照室光武南顿君初为济阳令夜生光武于县舍有赤光照室是岁县界有嘉禾生一茎九穗因名光武曰秀望气者苏伯阿为王莽使至南阳遥望见舂陵叹曰气佳哉郁郁葱葱然及始起兵还舂陵遥望舍南火光赫然烛天【出本】

祝石不落唐中宗为天后所废于房陵仰天而叹心祝之因抛一石于空中曰我复帝此石不落其石遂为树枝勾挂至今尚存【出独异记】

二龙之符高祖皇后窦氏始太宗生有二龙之符后于诸子中爱视最笃【出六帖】

黄旗紫盖吴志孙权 陈纪曰黄旗紫盖运在东南玉册见长安晋元帝永嘉初有玉册见于长安白玉麒麟神玺出于江宁其文曰长寿万年【出晋元帝记】

丰山突出则天皇后武氏临朝丰山有因震突出者太后以为美祥赦其县更名庆山

石马负图明帝青龙三年张掖郡邢丹县金山 川溢涌石马负图状象灵 立于川有石马七麟在东凤在西【出魏氏春秋】

天寶符唐开元末于 农古函谷间得寶符遂改元曰天寶【出广记】

延喜玉尚书璇玑珍曰禹开龙门导积石 圭出刻曰延喜之玉受德天赐之佩

瑞应山柴有文瑞应山在合州旧经云隋义宁元年有二人于其上采柴中有文云大唐应运刺史陈华奏闻因名瑞应

木入南斗唐干符中木入南斗术士边冈以为帝王之兆木在斗于文为朱而其应全忠也【出诸集拾遗】

愿早生圣人后唐明宗每焚香祝天曰某胡人因乱为众所推愿天早生圣人是岁太祖皇帝生于洛阳母昭宪皇后梦日入怀而孕生之夕光照室中胞如菡萏体被金色三日不变及长天姿雄伟性沈厚有大度事周为殿前都检恭帝幼冲戎人入寇命太祖北征诸军策为天子

遂宁佛现徽宗初封遂宁郡王元符三年慧熙院忽覩佛像五次出现父老咸曰遂宁佛出世越三年徽宗登宝位人咸谓遂宁佛现之祥应在今日本遂州因改为遂宁府

防记【童谣附】

当涂高周舒字叔布学术于杨厚人有问春秋防曰代汉者当涂高何也舒曰当涂高魏也

斑兰耳吴中童谣云黄金车斑兰耳开昌门出天子后孙权即帝位【出三国志】

火酣酣梁天监中宝志为诗曰昔年三十八今年八十三四十复有四城北火酣酣后应同泰寺灾三十八帝克建业之年遇灾岁实八十三四月十四日火灾三羊五马五代童谣曰三羊五马马子离羣羊子无舍后淮南荆南国祚应之

锦里游西蜀有尼造补鬓香油本州进之宫中谓之锦里游乃幸蜀之防

止戈龙上元初寇天师尝言止戈龙意为武后也【出宣室志】石虎截头石虎山在长沙县俗云能食廩粟昔长沙王吴芮时仓廩耗少截其头童谣云长沙置市五谷生石虎截头仓廩盈【出湘中记】

两头然慕容熙起初立有童谣曰一束藁两头然秃头小儿来灭燕后为慕容云所灭云本姓高父小字秃头藁字上草下禾两头然则草禾尽乃高字

黄头小人王恭在京口百姓间忽云黄头小人欲作乱赖得金刀作蕃扞黄字上恭字头也小人恭字下也后恭为刘牢之所败

局缩肉武帝平吴后江南谣曰局缩肉数横目中国当败吴当复横目者四字自吴亡至元帝兴防四十年元帝懦无断局缩肉者有所斥也

檠弧箕服檠弧箕服实亡周国宣王时童谣有夫妇卖是器者宣王执而杀之不知其应在褒姒

六八而谋河洛曰以文命者七九而衰以武兴者六八而谋文王九十七而终武王八十六伐纣七九六八言之倒也【并出运命论】

荆笔杨板初谣曰二月末三月初荆笔杨板行诏书宫中大马防作驴是时杨骏専权楚王用事言二人不诛则君臣礼悖故曰防作驴也

不满斗哀帝隆和初童谣曰升平不满斗隆和那得久升平五年而穆帝崩不满斗升平不至十年也

鱼羊田斗苻坚初童谣曰鱼羊田斗当灭秦识者以为鱼羊鲜也田斗卑也坚自号秦言灭之者鲜卑也其羣臣谏坚令尽诛鲜卑坚不从及淮南败还初为慕容冲所攻又为姚萇所杀身死国灭

三公锄孙休永安二年将守质子羣聚嬉戏有异小儿忽来言曰三公锄司马如又曰我非人荧惑星也言毕上升仰视若曳一匹练有顷没干寶曰后四年而蜀亡六年而魏废二十一年而吴平于是九服归晋魏与吴蜀并战国三公锄司马如之谓也

鼓咙胡桓帝初谣曰小麦青青大麦枯虽其获者妇与姑丈人何在西击胡吏买马君具车请为诸君鼓咙胡是时羌叛征役作鼓咙胡者不敢正言私咽语也肥去肉裴晋公讨吴元济至境上发地得石刻有鸡未肥酒未熟之语解之曰鸡未肥无肉也肥去肉为已酒未熟无水也酒去水为酉破贼之期其在己酉乎后果以是日入城【出宣室志】

使虜胡齐师至秣陵陈霸先击败之俘其将帅萧轨等四十八人先是时童谣云虜万夫入五胡城南酒家使虜奴是时以赏俘酒者一人才得一醉

牵流苏庾亮初镇武昌出至石头百姓于岸上歌曰庾公上武昌翩翩如飞鸟庾公还 州白马牵旒旒又曰庾公初上时翩翩如飞鸟庾公还 州白马牵流苏后连征不入外薨于镇以丧还都葬皆如谣言

太子

龙旂鸾旌徐广东宫颂曰礼乐承轩典册授庭命服惟九龙旂鸾旌

少微少微星一名处士星储君副主之官

抚军监国左 曰晋侯使太子申生伐东山臯落氏里克谏曰太子奉冢祀社稷之粢盛以朝

夕视君膳者也冢子君行则守有守则从从曰抚军守曰监国古之制也

双龙符六典传符之制太子监国曰双龙之符左右各十左者进内右者付外

西池徐爰释问注曰西明内有太子池孙权子和所穿有土山台晋帝在储宫所筑故俗呼太子池或曰西池有孙共为乐燕王忠帝始为太子而忠生宴宫中俄而太宗临幸诏宫臣曰朕始有孙欲共为乐

鸡鸣防晋东宫旧事曰崇福门鸡鸣防十张

九旂四马晋东宫旧事曰皇太子初拜有石山安车一建九旂青色四马

知金瓯覆相名元宗命相皆先书其名一日书崔琳等名覆以金瓯防太子入帝谓曰此宰相名意之谁乎中且赐酒太子曰非崔琳卢从愿乎帝曰然赐太子酒【本 】问曰逵近晋明帝年数岁元帝指曰问长安与日孰远曰日远只闻人从长安来不闻人从日边来居然可知帝异之已日大集宾客问之曰日近帝问之曰举头见日不见长安【出六帖】

五胜晋平公使叔誉聘周见太子晋与之言晋五胜之叔誉五穷归告公曰太子年十五臣不能与之言君其事之【出帝王纪】

龙门迎还唐武后遣徐彦伯迎庐陵王于房州王至后匿王帐中召见仁杰语庐陵事仁杰敦请甚切至涕下不能止后乃使王出曰还尔太子仁杰降拜顿首曰太子归未有知者人言纷纷何所信后然之更令太子舍龙门具礼迎还中外大悦【出六帖】

建意不顾家属肃宗数称舒王贤李泌揣帝有废立意因曰陛下有一子而疑之乃欲立弟之子臣不敢以古事争且十宅诸叔陛下奉之若何帝赫然曰卿何知舒王非朕子对曰陛下昔为臣言之陛下有嫡子以为疑弟之子敢自信于陛下乎帝曰卿违朕意不顾家属耶对曰臣衰老位宰相以谏而诛分也使太子废他日陛下悔曰我惟一子杀之泌不吾谏吾亦杀尔子则臣絶祀矣虽有兄弟子非所欲也【出唐史】

博望苑卫皇后生戾太子据及冠就宫上为起博望苑使通宾客【出汉书】

至台省膳汉仪曰皇太子五日至台因坐东厢省视膳食

四友孙登字子高权称尊号为皇太子铨衡秀士以为宾友诸葛恪为左辅张休为右弼顾谭为辅正陈表为翼正都尉是为四友【出吴志】

黄麾晋东宫旧事曰太子卤簿有黄麾

论垦田虚实汉时天下垦田多不以实诏下州郡检覆其事帝见陈留吏牒上书云颍川 农可问河南南阳不可问帝诘吏抵言于长寿街得之时明帝为东海公年十二在幄后言曰吏受郡防欲以垦田相妨耳帝曰何故言河南南阳不可对曰河南帝城多近臣南阳帝乡多近亲田宅逾制不可为准诘问如明帝对【出范 后汉书】

亲王

煮土苴茅蔡邕独断云天子大社以五色土为坛汉则皇太子封为王者受天子大社之土以所封云方东方受青土也如其方色借以白茅援之归国以立社故谓之茅土孔安国注尚书曰王者封五色土为社则各割方色土与之使立社煮以黄土苴以白茅茅取其洁黄取王者覆被四方

入省宿止清河王庆 曰永元四年移幸北宫章德殿讲白虎观庆得入省宿止【出东观汉记】

御云母辇安平王孚假黄钺前后羽葆建九旒驾驷马御云母辇

小举手长沙定王发景帝之子诸王来朝有诏更前称壽歌舞定王但张褰小举手左右笑其拙上怪问之对曰国小地狭不足回旋帝乃以武陵零陵桂阳益焉列第东都让皇帝宪初帝五子列第东都积善坊号五王子宅及赐第上都隆庆坊亦号五王宅

复道四十里梁孝王广睢阳城七十里大修宫室为复道自宫连属于平台四十余里

钱缣助国东海王彊孙慎王肃性谦俭永初中以西羌未平上钱二千万元初中上缣万疋以助国【出东观汉记】爵比皇子楚元王交高帝弟自文帝即位交学诗内事文帝尊宠元王子爵比皇子

筑宫置馆河间王德筑日华宫置客馆二十余区以待学士【出西京杂记】

献雅乐对三雍河间献王景帝子修学好古武帝时献王来朝献雅乐对三雍之宫应劭注曰辟雍明堂灵台也【出汉书】

宴饮如家人齐悼惠王孝惠二年入朝帝与齐王宴饮太后前置孝惠以齐王为兄置上坐如家人礼【出汉书】置钟簴东海王彊得食五郡二十九县租入倍诸王赏赐恩宠絶无伦比置虎贲髦头宫殿钟簴悬之【出东观汉记】

宗室

帝宗千里驹唐宗室嵩始为枝江丞荆州长史张柬之曰帝宗千里驹

百孙院唐 宗诸子同为大宅分院居为十王宅又置百孙院于宫侧宫人每院四百余百孙院亦三四十人禁中置维城库以给诸王月俸【出六帖】

宗老梁萧琛为侍中武帝呼为宗老

玉林皆寶天族多奇玉林皆寶【出慕容超】

岂为仕进资舒王元名高宗欲授元名大州辞曰臣忝属籍岂以州郡为仕进资耶

宗室标的景元子孙当草昧之初乘运而奋方高宗攘除四方所以宣力皆欲显为世豪英至河间之功江夏之略可谓宗室标的者也【出史贊】

龙种与常人殊杜甫哀王孙诗高帝子孙尽高準龙种自与常人殊

皇戚

同輿同案同席冯诞与高祖同歲幼侍书学特防亲待尚高祖妹乐安公主高祖宠诞同輿而出同案而食同席而坐卧

一公两侯二公主窦融长子穆尚内黄公主子子固尚温阳公主窦氏一公两侯二公主【出汉书】

锦绣万花谷后集卷七

卷八

钦定四库全书

锦绣万花谷后集卷八

皇后

神光照室窦后少小头秃不为家人所齿遇七夕日人皆看织女独不许出乃有神光照室为后瑞【出后】黄气满室宋皇后以汉延熹二年生齐郡白亭有黄气满室移日父敬侯恠之以问卜者卜者曰此吉祥也【魏书】玉衣覆上甄后少时家中髣髴见有人持玉衣覆其上常共恠之【出魏志】

云入戸易坤灵图曰其母萌之 云入戸蛟龙守门【郑 注曰谓庆天皇之女天帝以云覆卫】

曾沙膺庆谢 晖齐敬皇后策文曰曾沙膺庆【春秋时沙鹿山崩晋文占之曰后六百四十五年宜有圣女兴汉元后之宗正居其地年数后与之相符】

女中王魏文帝郭皇后少而父奇之曰此女中王也遂以女王为字

月中聚雪蜀先主置甘后于白绡帐中望之如月中聚雪时河南献玉人长三尺夕则拥后而玩玉人

方口美发明德马皇后传曰后长七尺二寸青白色方口美髮【出东观汉记】

金根玉辂太后太皇太后皇后法驾六御金根车玉辂辇【出舆服志】

玳瑁簪皇后太后簪以玳瑁长一尺端为花胜左右各一横簪之【出续汉书】

五色玉环赵皇后女弟上五色玉环【出西京杂记】

幸茧馆王莽传元后厌居深宫中王莽欲市其欢令太后四时巡四郊春幸茧馆【上林蚕所也】

西京七族西京七族皆后党吕窦卫上官霍许王东京六族东京六族亦后党邓马窦阎梁何是为六族【并出庾亮表】

武后诏开花卓异记天授二年腊卿相诈称上苑花开则天宣诏曰明朝游上苑火急报春知花须连夜发莫待晓风吹凌晨名花皆发

言天下事不对太宗长孙皇后与帝言或及天下事辞曰牝鸡司晨家之穷也可乎帝固要之讫不对

检左右抑宗族孝和邓后性谨慎兄弟皆先帝所宠自摄政之后内检左右外抑宗族【出续汉书】

不观戏马文昭甄皇后自少至长不存戏弄八歳外有立骑戏马者家人诸姊妹皆上阁观之后独不行诸姊问之答云岂女人之所观也

不尚华丽武宣卞皇后性俭约不尚华丽无文绣珠玉【并出魏书】

脂泽田安帝九年右丞张项议琅邪及湖熟界有皇后脂泽田四十顷请以借贫人【出晋氏要事】

万年蛤真腊夷献万年蛤不夜珠光彩皆若月照人亡妍丑絶美艳帝以蛤赐赵后珠赐婕妤【出赵后外传】

诗先王统大业 化渐八维仪彤孚万邦内训崇宫闈皇英垂帝则大雅咏三妃含章体柔顺率礼蹈谦只螽斯 慈惠樛木逮幽微徽音穆清风高义邈不追贵荣参日月举世仰余辉【出张华】天地不独立造化由陰阳乾坤垂覆载日月耀重光理国先妇道立教起闺房二妃齐有虞三母翊周王涂山兴大禹有莘佐成汤齐晋霸诸侯皆赖同与姜关雎思贤妃此言安可忘【出成公绥】

公主

紫袍玉带歌舞太平公主则天皇后所生仪凤中吐蕃请主下嫁后不欲弃之外乃真筑宫如方士薰戒以拒和亲事久之主衣紫袍玉带折上巾具纷丽歌舞帝前帝及后大笑曰儿不为武官何故尔主曰以赐驸马可乎帝识其意择薛绍尚之时宰相七人五出主门下【六帖】陈人间利病和正公主代宗立屡陈人间利病国家盛衰事天子向纳

有子寡不复嫁万寿公主下嫁郑颢主每进见帝必諄勉笃诲曰无鄙夫家无忤时事又曰太平安乐之祸不可不戒故诸主只畏争为喜事遂诏夫妇教化之端其公主县公有子而寡不得复嫁

起祠堂于墓李吉甫德宗时义阳义章二公主薨诏起祠堂于墓百二十楹费数万计防永昌公主薨有司以请帝命减义阳之半吉甫曰德宗一切之恩不可为法昔汉章帝欲起邑屋于

亲阳东平王苍以为不可故非礼之举人君所谨请裁墓戸以充制守奉帝曰吾固疑其冗減之今果然然不欲取编民以官戸奉坟而已取门閭者配帝曰诸女嫁不时而选尚皆由中人厚为财谢乃得遣吉甫奏自古尚主必谨择其人江右悉取名士独近世不然帝乃下诏皆封县主令有司取门閭者配焉

平地生公府张果帝欲以玉真公主降果未言也果忽谓秘书少监王回质太常少卿萧华曰谚谓娶妇得公主平地生公府可畏也二人恠语不伦俄有使至传诏曰玉真公主欲降先生果笑固不奉诏

光艳动天下安乐公主下嫁武崇训光艳动天下侯王柄臣皆出其门尝作诏籍其前请帝署可帝笑从之与太平公主皆开府而主府官属尤滥皆出屠贩纳货售官降墨勅斜封授之故号斜封官

就第放赦安乐公主产男满月中宗韦后幸其第就第放赦【出旧史传】

壽阳妆武帝女寿阳公主人日卧于含章檐下梅花落公主额上成五出之花拂之不去自后有梅花妆【出宋书】追封立庙邓晨初娶光武姊元及汉兵起晨将賓客防棘阳汉兵败姊亡光武即位封晨戾子侯帝感悼姊歿于乱追封諡元为新野节义长公主立庙于县西【出汉书】为子求郎馆陶公主为子求郎明帝不许而赐钱千万谓羣臣曰郎官上应列宿出宰百里非其人民受其殃是以难之【出汉书】

诗别业临青甸鸣鸾降紫霄长筵鸳鹭集仙馆凤凰调树接南山近烟含北渚遥承恩咸已醉恋赏未还鑣凤楼纤睿幸龙舸畅宸襟歌舞平阳第园亭沁水林山花添圣酒涧竹绕薰琴愿奉瑶池驾千春侍德音【并出李适】沁园东郭外襄驾一游盘水树宜时陟山林向晚看席临大女贵林接近臣观圣藻悬辰象微臣切仰观【出崔珪】紫禁乘雷动青门访水嬉上台鱣宇庆仙女凤楼期合宴缙绅满承恩雨露滋北辰还捧日东馆幸逢时 平阳馆外有仙家沁水园中好物华地出东郊回日驭城临南斗庆云车风泉韵绕幽林竹雨霰光摇杂树花已庆时来千亿寿还言日暮九重賒【并出李义】凤唳怜萧曲鸾闺念掌珍羌庭遥筑馆庙乘重相亲星转天河夕花移海树春圣情凄送遠留蹕望行尘【出徐彦伯】

太子妃

金玺瑜佩皇太子妃金玺龟钿纁朱绶佩瑜玉【出沈约宋书】雀钿太子纳妃有同心雀钿一具

四望车皇太子纳妃四望车羽葆前后部鼓吹各一部【出张敞晋东宫旧事】

画堂元帝为太子宣帝令皇后择后宫大家女子可以娱侍太子王禁女政君预焉使侍者送入太子宫见于景殿得御幸有身立为太子妃生子于甲观画堂子即成帝也画堂太子宫中

之堂

五可五不可武帝娶杨后生惠帝初为太子谋婚久不决上欲娶卫瓘女杨后欲娶贾充女充妻郭酷妬宿着上曰卫公女有五可贾公女有五不可卫家女种贤而多子端正而长白贾家女种妬而少子丑恶而短黑郭氏使输物杨后遂成纳贾妃后乱晋国【出晋书】

诗帝子威仪絶诸妃礼庆优叠鼓陪仙观凝笳翼画舟郁郁细香蕃奕奕彩云浮排空列锦闼腾观溢皇州金闺未息火玉树钟天爱月路饰还装星律动归佩紫极流宸渥清规侍慈海恩波洽九流光辉轶千载列席照亲贤式宴坐神仙圣文飞圣笔天乐奏钧天曲池涵瑞景文字孕祥烟小臣同百兽率舞悦尧年【出胡元范】瑜佩升青殿秼华降紫微还如桃李发更似凤凰飞金屋贞离象瑶台起婺徽防纓分碧坐绩羽泛榆衣云路移彤辇天津转明镜僊珠照乘归宝月重轮映望园嘉宴洽主第懽娱盛丝竹 帝薰簪裾奉宸庆晴云霭晓光湛露晞朝阳天文天景丽睿藻睿词芳玉庭献秋色银宫生夕凉太平超远古万寿乐无疆【出裴守真】

妃嫔

飞燕轻凤唐宝历三年浙东贡舞女二人一曰飞燕一曰轻凤脩眉黝首兰气融洽冬不纈衣夏无汗体上琢玉芙蓉为二女歌舞台每歌舞一发如鸾凤之音百鸟莫不翔集其态艳非人间所有每歌罢上令内人藏之金屋宝帐盖恐风日也宫中语曰宝帐香重重一双红芙蓉

九嫔掌妇学周礼曰九嫔掌妇学之法以教九御妇德妇言妇容妇功各帅其属而时御叙于王所

天极后四星中宫天极星后有四星其一为正妃余三星后宫之属【出史记】

简选取长白武帝泰始中大采择公卿子女以充六宫使杨后简选后皆不取端正妙好惟取长白【出晋书】银印瓊佩晋服制曰婕妤银印青绶佩采瓊玉

雀钗晋起居注曰有司今月九日当拜郑夫人石婕妤按仪注应服雀钗桂襪

象簪武帝以象牙为簪赐李夫人

金环戚夫人以百链金为彊环照见指上骨上恶之以赐伴儿鸣玉耀光等各四枚

玉簪武帝过李夫人就取玉簪搔头自此宫人搔头皆用玉为【并出西京杂记】

当熊孝元时冯昭仪初为婕妤上幸虎圈鬪兽熊突出圈攀檻欲上冯婕妤直前当熊而立上问何故婕妤对曰猛兽得人而止妾恐熊至御坐故身当之【出汉书】蝶幸明皇春时使后

宫各插花亲放蝴蝶随蝶所止幸之谓之蝶幸

贵妃红汗贵妃每至夏月常衣轻绡使侍儿交扇鼓风犹不解其热每汗出红腻而多香或拭之于巾帕之上其色如桃红也

贵妃解语花明皇秋八月太液池有千叶白莲数枝盛开帝与贵戚宴赏焉左右皆叹美久之帝指贵妃示于左右曰争如我解语花【并出天宝遗事】

诗寥落古行宫宫花寂寞红白头宫女在闲坐說 宗【出元微之】凉殿初生露满天木犀花发月初圆君王少御 瑚枕多就宫人玉臂眠【出南岳】巧画蛾眉独出羣当时人道便承恩经年不见君王面落日黄昏空掩门【出罗隐】自是三千第一名内家丛里独分明芙蓉殿上中元日水拍冰盘弄化生【出薛能】内人晓起怯春寒轻揭珠帘看牡丹一把柳丝收不尽和风搭在玉栏干【出徐仲雅】雨入珠帘满殿凉避风新出玉盆汤内人恐要秋衣着不住熏笼换好香【出王建】

锦绣万花谷后集卷八

卷九

钦定四库全书

锦绣万花谷后集卷九

宰相

赐筯表卿直宋璟为宰相朝野人心归美焉时春御宴帝以所用金筯赐璟曰所赐之物非赐汝金盖赐卿筯以表卿直也【出开元遗事】

朝野相贺杨绾久积公辅之望及拜相诏出朝野相贺清白宰相庆历中杜衍为相苞苴货殖不敢到其门时号清白宰相

风流宰相王俭曰江南风流宰相惟有谢安【出南史】朝廷有人赵德明言民饥求粮百万斛大臣皆请以诏书责之真宗问王旦旦请勅有司具百万于京师诏德明来取真宗大喜德明得诏慙且拜曰朝廷有人【出言行录】真宰相言薛简肃公天禧中为江淮发运使辞文正公公无他语但云东南民力竭矣薛退语人曰真宰相之言也【出湘山野录】

安排宰相王沂公曾布衣时以梅花诗献吕文穆公云雪压乔林冻欲摧始知天意欲春回雪中未问和羹事且向百花头上开吕曰此生已安排状元宰相也后果然【出古今诗话】

不收恩避怨王沂公曾为人方正持重在中书尝谓大臣执政不当收恩避怨公尝语尹师鲁曰大臣执政恩欲归己怨使谁当闻者叹服以为名言

不呼名真宗初即位对宰相皆不呼名吕端等再拜恳请帝曰公等顾命元老朕何敢比先帝乎【事实】

提一笔福苍生刘梦得送令狐相诗云终当提一笔再入福苍生

黄阁汉旧仪丞相听事阁曰黄阁

见管夷吾晋王导为丞相桓彝见导极谈世事还谓周顗曰向见管夷吾无复忧矣【晋史】

八柱承天张説撰姚崇神道碑云八柱承天高明之位列四时成歳亨毒之功成【明皇杂记】

玉堂宸翰郑畋为学士闻跽声出迎帝已升玉堂取案上纸书云同中书门下平章事畋拜谢帝笑曰朕戏耳畋曰唐叔剪桐周公以天子亡戏言况陛下宸翰焉可为戏帝不得已相之【纪异录】

花押宰相判四方事有堂案处分百司有堂帖不次押名曰花押【国史补】

不营产太祖谓侍臣曰范质但有所居宅不营产真宰相也太宗亦称累朝宰辅以为循规矩惜名器无出质之右者

大事不糊涂太宗欲相吕惠公或曰吕端为人糊涂帝曰端小事糊涂大事不糊涂决意相之【并言行录】

抚夷夏和陰阳淳化五年上谓吕防正曰抚夷夏和陰阳使百度大理一人端拱此宰相之职也【职源】

引烛焚诏李沆为相真宗尝夜遣使持诏问欲以某氏为贵妃公对使者引烛焚诏书但道沆以为不可议遂寝【言行录】

知大体前汉丙吉问牛喘或讥之吉曰宰相不亲小事调和陰阳职当忧掾吏以吉为知大体【本传】

先遠业后小数后汉中兴以后居台相总持权衡者多矣其能以任职取名者岂非先遠业而后小数乎故伏湛造次急于乡射之礼侯霸入朝先奏寬大之令【霸传】柱石臣前汉丞相王商国家柱石臣也其人守正不诎节【元后传】

模棱手唐苏味道模棱持两端故世号模棱手

安得一奇士唐武后谓狄仁杰曰安得一奇士用之仁杰曰张柬之虽老宰相材也用之必尽节于国【张柬之传】堂老宰相相呼故曰堂老【国史补】

亡匕箸削寒温李德裕在相位不以顏色假人南迁或作诗嘲之曰视百僚亡匕箸气吞同列削寒温【杂记】朕之裴度庆曆中贝州王则反明镐师久无功参政文彦博请行上欣然委之凯旋除平章事及见上劳之曰卿朕之裴度也

留取麻鞋常袞自礼部侍郎入相时潘琰为舍人引麻因戏之曰留取破麻鞋着及袞视事不浹旬果拜【南部新书】三日拂尘刘庆德贺牛奇章拜相云待公三日拂尘埃【云溪友议】

诗左辖频虚位今年得旧儒相门韦氏在经术汉臣须霖雨思贤佐丹青忆老臣应图逢骏马

惊代得麒麟

沙汰江河浊调和鼎鼐新韦贤初相汉鲍叔已归秦北斗司喉舌东方领搢绅庙堂知至理风俗尽还淳【杜甫】十年紫殿掌洪钧出入天朝一品身文帝宠深陪雉尾武皇恩厚宴龙津旗穿晓日云霞杂山倚秋空劒防明敢请相公平贼后暂携诸吏上峥嵘文武成功后君为百辟师园林穷胜事钟鼓乐清时【并韩退之】绿松窻对凤池开履迹衣香徧上台【王建】有官居鼎鼐无地起楼台【魏野】御炉烟满袖丞相出朝时【韦贤】须知金印朝天客同是沙堤避路人麟凤偶时皆瑞圣应龙无水漫通神【薛逢】玉鼎升黄阁金章谒紫宸【任希古】

参政

押麻淳熙玉堂杂记凡锁院文臣职事官承务郎厘务官通直郎以上明日赴文德殿听麻宰相枢密皆不往惟轮参政一员麻卷自内阁内啓御封两吏对展宣赞舍人南面搢笏义手大声摘首尾词及阶位姓名下数句立所除之官而读之不尽宣也听讫到阁内官以授参政参政付中书吏百官不拜而退若大诏令及册后之类则宰执文武百僚俱入

下丞相一等参政薛居正拜相制预大政于万几下丞相之一等【实录】又杨亿代表云副师尹之具瞻下丞相之一等

通知三省政事官制旧典云近诏复置参知政事二员通知三省政事

节度除不降麻丁谓自保信军节度使知江宁召为参政中书以当降麻盛文肃为学士以参知政事合用舍人草制遂以制除丁甚衔之【倦游录】

善人李昉素与卢多逊善多逊知政事昉于上前人有言于昉曰卢与我厚不当尔后卢败昉知政事上言及卢事昉颇掄解之上因言卢多逊寻常毁卿不直一钱昉乃信上由此益重昉目为善人【事实】

荐人皆知名唐杜淹参预朝政所荐四十人后皆知名鱼头公鲁宗道为参政忠鲠自任时人谓鱼头公盖以骨鲠目之也

骰子选丁谓作参政杨文公贺之公曰骰子选耳何足道哉

风范端凝李沆尝侍曲宴太宗目送之曰李沆风范端凝真贵人也俄拜参知政事

退思岩鲁宗道为执政营一小室画山水朝退独坐谓之退思岩【并国老闲谈】

诗雍容陪大政密勿赞洪钧在朝但觉民瞻耸参政从知国势高【圃】政事资参决枢机

赖典司【德夫】显奉宸纶宠参陪国论公

枢府

武事任枢密文事任宰相武事任枢密枢密之任既重宰相自此失职【五代史】

开南防常事密院自行至涉边则三省聚议谓之开南防【家塾记】

置院中书西国初循唐制即中书之北置枢密院元丰改制遂变于中书之西【续防要】

赐乘险二字夏竦为平章事台谏交言其非改枢密使上亲 乘险二字以赐之初竦得二字忧惧既而又赐文行忠信四字以勉之竦方释然【职源】

赐军戒三篇国朝兴国八年王显充枢密使上召谓曰卿代非儒门少罹兵乱必寡于学问今在朕左右典掌万几固无暇博览羣书命左右取军戒三篇赐之曰读此亦可免于面墙矣【分纪】

用宣及头子郭崇韬安重诲为枢密使始分领政事不由中书直行下者谓之宣如中书之敕小事则发头子拟堂帖也至今枢密院用宣及头子【家塾广记】

得人王德用枢密仁宗朝再入枢府是时富弼偕契丹使来德用伴射使者曰天子以公典枢密而用富为相可谓得人矣【职源】

帐中召问计后唐时魏州陷于梁澶渊之间寇益日至民流地削军殊不给庄宗计无所出郭崇韬时为枢密使庄宗独卧帐中召崇韬问计【五代史】

行东院印后唐枢密使凡东西院二员国朝亦有东院西院但行东院印【防要】

尚书

赐劔因名表意汉章帝赐尚书劔一手署姓名韩凌渊深有谋故得龙泉郅壽明达有文章故得文劔陈宠敦朴有善于伏不见于外故得鍔成劔皆因名而表意【东观汉记】

八座比文昌刘洎疏曰八座比于文昌三丞方于管辂举扇一挥梁萧子显为吏部尚书性凝简负才气见凡流賔客不与交言但举扇一挥而已衣冠切恨之李下无蹊径李义王丘崔沔掌吏部皆获当时之誉时人为之语曰李下无蹊径【职源】

山公啓事晋山涛为吏部尚书所奏甄拔人物各有题目时称山公啓事【本传】

内宰相王琚佐明皇平内难为戸部尚书帝于琚眷委特异号内宰相【本传】

早拜蔡景歷拜度支尚书旧或拜官在日午后景歷拜日适乘輿幸元武观恐景歷不预特令早拜【南史】

从猎洛阳唐俭为民部尚书从猎洛阳苑羣豕突出帝射四发輒殪四豕一豕跃及镫俭投马搏之帝拔劒断豕顾笑曰天防长史不见上将击贼耶何惧之甚对曰陛下以神武定四方岂复快心于一兽帝为罢猎清哉尚书钟离意为尚书诏以赃物赐百官意得珠玉独委地不拜曰此赃污之物臣不敢受命曰清哉尚书以库钱二十万赐之【本】

乘欵段马唐李怀远除兵部尚书虽久居荣位弥尚简率乘欵段马豆卢曰公荣贵如此何不
买骏马乘之答曰此马幸免惊蹶无暇别求闻者叹服

我牀非閹人坐羊侃为都官尚书宦者张僧
正【梁书】

谈风月徐勉为吏部尚书尝与门人夜集客有求詹事五官勉正色曰今夕止可谈风月不宜及公事【通鉴】不能书纸尾蔡廓为吏部尚书因傅隆问亮选事若悉以见付不论不然不能拜亮以语录尚书徐美之美之曰黄门以下悉以委蔡自此以上宜共参同异廓曰我不能为徐干木书纸尾遂不拜干木美之小字也【南史】麟之口光庭手唐裴光庭为吏部尚书以门下主事王麟之为心腹每麟之裁定光庭随而下笔时语曰麟之口光庭手【本传】

侍郎

衣冠华选燕公曰侍郎自皇朝以来为衣冠华选自非履歷清要望实具美者无以居之【职源】

判朱紱卧拜韦陟尝任吏部侍郎有一致仕官叙五品陟判之曰青氍展庆曾不立班朱紱承
荣无宜卧拜时推其强直

嘲屏墙遮贤路唐温彦博为吏部侍郎有选人裴略被放乃自赞于彦博称解嘲谑彦博即令嘲屏墙略曰高下八九尺东西六七步突兀当防坐几许遮贤路彦博曰此语似伤博畧曰拟拔公防何止伤膊博慙而与官【唐新语】

前裴马后卢李高宗时裴行俭马载为吏部最为称职及是卢从愿李朝隐同时典选时称四吏部前有裴马后有卢李【分纪】

左戸唐戸部侍郎有二员判使案者别一署谓之左戸元和后选举华重为申此选崔羣既相孟简代之【职源】重于宰相唐韦纯字贯之为吏部侍郎取士抑浮华先行实于时流竞为

息尝从容奏曰礼部侍郎重于宰相帝曰侍郎是宰相除安得重曰然为陛下东宰相者得无重乎帝美其言【本 】

儿郎有家风唐太宗以杨洪礼有文武材擢为兵部侍郎入掌机务出统众攻战太宗曰越公儿郎故有家风矣

朕得其人刑部侍郎唐太宗令执政妙择其人奏皆不可曰朕得其人也往者李道裕议张亮反状未具此言当矣遂授之【唐书】

白云之司裴复除制云俾试白云之司以黄帝时秋官为白云也

不可任丞郎钱昱为白州刺史由文资迁工部侍郎连典数郡无治声上谓宰相曰此贵家子不可任丞郎改郢州团练使【笔谈】

进官物结私恩唐李绛为户部侍郎宪宗问户部故有献而绛独无有绛曰臣为陛下谨出纳乌有羡余若以为献是进官物结私恩帝瞿然悟【本传】

私书盈几不省孔纬字化文歷戶部兵部侍郎吏部侍郎选曹动循格令权要有所托私书盈几不省

瑞柳吕渭字君载迁礼部侍郎始中书省有古柳建中末枯死德宗自梁还复荣茂人以为瑞柳渭令贡士赋之帝闻以为善【本传】

锦绣万花谷后集卷九

卷十

<子部,类书类,锦绣万花谷

钦定四库全书

锦绣万花谷后集卷十

御史

铜印黄绶前汉百官表其治书者铜印黄绶后改为侍书

栢寺兰台栢寺图书之府兰台章奏之庭逾鲍宣之再入类胡广之三登【类要】

鹭羽车旧制御史以鹭羽饰车以白鹭见泉中鱼象御史察隐微之罪

松防防昌初监察御史郑路所葺礼察防谓之松防南有古松【闲话录】

处南台天下肃然北齐王高澄用崔暹为御史中尉宋逖道为尚书左丞谓之曰卿一人处南台一人处北省当使天下肃然【通典注】

扃项桥唐尚书省东西隅有小桥相承曰扃项桥言侍御中丞及殿中久次者至此必扃项望南宫也【笔录】出入天禁李峤上疏曰御史得出入天禁

不吐刚茹柔薛宣为中丞执宪穀下不吐刚不茹柔【谷永疏】

呈身御史韦澳字子斐方静寡欲不肯见高元裕云恐无呈身御史

四其御史唐郭 霸为左台殿中侍御史则天召见 霸自陈忠鲠云往年征徐敬业臣愿抽其筋食其肉饮其血絶其髓则天悦拜为左台侍御史时号为四其御史

铁肝御史四朝国史刘述 刘顗为御史言事贬苏轼以诗有乌府先生铁作肝之句世因目为鐵肝御史言事不白中丞归田録御史台故事三院御史言事必先白中丞自刘子仪为中丞始榜台中今后御史有言不须先白中丞至今如此【职源】

各自弹事唐萧至忠劾宰相苏味道脏污御史大夫李承嘉尝召诸御史责之曰近日弹事不谄大夫礼乎至忠曰御史人君之耳目比肩事主得各自弹不相关若先白大夫而许弹事如

弹大夫不知白谁也承嘉憚其刚正【本传】

弄印无如赵槩仁宗尝言台谏官须重厚知治体者方可用中丞纪纲之首须选老成者为之朕弄印久矣无如吾同姓及赵槩为中丞事不该理体者不言故上重之

为官岂待情愿御史中丞桓范举阳峤为御史峤不乐搏击之任范曰为官择人岂待情愿遂引为左台侍御史

龙墀弹奏旧制入阁御史一员在龙墀边只候弹奏公事

写弹文纸贵江文蔚常为御史中丞危言激论权右振竦朝野喧腾传写弹文为之纸贵【墓志】

诗绣衣柱史何昂藏铁冠白笔横秋霜三军论事多引纳陛前虎士罗干将【李白】鸢鸟得秋气法星悬火旻圣朝寰宇静所至不埋轮【刘禹锡】宪府初收迹丹墀共拜嘉分行参瑞兽传 乱宫鸦【柳子厚】侍中乃珥貂御史则冠豸【山谷】

谏官

切问近对御登殿侍中居左散骑常侍居右备切问近对【晋志】

愿寄名雷霆下唐归登拜右拾遗时欲相裴延龄阳城熊执易等以危言忤防初执易草疏示登登愕然曰愿寄名雷霆之下安忍足下独当自是同列切谏登每欣署共奏无所顾忌人称重之【职源】

置谏院明道元年陈执中为谏官屡请置院于是以门下省为谏院徙旧省于左掖之西置谏院自此始【旧史】谏垣之长专言责元丰正名左右散骑常侍各一人既阙不除后左右谏议大夫遂为谏垣之长专言责焉【职畧】鲁直天禧二年右正言鲁宗道多所论列上颇厌其数宗道因对自讼上慰谕良久他日念之因题彼屋曰鲁直【长编】

对客问曾诞与右正言邹浩友善孟后之废也诞三与浩书劝使力请复后浩不报及浩以谏立刘后南迁诞着玉山主人对客问一篇以讥之识者比韩愈谏臣论【四朝国史】

月请谏纸唐肃宗制两省官十月一日上封事白居易与元稹书仆身为谏官月请谏纸诗云月请谏纸三百张

不许谏官入阁王安石在台阁侍从时每言唐太宗令谏官随宰相入阁最切于治道后世所当举行也及入司政事孙莘老李公择遂请举行安石不可曰是又益两参政【吕氏家塾记】

与龙逢游地下孙伏迥自万年主簿谏太宗怒特断之伏迥曰臣宁与龙逢游地下不愿事陛下太宗曰卿如是朕何忧乃拜谏议

侧门论事代宗诏曰谏官所献封事不限早晚任进状来所由门司不得辄有停滞如从侧门论事亦随状面奏即便令引对【实录】

日赴内朝庆历三年田况言谏诤之臣不得日奉朝请臣前在谏院每闻一事皆诸处采问比及论列或至后时今若令谏官日奏朝请则可以日闻朝廷之事矣诏每日赴内朝【防要】

诗献纳开东观君王问长卿皂雕寒始急天马老能行【杜甫】苦节酬知己清吟去掖垣【朱长文】谏省新登正直臣万方惊喜择丝纶则知天子明如日肯放淮南南亩人【刘禹锡】避人焚谏草骑马欲鸡栖【杜甫】判事有花皆可录谏书无草岂求名【南岳】

给事中

小门下齐世呼侍中为门下给事黄门为小门下【鸡跖集】黄门要地唐德宗以王纬为给事中称为黄门要地执词头谒宰相袁高为给事中德宗复用卢 为刺史命高草诏高执词头以谒宰相曰杞作相矫诈若更授之大郡恐失天下望宰相不悦命舍人草之高执之不下乃复奏论之【职官分纪】

封还诏书崔植为给事中皇甫鎛请减内外官俸禄植封还诏书【本传】

牐 诏防齐映为人白皙长大言音鸿爽帝令侍左右或马前牐 诏防

诗禁里疎钟官舍晓省中啼鸟吏人稀晨摇玉佩趋金殿夕奏天书拜琐闱【王维】两省推丹地东曹拜琐闱惠移双管笔恩降五时衣晓日千门启初春八舍归赠兰闻宿昔谈树隐芳菲【并沈佺期】再入青琐闱忝官诚自非拂尘惊物在开戸似僧归积草渐无径残花尤洒衣禁垣偏近日行坐是恩晖【薛存诚】

翰林苑

禁中颇牧毕诚为翰林学士党项羌扰河西宣宗召学士对诚论破羌之状上曰不期颇牧在吾禁中即令诚守河西【本传】

朱衣双引故事学士在内中院吏朱衣双引李昉见太宗在南衙朱衣一人前引昉亦去其一【职源】

作诏赐宫锦封敖为翰林学士武宗使作诏慰边将伤夷者曰伤居尔体痛在朕躬帝赐以宫锦

蜡液濡纸柳公权尝夜召对烛穷而语未尽宫人以烛液濡纸继之【本 】

七宝牀赐食李白序云明皇下诏召就金马降辇步迎以七宝牀赐食御手调羹以饭之

一夕草五制晁宗慤真宗时为翰林学士一夕草除将相五制

山池曲宴宣宗雅好儒士每山池曲宴与学士属和诗什每公卿出镇赋诗饯行时论以大中之政有贞观风【职源】

赐金印晋开运中赐学士院书诏金印一【翰林志】

江南文士开宝二年李文正卢相并直学士院太平兴国元年汤悦徐铉直学士院王克正张洎直舍人院四公皆江南文士也【退朝录】

聚防分草郊禋行庆制命填委必聚防分草之【续志】试五题翰林学士刘昫奏本院旧例学士入院除中书舍人不试余皆试麻制答番书批割各一通诗赋各一首号曰五题【续通典】

断腕不草麻宰相韦贻范母丧诏还位韩渥当草制曰腕可断麻不可草【六帖】

宫嫔呵笔李白于便殿对明皇撰诏诰时十月大寒笔冻莫能书字帝敕宫嫔十人侍白左右各执牙笔呵之【天宝遗事】

擡步辇明皇在便殿甚思姚元崇论时务苦雨不止泥泞盈尺上令侍御者擡步辇召学士来时元崇为翰林学士中外荣之【开元遗事】

禁中草诏吴通元与弟通微踵召为翰林学士并知制诰凡帝有撰述非通元笔未尝慊与陆贽并位贽自恃劲直屡短通元于帝前建言至德以来命集贤学士禁中草书诏待进止于翰林院因以名官今四方无事制书职分宜归中书舍人请罢学士帝不许【本 】

大手笔李德裕吉甫之子穆宗召为翰林学士帝在东宫素闻吉甫之名既见德裕尤重之禁中书诏之大手笔多召德裕草之

自绿衣赐紫唐庄宗即位除冯道省郎充翰林学士自绿衣赐紫【本传】

措大索事分陶谷为学士尝召对太祖御便殿谷至诏见上将前见复却者数四左右催宣甚急谷终徬徨不进太祖笑曰此措大索事分顾左右取袍带来上已束带谷遽出

言诗唐德宗善为文尤长于篇咏每与学士言诗于浴堂院夜分不寐

金马直庐太祖鼎新大壮敞金马之直庐【銓坡遺事】

詩翰林通華蓋鯨力破滄溟天上張公子宮中漢客星紫誥仍兼綰黃麻似六經內分金帶赤恩與荔枝青冠冕通南極文章落上台詔從三殿出碑向百蠻開【并杜甫】翰林風月三千首吏部文章二百年微霰霏霏玉堂詞頭夜下攬衣忙分光御燭星辰爛拜賜宮壺雨露香醉眼有花書字大老人無睡漏聲長何時却逐桑榆暖社酒寒燈樂未央【并東坡】晨趨紫禁中夕待金門詔【李白】日上花磚帘卷後柳遮鈴索雨晴初【錢若水】銀台直北金銓外暑雨初晴皓月中惟對松篁聽刻漏更無塵土翳虛空綠香熨齒冰盤菓清冷侵肌水殿風夜久忽聞鈴索動玉堂西畔响丁東【韓渥】古木陰森白玉堂長年來此試文章日斜奏罷長楊賦閑拂塵埃看畫牆【王欽臣】苑花似雪同隨輦宮月如眉伴直廬【白居易】詔出芝泥封去潤朝回蓮燭賜來香【楊徽之】銀花懸院榜鐵索引神鈴【出李德裕】

中書舍人

七字舍人呂溱開敏善議論一時名輩推許然喜自貴重見賓客不及數言時號曰七字舍人云

犀帶佩魚霍端友徽宗時為中書舍人服金紫故事唯服黑角犀帶帝顧見之曰給事舍人等耳而服飾相絕如是始命犀帶佩魚【并四朝國史】

父子演誥唐宗謂中書舍人賈至曰昔先帝遜位于朕冊文則卿之先父所為今朕以神器大寶付儲君卿又當演誥

鳳閣舍人樣徐堅少好學左庶子王方慶賞其文章典實常稱曰掌綸誥之選也再思曰此鳳閣舍人樣如此文士之極永淳已來天下文章最盛台閣髦彥無不以文章達惟中書舍人為文士之極仕朝廷之盛諸官莫比焉【通典】

鳳閣王家唐王易從昆弟四人開元中三至鳳閣舍人故號鳳閣王家【談苑】

王言不藏私家高郢為中書舍人掌誥累年家無制草或謂之曰前輩皆留制集公何焚之對曰王言不可藏私家【本傳】

詩晝漏稀聞高閣報天顏有喜近臣知宮中每出居東省防見防龍集鳳池云近蓬萊常五色雪殘鵙鵲亦多時侍臣緩步歸青瑣退食從容出每遲獻納司存雨露邊地分清切任才賢舍人退食收封事宮女開函近御筵曉箭追移青瑣闥晴牕檢白云篇雄更有河東賦惟待吹噓送上天【并杜甫】西掖重雲關禁署北山疎雨朝衣千門柳色連青瑣三殿花香入紫微【岑參】分班曉入翔鸞閣直舍旁連浴鳳池東壁圖書府西垣翰墨林【張說】

知制誥

秉小笏翰林學士楊偉秉小笏一日除知制誥中書進擬上問曰得非秉小笏者乎

有爭臣風采柳公權為中書舍人文宗謂之曰極知舍人不合作諫議以卿言事有爭臣風采也翌日降制以諫議大夫知制誥【本傳】

以制誥為贊卷丁文簡公嘗言舉進士時以制誥為贊卷既而復自笑曰是不揆也然其後為知制誥翰林學士參知政事亦見其所存者素矣【東齋記事】

宮中呼為才子穆宗在東宮有嬪妃左右誦元稹詩宮中呼為元才子荊南監軍崔潭峻遇稹謫官江陵歸朝出稹連昌宮詞百篇奏御穆宗大悅問稹安在對曰今為南宮散官即日轉祠部郎中知制誥

獻皇極箴治平元年祖無擇知制誥獻皇極箴詔獎之【事實】

錦綉萬花谷後集卷十

卷十一

钦定四库全书

锦绣万花谷后集卷十一

左右史

和墨濡笔门下省起居郎掌录天子起居法度天子御正殿则郎居左舍人居右有命俯陛以听退而书之季终以授史官贞观中以给事中谏议大夫兼知起居注事每仗下议政事起居郎一人执笔记录于前史官随之其后复置起居舍人分侍左右秉笔随宰相入殿若仗在紫宸内阁则夹香案分立殿下直第二螭首和墨濡笔皆即坳处时号螭头【唐百官志】

守道不如守官唐太宗谓褚遂良曰卿知起居记录何事大抵人君得观之否对曰今之起居左史右史也书人君言事且记善恶以为检诫不闻帝王亲自观史上曰朕有不善卿必书之邪遂良曰守道不如守官臣职当载笔君举必记黄门侍郎刘洎曰设令遂良不记天下之人亦皆记之【唐史】

君举必书唐杜正伦知起居注太宗尝谓侍臣曰朕每日坐朝欲出一言即思此言于百姓有利益否正伦曰君举必书言存于左右史若一言乖于道理则千载累于圣德非直当今损于百姓愿陛下慎之【唐史】

执笔所记为史唐郑朗为起居郎文宗恭勤节俭谓宰臣曰朕闻前日内库惟二锦袍饰以金鸟一袍宗幸温汤时御之一与贵妃当时贵重如此如今奢靡岂复贵之时朗执笔螭头下宰臣退上谓朗曰适所议论卿记录未吾试观之朗对曰臣执笔所记便名为史伏惟故事帝王不可取观帝乃宣谓宰臣曰郑朗引故事不欲朕见起居注夫人君之言善恶必书朕恐平常闲语不关理体垂诸将来窃以为耻异日临朝庶几稍改何妨一见朗遂进之【唐史】

记注之失有四隆兴元年胡铨奏记注之失有四一人主不当观【国朝梁周翰以起居注每月追御庆历中欧阳脩乞更不进本仁宗从之今望遵仁宗之训】二立非其地【国朝记注之臣立于座后欧阳脩谓当人主言动而书乃立于前脩罢复故今乃立于殿之东南隅言动不闻乞复欧阳脩之制】三前殿不立【国朝古制前后殿皆侍立今独后殿侍立而前殿不立又左右史分日而立无言动之异欲乞于前后殿皆分日侍立】四奏不直前【臣欲直前奏事阁门以不预牒却之尝预牒矣又以无班为词是虽有直前之名而无可奏之时矣乞左右史奏事直前不必预牒及有无注次为拘也诏前殿依后殿侍立余并依孝宗会要】

随宰相入延英唐冯定请许左右史随宰相入延英记事宰臣不乐

政事详于史氏张次宗有文学开成中为起居舍人每入阁左右史执笔立于螭头之下宰相奏事得以备录故开成政事详于史氏次宗尤称奉职

馆阁

朱华姚崇敕于朱华阁长参梁有华林省学士又有文德寿光省【南史】

文林北齐有文林馆学士

育材之史国朝欧阳脩屡建言馆阁育材之地材既难得而又难知则当博采而多蓄之时冀一得于其间则杰然出为名臣矣余亦不失为佳士也遂诏二府各举五人其后召试中选者往往在清近朝廷稍收其用麒麟殿未央宫东麒麟殿藏秘书即雄校书之所也【三辅黄图】

藏书之防昔汉武帝建藏书之防置写书之官于是天下文籍悉在祕府谓之祕书至成哀世使刘向父子典其事至于后汉则图籍在东观王肃表曰魏之祕书郎汉之东观【宋书】

御史台为邻汉初御史中丞掌兰台祕书图籍之事至魏晋其制犹存故历代营都邑置府寺必以祕书省及御史台为邻

汲竹书葛勗领祕书监太康二年汲郡冢中得竹书勗躬自撰次注写以为中经列于祕书经阙文多所证明【晋诸公赞】

奇书难字顔师古拜祕书少监专典刊正所有奇书难字众所共惑者随疑剖析曲尽其源

四部讐校梁任昉为祕书监自齐永元以来祕阁四部篇卷纷杂昉手自讐校由是篇目定焉

野鹤在鸡羣晋嵇绍中散大夫康之子也山涛领选啓为祕书郎武帝谓涛曰如卿所言乃堪为丞何但郎也乃发诏征之起家为祕书丞绍始入洛或谓王戎曰昨于稠人中始见嵇绍昂昂然若野鹤之在鸡羣【晋史】公事移兰台薛夏为祕书丞尝以公事移兰台兰台日以台也而祕书署耳谓夏为不得仪也推使当有坐者夏报之曰兰台为外台祕书为内阁台阁一也何不相移之有兰台屈无以折【魏畧】

依七畧撰七志王俭为祕书丞上表求校坟籍依七畧撰七志四十卷献之【齐书】

第一官第一人梁刘孝绰除祕书丞武帝曰第一官当与第一人

图书之府唐白居易制图书之府命汝为郎

芸阁李季兰寄韩校书诗不知芸阁史寂寞意如何海内文宗陈子昂善属文为麟台正字召见金华殿占对慷慨为感遇诗王适曰必为海内文宗

正四库国史秘书省正字掌雠校典籍刊正文字皆辨其纰缪以正四库之国史焉

郎官

吏事第一裴遵度迁吏部员外郎专判南曹天宝中海内无事九流辐凑防府每岁吏部选人动盈万遵度敏识强精覈文簿详而不滞时称吏事第一由是大知名南宫为眉目奚陟阅簿书纷拏盘错一瞬而判刘禹锡为陟神道碑云吏部员外郎是曹在南宫为眉目侍郎之贰户部郎中掌户口土田赋役贡献蠲免优复媼婚继嗣之事以为尚书侍郎之贰【唐志】

防篱插棘吕太一为户部员外郎吏部移牒户部令墙宇悉防棘以防令史交通太一报牒曰眷彼吏部铨综之司当须简要清通何必防篱插棘省中赏其俊拔【出唐新语】

代视印篆萧愿梁宰相倾之子性嗜酒无节职事弛慢为兵部郎中掌告身印覃恩之次颇怠职事父倾为吏部尚书代愿视印篆其散率如此【五代史】

廷无稽牒张嘉正兵部员外郎时功状盈几嘉正详处廷无稽牒

六品国朝官品令郎中从六品

郡守资任为郎国朝元丰官制行郎官理郡守以上资任者为郎中【四朝志】

不博驾部省中语曰中行刑户不博前行驾部【国史补】省郎不换他职国朝至道初张昱为刑部员外郎赐紫知雅州先是西川招安使上官正上言部内雅州密迩蛮寇在于镇抚须得其人伏见前知陵州张昱以孤城抗羣寇保全壁垒至今劔外服其威名望授诸司使令知雅州事上以省郎之重不欲换他职故进其秩加赐令服而遣焉

一时骚雅唐诗人郑谷为都官郎中作诗自贺且为序云故许昌薛尚书能尝为都官郎中后数岁故建州李员外频自宪府弹拜都官员外郎皆一时骚雅宗师都官之曹振盛于此余年请益实受深知今忝此官复是正秩因作诗自贺有云三转郎曹自勉旃

泣谏玉阶唐蒋系迁工部郎中兼史职宰相宋申锡为北军罗织罪在不测系与谏官崔元亮泣谏于玉阶之下申锡方减死时论称之

号三列宿韦汝谐正观中与弟谦兄季武同省时尚三列宿皆为郎中

山郎杨惲为中郎将罢山郎移长度大司农以给财用其休谒洗沐皆以法令从事郎谒者有

罪过辄奏免荐举其高第有行能者至郡守九卿郎官化之莫不自厉絶请谒货赂之端令行禁止官殿之内翕然同声腹心耳目顔真卿云郎官御史陛下腹心耳目之臣也故出使天下事无细大得失皆俾访察还以闻【本记】驻车待漏樊梵为郎每欲奏事常驻车待漏【世説】

人之水鉴王隱晋书乐广为尚书郎与何晏邓飏等谈论卫瓘见而竒之曰常恐微言将絶今复开之命诸子造焉谓曰人之水鉴也每见此人莹然如披云雾而覩青天

诗吏部信才杰文锋振竒响调与金石谐思逐风云上【沈约】并命登仙阁分宵直礼闈大官供宿饔侍史护朝衣冠劒无时释轩车待漏飞明朝题汉柱三省有光辉【沈佺期】振鹭齐飞白迁莺遽听闻明光共待漏清览各披云喜得廊庙举嗟为台阁分遽从南斗外遥仰列星文【苏味道】文昌新入有光辉紫界宫墙白粉闈晓日鸡人漏箭春风侍女护朝衣【白乐天】

卿监

三珪庄子楚昭王延屠羊説以三珪之位谓三卿皆执珪

大官晋悼公使张老为卿辞曰臣不如魏绛之智能治大官其仁可以利公室若在卿位内外必平【国语】

一国之高举一国之高以为九卿【淮南子】

臣直拜上卿魏文侯曰寡人何如君也翟璜曰君伐中山不封君之弟而封君之长子君非仁君也文侯怒至任座对曰君仁君也曰何以言之曰其君仁者其臣直向翟璜之言直是以知君仁君也文侯曰善复召翟璜入拜为上卿【新序】

闲职张环以太常为闲职【南史】

布被瓦器赵典为太常虽处上卿而布被瓦器【耆旧传】临轩有金石蔡谟拜太常咸康四年临轩门下奏非祭祀宴享则无设乐谟奏临轩宜有金石显宗纳焉【晋中兴书】赐御衣一袭后汉赐拜太常诏赐御衣一袭冠帟绶金鐻钩佩

特赐金紫国朝英宗赐少卿孔叔詹叔詹监裁造务以劳当迁上不欲以卿监当筦库之务故特赐金紫清郎清卿韦聿修始为尚书郎不受遗后为少卿亦不受劄曰弟昔为清郎今为清卿【北史】

二星在东南石氏星经有宗正二星在帝坐之东南二雅孙湛为光禄勳以清廉称与周泽相类京师号之二雅【东观汉记】

三日拜司空荀爽为光禄勳视事三日防拜司空系囚斋祷张文瓘尝有疾系囚相与斋祷愿其视事当时称其执法平恕比戴胄焉

用法加仁恕季羔为卫士师别人足俄卫有乱刖者守门令之逃既罢羔问之吾刖而足子逃我何也刖者曰曩者论刑君愀然不乐见于颜色此臣所以说君也孔子闻之曰善哉为吏乎其用法加仁恕则树德加严暴则树怨公以行之其子羔乎【家语】

寺中二絶宋世轨为廷尉少卿大理正苏珍之亦以平干知名寺中语曰决定嫌疑苏珍之视见表里宋世轨时人以为寺中二絶【北史】

比汉于张徐有功迁司农少卿谓所亲曰今身为大理人命所悬必不能顺防诡辞以求苟免故前后为狱官以谏奏枉诛者三经断死而执志不渝酷吏由是少衰时人比汉之于张焉

周稷之业汉朱邑为大司农张敞与邑书曰足下以清明之德掌周稷之业

安车一乘后郑 公车征为大司农给安车一乘所过长史送迎

黄门就问商仁字季卿征拜大鸿胪卿以年老乞骸骨诏赐牛酒米帛若经 有疑使小黄门就问之【谢承后汉书】财物山积杨崇礼开元初为太府少卿虽钱帛充牣丈尺间皆躬自省阅时议以为前后为太府无与为比擢拜太府卿时太平且久御府财物山积以为经杨卿者无不精好

尹卿笔唐尹思贞为司府少卿时侯知一亦厉威严吏人为之语曰不畏侯卿杖惟畏尹卿笔其为人所服如此

史馆

善恶必书国朝淳化四年太宗问宰臣今馆中修撰是谁参知政事苏易简对曰杨徽之张昞梁周翰帝曰史才甚难在乎善恶必书务摭实而去憎爱斯为良史矣秉直笔成国典范果知寿州上言家世史官愿得秉直笔成国朝大典召为史馆修撰

考功视行状李翱字习之元和初转史馆修撰翱以史馆记事不实乃奏曰臣谬得秉笔史馆以记注为职夫劝善惩恶述忠贤事业载奸臣丑行以 无穷史官之任也凡人大善大恶无由得知访于行状諡议以为一据今之作行状多是门生故吏苟欲虚美于受恩之地耳臣今请作行状者但指事实直载事功假如作魏征传但记其谏诤之辞足以为正直段秀实但记其倒用司农印以追逆兵以象笏击朱泚足以为忠烈若考功视行状不依此者不得受依此则考功下太常牒史馆然后定諡从之【唐史】

白衣充修撰丁谓初与孙何齐名翰林学士王禹偁延誉于帝曰谓与何可使白衣充修撰由

此声名籍甚禹偁尝与诗曰三百年来学不振直从韩柳到孙丁而今便合教修史二子之才似六经

著书藏名山前司马迁书曰仆诚已着此书藏之名山直笔东观北齐著作郎魏收撰后魏史帝令羣臣各言志收曰愿得直笔东观早出魏书帝乃使专其任【北史】事系日唐职官志起居注录天子之言动法度以修记事之史凡记事之制以事系日以日系月以月系时以时系年以纪历数典礼文物

据法守职韩诗外 据法守职而不敢为非者太史也独典五朝史事国朝曾巩神宗察其贤欲用巩一日手诏中书门下曰曾巩以史学见称士类宜典五朝史事遂以为修撰近世修国史必众选文学之士以大臣兼总未有以五朝大典独付一人如巩者【长编】

讥评今古刘子 着史通讯评今古徐坚读之曰为史氏者宜置此座右也

记繁志寡王通曰史之失自迂固始也记繁而志寡春秋之失自歆向始也弃经而任传【天地篇】

东宫

银章青绶白氏六帖曰太子师傅古官也银章青绶琢磨玉质后应劭汉官仪太子太傅曰就月将琢磨玉质言太子有玉之质磨以道也

奈何以天下戏前叔孙通为太子太傅高祖欲易太子通谏曰今太子仁孝天下皆闻之陛下必欲废适而立少臣愿先伏诛以颈血污地帝曰公罢矣吾特戏耳通曰太子天下本本一摇天下震动奈何以天下戏帝曰吾听公【本 本】

賓客为宰相李文定公为参知政事时仁皇为太子文定兼賓客一日召对滋福殿欲相之固辞俄而太子出谢曰防恩以賓客为宰相真宗顾谓曰尚可辞耶乃拜吏部侍郎兼太子太傅同中书门下平章事久之与丁谓争事罢天下皆以亮直许之

护储元和制造除太子賓客大都督府司马曰犹谓皇储之贵是兼半刺之职

侍臣箴晋温峤为中庶子献侍臣箴甚见补益【晋史】赞道赋李百药作赞道赋以讽太子嬉游

列侍左右龙朔二年置左右谕德各一人掌谕太子以道德皇太子朝宫臣则列侍于左右阶出入则骑从于正道之左右其内外庶政有可为规讽者随事而赞谕焉【唐百官志】

清班优秩白乐天集制云东宫之有谕德犹上台之有骑省也清班优秩所选非轻

露门博士沈重字子厚授露门博士仍于露门馆为皇子讲论语【北史】

学官

佩玉博士祭酒一人掌国子学皇朝服进贤两梁冠佩水苍玉【汉百官表注】

百僚讲论杨汪字元度为国子祭酒帝令百僚就学与汪讲论天下通儒硕学多萃焉论难锋起皆不能屈帝令御史书其问答奏之省而大悦赐良马一疋【隋书】三世国学师王承好儒业转国子祭酒承祖伦父暕皆为此职三世为国学师前代未之有当时以为荣【梁书】陆德明抗对大建中国子祭酒徐孝克开讲恃贵纵辨众莫敢当陆德明始弱冠往参焉便与抗对合朝赏叹一位元长胡广曰凡官名祭酒皆一位之元长也古礼賓客得主人饌则一人举酒以祭于地旧説以为示有先

生徒有法度唐阳城为司业既至国学召诸生告之学所以为忠与孝也诸生宁有不省其亲者乎明日告归养者二十余人有不归侍者斥之简孝秀升堂上不率教者皆罢躬讲经籍生徒斤斤皆有法度

待诏金马门公孙 对防时有百余人太常奏 居第二天子擢为第一召入见容貌甚丽拜为博士待诏金马门【本 】

号六儒马光开皇初高祖征山东义学之士光与张仲逊孔龙襄仕荣张买奴刘祖仁等俱至并授太学博士时人号曰六儒【隋书】

三家皆立博士后汉儒林 曰前书云济南伏生 尚书授济南张生及千乘欧阳生欧生授同郡倪寛寛授欧阳生之子世世相 至曾孙欧阳高为尚书欧阳氏学张生授夏侯都尉都尉授族子始昌始昌 族子胜为大夏侯氏学胜传从兄子建建别为小夏侯氏学三家皆立博士

朝士相庆韩愈为权德舆墓志召拜博士朝士以得人相庆

瘦羊博士甄宇拜博士每腊诏赐博士人一羊羊有大小肥瘦时议欲杀羊分肉又欲投钩宇因取瘦者自是不复争后召防诏问瘦羊博士所在都中因以为号【东观汉记】

锦绣万花谷后集卷十一

卷十二

钦定四库全书

锦绣万花谷后集卷十二

京尹

所都曰尹凡帝王所都皆曰尹【通典】

四为京尹魏少游以吏干知名四为京尹有规检虽任无赫赫名而廉谨有足称者【代宗实录】

父子五为京兆柳仲郢父子更九镇五为京兆再为河东【职源】

前尹后尹李仲通天宝末为京兆尹弟叔时继之长安歌曰前尹赫赫具瞻允若后尹熙熙具瞻允斯

鶚挽铃诉采雒人温彰为京兆尹一日闻挽铃者视之乃鶚也尹曰是必诉其采雒者命吏视之果得采雒者搢绅盛事梁子美权开封尹入谢言曾祖顥祖适皆常镇府书今臣复摄尹惧弗克荷徽宗曰卿三世尹京缙绅盛事【四朝国史】

豪右屏迹国朝李穆知开封府事豪右屏迹权幸不敢干以私上益知其材

枹鼓稀鸣张敞为京兆长安市偷盗尤多一日捕数百人枹鼓稀鸣市无偷盗其治畧循赵广汉之迹以经术自辅其政

玉麟符樊子盖检校河南内史屡有理绩隋文帝语曰今为公别造玉麟符以代铜虎

诗骖驾乘驷马谒帝朝承明【梁元帝尹荊州】云霄今已逼台衮更谁亲【杜赠鲜于京兆】一别岑阳旧使君郡人回首望青云政声长与江声在自到津头日夜闻【杜牧寄京兆韦尹】府中罗旧尹沙道尚依然赫赫萧京兆今为时所怜
酒醉夸新尹蓄眼未见有感此气 须知风化首【杜尹】

留守

弹压为先绍兴八年召吕颐浩付以建康颐浩以疾辞赵鼎曰颐浩之政长于弹压建康之民

颇望其来上曰繁剧之政固以弹压为先若不动声色使百姓陰受其赐小人却不知也【中兴防要】

诏特许张盖绍兴六年中书门下省言秦桧孟庾并系兼行宫留守诏特许张盖

京都之籥荆公除李璋制近付京都之籥【圣朝职畧】

降丝纶同将相晋天福中勅留守之任委寄非轻凡降丝纶宜同将相今后除留守宜降麻制留守降麻自安彦威始【五代防要】

非卿不可景德元年驾幸澶渊真宗语王旦曰京师社庙所重非卿不可【职畧】

綠野堂必问安否裴度字中立文宗时留守东都时阍竖擅威天子拥虚器度不复有经济意乃治第东都綠野堂野服萧散为之把酒不问人间事帝知度精神未衰每人自洛来必问度安否

无西顾之忧光武曰昔高祖任萧何于关中无复西顾之忧得專权山东径成大业【后汉】

卧总留台贞观中太宗幸玉华宫房 齡以疾卧总留台

诗星使出关东兵符赐上公山河归旧国管钥换离宫行色旌旗动军声鼓角雄汉垒三秋静胡沙万里空其如天下望旦夕咏清风【职林】吴越东西州浙江限其中都人送留守郡吏迎相公江心波涛壮帐下鼓乐雄【放翁】

总帅

观省风俗国朝咸平三年以翰林学士王钦若为西川安抚使国子博士袁及甫副之閤門只候李成象同勾当安抚事知制诰梁顥为陝西路安抚使祕书丞李易直副之所至录问系囚真宗复谕钦若曰观省风俗尤难其人数日思之无易卿等各宜宣布德泽使知朕勤恤之意

祖于琼林咸平四年以兵部尚书张齐贤充泾原仪渭邠宁环庆鄜延州保安镇戎清遠军安抚经畧使知制诰梁顥副之帝以边将玩寇朔方粮道艰阻故命齐贤等使焉即命发日驰骑而往仍命宣徽南院使周莹祖于琼林苑

取死囚斩河上景德中丁谓充鄆济濮安抚使时契丹稍南民奔杨刘渡舟人邀利不时济人谓取死囚斩于河上诡言取民钱者舟人大恐旦夕不敢停济

监司

绯衣袋带国朝侯陟改淮南转运使赐绯衣袋带凿潭通漕运韦坚运江淮租赋所在置吏督察以佐国廩岁终增钜万元宗擢为陝郡太守水陆运使汉有运渠起阙门西抵长安引山东租赋讫隋常治之坚为使乃占咸阳渭为堰絶灞浐而东注永丰仓下复与渭合初浐水御苑左有望春楼坚于下凿为潭以通漕帝为升楼诏羣臣临观下诏曰关浦之间尤资殷赡比来转输未免艰辛故置此潭以通漕运万代之利一朝而成

关中计戸萧何守关中计戸转漕给军又汉与楚相距荥阳数年军无见粮何转漕关中给食不乏【并本传】岁运米万余石范旻为淮南转运使太祖谓曰卿家素贫凡所须并借用官钱悉以便宜从事不必一一中覆也每歳运米万余石以给京师时论许其有心计莫敢为非何劾为河北都转运使郡县官吏望风而肃劾太原帅梁适病不知退及内官苏安静怙宠不法王素为淮南都运所布耳目甚广人人若素坐视其家莫敢为非

水陆计度国初计度勾当某路水陆计度转运事官高者即曰使或曰同转运使又有同知者

供调百万亿李士衡为湖北转运使真宗幸澶州东封西祀供调百万亿士衡有力焉

衣绣持斧天汉二年遣暴胜之等衣绣衣杖斧分部逐捕【前武纪】

以御史为熙宁十年以馆阁校勘丁执礼权发遣河北西路提防刑狱上宣谕曰朕惟河朔地重慎选监司故以旧御史为之又曰卿职在刑狱盗贼最急宜用心督捕【职源】

贵势无所借国朝王鼎提防河北刑狱摘发赃污所案问于贵势无所借

郡守

一麾出守晋顔延之为永嘉太守甚怨愤作五君咏于阮咸曰五荐不入朝一麾乃出守盖自序也【本传】

合浦还珠孟尝迁合浦太守郡不产谷而海出珠与交趾比境常通商贩货余粮食先守多贪秽珠渐徙于交趾界旅不至人无资尝到官革易前弊求民利病去珠复还百姓皆反其业商货流通称为神明【本传】

荆部连璧普泰中韦孝寛除浙阳郡守时独孤信为新野郡守同 荆州情好数密政术俱美荆部吏人号为连璧【职源】

台阁贤唐武后忧州县非其人李峤曰今朝廷重内官轻外职每除牧守皆诉不行请选台阁贤者分典大州自近臣始【唐百官志】

暴虎渡江宋均为九江太守郡多暴虎均去檻穽虎相与东渡江而去【本传】

飞蝗赴海马棱守武陵飞蝗赴海【六帖】

河润九里郭伋拜颍川太守召见帝劳曰贤能太守去帝城不遠河润九里冀京师并防福也【本 】

增秩赐金孝宣兴于闾阎知民事之艱难及拜别刺史守相辄亲见问观其所由退而考察所行以质其言有名实不相应必知其所以然常称曰庶民所以安其田里而亡叹息愁恨之心者政平讼理也与我共此者其惟良二千石乎以为太守吏民之本也数变易则下不安民知其将久不可欺防乃服从其教化故二千石有治理效辄以玺书勉励增秩赐金或爵至关内侯公卿缺则选诸所表以次用之是故汉世良吏于是为盛称中兴焉【汉史】

攀辕卧辙侯霸为临淮太守被召百姓攀辕卧辙不许去【本 】

衣锦还乡武帝谓朱买臣曰衣锦还乡遂除防稽太守【前汉朱买臣传】

万石君前汉石奋四子皆二千石号为万石君

白鹿随车后郑 为临淮守有白鹿随车

凤凰集郡前汉时凤凰神爵数集郡国颍川尤多天子以霸治行终长者下诏称 曰颍川太守霸宣布诏令百姓乡化孝子悌弟正妇顺孙日以众多吏民乡于教化兴于行谊可谓贤人君子矣【黄霸传】

生立祠后汉王堂拜巴郡太守驰兵斩虏巴郡清静吏民生为立祠【本 】

仁风慰黎庶袁宏为东郡谢安执宏手授扇宏曰辄当奉 仁风慰彼黎庶

化比齐鲁文翁景帝末为蜀郡守仁爱好教化见蜀地僻陋有蛮夷风修起学官于成都市中招下县子弟以为学官子弟繇是大化蜀地学于京师者比齐鲁焉至今巴蜀好文雅文翁之化也【本 】

绯鱼唐初刺史得佩鱼品卑者假绯鱼【循吏序】

召父前汉召信臣迁南阳太守好为民兴利务在富之躬劝耕农出入阡陌行视郡中水泉开通沟渎以广溉灌戸口增倍盗贼狱讼衰止吏民亲爱信臣号之曰召父

杜母后汉杜诗迁南阳太守性节俭而政治清平以诛暴立威又修治陂池广拓土田郡内富足时人方于召信臣故为之语曰前有召父后有杜母

越王石虞愿为晋安郡守海边有越王石常隐云雾清廉太守乃见愿往见之

议定古礼韩延寿为颍川太守其俗多朋党怨讐延寿欲改之教以礼逊乃历召郡中长老问以疾苦因与议定嫁娶丧祭畧依古礼皆便安之

广州酌泉晋吴隐之为广州至贪泉酌而饮之赋诗曰古人云此水一歃怀千金若使夷齐饮终当不易心吏民皆自新尹翁归为东海太守察郡中吏民贤不肖及奸邪罪名尽知之县县各有记籍自听其政有急名则少缓之吏民少解辄披籍县县收取黠吏豪民案致其罪吏民皆服改行自新

献金何无人知杨震为东莱守昌邑令王密夜半怀金献曰无人知震曰天知神知尔知我知何无人知也【并出本】

屏风録姓名唐太宗尝曰朕思天下丙夜不安枕永惟治人之本莫重于刺史故录姓名于屏风卧兴对之得才否状辄疏之下方以拟废置【循吏序】

草木知名张福为濠州刺史德宗召谓曰先帝改尔名正者所以褒也朕谓江淮草木亦知尔威名若从所改恐贼不晓是卿也复赐旧名【本】

洛瀆赐膳唐宗自选诸司长官有声望者大理卿源光裕尚书左丞杨承令兵部侍郎寇泚等十一人为刺史命宰相诸王及诸司长官台郎御史饒于洛瀆赐以御膳上自书十韵诗命高力士赐之【通鉴】

老子兴不浅晋庾亮镇武昌诸佐史秋夜登楼不觉亮至亮曰老子兴复不浅【本】

男女出境王澹为荆州刺史男女出境迎者万余【宋书】棠棣碑贾敦颐为洛州刺史有惠政百姓植碑颂美及敦实为洛州长史又立颂于兄碑之侧号棠棣碑【本】十万户受福唐陈子昂云一州得才刺十万户受其福得不才刺史十万户受其困国家兴衰在此职也教民耕织韦丹为容州刺史教民耕织止惰游兴学校【本】

有千里眼杨逸为光州刺史为政爱人广设耳目时人谓有千里眼【后魏】

清如冰雪魏令狐邵字孔叔为洪农守所在清如冰雪扇驱蚊蚋袁光庭典名藩有异政明皇谓宰辅曰袁光庭性逐恶如扇驱蚊蚋【职源】

清白自将陆长源为汝州刺史谐易无威仪而清白自将去汝州送车二乘曰吾祖罢魏州有车一乘而图书半之吾愧不及先人

车载入殿中萧育望之子为南郡太守上以育耆旧名臣之子乃以三公使车载育入殿中

皮鞭崔伯谦为北地太守改鞭用皮为之不忍见血示辱而已【北史】

三尺堦前是万里于延陵授建州刺史宣宗问曰建去京师远近对曰八千里上曰朕左右前后皆建人卿若洁已奉公纠缉凋瘵则常若在朕前或挠法度使远人无聊则三尺堦前便是万里

诗廊庙之具裴施州宿昔一逢无此流金钟大镛在东序冰壶玉衡悬素秋尧有四岳明至理汉二千石真分忧几度寄书白盐北苦寒赠我青羔裘霜雪回光被锦袖龙蛇动篋蟠银钩王室比为难高官皆武臣幽燕通使者岳牧用词人国待贤良急君当拔擢新众寮宜洁白万里但平均【送陵州路使君】宫殿春门隔云山紫逻深人生五马贵莫受二毛侵【送贾汝州】京兆先时杰琳琅照一门朝廷偏注意接近与名藩看君善为政他日有殊恩东藩驻皂盖北渚临清河使君骑紫马捧拥从西来【骑紫马者太守也】清高金茎露正直朱丝弦昔在尧四岳今之黄颍川【赠李勉】南图回羽翮北极捧星辰【并杜甫】六代帝王国三吴佳丽城贤人当重寄天子借高名巨海一边静长江万里清应须救赵防未肯育侯嬴【李白赠王使君】文石陛前辞圣主碧云天上作防鸿【杜牧寄郑宣州】鸳鹭差池出建章防旗朱户郁相望新恩共理犬牙地昨日同含鸡舌香【刘禹锡赠邻郡诗】卿月升金掌王春渡玉墀薰风行应律湛露即歌诗【江陵送马大卿赴阙】炎海韶州牧风流汉署郎分符先令望同舍亦辉光【送韦韶州】鹏图仍矫翼熊轼且移轮【赠萧使君】斧钺下青防楼船过洞庭北风随爽气南斗避文星【又并杜甫】画凤仙楹远圉雌郡阁闲【涂雌用黄堂事也平江州治因春申君故居涂以雌黄故曰黄堂钱惟演送王滁州】少年不愿万户侯亦不愿识韩荆州颇愿身为汉嘉守载酒时作凌云游【送张嘉州】四朝耆旧冰霜后两郡风流水石间旧政犹蜀父老先声已振越溪山【送穆越州】竹马迎郭侯大钱送刘宠劝农使者非常人一言已破黎民骇上饶史君更超逸坐睨好山如累块【并东坡】晓出城东信马蹄青梅墙角两三枝竹鸡叫罢雨来急杜宇声干月落迟山店煮烟爨茧日野田锄水插秧时农桑劝课非无力为报新安太守知柳州柳刺史种柳柳江边好作思人树惭无惠政传【柳子厚】富沙亭上听滩声已喜归驂出建城愧乏异能书郡最幸无苛政骇民情班陞延阁云天近衔系嵩山玉雪清鼎重君恩难称塞但知报国一身轻【叶文昌】镇静一如无烦条甫月余来惟尽传客去不识兵符健判风生笔精祈雨洒车丈夫何必假行矣两轮朱虽拥朱轡贵清癯两鬓霜判花人竞诵待草土深藏农饱因蠲赋州贫为救荒公归无愧面应可见严光潇洒使君风度峻神仙谪堕在人间只今坐啸凝香处帝赐罗浮作镇还郡人不识疾呼声甘雨和风遍一城歳久偏多遗爱事天高未察借留情舟行精舍渔歌晚家近华亭鹤唳清倦入承明听履声朱轡今复压専城荡胷碧华供吟兴照眼清泚洗宦情鲈鲙何慙高士洁琴不减昔贤清未应更葺东山墅出处方关世重轻闻道泉人截镫留翰林从此去吾州村中父老相持泣但祝今侯似故侯淮汉纷纷战血腥蜀山鬼哭不堪听如何一线江西路独见奎星与福星【并南岳】天生守令与斯民本是同胞一样亲莫把膏脂为尔禄当思痾痒切吾身此邦只似唐时古我辈当为汉吏循今夕湘潭一卮酒重烦分散十分春【真西山】

通判

方外司马晋谢奕字元奕桓温辟为安西司马奕在温座岸幘啸咏曰我方外司马也

郡股肱晋王基荐刘毅于公府曰毅方正亮直往日侨仕平阳为郡股肱正色立朝举纲引墨朱紫有分【类要】速步顾球时为 州别驾顾荣谓球曰卿速步君孝超卿矣【顾和别传顾和字君孝】

从容山水间白乐天江州司马防记江州土高气清富有佳境刺史守土不遑观游郡吏执事不自暇佚惟司马绰绰可以从容于山水诗酒间于是郡南楼山北楼水溢亭百花亭风篁石岩瀑布庐宫源潭洞东西二林寺泉石松雪司马尽有之矣苟有志于吏隐者舍此官何求焉

持板拜刺史六条曰州别驾治中见部刺史持板拜刺史答拜

纪德碑姚崇为 州长史政条简肃人为纪德碑【并职林】太守自辟武帝诏州郡佐吏自别驾长史以下皆刺史太守自辟【通典】

六雄十望十紧唐元和后朱紫清并韦处厚乃奏置六雄州十望十紧悉补别驾由是流品澄别

有螃蟹无通判国朝惩藩镇之弊置通判以贰州事故常与知州争权太祖闻之设戒励使与长吏协和自此稍息有钱昆者余杭人嗜蟹尝求补州郡人问其所欲昆曰但得有螃蟹无通判处则可至今以为口实【归田录】择日而遣崔神庆则天时擢拜并州长史因曰并州朕之粉榆又有军马比日简择无如卿者前后长史皆从尚书为之以其委重所以授卿也则天为按行图择日而遣之【分纪】

杀一身活人命李臯为温州长史摄行州事岁歉有官粟数十万斛臯欲行赈救掾吏乞候上防臯曰夫人日不再食当死安暇禀君命若杀我一身活人数千命利莫大焉于是开仓尽散之以擅贷之罪飞章自劾上嘉之【职林】

幕职

盛府元僚胡文恭行鱼周询制签盛府之元僚

佐治之材韦亶等初擢第即通判诸州代还太宗以两使判官得替者先解故为阙员乃以亶等十五人为之且令绵历观其佐治之材

拂衣而去李琼镇桂管奏柳璧为观察判官军政不惬璧极言不纳拂衣而去桂府寻乱

白身判官正元中仕进道塞奏请难行东省数月闭门南台惟一御史令狐楚为桂府白身判官七八年奏官不下由是两河竞辟才隼抱器之士往往归之用为谋主日以恣横元和已来

始进用有序【南窗新书】

出入将相李逢吉始从事振武日金城寺僧忽见一人介冑持斧由门而入俄闻报李判官来僧具以告自是逢吉每造其室即见其人先逢吉而至率为常矣故逢吉出入将相二十余年

小朝廷唐郑从谠字正求为河东节度表王调刘崇 赵宗李渥崔泽等为判官书记支使皆一时选京州士人比太原为小朝廷得才多也【唐书】

幕下上客晏元献延宾客一时名士多出其门为西京留守幕下王琪张亢最为上客【分纪】

入幕之賔谢安王坦之尝请桓温论事温令郗超帐中卧听之风动帐开安笑曰郗生可谓入幕之賔矣【晋书】凤凰芝草韩退之上崔羣书曰足下仁者宜在高位托在幕府则不为得所足下出类拔萃凤凰芝草贤愚皆以为美瑞青天白日奴 亦知其清明

出人之见路嗣恭岭南节度入覲曰臣从事柳浑有出人之见

昆弟同幕府崔安潜帅诗及剑南刘崇望字希徒昆弟四人同幕府世以为才

请斗酒作碑文裴度东都留守辟皇甫湜为判官度修福先寺将立碑求文于白居易湜怒曰近舍湜而远取居易请从此辞度谢之湜请斗酒援笔立就度曰不羁之才也

诗 瑚市则无骐驎人得有早年见标格秀气充星斗事业富清机官曹正独守须来树嘉政皆已传众口讨论实解颐操制纷众手入幕未展材秉钧孰为偶 崆峒使节上清霄河陇降王欵圣朝宛马总肥春苜蓿将军只数汉嫖姚陈留阮瑀谁争长京兆田郎早见招麾下赖君才并入独能无意向渔樵【赠田九判官】沧沧烟月满川亭我有劳歌一为听将取离魂随白骑三台星里拜文星【杜牧】处士闻名早西秦献疏回腹中书万卷身外酒千杯江雨春波濶园林客梦催今君拜旌防凛凛近霜台 安西幕府多才雄喧喧惟道三数公绣衣貂裘明积雪飞书走檄如飘风【李白】城上赤云呈瑞气眉间黄色见归旗幕中无事惟须饮即是连镳向阙时 忽骑将军马自号报恩子风云入壮怀泉石别幽耳 从军古云乐谈笑青油幕灯明夜观碁月暗秋闻柝何当铸鉅鉞相与归台阁铭山尔所工挥羽余何作防勲封龙额归骑猎麟脚推选阅羣材荐贤搜一鶚【并韩愈】归路芙蓉府离堂玳瑁筵【刘禹锡】桃李蹊空久芙蓉客暂依【李文饶】为报南昌令乘马入郡城同时趋府客此日望风迎文苑台中妙冰壶幕下清洛阳相去远犹使故林荣【韦应物】幕府初交辟郎官幸备员幕下郎官安稳无从来不奉一行书固知贫病人须弃能使韦郎迹也踈得实翻苍竹搜枝把翠梧数脩封内事挥发府中趋 王门高德业幕府盛贤才 清秋幕府井梧寒独宿江城蜡炬残永夜角声悲自语中天月色好谁看【并杜甫】官事何曾晓闲名苦要签大书公吏恐直语众人嫌俸少食如古医佣病却添秋风墙下菊相对忆陶潜 君山那可上四面是层波此地风烟古前人赋咏多征帆冲鴈字官舍近渔歌况尔修真者回仙必见过【

紫芝】一昨闻公幕府开梦魂频绕岭头梅久抛鞬袴辞军去忽有弓旌扣户来茅舍相过争借问荷衣欲出却徘徊旧时檄草今焚弃辜负黄金百尺台【南岳】

曹官

意与天通杜景佺性严正为益州录参逆折房司业之不视事吏歌之曰录事意与天通州司马折威风由是寢知名

与一府政韩愈志董溪府君墓云公为京兆府司录参军与一府政

话公美事裴懈为陝府录参李勉除观察召懈曰素闻公名朝中亲友话公美事请置在宾席

纪纲一州乔琳歷果绵遂怀四州刺史尝谓录事参军任绍业曰子纪纲一州能劾刺史乎绍业出条所失示之惊曰能知吾失御史材也

总録众曹平實司徒仪云录事参军之职掌总录众曹管其文案自上佐以意违失者弹正以法

拂衣游天下王勃年未冠以重名调补虢州参军才大官小拂衣游天下

并选强明天圣七年以司理参军并选强明两任以上判司簿尉充

误入人罪者批歷祥符五年陝西转运使薛顔言诸州司理参军朝廷谓其刑狱重难与免选限或任非其人刑致枉濫请自今误入人徒罪已上者令批歷依例守选冀有所惩【并分纪】

念珠曹京兆尹曹月俸一百八索人号念珠曹【南部新书】杀清吏是无天张元素仕隋为景城县戸曹窦建德陷景城执将杀之邑人千余号令请代曰此清吏杀之是无天也

断死罪而无恨韦仁壽大业末为蜀郡司法书佐断狱平恕其有得罪者曰韦君所断罪死而无恨【分纪】

斗南一人狄仁杰字怀英为并州法曹亲在河阳仁杰登太行山反顾见白云孤飞谓左右曰吾亲舍其下藺仁基曰狄公之贤北斗以南一人而已

尹佛子尹正义为泽州都督府法曹百姓歌之曰前时尹佛子

锦绣万花谷后集卷十二

卷十三

钦定四库全书

锦绣万花谷后集卷十三

知县

双鳧王乔为叶令显宗时每自县诣台其临至辄有双鳧从东南飞来

放囚如期而还虞延洛阳令每至岁时伏腊辄放遣囚系归家并感恩德如期而还【并本】

河阳一县花潘岳为河阳令县树桃李花人号曰河阳一县花【晋书】

昼日垂帘顾凯之为山陰令邑三万户凯之御繁以约昼日垂帘门堦闲寂自宋世为山陰务简而事理莫能尚也【晋史】

不行鞭罚裴子野出为诸暨令在县不行鞭罚民有争者示之以理

不如一丘丘仲孚为山陰令甚有声百姓謡曰二傅沈刘不如一丘前世傅琰父子沈宪刘元明相继宰山陰并有政声仲孚皆过之

慈君北凉张潭为和宁令百姓爱之如父母号曰慈君白鸟甘露后赵申录为广昌令白鸟巢其庭树甘露降其防事后为三公

置水投书孔翊为洛阳令置水庭前得嘱托书皆投水中一无所发【并职源】

慈父唐房谦为长葛令甚有惠化百姓号为慈父治为天下第一超授郢州司马吏民泣相语曰房明府今去吾属何以生为百姓思之立碑颂德

社稷器蜀蒋琬广都长众事不治诸葛亮曰琬社稷之器非百里才也

兽皆南渡刘平为全椒长五日一聴事先时多兽每为人害平视事三月兽皆南渡

蝗不入茂陵阳球为茂陵令寬和多惠以至诚接下为民所爱比县连岁蝗灾不入茂陵又李孟元为卢氏令务行德化时境悉蝗独不入卢氏【并分纪】

就县赐章服王正雅为万年令穆宗时京兆号为难理正雅抑强扶弱政甚有声防柳公绰为京兆尹上前褒称穆宗命以绯衣银章就县赐之【职林】

元鲁山元德秀字紫芝为鲁山令诚信化人士夫高其行语之云元鲁山【唐史】

颍川四长颍川四长并以仁信笃诚使人不欺语荀淑为当涂长韩韶为瀛长陈寔为太丘长钟皓为林虑长淑等皆颍川中人也【循吏传】

对诏居第一开元初韦济调鄆城令既众谢有诏问所以安人者对凡二百人惟济居第一不能对者免官三年无囚何易于为益昌令刺史崔朴泛舟易于身引舟凡鬪民在庭易于晓指杖遣之不以付吏狱三年无囚【本传】

惠如春风李白为马昌宰韩仲卿去思碑云未下车人惧之既下车人悦之惠如春风三月大化奸吏束手豪宗侧耳

玺书獎飭 宗时采访使回以陆浑及诸道二十六县孝祥等政常循良帝皆降玺书獎飭明年县令数十辞赴职帝自制令长新诚以谕之仍于庙堂赐宴以遣之其爱民拣吏如此也

终日清谈王衍字夷甫为元成令终日清谈县务亦理刻石刘宴为温令有惠利可纪民皆刻石以传

置祠狄仁杰字怀英彭泽令人为立生祠

斋马唐冯元淑歷浚仪始平二县车骑赴职未尝以妻子之官所乘马不与白云令作斋马

冰清玉白晋江韦襄邑令傅浑颂曰明府君侯临下有赫克隆有光惠我咫尺乃冰其清乃玉其白风抗其高云垂其泽君有遗爱民有余思

水清衡平叶康直知光化县丰稷为谷城令人歌之曰叶光化丰谷城清如水平如衡【本传】

读五车书吴靖为长沙令一日自叹曰读五车书辛苦十年不得缀鸳鹭班发白踪迹飘零为百里陶元亮复何人邪

削木为牒燕萧知临邛县民苦吏追扰削木为牒民公事有连逮者书其姓名使召之如期而至【续通鉴】

诗闻宰江阳邑剪棘树兰芳城门何肃穆五月飞秋霜【李白】东阳本是佳山水何况曾经沈隱侯化得邦人解吟咏如今县令亦风流新开潭洞疑仙境遠写丹青到雍州落在寻常画

工手犹能三伏凛生秋【刘禹锡】衡山虽小邑首唱恢大义因见县尹心根源旧官闕南纪改波澜西河共风味【杜甫】连城寶为重茂宰得才新山雉纪舟楫江花报邑人白水过庭激绿槐夹门植【文选怀县诗】来时人指拙为谋出手方知刃解牛有病黄堂怀药问丐归紫橐列衙留【圃】陶潜一县令独饮仍独醒犹将公田二顷五十亩种秫作酒不种杭【东坡】古县萧条秋景晚昔年陶令亦如君头巾漉酒临黄菊手扳支颐向白云百里岂能容驥足九霄终自别鸡羣相思不恨书来少佳句多从阙下闻【雍陶】邑事多商榷惟诗未暇论母慈催扇枕父老欲攀辕三年非一事知尽爱人心满任添新发还家带旧琴鹊声先棹去柳色到都深即日应冠豸凭共记得沈【紫芝】兹邑犹淳古君行作长官假令三尺密终有一分寬栗里归差易桐乡爱极难千峯青绕郭暇日想凭栏【南岳】

县丞

通判县事隋及大唐县丞各一人通判县事【通典】

长史县丞长史也百官表县司戸以上为令皆有丞尉秩四百石至二百石是为长史【汉书景纪】

签书文檄元符诏县丞簿尉日赴长官防议事及签书文檄

述六职柳子厚武功县丞壁记曰丞之位八品以下述六职以辅其治也

令囚归耕唐临为万泉丞县有轻囚数十人防春暮时雨临白令请出之令不许临曰明公若有所疑临请自当其罪令囚请假召囚悉令归家耕种与之约令归系所囚等皆感恩义至时毕集诣狱临由是知名【唐书】称雨道晴裴子雨为下邳令张晴为县丞二人但有声气而善言语曾论事移时人私窃相语曰县官甚不和长官称雨赞府道晴终日如此不和也【南部新书】

仕宦无休势唐宋安恭为龙门丞年已五十八数年而登列岳每语僚属曰公辈但守清白何忧不迁俗云双陆无休势余以为仕宦亦无休势各宜勉之

闲官不领公事大中四年勅州有上佐县有丞簿俗谓闲官不领公事殊乖制作之本意【续通典】

简靖柳文武功丞壁记曰颍川陈南仲居是官邑人宜之号为简靖夫以武功疆理之大人徒之多而陈生以简靖处其理斯固难矣

邑事无所不当问蓝田县丞壁记丞之职所以贰令于一邑无所不当问

主簿

主簿主簿目主簿谓主簿目【通典】

短主簿王恂为桓温主簿人曰短主簿

后来之英徐浩张説称其才由鲁山主簿荐为集贤校理见喜雨五色鸽赋嗟曰后来之英也

三主簿并为相卢迈自河南簿为补阙郑余庆自泛水簿为察院赵宗儒自陆浑簿为右拾遗三主簿并为宰相【职源】

矮屋不堪擡头张象登科为华陰簿而为守令所仰叹曰丈夫有凌云盖世之志而拘于下位若立身矮屋之下使人擡头不得乃弃官而去【天宝遗事】

髯须之职外史栲机王建僭蜀李景上封事以为眉山主簿制曰旌其忠荃之心委以髯须之职【注云雀豹古今注羊名髯须主簿】

移文驱虎顾少连字夷仲为登封主簿邑有虎孽民患之少连命塞陷穽移文岳神虎不为害【职源】

簿领中有是人吴择仁字智夫为开封雍丘主簿元祐中金水河堤坏十六县皆选属他役得诣朝堂白事宰相范纯仁独异之曰簿领中乃有是人

有公辅器张升字杲卿为楚丘主簿南京留守王曾谓其有公辅器【并四朝国史】

口记物色无差顔春卿调羣浦主簿尝送徒于州亡其籍至廷口记物色凡千人无所差长史陆象先异之通管县事熙宁三年提举王广渊言一县之事惟令佐三负而主簿尉所职各异苟有谬误所职者坐视其弊而莫得禁止欲令主簿管稽簿书尉專管督盗依旧外县事并令通管从之

诗舍弟卑栖邑防川领簿曹 倚赖天涯钓犹能掣巨鳌【杜甫】昔时陶令弹琴县今日君为主簿官地胜不嫌清俸薄政公还得众人欢江分九 潮常到岳疊千峯夏亦寒闲客散游来未得画成图轴乞予看【田翁虚舒寄彭泽主簿】

县尉

五百空手行严安之崔谭俱为赤尉安之令五百执大杖谭益大其状如椽安之复令执小杖谭益小其状至如筯安之令五百空手行乃不能学【见闻记】

单言判狱李程字表臣为蓝田尉有滞狱十年程单言辄判京兆状最迁监察御史

上宝劔篇郭震字元振初为通泉尉任侠使气拔去小节百姓厌苦武后欲诘与语奇之索所为文章上宝劔篇后览嘉叹诏示学士李峤等即授铠曹参军

聪明尉卢庄道十六擢第为河北尉太宗谓聪明小儿雍丘尉魏奉古一览千余言时谓聪明尉

擒奸摘伏李勉为开封尉与联尉卢城轨并有擒奸摘伏之名

首该赏典干德元年以大名府元城县尉张义元为本县令赏捕盗之功也天下县尉久废是岁复置义元首该赏典以激劝之

清水明鉴河北尉冯履清水见底明鉴照心

摧奸抉隐李勉始调开封尉汴水陆一都防号难治勉摧奸抉隐有名

台辅之器娄师德补江都尉 州长史卢承业奇其才谓曰吾子台辅之器当以子孙相托何可以官属常礼待也

吏能第一刘延祐补渭南尉有吏能治第一李勣戒之曰子春秋少而有美名宜稍自抑无为出人上

召为翰林白居易调整屋尉为集贤校理月中召入为翰林学士【并职源】

处贱官有忧天下心宝元初有明州慈溪尉裴明允倜傥不羣虽处贱官有忧天下之心屡上书言事后又诣阙上书云汉成帝时梅福为南昌尉屡从县道上书言灾异事求假即 诣行在所

少府李白赠瑕丘王少府别西河刘少府赠秋浦柳少府杜甫贻华阳柳少府如此则当是唐时县尉多称少府也【类要】

材吏严挺之名浚调义兴尉号材吏

弹琴蒔药赵元亮自贞固少负志畧好论辩武后称制惧不容其高调宜禄尉到职非公事不言弹琴蒔药如隐者之操自伤位不配才

廐目一览魏奉古授雍丘尉尝九日公燕有客草序五百言奉古曰此旧文援笔倒疏之草序者默然自失列座抚掌奉古徐笑曰适览记之非旧习也由是知名时斑涖汴州召奉古前曰此聪明府帅他日持廐目令示奉古一览便讽千余言斑惊曰仕宦四十年未尝见此不言人非李白为李锡元勲去思碑云初拜壽光尉心不挂细务口不言人非羣吏罕测望风敬惮

诗仙尉赵家玉英风凌四豪维舟至长芦目送烟云高摇扇对酒楼持袂满蟹螯【李白】
隐吏逢梅福游山忆谢公【杜甫】皎皎鸾凤姿飘飘神仙气梅生亦何为来作南昌尉
清风佐鸣琴寂寞道为贵【李白】西尉郁相望东西百步塲插旗蒲柳市伐鼓水云乡
已作观鱼槛仍开射鸭堂【东坡】

锦绣万花谷后集卷十三

卷十四

钦定四库全书

锦绣万花谷后集卷十四

将帅

耸劒元戎唐大诏令张延师册执羈霸府尽忠肃之勤诚耸劒元戎罄旌麾之茂绩

玉帐金坛唐大诏令折冲之寄符玉帐而总金坛御札授方畧国朝淳化以参政赵昌言为川
陕西路兵马都总管太宗以蜀寇尚有残孽命昌言安抚招讨仍御札数幅叮咛授以方畧

赐黄金一器天圣七年刘平授忻州团练使属上封事言赵元昊连姻耶律必为边患授邠宁
环庆副都总管遣中使赐黄金一器

冒矢石不顾身张士贵贞观中为龚州道行军总管太宗以其冒矢石先登劳之曰尝闻以忠
报国者不顾身于公见之

帝为赋诗祖道张仁愿为朔方军总管春还朝秋复督军备边帝为赋诗祖道赏赉不赀

第人材为三等元丰王祖道言陕西河北京东府畧将皆朝廷所选择尚多庸人其余淮浙等
路虽有团治训练之名而无教阅按试之实望密下诸路经畧司体重将副第人材为三等【
职畧】

甲第何营杨盈川碑匈奴未灭甲第何营壮士不还寒风自起

鐵虎蔡祐与齐战被明光甲所向无敌齐人谓之铁虎【职源】

黄骠少年裴果常乘骠黄马白袍先陷阵时号黄骠少年

飞将吕布字奉先便弓马膂力过人号为飞将

佩四将印王忠嗣有武畧佩四将印为陇西节度上平戎十八策

卯受命辰行高崇文为长城使奉诏征刘辟御军常若寇至卯受命而辰行

诗三十年前学六韬英名常得预时髦曾因国难披金甲不为家贫卖寶刀臂健尚嫌弓力软
眼明犹识阵云高庭前昨夜秋风起羞着团花旧战袍【国初曹翰】我爱李侍中標標七尺
长白羽入札弓陛压綠檀枪风前畧横阵紫髯分两傍淮西万虎士怒目不敢当【杜牧】洗
劒青海外刻石天山中【杜甫】虏障天骄起秦城地脉分锋刃奔涛色旌旗焰火文焰五原
烽火急六郡羽书催将军朝授钺壮士夜衔枚【沈佺期】万里赴戎机關山度若飞朔气传
金柝寒光照铁衣【前人】平生弓箭自相随刚被郎官遣作诗江南花柳从君咏塞北风烟

我自知【王侍中智兴】天为国家孕英才森森劔防摧灵台浩荡深谋喷江海纵横逸气走风雷【李白赠哥舒翰】今代麒麟阁何人第一功开府当朝杰论兵迈古风青海无 箭天山早挂弓胡人愁逐北宛马又从东勲业青防上交亲气槩中军事留孙楚行间识吕防防身一长劔将欲倚崆峒殊方又喜故人来重镇还须济世才常恠偏裨终日待不知旌节隔年回欲辞巴徼啼莺合遽下荆门去鹄催身老时危思防面一生懷抱向谁开【并杜甫】防秋戎马恐来奔诏发将军入鴈门遥领短兵登陇首独横长劔向河源悠 落日黄云动莽苍陰风白草翻若纵干戈更深入应闻收拾到昆仑【送边将李频】白首羽林郎丁年成朔方陰天瞻磧路秋日渡辽阳大漠寒山黑孤城夜月黄十年依蓐食万里带金疮拂露陈师祭冲风立教 箭飞琼羽合旗动火云张虎翼分营势鱼鳞拥阵行功成封宠将力尽到贫乡雀老方悲海鷹衰却念霜空余孤劔在开匣一霑裳【杨巨源老将】昨释兵符归故里耳聽兵事几番新偶逢麾下犹识欲说辽阳记不真儿覓寶刀坚爱惜奴吹芦管怨悲辛夜来忽作關山梦万一君王起旧人【南岳】汉家三十六将军东方雷动横阵云当街一叱百吏走冯敬胷中函匕首凶徒侧耳潜格心悍臣破胆皆吐口【柳子厚】塞外冲沙损眼明特来养病住京城上高楼阁防星坐着白衣裳把劔行常說老身思鬪将最悲无力制蕃营翠眉红颊和回鶻惆悵中原不用兵【长安退将顶斯】昨夜陰山吼贼风帐中惊起紫髯翁平明不待全师出连把金鞭打铁驄【诗话】朝进东门营暮上河阳桥落日照大旗马鸣风萧萧平沙列万幕部伍各见招借问大将谁恐是霍嫫姚【杜甫送出塞】腰间羽箭久凋零太息燕然未勒铭老子犹堪絕大漠诸君何至泣新亭一身报国有万死双鬢向人无再青记取江湖泊船处卧闻新鴈落寒汀羌胡忘覆育师旅备非常南服更旄节中军铸印章白髮将军亦壮哉西京昨夜捷书来人心敢作千年计天意宁知一日回
大将上兵符军容备扫除共惟陛下圣方采直臣书
羽檄联翩昼夜驰臣忧顾不在边陲军容地密宁当议陛下恩深不忍欺
北风吹急雪夜半埋毡庐将军八千骑万里逐单于
汉家如天臣万邦欢呼动地单于降铃声南来金闪烁赦书已报经沙漠【并放翁】

儒将

手不释卷鲁肃为将手不释卷【吳志】

涉猎见往事孙权谓吕 蒋钦曰宜学问自开益 曰军中日苦多务不及读书权曰孤岂用卿治经为博士耶但令涉猎见往事尔 始就学所覽见旧儒不及军中尝儒服五代谢彦章为将好礼儒士虽居军中尝儒服

据牀密料击敌郝处俊好学嗜汉书第进士累迁吏部侍郎高丽叛诏李勣为大總管处俊副之师入敌境未阵贼遽至举军危骇处俊据胡牀体胖安餐干糲不顾密料精銳击之敌却众壮其谋

元帅說礼乐楚子及诸侯围宋宋公孙固如晋告急于是乎搜于被庐作三军谋元帅赵衰曰郤穀可臣亟闻其言矣說礼乐而敦诗书诗书义之府也礼乐德之则也德义利之本也君其

试之乃使郤縠将中军【左 】【修史即军中论譔张説授并州长史兼天兵军大使修国史勅賁藁即军中论譔】

儒士知军情柳浑字夷旷浑瑊与吐蕃防平凉代宗语大臣以和戎息师之便马燧贺曰已盟可百年无患柳浑跪曰吐蕃人面兽心易以兵制难以信结臣窃忧之帝变色曰浑儒生未达边事夜半邠宁节度使韩防瓌飞奏吐蕃刼盟将校皆覆没帝大惊即以其表示浑明日慰之曰卿儒士乃知军戎万里情乎益礼异之

老将

愿属老臣赵充国字翁孙年七十余上老之丙吉问谁可将者充国曰亡逾于老臣上遣问曰将军度羌虏何如充国曰百闻不如一见兵难豫度臣愿驰至金城图上方畧然羌戎小夷逆天背畔灭亡不久愿陛下以属老臣勿以为忧【并本传】

鬻铄是翁马援年六十二请击武陵五溪蛮夷光武愍其老未许之援曰臣尚能被甲上马帝令试之援据鞍顾盼以示可用帝笑曰鬻铄哉是翁也【后汉本传】

尚堪一行李靖字药师吐谷浑寇边太宗谓侍臣曰李靖能复起为帅乎靖往见房 龄曰吾虽老尚堪一行帝喜以为西海道行军大总管【唐本传】

军旅

五家兵齐桓既得管仲修齐国政连五家之兵【国语曰管仲制国五家为轨十轨为里四里为连十连为乡以为军令】

鸡毛系檄汉高祖曰吾以羽檄召天下应劭曰以鸡毛系檄

悬狐尾吐蕃以累世战没为甲门临阵奔北者悬狐尾于其首以表狐之性怯

罢二十万还农唐故时边镇兵羸六十万张説以时平无所事请罢二十万还农天下以为疑説曰边兵虽广诸将自卫营私尔所以制敌不在众也以陛下之明四夷畏威不虑减兵而招寇臣请以阖门百指为保帝乃可

娘子军平阳昭公主下嫁柴绍帝渡河绍以数百骑并南山来迎主引精兵万人与秦王防渭北绍及主对置幕府分定京师号娘子军

愿充一卒効力王事李邕贬遵化尉妻温复为邕请戍边自赎曰妾愿使邕得充一卒効力王事膏涂朔边骨粪沙壤成邕夙心表入不省

鴉兒高仁厚初事劍南西川節度使陳敬瑄行營使黃巢陷京師天子出居成都敬瑄遣黃頭軍部將李鋌成以兵萬五千屯興平數敗巢軍賊號蜀兵為鴉兒每戰輒戒曰母與鴉兒鬪敬瑄喜其兵可用益選卒二千使仁厚將而東

衛兵皆長安高貲帝餞田令孜章信門賚遺豐饒然衛兵皆長安高貲世籍兩軍得廩賜侈服怒馬以詫權豪初不知戰聞科選皆哀哭于家陰出貲雇販區病坊以備行陣不能持兵觀者寒毛以栗【黃巢】

精騎練卒代朔邠靈之騎士自昔之精騎也上黨盟津之步卒當今之練卒也悉此彊勁委之山東勢分于將多財強于兵廣【陸贄奏議】

奇謀

彈胡琵琶使二女子舞吐谷渾黨項寇邊敕柴紹討之虜據高射紹軍雨矢士失色紹安坐遣人彈胡琵琶使二女子舞虜疑之休射觀紹俟其懈以精騎從後掩擊虜大潰斬首五百級【本傳】

士夜艾而入李希烈據汴滑副都統劉洽率曲環李克信軍十餘萬戰白塔不利夜入宋州時洽將高彥昭劉昌共嬰壘分守其屬作書言城且危彥昭視曰君輕我耶取紙自為書洽得書喜曰健將在西吾何憂選士八百夜艾而入賊不知詰旦城士奮出希烈大敗置酒城上張守珪為州刺史墨離軍使督眾完故城版築方立虜奄至眾失色守珪曰瘡痍之余詎可矢石相礪須權以勝之遂置酒城上防諸將作樂虜疑有備不敢攻引去守珪縱兵擊敗之

雪夜入蔡城張柴殲其戍勅士少休益治鞍鎧發刃彀弓防大雨雪天晦凜風偃旗裂帛馬皆縮栗士抱戈凍死于道張柴之東坡澤阻奧眾未嘗蹈也皆謂投不測始發吏請所向愬曰入蔡州取吳元濟士失色監軍使者泣曰果落祐計然業從愬人人不敢自為計愬道分輕兵斷橋以絕迴曲道又以兵絕朗山道行七十里夜半至懸瓠城雪甚城旁皆鵝鶩池愬令擊之以亂軍聲賊恃吳房朗山戍晏然無知者祐等坎墉先登眾從之殺門者發關留持柝夜自如黎明雪止愬入駐元濟外宅【六帖】

拔帜勝趙韓信拔趙選輕騎二千人人持一赤帜戒曰趙见我走必空壁逐我若疾入拔趙旗帜立漢帜令其裨將餐曰今日破趙防食諸將皆哂然陽應曰諾乃使萬人先行出背水陣趙兵望見大笑平旦信建大將旗鼓行出井陘口趙開壁逐之大战良久信耳奔鼓旗走水上軍軍皆殊死戰不可敗信所出奇兵趙空壁即馳入立漢赤帜二千趙軍已不能得信耳欲還歸壁壁皆漢赤帜遂亂遁走于是漢軍夾擊破虜趙軍斬成安君泚水上禽趙王歇發趙兵未發者擊齊信引兵東聞漢王使酈食其已說下齊遂渡河襲歷下軍至臨淄齊王走高密使使于楚請救楚使龍且將号称二十萬或說且曰漢兵遠鬪窮寇久戰鋒不可當齊楚自居其地戰兵易敗散龍且曰吾平生知信為人易與耳寄食于漂母無資身之防受辱于跨下無兼人之勇不足畏也遂戰與信夾淮水陣信乃夜令人为万余囊盛沙以壅水上流引兵半度

阳不胜还走龙且果喜曰固知信怯遂追度水信使人决壅囊水大至龙且军大半不得度即急击杀龙且遂平齐

野次降二将上元元年进围怀州思明来救光弼再逐北思明声渡河絶饷路光弼壁野水渡既夕还军留雍希顓守曰贼将高晖李日越万人敌也贼必使劫我尔留此贼至勿与战若降与偕来是日思明果召日越曰光弼野次尔以铁骑五百夜取之不然无归日越至垒使人问曰太尉在乎曰去矣兵几何曰千人将为谁曰雍希顓日越谓其下曰我受命云何今失李光弼得希顓而归吾死必矣不如降也遂请降希顓与之俱见光弼光弼厚待之高晖闻亦降或问公降二将何易也光弼曰思明再败恨不野战命将来袭必许以死日越惧死不降何待高晖材出日越之右降者见遇贰者得不思奋乎诸军决丹水灌怀州未下光弼令廷玉由地道入登陴乘城禽太清送京师献俘太庙【本传】

偃旗仆鼓沿山堑溪高宗时剧盗数起闽中荆湖震扰朝廷为出禁旅遣辛全宗讨之师老不能平福帅程迈监司侯慤等力请改命将帅章四十三上太上乃除韩忠武王福建江西荆湖北路宣抚副参政孟庚以行贼范汝为起建安众逾十万至僭造黄红伞等王曰建居闽岭上流使贼沿流而下则七部皆血肉矣于是选轻锐航海径趋福唐拥众而上福帅迎谒且言贼方锐宜少休以俟元夕王笑曰吾以元夕凯还见公矣因酌酒以别师次延平劔潭湍险贼焚桥以拒我师王防马先浮以济师遂济士气益倍距建宁百里许贼尽塞途路埋巨木为鹿角散布竹签铁蒺藜陷马坑凡可以旅拒王师者无不用其至王即命诸军偃旗仆鼓舍正路俾各择便利沿山堑溪披践榛棘遂达郡之鳳凰山绕出贼背下瞰城邑如在井底火楼巨石天梯云梯百道齐攻汝为震怖以谓从天而下五日城陷汝为窜身自焚【名臣事实】

锦绣万花谷后集卷十四

卷十五

<子部,类书类,锦绣万花谷

钦定四库全书

锦绣万花谷后集卷十五

父子

公庭展私敬杨 感与父素俱为柱国朝防则齐列隋文帝命 感降一等谢曰不意陛下宠臣之甚许以公庭展私敬【隋史】

不书官纸阮孝绪十余歲随父为湘州行事不书官纸以成亲之清白

知子莫若父京兆尹訪蘇瓌既去瓌令男頔咏尹字乃咏曰丑虽有足甲不成身见君无口知伊少人其敏捷如此明皇问瓌草书难其人谁可瓌曰臣不知其他臣男頔为文甚速可备使令援笔立就明皇抚背曰知子莫若父【明皇杂录】

积习名教柳仲郢牛僧孺辟武昌幕府有父风矩僧孺叹曰非积习名教安及此耶

卿令子朕直臣郑余庆子涵为右补阙敢言无所讳宪宗谓庆余曰卿令子朕直臣也可更相贺【本传】

求降外官增父秩孙逖父嘉之逖迁中书舍人嘉之八十犹为令逖求降外官增父秩帝嘉纳拜嘉之宋州司马聴致仕【唐史】

得书拜读吳顾恺每得父书常扫洒几筵舒书于上拜跪读之每句应诺阅毕再拜若父有疾耗之问则临书垂泣语声哽咽【六帖】

世不乏季子吳祐父恢为南海太守祐年十二随官恢欲杀青简以写经书祐谏曰逾越五岭俗多珍恠上为国家所疑下为权威所望此书若成则载之兼两昔马援以薏苡兴谤王阳以衣囊徼名恢乃止因抚其首曰吳氏世不乏季子矣【本】

植何如梨张敷小名植父劭小名梨宋文帝尝戏之曰植何如梨敷曰梨是百果之宗植何敢比也【碎事】

门生出迎杨嗣复父于陵嗣复领贡举时于陵自洛入朝乃率门生出迎置酒第中于陵坐堂上嗣复与诸生坐两序世以为美【六帖】

非熊再生顾况字退翁暮年有一子字非熊忽暴亡况哀悼不胜乃作诗曰老人丧爱子日暮泪成血老人年七十不作多时别非熊防间闻之以情告防官防官悯之却令生于况家二岁能言防间闻父苦吟求再生事歷歷然长成应举擢第【诗话】

倚门居豕赵恂有孝性年五六岁时得甘美之物未尝独食必先以哺父父出輒待还而后食过时不还则倚门啼以俟父至数年父没恂思慕哀号居于塚侧乡族称孝名闻流着【孝子传】

省中见石薛元超转中书舍人省中有磐石父道衡为侍郎时尝据以草制元超每见輒然流涕【六帖】

甘棠旧子孙廖齐父爽直尝为永州刺史齐后游零陵于民间见父题壁感而成诗曰下马连声叩竹门主人何事感遗恩回头泣向儿童道重见甘棠旧子孙【青后集】撞破烟楼王魏郎杂箴云家人有严君焉井灶之谓也是以父喻井灶故东坡答陈季常书云在定日作松醪赋一首今写寄择等庶以发后生妙思着鞭一跃当撞破烟楼也

诗余杭洪浩熙宁间游太学十年不归父已七十寄浩诗曰太学何蕃久不归十年甘防误庭闱休辞客路三千远须念人生七十稀腰下虽无苏子印篋中幸有老莱衣归期定约春前后免使高堂赋式微浩得诗南归因而去者十有三焉【诗史】

母子

母师鲁有九子之寡母穆公赐号曰母师【列女传】

埋蛇孙叔敖为小儿出遊见两头蛇杀而埋之归泣白母曰儿闻两头蛇见者必死恐后人见乃埋之母曰尔行陰德必有阳报德胜不祥又除百祸汝无忧矣叔敖后为楚相【新序杂事篇】

寄鲋孟仁为监鱼池司马自结网捕鱼作鲋寄母母还之曰汝为鱼官以鲋寄母非避嫌疑也【呉録】

饮酒尝吐蔡顺字召仲有至孝之心少丧父奉养母甘口之物不敢先尝母至防家因饮酒变吐顺恐中毒乃尝其吐【先贤传】

伤慈终孝郭巨事继母至孝家贫产子忧不能字谓其妻曰伤慈以终孝吾无恨也遂之【裴子野志畧】

投鱼寄母杜孝巴郡人也少失父与母居以至孝称后在成都母喜食生鱼孝于蜀截大竹筒盛鱼二头塞之以草咒曰我母必得此因投中流妇出见筒横来触岸异而取视有二鱼含笑曰此我夫所寄也熟而进之闻者叹骇【萧广济孝子传】

窥与游知儿贵王珪始隐居时与房 龄杜如晦善母李氏尝曰儿必贵然未知所与游者何如人试与偕来防 龄等过其家李窥大惊速具酒食欢尽日喜曰二客公辅才汝贵不疑

与李杜齐名汉大诛党人范滂母曰汝今得与李杜齐名死亦何恨既有令名复求寿考可兼得乎滂跪受教再拜而辞【李杜李膺杜密也并本传】

失母方寸乱徐庶母为曹公所得庶谓刘备曰本欲为明公效愚欸今失母方寸乱矣备遂听庶降曹公【蜀志】鱼跃冰王祥继亲朱氏欲生鱼祥解衣将剖冰冰解双鱼跃出又思黄雀炙有数雀飞入幕中【晋书】

亲 母舆崔邠为太常卿故事太常视事大阅四部乐都人纵观邠自第去帽亲 母舆公卿见者皆避道都人荣之【六帖】

忠孝不并立桓彦范诛二张也初将起事告其母母曰忠孝不并立义先国家可也【唐书】

随时进果罗威字德仁八岁丧父事母至孝耕耘为业勤身苦体以奉供养奇果珍味随时进前也【先贤 】得 未尝先食殷憚生而谨愿七岁丧父哀号毁悴不为戏弄得 果可啖之物怀持进母未尝先食【孝子传】露集乌翔林攢母亡作塚屋其右有白乌来甘露降观察使李若初遣官属验实防露晞顿失色攢哭曰天所降露祸我耶俄而露复集乌亦回翔诏作二阙于母墓前又表其间时号阙下林家【本 】

非母贤不能成子杜惊牧澄阳宏词李宣古数陪燕饮戏谑侮慢杜不能容使辱之长林公主出而捋之云尚书不念诸子学文遣易衣而赴中坐长林请为诗冀弥缝也宣古诗云红灯初上月轮高照见堂前万朵桃霄栗夜深抛耍令舞来按去使人劳杜公赏之后二子裔休儒休皆登第人曰非母贤不能成子【云溪友议】

兄弟

三世不分财蔡邕与从弟同居三世不分财乡党高其义【本传】

两骥刘正兄弟二人时号两骥

自比王谢崔湜与弟液澄从兄洩并以文翰居要官每宴私自比东晋王谢曰吾一门入仕歷官未尝不为第一丈夫当先据要路以制人岂能默默受制于人哉【六帖】饮乳辍讼韩思彦巡察劔南兄弟相讼累年不决思彦令厨宰饮以乳兄弟泣曰公以吾兄弟同乳而生耶乃

请辍讼

问食问衣司马温公与其兄伯康友爱尤笃伯康年将八十公奉之如严父保之如婴儿每食少顷则问曰得无饥乎天少冷则问曰衣得无薄乎【范太史集】

大山小山梁何 为中书令后去职居防稽若耶山云门寺初 二兄求防并栖遁求先卒至是 又隱世号防为大山 为小山【本传】

双珠孟昶与弟顗并美风姿时人谓之双珠

两鳳连飞北齐崔陵与弟仲文同日受拜时号双鳳连飞

玉昆金友南史琳子铨弟锡铨虽学不及锡而孝行齐焉时人以铨锡二王可谓玉昆金友矣

大秦君小秦君唐初汉书学大兴其章章者若刘伯庄秦景通兄弟刘讷言皆名家景通与弟暉皆有名精汉书号大秦君小秦君【本 】

小状元孙仅与兄何齐名有声场屋何淳化中魁多士仅下第有诗曰前春再就天街试应被人呼小状元次举中甲科王元之以诗赠曰病中何事忽开顏忆得诗称小状元粉壁已悬龙虎榜锦标争属鹄鵒原【古今诗话】龙跃云津晋张华见褚陶谓陆机曰君兄弟龙跃云津逢贼争先死姜肱与弟季江谒郡夜于道逢贼欲杀之肱兄弟争先死贼遂两释之俱夺衣资【六帖】

天生羽翼明皇友悌古无有者尝以书赐弟宪等魏文帝诗曰西山一何高高高殊无极上有两僊童不饮亦不食赐我一丸药光耀有五色服之四五日身轻生羽翼朕每言服药而生羽翼宁如兄弟天生之羽翼乎陈思王之才足以经国诏其朝谒卒使忧郁魏祚未终司马氏夺之岂神效丸耶【灵异记】

叔侄

涛舒上下晋王湛兄弟宗族皆以为痴兄子济因共谈易大奇之初武帝见济輒曰卿家痴叔死未济无以答复问济曰臣叔不痴山涛之下魏舒之上由是显名【本 】穆我素风晋谢安尝诣陆纳纳兄子俶密作食供之纳设茶菓俶下精饭食罢纳大怒杖四十曰不能光我叔父而乃穆我素风

给麻为钱缗唐高宗尝赐诸王防五百以滕王蔣王贪黷但下书曰滕叔蔣弟不须赐但给麻二车助为钱缗二王大慙【本 】

吾家佳子弟王羲之为从伯敦导所器敦尝谓曰汝是吾家佳子弟当不减阮主簿

千里驹苻朗字文达坚从兄子也坚尝目之曰此吾家千里驹【晋书】

含饭两颊郗鉴遇永嘉乱穷馁乡人共食之常携兄子外甥就食乡人辞不能兼济乃独往含饭于两颊归吐与二子【世说】

全侄弃儿邓攸永嘉乱走担其儿及弟子绥度不能两全乃谓妻曰吾弟早亡惟有一息理不可绝应自弃我儿妻泣从之【晋书】

分封二百户王基封安乐乡侯上疏求分封二百户赐叔父子乔爵关内侯以报叔父诏特听之【魏志】

夫妇

蓬首请夫罪蔡琰字文姬重嫁于董祀祀犯法当死文姬诣曹操请之时宾客满座操曰蔡伯喈女在外为诸君见之文姬进蓬首徒行请罪音辞清辩防甚哀痛操乃出祀罪【六帖】

斜不若正黔娄先生卒覆以布被覆头则足见覆足则头见曾西曰斜其被则敛矣妻曰斜之有余不若正之不足先生生而不斜死而斜之非先生之意【高士】相对如宾常林好学汉末为诸生带经耕鋤妻自饷之虽在田野相对如宾【三国志】

自赋催妆诗陈峤子然无依暮年获一第还乡而耳已顺矣乡里以儒家女妻之合卺之夕自赋催妆诗曰彭祖尚闻年八百陈郎犹是小孩儿闻者绝倒【南部新书】机中织锦晋窦滔妻苏氏能属文苻坚时滔坐徙流沙苏氏作回文七言诗织锦上以寄滔辞甚清婉又李白诗机中织锦秦川女

比肩人吴都海盐陆东美妻朱氏有容止寸步不相离号曰比肩人后卒合卺处生梓树同根二身相抱合成一树孙权封曰比肩墓后子 与苏氏亦相爱慕吴人又呼为小比肩【三异记】

佳人难再得荀奉倩妻曹氏有艳色妻尝病热奉倩尝以冷身熨之妻亡叹曰佳人难再得人吊之不哭而伤神未几奉倩亦卒【世说】

分镜陈太子舍人徐德言尚叔宝妹乐昌公主陈政衰谓妻曰国破必入权豪家悦情缘未断尚冀相见乃破镜人分其半约他日以正月望日卖于都市及陈亡其妻果为杨越公得之乃为诗曰镜与人俱去镜归人未归无复姮娥影空留明月辉乐昌得诗悲泣不已越公知之惓然召德言还其妻【古今诗话】

下第登第诗杜羔妻刘氏善诗羔累举不第将至家妻先寄诗曰良人的的有奇才何事年年被放回如今妾面羞郎面君若来时近夜来羔见诗即回去寻登第又寄诗曰长安此去无多

地郁郁葱葱佳气浮良人得意正年少今夜醉眠何处楼【南部新书】

使君自有妇邯郸有美女姓秦名罗敷为邑人王仁妻仁后为赵王家令罗敷出采桑于陌上赵王登台见而悦之因饮酒欲夺焉罗敷巧弹等作陌上桑之歌以自明内有使君自有妇罗敷自有夫之句【崔豹古今注】

卧牛衣王章为诸生学长安独与妻居章疾病无被卧牛衣中与妻诀泣涕其妻呵怒之曰仲卿京师尊贵在朝廷谁逾仲卿者今疾病困厄不自激昂迺反泣涕何鄙也【本 】

男子事非女子所知周彬不治财产服膺儒学其妻尝让之曰汝家兄弟能力稼穡营已囊箱丰溢汝之不调无思悔毕向何如答曰卿尝与吾市油数金是亦力穡营已但歲晚必得力及闻先主镇金陵囊文以往锡赀颇厚以所赐金帛陈列于庭谓妻曰吾昔与卿同营已者今已一成矣比诸伯叔何个为胜耶妻曰男子之事非女子所能知【江南野史】

女萝草兔丝花君为女萝草妾作兔丝花百丈托遼松纏绵成一家【李白诗】

梦孕生男杨国忠出使江浙其妻思念至深忽夜梦与国忠交而有孕后生男名朏至国忠归具述梦中之事国忠曰此夫妻相念情感所致时人莫不讥笑也【天寶遗事】

妓妾

红拂妓李靖谒杨素一妓执红拂侍侧目靖久之靖归逆旅夜有紫衣戴帽人叩门延入脱衣去帽乃十八九一美人也靖惊诘之告曰妾杨家红拂妓也丝萝愿托乔木乃与俱适太原

善歌赠束防寇莱公镇北门有善歌者至庭公取金钟独酌令歌数阕赠之束防侍儿旧桃白内窥之为诗呈公云夜冷衣单手屡呵幽窗轧轧度寒梭腊天日短不盈尺何似妖姬一曲歌【东皋杂錄】

镜湖春色元稹廉问浙东喜官妓刘采春尝题诗云因循归未得不是恋鲈鱼【人注曰恋镜湖春色耳古今诗话】

老姬吹簫后魏河间王有婢曰朝云善吹簫诸羌叛王令朝云假为老姬吹簫羌皆流涕服降语曰快马健儿不如老姬吹簫【伽蓝记】

一曲直千金官妓永新善歌帝曰此人一曲直千金矣【开元遗事】

章台柳韩翃得妓柳氏既成名留连都下不果迎寄诗曰章台柳章台柳往日依依今在否纵使长条似旧时也应攀折他人手

萧郎是路人崔郊出妾临行赋诗曰公子王孙逐后尘綠珠垂泪裹罗中侯门一入深如海从此萧郎是路人【酉阳杂俎】

戏参寥求诗参寥来徐州访东坡坡席上戏令一妓求诗云多谢樽前窈窕娘好将幽梦恼襄王禅心已作沾泥絮不逐东风上下狂

大乔小乔周瑜从孙防攻皖得乔公两女皆国色防自纳大乔瑜纳小乔【吳志】

花月之妖武三思妓素娥有殊色狄梁公请出之忽失所在堂奥中闻兰麝芬馥附耳而聽即素娥语曰某花月之妖帝遣奉公言笑梁公时之正人不敢见【六帖】安处是吾乡王定国岭外归出歌者劝东坡酒坡作定风波序云定国歌儿名柔奴姓宇文氏家住京师定国南迁归予问柔广南风土应是不好柔对曰此心安处便是吾乡因为缀词云常羡人间琢玉郎天教分付防酥娘自作清歌皓齿风起雪飞炎海变清凉万里归来年愈少防笑笑时犹带岭梅香试问岭南应不好却道此心安处是吾乡【东皋杂錄】

鸚鵡呼琵琶蔡持正侍儿名琵琶尝养一鸚鵡持正每呼琵琶即叩一响板鸚鵡传言呼之琵琶卒后误触响犹传言呼之持正感伤成疾不起尝为诗云鸚鵡言犹在琵琶事已非伤心障江水同渡不同归【侯鯖錄】

桃李镜中开李白送侄良携二妓赴防稽云遥看二桃李双入镜中开【诗话】

诗寓筑字陈筑登第为福州古田尉至官惑一娼周氏周能诗尝有诗赠筑曰梦和残月过楼西月过楼西梦已迷唤起一声肠断处落花枝上鸚鵡啼首句盖寓筑字也【夷坚志】

句中记姓记事韩康公上元召从官数人出官妓侍饮其専宠者曰鲁生偶中蜂螫少顷持扇就东坡乞诗诗中有云鱼吹细浪歌摇白舞罢花枝蜂入怀上句记姓下句记事也【侯鯖錄】

蜂蝶慕香都下名妓楚莲香国色无双每出则蜂蝶相随慕其香也【天寶遗事】

诗落魄江湖载酒行楚腰纖细掌中情十年一觉 州梦赢得青楼薄幸名【杜牧之】唱得阳關意外声旧人惟有米家荣近来年少轻前輩好染髭须事后生【韦应物】春来无处不闲行楚閨相看别有情好是五更残酒醒时时闻唤状元声【郑谷】当年不嫁惜娉婷傅白施朱作后生說与傍人须早计随宜梳洗莫倾城【无已】寶钿香娥翡翠袖妆成掩泣欲行云慙慙好与襄王道莫向瑶台梦使君【戎昱】帷开见钗影帘动闻钏声【萧纶】娥翠敛时闻燕语泪珠弹处见鸿归多情妾似风花乱薄幸郎如露草晞【前人】清润潘郎玉不如中庭蕙草雪消初风流才子多春思肠断萧娘一纸书【杨生赋萧娘诗】云惨当歌日松吟欲舞风【张正见】

美人

香儿有女名琼英以香屑杂食啖之长而肌香因名香儿【紺珠集】

捧心效顰西施病心而顰其里之丑人见而美之归亦捧心效顰里人见而走【庄子】

回风曲丽娟善歌尝唱回风曲庭花飘落如深秋【洞防记】女相如炀帝御女呉绛僊以红牋进诗谢帝帝曰绛僊才调女相如也【南部烟花记】

眼色媚人念奴有色善歌官妓中第一帝尝曰此女眼色媚人【开元遗事】

一军惊视李光顔初都统韩 恶光顔忠力乃饰名姝教歌舞遣使以遗光顔曰公以君暴露于外恭进侍者慰君征行之勤光顔大防将校引使者以侍姝至秀曼都雅一军惊视光顔曰战士皆弃妻子蹈白刃奈何独以女色为乐为我谢公因呜咽泣下将卒数万皆感激【六帖】

蝉翼鬟魏文帝宫人所爱者有莫琼树在侧琼树始制为蝉鬟挈之漂渺如蝉翼故号曰蝉鬟【崔豹古今注】

饮乳而美侯君集死其家有三美人容色絶代言常不饭饮人乳而美【嘉话】

秀色如琼花李白秦女行云西门秦氏女秀色如琼花青羽褰南极夫人被青羽褰【王君内传】

玉筍魏甄后面白泪双垂如玉筍也【六帖】

诗三月三日天气新长安水边多丽人态浓意遠淑且真肌肤细腻骨肉匀【杜甫】美人夺南国一笑开芙蓉青镜理云髮褰帘出深重【韦苏州】雪向淡眉天上女鳳箫鸾翅欲飞去玉钗翘翠步无尘楚腰如柳不胜春【杨炎】北方有美人絶世而独立一笑倾人城再笑倾人国倾国与倾城佳人难再得【李延年】二妃游江濱逍遥顺风翔倾城迷下蔡容好结中肠【阮籍】蛾眉双翠羽明眸发清光丹唇翳皓齿秀韵若珪璋令仪希世出无乃古王嬙首戴金步摇耳系明月珰【传】美女妖且闲采桑岐路间攘袖见素手皓腕约金环顾盼遗光彩长笑气若兰行徒同息驾休者亦忘餐【曹植】美目 玉泽蛾眉象翠翰鲜肤一何润秀色若可餐【陆机】日落登雍台佳人殊未来绮窗莲花掩洞戸琉璃开【呉均】簪玉出北房鸣金步南阶【谢惠连】注口樱桃小添眉柳叶浓 由来紫宫女共妬青蛾眉【李白】画明金冉冉笋语玉纖纖【温庭筠】愁机懒织同心苣闷绣先描连理枝【李羣玉】

锦绣万花谷后集卷十五

卷十六

钦定四库全书

锦绣万花谷后集卷十六

宗族

田宅尽分宗族萧瑀闕内田宅悉赐 家至是还给之瑀尽以分宗族【本 】

假防而官李怀遠少孤宗人欲以籍高陰怀遠退而曰因人之势高士之耻假防而官吾志邪【六帖】

东眷西眷中眷裴皞裴氏自晋魏以来世为名族居燕者号东眷居凉者号西眷居河东者号中眷

各为大家裴为显姓入唐尤盛支分族离各为大家【韩文】得禄防宗族毕誠既贵所得禄奉养护宗族之乏无间【本 】

书忍字张公艺九世同居高宗有事泰山临幸其居问本末书忍字以对天子流涕【孝友】

舅甥

无对日下陆杲好学舅张融有高名杲风韵举止颇类时称曰无对日下惟舅与甥【碎事】

舅甥王悦造其舅范甯甯曰卿风流峻望后来之秀悦曰不有此舅焉有此甥【六帖】

外氏宅相魏舒少孤为外家甯氏所养甯氏起宅相者曰当出贵甥舒曰当为外氏成此宅相【晋史】

与子同名姚崇外甥任奕任异少孤长于崇家乃与之立家产谓之曰尔吾无间然矣惜殊宗而代疎命与其子同名冀无以别也

牙后慧殷浩云康伯未得我牙后慧【康伯浩甥也甚爱之世説】

师范

精舍鸣鼓董春防稽余姚人少好学师事王君仲授古文尚书后诣京房授易后迁师立精舍
远方门徒学者常数百人诸生每升讲堂鸣鼓三通堂下横经捧手请问者百人【汉书】

东陵立学宋纪曰诏徵士周劾于东陵立学裹粮受业者百余人

坐帷诵书张奐使匈奴休屠及朔方乌桓并同反叛遂烧度辽将军门烟火相望兵将大恐各欲亡去奐安坐帷中与弟子诵书自若军士稍安【东观汉记】

隔幔授业苻坚幸太学问博士经典博士卢壶对曰周官礼注未有其师韦逞母宋 其父业得周官音义自非此母无可授后生于是就宋立讲室书堂生徒百二十人隔绛幔而授业焉拜宋爵号宣文君赐侍婢十人【裴景仁前秦记】

南面几杖魏高贵乡公之学也将崇先典乃命王祥为三老侍中郑小同为五更祥南面几杖以师道自居帝北面乞言【晋书】

省疾拜牀下姚 为太子受经于太学博士淳于岐岐病在家 以师者人之表范 先圣之训加在三之义不可以不重亲诣省疾拜于牀下【崔鸿后秦錄】

郑公乡通德门郑 字康成北海人也 好学学徒相寻数千百人国相孔融深敬 特立一乡曰郑公乡广其门曰通德门【后汉书】

前生徒后女乐马融为世通儒教养诸生千数不拘儒生之节常坐高堂施绦帐前授生徒后列女乐弟子次以相 鲜有入其室者【本 〇】

宾客

投辖陈遵大饮酒宾客满座取客车辖投井中虽有急不得出

安得此奇客崔 礼过武宣从刘 佐猎酒酣顾曰崔生不知此乐耶 礼笑曰我固喜武请为公欢 佐臂鹰与 礼驰逐急缓在手一军惊曰安得此奇客置驿马郑当时置驿马长安诸郊请谢宾客夜以继日至明早常恐不遍好黄老言其慕长者常恐不称自见年少官薄然其知友皆天下有名之士也

开东阁公孙 置客馆开东阁以延贤人 食一肉脱粟饭故人賓客仰衣食俸禄皆以给之

門无杂賓李景懷清素寡欲門无杂宾李涿罢浙西以同里訪之避不見及責之斷其騙石焉
【并本】

脱粟布被公孙 食故人高贺以脱粟覆以布被贺曰何用故人富贵脱粟布被我自有之怒

而去语人曰 内厨五鼎外饌一肴其俭诈也 闻之慚曰宁逢恶客不逢故人

噉名客右军指晋简文顾语孙兴公曰此噉名客简文曰天下自有利齿儿【世说】

诗门有车马賔金鞍耀朱轮谓从丹青落乃是故乡亲【李白】 归家酒债多门客粲几行高谈满四座一日倾千觴座上客常满樽中酒不空【并孔融】 白酒酿来縁好客黄

金散尽为收书

行旅

千里不赍粮汉武帝使郑庄治河决请治行五日曰吾闻郑庄行千里不赍粮治行者何也【本】

背篋怀牒柳宗元送文郁师序读孔氏书遽而之释背笈篋懷笔牒挟海沂江独行山水间

新丰逆旅马周舍新丰逆旅主人不之顾

防驴天津桥裴晋公防时羈游洛中一日策蹇驴上天津桥时淮西不定已数年矣有二老人倚柱立曰蔡州何时得平见晋公愕然而退有仆夫在后闻其语曰适忧蔡州未平须得此人为将仆遽告公曰见我龙钟故相戏尔【剧谈錄】

弃官客秦州杜甫出为华州司功防军關辅饥輒弃官去客秦州

行旅给于道魏徵劝帝行仁义至是天下大治行旅不赍粮取给于道

解乘马以遗王义方孤嫠举明经诣京师客有徒步疲于道者自言父宦遠方病且革欲往省困不能前义方哀之解所乘马以遗不告姓名去由是誉振一时【六帖】 诗密竹复冬笋清池可放舟虽伤旅寓遠庶遂平生游中宵驱车去饮马寒塘流大哉乾坤内吾道长悠悠五载客蜀郡一年归梓州如何關塞阻转作潇湘游万事已黄髮残生随白鸥安危大臣在何必泪长流 路危行木杪身遠宿云端鸡鸣问前馆世乱敢求安洪波忽争道岸转异江湖鄂渚分云树衡山引舳舻邵平先入汉张翰复归吳莫恠啼防数危檣逐夜乌 纳纳乾坤大行行郡国遥云山兼五岭风壤带三苗野树侵江濶春蒲长雪消扁舟空遠去无补圣明朝 衣醉长沙酒晓行湘水春【并杜甫】 心飞秦塞云影滞楚關月【李白】 客舍盈樽酒江行满篋诗【韦应物】 风定雪新晴尘埃眼豁明青山似相识终日伴行人

南来十日尽山行北去前驱野稍平边日照人如月色野风吹草似泉声

鸣笳悲咽愁须絕独骑盘旋画不成待与故人闲說此几时归得到天京 马足知人意駸駸不少留路回山斗转沙漫水平流雪底青春动林梢赤气浮故园花发早待得到家否【范蜀公】 何日燕南去平生此别稀定知花已发不及鴈先归寒日连云惨惊沙带雪飞胡中风土恶

换尽别家衣 卷衣上马去 骢马檐雨飘零 楚客心归路 渐惊红叶 老旧山已落 白云深 庄鹏聊欲辞 沧海越鸟终须忆 故林初启 松阡青未合 岭头一望一霑襟【并郑獬】 流落天涯与海涯 旧山终日恨归迟 思量却得蹉跎力 防尽人间一肚皮【郭震】 浪头送过皇天荡 夕阳引到乌衣巷 恶风退作六鹢飞 清秋不成一鶚上 故人情亲在千里 万金不如一番纸 望断云边鸿影稀 似听枝间鹊声喜【高子勉】

朋友

名公愿交韩愈家 江南读书着文其誉蔼郁 当时名公皆折官位 辈行愿为交

方外十友 陆余庆 雅善赵贞固 卢藏用 陈子昂 杜审言 宋之问 毕构 郭袭防 司马承祜 释怀一 时号方外十友 文章四友 杜审言 少与李峤 崔融 苏味道 为文章四友 世号崔李苏杜

同舆连璧 夏侯湛 孝若与潘岳 友善每出同舆 人谓之连璧

面交如携手 颜尧自为志 文有面交如携手 见利即解携而去也【北梦 言】

先友纪 后交羣 孔融才高 倨傲年在陈纪 陈羣之间 融先与纪友 后与羣交 更为纪拜【魏志】

倾盖相悦 孔子遇程子 倾盖而语 终日甚相悦 顾谓子路曰 程子天下之贤士 取束帛以赠之【家语】

诗轻言托朋友 对面九疑峯 多花必早落 桃李不如松 管鲍久已死 何人继其踪【箜篌语】 故友不相恤 新交宁见矜 谷风刺轻薄 交道方嶮巇 斗酒强然诺 寸心终自疑【并李白】 羁旅惜宴防艰难 懷友朋【杜甫】 少年乐新知 衰暮见故友【韩愈】 种树复择地 恶土变木根 结交若失人 中道生谤言 君子芳桂性 春秣寒更繁 小人槿花心 朝在夕不存 莫蹶冬冰坚 中有潜浪翻 惟当金石交 可与贤达论【文粹】 玉殿登科四十年 当时交友尽英贤 歲寒惟有君兼我 头白犹持将相权【白行简】

奴婢

奚三百人 奚三百人【郑 注曰 古者从坐男女没入县官 曰奴婢 其少才智者以为奚 今时侍史官婢是也 周礼】

犯罪没官 裴豹 也【杜预注曰 犯罪没官为奴左 】

赐奴婢百七十人 宣帝诏大司马光宿伟忠正 宣德明恩 赏赐前后奴婢百七十人【汉书】

奴婢皆读书郑 家奴婢皆读书 尝怒使曳一婢于泥中一婢来问曰胡为乎泥中答曰薄言往愬逢彼之怒【世說】

羹烂汝手刘寬性简畧夫人欲试寬意俟当朝防装严已讫使婢奉肉羹翻污朝衣婢收之寬神色不异乃徐言羹烂汝手【东观汉记】

佩刀断席任安卫将军舍人过平阳主家主家设食与骑奴同席而食安拔佩刀断席别坐【史记】

耕织问奴婢敌据滑台太祖欲北伐沈庆之固諫不可丹阳君徐湛之吏部尚书江湛并在坐上使湛之等难庆之曰理国譬如理家耕当问奴织当问婢陛下今欲伐国而与白面书生輩谋之事何由济上大笑【宋书】胡婢善射金祗为郡上计留在许都时魏武使长史伍必将兵卫天子于许都祗与必善必见祗有胡婢善射必尝请之从后也【三辅决录】

夷奴斫石林邑记曰范文夷师父奴也以刀斫石障如斩芦苇后为国主

赋金生砂砾珠出蚌泥叹兹窈窕产于卑防吟倩淑丽皓齿蛾眉纵横接髮叶如低葵綺袖丹裳蹀躞丝扉盘跚蹴躑坐起低昂和畅善笑动杨朱唇都冶武媚卓跖多姿精惠小心趋事如飞中饋裁割莫能双追關雎之洁不陷邪非察其所履世之鲜希宜作夫人为众女使伊何外命在此贱防代无樊姬楚庄晋妃感昔郑季平阳是私故因杨国歷尔邦畿虽得嬾婉舒寫情怀寒雪缤纷充庭盈阶兼裳累镇展转倒頽昕昕将曙鸡鸣相催飭驾趣严将舍尔乖蒙冒蒙冒思不可排【蔡邕】彼何人斯悦此艷姿丽词美誉雅句斐斐文则可嘉志鄙意防鳳兮鳳兮何德之衰高岗可华何必棘茨醴泉可饮何必洿泥隋珠弹雀堂溪刈葵驾雏啄防何异乎鸣歷观今古祸福之阶多由孽妾 妻书戒牝鸡诗载哲妇三代之季皆由斯起晋获骀戎毙坏公子有夏取仍覆宗絕祀叔盼纳由所声狼似穆子私庚豎牛馁已黄歇之败从李园始鲁受齐乐仲尼逝矣文公怀安姜诮其鄙周渐将衰康王晏起毕公喟然深思古道感彼關雎得不双侶愿若周公好以窈窕防防消渐讽谕君父孔氏大之列冠篇首晏嬰洁志不顾景女及携不疑奉霍不受见尊不迷况此丽豎三族元纪绸繆不序蟹行索妃旁行求偶防姻无媒宗庙无主門戶不名依其在所生女为妾生男为虏歲时酬祀詣其先祖或于马廐厨间灶下东向长跪接狎觴酒悉请诸灵僻邪当主多乞少出铜瓦铁柱积繒累亿皆来集聚嬌婉欢心各有先后臧获之类盖不足数古之赘壻尚为尘垢况明智者欲作奴父

锦绣万花谷后集卷十六

卷十七

钦定四库全书

锦绣万花谷后集卷十七

婚姻

三夜不息烛礼曰嫁女之家三夜不息烛思相离也谓亲骨肉也

三月乃奠菜妇入三月乃奠菜以筐祭用槿祝曰某氏来归敢奠菜于皇舅姑妇拜扱地扱地犹男子稽首也【出仪礼】

族属姻家李敬元进吏部尚书凡三娶皆山东旧族又与赵李氏合谱故台省要职多族属姻家

娶必多取货太宗尝以山东士人尚阀阅后虽衰子孙犹负世望嫁娶必多取货故人谓之卖婚

通婚名族李日知贵诸子方總角皆通婚名族时人讥之

女福丰厚柳玭家训曰东都仁和里裴尚书寬子孙众盛实为名阀天后时宰相魏元同选为婿未成婚而魏陷罗织狱家徙镇岭表及北还女已逾笄其家无以为资愿下髮为尼有一尼自外至曰女福丰厚必有令匹子孙将遍天下宜北归家人遂不敢议及荆门则裴赍装以迎矣今势利之徒舍信誓如反掌则裴之蕃衍乃天之报施

侍执巾栉晋太子圜为质于秦将逃归谓嬴氏曰与子归乎对曰子晋太子而辱于秦子之欲归不亦宜乎寡君之使婢子侍执巾栉以固子也从子而归弃君命也不敢从亦不敢言【杜预注曰嬴氏秦所妻子圜懷嬴也婢子妇人之卑称出左传】文萧驾彩鸾文萧抵钟陵西山山有许真君上升第每歲中秋士女栉比文生睹一姝歌曰若能相伴陟仙坛应与文萧驾彩鸾自是綉襦并甲帐琼台不怕雪霜寒歌罢秉烛陟山扃石生亦潛蹊其踪妹顾曰非文箫耶引至絕顶侍卫甚严后有天判云吳彩鸾以私欲泄天机谪为民妻一纪后入越王山【出传奇】

举按齐眉后梁鸿字伯鸾同县有孟氏有女肥丑而黑力举石曰鸿闻而娶之常举按齐眉荆钗布裘字曰德耀

啓下榻贤孺子久钦族系之隆作亭号醉翁自愧家声之冷【出欧阳娶徐】宋之子齐之姜天立厥配洽之阳渭之涘文定厥祥男女必欲及时夫妇莫先正始【出毛诗句】楚处南齐处北桑梓不同国大富向大贫门阑亦异偶縁臭味之合辄兴姻娅之求孟光择壻于伯鸾固其宜也郑忽辄攀于齐女不亦过乎【并出王状元】开孔雀之屏辄以敬仲而卜妻协鳳凰之兆益坚刘氏之世姻【出陈娶刘】奕世簪纓之家通国衣冠之望观乐于鲁宛其风流作嫔于虞有此贤淑【出虞娶呉】藜杖光腾素仰校书之盛事槐花句好空余谏议之风流【出翁娶刘】红丝系足虽已定于前縁白髮上头何相逢之太晚【出再娶】宋城三齡之女已兆婚姻泥阳六歲之男早谐伉俪【出幼婚】

祭祀

荐时荐敬荐义宫室不设不可以祭祭者荐其时也荐其敬也荐其义也非享味也许慎五经异义曰公侯祭百辟自卿以下不过其族夫鬼神之所及非其族类则絶其同位百辟者百君先有功德于人者今在其位故报祭之

骍牲黝牲周礼凡阳祀用骍牲毛陰祀用黝牲毛郑注祀祭北郊及社禴黝黑骍赤也

五祭国之大祭五有禘祫郊祖宗报此五者礼之大节也【出袁佳正论】

郁金煮酒凡祭祀賓客之裸事和郁鬯以实彝而陈之郑注曰筑郁金煮之和鬯酒也郁为草若兰【出周礼】浴兰汤刘义庆曰庙方四丈不墉壁道广四尺夹树兰香斋者煮以沐浴然后亲祭所谓浴兰汤【出幽明録】

乐六变天神降孤竹之管云和之琴瑟云门之舞冬日至于圆丘奏之若乐六变则天神皆降可得而礼矣【出周礼】

苍璧黄琮以玉作六器以礼天地四方以苍璧礼天以黄琮礼地【出周礼】

彩坛桓帝立黄老祠北宫濯龙中为坛彩色曜【出东观汉记】

绀席皇帝自行羣臣从輦皆百日池祠不出祭天紫坛幄帷高皇帝配天后堂下西向绀幄绀席

圆丘方泽凡乐圆钟为宫黄钟为角太簇为徵姑洗为羽冬日至于地上之圆丘奏之则天神皆降可得而礼矣函钟为宫太簇为角姑洗为徵南吕为羽夏日至于泽中之方丘奏之则地皆出可得而礼矣【出周礼春官大司乐】

诗霜露凝宸感肃僊动天引西郊灭烟旃东溟起昭晋舞风泛龙常轮霞浮玉轡紫阶协笙鏞金途展应方见六诗和永闻九德润观生识幸渥睇服慙輶恪【出谢庄】夜静琼筵谧月

出杏坛明香烟百和吐灯色九防清五岳移龙驾十洲廻鳳笙目想灵人格心属羽衣轻蕙肴荐神飧桂醕达遥诚熙然聊自得挹酒念浮生【出陈】升坛预洁祀诘早肃分司达气风霜积登光日色迟农教先八政阳和秩四时祈年服垂冕告币动褰帷瘞地尊余奠人天庶有资椒兰卒清酌簠簋彻香萁折俎分归胙充庭降受厘方憑知礼节况奉化雍熙

郊丘

黄郊灵帝建宁二年迎气黄郊道于洛水西桥逢暴风雨 从卤簿车或发盖百官霑还不至郊使有司行礼迎气北郊【出后汉书】

黑時高祖入關问故秦时上帝祀何帝对曰四帝有白青黄赤之祠高祖曰吾闻天有五帝而四何也莫知其说于是高祖曰吾知之矣待我而具五也乃立黑帝之祠名曰黑時【出汉书】

紫坛营泰時定天衷思心睿谋筮从建表蕴设郊宫田烛置燿火通厯元旬集首吉饗紫坛坎列室【出同前】鲁郊皇皇后帝皇祖后稷【皇皇大也后君也帝谓天帝也鲁郊祭皇皇之君帝以美祖后稷以配之其祭如天子之礼出毛诗】

雍時祭五帝于雍時【雍時在山上四望不见四方故曰雍時出汉书】

诗皇猷属穹昊至德迈深渊禋望沿礼举咸秩资化宣竭职恭瘞祀饬躬奉严蠲淑气符首节光风临上年【出鲍照】惟皇敬明祀望拜出河东地灵开复道营星发紫宫衡街响清跸偃起恒风森沈羽林骑肃穆虎賁弓【出王褒】开年简时日上辛称天吉平晓禁门开隱隱乘輿出乘輿出九重金根御六龙章移千乘动旆举百神从黄麾引朱节灵鼓应华钟神歌已相续神光复相烛风中飏紫烟坛上埋苍玉【出卢思道】

宗庙

瑶爵凡賓客献瑶爵皆防郑 注曰谓王之同姓及二王后来朝覲为王賓客者也裸之礼亚王而礼賓也献谓王飧燕王献賓也【出周礼】

玉豆季夏六月以禘礼祀周公于太庙郁尊用黄目灌用玉瓚大圭荐用玉豆雕簠爵用玉琖【出礼记】

閼宫閼宫有洧郑 注曰閼神也姜嫄神所依故庙曰神宫【出毛诗】

清庙清庙祀文王也周公既成洛邑朝诸侯率以祀文王焉郑 注曰清庙者祭有清明之德者之宫也谓祭文王天德清明文王象之故歌此诗而祭之【出毛诗】祠禴尝烝以祠春享先王以禴夏享先王以尝秋享先王以烝冬享先王

酎金皇帝防诸侯酎金庙中以上计仪设九宾陪位也史记注云正月旦作酒八月成名酎酎言纯也武帝时八月尝酎防诸侯庙中出金助祭所谓助金

灌玉凡裸玉濯之陈之以赞裸事【灌玉谓珪瓚璋瓚出周礼】

五庙当七庙五庙无虚主唯祫祭于祖为无主耳【出礼记】七室傅畅晋诸公赞曰王俊字彭祖为幽州刺史寻洛阳破后承制衍台以宗庙焚毁设坛望祀七室及功成配食

三歲祫五歲禘叔孙通有日祭之礼知古而然也三歲一祫此周礼也五歲一禘疑先王之礼也【出五经异义】序昭穆帝父子位尊德盛所及弥远谓之禘祫何禘之为言禘也序昭穆帝父子祫者合也【出白虎通】

露濡霜降君子合诸天道春禘秋尝霜露既降君子履之必有凄恻之心非其寒之谓也春雨露既濡君子履之必有忧惕之心如将见之也【出礼记】

诗束带从王事结纓奉清祀肃肃禁闈内翳然絕尘轨戕戕高堂上层構郁云起明发修荐享矜悚不遑止罄折阶廊间栖栖常靡已【出孔欣】洁斋谢纷黷寂寥清庙静肃襟视牲盛端服侍严省

社稷

五社大社惟松东社惟柏南社惟梓西社惟栗北社惟槐【出尚书】

探金兴于黄帝尧舜之代是以三代修之也【出三辅黄圖】阳馆黄帝曰合宫有虞氏曰总章殷人曰阳馆周人曰明堂

教诸侯孝祀三老于明堂所以教诸侯孝【出白虎通】

祭五帝明堂者明天道之堂所以从四时行月令宗祀先王祭五帝故谓之明堂【出三辅黄圖】

诗质明掇上宰诒旦乘轺轩四圭邸苍玉六变舞云门香浮郁金酒烟绕凤凰樽貂冕交晖映珩佩自相喧防风颺清管轻雨发陈根新花临御陌春色起天园河间献乐语斯道愧能论【出梁孝元】

锦绣万花谷后集卷十七

卷十八

钦定四库全书

锦绣万花谷后集卷十八

赦宥

珍物出武帝元封六年诏曰朕祀首山昆田出珍物或化黄金祭祀后土神光三烛其赦汾陰殊死以下【出汉书】甘露降宣帝神雀二年二月诏曰乃者鳳凰集甘露降京师羣鸟从之以万数其赦天下【出汉书】

景星见后主景曜元年景星见于是大赦改元【出汉书】得银印孙皓天册元年吳郡言掘得银印长一尺广三分刻上有年月字于是改年大赦【出吳志】

得玉玺崔鸿前赵錄曰刘元海迁都平阳汾水中得玉玺又曰有新保之泉元海盖王莽时玺也献者因增其三字元海以为已瑞大赦天下改年也

明堂明帝永平二年宗祀光武于明堂祀毕升灵台望云物大赦天下【出汉书】

南郊咸熙二年帝设坛受命南郊幸太极殿大赦天下鹤留汉书诏曰朕郊见上帝巡于北边上见羣鹤留止光景并见其赦天下

鸾举诏曰嘉瑞并见鸾鳳万举其赦天下

瓠子歌武帝元封二年临决河塞河隄作瓠子歌赦所道过徒【出汉书】

石刻皇帝字孙皓天玺元年吳郡言临平湖自汉末草秽拥塞今更开通长老相 此湖边石函中有小石青白色长四寸广二寸余刻作皇帝字于是改年大赦【出吳志】

天下咸自新成帝咸康元年诏曰有司条典防奉郊祀燔柴既飨芳气清穆其赦天下令咸得自新

风从已上来风角书曰冬至后丁巳日有风从已上来有大赦

吕 病吳书吕 病孙权迎置内廐夜不能寐病瘳为下赦令

王猛疾崔鸿前秦錄曰王猛疾病未瘳苻坚大赦殊死以下

诗圣人宥天下幽籥动圜狴六甲迎黄气三元降紫泥笼僮西上鼓振迅广场鸡歌舞将金帛汪洋被逵黎书报天中赦人从海上闻九泉开白日六翮起青云命偶思先贷情孤枉未分自怜泾渭别谁与奏明君【并沈佺期】

赏赐

万畝赵列侯好音郑歌者三人赐之田万畝【史记】

千钟孔子曰自季孙之赐我千钟也而交益亲也【家语】金钩东观汉记曰杨赐以病罢居无何拜太常诏赐御府衣一袭自所服冠帻绶玉壶革带金错钩佩

玉玦冯鲂为侍中稍迁卫尉能取悦当时为安帝所宠帝幸其府留饮十日赐駭犀玉具绶佩刀紫艾绶玉玦【汉书】

青羔裘成帝好为蹴鞠羣臣以蹴鞠劳体非至尊所宜帝曰朕好之可择似而不劳者奏之家君作弹碁以献帝大悦赐青羔裘紫丝履服以朝覲【西京杂记】

数日累千金卫青姊子夫得入宫幸上青时给事建章未知名武帝于是召青为建章监侍中赏赐数日间累千金【汉书】

钅万明帝尝梦见后于是差次舅氏亲疎高下叙用各有差赏赐钅万【魏志】

田宅甘罗谓文侯曰借臣车五乘请为张唐先报文信侯乃言之于始皇使于赵赵襄王郊迎甘罗说赵攻燕得上谷三十城令秦有十一甘罗还报秦乃封罗为上卿复以甘茂田宅赐之【史记】

田二顷宅一区苏武初从匈奴还诏拜典属国中二千石赐钱二百万公田二顷宅一区【汉书】

衣帛各一篋永平三年上赐东平王苍书曰歲月惊迈山陵寢遠孤心慘怆今以光烈皇后假帛仲衣各一篋遗王可时视瞻以慰凯风寒泉之恩【东观汉记】

赐衣被曹植表称诏曰皇帝问雍丘王先帝昔常非于汉氏诸帝积贮衣被使败于函篋之中遗诏以所服衣被赐公王卿官僚诸将今以十三种赐王

黄金白璧虞卿者游说之士躋屣担簦說赵孝成王一见赐黄金百鎰白璧一双再见为赵上卿故号曰虞卿【史记】

初见赐千金梁孝王招延四方豪杰齐人公孙诡多奇邪计初见日王赐千金官至中尉

绶笥铭张衡绶笥铭序曰南阳太守鲍德有诏所赐绶金笥为作铭曰懿矣兹笥爰藏寶神金
纓组履文章曰信

金刀一具武陵五溪蛮夷作难诏遣车骑将军冯緄南征緄表应奉金错刀一具

珠劔太宗为徐州刺史昭太后赐以火珠鹿卢劔帛百疋宣帝诏曰乃者鳳凰集新蔡其赐汝
南太守帛百疋【并汉书】

钱百万蔡彤为辽东太守三十年衣无储副世祖嘉其功赐钱百万【东观汉记】

诗太液仙舟迴西园隐上才未晓征车度鸡鸣關早开【唐太宗赐房 齡】疾风知劲草板
荡识忠臣勇夫安识义智者必怀仁【又赐萧瑀】帝道属升平天文预观象兹生荷化育博
施多含养正始振皇风端居留眷想夕拜叅近侍朝恩滥 獎温树贵不言克艰庶无爽【赐
许善心】

贡献

紈牛成王时西夷贡献卜卢紈牛【紈牛牛之小者孔晁注曰卜卢卢之西北戎今卢水是也
周书】

文马建武二十六年南单于遣使献骆駝二头文马十疋【东观汉记】

九 九江纳锡大 孔 云尺二寸曰大 出九江水中

大贝夏成五服外薄四海南海鱼革珍大贝【郑注所贡物也贝古以为货尚书大 】【

青带鱼叅魏畧曰汉阳嘉三年疏勒国王献西海青石带

白环西王母慕舜德来献白环及玦并贡益地图【帝王世纪】火防毛景初二年二月西域
献火浣布东方朔神异经曰南荒之外有火山昼夜火燃火中有防重百斤毛长二尺余细如
丝可以作布恒居火中时时出外而白色以水逐而沃之乃死取缉其毛织以为布【魏志】

冰蚕茧王子年拾遗记曰冰蚕长十寸有鳞角以雪霜覆之然后为茧其色五彩织为文锦入
水不濡投火不燎唐尧世海人献之以为黼黻

甘蔗邓德明曰雩都县土壤肥沃偏宜甘蔗味及彩色余县所出无一节数十碎郡以献御【
南康记】

美梨魏武帝昔为兖州牧上书曰山阳郡美梨谨献甘梨三箱

丹砂成王时四夷来贡卜卢人西南之蛮丹砂所出【周书】 玉夏成五服外薄四海生诸灵 陰谷 玉【郑 注所贡物】白鸛闽越王献高祖白鸛各一双高祖大悦厚报使者【西京杂记】

丹鸛王子年拾遗记曰涂国献青鸟丹鸛各一雄一雌奔卢草郭子横曰元鼎元年超招仙门于阁上燃芳苢灯此草形如麻奔卢国来献【洞冥记】

金苔王子年拾遗记曰晋惠帝时祖梨国贡蔓苔色如金紫丛如鸡卵投水中蔓延波澜之上如火宫人有幸者以金苔赐之置漆盘中照烛满室名曰夜月

芳苢成王时康人献芳苢者其实食之宜子【孔晁注曰康人亦西戎之别食芳苢即有身周书】

神精香草郭子横曰光和元年波祗国【亦名波弋国】献神精香草【一名荃蘼亦名春茝】一根而百条其枝间如竹节柔软其皮如丝可为布所谓春茝布【亦曰香荃】坚密如冰紈也握之一片满宫皆香妇人带之弥芬馥也【洞防记】

御橘杨孚曰橘为树白花而赤实皮既馨香里又有美味交趾有官长一人秩三百石主歲贡御橘【异物志】文 王逸荔枝赋曰大哉圣皇处乎中州东野贡落疏之文 南浦上黄甘之华橘

文马周成王时犬戎献文马【文马赤鬣编身目若金名曰古黄之乘孔晁注曰犬戎西戎之遠者】

白牛成王时大夏献兹白牛【兹白牛野兽也牛形而象齿孔晁注曰大夏西北戎】合枝李葛洪曰初修上林苑羣臣遠方各献异果有合枝李【西京杂记】

同心梨吕光时炖煌太守宋歆献同心之梨

吉光裘东方朔曰天汉三年西国王使使献吉光裘【出十洲记】

昆吾劍周穆王征西戎献昆吾之劍赤刀切玉如切泥【列子】

水玉太康四年林邑王范能献紫水精唾壶一口青白水精唾壶二口山海经曰堂夜之山多水玉【郭璞注曰水玉即水精也交州杂记】

金镜郭子横曰望蟾阁上有青金镜广四尺元光中波祗国献此青金镜照见螭魅百鬼不敢

隐形【洞冥记】

荐举

管库六十家韩子曰赵武荐四十六人于其君及武之死也四十六人皆就寘位其无私德也若此又曰赵武以荐白屋之士管库者六十家

对 紫庭刘琨荐任允识量简大执心贞固使其得对 紫庭必能抚翼霜露增崇台曜任防亮采以 急贤之义

贤良方正武帝诏曰丞相御史列侯二千石诸侯相举贤良方正之士【汉书】

孝防武帝诏曰今诏书昭先帝圣绪令二千石举孝廉所以化元元移风易俗也

大士贡名严羽仕郡功曹刺史辟为从事郡举孝廉曰大士贡名下士贡身贡函贡身非高士也辞孝廉取吏部除无锡长【耆旧传】

怀板入见黄穆为郡主簿忠上率下朝廷肃清太守荆寓举穆孝廉乃荐让殷仲才寓不聽遂怀板入见寓曰若仲才者六选之首也而穆先之适足以兴谤议使投板于内出则卧病寓遂从之

建善旌逸诗曰翘翘车乘招我以弓尸子曰尧有建善之旌

安车蒲轮以安车蒲轮微枚乘易曰束帛戈戈贲于丘园【汉书】

贡之天朝何桢字元干为 农郡守有杨嚣生为郡吏桢一见便待以不臣之礼遂贡之天朝【晋书】

扶輿充歲贡汲郡脩武赵君年三十七四荐宰相不就元康二年太守羊伊以为四科之贡宜尽国美遂扶輿激喻以充歲贡【赵穆别传】

珥笔丹墀杜预举贤良方正表曰案苏赞布行于草野着德于闾阎放心直意若得珥笔丹墀椎方格言必有谔谔匪躬之节

论道紫宫陆云荐张瞻文曰若得言论端委太学错总艺文垂纓玉陛论道紫宫诚帝宫之瑰寶清庙之伟器增辉日月陈蕃胡广上疏荐徐孺子等曰伏见处士豫章徐孺子彭城姜肱德行纯备着于人聽若使擢登三事协亮天工必能翼宣盛美增辉日月矣【司马彪续汉书】垂光虹蜺孔融荐祢衡表曰伏见处士祢衡淑质贞亮英气卓犖若得龙跃天衢振翼云汉垂光虹蜺足以昭近代之多士

锦绣万花谷后集卷十八

卷十九

<子部,类书类,锦绣万花谷

钦定四库全书

锦绣万花谷后集卷十九

经学

五经指南王元感为四门博士撰书纠缪春秋振滞礼绳愆等凡数十篇魏知古见其书叹曰五经指南也【出本】

殿中无双肃宗诏鸿与诸儒论定五经同异于北京白虎观帝亲称制临决鸿以才高论难最明诸儒称之帝数嗟美焉时人叹曰殿中无双丁孝公

石经陆义聪敏博学于五经最精熟馆中谓之石经人爲之语曰五经无对有陆义

论易折角朱云鲁人也五鹿充宗为梁丘易元帝令与诸易家论充宗乘贵辩口诸儒莫能抗有荐朱云者召入论难连拄五鹿君故诸儒为之语曰五鹿岳岳朱云折其角由是为博士

语诗解顾匡衡好学家贫佣作以供资用尤精力过絶人诸儒语曰无说诗匡鼎来匡语诗解人顾衡射防甲科调补平原文学

小章句景帝时丁宽为梁孝王将军距呉楚号丁将军作易说三万言训故举大义而已今小章句是也【出本】鲁诗有韦氏学申公卒以诗春秋授而瑕丘江公尽能传之徒众最盛及鲁许生免中徐公皆守学授韦贤治诗事大江及许生又治礼至丞相传子成由是鲁诗有韦氏学

三百五篇诗谏王式为昌邑王师王以乱废昌邑羣臣皆下狱诛惟王吉龚遂以数谏减死论式系狱当死治事使者责问曰师何以亡谏书式对曰臣以诗三百五篇日夕授王至于忠臣孝子之篇未尝不为王反复诵之也至于危亡失道之君未尝不流涕为王深陈之也臣以三百五篇谏是以亡谏书使者以闻亦得减死论

春秋意在二子严彭祖与顔安乐俱事睦孟孟弟子百余人唯彭祖安乐为明质问疑谊各持所见孟曰春秋之意在二子矣孟死彭祖安乐各颺门教授由是公羊春秋有严顔氏之学

洼君通洼丹世传孟氏易建武初为大鸿胪作易通论七篇世号注君丹通学义研深易家宗之称为大儒【出本】

说经铿铿杨政字子行少好学从代郡范升受梁丘易善说经书京师为之语曰说经铿铿杨子行

得风雅之防初九江谢曼卿善毛诗廼为其训卫宏从曼卿受学因作毛诗序善得风雅之防至今传于世【出本】

世称大儒丁恭习公羊严氏春秋恭学义精明教授数百人州郡请召不应建武中迁少府诸生自远方至者著录千人当世称为大儒

讲问不食终日张 少习春秋顏氏建武初迁陈仓县丞清净无欲专心经书方其讲问廼不食终日及有难者輒为张数家之说令择从所安诸儒皆服其多通【出本】

墨守膏肓废疾何休善历筭与其师博士羊弼追述李肱意以难二传作公羊墨守左氏膏肓谷梁废疾【出本传】五经无双许慎少博学经籍马融常推敬之时人为之语曰五经无双许叔重举孝廉初慎以五经 说臧否不同于是撰为五经异义又作说文解字十四篇皆于世

防敏

圣童张堪年十六受业长安志美行厉诸儒号曰圣童【出本传】

神童杨收七歲而孤母长孙亲授经十三通大义善属文所赋輒就吳人号神童里人多造门观诗赋至压败其藩收嘲之曰尔非羸角者奚用触吾藩

国瑞 宗封泰山刘晏始八歲献颂行在帝奇其幼命张說试之說曰国瑞也即授太子正字公卿邀请旁午号神童名震一时引晏殿内晏坐贵妃膝上亲为 眉總髻宫人遗花投果

奇童李百药七歲能属文父友陆父等共读徐陵文有刘琅琊之稻之语叹不得其事百药进曰春秋鄆子籍稻杜预谓在琅琊客大惊号奇童

童子郎司马朗九歲人有道其父字者朗曰慢人亲者不敬其亲者也客谢之十二试经为童子郎监试者以其身体壮大疑朗匿年劾问朗曰朗之内外国累世长大朗虽穉弱无仰高之风损年以求早成非志为也监试异之

千里驹刘德字路少修黄老术有智畧少时数言事召见甘泉宫武帝谓之千里驹

天上麒麟徐陵母臧氏尝梦五色云化为鳳集左肩上已而诞陵年数歲家人携以候释寶志寶志摩其顶曰天上石麒麟也

小儿学士宗稟少聰敏好读书昼夜不息语辄引古事乡里呼为小儿学士

吾家明珠刘孺幼聰敏叔父瑱为仁兴郡携以之官常置座侧谓賓客曰此吾家明珠也

五行并下应奉少聰敏自为儿童及长凡所經歷莫不暗记读书五行并下

一座顏回谢尚八歲父鯤常携之送客或曰此儿一座之顏回也尚答曰座无尼父焉别顏回席賓莫不感叹【出本传】

孔雀夫子家禽杨脩年九歲甚聰慧孔君平诣其父父不在乃呼儿出设果果有杨梅孔谓曰此是尔家果答曰未闻孔雀是夫子家禽也

日记千余言孔穎达八歲就学诵记日千余言诏国子秘书学士与论议穎达为冠又年最少老师宿儒耻出其下

日食如月初黄琬少辯慧祖父琮为魏郡太守日食京师不见琮以状闻太后问所食多少琮未知所况琬年七歲在旁曰何不言日食之余如月之初琮大惊即以其言应诏而深自奇之【出本 】【

天授王元之内翰五歲已能诗因太守赏白莲倅言于太守召而吟一絕云昨夜三更里嫦娥墮玉簪冯夷不敢受捧出碧波心又云佳人方素面对镜理新妆守曰天授也【出古今诗话】

聯句不淹思苏州童子刘少逸年十一文辞精敏有老成体其师潘阆携作见长洲宰王元之吳县宰罗思纯以所作贄二公二公名重当时疑所贄假手未之信因试之与之聯句畧不淹思思纯曰无风烟焰直少逸曰有月竹陰寒又曰日移竹影侵碁局少逸曰风通花香入酒樽元之曰风雨江城暮少逸曰波涛海寺秋元之曰一回酒渴思吞海少逸曰几度诗狂欲上天凡数十聯皆敏二公惊异闻于朝赐进士及第【出续归田录】

恢谐

短犊车长麈尾晋王导妻妬 有众妾在别馆妻知之持食刀将往公遽命驾患牛迟手捉麈尾以柄助打牛蔡謨闻之访王谓曰朝廷欲加公九锡王自叙谦志蔡曰不闻余物唯闻短犊车长柄麈尾公大慙【出晋史】清虚日来晋庾亮过周顗顗曰君何忻悦而忽肥庾曰君何忧惨而瘦周曰吾无所忧直是清虚日来秽滓日去【出晋史】

马疲不给粟宋太祖尝面许张融为司徒长史敕竟不出融乘一马甚疲太祖问曰卿马何疲给粟多少融曰日给一石帝曰何疲如此融曰臣许而不与明日而除司徒长史

山池名蓬莱北齐中书侍郎裴伯茂患耳新构山池与賓客宴集谓邢子才曰山池始就愿乞一名子才曰海中有 莱山仙人所居宜名 莱 莱反语裴聋也故以戏之【出谈薮】

旧太公辛郁旧名太公弱冠遭太宗于行所问何人曰辛太公太宗曰何如旧太公郁曰旧太公八十始遇文王臣今适年十八已遇陛下过之远矣太宗命置史馆【出御史台记】

配马作驴狄仁杰谓卢献曰足下配马乃作驴献曰中劈明公成二犬杰曰狄字火旁太也献曰犬边有火乃是着热狗【出朝野僉载】

李趋儿唐姚岷有文学好滑稽仆射南仲廉察陕郡之岷 见以宗从之旧延于中堂门外忽投刺之李过庭南仲曰过庭之名甚新未知谁家子弟问岷知之乎曰恐是李趋儿南仲久方悟而大笑【出因话录】

知人

后来管萧贞观元年李勣为并川都督张文瓘为防军勣尝叹曰张稚圭后来管萧吾不如也待以殊礼时有二僚亦被礼接勣将入朝一人赠以佩刀一人赠以玉带文瓘独无所及因送行二十里文瓘曰均承尊獎皆受赐而返鄙独见遗勣曰老夫有說某迟疑故赠以刀戒令果断某放达故赠以带戒令检约吾子宏才特达无施不可焉用赠为因极推引后文瓘果迁侍中【出广人物人物志】

捉刀人乃英雄魏武将见匈奴使自以形陋不足以雄遠国使崔季珪代当之自捉刀立牀头事毕令间牒问曰魏王何如曰魏王雅望非常然牀头捉刀人乃英雄也王闻之驰杀北使【出殷芸小説】

苗夫人有鑒别张延赏累代台 选子壻莫有入意者其妻苗氏有鑒别特选韦皋秀才曰此人贵无比以女妻之韦郎性度高廓不拘小节张公稍侮之至不礼齿婢仆渐见轻怠唯苗氏待之厚韦乃辞东游后权陇右军事德宗幸奉天西面之功独居其上自金吾持节西川以代延赏延赏曰吾不识人韦公奉外姑过于布素【出云溪友议】

请斩安祿山开元二十二年安祿山自范阳入奏九齡曰乱幽州者是胡也后从张守珪失利九齡请斩之 宗惜其勇曰岂以王夷甫识石勒也后至蜀道恨不从九齡言【出咸定录】

有奇表后唐庄宗年十一从晋王讨王行瑜初令入覲献捷昭宗一见异之曰此子有奇表乃抚其背曰儿将来之国栋勿忘忠孝于吾家【出北梦 言】

尽为将相杜鸿渐世号知人见马燧李抱真卢 陆贽张 靖李蕃皆云并为将相既而尽然【出嘉祐录】

对秉钧轴祥符末王沂公曾知制诰朝望日重王文正公问君识吕夷简否异日与舍人对秉钧轴沂公曰何以知之曰吾亦不识但以其奏请得之如不税农器等事既而许公为侍从卒与沂公为并相【出龙川志】

文章

北京三杰尹元凯为右补阙时又有富嘉謨吳少防皆知名嘉謨累转晋阳尉少防亦尉晋阳尤相友善有魏谷倚者为太原主簿并负文辞时称北京三杰天下文章尚徐庾浮俚不正独嘉謨少防本经术雅厚雄迈人争慕之号吳富体【出本传】

游鱼出渊陆士衡文赋曰于是沉辞拂悦若游鱼衔钩而出重渊之深浮藻联翩若翰鸟缨缴而坠层云之峻注速也

飞兔越海陈琳答东阿王牋曰清词妙句炎絶焕景譬犹飞兔流星越山超海龙骥所不追况弩马可得齐足哉

王佐才阮籍见张华鹪鹩赋以为王佐之才【出王隱晋书】画脂镂冰桓寬盐铁论曰内无其质而外学其文若画脂镂冰费日损功

玉界尺赵光逢在唐以文行知名时人谓为玉界尺【出五代史】

仿离骚数十篇柳宗元为文章卓伟精致一时流輩推尚既窜斥地又荒疠其烟厄感郁一寓诸文仿离骚数十篇读者咸悲恻【出六帖】

笔端膏润天下呜呼咫尺之管文敏者执而运之所好皆合在藩耸万夫之观望立朝赍羣类之颊舌居内成大政之风霆 畎浚于章奏鼓洪澜于训诰笔端肤寸膏润天下文章之用极其致也【出刘禹锡集】

转翠屏浮层澜得董生之词杳如转翠屏浮层澜视聽所遇非风尘间物亦犹明金翠羽得于遐裔虽欲勿宝可乎【出董异记】

文章风尚元和之后文章则学奇于韩愈学澁于樊宗师歌行则学放于张籍诗则学浅于白居易学矫 于孟郊大抵天寶之风尚党大厯之风尚浮贞元之风尚荡元和之风尚恹【出国史补】

作者之表黄钟大玉庆霄天 奇采正声铿锵照烛真可谓作者之表方驾古人【出权德輿

答杨湖南书】

路鼂出于土鼓独孤及皇甫冉文集序縁情绮靡之功至是乃备虽去雅寢遠其丽有过于古者犹路鼂出于土鼓篆籀生于鸟迹【出文粹】

裂绮绣攀日月柳宗元答友人求文章书且自孔氏以来兹道大阐家脩人励刊精竭虑者几千年矣其间耗废简牒役用心神者其可数乎登文章之策波及后代越不过数十人耳其余谁不欲争裂绮绣牙攀日月高视于万物之中雄峙于百代之下乎率皆纵诞而不克踟躅而不进力防思穷吞志而没故曰得之为难驴鸣狗吠梁庾信初至北方文士多轻之将枯树赋示之自后无敢言时温子升作韩陵山寺碑信读而寫其本曰唯有韩陵一片石可共语薛道衡卢思道少解把笔自余驴鸣狗吠聒耳而已【出朝野僉载】

纸笔为贵谢庄作殷淑妃哀防文宋文帝卧覽读起坐流涕曰不谓当今复见此才都下 寫纸笔为之贵海内文宗陈子昂为感遇诗三十八章王适曰是必海内文宗【出海录碎事】

防鬼簿王杨卢骆有文名人议其疵曰杨好用古人名谓之防鬼簿骆好用数对谓之算博士【出诸集拾遗】

有相如 雄风李尤以文章显和帝时侍中贾逵荐尤有相如 雄之风召诣东观作赋拜兰防令史所着诗赋铭诔颂七叹哀典凡二十八篇【出本传】

蔡邕辍翰王延寿有隼才少游鲁国作灵光殿赋后蔡邕亦造此赋未成及见延寿所为甚竒之遂辍翰【出本 】文无加防黄祖大防賓客人有献鸚鵡者祖举卮于衡曰愿先生赋之以娛嘉賓衡揽笔而作文无加防辞采甚丽【出祢衡 】

桂苑丛珠曹宪公卿多从之游于小学家尤 自汉杜林卫宏以后古文亡絶至宪复兴 帝令与诸儒譔桂苑丛珠 正文字又注广雅学者推其该藏于秘书【出本传】

李诗谢赋谢偃贞观初对策高第尝为尘影赋又献惟皇诚德赋序时李百药工诗而偃善赋时人称李诗谢赋

施之图绘李益于诗尤长每一篇成乐工争以贿求取之被声歌供奉天子至征人早行等篇天下皆施之图绘【并本 】

崇岩峭壁李贺文体如崇岩峭壁万仞崛起人多效之【出鸡跖集】

天下无双黄香家贫内无仆妾躬执苦勤尽心奉养遂博学经典究精道术能文章京师号曰天下无双江夏黄童【出本传】

诏东观画像高彪校书东观数奏赋颂奇文因事讽谏灵帝异之迁内黄令帝勅同僚临送祖于上东门诏东观画彪像以劝学者【出本】

思来罢栢温庭筠理髮思来即罢栢缀文【出北梦言】伏鸾隐鹄邓艾号伏鸾陆云号隐鹄【出青箱杂记】

科举

曲江题名武宗即位宰相李德裕尤恶进士初举人既及第缀行通名诣主司第谢诸生拜主司答拜乃叙齿谢恩遂升阶与公卿观者皆坐酒数行乃赴期集又有曲江防题名席至是德裕奏国家设科取士而附党背公自为门生自今一见有司而止其期集参谒曲江题名皆罢【出唐选举志】

得士多卿相贾餗历礼部侍郎凡三典贡举得士七十五多名卿宰相【出本传】

玉笋李宗闵为中书舍人典贡举所取知名士若唐冲薛庠袁都等世谓之玉笋【出本传】

列棘坐庑下舒元舆举进士见有司钩校苛切既试尚书虽冰炭脂炬飧具皆人自将吏唱名乃得入列棘围席坐庑下因上书言古贡士未有轻于此者罗棘遮截疑其奸非所以求忠直也【出本】

围棘闭省门和凝知贡举是时进士多浮薄喜为諠哗以动主司主司每放榜则围以棘闭省门絶人出入以为常凝彻棘开门而士皆肃然无哗所取皆一时之秀称为得人【出本】

一第恩子元结少不羁十七乃折节向学事元德秀天宝十二载举进士礼部侍郎阳浚见其文曰一第恩子耳有司得子是頼果擢上第复举制科【出本传】

白袍子纷纷有客讥宋济曰近日白袍子何太纷纷济曰由绯袍子紫袍子纷纷化使然也

先时颁试题建中初裴冀曰若使礼部先时颁天下曰某年试某题取某史至期果然亦劝学之一术也【并出国史补】

夢立北斗下袁郭初应举夢立北斗下果第七人及第英雄入吾彀中唐太宗私幸端门见新进士缀行而出喜曰天下英雄入吾彀中矣

櫻桃宴新进士尤重櫻桃宴干符中刘相镇淮南其子覃及第勅邸吏曰釀罚所费取足而已时櫻桃初出和以糖酪人享蜜画一小盎不啻数升

红牋名纸裴思谦状元及第作红牋名纸十数诣平康里因留宿赋诗曰银釭斜背解鸣珰小

语偷声贺玉郎从此不知兰麝贵夜来新惹桂枝香【并出摭言】

长名榜吏部故事放长榜旧语曰长名以前选人属侍郎长名以后侍郎属选人【出云溪友议】

有教无类赋省试有教无类赋王沂公为第一有云神龙异禀犹嗜欲之可求纖草何知尚薰莸而相假有轻薄子云相国寺前熊翻筋斗望春门外驴舞柘枝言虽鄙俚事亦着题【出归田录】

烧烛三条唐制举人试日既暮许烧烛三条韦永贻试日先毕作诗云三条烛尽钟初动九转丹成鼎未开日月渐低人扰扰不知谁是谪仙来【出古今诗话】

渴睡汉及第吕文穆薄游一县胡旦随父宰邑客有誉吕举其诗云挑尽寒灯夢不成胡笑曰乃是一渴睡汉耳吕明年中甲科寄声胡曰渴睡汉状元及第矣胡答曰待我明年第二人及第输君一筹次榜果中首选【出欧公诗话】

前进士阿孩儿苗台符年十六张读年十七同年进士同佐郑少师宣州幕尝列题西明寺中或窃注曰一双新进士两个阿孩儿

白纸糊案子举人率以白纸糊案子面郑昌图诗曰新糊案子其白如银出试入试千春万春

九重知己刘业特赐及第韦岫贺之曰三十浮名每年皆有九重知己旷代所无【并出摭言】

多艾气韩熙载初知贡举人皆以为巨题熙载是夕自赋五首旦视诸生皆有可观及着格言五十余篇时輩罕及诱掖后进号韩夫子性好谑浪有投贖荒恶者使妓炷艾熏之俟来嗅曰子之卷轴何多艾气也【出江南野录】江神也世情冯参政京庆厯中鄂州预乡荐至大江风涛汹涌几至沉没来春名魁南省廷试为第一受恩还鄂复过大江风防浪稳舟楫安然公题诗江亭云江神也世情为我风色好【出云斋广录】

神州等第録神州解送自天宝开元之际率以上十人谓之等第必求名实相副者小宗伯选之或至浑化不然十得七八苟异于是牒贡院请落由故有神州等第录以记得人之盛【出摭言】

陈橘皮榜给事中乔舜知举进士及第者五人皆以举数升降等甲无名子谓乔之榜类陈橘皮年多者居上收廸黜边景德中李廸贾边皆举进士省试皆不与廸以赋落韵边以当仁不让于师论以师为众与注疏异乃奏乞特收王文正公为相曰廸虽犯不考然出于不意其过可恕边特立异说将令后生务为穿凿破壞科场渐不可啓遂收廸而黜边

状元给驸从祥符八年蔡文忠状元及第上视其秀伟顾宰相曰得人矣因诏金吾给驸从呼状元始于此也【并出南唐近事】

棱等登故事放榜毕旅谢时宰榜首致词有丁棱者语吃欲言棱等登科趋而前连声曰棱等登竟不成语而退

科第放此风汉刘蕡杨嗣复门生也宝历二年杨嗣复下三十五人裴休等时蕡第十五试齐鲁防于夹谷赋晦日与同志昆明池泛舟时及第策直言中官嫉怒仇士良谓嗣复曰奈何以国家科第放此风汉及第耶嗣复惧曰昔与蕡及第时犹未风耳【并出玉泉子】

诗四海为家寶绪隆旁求文雅振儒风命乡随计来多士较艺抡材有泽宫簪绂近臣当显任丝纶深防谕丹衷旰宵汲汲子存念夙夜孜孜尔徇公名实岂惟衡鉴内贤能皆萃 罗中伫观翹楚登时用布政分忧协庶功 盛时选士贡闈开罄宇闻风献艺来心似权衡求实效勿教蓬华有遗材【并出真宗御制】天子昔取士先俾分嫋妍济济俊兼秀师师麟与鸾小子最承知同輩防改观甲第叨荐名高飞便凌烟遂使拜宸坐果得超神仙迄今才七歲相接乘华轩【出苏易简】昭代将垂白途穷乃叫阍气衡星象表词感帝王尊天老书题目春官验讨论倚风遗鵙路随水到龙门【出杜甫】殿上袞衣明日月砚中旗影动龙蛇纵横礼乐三千字独对丹墀日未斜【出夏竦】无畔战士衔枚勇下笔春蚕食叶声【出欧阳永叔】御榜今朝至见名心始安尔能俱中第吾遂可休官贺客留连饮家书反覆看世科谁不继得慰二亲难【出张师锡】金榜题名墨尚新今年依旧去年春花间每被红妆问何事重来只一人【出何扶】恩袍草色动仙籍桂香浮【出仁庙赐进士及第】文章旧价留鸾掖桃李新陰在鲤庭【出杨嗣复】二十年前此夜中一般灯烛一般风不知歲月能多少犹着麻衣待至公【出刘虚白】

锦绣万花谷后集卷十九

卷二十

钦定四库全书

锦绣万花谷后集卷二十

清廉

得珠玑不拜赐钟离意为尚书时交阯太守张恢坐赃徵还伏法以资物入大司农诏颁赐羣臣意得珠玑而不拜赐帝怪问其故对曰臣闻孔子忍渴于盗泉之水曾参回车于胜母之间恶其名也此赃秽之宝诚不敢拜帝叹曰清乎尚书之言也乃更以钱十万赐意【出本】搜犀珍投江中李勉拜岭南节度使西南夷舶歲至才四五讥视苛谨勉既廉洁又不暴征明年至者乃四十余柁居官久未尝文饰器用车服后召归至石门尽搜家人所蓄犀珍投江中【出本传】

馈饼弃垣外杨防歷沔綏二州刺史姆馈孺子以饼妻伪受而弃之垣外人称其廉【出本】

故吏归缣不受郝处俊甫十歲而孤故吏归千缣赠之已能让不受

代还乘止一马朱敬则为庐州刺史代还无淮南一物所乘止一马【出本】

笥余一缣元德秀为鲁山令歲满笥余一缣驾柴车去橘熟纳直于官柳玼为岭南节度副使解中橘熟既食纳直于官【出本】

饮马投钱安陵清者有项仲山饮马渭水每投三钱郝子廉亦然【出三辅决録】

公厨乌梅萧仿为岭南节度尝服药左右于公厨取乌梅仿知止之

还槁梅萧仿拜岭南节度使南方珍贿丛伙不以入门家人病取槁梅于厨以和剂仿知趣市还之【出本传】悬鱼羊续为庐江丞有献生鱼者续悬于庭后又献之乃出所悬者以示之杜其意也【出本传】

十分受一马枢自营茅茨而居每以王公馈饷辞不获已者率十分受一【出海录碎事】

具饌食一口北齐彭城王攸自沧州召还父老相率具饌曰殿下唯饮此乡水未食百姓食聊献疎薄攸为食一口【出北史】

五百缣未尝发阳城山东节度府闻城义者发使遗五百缣戒使者不令返城固辞使者委而去城置之未尝发

饷绫完封不发韩思复永淳中家益窶岁饥京兆杜瑾者以百绫饷思复思复方并日食而饷绫完封不发【本】孝子缣韩思彦客汴州张僧孺者庐墓三十年诏表其闾请思彦为颂饷缣二百不受时岁凶家窶甚僧彻固请为受一疋命其家曰此孝子缣不可轻用【出本】清白吏子孙杨震转涿郡太守性公廉不受私谒子孙尝蔬食步行故旧长者或欲令为开产业震不肯使后世称为清白吏子孙以此遗之不亦厚乎【出本传】

妇无裤韩豫章遗范宣绢百匹不受减之至一匹终不受同载就车中裂一丈与范云人宁可使妇无裤耶宣笑受之【出世说】

器物一无所受孔奋守姑臧长被徵单车就路姑臧吏民及羌胡相谓曰孔君清廉仁贤举县恩如何今去不共报德遂相赋敛牛马器物追送奋一无所受【出本传】不以苞苴污家韦洗休日登楼见人于圃有所瘞藏者访诸吏曰参军裴宽居也与偕来洗问状答曰宽义不以苞苴污家适有人以鹿为饷致而去不敢自欺故瘞之洗嗟异乃引为判官【出六帖】

噉豆糜自给韦贯之补渭南尉以厚币召不应居贫噉豆糜自给【出本传】

使泽潞不受币马伉为侍读李抱真卒伉持节临吊归之帛不受又致京师伉上表固拒于是醴泉令缺宰相高选德宗曰前使泽潞不受币者其人清可用也遂以授伉

断带为炷皇甫无逸尝按部宿民家灯炷尽主人将续无逸抽佩刀断带为炷其廉介类如此【出六帖】

不取州钱令狐楚始郢帅每至以州二百万入私藏楚独辞不取【出本】

受茶一串陆贄寿州刺史张鎰有重名贄往见既行饷钱百万曰请为母夫人一日费贄不纳受茶一串曰敢不承公之赐【出本】

橐駝骏马范希朝迁振武节度使边州每长帅至必效橐駝骏马虽甚防者犹受之以结其欢希朝一不纳庭中树王义方为御史时买第后数日爱庭中树复召主人曰此佳树得无欠偿乎又予之钱其廉不贪类此【出本传】

使西域不受异物李恂后徵拜谒者使持节领西域副校尉西域殷富多珍寶诸国侍子及督使贾胡数遗恂奴婢宛马金银香罽之属一无所受【出本】

贪浊

巨賈裁窵王伾当其党盛門皆若沸羹而伾尤通天下賄謝日月不闕為巨賈裁窵以受珍使不可出則寢其上【出本】

焦湖一任作獺張崇帥廬州好不法士庶苦之嘗入覲江都人幸其改任曰渠伊必不復來矣崇歸計口率渠伊錢明年再入覲道路相目捋須為慶又率捋須錢嘗伶人假人死當作水族陰府判官云焦湖百里一任作獺崇因大慙【出唐宋遺史】

賦黃魚交州刺史朱符侵虐百姓強賦于民黃魚一枚收稻一斛【出吳薛綜傳】

銅山大賊李義府相高宗為楊行欵白其贓詔司刑劉祥道與三司雜訊除名流嶠州或作河間道元帥劉祥道破銅山大賊李義府露布榜于衢【出本】

獻橐裝之半蘇逢吉同平章事前客省使王筠自晉末使楚至還逢吉意筠得楚王重賂遣人求之許以一州筠怏怏以其橐裝之半獻之而不得州【出五代史】

胡椒八百斛元載智畧開果久得君外委主書內縱諸子關通貨賄凡仕進干請不結子弟則謁主書室宇奢廣當時為冠帝得其狀載嘗獨見深戒之警然不悛大曆十二年帝遣吳湊收載繫政事堂詔劉晏常袞杜亞訊狀乃下詔賜載自盡妻子并賜死籍其家鍾乳五百兩胡椒八百斛它物稱是【出本】

繫百錢靴帶上唐鄭愔為吏部侍郎掌選贓污狼籍有選人繫百錢于靴帶上愔問何故答曰當今之選非錢不行愔默然不言【出朝野僉載】

劇部私貪人楊漢公治荊南有貪贓宣宗擢為同州刺史鄭裔綽奏漢公冒獐無廉槩不可處近輔同州太宗興王地當精擇守長付之漢公既以墨敗容可舉劇部私貪人帝恚見顏間

蠻口易蠻金五年南詔回掠嶠川明年復來攻防刺史喻士珍貪狴陰掠兩林東蠻口防賣之以易蠻金故開門降南詔盡殺戍卒而士珍遂臣于蠻

賜帛媿切長孫順德素為高祖親厚太宗時為左驍衛大將軍俄以受賕為有司劾發帝曰順德元勲外戚爵隆位厚朕當與共府庫何至以貪冒聞乎因賜帛數十媿切之【出本】

忠義

奪笏擊賊朱泚反以段秀實失兵必恨憤且素有人望使騎往迎秀實與子弟訣而入泚喜曰公來吾事成矣秀實陽與合泚召秀實評事源休姚令言李忠臣李子平皆在坐秀實戎服與休并語至僭位勃然起執休腕奪其象笏奮前唾泚面大罵曰狂賊可磔萬段豈從汝反耶遂擊之泚中顙流血蔑面匍匐走賊眾未敢動秀實大呼曰我不同反胡不殺我遂遇害

解人当束以板孙揆昭宗讨李克用以揆为招义军节度使克用伏兵执揆曰公輩当从容庙堂何为自履行阵也揆大骂不诎克用怒使以锯解之其齿不行揆骂曰死狗奴解人当束之以板汝輩安知行刑者如其所言骂声不辍至死

叱六馆士何蕃事父母孝学太学歲一归父母不许间一歲归复不许凡五歲慨然以亲且老不自安揖诸生去乃共闭蕃空閣中众共状蕃义得白阳城请留防城罢亦止初朱泚反诸生将从乱蕃正色叱不聽故六馆士无受污者【出阳城】

惟知事一人石演芬事怀光为假子怀光军三桥与朱泚连和演芬使客郤成义到行在言怀光无破贼意请罢其总统成义走告怀光怀光骂曰尔为我子奈何欲破吾家今日负我宜即死对曰天子以公为股肱公以我为腹心公乃负天子我何不负公我胡人无异心惟知事一人死固吾分怀光使士啗食之

忠臣不事二君燕闻画邑人王蠋贤使为将蠋固谢曰忠臣不事二君烈女不更二夫齐王不聽吾谏故退而耕于野国既破亡吾不能存今又劫之以兵为君将是助桀为虐也与其生而无义固不如烹遂经其颈于树枝自奋絕脰而死齐亡大夫闻之曰王蠋布衣也义不北面于燕况在位食禄者乎【出史记】

丈夫断于心李业字巨游有志操介特公孙述徵之不就使尹融持毒酒命以若起则受公侯之位不起赐之以药叹曰亲于其身为不善者人所不从何乃诱以高位哉融见不屈复曰宜呼室家计之业曰以丈夫断之于心久矣何妻子为遂饮毒死【出本】

项岂顽奴砥石林蕴西川节度使韦皋辟推官刘辟反蕴晓以逆顺辟怒且杀之将就刑大呼曰危邦不入乱邦不居得死为幸矣辟惜其直陰戒刑人抽劒磨其颈以胁服之蕴叱曰死即死我项岂顽奴砥石耶辟知不可服舍之名重京师【出唐儒学】

颈当受一人刀屈突通仕隋擢右卫将军高祖起代王遣通守河高祖留兵围之济河破其将桑显和于饮马泉通大惧或說之降曰吾 国厚恩事二主安可逃难独有死报尔每自摩其颈曰当为国家受一刀【出本传】剖心明皇嗣安金藏在太常工籍睿宗为皇嗣有诬皇嗣异谋者武后诏来俊臣问状左右畏惨楚欲引服金藏大呼曰公不信我言请剖心以明皇嗣不反也引佩刀自划腹中肠出被地 而仆后闻大惊輿致禁中命高医内肠桑土紖之阅夕而苏后临视叹曰吾有子不能自明不如尔之忠也即诏停狱

酷虐

造作鐵笼索元礼天性残忍徐敬业兵兴武后患之欲因大狱去异已者擢元礼为推使就洛州牧院为制狱作铁笼罩囚首加以楔至脑裂死又横木闔手足转之号晒翅后以受赇收下吏不服吏曰取公铁笼来元礼服罪死狱中

请尝火瓮周兴迁秋官侍郎屡决制狱妄杀数千人天授中或告兴谋反诏来俊臣鞠状初兴未知被告方对俊臣食俊臣曰囚多不服奈何兴曰易耳内之火瓮炽炭周之何事不服俊臣曰善命取瓮且炽火徐谓兴曰有诏按君请尝之兴骇汗叩头服罪

京师三豹李嵩李全皆严酷与王旭埒京师号三豹嵩为赤全为白旭为黑里间相诟曰若违教值三豹罗钳吉纲吉温天寶初调万年尉尝曰若遇知己南山白额虎不足防林甫久当国陰构大狱除不附己者先引温居门下与罗希奭椎锻诏狱相勉以虐号罗钳吉纲公卿见者莫敢耦语【出本传】

苍鹰郅都迁为中尉丞相列侯至贵倨也而都揖丞相是时民朴畏罪自重而都独先严酷致行法不避贵戚列侯宗室见都侧目而视号曰苍鹰【出本传】

其治如狼牧羊寔成为济南都尉其治如狼牧羊不可令治民上乃拜成闾都尉【出本传】

鹰击毛挚义纵以鹰击毛挚为治【出本 传】

滥官

烂羊后汉更始官爵皆贾豎羣小语曰灶下养中郎将烂羊胃骑都尉烂羊头封公侯【出汉书】

献 陆贄幸梁有献 者帝嘉其意欲授以试官贄曰爵禄者天下公器不可轻也今献 一器果一盛则受之彼忘軀者有以相谓矣人何劝焉【出本传】

优人擢将军优人李可及擢为威卫将军曹确曰太宗着令文武官六百四十三谓房乔曰朕设此待天下之贤人士工商杂流正当厚给以财不可假以官也文宗以乐工尉迟璋为王府率窦洵直固争卒授州长史今而位将军不可帝不聽【出六帖】

倡优授官魏元忠陈郡男子袁楚客以书规之惟名与器不可以假人故曰天工人其代之夫代天非材不可也代非其人必失天意失天意而无患祸未之有也今倡优之輩因耳目之好遂授以官非轻朝廷乱正法邪人君无私私怒害物私赏费财况私人以官乎【出本史】待诏鸿都后汉灵帝好学祭酒乐松贾防多引无行趋势之徒并待诏鸿都门士君子皆深耻之【出六帖】

狗尾续晋赵王伦篡位同谋者越阶次奴卒厮役亦加爵位每防貂蝉盈坐时人语曰貂不足狗尾续【出晋史】斜封官安乐与太平等七公主皆开府而主府官属尤滥皆出屠贩纳贄售官降墨敕斜封授之故号斜封官【出唐史】

舞胡致位五品舞胡致位五品鸣玉曳组趋驰廊庑非貽则子孙之道也【出唐史】

白版侯武后时封侯者众铸印不供至有白版侯者焉【出朝野僉载】

三无坐处中宗时韦后及太平安乐公主等用事于侧门降墨勅斜封受官号斜封官凡数千员内外盈溢至无防事以居当时谓之三无坐处言宰相御史及员外郎也【出唐书】

胥史滥章拔帝封泰山张説多引两省録事主书及所亲掇官升山超阶至九品九龄当草诏谓説曰官爵者天下之公器先德望后劳旧今登封告成千载之絶典而清流隔于殊恩胥史乃滥章拔恐制出四方失望既而果得谤【出张九龄】

麒麟植唐杨炯每呼朝士为麒麟植或问之曰今假防麒麟者必修饰其形覆之驴上宛然异物及去其皮还是驴尔无德而朱紫何以异是【出朝野僉载】

鬻爵

入粟拜爵晁错防重粟之道在于以粟为赏罚令募天下入粟县官拜爵得以除罪如此富人有爵农人有钱粟有所渫【出汉食货志】

入奴为郎后汉府库虚乃募人入奴婢得为郎先为郎者增秩

铜臭灵帝开鸿都门卖官又私令左右卖公卿公千万卿五百万崔烈入钱得三公问子钧曰我为三公人以为何钧曰论者嫌其铜臭烈怒击之【并出汉书】

钱多者得之前蜀王衍太后太妃以教令卖官自刺史以下每一官阙必数人并争而入钱多者得之【出六帖】堂牒卖官王防遣医人陈寃空以名堂牒卖官

墨勅斜封中宗庶人韦氏稍宠树亲属封拜之昭容与乳母及尚宫贺娄等多受金钱封巫赵陇西夫人禁中势与上官埒繇是墨勅斜封出矣【出唐书】

助得为郎时汉防浑邪等降县官费众仓府空贫民大徙皆仰给县官无以尽贍卜式复持钱二十万与河南太守以给徙上识式姓名以式终长者廼召拜为中郎【出本传】

锦绣万花谷后集卷二十

卷二十一

钦定四库全书

锦绣万花谷后集卷二十一

高洁

五往见布衣士小臣稷者桓公凡三往不得见公叹曰布衣之士轻爵禄则无以助万乘之主万乘之主不好仁义则无以下布衣之士于是五往乃得见

屋埃坠饭中孔子絶粮子贡告于野人得米炊于坏屋有埃墨坠饭中回取食之子贡以回为窃食入问孔子曰仁人防士穷则改节乎子曰若改节焉称仁防哉子贡以回食饭告子子召回曰畴昔余梦先人炊饭吾将祭焉回曰埃墨坠饭中欲寘之不洁欲弃之可惜回即食之不可祭也回出孔子曰吾之信回非独今日所信者目目犹不可信所恃者心心犹不可恃弟子记之知人故不易矣

外门车马迹深陆通字接舆楚王使使聘曰请先生治江南通笑而不应妻于市来曰外门车马迹何深通曰王遣使持金百镒令治江南妻曰妾事先生躬耕以食亲绩为衣据义而动乐亦足矣今受人重禄乘人良驷食人肥浓将何以待之通曰吾不许也妻曰君使不从非忠从之又违义不如去之于是变易姓名隱居于蜀峨眉山

容膝之安陈仲子字子终楚王遣使持金百镒聘以为相仲子乃谓妻曰今日为相明日结驷连骑食方于前妻曰左琴右书乐在其中矣结驷万骑所安不过容膝食方于前所甘不过一肉今以容膝之安一肉之味而懷楚国之忧乱世多害恐先生不保命也仲子夫妻逃去为人灌园

君房素痴严光世祖以安车聘之侯霸使掾侯子道奉书霸戒子道曰子陵素高西陵宜卑礼下之光发书曰君房素痴今为三公小小善否子道曰位居鼎足不痴也子道曰公闻先生至即欲诣迫于典司是以不获光曰卿言不痴此非痴语也天子三徵我来人君尚未见况人臣乎我手不能书以牀边牋板与子道削书之光口喻数语子道曰书何太少可小益也光曰何可益乎【并出高士】

网罗在天王绩大业中举孝悌防洁授秘书省正字不乐在朝求为六合丞以嗜酒不任事时天下以乱因劾遂解去欢曰网罗在天吾且安之乃还乡里【出本】请道士籍吴筠性高鯁不耐浮沉于时去居南阳倚帝山请道士籍【出本】

像图固辞不与朱敬则张易之等集名儒撰三教珠英又绘武三思李峤李迥秀王绍宗等十八人像以为图欲引敬则固辞不与世洁其为人

隱逸

羲皇上人陶潜曰夏月虚凉高卧北窗之下清风飒至自谓羲皇上人

淮阳一老汉有应曜隱于淮阳山中与四皓俱徵独不至时人语曰商山四皓不如淮阳一老

汉濱老父汉濱老父桓帝幸竟陵过云梦临沔水百姓莫不观者有老父独耕不辍尚书郎南阳张温异之使问曰人皆来观老父独不辍何也老父笑而不对温下道百步自与言老父曰我野人耳不达斯语请问天下乱而立天子邪理而立天子邪立天子以父天下邪役天下以奉天子邪昔圣王宰世茅茨采椽而万人以宁今子之君劳人自纵逸游无忌吾为子羞之子何忍欲人观之乎温大慙问其姓名不告而去【出本】

茅屋蓬户王霸字儒仲太原广武人王莽篡位弃冠带絕交官建武中徵到尚书有司问其故霸曰天子有所不臣诸侯有所不友司徒侯霸让位于霸阊阳毁之曰太原俗党儒仲颇有其风遂止以病归隱居守志茅屋蓬户连徵不至【出本】

隱居龟池周党被徵自陈愿守所志帝诏曰自古明王圣主必有不賓之士周党不受朕禄亦各有志焉其赐帛四十匹党遂隱居龟池【出本】

猿藏熊緣段成式谷隱书事云随樵刼猿藏隈石覩熊緣

办百万资郗超每闻欲高尚隱退者輒为办百万资并为造立居宅在剡为戴安道起宅甚精整【出晋史】

山谷臣顾欢被齐高帝徵既至称山谷臣

鹿皮巾梁武帝赐陶隱居鹿皮巾

买印山支道林因人就深公买印山公曰未闻巢由买山而隱【出世说】

撰渔歌张志和善图山水酒酣或擊鼓吹笛防笔輒成常撰渔歌宪宗图真求其歌不能致【出本】

餌松柏叶王希夷隱嵩山师黄頤学養生喜读周易老子餌松柏叶杂华年七十余筋力柔彊刺史卢齐卿就谒问政答曰己所不欲勿施于人此言足矣【出本传】居士屨朱桃椎结庐山中夏则羸冬緝木皮叶自蔽尝织十芒履置道上见者曰居士屨也为鬻米茗易之【本

】茂松清泉潘师正居逍遥谷高宗幸东都召见问所须对曰茂松清泉臣所须也既不乏矣诏即其庐作崇堂观卒諡体 先生【出本传】

鹿皮翁鹿皮翁淄川人为少府小史隱岑山得仙时卖药于齐市

鹿门隱士皮日休为鹿门隱士书六十篇

一瓢许由居箕山惟有一瓢酌水挂于树枝风吹瓢鸣以为烦掷去之

百结衣董威在洛阳隱居白社以残絮缕帛为衣号百结衣【并出逸士 】

五不可住肃宗既还京师李泌辞去云臣有五不可住臣遇太早陛下用臣太重恩太深功太高而迹太奇力辞果去【出邺侯家 】

诗谢公山不改陶令菊犹存苔蘚侵垂钓松篁长闭门风霜清吏事江海谕君恩 逸人归路远弟子出山迎服药颜须驻耽书癖已成柴扉度歲月藜杖见公卿更作儒林传还应有姓名【并出皇甫冉】坐穷今古掩书堂二顷湖田一半荒荆树有花兄弟乐橘林无实子孙忙龙归晓洞云犹湿麝过春山草自香向夜欲归心万里故园松月更苍苍 草堂近西郭遥对敬亭开枕膩海云起簟凉山雨来高歌懷地肺远赋忆天台应学相如志终须驷马回【出许浑】陶令已过半无心离此溪病尝山药遍贫起草堂低为月窓从破因诗壁重泥近来常夜坐寂寞与僧齐【出项斯】陶令曾居此防琴遗世情田园三亩綠轩冕一铢轻衰柳自无主白云犹可耕不随陵谷变应只有高名【出崔涂】闲如云鹤散如仙逸士声名处处 诗自防来轻物象道从高后小林泉谋身只置煎茶鼎积货惟收卖药钱见说新居更幽僻为忧徵诏到门前【出孙邻防】任懒自扫地更贫谁怨天有名闲富贵无事小神仙【出魏仲先】晨窓林影开夜户山泉响隱去复何求无言道心长

抱膝小窓深读书空谷响一笑有防心纷纷自雄长

宁懷栖遯情闲袖经纶手风云傥未期猿鹤且为友 我不学许由隱烟雾得瓢不饮惟挂树又不学德义居虎丘带瓢入市多骑牛分无玉瓠囊古锦病渴文园只瓢饮不瞰金溪新结亭未须引吸如长鲸但愿金溪化为酒歲歲持瓢醉花柳【并出诗话】梁燕欺春醉闲猿学夜吟云连平地起月向白波沉 世人如不容我自纵疎慵落叶凭风扫秋粳任水春花朝连郭雾雪夜隔湖钟身在能无事头宜白此峯【出方干】巢由不愿仕尧舜岂遗人【出林逋】十年纵迹走红尘回首青山入梦频紫陌纵荣争及睡朱门虽贵不如贫愁闻剑防扶危主闷见笙歌聒醉人携取旧书归旧隱野花啼鸟一般春【出陈抟】九重城里人中贵五等诸侯阍外尊争似布衣云水客不将名字挂乾坤【出诗话】不信最清旷及来愁已空数防石泉雨一溪霜叶风业在有山处道成无事中酌尽一杯酒老夫顏已红【出唐求】

弃官

池中种龙庞德公子奂字世文晋太康中为牂牁太守去官归乡居白沙里乡人宗敬之相语

曰我家池中龙种来里中化其德让少壮皆代老者担【出襄阳记】

免冠贡禹为河南令以贼事为府官所责免冠谢禹曰冠一免岂可复冠耶遂去官【出汉书】

灌畦掇薪元结父延祖不仕年过四十亲娅彊勒之再调春陵丞輒弃官去曰人生衣食可适饥饱不宜复有所须每灌畦掇薪以为有生之役过此吾不思也徒步归乡里肃宗为太子而左补阙薛令之兼侍读时东宫官积年不迁令之书壁言礼之薄帝见复题听自安令之即弃官徒步归乡里【并出唐书】

轻舟夜遁吕才东臯子王绩集序天下乱藩部法严屡被刻君叹曰罗网高悬去将安所遂出所受俸钱积于县城门前托以风疾轻舟夜遁

放情事外武元衡为华原令时畿辅有镇军督将恃恩矜功者多挠吏民元衡苦之乃称病去官放情事外沉浮防咏者久之德宗知其才召授比部员外郎【出旧史】刺史不礼刘幽求制科中第调阆中尉刺史不礼弃官去【出本传】

杜门絶人事赵光逢昭宗时为御史中丞以世乱弃官洛阳杜门絶人事

致仕

三骥轺车赵芬字士茂拜尚书右仆射以老病出为蒲州刺史上表乞骸骨徵还京师赐以三骥轺车鸠杖被褥归于家【出本史】

角巾东洛薛革除左散骑常侍年至而无疾请告角巾东洛时甚高之【出本史】

卧振高风萧德言为秘书监以年老请致仕太宗诏曰所冀才德犹茂卧振高风使济南伏生重在于兹日關西孔子故显于当今【出本史】

知足不辱张霸为颍川太守谓掾史曰太守起自孤生致位郡守老氏有言知足不辱遂上病【出本传】

三分故禄汉制年老致仕者三分故禄以一与之以终其身

投簪聊欲投吾簪【出左太冲招隱】

悬车告老遂隱丘山悬车告老【出蔡伯喈碑】

遗爱

帝为制碑崔圆兼剑南节度使肃宗立命与房琯韦见素赴行在帝为制遗爱碑于蜀以宠之【出唐史】

忠清君亮州人为宋游道生立祠堂像题曰忠清君何时复来刘陶为顺阳长病免人歌之曰悵然不乐思我刘君何时复来安此下人【出六帖】

生创祠吕譔为荆州自景德以来处方面数十人譔最有名荆人生创房祠及没吏裒钱十万徙祠府西【出本 】立遗爱颂广人为宋璟立遗爱颂璟上言颂所以 德载功也臣之治不足记广人以臣当国故为溢辞徒成谄谀者欲厘正之请自臣始有诏许停【出本传】

人指树而懷吴湊为京兆尹官街树缺所司植榆以补之湊曰榆非九衢之物亟命易之以槐及槐陰成而湊卒人指树而懷之【出旧史】

罢市羊祜死南州为之罢市巷哭者声相接【出晋史】去见思何武当官无赫赫之名去后人见思【出本 】

锦绣万花谷后集卷二十一

卷二十二

<子部,类书类,锦绣万花谷

钦定四库全书

锦绣万花谷后集卷二十二

死丧

火灭烟消傳 四言诗曰忽然长逝火灭烟消

为一棺土淮南子云吾生有七尺之形死有一棺之土托万鬼隣陆机侯挽歌辞曰昔居四人宅今托万鬼隣璵璠斂李平子卒将以君之璵璠斂赠以珠玉孔子闻之曰送死以寶玉是由暴尸于中原示人以奸利之端【出家语】

说骖而赙孔子之卫遇旧館人之丧入而哭之哀出使子贡说骖而赙之

祭服以褌卫有太史曰柳庄寢疾公曰若疾革虽当祭必告公再拜稽首请于尸曰有臣柳庄也者非寡人之臣社稷之臣也闻之死请往不释服而往遂以褌之【郑 注曰不脱君祭服以褌臣亲贤也并出礼记檀弓】

家无珠玉为含李大亮卒年五十九将斂家无珠玉为含帝哭为恸【出本 】

鮮牛与给丧事窦建德乡人丧亲贫无以塋建德方耕闻之太息遽鮮牛与给丧事乡党异之【出本传】

驴鸣孙楚字子荆与王济为友济死子荆哭之曰夫子好驴鸣乃作一声声体俱似坐客皆笑之

栋梁折晋卫玠卒谢琨哭之恸曰栋梁折不觉哀往哭其尸王方翼其友赵持满诛死尸诸道亲戚莫敢视方翼曰栒布哭彭越义也周文王掩骼仁也絶友义蔽主仁何以事君遂往哭其尸具礼収塋

宴饮设虚位李勉常引李巡张叅在幕府后二人卒至宴饮仍设虚位沃馈之【出唐史】

琴笔两絶乐天祭微之始以诗交终以诗诀琴笔两絶

塋

连 山相冢书曰青乌子称山三重相连名连伞山塋之二千石

金银鳧鹤秦始皇塋骊山起坟高五十丈下周三泉周回七百步以明月珠为日月人鱼膏为灯烛水银为大海金银为鳧鹤【出三辅故事】

玉匣蛟龙汉帝及侯王送葬者皆珠襦玉匣形如铠甲连以金缕匣上皆缕以蛟龙鸾鳳 麟之象时谓蛟龙玉匣【出西京杂记】

防山鲁襄公二十年而孔子生生而叔梁纥死葬于防山在鲁东由是孔子疑其父墓处【出史记】

栳水昔王季厯塋于涡水之尾栳水齧其墓见棺之前和文王曰謏先君必欲一见羣臣百姓也天故使明水见之于是出而为之张朝百姓皆见之【出吕氏春秋】

北邙空椁安定真善算术成帝时真尝自算其年七十三至期果死又曰北邙青陇上孤檟之西四丈所凿之七尺吾塋地也真死依言往掘得古时空椁即以塋焉【出西京杂记】

朱器梁商薨赐东园輶车朱壽器银镂黄玉匣【谢承东观汉记】画棺和帝追封证皇太后父梁松为褒亲愍侯改殡赐东园画棺玉匣衣衾【出后汉书】

祭文

祭柳子厚文维年月日韩愈谨以清酌庶羞之奠祭于亡友柳子厚之灵嗟嗟子厚而至然邪自古莫不然我又何嗟人之生世如梦一觉其间利害竟亦何校当其梦时有乐有悲及其既觉岂足追惟凡物之生不愿为材義罇青黄乃木之灾子之中弃天脱 羈玉佩琼琚大放厥辞富贵无能磨灭谁纪子之自着表表愈伟不善为斲血指汗颜巧匠旁观缩手袖间子之文章而不用世乃令吾徒掌帝之制子之视人自以无前一斤不复羣飞刺天嗟嗟子厚今也则亡临絕之音一何琅琅徧告诸友以寄厥子不鄙谓余亦托以死凡今之交观势厚薄余岂可保能承子托非我知子子实命我犹有鬼神宁敢遗堕念子永归无复来期设祭棺前矢心以辞呜呼哀哉尚飨【出韩文公】

祭韩忠献公文惟公仁义忠厚得之自然所施所履命世之贤冠登甲科声名四 睽辉丹府表褭英躔徊翔諫署风节孤骞权升法从壮观近班贼昊叛命西领中权经画应御勤劳累年戎丑来庭延登枢府道德之俊同时入辅窒奸塞邪划弊除蠹谤言陰摇分符以去中山大卤太行东西连开戎府弹压羗夷天声万里雷动神驰帝思勲旧召还庙堂帷幄论道海防乐康仁庙晚年少阳虚位天下大本未有所繫公常深念图建冢嗣引古尽言山岳其意忘身忘家无所顾避圣心感悟遂定大计合天符人英庙主器夷夏欢呼声震天地千艰万险公若平易

六龙飞天帖无一事俄膺顾命今上嗣政永厚复上力辞大柄得殿本邦均休遂性未离阙庭西陲微扰天子诏公改帅咸镐义不辞难受命戒道事宁求还复守乡间至始阅月又迁魏都时议者建青苗之令出钱取息始惠终病抗疏论列辞严义正天子动容贤路交庆四见炎凉复临安阳灿灿锦衣煌煌綉裳愿上印绶十拜封章宸眷深厚未颁俞音遽叹逝川莫伸素志呜呼哀防自公之薨城邑田里老壮童防咨嗟涕泗非德感人孰能如是位居将相殆将二纪万钟之禄随得随施姻亲侨客赖公以济蓋棺之日所余无防清白之风照耀来世某之椎愚少有比伦从参賔从纳顾特异朝教暮诲意均子弟粗有成立皆公之赐抚膺长号肝鬲将毁奠以叙哀痛无穷已英灵不昧敢冀歆此【出司马温公】

祭司马公文左仆射赠太师温公之灵呜呼百世一人千载一时惟时与人鲜偶常竒公事仁宗百未一施独发大议惟天我知厚陵之初先事而窥帝欲得民一尊无私母子之间莫如孝慈人所难言我则易之神宗知公敬如蓍 專谈仁义辅以书诗枉尺直寻愿公少卑公曰天子舜禹之姿我若言利非天谁欺退居于洛四海是仪化及豚鱼名闻乳儿二圣见公日子得师付以衡石惟公所为公亦何为视民所宜有莠则锄有疾则医问疾所生师老兵疲和戎上策决用无疑此计一定太平可基譬如农夫既辟既菑投种未粒引获而炊賔客满门公以疾辞不见十日入哭其帷天为雨泣路人垂涕画像于家饮食必祠矧我众僚左右畴咨共载一舟丧其楫维终天之诀宁复来思歌此奠章以侑一卮【出东坡】

祭欧阳文忠公文夫事有人力之可致犹不可期况乎天理之防漠又安可得而推惟公生有闻于当时死有 于后世苟能如此足矣而亦又何悲如公器质之深厚智识之高遠而辅学术之精防故形于文章见于议论豪健俊伟恠巧瑰琦其积于中者浩如江河之停蓄其发于外者烂如日星之光辉其清音幽韵凄如飘风急雨之骤至其雄辞宏辨快如轻车骏马之奔驰世之学者无问乎识与不识而读其文则其人可知呜呼自公仕宦四十年上下往返感世路之崎岖虽迍邐困蹶窜斥流离而终不可掩者以其公议之是非既压复起遂显于世果敢之气刚正之节至晚而不衰方仁宗皇帝临朝之末年顾念后事谓如公者可寄以社稷之安危及夫发谋决策从容指顾立定大计谓千载而一时功名成就不居而去其出处进退又庶乎英魂灵气不随异物腐散而长在乎箕山之侧与颍水之湄然天下之无贤不肖且犹为涕泣而歔歔而况朝士大夫平昔游从又予心之所向慕而瞻依呜呼盛衰兴废之理自古如此而临风想望不能忘情者念公之不可复见而其谁与归【出王介甫】

祭范蜀公文仁宗在位四十二年畦而种之有德皆贤既歷三世悉为名臣今如晨星存者防人孰如我公硕大光明导日而升灿焉长庚死生契濶公独壽考天实耆之以殿诸老二圣嗣位仁义是施公昔所言畧行无遗维乐未和公寢不宁乐成而薨公往则瞑凡百君子愿公无极胡不万年以重王国责难之忠爱莫助之嗟我后来谁复似之吾先君子秉德不耀与公弟兄一日之少穷达不齐欢则无间先友尽矣我已白髮闻公之丧方食哽噎堂堂我公岂其云亡望公凜然犹举我觴【出蘓东坡】

祭史丞相母夫人文惟灵懿范藹乎闾里庆纪緝乎闺门早占梦燕之祥是产攀龙之杰踐公槐而拥帅钺防服娛亲辞帝畿而还家园板輿佚老蓋一时之罕并实五福之兼全嗟弗吊于

上穹叹莫留于长谢某仰高自昔守职于兹顾靡逮于升堂敢薄陈于奠簋【出熊子复】祭周国太夫人文某辱前丞相之深知荷太夫人之懿德趋走门下累纪于兹每升堂拜伏或违离存外抚存问遗一均甥侄何期一旦永不侍前薄酌荐诚悲号摧绝呜呼尚享【出司马公】

祭吕望之母郡太文呜呼贤矣夫人善持门闾皓若玉雪一其终初允孝维妇允仁维姑实生才子我所叹誉秉义率性困而不渝夫人之教着不可诬归殡窆窆无悔无愉维子之故具此俎壶呜呼尚享【出王介甫】

挽词

嘉祐天子挽词去序三朝圣行崩万国天忧勤无旷古治洽最长年仁育齐高厚哀思罄幅员欲知千载美道德冠遗编【出王安石】

元丰天子挽词决事神明速任人金石坚天机先兆朕圣度蕴渊泉仁义生知性恩威独化权乾坤无毁息长与大名

鼇禁叨承诏金华侍执经微生轻草芥圣泽濶沧溟鹿性安林野葵心注阙庭尧云不可望白首涕飘零【出司马光】将圣由天纵成能与鬼谋聪明初四达雋义尽旁求一变前无古三登岁有秋讴歌归子啓钦念禹功修城阙宫车转山林随路归苍梧云未远姑射露先晞玉暗蛟龙蛰金寒鴈鸞飞老臣它日泪湖海想遗衣【出王安石】绍兴天子挽词社稷兴中否干戈静四溟生年同艺祖庆寿似慈宁人忆庚庚兆天倾九九龄向来懷夏禹今耐越山青

太极乾元父清都大帝宫宴酣忘御骏仙去任遗弓音遏尧仁遠旻号舜孝隆孤臣防阁旧淚血洒春风【出周丞相】韩忠献公挽词心期自与众人殊骨相知非浅丈夫独拥斗杓环帝座亲扶日毂上天衢鋤耨万里山无盗袞绣三朝国有儒爽气忽随秋露尽漫凭陈迹在 跌两朝身与国安危典策衰荣此一时木稼曾闻达官怕山頽果见哲人萎英威爽气归图畫茂德元勲在鼎彝幕府少年今白髮伤心无路送灵輶【出王介甫】

司马文正公挽词元祐开皇极功归独老成惟深万物表不令四时行日者倾三接天乎奠两楹堂堂宁复有埋玉动佳城

韩献肃公挽词郁郁高阳里生才世不孤八龙归月旦三凤继天衢梁壤吾安仰人亡道固臞空令湖海士愁绝奠生刍【出黄鲁直】

贾魏公挽词功名烜赫在三朝经术从容辅汉条儒术早紆丞相绂戎冠再插侍中貂开仓六塔流民复出甲甘陵叛党销甲第祗今空画像当时于此识风标【出王介甫】宪肃皇后挽词二妃端协帝三后共兴周决防天同力収功语不流权宜从杀礼末命尚深忧郁郁佳城闭终天配壽丘

钦慈皇后挽词二祧从孝祀五典载虞嫔显号追先志陰功见后人承顏亲不待罔极痛知亲
未有如椽笔光容可得陈【并出陈无已】

太皇太后挽词国赖姜任盛门归马邓高闕睢求窈窕卷耳念勤劳圣淑才难拟休明运继遭
冈原今献卜维辰正攀号【出王介甫】

锦绣万花谷后集卷二十二

卷二十三

钦定四库全书

锦绣万花谷后集卷二十三

宫殿

太平宫坡诗注万申之曰翊圣保德真君 云太宗皇帝遣起居舍人王 从就终南山下筑宫真君忽降言曰此地乃建上帝宫阙之地不可易也于是乃定凡三年宫成题曰上清太平宫东坡曾于终南太平宫溪堂读书见本集

桂宫桂宫汉武帝造周回十余里汉书曰桂宫有紫房复道通未央宫闕辅记云桂宫在未央北中有明光殿上山复道从宫中西上城西至建章宫神明防蓬莱山兰池兰池宫始皇为微行咸阳与武士四人俱夜逢盗兰池【谓县有兰池宫出三辅黄图】

离宫三百秦起咸阳而西至雍离宫三百钟鼓帷帐不移而具为宫室之丽以至于此【出扈言】

宜春本秦之离宫在长安城东南杜县东近下杜一曰长安有宜春宫汉宫阙名

甘泉宫黄帝治明庭【明庭甘泉也出前郊祀志】文帝幸甘泉师古曰甘泉在云阳本秦林光宫【出前本纪】武帝元鼎五年十一月辛巳冬至立泰畤于甘泉天子亲郊见朝日夕月【出本纪】元封二年诏甘泉房中生芝九茎连叶作芝房之歌又武帝定郊祀之礼祠太乙于甘泉就阳位也【并出前礼乐志】未央宫未央宫周回二十八里前殿东西五十丈深十五丈高三十五丈三武帝以木兰为桷文杏为梁柱金铺玉户华榱璧珰雕楹玉碣重轩镂槛青 丹墀左城右平黄金为璧带间以和氏珍玉风至其声玲珑然也【出三辅黄图】

长乐宫本秦之兴乐宫也汉高皇帝始居栌阳七年轻乐宫成徙居长安 秦造从修之周回二十里前殿东西四十九丈七尺两杼中三十五丈深十二丈【并出黄图】宣帝本始四年诏神雀五采以万数集长乐宫【出本纪】步高望远京兆有步高宫长安有望远宫【出三辅黄图】四宝武帝为七宝牀杂宝案前宝屏风列宝帐设于桂宫时人谓之四宝宫【出西京杂记】

五柞武帝后元二年幸 屋五柞宫【有五柞树因以名宫出汉书】长生殿白乐天长恨歌七月七日常生殿夜半无人私语时【出贵妃别 】

披香殿唐蘓世長侍宴披香殿酒酣進曰此煬帝作邪何雕麗底此太宗曰卿諫似直然詐也豈不知此殿我所營乃云煬帝邪對曰臣但見傾宮鹿防非受命聖人所為者帝咨重其言【出本】

承明殿漢天祿石渠典籍之府命名儒師傅講論乎六藝稽考乎同異又有承明金馬著作之庭【出西都賦】成帝時客有荐雄文似相如者上召雄待詔承明之庭【承明殿在未央宮出前本】

延英殿憲宗以元稹為拾遺稹上疏愿陛下時于延英間召對使盡所懷【出通鑑本紀】延英記政昼漏率五六刻方退【出旧本紀】文宗銳意于治每延英對宰臣率漏下十一刻凡除吏必引見訪問親陳得失【出旧本贊】嘗當盛夏對延英帝汗浹衣絳欲趨出帝曰欲與卿講天下事乃其樂也【出李絳傳】德宗詔延英坐日許百司長官二員言闕失謂之巡對【出本紀】

金銮天寶初賀知章見李白文嘆曰子謫仙人也言于宗召見金銮殿論當世事奏頌一篇帝賜食親為調有詔供奉翰林【出李白】

太極魏有太極九龍芙蓉九華承光等殿【出洛陽宮殿記】玉堂銅柱漢宮閣名曰長安有玉堂殿銅柱殿

詩玉燭調和氣金輿歷旧宮還如過白水更似入新豐秋潭清晚菊寒井落疎桐舉杯延故老今聞歌大風【出周明帝】遙防云雾中刻桷映丹紅珠帘通曉日金華拂夜風欲知聲管處來過安樂宮【出梁簡文帝】秘殿崔嵬拂彩霓曹司今在殿中西鈞天雖許人間聞闔門多夢自迷石門霜雪白玉殿莓苔青

日月低秦樹乾坤繞漢宮【出杜甫】仗下春朝散宮中昼漏稀
小殿黃金榜朱帘白玉鈎一聲雙日躋春色滿皇州秘殿開金鎖神人控玉蚪帳殿羅冕轅門照白袍【出東坡】金銮殿上脫靴去白下門東索酒嘗【出斯庵】新宮實壯防云里望樓防迢遞翔鸞仰連翩賀雀來重欄寒霧宿丹井夏蓮開砌石披新錦梁花画早梅欲知安樂盛歌管雜尘埃【出陳陰鏗】寥落古行宮宮花寂寞紅白头宮女在相對說宗【出元微之】門橫金鎖悄無人落日秋聲渭水濱紅葉下山寒寂寂濕云如夢雨如塵【出崔魯宿華清宮】草遮回磴絕鳴銮雲樹深深碧殿寒明月自來還自去更無人倚玉防干【出崔魯】
漁陽烽火照函關玉輦匆匆下此山一曲羽衣听不尽至今遺恨水潺潺中原无鹿海无波凤輦龙池出幸多今日故宮归寂寞太平功業在山河【出吳融】野花不識采旅竹本无行雀惊疑欲曙蟬噪似含涼何言金殿側亟奉瑤池觴鐘箭自徘徊皇堂荐羽杯橋平疑水落石迴見山開林前暝色靜花處近香來西嶺傷抚夕北閣濫游陪【并出江總】簟涼秋氣初長信恨何如拂黛月生指鮮鬢雲滿梳一从悲画扇防度泣前魚坐對南宮樂清風搖翠裾【出于武陵】玉帝樓防鎖碧霞終年培養牡丹芽不防野鹿逾垣入街去宮中第一花【出張翥】

第宅

甲第文选陆士衡诗甲第崇高阔【注第一宅也甲第高祖纪有甲乙次第故曰第宣帝赐霍光甲第一区出本】

大第小第前汉高祖纪十二年诏为列侯食邑者赐大第室吏二千石徙之长安受小第室

治第东都裴度治第东都集贤里作别墅具燠馆凉防号绿野堂度野服萧散不问人间事【出本传】

列第东都唐帝五子列第东都积善坊号五王子宅不致第宅李元欲再世宰相有清节未尝改治第宅【本】无以家为帝为霍去病治第令视之对曰匈奴不灭无以家为也【出本】

买宅必穷僻萧何买田宅必居穷僻处为家不治垣屋曰令后世贤师吾俭不贤母为世家所夺【出前本】

壮丽非吾心唐河间王孝恭平江南赐甲第一区尝语人曰吾所居颇壮丽非吾心也当别营一区令粗足充事而已吾歿后子才也易以守不才不为他人所利【本】求胜地帝求胜地为马周创第【出唐马周】

安邑里第李德裕为相帝令作诏曰学士不能悉吾意所居安邑里第有院号起草院亭曰精思亭每计大事多处其中【出职官分纪】

南第北第唐郑絪家昭国坊第在南余庆第在北世谓南郑相北郑相【出余庆】

岐王宅杜诗岐王宅里寻常见崔九堂前防度闻一区雄处防山之阳有田一防宅一区家贫嗜酒人希至门时有好事者载酒肴以游学【出本】

近市不可居初齐景公欲更晏子之宅曰子之宅近市湫隘嚣尘不可以居请更诸爽垲者

百万买宅南史宋季雅罢南康市宅居吕僧珍宅侧僧珍问宅价曰一千一百万恠其贵曰一百万买宅千万买邻

治宅甲诸第前汉田蚡为丞相骄侈治宅甲诸第田园极膏腴尝请考工地益宅上怒曰君何不遂取武库是后稍退【出田蚡】

诗恨无一子一区宅懒卧元龙百尺楼雄未有宅王粲且登楼思之不可见破宅余脩竹四邻戒莫犯十亩森似束【出东坡】访古因知彭祖宅得仙何必葛洪乡【出皇甫湜】宅成天下借图防始笑平生眼力慳地占百湾多是水楼无一面不当山荷深似入苕溪路石恠疑行鴈荡间只恐中原方鼎沸天心未遣主人闲一生不蓄买田钱华屋何心亦偶然客至多逢

僧在坐钓归惟许鹤随 【出南岳】 五湖三亩宅万里一人归 【出戴叔和】

家室

五堂王家隋王家之财泉埒于王侯有子五人各立一院栋宇崇显邑里号为五堂王家 【出西京杂记】

万石张家唐张文灌拜侍郎四子潜沛洽涉父子皆至三品时谓万石张家 【出本 】

八九家老杜为农诗锦里烟尘外江村八九家

百姓家刘梦得诗去年王谢堂前燕飞入寻常百姓家世禄家尚书世禄之家鲜克由礼

积善家周易坤卦积善之家必有余庆

克家易 卦九二包 吉纳妇吉子克家象曰子克家刚柔接也

浮家唐张志和泛宅浮家又渔父词一叶浮家万虑空山人家至尊之余合王公何事便到山人家 【出卢仝茶歌】 三防张家唐张俭兄弟三人门皆立防时号三防张家 【出本 】

三防崔家唐崔琳羣从数十人自兴宁里谒大明宫冠盖驺哄相望每岁时宴于家以一榻置笏犹重积其上琳与弟太子詹事珪光禄卿瑶俱列桀防世号三防崔家 【羣从谓众兄弟也出本 】

三相张家唐张嘉贞相 宗延赏相德宗 靖相宪宗先第在东都思顺里盛丽甲当时历五世无所增葺号三相张家 【 靖 】

书楼张家五代周张照远好学积书万卷以楼载之号书楼张家 【五代史补】

蕙小家白居易诗涛声夜入伍员庙柳色春藏蕙小家东西施家吴越春秋诸暨有苕萝山若耶溪傍有东施家西施家西施姓施而在西越王用范蠡计献之吴王其后灭吴蠡复取西施乘扁舟游五湖而不返

天下一家黄帝问伯高曰吾欲陶天下为一家何如 【第地数篇】 前汉高祖纪诏曰贤士大夫定有天下以为一家高祖曰天下同姓一家 【吴王濞传】 文帝使两国之民若一家子 【匈奴 书】 圣人耐以天下为一家 【礼记】

胡越一家唐太宗纪胡越一家自古未有也帝奉觞上寿

室

兰室与善人居如入芝兰之室久而不闻其香与之俱化矣【家语】

环堵之室礼记儒行儒有一亩之宫环堵之室荜门圭窦蓬户瓮牖易衣而出并日而食又庄子原宪居环堵之室

不事一室陈蕃尝闲处一室而庭宇芜秽曰大夫处世当扫除天下安事一室【后本传】

独处一室杨綰性沉静独处一室湛如也【唐本传】

罄室左僖二十六年室如悬罄野无青草【言居室而资粮悬尽在野则无蔬食之物】

鲛人室鲛人织绡于室【文选】

方丈之室唐显庆中长史王元策因向印度过净名宅以笏量其地有十笏许故号方丈之室【法苑珠林】

老氏藏室学士称东观为老氏藏室道家蓬莱山王融曲水序曰纪言事于仙室【谓藏室也】

陋室唐刘禹锡陋室铭山不在高有仙则名水不在深有龙即灵斯是陋室惟吾德馨

诗城中十万户此地两三家 杜子将北征仓忙问家室 照室红炉促曙光紫窓素月垂文练
江深竹静两三家多事红花映白花报答春光知有处应须美酒送生涯
峡内淹留客溪边四五家 六合已一家四夷且孤军 隔屋唤西家借问有酒不
传道东柯谷深藏数十家对门藤盖瓦映竹水穿沙 村路飘黄叶人家湿翠微
手种桃李非无主野老墙低还是家羣木水光下万家云气中 晚起家何事无营地转幽竹光
团野色含影漾江流【并杜甫】 隔田知是谁坎屋种竹浑如我所家【王三松】 章村蓬荜
两三家篱落纵横被野花【古洲】 惟有廩峯居第五山前尽是宰臣家【五峯】 谁家见月
能闲坐何处闻灯不防来【崔液】 家为买琴添旧价厨因养鹤减晨炊【南岳】 历险不自
怯玩幽到山家弯环一径幽宛宛千峯斜 我家县东双剑峯霜磨雪错明秋空祝融天柱浪嗟
赏何如此地巢云松【江西集】 身似旧时王谢燕一年一度到君家【陈辅】 家住龙洲绿
树东晓窓晴日见庵峯而今落泊湖溪上却望庵峯夕照中【黄氏】 寻春夜过山人家山家
延我溪上宿一樽白酒煮黄精映月横琴并青竹溪山人物总潇洒三弄笛终松露下寄语嫦
娥且少留冰轮缓度西园头【竹庵集】 茅檐竹落野人家只麽悠悠阅岁华田父把犁寒雨
足牧儿吹笛晚风斜【梅庵】 樵策初无主鸡豚各认家
雨暗堦前路苔治林外家【子苍】 东家近新富满地布苔钱
朝游北城东回首见脩竹下有朱门家破墙围古屋 西崦人家应最乐煮葵烧笋饷春耕

倚山脩竹有人家横道清泉知我渴【并东坡】猎穷 水边家彊防狐裘畏日斜 千年风
采凌烟阁百代儿孙宰相家【并后山】北巷通南陌门连五相家水分池对岸墙隔树交花
有人若问闲居处通德坊中第一家 满洛城中将相家广栽桃李作生涯年年二月凭高望不
见人家只见花【并邵尧夫】小隐园中百本花各随红紫发新芽东君见借阳和力不拣公
侯富贵家【擊壤集】外列千区民庶巷中藏万载帝王家【曲江吴山诗】尺椽亦何有而
我常客居美君开此室容膝真有余拊按琴动摇弄笔窓明虚【东坡】少室山人索价高两
次谏官徵不起【退之】谁持此碑入我室使我一见昏眸开【张文潜】

锦绣万花谷后集卷二十三

卷二十四

钦定四库全书

锦绣万花谷后集卷二十四

楼

盘龙凤楼十二重四戸八绮窓绣桷金莲花柱柱玉盘龙【鲍昭京洛篇】

仪凤晋宫阁名曰总章观仪凤楼一所在观上广望观之南极

凌云世说曰凌云防楼观极精巧先称平众材轻重当宜然后造构乃无错锱铢通相负揭防虽高峻恒随风摇动而终无崩陨魏明帝登楼惧其势危别以大材扶之楼即便頽壞论者谓轻重力偏故也

栖霞盛 之荆州记曰城面百余步有栖霞楼宋临川康王置

万歳楼润州城南有楼名万歳楼【广记】

万卷楼唐田洪起楼聚书万余卷

八咏沈休明诗明月双溪水清风八咏楼

百尺杨大年诗危楼高百尺手可摘星辰又郑愚诗楼高百尺堆华榱

十二楼方士有言黄帝时为十二楼以 神人名曰迎年上许作之【前郊祀志】史记封禅书五城十二楼 十洲记昆仑山有五城十二楼

十三楼十三间楼在杭州西湖之北岸 又 州蜀冈有竹西亭故东坡南柯子云山与歌眉敛波同醉眼流游人都上十三楼不羡竹西歌吹古 州 又汴京旧有十三楼

北固润州城西有岭入江高数十丈三面水照曰北固蔡君谟起楼于其上

筹边李德裕为剑南节度使建筹边楼

望省唐崔日知厯职中外恨不居八座为太常卿于都寺防后起一楼与尚书省相望谓崔公

望省楼

观风此时新搆观风楼楼高百尺堆华榱楼南更起闻鸡殿神光山影相参差【津阳门诗】

庾楼晋庾亮在武昌诸佐吏殷浩之徒乘秋月往共登南楼不觉亮至便据胡牀与浩等谈咏【本】

望气起牛斗间萧方等三十国春秋曰张华善天文解望气元庸初尝与鄱阳雷孔章共夜登楼而见一气起牛斗间华谓孔章曰此何气也对曰其寶剑乎

仲宣楼晋王粲字仲宣有登楼赋登兹楼以四望兮聊暇日以消忧凭栏檻以遥望向北风而开襟又李剑州诗春风回兮仲宣楼

岳阳杜诗昔闻洞庭水今上岳阳楼 元稹诗岳阳楼上日衔窓影倒深潭赤玉幢

燕子楼唐张建封有爱妓名盼盼居燕子楼张卒十余年竟不肯嫁能舞多以诗问答有三百首名燕子楼集黄鹤楼崔颢黄鹤楼诗昔人已乘白云去此地空余黄鹤楼黄鹤一去不复返白云千载空悠悠 曾将黄鹤楼上吹【刘禹锡诗】黄鹤楼前吹笛时【吕公】

诗雾岸开早日晴天歇晚虹去帆入云里遥星出海中【梁简文帝】楼下人家烧好香玉笙哀怨弄初凉临风有客吟秋扇拜月无人见晚妆

海上涛头一线来楼前指防雪成堆从今潮上君须上防取银山十二回

云山烟水苦相亲野草闲花各自春赖有高楼能聚远一时收拾与闲人

无限青山散不收云奔浪卷入帘钩直将眼力为疆界何啻人间万户侯 闻说楼居似地仙不知内外有尘寰幽人隠几寂无语心在飞鸿灭没间海山葱朧气佳哉二江合处朱楼开蓬萊方丈应不遠肯为蘓子浮江来江风初凉睡正美楼上啼鵑呼我起我今身世两相违西流白日东流水楼中老人日清新天上岂有痴仙人三山咫尺不归去一杯笑与罗浮春【并东坡】爱日尚贪毛义檄望云长绕仲宣楼【胡安国】花时多病少欢游午醉醒来上小楼心事十分谁防得满川烟雨替人愁【彦成】金窓夹绣户珠箔悬银钩【李白】城西有高楼屋梁染朝曦楼居者佳人餐淡足充饥有时吐佳句笔下明霞出他饋谨勿羞羞之洩羣笔【王方臣】紫盖黄旗下朱楼綠水中【大山】月里青山淡如画露中黄气飒然秋危防倚遍都忘寐祇恐星河墮入楼【吴融】层城有高楼制古丹雘存迢迢百余尺豁达开四门惟有车马客而无人世喧【閩州东楼】江楼四面立屏风到此诗家合用功沽酒店藏花影内打鱼村在浪声中【郭震】绵州州府何磊落显庆年中越王作孤城西北起高楼碧瓦朱甍照城郭楼下长江百丈清山头落日半轮明君王旧迹今人赏转见千秋万古情【杜甫越王楼歌】城门新开百尺楼白云人伴白云游山川半倚三吴胜江汉常吞七泽流【张俞】人世应无第二楼暮云飞不到帘钩未开寶镜青防里先赏冰轮碧海头【南岳】何处飞来缥缈中人间惟有画图同两层帘幙垂无地一片笙歌起半空【紫芝】

阁

四香杨国忠用沉香为阁檀香为阑檻麝香乳香筛土为泥篩谓之四香阁春时芍药盛开聚賓友于阁上禁中沉香亭不侔此壮丽也【天寶遗事】

沉香窓牖防檻陈后主起临春结绮望仙之阁皆以沉香木为窓牖阑檻【职官分纪】

凌烟唐太宗贞观十七年图功臣于凌烟阁【本纪】

麒麟汉宣帝甘露二年单于入朝上思股肱之美乃画其人于麒麟阁法其形貌书其官爵姓名凡十一人【出薤武】

石渠阁施雠为博士甘露中尊五经诸儒雅论同异于石渠阁【三辅故事云石渠阁在未央殿北以藏秘书也本】甘露中奉使阁诸儒于石渠【梁丘贺传】

天禄阁天禄阁麒麟阁萧何所造藏秘书处贤才【黄图汉官殿疏云】王莽时扬雄校书天禄阁上治狱使者收雄雄从阁上自投防死京师为语曰惟寂寞自投阁【前扬雄传赞】滕王芳渚滕王者唐高祖之子武德中出为洪州刺史喜山水酷爱蝴蝶尤攻书妙音律暇日乘青雀舸游江汉甚得其趣自选芳渚基址不大高低得宜遠瞰湘云近枕汉水仍便以王而名阁焉 陈无已诗滕王蛺蝶江都马一纸千金不当价

诗滕王高阁临江渚佩玉鸣銮罢歌舞画栋朝飞南浦云朱帘暮卷西山雨【王勃】幽人起朱阁空濶更无物惟有千万冈东西作帘额 已泛平湖思濯锦更防横翠忆娥眉 千层高阁侵云汉双派清流透石岩 手开东阁坐虚明目净东溪照清泚素琴浊酒容一榻落霞孤鹜供千里【并东坡】山中初建乘槎阁想得夜闻河汉声天上风波应更恶不如且住小蓬瀛【月湖】青玻璃盆插千岑湘江水清无古今何处拭目穷表里太平飞阁暂登临【山谷】飞云阁上春应至明月楼中夜未央【上官仪】

亭

白下亭白下县故城在上元县城西本江乘县白石垒今城南有长干寺城东门有白下亭【东轩笔谈】

迎春亭郑愚津阳门诗飞霜殿前日悄悄迎春亭下风飏飏

兰亭绍兴防稽山即今天章寺羲之作兰亭记防于防稽山陰之兰亭修禊事也

休休亭唐司空图名亭曰休休作文见志

沉香亭李白 帝坐沉香亭子意有所感召白为草乐章

旗亭西京赋旗亭五里【市楼立旗】又史记旗亭市楼也立旗出于上

柯亭白氏六帖蔡邕宿柯亭亭屋以竹为椽盼曰良竹也取以为笛音声绝妙

子云亭刘禹锡陋室铭南阳诸葛庐西蜀子云亭孔子云何陋之有

历下亭历下亭齐州唐之济南郡也杜工部陪李北海宴于历下亭诗云海右此亭古济南名士多

诗斜雨飞丝织晚风疎帘半卷野亭空荷花开尽秋光晚零落残红绿沼中【宋邕】霜径江清水见鱼偶来徙倚草亭孤雪天黯淡长如晚烟树防茫直欲无【陆仓】亭近天容濶帘侵夜色幽禽鸣竹溪晓鹭宿岸沙秋村晚香风度亭幽过雨霏野亭春还杂花远渔翁暝踏孤舟立【杜甫】金銮殿上脱靴去白下亭东索酒尝一自青山防漠后何人来到柳花香【李白】公余终日坐闲亭看得梅开梅叶青可是近来疎酒盏酒瓶今已作花瓶【小山】绿柳阴中狮子巷白苹亭畔骆驼桥幅巾清晓入西园春动园林物物鲜却想小亭才日出海棠花发麝香眠【斯庵】

台

黄金防燕昭王置千金于台上以延天下士谓之黄金台【六帖】

通天防武帝灵光室有通天台通圣台【三辅黄图作通天台高三十丈郊祀志】

望月防 宗八月十五夜与贵妃临太液池凭栏望月不尽帝意不快遂勅左右于池之西岸别筑百尺之台吾与妃子来年望月后经禄山之变不复置焉【天寶遗事】姑蘓防在平江吴王所筑吴都赋作姑苏之高台越绝书曰阖闾起姑蘓防三年聚材五年乃成又前汉伍被曰臣今见麋鹿游姑蘓之台也【本】

丛防前邹阳书全赵之时武力勇士衺服丛防之下者一旦成市【丛防赵王防在邯郸】

金凤渐台高三十丈南有璧门三层内殿阶陛咸以玉为之铸铜凤凰高五丈饰以黄金栖屋上【汉武故事】

铜雀建安十五年冬太祖乃于邺作铜雀防【魏志】

凤凰萧史善吹箫秦穆公有女字弄玉妻焉教弄玉吹箫作凤鸣居数月凤来止其居公为作凤凰防夫妻止焉一夕逐凤飞去【列仙】

一柱江陵有防甚大而惟有一柱众梁皆共此柱【出张华博物志】

柏梁元鼎二年春起柏梁防【服防注曰用柏梁作防因名之汉书】

诗世祖功臣三十六云防争似钩防高【范文正】楚岸收新雨春防引细风
高防面苍陂六月风日冷蒹葭离披去天水相与永江通一柱观日落望乡防【并杜甫】有
少园池仅蔬竹无多屋宇欠楼防【 圃】有官居鼎鼐无地起楼防【寇公】凤凰防上凤
凰游凤去防荒江自流【李太白】直须防上望始奈月明何【韩退之】花月楼防近九衢
清歌一曲倒金壶【郑谷】谁栽篁竹抱空防防上烟云昼未开只有山僧向人说梅山曾此
炼丹来【约斋】晨兴窓防自推开忽见桃花糝碧苔客里不知春已晚家山辜负小亭防【
岳降】更小亭阑花自好尽荒防榭景才真【击壤】蓬莱不可到弱水三万里中有妙高防
云峯自孤起防中老比丘碧眼照牕几 八境见画图郁孤如旧游山为翠浪涌水作玉虹流日
丽崆峒晓风酣章贡秋丹青未变叶鳞甲欲生洲岚气昏晨树滩声入市楼烟云侵岭树草木
半炎州故国千崖外高防十日留他年三宿处准拟系孤舟【并蘓东坡】

锦绣万花谷后集卷二十四

卷二十五

钦定四库全书

锦绣万花谷后集卷二十五

城郭

金城千里刘敬说高祖都關中张良曰關中左崤函右陇蜀沃野千里所谓金城千里天府之国【出张良传】又秦自以为關中之固金城千里子孙帝王万世之业也灯火万家灯火万家城四畔星河一道水中央【白乐天西湖诗】月城沔阳县至沔口水北有却月城西一里有马骑城周回五里高一丈【出荆州记】

斗城汉初长安城狭小惠帝更筑之城南为南斗形北为北斗形至今人呼汉京城为斗城是也【出三辅黄图】西安沮渠 逊等推段业为凉州牧业筑西安城【出崔鸿北凉錄】

南武海渚有吴王阖闾与越结怨相伐筑城名曰南武城以御越后吴先主亦因此更缮修以备魏也【出董览吴地记】鐵瓮城杜牧润州诗城高鐵瓮横强弩

石鼻城坡诗注石鼻在汧水之北南去陈仓三十里坡公集有石鼻城诗

紫塞秦所筑长城土色皆紫汉塞亦然故称紫塞【出崔豹古今注】

黄金氏帅杨难当寇汉中魏兴太守薛健据黄金城【出沈约宋书】

菟昭帝元凤六年募郡国徙筑辽东 菟城【出汉史】白鹿含涯有三城白沙城马鞍城白鹿城城南有白鹿冈【出始兴记】

赤甲白帝鱼复县西北赤甲城东南连白帝城西临大江【出荆州图记】

五言长城秦系与刘长卿善以诗相赠答权德輿曰长卿自以五言长城系用偏师攻之【出唐秦系传】

荷花绕郭白乐天诗绕郭荷花三十里拂城松树一千株

诗孤城一柱观落日九江流白帝城头云若屯白帝城中雨翻盆风起春城暮高楼鼓角悲城峻随天壁楼高望女墙

城上春云覆苑墙江亭晚色静年芳孤城西北起高楼碧瓦朱甍出城郭 东山高顶罗

珍羞下顾城郭鎖我忧 西厯青羌坡南留白帝城层城临媚景絶域望余春 江水流城郭春风入鼓鼙【并出老杜】高城新筑压长川虎踞龙盘气色全五里似云根不动一重如月晕初圆【出雍陶】鷗噪暮云归古堞鴈迷寒雨下空壕【出许浑】天涯憔悴身一望一沾巾在处有芳草满城无故人【出崔涂】一上高城万里愁蒹葭杨柳似汀洲溪云初起日沉阁山雨欲来风满楼鸟下綠芜秦苑夕蝉鸣黄叶汉宫秋 汉渚水初綠江南草复黄日照蒲心暖风吹梅树香征舳 汤璽归骑息金隍【出梁简文帝】闾阖暖已昏钩陈杳将暮栖乌城上喧晚雀林中度屯卫时巡警凝威肆安步阁道趋文昌禁兵连武库铜乌迎早风金掌承朝露罽毼分晓色埤垧生秋雾【出梁王筠】兹城实佳丽飞甍自相并胶葛拥行风嵒崕閼流景御沟属清洛驰道通丹屏湛淡水成文参差树交影长门久已闭离宫一何静细草綠玉阶高枝防桐井防防夕渚暗肃肃暮风冷【出后魏温子升】日落征途遠怅然临古城頽墉寒雀集荒堞晚乌惊萧森灌木上迢迢孤烟生霞景焕余照露气澄晚清秋风转摇落此志安可平【出李百药】

苑囿

因原因原野以作苑顺流泉而为沼发苹藻以潜鱼丰圃草以育兽【出班固东都赋】

跨谷山林禁苑跨谷弥阜东至鼎湖邪界细柳【出张衡西京赋】黄山霍云当朝请数称病私出多从賓客张围猎黄山苑【出汉书】

白水覆舟山周回二十许里有林名白水苑【出陶季直京国记】甘泉甘泉苑中起僊人观緣山谷行至云阳三百八十一里又右扶风凡周匝五百四十里【出三辅黄图】

上林上林苑中广长三百里离宫七十所皆容千乘万骑【出卫宏汉旧仪】

广成灵帝光和五年校猎广成苑【出薛莹后汉记】

思贤文帝为太子立思贤苑以招賓客【出西京杂记】

桑梓洛阳城西有桑梓苑【阿内十二境簿】

桂林建康县北汉朝为桂林苑【出陶季直京国记】

養兽苑有园曰囿一曰養禽兽曰囿【出说文】

射鸿卫献公射鸿于囿【出左传】

诗丹陵抱天邑紫泉更上林玉台极百尺银树起千寻水流冠盖影风歌吹音踟蹰怜拾草
顾步惜遗簪日落庭光转方幰屡移陰愿言乐未极不道爱黄金【梁纪少瑜】龙田留故苑
汾水结余波怅望伤游目辛酸思绪多寒烟惨高树凝露变轻萝泽葵犹草池竹尚侵荷秋
风徒自急无复白云歌【出陈释洪】天游御辔驻城闌上苑迟光晚更新瑶防半入黄山路
玉檻傍临灞津梅香欲待歌前落兰气先过酒上春幸预百台称献壽愿陪千亩及农辰【
出卢藏用】东郊暂转迎春仗上苑初飞行庆杯风射蛟冰千片断气冲鱼钥九關开林中覓
草才生蕙殿里争花并是梅歌吹衔恩归路晚楼乌半下鳳城来【出沈佺期】

园圃

灵芝晋宫阁名有灵芝园葡萄园此皆因草木树果以立名也

仙蕙昆仑山第三层下有芝田蕙圃皆数万顷羣仙种耨焉【出王子年拾遗记】

葡萄洛阳宫有琼圃园灵芝园石祠园邺有鸣鹤园葡萄园【出晋宫阁名】

苜蓿郭仲产仇池记曰城东有苜蓿园

濯龙濯龙园在洛阳西北角【出司马彪续汉书】

鸿鹄晋宫阁名曰邺有鸿鹄园

持鋤孙寶为京兆尹署侯文为东部督邮灞陵杜稚季杜门不通水火持鋤自理园不敢犯法
【出汉书】

得印桓帝时沛国戴翼鋤园得黄金印【出后汉书】

不窺法真隱大泽讲论术艺歷年不窺园圃【出后汉书】前汉董仲舒下帷读书三年不窺
园圃

自赁范丹学通三经常自赁灌园

汉陰抱瓮庄子曰汉陰叟抱瓮入井取水灌园子贡教以桔槔叟嫌其用机不听

庄周作吏庄周尝为防邑漆园吏

诗浮舟千壑总轡万寻颠流沫不足险石牀岂为艰天子照情素探懷授佳篇【出谢灵运】
暮春多淑气斜景落高峯日照池光浅云归山望浓入林迷曲径度渚隔危峯高轩聊骋望
焕景入川梁波横山度影雨罢叶流光

日移花色异风散水纹长【并梁元帝】春光起丽譙屣步陟山椒开影临飞盖莺鸣入洞箫
水还登故渚树长合前桥绿荷生绮叶丹藤上细苗顾循慙振藻何用拟琼瑶【梁庾肩吾】

道路

背馱九达道也似 背故谓之馱【许慎说文】

羊肠羊肠坂诘屈车轮为之摧王智深秦纪曰氐人杨难当居仇池山高二十里羊肠盘道三十六回【魏武苦寒行】鹿蹊艮为径路【郑 注曰田间之道曰径路艮为之者取山间鹿兔之蹊周易】

马径晋昌郡南及广武马蹄谷盘石上马有迹若践泥中自然之形故其俗号天马径【酈元注水经】

多岐杨子隣人亡羊率其党请杨子坚追之杨子曰亡之一羊何追者众曰多岐路既返问获羊乎曰亡岐路既多之中又有岐焉吾不知所之故返【列子】大道以多岐亡羊学者以多方丧生【扬子】

隱金树松秦东穷燕齐南极吴越辟道广五十步隱以金椎树以青松为驰道之丽至于此也【隱筑也汉书贾山 】推石布土王霸为上谷太守修飞狐道至平城推石布土三百余里

藩竹天纪二年卫尉岑昏表修百府自宫门至朱雀桥夹路作府舍又开大道使男女异行夹道皆筑高墙瓦覆或作竹藩【环济吴纪】

树槐苻坚灭燕赵之后自长安至于诸州皆夹道树槐柳二十里一亭四十里一旅行者取给于涂工商资贩于道【崔鸿前秦录】

桂道兰街刘义恭诗曰飞流界桂道深林冒兰街七陌九阡曹植诗云东西经七陌南北越九阡

诗分繻出帝京升装奉皇穆洞野属沧溟睽郊遡河服曰暎青丘岛尘起邯鄲陆江移林岸防岩深烟岫复歲严摧嶝草午寒散峤木荣郁夕飈卷蹉跎晚云伏葭志非易从旌軀信难牧岂真 宫梧方辞兔园竹先心亦何言迷踪庶能复【梁沈约】学官两无成归心自不平故乡尚千里秋山猿夜鸣人愁 云色客意惯风声羈恨虽多绪俱是一伤情【隋孙万壽】伯喈迁塞北亭伯之辽东伊余何为客独守云防中途遥已日暮时泰道斯穷防心悲岸草半死落岩桐目送衡阳鴈情伤江上枫福兮祸所伏今也信难通丈夫日有志宁伤官不公【唐李百药】

市

金市金市在大城中【洛阳记】

鬪场苑城市谓之苑陵林陵有鬪場市【丹阳记】

殷室九市武王伐殷得二夫人问曰殷国将亡亦有妖乎曰殷君喜修宫室大者宫室九市【太公六韬】

齐宫七市齐国将亡亦有妖乎其二人曰齐桓公宫中七市【战国策】

鹤舞门外吴王阖庐有女怨王先食蒸鱼乃自杀阖庐痛之塋于国西阊门外舞白鹤于吴市令万人随观【赵 吴越春秋】

狼入市中秦惠王四年狼入咸阳市昭王六年狼又入咸阳市中【刘向洪范传】

万商之川亚以少城接于其西市防所防万商之川列隧百重罗肆巨千【蜀都赋】

吹簾伍子胥出昭關夜行昼伏至于陵水无以糊其口吹簾乞食于吴市兴吴国阖庐为伯

击筑荆轲既至燕爱善击筑者高渐离击筑轲和而歌于市中相乐已而相泣旁若无人

信陵防客魏有隱士曰侯嬴年七十家贫为大梁夷门监者魏公子信陵君置酒大会客公子从车骑虚左自迎之侯生谓公子曰臣有客在市屠中愿枉车骑过之【史记】诗旗亭出御道游目暂廻车既非随舞鹤聊思索枯鱼因 识季主傍酒见相如【梁庾肩吾】云阁绮霞生旗亭丽日明尘飞三市路蓋入九重城惟见争名利安知大隱情【陈张正见】

锦绣万花谷后集卷二十五

卷二十六

钦定四库全书

锦绣万花谷后集卷二十六

村

花柳村文选春风太多情村村花柳好又杜诗步履随春风村村自花柳

浣花村奉乞桃栽一百根春前为送浣花村【出杜诗】落花村王禹偁诗一路翠烟垂柳驿满川红雨落花村杏花村清明时节雨纷纷路上行人欲断魂借问酒家何处有牧童遥指杏花村【出唐诗】

田野为村在野田为村【出唐书】

黄叶村村疎黄叶坠野回白鸥来【出杜诗】

朱陈村徐州古丰县有村号朱陈一村惟两姓世世为婚姻【出白氏朱陈杜诗】

老木村涧水空山道柴门老木村

客愁村月挂客愁村又江西诗积水光摇人坐席子规声苦客愁村

江村锦里烟尘外江村八九家

又陶诗江村日暮时楚村击舟蛮井络上宅楚村墟【出杜诗】

孤村一迳野花落孤村春水生【出杜诗】又古词流水绕孤村

渔村宋迪八景渔村落照云数间茅屋好杨柳篱边簑网横腥风

兴防村东坡适防州宿于兴防村净行院本集有诗村流清江一曲抱村流长夏江村事事幽

村鼓村鼓时时急渔舟个个轻【出杜诗】

明妃村杜诗羣山万壑赴荆门生长明妃尚有村一去紫防连朔漠独留青塚向黄昏【按图经归州有明君防兴山山南二里汉掖庭待诏王嬙字昭君邑人闻昭君不回立防以祭也今

有昭君村】

诗绿萼映双扉循墙一径防雨多庭果烂稻熟渚禽肥酿酒迎春社遥砧送暮晖数声牛上笛
何处饷田归【出韦庄】十里山村道千峯栢树林霜浓竹枝亚歲晚荻花深草市多樵客渔
家足水禽【出李嘉祐】烟火军中暮牛羊岭上村所居秋草静正闭小蓬门
贫居□村坞僻近城南楼 归客村非远残阳席更移 野水平桥路春沙映竹村【并出杜甫】
万里清江万里天一村桑柘一村烟渔翁醉着无人唤过午醒来雪满船【出韩愈】孤村芳
草远斜日杏花飞【出寇平叔】葱葱城郭丽淡淡烟村远
祇疑归梦西南去翠竹江村绕白沙 乱山合沓围彭门官居独在悬水村
竹篱茅屋趣溪斜春入山村处处花无象太平还有象孤烟起处是人家
孤村一犬吠残月防人行【并出东坡】荆扉野蔓绕村径深盘纡
稻获陪刍牧牛羊卧郊丘村村自击鼓野老欣相求 桑村麦陇漫遮眼满树晚烟相映深
客路蔬为肉江村水作春 日日雨声晴复昏鸟声北郭与南村【并出江人】行得三吴徧清
奇最是藕树围平野濶水隔别村孤震泽非尘世松陵是画图更添一诗老载雪过重湖 岂但
湖天好诸村总可人麦苗染不就茅屋画来真行止随縁住江山到处新十年三过此赢得鬓
如银【出诚斋】藤萝攀尽入烟村踏破苍苔半路纹满地翠岚千嶂合一溪流水两州分【
出城山】卜筑溪村亦自奇傍园蔬圃砌荷池日高牕影犹眠熟午炊庖烟醉不知【 园】
近村得雨远村同上圳流波下圳通【锦囊】店姬明灯送前村认未真山头云似雪陌上树
如人 而今借此东家马烟雨孤行小麦村【并潜夫】山断疑无路林开觉有村 夜宿花村不
见花数间茅屋瞰溪沙【并子西】笋舆直入白云去夜宿白云深处村【于兼叔】

桥

过海桥秦始皇作石桥欲过海观日出处有神人能驱石石去不疾神輒鞭之驱石下海石皆
流血【三齐要畧】架海桥柳司功石桥铭架海维河浮鼉役鹄【文粹】

虹桥武夷君幔亭宴曾孙有防虹桥故晦庵櫂歌虹桥一断无消息万壑千岩鎖翠烟又李大
白乘桥蹑防虹【武夷记】

鹊桥淮南乌鹊填河而成桥渡织女 杜诗石势参差乌鹊桥故后人曲名鹊桥仙

赵州桥 灯録赵州观音从谏禅师 灯僧问从谏赵州石桥到来只见掠约【广志云独木
曰约今谓之掠约音酌】

升仙桥前汉司马相如成都人蜀城北七里有升仙桥相如题其柱曰大丈夫不乘驷马车不
复过此桥销魂桥长安灞陵有桥迎来送去皆至此呼为销魂桥【天寶遗事】

浮桥春秋后 赧王五十八年秦作浮桥于河

方桥非阁复非舡可居兼可过君欲问方桥方桥如此作【音佐韩退之】

第三桥西京外郭城朱雀街东第三桥皇城之东第一街进业坊隋无漏寺之地也【西京杂记】

第五桥不识南塘路今知第五桥

七星桥李冰造七星桥上应七星【华阳国志】

五丈桥慕容垂与刘牢之战晋大败车骑慕容德等引兵要刘牢之于五丈桥牢之驰马跳五丈涧会救至【出后燕录】

河桥晋杜预启河桥于富平津众论以为不可预曰造舟为梁则河桥之谓也桥成上从百官临举杯劝预就桥安前汉薛广德直言谏诤元帝祭宗庙出便门欲御楼船广德免冠顿首曰愿从桥云云上不悦光禄大夫张猛曰乘船危就桥安圣主不乘危乃从桥

斩长桥蛟义兴郡溪渚长桥下有苍蛟吞瞰人周处执剑桥侧俟久之遇出于是悬自桥上投下蛟背而刺焉蛟死

诗春水断桥人不渡小舟撑出柳阴来【唐诗】寺忆重游处桥怜再渡时
山县早休市江桥春聚船 第五桥东流恨水皇陂岸北御愁亭 当时浣花桥溪水才尺余白水明可挹水中有行车野桥齐度马秋望转悠哉伐竹为桥结搆同褰裳不涉往来通人寒白鹤归华表日落青龙见水中顾我老非题柱客知君方是济川功合欢却笑千年事驱石何时到海东 把烛桥成夜回舟夜半时天高云去尽江回月来迟 运粮绳桥壮士喜斩木火井穷猿呼西山白雪三城戍南浦清江万里桥 剑阁星桥北松州雪岭东
朝进东门营暮上河阳桥落日照大旗马鸣风萧萧 一夜星桥别三年斗柄移
忧我营茅栋携钱过野桥 野桥分仔细沙岸縹防茫 野水平桥路春沙映竹村 万里桥西宅百花潭上庄【并杜甫】行色未离南浦路欢声先到洛阳桥【西山】插天防棘玉腰濶跨海鲸鯢金背高【长桥诗】断桥逢野店远岭见人家【月湖】桥声春市散塔影暮潮平不用残灯烛船窗夜自明
溪桥晓溜浮梅萼知君系马岩花落昔桥木千柱挂湖如断霓浮梁陷积淖破板随奔溪

笑看远岸没坐觉孤城低聊因三农隙稍进百步堤【西新桥】羣鲸贯鐵索背负横空霓首摇翻雪江尾插崩云溪轳轳卷巨索青蛟挂长堤岂知涛澜上安若堂与闺往来无晨夜醉疾休扶携【东新桥】倦客愁闻归路遥眼明飞阁俯长桥贪防白鹭横秋浦不觉青林没晚潮二江争送客木杪防桥横 我欲归寻万里桥水花风叶暮萧萧 防月半隐山圆荷争防露相携石桥上夜与故人语【并东坡】白虹千尺卧长滩人在金鼇跃锦鞍借问何人题此柱茂林赋客出长安【袁枢题南浦桥】桥横南浦虹千丈柳护西溪翠一行
嘶入 桥东畔路紫骝犹记旧垂杨【并子西】鸡翅拍斜茅店月马蹄踏破板桥霜

茅舍松棚隔小桥碧帘斜挂竹篱梢 斜阳望断水平桥古柳萧疎半已凋鱼跃浪花翻水面鴈拖烟练束林腰【并翠防】 桥新跨六鼇头雄固应齐日月休寄语相如好题柱太平天子待封侯 珠船夜系重湖月寶驥春嘶小石桥【并城山】 唤仆过林寺逢僧问石桥 虹桥影倒中边月蟾镜光浮上下磨未易丹青知 少苦难题品费诗多【垂虹桥并翁定】 渔舍茨荒草村桥卧古槎【柳子厚】

舟航

僊舟后汉李膺郭泰归乡诸儒送之泰与膺同舟而济众寘望之以爲神仙

野人舟晋郭翻乘小船归武昌安西将军庾翼躬往造翻欲强之翼以其船小欲引大船翻曰使君不以防贱而辱临此野人之舟也翼俯屈入其船中终日不去竹叶舟陈季卿江南人举进士长安十年不归一日于青龙访僧不值憇于火阁有终南山翁亦俟僧久之壁间有寰瀛图季卿寻江南路叹曰得自此归不悔无成翁曰此易耳起折堦前竹叶置渭水中曰注目于此则如愿季卿熟视见一舟甚大恍然登舟其去甚速旬余至家更复登舟再游青龙寺见山翁尚拥褐而坐季卿曰非梦乎后妻子自江南来曰某日归题诗于西斋始知非梦韩诗共泛潇湘一叶舟【异闻録】

莲叶舟太乙真人莲叶舟脱巾露髮寒飈飈又杜诗莲叶舟轻自学操

月舫谢尚镇牛渚秋十五夜乘月左右防服泛江会袁宏在舫中尚即迎升舟谈论达旦不寐自此名誉日茂【宏】

锦缆甘宁以繒锦维舟去则割弃以示奢侈【吴志】 迟日徐防锦缆牵 锦缆牙樯起白鸥【杜诗】 锦防游戏西江水【李白】 鸕船首相如赋浮文鸕【鸕之象于舟首以警水族】 王筠诗凌波漾鸕彩泛水涣蛟文

船樯牙樯捩柁青栈遠 吴樯楚柁牵百丈 连樯载米艘 樯燕语防人 樯乌经歲飞【樯乌樯上刻为乌形 船樯防柱也】 宫袍坐舟李白浮游四方常乘舟与崔宗之自采石至金陵着宫袍坐舟中旁若无人【本】

载月百尺丝纶直下垂一波才动万波随夜静水寒鱼不食满船空载月明归【唐诗一曰华亭船子和尚偈云】

贵人在舟可济袁客师天纲子也常渡江叩舟而还左右请故曰舟中人鼻下皆黑不可以济江俄有一男子跛而负直就舟客师曰贵人在舟可以济江中忽风起防覆而免跛男子娄师德也【袁客师传】

锦袍挽船隋炀帝命皇甫议发河南诸郡民开通济渠渠旁皆植柳自长安至江都上行幸江

都坐洛口御龙舟挽船士皆以锦防为袍【本纪】

钺镂舟奉御汤中以文瑶密石中央有玉莲汤泉涌以成池又缝锦绣为鳧鴈于水中帝与妃子施钺镂小舟戏玩于其间宫中退水出于金沟其中珠璫寶珞流出街渠贫民日有所得焉【天寶遗事】

舣岸整船向岸曰舣【史记项羽纪】

酒船晋毕卓尝谓人曰得酒满百斛船四时甘味置两头右手举酒杯左手把蟹螯拍浮酒船中便足了一生矣【本 】

船头书陆放翁诗船头一束书船尾一壶酒新钓紫鳊鱼旋洗白莲藕又颍川诗賸买时文售儿辈大书古 压吾船

解衣刺船陈平身间行杖剑亡渡河船人见其美丈夫独行疑其亡将腰下当有寶器金玉目之平心恐乃解衣裸而左刺船船人知其无有乃止【本 】

诗秋水才深四五尺野航恰受两三人 扁舟吾已具把钓待秋风 挂席南风正回檣畏日斜
二月频送客东津江欲平烟花山际重舟楫浪前轻
送客沧溪县山寒雨不开直愁骑马滑故作泛舟回 渔人萦小楫容易防船头
片帆早发刘郎浦疾风飒飒昏停午春水船如天上坐老年花似雾中防 秋水通沟洫

城隅集小船 岸花飞送客檣燕语留人

舟车半天下主客多欢娱【并杜甫】 归舟不用撑明月只倩西风作晚潮 可怜閨市千般有
谁信虚舟一物无为视琴堂早催发片防连夜过姑蘓【萃】 两桨破云寻范蠡一竿摇月趣
严光 緑竹撑篙上小滩满逢秋色照人寒雨沾沙鹭毛毛雪风卷岩枫叶叶青【并城山】 小
舟若鳧鴈大舟若鲸鯢【李白】 数声柔櫓沧浪水何处江乡人夜归【唐诗】 沙禽相呼晓
色分渔浦鸣榔十里闻【唐独孤及】 映山黄防螭头舫夹道香烟鹊尾炉 一枕昼眠春有梦
扁舟夜渡海无涛【东坡】 两行吴树翠如烟细酌春醪望晚天千里有家谁恋恋万金无信
益悬悬钟声未断斜阳寺鸿影仍随下水船听得篙人自相语明朝可到钓防边【约斋】 晚
风乘兴出溪边小立斜阳待钓船唤仆去寻賒酒店倩人来认买鱼钱 雨余便涉岭风定穩行
船【翁定】 夜半桥边系小舟黎明登岸雾才收杖藜欲去仍回首忽有渔舫出荻洲【横江
】 闻道江南有归棹自携破篋 江头【王三松】 青灯夜深雨破防晓来风 晚立苕溪溪上
头往来无数采菱舟采菱归去明朝卖安识人间乐与愁【并杜耒】 风掠篷牕两鬓秋生涯
无歲不扁舟吟诗本欲相消遣及到吟成字字愁【杜子野】 移舟泊烟渚日暮客愁新【孟
浩然】 今夜不知何处泊断猿晴月引孤舟【权德輿】 遠岸明残日孤村认小舟篷牕夜雨
短长梦啼鸟唤人新旧愁万里论文一樽

酒醉和明月上扁舟【并子西】

锦绣万花谷后集卷二十六

卷二十七

钦定四库全书

锦绣万花谷后集卷二十七

宫观

藥珠殿元稹诗闲开藥珠殿闇阅金字经

蓝天琼室上有郁蓝天垂光抱琼室【老仙诗】

坛级郑谷诗烟萝诸洞合钟磬上清闻经转扫坛级来事紫阳君

紫防陈陰铿游始兴道馆诗紫防高不极

太防宫太防之宫列真之宇【文选】

仙游馆白氏六帖列仙遊馆 祖所居

银宫太上决疑经银宫金阙列仙攸馆元祖所居灵宫秘宇灵宫秘宇将尊道德之风宜广神仙之术【文选】丹室太洞五经注诀丹室朱火天室馆也

葛仙观信州图经云费长房投杖化龙之所

仙都观建昌军麻姑坛咸平中改名仙都观

都观刘禹锡 由和州刺史入为主客郎中复作游 都观诗且言始谪十年还京师道士植桃其盛若霞又十四年过之无复一存惟兔葵燕麦动摇春风耳酆都观王显咸平中帅定州忽一日有道士通谒自称酆都观主笑则口角至耳谓显曰昨上帝牒番魂二万至本观未敢收按防籍死于公之手公果杀之功冠于世然减公算十年二端请裁之显谓风狂叱之后日契丹引数万骑猎于境防雨弓 不可用显引兵破之斩二万级朝廷以枢相召归赴道数程而卒【玉壶清话】玉真观东坡延生观诗自注云观后上小山有堂玉真公主修道之遗迹则此云小堂者玉真之堂也【按唐景云元年睿宗第八女西城公主第九女昌隆公主并出家为女冠二年西城改封金仙昌隆改封玉真虽长安辅兴坊西南有玉真女冠观而今云有修道之迹宜乎后人为之立堂矣本朝端拱元年十月十八日奉勅赐此名额】舍宅为观天寶九载李林甫等皆请舍宅为观以祝圣帝悅

诗中天积翠玉防遥上帝高居絳节朝遂有冯夷来击鼓始知嬴女善吹箫江光隐见鼉鼉窟石势参差乌鹊桥更有红颜生羽翰便应黄髮老渔樵浩劫因王造平防访古游防云箫史驻文字鲁恭留宫阙通羣帝乾坤到十洲人有笙鹤时过北山头苔蘚山门古丹青野殿空月明垂叶露云度逐溪风【杜甫】道人幽梦晓初还已觉笙箫下月坛风伯前驱清宿雾祝融参乘破朝寒英姿连璧从多士妙句鏘金和八銚已向词臣得颇牧路人莫作老儒防山行似觉鸟声殊渐近神仙简寂居门外长溪容淨足山腰苦笋耿盘蔬乔崧定有藏丹处大石仍存拜斗余弟子苍髯年十八養生世世授遗书石壁高千尺防踪遠欲无飞檐如剑寺古柏似仙都洞府烟霞遠人间爪髮枯飘飘乘到景谁复过遗躯浮云有意藏山顶流水无声入稻田古木防风时起籟诸峯落日尽藏烟【东坡】立鵲低昂烟雨里行人出没树林间独宿澹泊境杳然心事空爱兹清溪月复有三松风内虑苟不息外緣乃无穷能知静默理可与论幽通龙首耸江上嵯峨层城宫仙源暗雾雨石殿鸣松风天际白云起人间神鼎空飘飘见遗像还欲驾防鸿【并张少遇】参差楼阁半天中六月清风百尺松隱约斋坛低晓月五云深处一声钟【尹介叔】紫防高不极清溪千仞余坛边逢药铔洞里阅仙书庭舞经乘鹤池游被控鱼稍昏薤叶敛欲暝槿花疎【陈陰铿】朝莫泉声落寒暄树色同清猿不可听偏在九秋中【皇甫冉】

神僊

五色云母卫叔卿服云母得仙其子名度世徧游山海求见其父一日山中见之与数人博戏坐白石牀度世问博者谁曰洪崖先生许由巢父王子晋也我有仙方在所居柱下度世归掘之得玉函封以飞仙之印乃五色云母也度世服之果仙去

五色烟竈封子为黄帝陶正有人过之为其掌火能出五色烟从则以教封子封子积火自烧能随烟气上下【列仙】

碧落侍郎沈羲将飞升忽有白鹿青龙车羽衣持节以青玉界丹玉版拜为碧落侍郎【神仙】

弄玉吹箫萧史秦人善吹箫秦王有女名弄玉好之遂妻焉教弄玉吹箫作凤鸣有凤至其室乃作凤防居之一夕吹箫凤集乘之仙去乃作凤女祠【列仙传】

八百歲瞳子方李根两目瞳子皆方【仙经云八百歲则瞳子方】二十三处皆见蓊子训有道术至市中诸贵人多邀皆许某日日午当往是日二十三处皆见子训衣服论议如一

落翮山王次仲变篆为 始皇召之不至将杀之次仲化为大鸟振翼而起使者拜曰无以复命恐见诛乃以三大翮墮与使者始皇因名落翮山

枸杞丛下犬朱孺子防事道士王元正居大若岩一日汲于溪上见二花犬相趣因逐之入于枸杞丛下掘之根形如二犬烹而食之忽觉身轻飞于峯上云气拥之而去元正食其余亦得

不死因号童子峯

空中闻打麦王老者村居慕道有老道士造之留月余忽遍身疮痍谓王老曰得酒数斛浸之即愈遂为置酒满瓮道士坐瓮中三日方出须髮皆黑顔如童子谓王老曰能饮此酒可以仙去时方打麦王老全家饮之须臾皆醉忽风动云蒸一时轻举舍屋鸡犬皆去空中犹闻打麦声

乌龙韦善俊携一犬名乌龙后化作龙乘之飞去饭粒成蜂葛 师事左慈与客对食 口中饭皆成大蜂徐徐入口却成饭粒

仙防郎侯道华晨起飞在松顶挥手谢众曰玉帝诏我为仙防郎今去矣【并续僊】

桃核大如斗王防为王屋令常念黄庭经六千遍未了深义罢官絶谷咽气入洞中有嵌室石牀案上古经一轴防再拜曰臣穷入洞天万劫良会今睹 经愿许尘目一披忽有一人曰吾东极真人王太虚黄庭经吾所注授于子复与桃核大如数斗磨而服之愈疾延年子未可此更二十年期防携核与经同归

弹一 琴太真王夫人王母少女每弹一弦琴即百禽飞集时乘一白龙周游四海

一丸泥封户方囿为人所刼闭户室中从求道回化而去更以一丸泥封其户以方面印印之时言得回一丸泥封门户终不可开【列仙】

女笞老翁汉使过河东见一女子笞老翁翁受杖甚恭问之云此妾之子也昔舅氏伯山甫以神方教妾妾使服之不精致此衰老故杖之问其年曰妾一百三十歳儿才七十余耳

徐甲复生老子西度關關令尹喜知其非常人从之问道老子大惊吐舌聃然故号老聃老子耳有三漏手握十文其仆徐甲约日直百钱自云随二百年计欠七百二十万钱甲诣關令索所欠令问老子对曰甲从应死吾以太 清生符救之得至今日使甲张口向地符出丹书文字如新甲立成一聚枯骨令知老子神异叩头请命复以符投骨上甲乃复生【并神仙传】

琅玕树谢 卿遇神仙见丹柯碧叶防风时叩五音相节云琅玕树也又设凤冠粟龙睛稻素麟脂斑螭髓 洲白柰空洞灵 扶桑丹榭清河文藻又有琼 酒桂芸英又弹八琅之璈丛霄之笙洞陰之磬奏元钧歌作回鸾转凤之舞【续仙传】

眉上肉块王守一贞观初自称终南山人王布衣卖药于洛阳市富人柳信惟有一子眉上生一肉块布衣壶中探药一丸 之须臾块破有小蛇突出五色烂然渐及一丈许布衣叱之蛇跃起云雾昏暗布衣乘蛇而去【王氏神仙】

召补仙官丞相王徽侄女防年慕道持经抚琴尝曰洞宫有召命当补仙官题诗曰翫水登山

无足时诸仙频下听琴诗此心不恋居人世惟见天边双鹤飞是夕奄然而终明月双鹤音乐异香满野举形就木空衣而已白云如百尺楼王道真居鬼谷柏防常有白云出防中远望如百尺楼道真常乘此云游戏山顶暮归云亦敛入【并王氏神仙】

小儿诵经开元中文靖天师与司马承祯各就枕忽闻小儿诵经声泠泠如金玉天师窥之承祯额上有小日如钱光照一席逼而听之乃承祯脑中声也【高道】牧童赋诗钟弱翁帅平凉日有一方士通谒从牧童牵黄犊立于庭下弱翁异之指牧童曰道人能赋此乎笑曰不烦我语是儿能之牧童乃作诗曰草铺横野六七里笛弄晚风三四声归来饱饭黄昏后不脱蓑衣卧月明

神僊名义

女吞气三气八十一万亿歳后化生 妙玉女又生后八十一万亿歳后三气变化五色黄妙玉女口仍即吞之八十一万亿乃化从 妙玉女左腋而生生而白首故号为老子【元妙内篇经】

絳雪丹开元中内人赵云容问申元之乞延生之药元之与絳雪丹一粒曰汝服此必死不壤百年复生至元和末百年云容果再生【高道】

五性上元夫人谓帝曰汝好道乎数招方士登山祠神亦为勤矣然汝胎性暴胎性淫胎性奢胎性酷胎性贼五者常舍于荣卫之中五脏之内若从今舍尔五性反诸柔善常为陰德救济死厄不泄精液斋戒勤俭鸣天鼓饮玉浆荡华池叩金梁按而行之当有冀尔今阿母迂大道之重下降螭蛄之窟屈霄虚之灵诣孤鸟之俎子厉之哉

金棺葬狗清虚真人曰黄赤之道混气之法是张陵受教施化为种子之一术非真人之事也吾数见行此而絶种未见种子而得生所谓抱玉赴火以金棺葬狗也道在长養分生紫防夫人曰黄书赤界虽长生之私要实得生之下术非上宫天真流蜎晏景之夫所得言也此道在长養分生而已有懷于淫气兼以行乎隱书者适足以握水官之笔鸣三官之鼓耳

服日餐霞九华真妃曰日者霞之实霞者日之精惟闻服日实之法未见知餐霞之精餐霞之经甚秘致霞之道甚易此谓体生玉光霞映上清之法又曰眼者身之镜耳者体之牖视多则镜昏听众则牖闭妾有磨镜之石决牖之术面者神之庭髮者脑之华心悲则面焦脑减则髮素所以精元内丧丹津损竭妾有童面之经还白之法精者体之神明者身之寶劳多则精散营竟则明消妾有益精之道延明之经

神形如车马太虚真人曰观神载形时亦如车从马车败马奔亡牵连一时假衰世莫识此但是惜风火种罪天纲上受毒地狱

人死适太陰若其人暂死适太陰权过三官者肉烂血沉而犹五脏自生白骨如玉七魄营侍

三魂守宅三元权息太神内闭三二十年随意而出収血育肉生津成液复质成形滕于未死之容真人链形于太陰易貌于三官者此之谓也

隱谷虫得道者皆隱谷虫之法而见三尸之术谷虫死则三尸枯三尸枯自然落矣

九患学道者有九患有志无时有时无友有友无志有志不遇其师遇师不觉觉师不勤勤不守道或志不固固不能从皆人之九患也

吐死气取生气欲为道者口常吐死气取生气慎笑节语常思其形

服术叙紫防夫人服术叙云察草术之速益于已者并不及术术气则式遏鬼津益血生脑逐恶致真守精卫命古人名为山精之卉山姜之精太上遵仙铭曰子欲长生当服山精子欲轻翔当服山姜

防爱欲根青童君曰人之为道能防爱欲之根者如掇悬珠一一掇之会有尽时稍去外恶会有尽时尽则得道矣

小儿贪刀刃蜜紫防夫人曰为道者譬持火入防室中其防即灭而明独存财色于已如小儿贪刀刃之蜜其患不足美口即截舌之患

学道如弹琴太上真人问人曰子尝弹琴弦缓何如答曰不鸣不悲又问弦急何如曰声絕而伤悲又问缓急得中何如答曰众音和合八音妙奏矣真人曰学道执心调适亦如弹琴道可得矣

穿井学道如穿井形愈深而去土愈难运出当披其心正其行乃见泉源

栳髮呪栳髮呪曰泥丸元华保精长存左为隱月右为日根六合清链百神受恩呪毕咽液三过能常行之髮不落而日生经曰理髮欲向王地

服日月东华真人服日月之象男服日象女服月象一日不废使人聪明五脏生华太虚真人曰以月五日夜半存日象在心日从口入使照一心之内

存日月青牛道士口诀暮卧存日在额上月在脐上辟千鬼万邪致玉女来降

真人和六液学生之法不可泣淚及多唾泄是以真人常吐纳咽味以和六液

五卯之日甲寅庚申是尸鬼竞乱精神躁秽之日夫妇不可同席当清斋不寝凡五卯之日当斋心存神念炁常如此者玉女降侍

诗朝遊北海暮苍梧袖里青蛇胆气龔三入岳阳人不识朗吟飞过洞庭湖
饮海 儿人不识烧丹符子鬼难看一粒粟中藏世界二升铛里煮山川 三千里外无家客七
百年前云外身行满蓬萊为别馆道成瓦砾是黄金待賓榼里常存酒化药炉中别有春积德
求师何患少由来天地不私亲 欲整锋铓敢惮劳凌晨开匣玉龙嗥手中气岸冰三尺石上精
神蛇一条奸血暗随流水尽凶膏今逐渍防消消除浮世不平事与尔相将上九霄【并吕洞
賓】华山高处是吾宫出即凌空跨晓风台殿不将金鎖闭来时自有白云封 三峯千载客四
海一闲人【并陈图南】仙术每将丹诀解史才曾把逸书删家僮只有猿随从坐客惟闻鹤
往还处士星孤轻世俗大夫松好贱官班碁残夜石秦云断琴彻秋岩蜀月弯【孙隣防】洗
砚鱼吞墨烹茶鹤避烟闲惟歌圣代老不恨流年【魏仲先】尝恨清风千载郁洞天今得恣
游遨松楸古色玉坛静鸾鹤不来青帝高茅氏并寒丹已化 宗碑断梦仍劳分明有个长生
路休向红尘叹二毛【许坚】宿植灵根何太早洞悟真风何年少常令丹海飞日乌又使玉
液朝元脑昆防气 四时春紫府光陰夜如晓来时不用五云车跨着清风下蓬岛【崔存】
谁人能识白元君上士由来尽见闻避世早空南火宅植田高种北山云鸡能抱卵心常听蟬
到成形殼自分学取大罗些子术免教松下作孤坟【伊用昌】省悟前非一息间更抛人世
弃尘寰徒夸美酒如琼液休恋娇娥似玉顏含笑谩教心思苦别离还使鬓毛斑云中幸有堪
归路无限青山是我山 何用烧丹学驻顏閤非城市静非山时人若覓长生药对景无心是大
还【马自然】肘 丹篆千年术口诵黄庭两卷经鹤观古坛槐陰里悄无人迹户常扃【吕
仙翁】下瞰虚空临絶涧上排云雾倚山颠四边絶险无猿鸟独卧深云二十年【率子连】
千寻练带新安水万仞花屏问政山自少云霞居物外不多尘土到人间壶悬仙岛吞丹罢碗
浸星宫呪水闲容易煮银供客用辛勤栽果与猿攀溪童乞火朝敲竹山鬼聽琴夜撼 花气
熏人香馥馥涧声聆耳响潺潺早晚重逢萧坞客愿随芝蓋出尘寰【聂师道】手种一株松
未老炉烧九转药新成心中已得黄庭术头上应无白髮生【寤公】青山云水窟此地是吾
家后夜流琼液凌晨咀絳霞琴弹碧玉调炉炼白朱砂寶鼎存金虎元田養白鷗一瓢藏世界
三尺斩妖邪鮮造逡巡酒能开顷刻花有人能学我同共看仙葩【韩湘】翠羽旌幢仙子队
紫云楼阁玉皇家人间风雨易分散回首武陵空落花【王世寧】

道士

三景法師太上八素真經曰凡道三景稱三景弟子已度三人付師友已后 授得稱三景法師

琼华真人华阳公主大曆七年以病丐為道士号琼华真人

名在丹台紫阳真人周季道入防山遇姜門子再拜乞長生訣姜門子曰名在丹台玉室中何
忧不仙【并六帖】幽逸之人周穆王尚神仙因尹真人草樓之觀遂召幽逸之人置為道士
【樓觀本記】

冠章甫衣黃衣稷丘公者太山下道士漢武帝東巡狩乃冠章甫衣黃衣拥琴來迎【列仙
】

父母师友陆法师曰凡道士道德为父神明为母清静为师太和为友大戒三百以杜未兆之祸威仪三千以兴自然之福

朱篆八字后唐清防中进士庞式于嵩阳观聚课有薛学士者因上山采樵次见道士五人曳轻罗羽帔身长大欲携此子同去薛辞之乃褫其褰背上朱篆一行八字道士乘虚而去薛归观话其事无有识其篆者【比梦言】仙阶之秀陈子昂颂尊师有弟子十人并仙阶之秀句曲山种果秦孝王时道士周大真住句曲山下种五果也【真诰】

梦遊帝居贺知章病梦遊帝居数日寤乃请为道士还乡里【六帖】

诗苍苍五老雾中坛杳杳三山洞里官手防昆仑象牙简心推霹雳枣枝盘春飞雪粉加毫润晓漱琼膏冰齿寒渐恨流年筋力少惟思露冕事星冠【包佶】偶逢蒲家郎乃是葛仙客行常乘青竹饥即煮白石腰间嫌大组心内保尺宅我愿从之游深山鑱玉液【令狐楚】一别高人世事多归山岐路转蹉跎定知上药延衰齿每忆谈養太和任道人生如梦寐也从时态起风波锦囊真篆遥相许只待飚轮更一过【徐】道术曾留意先生早击防家家迎蓊子处处识壶公长啸峨嵋北潜行玉垒东有时骑猛虎虚室使仙童【杜甫】相逢岂偶然标格是神仙角弁裁秋顶筇枝阁暮肩结茅休买地跨鹤合冲天莫讶长耽酒曾权子母钱【孙向】至今步虚象犹有孤飞鸾幽幽古殿门下压浮云端万丈水声落四时松色寒【窦参】乘龙控鲤真吾偶化石烧金即我曹尘世混来名异迹蓬山思去梦魂劳吟依古栢天风断啸近仙坛海月高九转丹成颜愈少髮胜纯漆脸胜桃【张希顔】防度题书寄入山不知何处得书看莓苔石上秋吟远星斗坛中夜拜寒白鹤有名呼即至黄金无用化非难忆师便欲寻师去芝术栽成尽可飡【赵紫芝】

道语斋戒以享上帝夙罄精诚陰隲而福下民竚垂善应
忝造化炉中之物咸与为春戴生成宇内之天其宁惟永
琅函藁笈披三洞之秘文绛节霓旌延九霄之飞驭惟德动天敢自忘于惕厉大钧播物实仰赖于涵容作善降祥有高天之在上致诚不息如皦日之难欺
灵坛芬席备三日之彝仪丹篆朱章罄一心之悃欵虽亦有禱于三清惟乞无灾之二字自顶至踵诚知报塞之难由身及家举赖扶持之赐【并通用】炳炳台符祥应诞弥之月昭昭天鉴筭增有永之年敢输所禱之诚更瀆蓋高之听伏愿壽齐南极福比东溟与国同休翊宗社无穷之秘锡公纯嘏伴蓬壶不老之仙少而壮壮而老固物理之盈虚诚则着着则明本人情之清静俯殫悃悃仰达穹苍属逢孟夏之辰复届始生之月敢陈菲荐上瀆高真尔壽尔昌皆本自天之祐将安将乐上祈覆物之仁蓬矢门闌载遇始生之旦藁珠宫阙从依至道之宗将俯诞辰恭脩醮会奏诸天之隱韵讽太上之真詮绛笔书词防拜章于玉阙银编铸简愿益筭于金房【并生日】圆穹垂佑非求报于有生庶类防休合知归于洪造
天道好生实赋形之攸自人伦欲续荷所悬之必从大德曰生已协熊罴之梦至诚无息敢倾蝼蚁之心比临蓐以懷忧輒望云而请命亟赖乾坤之孚佑肆令母子之欢康爰举真科用酬丕祝以嗣以续幸家世之有难终难穷庶年龄之未艾【祈嗣】斋戒以事帝既殫精意之诚忱疾痛则呼天蓋出人情之迫切陰阳为寇一身难保于至和祸福无门万化悉由于真宰

方习是知非而有请宜赦过宥罪以无私

陰阳之升降偶失其序脾肺之逆顺不相宜和或者星宫之所加临意其运歷之有会 誓勤犬马之余生图报乾坤之大赐【祷病】农心悯雨深懷失业之忧吏职承流敢惮责躬之请雨泽应期顾解 文之坼秋成有望可占鱼梦之祥 惟天地实民父母忍赤子之渴饥虽山川能出风云必有司于号令兴油云一瞬之间注甘雨四天之下 鹤鸣九臯上云霄而犹闻蚁居大泽知陰雨之方来蓋蠕动之惨舒皆范围于覆载民之苛瘠帝实矜怜 木饥火旱虽關冥数之推移金简玉书能拯含生之疾苦旱当七八月之间比殫防祷雨既三五日以往仰荷灵休有开必先无德不报庸即琳宫之宇聿遵琼简之科

五穀皆熟必不害于垂成三日为霖即可书于大有 仰祈昭鉴俯佑下民和气致祥五一风而十一雨大田多种千斯仓而万斯箱【并祈雨】山海暝冥叹朝隲之靡间里间昏垫忧暑湿之交侵诵琅函参翠蓋之游啓金篆导华旗之密

百谷既登收获仅同乎防至三霖不止浸淫将害于秋成载严薰席之陈仰格真綦之御 九月筑圃方欣南亩之归三日为霖或作西成之害天不言而善应民所欲而必从噫噫其陰蠢尔一时之孽杲杲出日欢然百里之和帝意何私人心易感谨输丹悃上渎紫霄神之格思仰九霄而难报物其多矣庶万庾以咸登【并祈晴】无父何怙可胜痛割之情谓天蓋高俯听忱恂之悬霓旌接引诣蓬莱三岛之中仙驭资陪处瑶林九霞之上

科 黄宅会特啓于九幽魂度朱陵身必超于十极 帝心简在虽祸福之无门天数莫逃信生死之有地朝露既晞重叹色身之幻遗风犹在恍存心目之间衔哀在疚曷胜莪蓼之懷沥血设诚用展苹蘩之洁 緑章尽彻黒簿尽除

仗兹清浄之縁破乃昏迷之障三清上圣曲垂赦过之恩十极高真同赐度生之力

玉京金阙步八景之烟霞圆峤方壶啸一天之风月

惟皇上帝道之尊德之尊凡厥庶民生由是死由是

死生有定子不能为其亲私穷苦方深天尚或从于人欲【并追荐】

锦绣万花谷后集卷二十七

卷二十八

<子部,类书类,锦绣万花谷

钦定四库全书

锦绣万花谷后集卷二十八

寺院

三百六十寺西湖天下景游者无愚贤浅深随所得谁能识其全三百六十寺幽寻遂穷年所至得其好心知口难 【东坡诗】

大众出家寺在摩竭陀园无忧王造小乘大众出家寺也佛灭后众多名德比丘皆住鸡园

天竺寺茅山天竺寺诗一山门作两山门两寺元从一寺分西涧水流东涧水南山云起北山云前台花发后台见上界钟清下界闻遥想吾师行乐处仙花桂子落纷纷 【本集】

山谷寺舒州皖公山三祖璨大师道場即山谷寺有石牛洞其石状牛因以为名钱神同安志云初李伯时画黄鲁直坐于石上鲁直因自号为山谷老人

慈恩寺西京杂记西京外郭城朱雀街东第三桥皇城之东第一街进业坊隋无陋寺之故地武德初废贞观三十年高宗在春宫时报其母文德皇后为之祈福即其地建寺故名慈恩南院临黄蘗竹木森 为京城之最西院浮图六级高三百尺永徽三年沙门元奘所立浮图内有梵本诸经数十匣浮图前东堦立太宗皇帝撰三藏圣教叙及高宗皇帝述圣记二碑并褚遂良书中和中中书舍人李肇国史补进士既捷列名于慈恩寺塔谓之题名

清凉寺王维好佛故字摩诘惟致高遠得宋之问别业山水絶胜今清凉寺是也

金山寺寺在镇江府 子江寺记云金山旧名浮玉唐有头陀断手以建伽蓝忽一日于江获金数镒表闻因赐名金山寺

招提寺六帖云招提寺名增辉记招提者梵言拓闢提奢唐言四方僧物后人写之误以拓为招又省去闢奢二字只称招提只今十方寺院是也 【杜少陵诗注】 又诗云已从招提游更宿招提境

伽蓝僧史后魏太武帝始光元年创是伽蓝为招提之号隋大业中改天下寺为道场至唐复

诗野寺江天豁山扉花竹幽野寺残僧少山园细路高云薄翠微寺天青皇子陂

寺忆曾游处桥怜再渡时 花浓春寺静竹扫野池幽【并杜甫】汲水僧归林下寺待船人立渡头沙【唐诗】乱飘僧舍茶烟湿密洒歌楼酒力微【郑谷】扁舟又截平湖去欲访孤山支遁林 欲穷风月三千界愿化天人百亿躯【并东坡】南朝古寺几僧在北岭空林惟鸟归莎径晚烟凝竹坞石池春色染苔衣【刘沧】树影中流见钟声两岸闻【张祐】三间茅屋无人到十里松门独自游【贯休】五度金莲出世来法堂重向石泉开水边猿鸟寻前侣石上松杉认旧栽黄印使君精晓供紫云禅客立香台人 朱顶千年鹤昨夜辽东柱上回【城山石泉寺】黄叶前朝寺无僧寒殿开池晴 出曝松暝鹤飞回古砌碑横草阴廊画杂苔禅宫亦消歇尘世转堪哀【司空曙】隔 栖白鸟似与镜湖隣月照何年树花逢几世人岸莎青有路苔迳绿无尘愿得依容止僧中老此身【卢纶】二三踈竹夏无暑一两残僧昼掩门【斯庵】僧依白玉镜中住人在金鳌背上行【金山寺丛话】海边楼阁梵王家一水横桥一路斜密竹弄风敲璧玉恁松摩日起龙蛇岩猿绕槛偷秋果石鼎临 煮露芽中有高僧倦迎送白头无事老烟霞 红檐青瓦院西隅隔断尘寰一事无兔弄半光来佛案月收斜脚入茶炉帘垂讲磬秋声远门掩吟灯夜影孤见说虎溪流水急不劳禅侣酒重沽【并城山】不到峯前寺空来渭上村此亭聊可喜修径岂辞扞谷映朱阑秀山含古木尊路穷惊石断林缺见河奔马困嘶青草僧留荐晚飧
山僧岂知此一室老烟霞【并东坡】空潭闻鹿饮疎树见僧行
野寺垂杨里春畦乱水间树密当山径江深隔寺门霏霏云气重闪闪浪花翻

不复知天大空余见佛尊时应清盥罢随喜给孤园【杜甫望兜率寺诗】涧竹欲萌烟蕨菜不妨招饮野僧家从今相遇几日事更试南 谷雨茶 谁忆僧 岑寂处衣寒庭际月清光梨花雪白柳条青山寺楼台展翠屏 占寺长廊院里行云房处处称幽情明 净榻无人到卧听春禽百种声【并江西】宿雨初收草木浓羣鸦飞散下堂钟长廊无事僧归院尽日门前独看松【李涉】身寂心成道花闲鸟自啼细泉松径里返照竹林西【皇甫曾】清晨入古寺初日照高林竹径通幽处禅房草木深【常建】鸣磬夕阳尽卷帘秋气来名香连竹径清梵出花台【韩翃】松竹闲僧老云烟晚日和寒塘归路转清磬隔微波【李嘉祐】薄暮绿西峡停桡一访僧鹭巢横卧柳猿饮倒垂藤水曲岩干叠云重树百层山风寒殿磬溪雨夜船灯【许浑】寺门高开洞庭野殿脚插入赤沙湖五月寒风冷佛骨六时天乐朝香炉地灵步步雪山草僧宝人人沧海珠塔劫宫墙壮丽敌香厨松道清凉俱莲花交响共命鸟金榜双回三足鸟 灯无白日布地有黄金【杜甫】名山极历览胜地殊留连幽崖耸绝壁洞穴泻飞泉金河知证果石室乃安禅夜梵闻三界朝香彻九天山阶步皎月涧户听凉蝉【江总】云表金轮见檐端画拱明塔疑平地涌盖似积香成【萧慤】层台耸灵鹫高殿迓阳乌暂同游阆苑还类入仙都三休开碧岭万户洞金铺摄心磬前礼访道把中虚遥瞻尽地轴长望极天隅白云起梁栋丹霞映拱栌【孔德绍】

佛祖

金棺内现双足第一祖迦叶世尊入般 槃迦叶至双林树间悲恋号泣佛于金棺内现双足

五百仙人至第二祖阿难梵语阿难陀此云欢喜如来阿闍王见阿难于常河中流将入灭雪

山五百仙人飞空而至阿难为说法须 五百罗汉为诸仙人出家受具阿难踊身虚空作十八变

性十七身十七第三祖商那和修者化縁既久得扰波毬多为给侍因问曰汝年几耶荅曰十七师曰汝身十七耶性十七耶荅曰师发白耶心白耶师曰我但发白非心白耳毬多曰我身十七非性十七也和修知是法器遂为落发偈曰非法亦非法无心亦无法说是心法时是法非心法

三尸化华□第四祖优婆毬多随方行化魔宫震动波旬竭力以害正法密持瓔珞伺尊者入定縻之于颈尊者取人狗蛇三尸化为华□以酬波旬大喜引颈受之即变三种臭尸波旬尽其魔力不能移动四祖化导最多每度一人以一筹置石室纵十八时广二十时充满其末后得提多迦乃付大法眼藏【并景德传灯録】

寶山泉涌五祖提多迦初生梦寶山泉涌日从屋出照耀天地四祖曰寶山者身也泉涌者法无尽也日从屋出者入道之相也照耀者智慧超越也

愿霑甘露味七祖婆深密者忽一智者自称难提曰与师论义师曰仁者论即不义义即不论若拟论义终非义论难提知师义胜即曰我愿求道霑甘露味

处胎六十歳九祖伏防密多有长者携一子来曰此子处胎六十歳因号难生

龙魔随灭十二祖马鸣大士忽见女子说偈曰稽首长老尊当受如来记今于此地上宣通第一义师曰将有魔来即一金龙震动山岳师俨然于坐魔事随灭遂复本形曰我名迦毗摩罗化巨海极为小事师曰汝化性海得否曰我未尝知师云山河大地皆依建立三昧六神通由兹发现迦毗遂发信心与徒众三千俱求剃度师乃付法

蟒住石窟十三祖迦毗摩罗入山逢大蟒盘绕师身师受三归依蟒化为素服老人曰我昔为比丘有初学数来请益我烦于应答起嗔恨想命终堕为蟒身住是石窟千载适闻戒法故来谢耳又曰北有大树防覆五百大龙树王名龙树为龙众施法尊者既与度脱

梦吞明珠而孕二十一祖婆修盘头其母初梦吞明暗二珠而孕有一罗汉曰汝当生二子一即祖师一即刍尼

开手奉珠二十四祖师子比丘有长者引童子见师曰此子当生便拳左手今既长矣终未能舒愿闻宿因师即以手接曰还我珠来童子遽开手奉珠师曰吾前为僧有童子婆舍吾赴西海斋受衬珠付之今见还矣遂为法嗣

百鸟衔花金陵牛头山法融禅师少通经史叹曰儒道世典非究竟法般若正观出世舟航遂投师落发入牛头山有百鸟衔花之异【并 灯録】

浮图名议

涌金莲花释迦佛生刹刹王家放大智光明照十方世界涌金莲花年十九欲出家夜有天人
名淨居于牕牖中义手曰太子言出家时至乃于檀特山中修道郁头蓝佛处学非非想于二
月八日明星出时成佛号天人师住世四十九年将金缕僧迦黎衣 法与摩诃迦叶说无常
偈曰诸行无常是生灭法生灭灭已寂灭为乐诸弟子以香薪茶毗之烬后金棺如故高七多
罗树往返空中化火三昧得舍利八斛四斗世尊灭后一千七百年永平中教至中夏

安心偈慧忠禅师有安心偈曰人法双淨善恶相忘直心真实菩提道

卧轮偈卧轮禅师偈云卧轮有伎俩能断百思想对境心不起菩提日月长六祖曰此偈未明
心地因作偈曰慧能没伎俩不断百思想对境心数起菩提作麼长饥来吃饭困来眠大珠慧
海禅师或问和尚修道如何用功师曰饥来吃饭困来即眠曰一切人总如是同师用功否曰
不同他吃饭时不肯吃饭百种须索睡时不肯睡千般计较所以不同也

枯木偈大海山法禅师有偈曰摧残枯木倚寒林几度逢春不变心樵客遇之犹不顾郢人那
得苦追寻两虎侍者潭州华林善觉禅师观察使裴休访之问有侍者否师曰有一两个乃唤
大空小空二虎自庵后出师曰有客且去二虎咆哮而去休问作何行业感得如斯师曰山僧
常念观音

师唱谁家曲首山省念禅师有僧问师唱谁家曲宗风嗣阿谁师曰少室岩前亲掌视僧曰更
请洪音和一声师曰如今要得大家知

选佛场丹霞天然禅师初习儒将应举道遇一禅客问仁者何往曰选官去禅客曰选官何如
选佛曰选佛当往何所曰江西马大师出世此选佛场也师往见马祖乃令参南岳石头

云在青天水在瓶药山惟俨禅师朗州刺史李翱问如何是道师曰云在天水在瓶翱作偈曰
鍊得身形似鹤形千株松下两函经我来问道无余话云在青天水在瓶翱问如何是戒定慧
师曰太守欲保任此事直须向高高山顶坐深深海底行闺阁中物割舍不得便为渗漏师一
夜登山大笑翱赠诗曰选得幽居惬野情终年无送亦无迎有时直上孤峯顶月下披云笑一
声日遣十饼龙潭崇信禅师卖饼家子也悟尚尚居天皇寺师日以十饼遗之悟尝留一饼曰
吾惠汝以防子孙师自念曰饼是我持来何反遗我遂问焉悟曰是汝持来复汝何咎师晓
防遂请出家一日问心要悟曰任性逍遥随縁放旷但尽凡心无别胜解

切忌道着道吾山圆智禅师药山问何处来曰遊山来药曰速道将来曰山上鸟儿白如雪涧
底遊鱼忙不彻药山曰智不到处切忌道着师见云岩不安曰离此殼漏子向甚麽处相见岩
曰不生不灭处相见师曰何不道非不生不灭处亦不求相见

办愚痴斋良价禅师既坐化其徒号恟师复开目曰劳生息死于悲何有召主事僧令办愚痴

斋一中责其恋情延至七日食具方毕端坐而逝

路逢猛虎云居禅师道简有僧问路逢猛虎时如何师曰千人万人不逢偏汝便逢问孤峯独宿时如何师曰闲着十间僧堂阿谁教汝孤峯独宿

汝不是我同流天台寒山子以桦皮为冠曳大木屐时来国清寺就拾得取众僧残食菜滓食之丰干禅师曰汝与我遊五台即我同流若不去非我同流曰我不去丰干曰汝不是我同流寒山却问去五台作什麼曰我去礼文殊寒山曰汝不是我同流【并 灯録】

僧

船子和尚华亭船子和尚于华亭吴江泛小舟时号船子和尚

和尚家风守清禅师有僧问末后一句师曰尘中人自老天际月常明问如何是和尚家风曰一瓶兼一鉢到处是生涯问佛法大意曰扰扰匆匆晨鸡暮钟

杖荷布囊布袋和尚形材腴腰 额蟠腹以杖荷一布囊供身之具尽贮囊中入市见物辄乞或醯盐鱼菹才接入口分少许投囊中白鹿和尚问如何是布袋师便放下布袋又问如何是布袋下事师负之而去

临刑偈僧肇法师遭秦主难临刑偈曰太元初无主五陰本来空将头临白刃犹似斩春风【并 灯録】

取莲花勿取臭泥高僧 鳩摩罗什姚主以妓女逼令受之乃自讲说譬如臭泥中生莲花但取莲花勿取臭泥

乘木杯渡河杯渡者不知其名姓常乘木杯渡河因名焉不修细行不甚精持饮酒食肉与俗人不殊【高僧 】心若死灰高僧嵬戒行严洁尝有一女子寄宿自称天女以上人有德天遣我来劝勉其意嵬执意贞确一心无扰曰吾心若死灰无以革囊见试女乃凌云而逝顾曰海水可生须弥可倾彼上人者秉心坚贞

呪水生莲佛图澄妙通 术腹傍有孔当斋时至流水侧引五脏洗之还内腹中取鉢盛水烧香呪之生青莲花

食针罗什不拘细行诸生故多效之什乃聚针盈掬食之诸僧尽皆愧服也

日夜诵经九函东川解魔寺僧吉祥魁梧多力受饭五鉢日夜诵经九函池中鱼知其数以名召之皆出水面使去即没【蜀普録】

诗巫山不见庐山远松林兰若春风晚一老犹鸣日暮钟诸僧尚乞斋时饭香炉峯色隱晴湖
种杏僊家近白榆飞锡去年帝邑子献花何日许门徒【杜甫】瓶残秦地水锡入晋山云秋
月离喧见寒泉入定闻【贾岛】尽日行方到何年独此林客归惟鹤伴人少似师心坐石落
松子禅牀摇竹陰山灵怕惊定不遣夜猿吟去扫东林下闲持未遍经为山低凿牖容月席开
庭旧业云千里生涯水一瓶还应覓新句看雪倚禅局【并薛能】溪声便是广长舌山色岂
非清淨身夜来八万四千偈他日如何举似人

碧玉盃盛红玛瑙井花水养石菖蒲也知法供无穷尽试问禅师得饱无
问禅不契前三语施佛空留丈六身老去山林犹梦想雨余钟鼓更清新
荐福老懷真巧便淨慈两本更尖新凭师为作鐵门限准备人间清话人 优鉢昙华岂有花问
师此曲唱谁家已从子美识桃竹更向安期覓枣 晏坐林间时有虎高眠粥后不闻鷄胜遊
自古兼支许为采松脂寄一车 骑驴覓驴真可笑以马喻马亦成痴一天月色为谁好二老风
流各自知【东坡】尘机息尽一真僧惟有林泉舍未能莲社故人今暂别稽山旧隱与谁登
时清岂觉前遊改道胜宁辞白髮增遥羨高斋吟望处孤云野鹤是亲朋【徐骑省】去路余
千里行行雪洒衣诸峯何日别一锡犯寒归夜宿谁闻磬晨斋自采薇遥知到禅宇猿鸟共开
扉【孙汉公】

梵语神威不测早回从物之仁佛力无边愿效知恩之报
天道虽遠其听甚卑神居无方有求必应 如来大藏起于四十二章过去妙心流出万二千卷
龙天释梵水陆空行遊戏神通恭敬围绕 是观非观如水中月是音非音如谷中声
广上中下三乘之教化千百亿无量之身 辄具萃繁之荐仰伸葵藿之心
瞻玉毫之妙相启贝叶之真文 启龙宫之华藏建鷲岭之道场陈金刹之淨筵敷竺干之妙道
愿行行坐坐归依佛归依法归依僧觐世生生遠離财遠離酒遠離色【并通用】孙又生
儿乃有移山之志老而无子难忘济 之忧辄伸一念之微仰叩九重之防
顾惟庸陋实忝继承虽凭祖考之休未衍子孙之庆 达旦炷香望高祿而致祷迎春剪防詣圣
母以投诚粲然兰陰冀回寒谷之春籍甚具文爰谨柏庭之荐 愿回昭鉴俯纳防诚防登九寸
遇老嫗之授符列环四枚感黄衣之献玉【并祈嗣】素非丘祷立动九重申以齐禳仅逃再
谴 众生困苦之中但知呼佛诸圣慈悲之故常善救人惟罗汉之慈悲受释迦之付嘱
惟祈禳之有典非妙湛之罔依既不胜于幽悃辄仰叩于真乘
延供十方之众祓除六疾之灾指日有瘳介祥无量 養生无术嬰疾有年冀消多劫之愆须仗
一乘之教清淨少恼常居福德之乡安乐延年重覩升平之世【并祷病】如惔如焚正渴云
霓之望是穠是蓂久罹旱暵之忧 慧云垂润本无间于羣生旱气为灾虑有伤于百谷金风扇
德品彙收功火日 暉歷旬不雨泽既愆于久望功将壞于垂成慈悲救物立愿 深方便济
人运心广大倘竭至诚

之恳必彰善应之功矧此邦膏泽之久愆岂我佛深仁之弗顾慧云遍施法雨普沾回此亢阳
之甘泽油然作沛然下遂成三日以为霖陰无伏阳无愆未闻四月之不雨 风凄凄雨祈祈
不失三时之务苗芄芃稷薿式寬千里之忧【并祈雨】害粢盛而作淫雨方以为忧披云
雾而覩青天伊谁之力
天多淫雨将中败于西成民有肃心敢上干于北极愿斡回天之力潜施馭日之功

破頑陰于四極瑩麗日于九霄 开昱昼昱夜之輝式蘇万物发如坻如京之咏爰慰三農佛日
當空肅羣陰而屏伏秋風斂穰慶萬畝以收成【并祈晴】 苦海弥天佛為彼岸業風鼓蕩法
是慈航 父严遽弃怱已改于新年母慈大违痛又臨于讳日死生分定应同露電之觀父子情
鍾尚懷駒犢之愛 昔嘗逮事荷莫報之劬勞今属讳辰未忘哀于防漠是故諸佛開眾生方便
之門自然一念証無上菩提之果 人生易失俄經六七之光陰佛慧難窮愿照三千之世界
属臨讳日敷宣多貝叶之文只叩真乘瞻礼仰蓮花之座
夜台寂寂幽明遽隔于七旬法界恢恢煩惱頓超于六道感天棘之甚勞叹蓼莪之罔報
痛惟罔極之恩爰設無遮之防
聞圓音于玉毫之前受秘策于琼章之上佛土三千界親礼世尊玉京十二樓遍遊仙境
受生樂國咸知先佛之言余庆流宗永錫后昆之庆【并荐亡】

锦绣万花谷后集卷二十八

卷二十九

钦定四库全书

锦绣万花谷后集卷二十九

奇恠

李积化为虎唐李俨为御史奉使岭表路出荆南驿吏曰溪曲有虎可由山后路行俨曰吾衔王命避虎何也鞭馭而去有虎跃出返入伏草中曰几伤吾故人俨识其声是其友李积也问曰君何由至此虎曰昨病发狂走入山谷间化为虎自是见冕而趋者翼而翔者毳而驰者皆搏而啗之向有一妇人银握臂吾衔致水下此去百步君过则取之遗吾家吁食其人而取其物以遗妻子非人所为今日吾倒行逆施耳俨曰君平生得无有自恨乎虎曰吾尝私孀妇其家常有害我心吾因醉一家尽杀之而去此为恨耳俨上山未定见巨虎大吼声震林木而去

人道鱼身张守信泊舟新开湖夜有渔者举网得鱼近百斤自腰而下鱼也腰上乃美妇人守信酌酒饮之面益红美或取汤一杓饮之急喷去似伤夺热也舟人曰杀之不祥复还之深水其鱼合掌人言曰劫火未壞人首鱼身昔为东鲁太史今作泊水小君投我以酒固以为感沃我以汤斯亦不仁

进士吕口杨愿监都下仓有通谒云江州进士吕口既是投短启曰幽室微光寒泉涸滴杨谊之庖屡空孔绪之车何适愿曰孔绪之车何故事也其人曰杨三杨三汝杨迈之孙杨中之子孔绪之事何必问也愿怒欲系之其人溘然仆地惟露幞头巾子愿遽鋤之化为大防走入仓下

独眠孤馆广州押衙崔庆成辖香药纲诣内库抵皇华驿舍夜见美妇人曰今日见君君必有疑今日舍君我宁不悔俟君回辕别图后防掷书云川中狗百姓眼马扑儿御厨饭泊还不敢宿皇华寓宿旅邸前妇人来曰今日之事可谐否十二字能辩否庆成不对因命青衣进酒终不举钱乃作诗云妖魄才魂自古灵多情心胆似平生知君不是风流物却上幽原怨月明青衣曰小娘子尝养鹦鹉十余年今不言今其验乎妇人叹曰是矣乃作哑鹦鹉诗云雕笼驯养许多时终岁曾无一句词深恨化工情太误因何偏与好毛衣掷纸于地灯火俱灭丁晋公尝见十二字曰川中狗蜀犬也独字百姓眼民目也眠字马扑儿子也孤字御厨饭官食也馆字乃独眠孤馆四字【并摭遗】

上清童子岑文本山亭避暑有叩门云上清童子元寶参奉冠青圆角冠衣浅青衣自汉得果成本生于吴得不凝滞之道又语以汉魏间事了如目睹问冠帔乃曰仆外服圆而心方正此是上清五铢服也又天衣六铢尤细五铢也出门数步墙下不见文本掘之一古墓中惟得一

古钱文本方知上清童子铜名元寶钱文也外圓心方正钱之状也青衣铜衣也五铢服亦钱文也此乃汉朝所铸也文本自是钱帛日盛至中书令忽失古钱岑遂薨矣【博异志】

废宅三怪姚康成夜宿废宅遥见三人入廊房内赋诗一人细长而黑吟曰昔日炎炎徒自知今无烽灶欲何为可怜长柄今无用曾见人人未下时一人细长面多创孔吟曰当时得意气填心一曲君前直万金今日不如庭下竹风来犹得学龙吟又一人肥短须发散垂吟曰头焦鬓秃但心存力尽尘埃不复论莫笑今来同腐草曾经终日扫柴门明日寻之见鐵铍子一柄破笛一管秃黍稷箒而已【灵恠集】

塚中续诗郑郊河北人举进士第游陈蔡间过一塚上有竹二竿青翠可爱因驻马吟曰塚上二竿竹风吹常裊裊久不能续忽闻塚中言曰何不云下有百年人长眠不知晓郊惊问之不复更言矣【集异记】

吉兆

梦甲马飞空唐高祖将举义师夜梦身死坠牀下为羣蛆所食智满禅师曰公得天下矣且死是毙也坠牀是下也陛下至尊之象也羣蛆所食亿兆趋附也又梦甲马无数飞满空中曰是公身中之神言讫飞入帝身觉而召太宗曰吾事济矣

朱衣吏跃出元稹在私第独坐有朱衣吏跃出曰相公今日登庸言讫趋出命左右追之咸曰无人入朝果有制命数月又见朱衣吏云今日罢相迟明报出中书省梦柳仆地柳宗元自永州司马召至京师诣卜者闻命曰余柳姓也昨梦柳树仆地其不祥乎卜者曰生则柳树仆则柳木二者牧也君其牧柳州乎卒如其言梦昇棺入堂李逢吉有婢梦有一人昇棺至堂后云且置在地不久移入堂中俄除中书舍人后知贡举未毕而入相【并纪异録】

蜗迹成天字睿宗为冀王日壁间蜗迹成天字后即位雕玉铸金为蜗形置道释像前【酉阳杂俎】

鼻中龙虎气交王庭湊生于别墅有鸠数十朝集庭树暮宿檐下尝寝于途有人自云济源骆山人见君鼻中之气左如龙右如虎龙虎气交王在今秋子孙相继满一百年大树及堂是其兆也是年果为镇州三军立为留后归别墅而庭树婆娑矣

梦幡飞指刘仁恭微时梦佛幡于手指飞出或曰君年四十九必有旌幢之贵果然【并北梦言】

臣蛇食藤花明皇微时至洛阳令崔日知宅崔设饌未熟明皇因寝庭前一架藤花初开日知见巨蛇食藤花逡巡不见明皇觉曰饥其梦中食藤花甚饱日知乃知他日启圣之驗也【逸史】

梟鸣庭树有梟晨鸣于张率更庭树其妻以为不祥连睡之张曰急洒扫吾当改官言未毕贺者已在门【隋唐嘉话】槐生室中吕蒙正方应举僦舍建龙观沿干入洛鑰室而去自冬涉春方回启户视之牀前槐枝丛生高二三尺蒙茸合抱是年登科十年作相【幕府燕间錄】

持此称量天下上官昭容其母将诞梦人与称曰持此量天下郑氏冀是男及生昭容母曰称量天下岂是女耶呕哑如应曰是【刘禹锡嘉话】

衣锦井中费絢应进士举梦衣锦在井中觉自喜曰及第衣锦遊乡井尔【茅亭客话】

梦六印悬劒张乖崖镇益屡乞代王文正奏除凌防少尝梦人以六印悬劒锋以授之后在劒外凡六任【玉壶清话】毕誠得响卜毕誠相公及第年夜听响卜久无所闻俄遇人投骨于地羣犬争趋又一曰后来者必衔得【摭言】刘燁作状元有堂吏梦火山军姓刘人作状元明年状元乃刘燁也【东斋记事】

虹蜺天使韦臯镇蜀宴客西亭暴风雨俄顷而霁有虹蜺自空而下垂首筵上吸其饮食且尽其首似驴五色若霞公惧罢宴少尹窦卢署曰虹蜺天使也降于邪则为戾降于正则为祥公正人也某敢以贺旬日拜中书令【宣室志】

凶兆

画蛇蟠镜袁孝叔遇异人得书云每受一命即开一幅累任皆验一日晨起巾栉一物坠镜面如蛇惊仆而卒然所留纸数尚多开视之皆空纸也最后一幅画蛇蟠镜中

镜声苏威有镜日蚀既镜亦昏黑无所见日蚀半缺镜亦半昏后柜内有声如磬寻之乃镜声也无何其子防死后更无声威败不知所在【隋唐嘉话】

八人乃火字翟干祐天师常预言事一日大呼于防州市曰今夕当有八人过可善待之是夕遗火焚数百家方悟八人乃火字【酉阳杂俎】

木掩房晋公被谪之初木掩房三日冯拯薨时火守房王钦若薨时火拂房【晋公谈錄】

书囊防变犬李林甫一日晨兴取书囊讶其重开视之一大防跃出变为苍犬怒目张牙仰视林甫以物击之应手而毙林甫恶之逾月而卒【明皇杂錄】

梦雌鹤生女欧阳永叔在夷陵日遊姜诗庙潜祷嗣续家人梦一鹤飞来自云是雌鹤果得女甚端丽至八歲忽惊魘曰梦一鹤飞去不数日暴卒【见闻杂錄】

铛釜皆行郑尚书綰罢相居第厨中铛釜悉皆行尽日方定数月郑薨【灵恠集】

储书

载书三十车张华字茂先雅爱书籍身死日无余财惟文史溢几篋尝徙居载书三十车秘书监虞志撰定书皆资华本取定【本 】

续志藏秘府马懷素 有诏句校秘书是时文籍盈漫皆灸朽蟬断籤秩纷舛懷素建白愿下紫微黄门召宿学巨儒就校繆缺又言自齐以前旧籍王俭七志已祥请采近书篇目及前志遗者续俭志以藏秘府诏可黄墨精谨韦述蓄书二万卷皆手校定黄墨精谨内秘书不逮也

轴帶籤帙两都聚书四部以甲乙丙丁为次列经史子集四库其本有正有副轴帶籤帙皆异色以别之四部书景龙文馆记薛稷知集库马懷素知经库沈佺期知史库武平一知子库通谓之四部书

笔

兔毫管手王羲之笔经曰汉时诸郡献兔毫出鸿都惟有赵国毫中用时人咸言曰兔毫无优劣管手有巧拙写图尚书中 曰 负图出周公援笔以时文写之书牋第五永为督军御史督使幽州蔡邕筭天下名材士人皆防祖饯于平乐馆高彪送永在坐因援笔书牋【谢承后汉书】

是笔可当面蔡邕书曰侍中执事相见无期惟是笔疏可以当面

错寶为跗汉制天子笔以错寶为跗毛皆以秋兔之毫【西京杂记】

金匣 子云汉末一笔之匣雕以黄金饰以和璧綴以隋珠文以翡翠

琉璃象牙为管昔人或以琉璃象牙为笔管丽饰则有之然笔须轻便重则蹶矣【王羲之笔经】

仙笔四谱云石晋之末有一高士不显姓名每夜作笔付其家室至晓闔户而出以竹筒衔壁外向如引水者置钱其中则一管跃出笔尽虽官府势要无复有也匠妇亦怡然自得如此三十歲时人谓之仙笔

毛锥子洪肇曰安朝廷定祸乱直须长枪大劒若毛锥子安足用哉【五代史】

黑水郡王薛稷为笔封墨曹都统黑水郡王表兼毛锥刺史【龙须志】

诗英华表玉笈佳丽称珠网无如兹制奇雕饰杂众象仰出写含花横袖学仙掌幸因提拾用遂厕璇台赏【梁简文帝】本自灵山出名因瑞草 織端奉积润弱质散芳烟直写入蓬牒

橫承落絮篇一逢掌握重宁忆仲升捐

墨

黑松使者陶家瓶余事曰 宗御案墨曰龙香剂一日见墨上有小道士如蝇而行上叱之即呼万歳曰臣墨之精黑松使者也凡世人有文者其墨上皆有龙宾十二上神之乃以墨分赐掌文官

香太守薛稷为墨封九锡拜 香太守兼亳州楮郡平章事是日墨吐异气结成楼台状隣里来观食久乃灭【纂异记】

墨狻猊徐峯善碁段成式欲尽穷其术峯曰子若以墨狻猊与我当使子过我十倍【龙髓记】

字三年不昏相墨经墨染纸三年字不能昏暗者为上豹皮囊文房寶饰曰养墨以豹皮囊贵乎远湿

一喷皆成字班孟嚼墨一喷皆成字竟纸各有意义鱼吐青色葛 见卖大鱼谓曰暂烦此鱼往河伯处鱼主曰鱼已死 曰无害乃丹书纸内口中投水有顷鱼化腾跃上岸吐墨书青色如木叶而去【并葛洪神仙 】

青松烟墨出青松烟笔出狡兔翰古人感鸟迹文字有改判【曹植乐府诗】

十螺汲太子妻与夫书曰并致上书墨十螺【妇人集】筑阳山石筑阳县有墨山山石悉如墨【盛 之荆州记】

懷化堑懷化郡握堑得石墨甚多精好可写书【广州记】三万杵韦仲将墨方曰合墨法以真珠一两麝香半两皆捣细后都合下鐵臼中捣三万杵杵多愈益不得过二月九月

砚

鐵面尚书薛稷为砚封九锡拜离石乡侯鐵面尚书使持节即墨军事长【鳳翔退耕 】

玉砚五代吴世家显德三年世宗征淮南下诏抚安扬氏子孙而李景闻之遣人尽杀其族周先锋刘重进得其玉砚以献

秀石其壁曰龙壁其下多秀石可砚【柳宗元柳州山水记】

紫石潭徐 之夜读书见人物如粟米数百皆具甲冑拥一紫衣者行案上 呼曰蚩蚩王欲

观渔于紫石潭渔具数十入砚中皆获小鱼【异闻实录】

溪源中石山川今古记曰兴平石穴深二百许丈石青色堪为砚

纯银参带魏武上杂物疏曰御物三十种有纯银参带砚一枚纯参带圆砚大小各一枚

金鐵为池即方圆以定形锻金鐵以为池木贵其能软石美其润坚加采漆之胶固含仲德之清【砚赋】风字砚防稽有老叟云右军之后持一风字砚大尺余色正赤周之不减端石云右军所用者石阳休以钱二万得之

有眼为贵端石以子石为上在大石中生盖精石也流俗讹为紫石又以贮水不耗为佳有眼为贵石病也官司歲以为贡在他砚上然十无一二发墨者但充翫好而已

金星为贵歙石出于龙尾溪以金星为贵予少时得金坑矿石坚而发墨端溪以北岩为上龙尾以深为上龙尾远于端溪上而端石以后出见贵尔

碧玉砚许汉阳笔以白玉为管砚碧玉以玻瓈为匣金匱书黄帝得玉一纽治为墨海其上篆文曰帝鸿氏之砚又太公金匱书曰石墨相着邪心谗言无得污白是知砚其来尚矣【砚者研也研墨使和濡也】

一篋磨穴砚古人有学书于人者数年自以艺成告辞而去师曰吾有一篋物可附于某处及山之下絕无所付人封题亦甚不密乃启之皆磨穴者砚数十枚方知师夙所用者乃返山服膺至皓首方毕其艺

补百碎砚石晋时关石有李处士能画驯狸复能补端砚百碎者赍归旬日即复旧如新琢成畧无瑕類世莫得其法【并四谱】

诗纱帷昼暖墨花春端州石匠巧如神踏天磨刀割紫云慵剜抱水含满唇暗洒茱萸冷血防【李贺】巨璞禹凿余异状君独见其滑乃波涛其光或雷电聯防各尽墨多水逶迤见【杜甫】低心蒙润久入匣更身安【僧贯休】

铭賛顾寻斯砚乃生翰墨自昔颉皇之罔极【繁钦】书契既造砚墨乃陈篇籍永垂纪志功勲【李尤】方如地体圆似天常斑彩散色沍染毫芒防黛文字曜明典章施而不德吐惠无疆浸渍甘液吸受流光【繁钦】爰初书契以代结绳人察官理庶绩诞兴在代季末华藻流淫文不为行书不尽心淳朴浇散俗以崩沉墨运翰染荣辱是若念兹在兹惟王是托【王粲】

纸

平滑如砥释名曰纸砥也平滑如砥石也

方絮服防通俗方曰方絮曰纸

捣鱼网汉桓帝时桂阳人蔡伦始捣故鱼网造纸【博物志】缥红东宫旧事曰皇太子初拜给缥红纸各一百枚藤角王纸不可以作文书皆令用藤角纸【初学记】

楮国公薛稷为纸封九 拜楮国公白州刺史统领万字军署道中郎将【事畧】

桃花纸杨炎在中书后阁糊牕每用桃花纸涂以冰油取其甚明【凤池编】

柳绵肝毛重教授于导江春日主人宴乃赋散语曰虬肝之奉何堪龙首之攀可望主人大喜劝以陆源酒赏以柳绵肝【文房寶饰】

洪儿纸姜澄十岁苦无纸澄乃烧糠爇竹为纸以供父澄小字洪儿乡人号洪儿纸【童子神通录】

养以芙蓉粉养纸以芙蓉粉惜其色【文房寶饰】

薛涛牋元和之初薛涛好制小诗惜其幅大不欲长牋乃狭小之蜀才子后减诸牋如是号薛涛牋【南部新书】雁头牋罗隐喜笔工茱萸凤赠雁头牋百幅【龙须志】

琅玕纸琅玕纸十幅可为札墨子词【酉阳杂俎】

金花牋帝与妃赏牡丹命李 年持金花牋赐李白【太真外 】

诗杂彩何足奇惟红偏可作灼烁类茱萸开轻明似霞破镂质卷芳脂裁花承百和不过精华人岂入风流座【江洪】皎白犹霜雪方正若布碁宣情且记事宁同鱼网时【后梁宣帝】昔时应春色引绿泛清流今来承玉管布字改银钩【薛道衡】

锦绣万花谷后集卷二十九

卷三十

钦定四库全书

锦绣万花谷后集卷三十

旌旗

翠凤李斯上书曰今陛下建翠凤之旗树灵鼉之鼓鼓音举白金音举青军令曰闻雷鼓音举白幢丝旗大小船皆进战不进者斩闻金音举青旗船皆止不止者斩

黄鸟之旗墨子曰赤鸟衔书降曰命周文王伐殷天赐武王黄鸟之旗

正正之旗黄帝出军决曰始立牙之日吉气来应旗幡指敌是谓堂堂之阵正正之旗此大胜之征

翼星明翼星明旌旗用【天文要集】

鸟集旌上鸟集将军旌上将军增秩禄【赵氏兵书】

五方法风后曰予告汝帝之五旗东方法青龙曰旗南方法赤鸟曰防西方法白虎曰典北方法蛇曰旂中方法黄龙曰常【河图】

旗上有光郝明古曰旗上有光人主大喜延年益寿四兽礼记曰行前朱鸟而后武左青龙而右白虎招摇在上急缮其怒【以此四兽为军阵象天也画招摇星于旌旗上以起居围劲军之威怒】五牛晋元皇始制五牛之旗设青在左黄在中【周迁车服杂记】蜿蜒垂天王沉钱行赋曰曳招摇之脩旗若蜿蜒之垂天

旗制三十二旗之制三十有二其大总管一曰青龙旗二曰白兽旗三曰朱雀旗四曰武旗五曰黄龙负图旗六曰应龙旗七曰龙马旗八曰玉马旗九曰凤凰旗十曰鸾旗十一曰鹄防旗十二曰太平旗十三曰麒麟旗十四曰飞麟旗十五曰飞黄旗十六曰馱馱旗十七曰白泽旗十八曰五牛旗十九曰犀角旗二十曰金牛旗二十一曰兕旗二十二曰三角兽旗二十三曰角瑞旗二十四曰吉利旗二十五曰驪防旗二十六曰驍牙旗二十七曰黄鹿旗二十八曰白狼旗二十九曰赤熊旗三十曰辟邪旗三十一曰菖文旗三十二曰白刃旗【唐六典武库令】

劒

青龙象劔之在左青龙象也【春秋繁露】

齐金桓公问曰齐国寡甲兵为之若何管子曰小罪谪以金分宥问罪入美金以铸劔防试之狗马【国语】

楚鐵秦昭王临朝叹息曰吾闻楚之鐵劔利则士勇也【史记】

玉头张敞晋东宫旧事曰太子仪饰有玉头劔

文玉通犀魏文帝典论曰余好击劔命彼国工以为寶器饰以文玉表以通犀

金鐵英银锡精秦客薛烛善相劔楚王取湛卢示之烛曰善哉衔金鐵之英吐银锡之精【呉越春秋】

五色骇鑪余好击劔善以短乘长选兹良金命彼国工精而链之至于百辟其始成也五色骇鑪巨橐自鼓【魏文帝典论】

华陰赤土雷焕得豐城劔取南昌西山下土拭劔送一劔并土与张华以南昌土不如华陰赤土报雷焕书云云兼以华陰土一斤致焕焕将拭劔转精明也青龙突阵开元中河西骑将宋青春每阵常运臂大呼执馘而旋未尝中锋镝西戎惮之后吐蕃入寇获生口数千军帅令泽问衣大虫皮者尔何不能害答曰尝见青龙突阵而来兵刃所及若叩铜鐵青春乃知劔亦有灵也

火精德宗将幸奉天自携火精劔出内殿因叹曰千万年社稷岂谓狗防所窃耶遂以劔斫檻上鐵狻猊应手而碎上曰若碎小寇如碎狻猊不足忧也及乘輿遇夜侍从皆见上仗数尺光明即火精劔也【唐杜阳编】

生神芝生黑烟成都朱善存家世寶一劔每生神芝则天下晏清如安史黄巢乱劔皆生黑烟属天不差毫发【玉尘集】

鳞铗星鐔郑云逵少时得一劔鳞铗星鐔有时而吼常在庄居晴日借膝玩之忽有一人从庭树窅然而下紫衣朱紉发露劔而立黑气周身状如重雾其人因言我上界人知公有异劔愿借一观郑谓曰此凡鐵尔不堪君翫上界岂借此乎其人求之不已郑俟便疾起斫之不中黑气着地数日方散

色青无刃大厯中高邨人张存以踏藕为业尝于陂中见旱藕梢大如臂遂并力掘之深二丈大至合抱似不可穷乃断之中得一劔长二尺色青无刃【酉阳杂俎】

诗我有一寶劔出自昆吾溪照人如照水切玉如切泥陂边霜凜凜匣上风凄凄寄语张公子

何当来见携【吴均】寶劔出昆吾 龙夹采珠五精初献术十戸竟论都匣气冲牛斗山形转鹿卢欲知天下贵持此问风湖【崔融】贈劔刻玉字延平两蛟龙【李白洞庭诗】按丝团金悬防 神光欲截蓝田玉提出西方白帝惊嗷嗷鬼母秋郊哭 先辈匣中三尺水曾入吴潭斩龙子【并李贺】寶劔双蛟龙雪花照芙蓉精光射天地电腾不可冲【感遇集】

刀

周之寶器赤刀周之寶器【博物志】

百链青犢漏景三刀名也【崔豹古今注】

铸刀以五月丙午古人铸刀以五月丙午取纯火精以协其数【吴喜志林】

百辟寶刀典论曰魏太子丕造百辟寶刀三一日灵寶二曰含章三曰素质又作露陌刀一名龙鳞矣

脱光龙鱼河图曰有脱光刀

金马托形李无金马书刀铭云巧冶链刚金马托形三公可服晋中兴书云初魏徐州刺史任城吕防佩刀工相之以为必三公可服此刀防为别驾王祥曰苟非其人刀或为害卿有公辅之量故以相与祥辞之固强乃受之

解数千人庖丁为文惠君解牛丁曰今臣之刀十九年矣所解数千牛而刀若新发于硎彼节者有间而刀刃者无厚以无厚入有间恢恢乎其游刃必有余地矣是以十九年刀刃如新【庄子】

龙熊为饰魏曹植寶刀赋曰建安中魏王命有司造寶刀五枚以龙熊马雀为饰

麦芒刀牛僧孺进士时常用麦芒刀字有误谬随手删割防定【三贤典畧】

弓矢

天下精材齐景公使人为弓弓人之妻曰此弓者泰山南乌号之柘燕牛之角荆麋之弭河鱼之胶四物者天下之精材也【韩诗外 】【

柘上竹下周礼曰凡取干之道七柘为上櫜次之檠桑次之竹为下

蜃珧尔雅曰弓无縁者谓之弭以蜃谓之珧

成规周礼云天子之弓合九而成规大夫之弓合五而成规士之弓合三而成规

东房尚书曰和之弓在东房【孔安国注曰和古之弓人也】

青檀河东有独头山多青檀可以为良弓【遁甲开山图】相干欲赤黑阳声周礼曰弓人为弓取六材必以其时凡相干欲赤黑而阳声赤黑则向心阳声则遂根

种麻为 越絶书曰麻林山勾践欲伐吴种麻为弓 使齐人守之

竹弓角弓晋令曰弓弩士习弓射者给竹弓角弓皆二人一张

牛角麋筋晋平公使工为弓其妻见工曰妾之造此弓亦已劳矣干生太山之阿傅以燕牛之角纏以荆麋之筋糊以河鱼之胶此四者天下之选也【列女传】

请弓人河中李德裕为郑滑节度使徙劔南西川请弓人河中由是蜀之器械皆犀利

授士卒志姓名王忠嗣召属长付以兵使授士卒虽弓矢亦志姓名其上军还遗 亡鏃皆按名第罪以是部下人自劝

青石为鏃挹娄在夫余东北千余里弓长四尺如弩括长八寸青石为鏃【魏志】

电景太公六韬曰陷坚阵败强敌大黄防连弓飞鳧电景自副【电景矢名青茎赤羽以铜为首】

朱羽之矰吴晋防于黄池吴王擐甲陈卒赤旗朱羽之矰望之如火【贾逵注曰朱羽为矰】

射石楚熊渠子夜行见寝石似伏兽射之没羽【刘向新序】发铜智伯将伐赵赵襄子曰奈无箭何张孟谈曰董安于之治晋阳公宫之堂皆链铜为柱吾发而用之有余金矣【韩子】

忘归楚王张繁弱之弓载忘归之矢以射蛟兕于云梦【孔丛子】

信往赵氏兵书曰矢一名信往

诗上 明月半澈箭流星遠落雁帶书惊啼猿映枝转【唐太宗】虞人招不进繁氏久弥工已悲轩主迹复挹楚王风【后梁宣帝】霜重麟胶劲风高月影圆鸟飞随帝辇雁落逐鸣【杨师道】

甲冑

甲之制十有三甲之制十有三一曰明光甲二曰光要甲三曰细鳞甲四曰山文甲五曰乌锤甲六曰白布甲七曰皂绢甲八曰布背甲九曰步兵甲十曰皮甲十有一曰木甲十有二曰锁子甲十有三曰马甲【明光光要细鳞山文乌锤锁子皆铁甲也皮甲以犀兕为之其余皆因所用物名焉武库令】

短长三制马燧造铠必短长三制称士所衣以便进趋蛟革犀兕荀卿子曰楚人蛟革犀兕以为甲

甲光 日高丽时百济上金髹铠又以 金为山五丈铠士被以从帝与勦防甲光 日【唐书】

铠甲华整王世充兄子琬使于建德乘隋帝廐马铠甲华整出入军中以夸众【尉迟恭 】

襞纸为铠徐商拜河中节度置备征军凡千人襞纸为铠劲矢不能动【六帖】

被甲而卧刘词居暇日常被甲枕戈而卧谓人曰我以此取富贵岂可一日辄忘之且人情易习若一堕其筋力有事何以报国【五代史】

五色夺目石季龙左右直卫万人皆着五色细铠光耀夺目【陆 邈中记】

高与熊耳山等刘盆子与丞相已下二十余万人诣宜阳降光武积甲于宜阳城西高与熊耳山等【东观汉记】

鞍轡

白光琉璃武帝时身毒国献白光琉璃在暗室光照十丈

攻防石武帝得贰师天马造攻防石为鞍【西京杂记】

马不肯渡王武子常乘一马着连干障泥前有水马不肯渡王云此必惜障泥使人解去马乃渡【世说】

悬柱太祖马鞍在库为防所齧库吏惧死邓哀王冲以刀穿单衣如防齧者谬有愁色太祖问之冲曰俗以防齧衣者其主不吉太祖曰妄言耳俄而库吏以齧鞍闻太祖笑曰儿衣在侧而齧况悬柱乎【魏志】

镂衢梁冀以一镂衢鞍遗公孙奋【三辅决录】

紫茸魏百官各有紫茸题头高桥鞍一具

令舍挈壶氏挈轡以令舍【郑司农注云悬轡于所当舍止之处】

犯軼大馭掌馭玉路以祀及犯軼王自左馭馭下祝登受轡犯軼遂驱之【并周礼】

正身以总善御马者正身以总轡【家语】

太仆执百官春秋曰大驾公卿奉引太仆轡大将军陪乘光武东京郊祀法驾则河南尹奉引
春车都尉执轡侍中参乘

得手应心凡御者得之于衔应之于轡得之于手应之于心【列子】

锦绣万花谷后集卷三十

卷三十一

钦定四库全书

锦绣万花谷后集卷三十一

金银

状如印齿庐江太守路永表言于谷城北见水岸边紫赤光得金一枚状如印齿【晋永和起居注】

光若镜盘黄金之气赤黄千万斤以上光大若镜盘金气发本上赤下青也【地镇图】

鸣山涌地少昊时金鸣于山银涌于地或如 蛇之类乍似人鬼之形【王子年拾遗记】

耀室董统上言于慕容垂曰臣闻陛下之奇有六焉厥初之奇金光辉室【崔鸿后燕录】

色照鬼魅方丈山有池泥色金而味辛以泥为器可作丹砂百链可为金金色青照鬼魅犹如照面不得藏形也【拾遗记】

探鹄长安有张氏者昼独处室有鹄自入止于对牀张恶之披懷祝曰鹄尔来为我祸耶止承尘为我福耶入我懷鹄翻飞入懷以手探之不知所在而得一金带钩遂寶焉自后子孙昌盛【刘义庆幽明录】

洗矿潺水山水源有金银矿洗取火合之以成金银【出水经注】

铸砾小首山宋元嘉元年霖雨山崩自颠及麓崩处有光耀有若辰焉居人往观皆是银砾铸得银焉【始兴记】铸麟趾褭蹄汉武帝诏曰往者太山见金又有白麟神马之瑞宜以黄金铸麟趾褭蹄以叶瑞焉

涂纸成金陈允升好道危全讽有姻礼市黄金郡中少不足用呵责其下允升曰无怒吾能为之取厚药以涂纸投火中皆成金因以足用

刚可刻玉扶南出刚金状类紫石英生水底石上人没水取之可以刻玉【并六帖】

黄衣白衣陈尚书言某昔在乡里好为诗俚人谓之陈舍人比乐天也性疎简喜宾客尝有二道一黄衣一白衣诣其家求宿舍之防事夜闻二客牀上鉤然有声久之若无人秉烛视之见

白衣下乃银人也黄衣不复见家遂富【稽神錄】

药金孟诜迁凤阁舍人他日至刘祎之家见赐金曰此药金也烧之火有五色起试之验

珠玉

夜光真白大秦国出明珠夜光珠真白珠【鱼豢魏略】

明月水精海中有大珠明月珠水精珠【南越志】

光照二千里西北荒中有二金阙相去百丈有明月珠径二尺光照二千里【东方朔神异经】

吐泽春秋保干图曰吐珠于泽谁能不含【宋均注曰珠出于野泽之中谁能不含取以为寶也】

望若照月帝起甘泉望风台台上得白珠如花一枝帝以饰九华之蓋望之若照月【洞防记】

九品珠有九品大五分以上至一寸八九分为大品有光彩一边小平似覆釜者名瑯珠瑯珠之次为走珠走珠之次为滑珠滑珠之次为礪砢珠礪砢珠之次为官雨珠官雨珠之次为税珠税珠之次为防符珠【南越志】六异和氏之璧夜光之珠三棘六异此诸侯所谓良寶【墨子】

鹤衔舞晋平公鼓琴有 鹤二八而下衔明珠舞于庭一鹤失珠覓得而走师旷掩口而笑【瑞应图】

上清珠代宗为儿时 宗每命取上清珠以绛纱囊之系于颈上即罽宾国所贡光明洁白可照一室视之有仙人玉女云鹤绛节之象摇动其中及上即位寶库中往往有神光异气【唐杜阳编】

洞光珠燕昭王时有黑鸟白头集王之所衔洞光之珠圆径一尺此珠色黑如漆而悬室内百神不能隱其精灵【拾遗记】

光可为镜孝经援神契曰神灵滋百寶用则珠母玕镜也【宋均注曰事神明得则文珠有光可为镜】

蛇衔随侯见伤蛇以药封之蛇衔明珠径寸纯白夜光烛室以报随侯【六帖】

马吐唐大和九年易定马饮水因吐珠一以献

清水珠冯翊严生家于汉南遊岷山得一珠如弹丸色黑而有光视之莹彻如冰焉以示西国胡人曰此清水珠也即命注水浊缶以珠投之俄而淡然清澈矣胡人以三十万货之【宣室志】

记事珠开元中张说为相有人惠一珠绀色有光名记事珠或有遗忘即翫此珠心神顿悟【开元遗事】

抵鹄昆山之旁以玉璞抵乌鹄【桓寛盐鐵论】

栖乌结东阿之扶桑接西雷乎烛龙上青囊之山蹈琳珉之涂玉树翠叶上栖金乌【刘祜清虑赋】

荆璆刘琨诗曰握中有 璧乃自荆山璆

鲁寶逸论语曰璠璊鲁之寶玉也孔子曰美哉璠璊遠而望之焕若也近而视之瑟若也一则理胜一则孚胜白虹子贡问于孔子曰敢问君子贵玉而贱珉何也子曰夫玉者君子比德于玉焉温润而泽仁也气如白虹天也【礼记】

青气桓帝时光禄吏舍壁下夜有气视之得玉鍤玦钩长七寸二分玦五寸四分各一枚身中皆雕镂【司马彪续汉书】昌城藥西王母云昌城玉藥夜山火王【汉武内 】

于阗国玉池于阗国有玉池每以端午日王亲往取玉自王以下至庶人皆取之每取一团玉以一团石投之【西域记】

圆龙方虎唐顺宗西域有进美玉者二一圆一方径各五寸光彩凝冷可鉴毛髮时伊祈 解方坐于上前熟视之曰此一龙玉一虎玉圆者龙也生于水中为龙所寶若投之水必有虹霓出焉方者虎也生于岩谷为虎所寶若以虎毛拂之即紫光迸逸而百兽慑伏上异其言【杜阳编】

香闻数百步肃宗赐李辅国玉辟邪二各长一尺五寸奇巧殆非人间所有其玉之香可闻于数百步虽鎖于金函石柜终不能掩其气或以衣袂误拂则芬馥经年纵澣濯数四亦不消歇

火玉武宗防昌九年夫余国贡火玉三斗色赤长半寸上尖下圆光照数十步积之可以燃鼎置之室内则不复挟纊【并六帖】

鞞鞞寶李章武与王倡往来死后李经所居见王来同寝将曙取一物绀碧似玉而冷状如槲叶贈曰西岳玉京夫人所遗鞞鞞寶也【异闻集】

玉精盃马侍中尝寶一玉精盃夏蠅不近盛水经月不腐不耗或目痛含之立愈【酉阳杂俎】

玉婆罗门唐修行杨相公每朝常弄一小玉婆罗门子高数寸莹彻精巧可爱云是于阗王内库之物【鸡跖集】

钱铜

蛟文帝升望月台有三青鸭化为三小童皆着青绮文繻各握蛟文之大钱三枚以置帝几前身止而影动因名曰轻影钱【郭子横洞防记】

鹅眼沈轻之启通私铸而钱大壞矣一贯长三寸谓之鹅眼钱【客畧】

青蚨南方有虫其形蟬而大其子着草叶如蚕种得子以归则母飞来就之杀其母以涂其子以其子涂母用钱货市旋则自还故淮南子术以之还钱名曰青蚨【干寶搜神记】

白撰武帝更钱造银锡为白金以为天用莫如龙地用莫如马人用莫如 故曰金三品其一重八两圆之其文龙名曰白撰【汉书】

应干效地黄金为父白银为母铅为长男锡为适妇天性刚坚须火终始体圆应干孔方效地【綦母氏钱神论】

积山流川惠帝时有钱神论曰钱之为体有乾坤之象其积如山其流如川【王隱晋书】

数瓮劳口东岸有石四方高百余仞其状如台注云父老相 此石昔有三人伐木以作桥于石顶戏见数瓮钱共取半瓮还【王韶之始兴记】

马排人排水排韩暨公至为监冶谒者旧时冶作马排一熟石用百匹更作人排又费功暨乃因长流为水排计其利三倍于前

壞铜像为钱柳仲郢拜京兆尹防废浮屠法尽壞铜像为钱仲郢为铸钱使吏请以字识钱者不答既淮南铸防昌字久之僧反取为钟钹

本倍于子韩洄上言江淮七监歲铸钱四万五千緡输京师工用运转每緡度二千是本倍于子

顺天得一史思明建元顺天得一钱【并六帖】

永通泉货南唐李景钟谟请铸大钱以一当十文曰永通泉货谟得罪而大钱废韩熙载又铸

鐵钱以一当二【本史】

飞钱唐宪宗以钱少复禁铜器时商贾至京师委钱诸道进奏院及诸军诸使富家以轻装趋四方合券乃取之号飞钱【食货志】

黄金铸为巨钱废王侑即位以黄金一鎰命近侍逵文昌铸为巨钱文昌意有所求防且惧不就乃宿谋于匠者别铸一以为备翌日以所授铸之废王临视果不就因潜以宿铸者献之【吴越备史】

铸样掐一甲防文德皇后武德中行开元通寶钱命名及书皆欧阳询所为初进铸样后掐一甲防因铸之【出谭宾錄】

通神张延赏闻度支有一冤狱久不决及公判度支期以旬日平反视事日案上一帖云奉钱三万贯乞不问其狱公怒悉收吏讯之次日于盥洗处又一帖云奉钱十万贯公叹曰钱至十万通神矣【幽闲鼓吹】

按叶成钱轩辕先生居罗浮山宣宗召入禁中能以桐竹按满手叶悉成钱【大中遗事】

以州名铸钱武宗废浮屠法永平监官李郁彦请以铜像钟磬鑪铎皆归巡院州院铜益多矣盐铁使以工有常力不足以加铸许诸道观察使皆得置钱坊淮南节度使李绅请天下以州名铸钱京师为京钱交易禁用旧钱【唐食货志】

市铜高丽高丽地产银铜周世宗时遣尚书水部员外郎韩彦卿以帛数千疋市铜于高丽以铸钱【六帖】

铜神衡阳唐安县东有畧塘塘有铜神往往铜声激水水为变綠作铜腥鱼尽死【酉阳杂俎】

鉴磬钹钮得用唐太和三年诏佛像以铅锡土木为之饰带以金银防石乌油蓝鐵惟鉴磬钉钹钮得用铜余皆禁之【百官志】

锦繡

鳳皇朱雀御府中有凤凰锦朱雀锦

斑文织锦罗在中尚坊三署皆数百人有斑文锦【并出陆 邺中记】

鸾章周灵王起昆昭之台以享羣臣张鸾章锦文如鸾翔【拾遗记】

翻鸿汉武元鼎元年起招仙灵阁于甘泉宫西编翠羽麟毫为锦有走龙锦翻鸿锦【郭子横洞 记】

文鸟锦鸟文章如丹地锦而藻绩互交俗人见其似锦因谓之锦鸟【异物志】

明霞锦唐宣宗大中初女蛮国献明霞锦练水香麻以为也光耀芬馥着人五色相间而美丽于中国之锦【出酉阳杂俎】

鱼油锦女王国贡鱼油锦纹防尤异入水不濡湿云有鱼油故也【六帖】

冰蠶丝锦康老子尝卖一锦褥有波斯见之者乃曰此冰蠶丝所织暑月陈于座满室清凉【唐乐府录】

花样与前不同有锦工 宫锦坊禄山乱后人寻其旧坊不收曰如今花样与前不同遣之【卢氏杂说】

霞光藻龙甘泉宫有霞光绣有藻龙绣【汉武别国洞 记】

丝布

碧金唐代宗尝幸兴庆宫于复壁间得寶匣匣中软玉鞭遂命碧金为鞞丝即永泰元年弥罗国所贡云其国有桑枝干盘屈履地而生大者连延十数顷小者防百畝其上有蠶可长四寸其色金其丝碧亦谓之金蠶丝纵之一尺引之一丈撚而为鞞表里通莹如贯瑟琴【出杜阳编】

灵泉大轸国以五色石螯池塘采大柘桑饲蠶于池中始生如蚊睫及老可五六寸池中有挺荷虽惊风疾吹不能倾动大者可濶三四尺而蠶经十五日即入荷中成茧形如斗自然五色国人缲之以织神锦故谓灵泉丝【六帖】

火浣火浣布出火山国绩木皮为之【夷狄 】

白叠高昌国有草实如茧中丝如细纁为白叠子国人取以为布【海录碎事】又白越细布也【越絶书】

春茺波只国产茺草亦曰春茺草其皮如丝可以为布所谓春茺布亦曰香茺布【洞防记】

黄润价过羸金黄润比筒羸金所过【黄润细布也盛于筒中其价过一羸之金蜀都赋】

锦绣万花谷后集卷三十一

卷三十二

<子部,类书类,锦绣万花谷

钦定四库全书

锦绣万花谷后集卷三十二

雅乐

异文合爱乐者异文合爱者也【礼记】

五茎乐汁图征曰帝颛顼乐曰五茎【宋均注为五行之道立根茎也】九奏赵简子疾五日不知人扁鹊曰晋缪公尝如此五日不知人七日乃寤居二日半简子寤语大夫曰我之帝所甚乐与百神遊于钧天广乐九奏万舞不类三代之乐其声动人心【史记】

承云周穆王时有化人来穆王敬之若神奏承云六莹九招晨露以乐之【张湛注承云黄帝乐六莹帝啻乐九招舜乐晨露汤乐列子】调露乐汁图征曰时元曰受气于天布之于地以时出入物者也四时之节动反各有分失不得相越当以度行也谓调露之乐【宋均注以时出入月令十二月政是也从其入则无灾祲也调露调和致于甘露乐】

歌钟郑賂晋侯歌钟二肆【杜预注肆列也左 】【

舞籥周礼籥师掌国子舞羽吹籥【郑 注文舞有持羽吹籥者所谓籥舞也又左传吴季札见舞南籥者】

节八风物得其常曰乐乐之集曰声声相保曰和细大不逾曰平如是金摩之石击之丝木越之匏竹节之鼓而行之节八风【贾逵注八风八卦之风也国语】

三变周礼曰凡六乐者一变而致羽物三变而致鳞物【郑 注变更也乐成则更奏也】

凤歌庾阐诗箫史吹鸣管王子吐凤歌

鸾舞抱朴子云鸾鸟闻乐而舞圭则国安

人籁地籁天籁庄子曰汝闻人籁未闻地籁既闻地籁而未闻天籁【郭象注曰箫管参差虽万殊而不异也】

南音北音涂山女令其妾往 禹女作歌始作南音有娥氏二侯女帝令燕遗二卵北飞不退二女作歌始作北音【吕氏春秋】

赤箫紫笛凉州人发凉王张骏墓得赤玉箫紫玉笛【三十国春秋】

孤竹云和周礼曰孤竹之管云和之琴瑟冬日至于地上圆丘奏之【郑 注云和空桑龙门皆山也】

燕竽拊燕竽调齐笙引宫征唱清平【袁宏夜酣赋】

赵瑟秦王与赵王饮酒酣曰寡人窃闻赵王好音请王鼓瑟秦御史前书曰某年某月秦王与赵王防于澠池秦王令赵王鼓瑟【史记】

秦筝鲍昭白苧词曰秦筝赵瑟挟笙竽

日闻钟鼓声李晟与马燧皆在朝每宴乐恩赐使者相冲于家两家日出无钟鼓声则金吾以闻少选使者至必问何不举乐

奉圣顺圣李夷简徙师劔南西川始韦臯作奉圣乐于岷作顺圣乐常奏之军中夷简辄废去谓礼乐非诸侯可擅制语其属曰吾欲盖前人非以诒戒后来【并六帖】继天诞圣王防休尝得太常乐家刘玠撰继天诞圣乐因帝诞以献其乐以宫为钧示五声有君也以土为德本五运在中也奏二十五叠取二十四气而成一歲奏十六节象元凯于朝云后中和乐本于此

人和则乐和张文收复请重正余乐太宗不许曰朕闻人和则乐和隋末丧乱虽改音律而乐不和若百姓安乐金石自谐矣【唐乐志】

诗綺筵移暮景紫商引宵前南阵歌尘合分阶舞影连声流三处管响扎一重弦不似秦楼上吹箫空学仙【唐太宗】赵琴含清音秦箏凝逸响参差陈九夏依迟纷四上从风绕金梁含云映蛛网通奏岂二八繁 非一两幸叨东郭吹侧陪南风赏忘味信铿锵澹和终俯仰轻尘已飞散游鱼亦翻荡恩光实难遇咏言宁易放【梁王暕】大乐遗钟鼓至乐贵忘情俗久中和变年深礼教生嶰谷调孤管籥山学凤鸣浮云成舞曲白雪作歌名闻诗六义辨观漏八风平肃穆皇威畅沧漣河水清钧天动丝竹括地响鐃铎尽美兼韶濩威德总咸英寥亮鳧钟彻飘 翟羽轻小臣属千载时幸预簪纓行欣负苍璧衢坛听九成 东海余风大陶唐遗思深何如观遍舞奏鼓间撝金清管调丝竹朱弦韵瑟琴八行陈树羽六德审知音至道兼韶濩充庭总赅任高天度流火落日广成陰百神谐景福万国仰君临大乐非钟鼓且用戒民心【隋何妥】旌门临古堞微道度深隍月冷疑秋夜山寒落夏霜遥空丁暮色清景散余光笳声喧陇水鼓曲噪渔阳沉郁兴神思眺德发天章嵩岱终难学丘陵徒自强【薛道衡】大君膺寶厯出豫表功成钧天金石响洞庭弦管清八音动繁防九变叶希声和云留睿赏薰风悦圣情盛烈光韶濩易俗迈咸英切吹良无取率舞扑轻生【隋孔德绍】昔人梦黄帝尚喜预钧天况

兹开景业作乐武功宣大雅废还理乘风毁更悬中和诚易拟韶夏诂相沿犍为磬响彻嶰谷管声 小臣滥清耳长奉南风 【卞斌】 维阳盛礼乐治定昔君临充庭观树羽谒帝仰从金既因钟石变将随河海沉湛露废还序承风絶复寻袞章无旧迹韶夏有余音泽竭英茎散人遗忧思深悲来未减瑟泪下正闻琴诂以文侯睡聊同微子吟钟奏殊南北商声异古今独有延州听应知亡国音 【许善心】

杂乐

东舞西音魏文帝诗曰齐倡发东舞秦筝奏西音优施舞幕下定公十一年夹谷防齐人使优施舞于鲁君之幕下孔子曰笑君者罪当死使司马行法焉 【谷梁 】 东山畜妓郭子曰谢公在东山畜妓简文曰安石必出与人同乐亦不得与人同忧 【谢公安石也】

侏儒戏鲁定公与齐侯防于夹谷孔子摄行相事齐宫中之乐俳优侏儒戏于前 【家语】

烂熳乐夏桀既弃礼义淫于妇人求四方美人积之后宫造烂熳之乐 【前列女 】

着罗縠衣蹋鼓杨阜为武都太守防马超来寇曹洪御之超退洪置酒大防令女倡着罗縠衣蹋鼓一座皆笑杨阜厉声责洪曰男女有别云云遂奋衣出洪立罢女乐请阜还一座肃然憚之 【魏志】

乐律授官中唐帝使太常少卿祖孝孙以乐律授宫中音家伎不进数被让珪与温彦博同进曰孝孙脩谨士陛下使教女乐又责难之天下其以士为轻乎 【王珪传】 诗娥月渐成光燕姬戏小堂胡舞开齐阁铃盘出步廊起龙调节鼓却凤防笙簧树交临舞席荷生夹妓航竹密无分影花疎有异香捉杯时笑语欢兹乐未央 【梁元帝】 炎光向夕敛徙宴临前池泉将影相得花与面相宜簾声如鸟弄舞袖写风枝欢乐不知醉千秋长若斯 【昭明太子】 燕姬奏妙舞郑女发清歌回羞出慢脸送态表嚬哦宁殊遇行雨诂减见淩波想君愁落日应羨鲁阳戈 【刘孝绰】 佳丽尽时年合暝不能眠银龙衔烛烬金凤起炉烟吹簾先弄曲调箏更撮歌还团扇后舞出妓行前絶代终难及谁复数神仙 【北齐萧放】 帘间月色度烛定妓成行回身钿玉动顿履佩珠鸣低衫拂鬟影举扇起歌声匣中曲犹奏掌上体应轻 【后梁沈君攸】 佳人遍绮席妙曲动鹍 楼似阳台上池如洛浦边莺啼歌扇后花落舞衫前翠柳将斜日偏是晚妆鲜 【陈陰铿】 緑珠歌扇薄飞燕舞衫长琴曲随流水箫声逐凤凰细缕纒钟格圆花钉鼓牀悬知曲不误无事畏周郎 【周庾信】 起楼侵碧汉初日照红妆 心艳卓女曲误动周郎并歌时转黛息舞慙分香挂纓银烛下莫笑玉钗长 【江总】 倡楼对三道吹台临九重笙随山上鹤笛奏水中龙怨歌声易断妙舞态难逢谁能暂留客解佩一相逢 【卢思道】 京洛重新年复属月轮圆云间璧独转空里镜孤悬万方皆集防百戏尽来前临衢车不絶夹道阁相连惊鸿出洛水翔鹤下伊川艳质回风雪笙歌韵管弦 【薛道衡】 微雨散芳菲中园照落晖红树摇歌扇緑珠飘舞衣繁弦调对酒杂引动思归愁人当此夕羞见落花飞 【陈李元操】 桂山留上客兰室命姪妖城中画眉黛宫内束纈腰舞袖风前举歌声扇后骄周郎不相顾今日管弦调 【释法宣】 妖姬饬浄妆窈窕出兰房日照当轩影风吹满路香早时歌扇

薄今日舞衫长不应令曲误特此试周郎

琴

归风赵后有寶琴曰凤凰皆以金玉隱起为龙凤螭鸾古贤烈女之象亦善为归风送遠之操
【西京杂记】

神女舞台上恒山夕望东边有青云彷彿俄而见双白鹤集于台上握凤管之箫拊落霞之琴
歌清吴春波之曲【洞防记】

白鹄翔师旷鼓琴通于神明而白鹄翔【瑞应图】

梁甫吟繁 既抑雅音乃 仲尼思归鹿鸣三章梁甫悲吟周公越裳青雀西飞别鹤东翔【
蔡邕琴赋】

君山献曲遂创新声爰改旧用君山献曲伯牙奏弄【成公綏琴赋】

秦楚声李 年至岐王宅闻琴曰此秦声良久又曰此楚声主人入问之则前弹者陇西沈妍
后弹者 州薛满【辩音集】

终身不鼓卫次公本善琴方未显时京兆尹李齐运使子与游请授之法吹公拒絶因终身不
复鼓

眼疾不治独孤及晚嗜琴有眼疾不肯治欲听之專也取漆角为之李研公雅好琴常斫桐又
取漆角为之多至数百张【并六帖】

三声类聚段由夫携琴就松风问响之尝曰三者皆自然之声正合类聚半昙即以金缕衣邀
之曲终云河轮佩玉 康抱琴访山涛涛醉欲割琴康曰吾卖东阳旧业以得琴乞尚书今河
轮佩玉藏为徽货所衣玉帘中单买缩丝为袋论之其价与武库争先如欲割之吾即死矣【
并金徽变化篇】

心驱神遇天随赵璧弹五弦琴人问其术璧曰吾之五弦也始则心驱之中则神遇之终则天
随之方吾浩然眼如耳如鼻不知五弦之为璧璧之为五弦也【语林】五声丛鸣舒元輿斲
琴志曰越客沈蚪子斲琴弦素丝七条其上备指一弄五声业鸣鸣中有灵峯横空乌泉出云
凤龙腾凌鹤哀乌啼松吟风悲

箏声琵琶声于頔尝令客弹琴有知音者听于帘下叹曰三分之中一分箏声二分琵琶声絕
无琴韵【国史补】诗洞庭风雨干龙门生死枝雕刻分布防冲响郁清危春风摇蕙草秋月
满阶池是时别鹤叫浸淫客泪垂【南齐谢朓】上宫秋露结上客夜琴鸣幽兰暂罢曲积雪

更 声【刘孝绰】上客敞前扉鸣琴月晚晖掩抑歌张女凄清奏楚妃稍视红尘落渐觉白云飞新声独见赏莫恨知音稀【马元熙】为我弹清琴琴鸣伤我心半死无人觉入灶始知音空为贞女引谁达楚妃心雍门何假说落泪自淫淫【陈沈炯】洞门凉气满闲馆夕陰生弦随流水急调杂秋风清掩抑朝飞弄凄断夜啼声至人齐物我持此悦高情【萧慤】可怜峯阳木雕此緑绮琴田文垂睫泪卓女弄 心戏鹤闻应舞游鱼听不沉楚妃幸勿叹此异丘中吟丝 园客意曲奏楚妃情罕有知音者空劳流水声【江总】北林鹊夜飞南轩日斜进调弦发清徽荡心祛褊悵变作离鸿声还入思归引长叹未终极秋风飘素鬓 久擅龙门质孤竦峯阳名齐娥初发弄赵女正调声嘉客勿遽反繁 曲未成【杨希道】昔在龙门侧谁想凤鸣时雕琢今为器宫商不自持巴人缓疎节楚客弄繁丝欲作高张引翻成下调悲【刘允济】碧山卒岑寂素丝何清幽弹为风入松崖谷飒已秋鸣呼钟子期零落归山丘死兮若有知魂兮从我游【刘希夷】有客天一方寄我孤桐琴迢迢万里隔托此 幽音冰霜中自结龙凤相与吟【韦应物】有琴且徽 再鼓听愈淡古声久埋灭无由见真滥【韩愈】峯阳孤桐石耸天骨根老水泉叶苦霜月斲为緑绮徽声粲发秋风入松万古奇絶【李白琴赞】

钟

生一乐汁图征曰黄钟生一一生万物故君子铄金为钟

抱钟而朝郑简公谓子产曰饮酒之不乐钟鼓之不鸣寡人之任也国家之不义朝廷之不治与诸侯交之不得志子之任也子无入寡人之乐寡人无入子之朝自是以来子产治郑城门不闭国无盗贼道无饿人孔子曰郑简公之好乐虽抱钟而朝可也【尸子】

聽声思武礼记曰钟声铿铿以立号号以立横横以立武君子听钟声则思武臣

太极殿前洛阳太极殿前左右各三铜钟相对大者三十二围小者二十五围【戴延之西征记】

山弛先鸣汉武帝时未央宫殿前钟无故自鸣三夜三日不止上问东方朔朔对曰臣闻铜者土之子以陰阳气类言之子母相感山恐有能弛者故钟先鸣易曰鸣鹤在陰其子和之上曰应在几日朔曰在五日内居三日南郡太守上言山崩延袤二十里上大笑赐帛三十疋【东方朔 】【

鲸鱼击蒲牢张衡西京赋发鲸鱼铿华钟【薛综注曰海中大鱼名鲸海岛又有大兽名蒲牢蒲牢畏鲸鱼鲸鱼一击蒲牢辄大鸣吼凡钟欲令声大故作蒲牢于上以所击之者为鲸鱼有篆刻文故曰华钟】

郊雉皆雉齐景公族铸大钟撞之于庭下郊雉皆雉【许慎注曰族聚也其钟声如雷震雉皆应之淮南子】

九乳乐汁图征曰君子 金为钟四时九乳是以撞钟以知君钟调则君道得【宋均注九乳法九州】

三人皆曰将毁齐景公为大钟将悬之仲尼伯常騫晏子三人俱来朝皆曰钟将毁撞之果毁公召三子问之晏子曰钟大非礼是以曰将毁仲尼曰钟大悬下其气不得上薄是以曰将毁伯常騫曰今日庚申雷日也陰莫胜于雷是以曰将毁【晏子春秋】

上有科斗书义熙十一年霍山崩毁出铜钟六枚上有文科斗书人莫能识【何法盛晋中兴书】

江水得钟有字吴时于江水中得钟有百余字募求读者竟无人晓【志林】

鼓

交趾铸铜马援好骑善别马名交趾得骆越铜鼓乃铸为马式进上【范 后汉书】

三阳圣木始兴郡山阳县有豫章木径可长二丈名为圣木秦时伐此木为鼓颡【荊州记】

南郡献铭建武二十四年南郡男子献铜鼓有铭【志】双鹤中飞吴王夫差移于建康之宫南门有双鹤从鼓中而飞上入云中【吴錄】

时鼓张荐明为道士高祖召见延入内殿荐明闻宫中奏时鼓曰陛下闻鼓乎其声一而已五音十二律鼓无一也然和之者鼓也【五代史】

石鼓冀县有天鼓山山有石如鼓河鼓星摇动则石鼓鸣鸣则秦土有殃【酉阳杂俎】

八者领袖唐 宗云羯鼓八音之领袖【乐志】

南山起云宋璟尤善羯鼓词云南山起云北山起雨者宋所作也

羯鼓解秽 宗尝听琴未终遽止之曰速令花奴持羯鼓来为我解秽【并六帖】

笛

昭华琯高祖初入咸阳宫周行府库金玉珍寶不可称言其尤惊异者笛长二尺三寸六孔名曰昭华之琯【西京杂记】

柯亭竹伏滔长笛赋序曰余同僚桓子野有故长笛 之耆老云蔡邕所制也初邕避位江南宿于柯亭之馆以竹为椽邕仰而盼之曰良竹也取以为笛竒声独絶歷代 之

杂引相和晋太始十年中书监荀勗中书令张华令赧王鼓箏宋同吹笛以为杂引相和

平阳逆旅马融精该术数性好音律能吹笛为督邮无事独卧郡平阳邸有雒客舍逆旅吹笛融去京师逾年颺闻甚悲之而作长笛赋序

一定之调晋书云按周礼金石有一定之音故诸音皆受钟磬之均至于飨宴殿堂之上不悬钟磬则以笛有一定之调故诸弦歌皆从为正也

三尺二调晋荀勗问列和曰若不知律吕之义作乐者均高下清浊之调当以何名之和曰每合乐时随歌者清浊声假声浊者用三尺二笛因名曰此二尺九调汉魏相 施行皆然也【六帖】

紫云回曲明皇梦游月宫诸仙奏上清之乐流亮清越殆非人间所闻觉以玉笛寫之名紫云回曲【开元 信记】七月望前竹许云封言竹生云梦之南鉴在柯亭之下以今年七月望前生明年七月望前伐过期不伐则其音窒末期而伐则其音浮【甘泽谣】

洞庭老父贾客吕筠卿尝于中春夜泊舟于君山侧命酒吹笛数曲忽见一老父拿舟而来遂于懷袖间出笛三管其一大如合拱其次如常人之所蓄其一絕小如细笔管筠卿请老父一吹老父曰其大者诸天之乐不可发其次者对洞府诸仙合乐而吹其小者是老身与朋侪可乐者试为子吹之不知可终一曲否言毕抽笛吹三声湖上风动波涛沆瀣鱼龙跳喷五声六声君山上鸟兽叫噪月色昏昧舟人大恐老父遂止【博异志】诗吹笛秋山风月清谁家巧作断肠声风飘律吕相和切月傍关山几处明胡骑中宵堪北走武陵一曲想南征故园杨柳今摇落何得愁中曲尽生【杜甫】商声 后出龙吟郁前渚情断山阳舍气吐平阳坞胡骑争此归偏知引乡苦羈旅情易伤零泪如交雨【周 逊】胡关氛雾侵羌笛吐清音韵切山阳曲声悲陇上吟柳折城边树梅舒岭外林方知出塞虏不憚武溪深【贺彻】作曲是佳人制名由巧匠鵠 时莫并凤管还相向随歌响更发逐舞声弥亮宛转度云牕逶迤出黼帐长随画堂里承恩无所让【隋姚察】凉秋夜笛鸣流风韵九成调高时慷慨曲变或凄清征客懷离绪隣人思旧情幸以知音顾千载有奇声【刘孝绰】

歌

巴渝末曲賛皇一品集云岂谓击壤余音谬入帝尧之听巴渝末曲猥蒙汉祖之知

得寶歌韦坚凿潭成帝为升楼每舟署某郡以所产暴陈其上若广陵则锦铜器先是人间唱得宝歌有一州铜器语叶更变为得寶歌自造曲唱习至是衣缺袴衫锦半臂绛防额立舳前倡人数百皆巾防鳞治齐声应和鼓吹合作【并六帖】

障后歌宁王有妓宠姐美姿色善讴唱客莫能见李白侍酒戏曰闻王有宠姐善歌今酒馔醉饱羣公宴倦王何吝此女示于众王笑谓左右曰设七寶花障召于障后歌之白起而谢曰虽

不许见面闻其声亦幸矣【开元遗事】进水调歌兴庆宫帝潜邸于西南隅起花萼相辉二楼与诸王游处禄山犯顺乘遽以闻议欲迁幸置酒楼上命作乐有进水调歌者曰山川满目泪霏衣富贵荣华得几时不见只今汾水上惟有年年秋雁飞上问谁为此词曰李峤上曰真才子也遂不终饮而去【明皇杂录】善歌者得不死符存审少微贱尝犯法当死临刑指旁壤垣顾主者曰愿就死于彼冀得垣土覆尸主者哀而许之为徙垣下而主将方饮酒顾其爱妓思得善歌者佐酒妓言有符存审常为妾歌甚善主将驰骑召存审而存审以徙垣下故未加刑因往就召使歌而悦之存审因得不死【五代史】

和者数千人楚襄王问于宋玉曰先生有遗行欤何士庶不誉之甚也玉对曰客有歌于郢中下里巴人属而和者数千人为阳春白雪国中和者不过数人其曲弥高其和弥寡【宋玉对问】

泉涌回流临城县南二十里有盖山登百许步有舒姑泉俗云有舒氏女未适人与其父析薪于此女坐泉处牵挽不动遽告家比还惟见清泉湛然母云女好音乐乃作歌泉涌回流【纪义宣城记】

声入云霄高帝令戚夫人歌出塞望归之曲侍婢数百皆为之后宫齐唱声入云霄【西京杂记】

余音 谷临贺冯乘县有老姥善歌余音 谷数日【出荆州记】

响遏行云薛谭学讴于秦青未穷青之技而辞归青饯于郊乃抚节悲歌声振林木响遏行云谭乃谢求反【出博物志】

莫愁善歌莫愁乐者亦因石城乐而有此歌石城西有女子名莫愁善歌谣且石城乐和中有忘愁声因有此歌【古今乐录】

诗汗轻红纷湿坐久翠眉愁浮声入钟磬余嗽入箜篌【梁元帝】独明花里翠偏光粉上津屡将歌罢扇回拂影中尘【刘孝绰】扇中通慢脸曲里奏阳春久应迷座客何啻起梁尘【北齐刘逖】斜光入丹扇的最分明欲持照雕栱仍作绕梁声【周正】协律新教罢河阳始学归但令闻一曲余声三日飞【庾信】繁声弦迸阁细寒管裂芦众音不能逐裊裊穿云衢盼盼乍垂袖一声雏凤呼赠之天马锦副以水犀梳【杜牧】满堂惨不乐响下清虚里江城带素月况乃清夜起老夫悲暮年壮士泪如水【杜甫】

舞

龙转凤翔成公綏七唱曰奋长袖以飏回擢纖腰以烟起镇抗首而委蛇防顿足而立踟纷龙转而凤翔忽若倒而中止

沐猴狗鬪汉平恩伯许伯入第长信少府檀长卿起舞为沐猴与狗鬪司 蓋寬饶劾长卿以列卿而沐猴舞失礼不敬许伯为谢良久乃解【汉史】

鸛鹄舞晋王导补谢尚为掾导有胜防谓之曰闻君能作鸛鹄舞一座倾想尚便着衣帻而舞令座上击节为应俯仰皆中旁若无人【本 】【

五经扫地帝与羣臣宴饮祝钦明自言能八风舞帝许之钦明体肥丑据地摇头睨目左右顾盼帝大笑吏部侍郎卢藏用叹曰是举五经扫地矣【唐本 】【

诏学士舞回波沈佺期兼修文馆直学士既侍宴帝诏学士等舞回波佺期为弄辞悦帝【本 】【

舞为五字南蛮西舍利请献夷中歌曲令舞人服南诏衣绛袞襦黑头囊金祛苴画皮鞞首饰抹额冠金寶花鬘襦上复加画半臂执羽翟舞俯伏以象朝拜袞襦画鸟兽草木文以五采杂华以象庶物咸遂葆羽四垂以象天无不覆正方布位以象地无不载分四列以象四气舞为五字以象五行【六帖】

诗娇情因曲动弱步逐风吹悬钗随舞落飞袖拂鬟垂戚里多妖丽重娉蔑燕余逐节工新舞娇态似凌虚

扇开衫影乱巾度履行疎徒劳交甫忆自合專城居可怜二八初逐节似飞鸿悬胜河阳妓闇与淮南同入行看履进转面望鬟空腕动昭华玉衫随如意风上客何须起啼鸟曲未终 因羞强正钗顾影时回袂非关善留客便是娇夫婿【并梁简文帝】倡女多艷色入选尽华年举腕嫌衫重回腰觉态妍情绕阳春吹影逐相思弦履度开袞 鬟转匝花钿所愁余曲罢为欲在君前【刘遵】新妆本絶世妙舞亦如仙倾腰逐韵管敛色听张 袖轻风易入钗重步难前笑态千金动衣香十里 特比双飞燕定当谁可怜【王训】红颜自燕赵妙妓舞阳阿就行齐逐唱赴节闇相和折腰送余曲敛袖待新歌顰容生翠羽慢睇出横波虽称赵飞燕比此诎成多【杨皞】逐唱回纖手听曲动蛾眉日暮能留客相看诎此时【何逊】从风回绮袖映日转花钿同情依促柱共影赴危弦【王暕】回履裙香散飘衫钿响 低钗依促管慢睇入繁 依歌移弱步傍烛艳新妆徐来翻应节去去反成行【并刘孝仪】飞鳬袖始拂啼鸟曲未终聊因断续唱试记住还风【庾肩吾】

锦绣万花谷后集卷三十二

卷三十三

钦定四库全书

锦绣万花谷后集卷三十三

诗

文章必谨布置山谷言文章必谨布置每见后学多言以原道命意曲折后予以此槩考古人法度如杜甫赠韦见素诗云纨绔不饿死儒冠多误身此一篇立意故使人静听而具陈之自云甫昔少年日早充观国宾致君尧舜上再使风俗淳皆儒冠事业也自云此意竟萧条至蹭蹬无纵鳞言误身如此也则意举而文备故已有是诗矣然必言其所以误者于是有厚愧真知之句所以真知者谓 诵其诗也然宰相职在荐贤不当徒爱人而已士故不能无望故曰窃效贡公喜难甘原宪贫果不能荐贤则去之可也故曰焉能心怏怏祇是走踈踈又将去海而去秦也然其去也必有迟迟不忍之意故曰尚怜终南山回首清渭滨则所知不可不别故曰常拟报一饭况懷辞大臣夫如此是可以相忘于江湖之外虽见之亦不得而见之矣故曰白鸥波浩荡万里谁能驯终焉此诗前贤錄为压卷蓋布置最得正体如官府甲第防堂房屋各有定处不可乱也韩文公原道如书之尧典如此其他皆谓之变体可也【出防溪诗话】风人诗古辞云围棋烧败袄着子故依然陆 防皮日休固尝拟之陆云旦日思双履明时愿早谐皮云莫言春茧薄犹有万重思是皆以下句释上句乐府解题以此格为风人诗取陈诗以观民风示不显言之意至东坡无题诗云莲子擘开须见薏秋枰着尽更无棋破衫却有重缝处一饭何曾忘却匙是文与释并见于一句之中与风人诗又小异矣【出丹阳集】

三百篇为主大槩学诗须以三百篇辞及汉魏间人诗为主方见古人妙处自无齐梁间绮靡气味也【出吕氏童防训】多使酒楼语王平甫作诗多使酒楼语宋次道曰杨文公诗有咏酒楼云江南堤柳拂人头李白题诗徧酒楼钱昭度亦有一酒楼诗云长忆钱塘江上望酒楼人散雨千丝今子诗有防酒楼次道曰吾诗有二酒楼九江琵琶亭云夜泊浔阳宿酒楼琵琶亭畔荻花秋云沈鸟没事已往月白风清江自流又送客西陵云若耶溪畔醉秋风猎猎船旗照水红后夜钱塘酒楼上梦魂应绕浙江东【出青箱杂记】

得句必燃烛王元苦病风月终于贫病妻黄氏共持雅操每遇得句中夜必先起然烛供具纸笔元甚重之有听琴诗曰拂琴开素匣何事独嚬眉古调俗不乐正声公自知寒泉出涧澁老桧倚风悲纵有来听者谁堪继子期好事者画为图簇【出郡阁雅谈】

虚中一首诗僧虚中宜春人游潇湘山与齐己顾栖蟾为诗友住湘江西宗成寺潭州马氏子希振侍中好事每延纳于书阁中题马侍中池亭诗云嘉鱼在深处幽鸟立多时集首寄华山司空图侍郎诗云门径放莎垂往来投刺稀有时开御札特地挂朝衣岳阳僧 去天香鹤带

归他时周召作无复更衰微司空侍郎有诗言懷云十年华岳峯头住只得虚中一首诗【出郡阁雅谈】探骊获珠元稹刘禹锡韦楚客同防乐天舍各赋金陵懷古刘诗先成诗曰王濬楼船下益州金陵王气黯然收千寻铁锁沈江底一片降幡出石头荒苑至今生茂草古台依旧枕寒流而今四海归王化两岸潇潇芦荻秋白曰四人探骊子先获珠所余鳞角何用三公乃遂罢作

诗瓢唐求喜吟咏撚藁为丸贮以大瓢于江中曰苟不沈没得之者方知吾苦心耳流至新渠有识者曰此唐山人诗瓢取得之其诗遂传题隱居云数防石泉雨一溪霜叶风业在青山处道成无事中

郑鷗郑都官鷗诗称郑鷗

诗有生气齐诸暨令袁虾诗平平耳多自谓能尝云我诗有生气须人捉着不尔便飞去

龙甲凤毛张季鹰黄华之唱潘正叔綠繁之良虽不俱美并得虬龙片甲凤凰一毛【出古今诗话】

如四十个贤人刘禹昭字休明婺州人少师林寬为诗刻苦不憚风雪诗云句向夜深得心从天外归言不虚耳懷萧山隱者云先生入太华杳杳絕良音秋梦有时见孤懷无处寻神清峯顶立衣冷瀑边吟应笑干名者六街尘土深尝与人论诗曰五言如四十个贤人不能着一字屠沽輩也觅句者若掘得玉匣有蓋有底但精求必得其寶在湖南累为宰后卒于桂州府幕有诗于世【出郡阁雅谈】

默诵岷山诗徐安正侍郎久居中书堂参李右丞之论恐罪戾乃隱衡山为东林掇菜行者李北海邕游岳过寺观其题诗处曰不知徐公乃在此握手言曰朝列于公论已息矣遂解布褐而释以簪裳谓徐曰曾吟岷山诗曰岷山思驻马汉水忆回舟又曰暮雨船犹湿春风帆正开徐曰喑哑之日尝默诵之遂同载归长沙【出南卓异记】

以小秦王歌之东坡作彭门守时过齐州李公择中秋席上作一絕云暮云收尽溢清寒银汉无声转玉盘此宵此景不长好明月明年何处看其后山谷在黔南令以小秦王歌之【出王直方诗话】

非其父不生其子张瀛碧之子也事广南刘氏官至曹郎尝为歌赠琴棋僧同列见之曰非其父不生其子诗云我尝聽师法一說波上莲花水中月不垢不淨是色空无法无空亦无灭我尝聽师禅一观浪溢鼇头蟾魄满沙河世界尽空空一寸寒灰冷灯畔我又聽师琴一抚长松唤住秋山雨弦中雅弄若鉴金指下寒泉流太古我又聽师棋一着山顶坐沈红日脚阿谁称是国手人罗浮道士赌却鹤输却药法懷斟下红霞丹束手不敢争头角

四怨三愁五情曹邴字业之桂林人为四怨三愁五情诗其怨云庭花已结子岩花犹弄色谁

令生处遼用尽春工力其愁云别家鬓未生到城须似发朝朝临水望灞水不入越其情云空城野雀饥咬咬复飞飞忽见官仓粟官仓无空时为舍人韦瓘所知力荐于主司乃中第看榜日谕主司云一辞桂岩猿九泣都门月年年孟春至看花不如雪杏园宴上呈同年云贤路非在天十年行不至一旦公道开青云在平地又云故衣未及换尚有去年泪又云永持共济心莫起胡越意【出雅言系述】诗人龙太初郭功父方与荆公坐有一人展刺云诗人龙太初功父勃然曰相公前敢称诗人其不识去就如此荆公曰且请来相见既坐功父曰贤道能作诗能为我赋乎太初曰甚好功父曰只从相公请个诗题时方有一老兵以沙捺铜器荆公曰可作沙诗太初不顷刻间诵曰茫茫黄出塞漠漠白铺汀鸟去风平篆潮回日射星功父阁笔太初縁此名闻东南余后于乔希圣家见太初诗一轴皆不及前所作【出王直方诗话】

书一中字于掌王正白唐末大播诗名尝作御沟诗云一派御沟水緑槐相防青此波涵帝泽无处濯尘缨鸟道来虽险龙池到自平朝宗心本切愿向急流倾示贯休贯休曰剩一字正白袂而去休曰此公思敏书一中字于掌逡巡正白回曰此中涵帝泽休以掌中示之不异正白所改【出青后集】

语病当避诗有语病当避之刘子仪尝赠人云惠和官尚小师达禄须干全用故事取孟子柳下惠不卑小官仲尼曰师也达子张学干禄或有寫此二句减去师字示人曰是番僧达禄须干见者大笑此偶自谐合无如轻薄子非刀笔过也【出古今诗话】

人家失猫儿圣俞尝云诗句义理虽通语涉浅俗而可笑者亦其病也如有赠渔父一联云眼前不见市朝事耳畔惟闻风雨声說者云病肝肾风如尽日覓不得有时还自来本谓诗之好句难得耳說者云此是人家失猫儿人以为笑

贪好句理不通诗人贪求好句而理有不通亦语病也如云袖中谏草朝天去头上宫花侍燕归诚为佳句矣但进谏必以章疏无用藁之理唐人有云姑苏台下寒山寺半夜钟声到客船說者亦云句则佳矣其如三更不是撞钟时如贾岛哭僧云写留行道影焚却坐禅身时谓之烧杀活和尚此尤可笑若云步随青山影坐学白塔骨又云独行潭底影数息树边身皆是岛诗何精麗颇异【出欧阳诗话】

金步摇玉跳脱宣宗好文尝赋诗有金步摇未能对令温岐【即庭筠也改名岐】续之岐以玉跳脱应之宣宗令以甲科处之为令狐绹之沮除方城尉绹曾问其事于岐岐曰出南华真经非僻书也冀相公变理之暇时宜览古绹怒甚后岐有诗曰悔读南华第二篇之句【南部新书北梦琐言庭筠事甚详此独带玉跳脱事又琐言以跳为条与此不同南华真经无玉跳脱事不知当时何所据也】以妃子比飞燕开元间禁中初重木芍药植于兴庆池东沉香亭防花盛开明皇乘照夜驹妃子步辇从之诏选梨园子弟中尤者得乐十六色李 年以歌擅一时之名手捧檀板押众前乐将歌明皇曰赏名花对妃子焉用旧词遽命李 年持金花牋赐李白立进清平调词三章白承诏尚有宿醒遂赋词其一曰云想衣裳花想容清风拂槛露华浓若非羣玉山头见定向瑶台月下逢其二曰一枝红艳露凝香云雨巫山枉断肠借问汉宫谁第一可怜飞燕倚新妆其三曰名花倾国两相欢常得君王带笑看解释春风无限恨沈

香亭北倚防干 年遂以调进令梨园弟子歌之太真妃持七寶杯酌西梁州蒲萄酒笑领歌意明皇因调玉笛依曲迟其声以媚太真妃自是顾白尤异于诸学士然高力士终以脱靴为耻异日太真妃重吟前词力士曰始谓太真妃怨白入骨髓翻拳拳如是邪太真妃因惊曰何翰林学士能辱人如此力士曰以妃子比飞燕贱之甚矣太真妃颇深然之明皇欲三命白官卒为宫中所沮而止【出古今诗话】

诗意用老杜杜牧之诗意多用老杜如观东兵长句云黑稍将军一鸟轻盖用子美身轻一鸟过也游樊川诗云野竹疎还密岩泉咽复流蓋用子美细雨止还作断云疎复行也盖其心景服之切则下语自然相符非有意于蹈袭故其论杜诗云天外凤凰谁得髓何人解合续弦胶岂非自以为得髓者邪东坡赠孔毅甫诗云天下防人学杜甫不得其皮与其骨又云前生子美只君是信手拈得俱天成学杜甫而得其皮骨者鲜矣又况其髓哉

酷似玉川子刘义诗酷似玉川子而传于世者二十七篇而已冰柱雪车二诗虽作语奇怪然议论亦皆出于正也冰柱诗云不为四时雨徒于道路成泥粗不为九江浪徒能汨没天之涯雪车诗云官家不知民馁寒尽驱牛车盈道载屑玉车载欲何之秘藏深宫以御炎酷如此等句亦有补于时与玉川子月蚀诗稍相类【出丹阳集】拟陶渊明韦应物诗拟陶渊明而作者甚多然终不近也答长安丞裴税诗云临流意已栖采菊露未晞举头见秋山万事都若遗蓋效渊明诗云采菊东篱下悠然见南山此间有真意欲辩已忘言之句也然渊明脱落世纷深入理窟但见万象森罗莫非真意故因见南山而真意具焉应物乃因意凄而采菊因见秋山而遗万事其与陶所得异矣【出葛常之文集】

好押狭韵孔毅夫杂记云退之诗好押狭韵累句以示工而不知重叠用韵之为病也双鸟诗押两韵字李花诗押两花字苕溪渔隐曰读皇甫湜公安园池诗亦押两闲字诗曰日夜不得闲君子不可闲蓋退之好重叠用韵以尽已意诗不恤其为病也

押韵要有出处刘禹锡嘉话云作诗押韵须要有出处近欲押一饬字六经中无此字惟周礼吹箫处注有此一字终不敢押予按禹锡歷阳书事诗云湖鱼香胜肉宫酒重于饬则何尝按六经所出邪洛阳伽蓝记载河东人刘白堕善酿酒盛暑曝之日中经旬不壞当时谓之鹤觞【白堕乃人名子瞻诗云独看红蕖倾白堕石林避暑錄云若以白堕为酒则醋浸曹公汤燂右军可也予按文选魏武帝短歌行云何以解忧惟有杜康康亦作酒人而选诗遂以为酒用东坡岂祖是耶出碧溪诗话】

用事不拘故常韦应物诗云心同野鹤与尘远诗似冰壶彻底清又送人诗云冰壶见底未为清少年如玉有诗名此可谓用事之法蓋不拘故常也【出黄常明诗话】

作诗用经 全句古人作诗有用经 全句文选诗云小人计其功君子道其常乐天诗云疾恶如巷伯好贤如緇衣乃两句连用之杜甫诗云无妄之忧勿药喜谁谓荼苦甘如荠富贵于我如浮云近人亦多用史语东坡诗云人言卢 似奸邪我见郑公常妩媚尝观南史载王宜兴云为刼不须伴甚似一侧韵五言但无题目耳【出防溪诗话】

学诗如学道鲁直谓陈后山学诗如学道此岂寻常雕章绘句者之可拟哉客有谓予言后山诗其意在于防化杜甫语耳杜甫云昨夜月同行后山则云勤勤有月与同归杜云林昏罢幽磬后山则云林昏出幽磬杜云古人日已远后山则云斯人日已远杜云中原鼓角悲后山则云风连鼓角悲杜云暗飞萤自照后山则云飞萤元失照杜云但觉追随尽后山则云林湖更觉追随尽杜云文章千古事后山则云文章平日事杜云乾坤一腐儒后山则云乾坤着腐儒杜云孤城隐雾深后山则云寒城着雾深杜云寒山只暂香后山则云寒花只自香如此类甚多岂非防化老杜之语而成者余谓不然后山诗格律高古真所谓碌碌盆盎中见此古罍洗者用语稍同乃是读少陵诗熟不觉在其笔下又何足以病公【出丹阳集】

上一句无所得洪 父有诗云胡生画山水烟雨山更好鸿雁书远汀马牛风雨草潘邠老爱其第二句余爱其第三句山谷爱其第四句徐师川爱其第三第四句远汀后又改为远空余云向上一句莫是公未有所得否何众人之皆不好也 父大笑

通字未有人道洪驹父见陈无已小放歌行云不惜卷帘通一顾怕君着眼未分明此为奇语盖通字未尝有人道余曰子岂不记老杜诗云帘户每宜通乳燕耶【出王直方诗话】

臭气可掬开元中有儒士登终南山得句云野迴云根濶山高树影长私心自负吟讽之际忽闻空中语云未若云天河虽有浪月桂不闻香儒士不胜喜以为已有归夸于僧智濬掩鼻笑曰臭气可掬何足多也儒士惊愕遽以实告自此又号为鉴文太史智濬尝有浮沔篇盛行于世【出零陵总记】

自成一家省题诗自成一家非他诗比也首韵拘于见题则易于牵合中联缚于法律则易于骈对非若游戏于烟云月露之形可以纵横在我者也王昌龄钱起孟浩然李商隐辈皆有诗名至于作省题诗则疎矣王昌龄四时调玉烛诗云祥光长赫矣佳号得温其钱起巨鱼纵大壑诗云方快吞舟意尤殊在藻嬉孟浩然骐驎长鸣诗云逐逐懷良驭萧萧顾乐鸣李商隐桃李无言诗云天桃花正发秣李蕊方繁此等句与儿童无异以此知省题诗自成一家也【出丹阳集】

锦绣万花谷后集卷三十三

卷三十四

钦定四库全书

锦绣万花谷后集卷三十四

医

君臣佐使药有君臣佐使以相宣撮合和一君二臣三佐五使又可一君三臣九佐使也

陰阳配合药有陰阳配合子母兄弟根茎花实草石骨肉有单行者有相须者有相使者有相畏者有相恶者有相反者有相杀者【出本草】

针经脉法郭玉者广汉人初有老父钓于涪水因号涪翁着针经脉法弟子程高寻求积年翁乃授之玉少师事高学方诊六防之技为太医丞【出后汉书】

四家论方技为四家有医经家有方家有房中家有神仙家【出七略】

蛇从疮中出河内太守刘勲女若左膝里疮痒出迎华他使视他以绳系一犬于马后走马牵犬犬困不能行因取断肠以向疮口须臾有若蛇者从疮中出长三尺【出华佗别】

湔肠涤脏虢太子死扁鹊至虢国中庶子曰暴蹙而死扁鹊曰尚可活也庶子曰先生得无诞乎臣闻上古有俞附疗病不以汤液乃割皮解肌湔洗肠胃漱涤五脏【出史记】

刮骨去毒關羽为流矢贯臂每陰雨常疼痛医曰矢镞有毒当破臂刮骨去毒乃可除之也【出蜀志】

扁鹊兄弟鶡冠子云扁鹊兄弟三人并医魏文侯问孰最善扁鹊曰长兄神眎故名不出家仲兄神毫毛故名不出门臣针人血脉投人毒药故名闻诸侯【出意林】风百病之始风者百病之始也清静则内腠闭拒虽有苛毒弗能害故病从则一化上下不并良医弗为四时气伤五脏春伤于寒风邪留连乃为洞泄木胜脾土故也夏伤于暑秋必病疟秋伤于湿一逆而效发为痿厥金乘胃土故也冬伤于寒春必病瘟四时之气更伤五脏

陰阳寒热陰静阳躁阳生陰长阳杀陰藏阳化气陰成形寒极生热热极生寒寒气生浊热气生清

四经十二从人有四经十二从经应四时十二从应十二月十二月应十二脉春 夏洪秋浮

冬沈四时经脉也从谓天气顺行十二辰之分十二脉谓手三阴三阳足三阴三阳

五臟六府五臟藏精气而不防故满而不能实六府 化物而不藏故实而不能满水谷入口则胃实而肠虚食下则肠实而胃虚

水谷海胃者水谷之海六府之源五味入口藏于胃以养五臟气气口亦太陰也五臟六府之气味皆出于胃变见于气口五气入鼻藏于心肺有病鼻为不利百病生于皮毛百病始生必先于皮毛邪中之则腠理开开则入客于络脉留而不去 入于经留而不去 入肠胃

脏一肾两臟各有一耳肾独有两者何也肾两者非皆肾也其左者为肾右者为命门命门者诸神精之所舍元气之所系男子以一藏精女子以一系胞

冬不按蹠春气病在头夏气病在臟秋气病在肩背冬气病在四支冬不按蹠春不鼾衄春不病颈项仲夏不病胸脇长夏不病洞泄秋不病风疟冬不病痺厥并为冬不按蹠所致【已上并出内经】

卜

一卦帛十疋天寶末处士钱知防尝至洛遂榜天津表柱卖卜一卦帛十疋居一日有贵公子读榜命取帛如数卜焉钱命蓍布卦曰子筮可期一生君何戏为其人曰卜事甚切先生误乎钱云请为韵语曰两头防土中心虚悬两足踏吸不肯下钱其人本意买天津桥也给之其精如此【出酉阳杂俎】

卜负金隗炤善易临终谓妻子曰后虽大荒勿卖宅后五年诏使姓龚负吾金以吾所书版索之后如其言妻赍版诣使者使者惘然沈吟乃悟取蓍筮卦成曰妙哉隗生吾不负金贤夫藏金以待太平知吾善易书版寄意金有五百斤盛以青瓮埋在堂屋下去壁一丈入地九尺妻掘之果得金

绶笥有蛇后汉冯緄拜陇西太守绶笥有两赤蛇分走许曼筮曰二歲当为边将官有东名五年为大将南征失火管辂在田舍主人患失火辂卜曰明日南陌上有一角巾生驾黑牛故车必邀留如此言生不得已宿然意不安以为图已乃把刀出门倚积薪假寐歛有一物如兽手中持火举刀斫腰视之乃狐也火遂絕

买鞭悬树鲍瑗贫苦不信卜筮防淳于智至为作一卦曰君安宅失宜故贫入市有人持马鞭卖买之以悬舍东大桑树三年当暴得财如言后浚井得钱十万铜二十斤

折足为败李纲在隋宦不进筮之得鼎筮人曰君当为卿辅然待易姓乃如志仕不知退折足为败纲虽显于唐数称疾辞位去

卖卜长安市武攸绪少变姓名卖卜长安市

天火之象马重绩晋高祖以太原拒命废帝遣兵围之势甚危急命马重绩筮之遇同人曰天火之象干健而离明健者君之德也明者南面而向之所以治天下也同人者人所同也必有同我者焉易曰战乎干干西北也又曰相见乎离离南方也其同我者自北南乎干西北也战而胜其九月十月之交是岁九月契丹遂助晋击败唐军晋遂有天下【出五代史】

精钱元懿终年六十六初元懿之为新定有土方生时人号为 精尝防卜辞以贻元懿曰太一接天河金华宝贝多君侯六十六别处下经过至是皆如其言【出吴越备史】

黄中君鬼谷子窦廷芝与卜者胡芦生相善一日谓窦曰君家祸将至非遇黄中君鬼谷子将不可救廷芝物色求之得李邕侯泌倾家结之未几朱泚乱廷芝陷贼事平德宗命诛之泌以前事上闻得免【出剧谈录】

瓦卜休咎西京壽安县有墨石山神祠颇灵神龙中前有两瓦子过客投之以卜休咎仰为吉覆为凶【出南部新书】一蓍独立明皇兼潞州别驾来朝京师将行使术士韩礼筮之蓍一茎孑然独立礼惊曰蓍立奇瑞非常也不可言【出旧史】

大黄高后崩丞相陈平等使人迎代王王计未定遂卜之 兆得大黄庚庚余为天王夏啓以光【出史记】

贲非正色孔子尝自蓍而卦得贲愀然有不平之状子张进曰贲是吉卦夫子色有不平何也孔子曰山下有火贲非正色也【出家语】

乘舟而来孔子使子贡往外而未来谓弟子兆之遇鼎皆言无下足不来顔子掩口而笑曰无足者乘舟而来赐至矣清朝也子贡果朝至【出冲波】

遇观之否陈厉公生敬仲周内史筮之遇观之否曰是谓观国之光利用賁于王其代陈有国乎

败必获秦伯伐晋卜徒父筮之吉涉河侯车败诘之对曰乃大吉也三败必获晋君果如其言【出左】

法天地象四时卜法天地象四时【出史记】

王宗悬绶王宗以卖卜自奉安帝以博士徵耻占验见知悬绶于县庭而逃

妇女从瓮中出有人失妻辍卜之令明旦于东阳城门 担豚人牵与共鬪其豚走逸即共追之豚入舍突破主人瓮其妇从瓮中出【出六帖】

相

日角龙廷唐俭說秦王建大计高祖尝召访之俭曰公日角龙廷性協图防系天下望从矣若外啸豪杰北招戎狄右收燕赵济河而南以据秦雍汤武之业也【出本 崔 豹以相法言人事多中庄宗尤信重之以为北京巡官明宗为内衙指挥使安重海欲试豹乃使他人与明宗易服而坐明宗于下坐召 豹相之 豹曰内衙贵将也此不足当之乃指明宗于下坐曰此是也因为明宗言其后贵不可言明宗即位思 豹以为神召至京师凤諫曰好恶上所谨也今陛下神其术而召之则倾国之人皆将奔走吉凶之說明宗遂不复召【出五代史赵凤 】

骨法非常文穆王元瓘淮将李涛寇锦衣军命王讨之自是日者视王曰此人手刃百人当大贵有僧自新常衣纸衣住广德山院闻元瓘至举众皆遁而自新巍然晏坐军中有问其故曰前后左右皆兵耳将安适时王在众中新乃敛衣奉迎与语久之及师还遂载而归后王问新当时何以见识答曰防僧无他术但覩王骨法非常故幸得识矣【出吴越史】

真贵人五代钱鏐县録事钟起有子数人多窃从之游豫章人有善术者望斗牛间有王气牛斗钱塘分也因游钱塘陰求其人私谓起曰占君县贵人求之市中不可得视君之相贵矣然不足当之鏐适从外来见起反走术者望见之曰此真贵人也召至熟视之顾起曰君之贵因此人乃慰鏐曰子骨法非常愿自爱

神仙状吴殷文圭举进士涂中遇一叟目文圭从之谓人曰向者一人眉緑拳必入口神仙状也如学道当冲虚不尔有大名于天下而文圭拳实入口干宁中擢第【出九国志】

耳大贵兆李忠臣帝尝谓卿耳大贵兆对曰驴耳大龙耳小帝喜其野而诚

额文似临淮王栢良器父友王奂为光弼从事见之曰尔额文似临淮王面黑子似顔平原殆能立功乃荐之光弼【出唐史】

右辅泽而动窦轨后为益州行台仆射袁天纲复曰赤脉干瞳方语而浮赤入大宅公为将必多杀愿自戒轨果坐事见召天纲曰公母忧右辅泽而动不久必还果还为都督【出唐书】

识清貌古韩思复初郑仁杰李无为者隐居太白山思复少从二人游尝曰子识清貌古恨仕不及宰相也面如虎袁天纲谓韦挺面如虎当以武处官【出本 真将军姑布子卿善相见无恤曰真将军也赵简子曰是子其母贱翟婢也奚道贵哉子卿曰天之所受虽贱必贵【出史记】

丰下有后叔服来聘公孙敖闻其能相人见其二子焉叔服曰谷也食子难也収子谷也丰下必有后于鲁龙犀入额角朱建平相书曰额有龙犀入发左角日右角月者王天下

功名壽年周访遇善相者陈训谓访与陶侃曰二君皆位至方岳功名畧同但侃上壽访下壽
优劣有殊孺子有好相羊祐字叔子游汝水濱父老谓曰孺子有好相年六十建大功既言便
出莫知所在【并出晋书】

不可以科第进郑朗始朗举进士有相者言君当贵然不可以科第进俄而有司擢朗第一既
又覆实人被相者贺曰安之已而果相【出本 】

熊虎相任峻气貌伟特时谓之熊虎相

奇彪福艾李勣临事选将必先相其奇彪福艾者遣之或问其故答曰薄命之人不足与成功
名

面部三无李寬为常侍有门下士姓卢善相或问李公如何曰据其面部所无者三无子无宅
无塚公有数子皆先公卒有宅未尝还乡居死于池州乘舟归舟破沈其骨【出金华子】

虎状豺声楚子良生子越椒子文曰是子也熊虎之状豺狼之声不杀之必灭若敖氏矣鬼犹
求食若敖氏之鬼不其馁而后果灭之【出左 】

亚夫下狱相南唐宋齐丘微时日者相之曰君贵不可言然亚夫下狱君实有之位极之日当
早引退庶几保全齐丘登相位数载致仕复以大司徒就徵未几坐陈觉谋干纪事乃赐死【
出唐书】

揽镜知刑蜀张裕晓相术每举镜视面自知刑死未尝不扑之于地后为刘备所杀【出六帖
】

肉不称骨袁天纲视岑文本曰学堂莹夷故文章振天下首生骨未成自前而视法三品肉不
称骨非壽兆也【出本传】

穷相李白召见及出上顾谓力士曰此人固穷相【酉阳杂俎】

先知

五十年天子明皇潜龙时见僧万回曰五十年天子愿自爱五十以后果有祿山之祸【并出
逸史】

六十日三品贞观中张宝藏为金吾长上常因下直归栢阳路少年逢畋猎割鲜食倚树叹曰
张宝藏身年七十未尝得一食如此傍一僧指曰六十日内官登三品何足叹也言讫不见宝
藏即时还京时太宗苦于气痢众医不效诏问殿庭有能治此疾者重赏之宝藏曾困其疾即
具疏以乳煎茱萸方服之立瘥宣下宰臣与五品官魏徵难之逾月不进拟上疾复作后命进

之一啜又平因思曰尝令与进方人五品官不见除授何也徵惧曰奉诏之际未知文武二吏上怒曰治得宰相不妨已授三品官我天子也岂不及汝耶乃厉声曰与三品大官特授鸿胪卿时正六十日矣【出独异志】

五般馄饨李宗回与客入關云吾能知人饮饌因正旦日将谒华陰县令客曰明日与公各饮椒薤酒一杯食五般馄饨不得饭吃明日见令二公冲寒且速暖两杯酒来仍着椒薤良从女奴与令耳语令曰总羹来谓二客曰某小女尝言不令我干家事某作恼渠遣校歲节饮食适云五般馄饨羹何者某令总羹来二客食尽忽报勅使到县令惊忙揖客去竟不得饭

两盘餤糜明皇时有术士判人食物一一先定李栖筠曰明日看某食何物曰大夫合食两盘餤糜二十碗橘皮汤平明有勅召对上以金盘盛新糯米餤糜赐之栖筠对御不敢不尽帝大喜曰卿食甚美更赐一盘又尽既归病霍乱诸物皆絶口饮橘皮汤仅二十碗方愈【逸史】城下三天子周太祖时有麻衣和尚善望气李守正叛河中周太祖亲征麻衣语赵韩王曰李侍中安得从居城下有三天子气未几城陷时周世宗与太祖太宗同行【出唐宋遗史】

宗用张嘉贞开元中上急于为理尤注意于宰辅常欲用张嘉贞为相而忘其名夜令中人持烛于省中访其直宿者谁还奏中书侍郎韦抗即令召入寝殿上曰朕欲命一相常记其姓张而重名今为北方侯伯不欲访左右旬日念之终忘其名卿试言之抗奏曰张齐丘今为朔方节度使即令草诏援笔而成抗归宿省中上不解衣以待且将降其诏书夜漏未半忽有中人复促抗入见上迎谓曰非张齐丘乃张嘉贞别命草诏上谓抗曰惟朕志先定可以言命矣朕适因阅近日大臣章乃嘉贞表也因洒然方记得其名此亦天啓非人事也上嘉其得人复叹用舍如有人主张【出明皇杂记】

名字亦前定杜相鸿渐之父名鹏举尝梦有所之见一大碑云是宰相碑已作者金填其字未作者判名于柱间有杜家儿否曰有任自看之视之记得姓下有鸟偏旁曳脚而忘其字乃名字为鸿渐而谓之曰汝不为相即世世名字当鸟旁而曳脚也鹏举生鸿渐而名字亦前定矣况其官与壽乎【出嘉话錄】

垣下生善筮太原王陟真元初应进士举而京师有善筮者号垣下生陟从筮焉生卦成少不复言又大嗟异谓陟曰此卦郎君后二十三年及第是歲状头更两年而生郎君待此人应举然后同年及第某所以讶之后累举不第亦不记垣下之所尅比张靖舍人知举陟及第榜出复于礼部南院序列叅主司各通姓名见首立者即韦瓘也陟忽忆垣下之言试问其年韦答云某春秋十九年陟遽应之先辈所隱祇二年何不诚如是且先辈贞元四年生瓘矍然乃取垣下生所记示于众众大惊由此以实告【出续定命錄】

顾少连下及第贞元中有举人李頔方就举声价极振忽梦一人衣紫云当礼部侍郎顾少连下及第寐觉省中朝并无姓顾者及顷有人通刺称进士顾少连谒頔惊而见且述当为门生少连曰某不到场中必无此事来年頔果落第至贞元九年顾少连自戶部侍郎权知贡举頔犹未第因潜往造焉临放榜时相特嘱一人頔又落来年秋少连拜礼部侍郎頔乃登第【出

咸定錄】

蒸防荔枝陈广汉贮米二困请元理计其数元理取食箸作数转曰各若干开困校之之东则数同西差一升有死防焉元理惭曰不知防之非米不如剥面皮矣他日元理诣广汉设食甚薄广汉曰有仓卒客无仓卒主人元理以七箸筭曰俎上蒸防厨中荔枝何不説广汉大惊【出西京杂记】

大书台字裴光庭当国憬藏以纸大书台字投之光庭曰吾既台司矣尚何事后三日贬台州刺史

锦绣万花谷后集卷三十四

卷三十五

<子部,类书类,锦绣万花谷

钦定四库全书

锦绣万花谷后集卷三十五

酒

五斗先生五斗先生其饮至五斗不乱人有以酒邀者无贵贱輒往着五斗先生

六鹤齐飞古者交欢多为博列子曰虞氏设乐饮酒击博楼上其齿以牙饰以箭长五寸其数六刻一头作鹤形仙经云六鹤齐飞盖其名也宋齐以降多以擣菹头战酒骰子之制亦六鹤齐飞之变也【出醉乡日月】

琼苏南岳夫人 曰夫人设王子乔琼苏緑酒

醕醢酒李绛曰今法令不及者五十余州西戎内讧加以水旱无年陛下焦心销志求济时之略渠便高枕而卧哉帝谓左右曰绛言骨鲠真宰相也遣使赐醕醢酒【出唐书】

剧饮欢甚采访使韩朝宗约孟浩然偕至京师欲荐诸朝防故人至剧饮欢甚或曰君与韩公有期浩然曰业已饮遑恤他卒不赴【出本 〇】

生春酒德宗即位五月甲申剑南贡生春酒【出本纪】紫酒青酒于阗以蒲萄为酒又有紫酒青酒不知其所酿而味犹美【出五代史】

甘若飴韩愈诗一杯春酒甘若飴

地黄酒柳玼相国餽門人賈有奴頗橫馮球愛賈召奴責之奴泣謝未几馮謁賈未出有二青衣賁罌出曰公恐君寒奉地黄酒三杯馮說盡舉之

酒山南昌国有酒山山有泉其味如酒饮之甚美醉经月不醒

碧芳酒房壽六月搗蓮花制碧芳酒涼物也【出叩頭錄】防腦酒肅宗張皇后專權每進酒常寘防腦酒令人久醉健忘【出酉陽雜俎】

石梁春茱阳之土窟春富平之石梁春酒名也【出国史补】饮饰饮饰者如暑中置寒筵冰之类【出醉乡日月】

明府旷官苛政凡饮以一人为明府主斟酌之宜酒懦为旷官谓冷也酒猛为苛政谓热也

三材凡饮以一人为録事以纠坐人须择有饮材者材有三谓善令知音大户也

饮储下酒物色谓之饮储

欢 十有三欢之 十有三得其时一也賓主从间二也酒醇而主严三也非觥罍不讙四也不能令有耻五也方饮不重膳六也不动筵七也録事貌毅而法峻八也明府不受请谒九也废卖律十也废替律十一也不恃酒十二也使使勿欢勿暴十三也

不欢之 有九主人客一也賓轻主二也铺陈頼而不叙三也乐生而妓骄四也数易令五也骋牛饮六也迭恢谐七也手相属八也欢骰子九也【并出醉乡日月】

菖蒲桃花沧洲去国万里出菖蒲桃花酒饮之神气清爽

换骨醪宪宗采凤李花酿换骨醪晋国公平淮西回黄帕金瓶逵赐二斗【出叙闻録】

金牌断酒安禄山眷宠既深人多疾之帝恐其遇毒赐禄山以金牌系臂每王公劝饮则示金牌准勅断酒防酒皮日休诗云明朝有物充君信防酒三瓶寄夜航【防酒江外酒名】

昆仑觴魏贾将有奴善别水尝乘舟于黄河中流以匏瓠接河源水七八升经宿色如绛以酿酒名昆仑觴芳味絶妙

般若汤北僧谓酒为般若汤盖庾词以避法禁

诗得钱即相覓沽酒不复疑忘形到尔汝痛饮真吾师

却忆去年人醉时只今未醉已先悲数茎白髮那抛得百罚深杯亦不辞 春酒杯浓琥珀薄水浆碗碧玛瑙寒【出杜甫】车旁侧挂一壶酒鳳笙龙管行相催咸阳市上叹黄犬何如月下倾金罍 溧阳酒楼三月春杨花忙忙愁杀人胡雏绿眼吹玉笛吳歌白苎飞梁尘【出李白】频频到口微成醉拍拍满怀都是春醺酣情味难名状醞酿二夫莫指陈斟有浅深存變理饮无多少寄经纶【出邵康节】捣香筛辣入餅盆盎盎春溪带雨浑收拾小山藏社瓮招呼明月到芳樽稻垂麦仰陰阳足器洁泉新表里清晓日着顔红有晕春风入髓散无声【出朱布真】白衣送酒舞渊明急扫风轩洗破觥岂意青州六从事化为乌有一先生 隔篱不唤隣翁饮抱瓮须防吏部来【出东坡】

茶

惊雷莢萱草带觉林僧志崇收茶三等待客以惊雷莢自奉以萱草 供佛以紫茸香赴茶者以油囊盛余沥归【出蛮瓠志】

緑华紫英同昌公主上每赐饌其茶则有緑华紫英之号【出杜阳编】

官自治园令狐楚为盐铁转运使先是郑注建防茶使王涯又议官自治园植茶人不便请废使如旧法从之【出本传】

云脚乳面凡茶少汤多则云脚散汤少茶多则乳面聚文火顾况论茶云煎以文火细烟小鼎长泉

六班白乐天方斋禹锡正病酒禹锡乃馈菊苗藿芦服鮓换取乐天六班茶二囊以自醒酒【出蛮瓠志】

成象殿茶故例翰林学士春晚人困则日赐成象殿茶【出金銮密记】

自判品第陆 嗜茶置园顾渚山下歳取租茶自判品第张文新为水説七种其二惠山泉三虎丘井六淞江人助其好者虽百里为致之

诗活水还将活水烹自临钓石汲深清大瓢酌月归春瓮小杓分江入夜瓶雪乳已翻煎处脚松风仍作防时声枯肠未易禁三椀卧聴山城长短更【出东坡】汲涧供煮茗浣我鸡黍肠萧然緑陰下复此甘露尝慨彼俗中士噂 声利场高情属吾党茗饮安可忘【出谢防槃】开鍼试火煎须汲遠山泉自绕风炉立谁聴石碾眠细微缘入麝猛沸恰如蝉罗细烹还好铛新味更全花随僧筇破云逐客瓠圆痛惜藏书篋坚留待雪天睡醒思满啜吟困忆重煎只此消尘虑何须作神仙

香

龙鳞香叶子香即栈香之薄者又曰龙鳞香

龙涎香龙涎香出大石国国人 岛林上有异禽翔集下有羣鱼游泳则有伏龙吐涎浮水上舟人或探而得之则为巨富其涎如胶

九和香三洞珠囊曰天人玉女持罗天香按玉炉烧九和之香

入窰凡香须入窰贵燥湿得宜也合和讫干器收蜡纸封埋屋地下半月余

日防自合香金日防入侍欲衣服香洁变胡虏气自合一香武帝果悦之

五方香牀隋炀帝观文殿前两厢为堂各十二间于十二间堂每间十二宝橱前设五方香牀缀贴金玉珠翠每驾至则宫人擎香炉在辇前行

屑沉泥壁唐宗楚客造新第沈香红粉以泥壁开门则香气蓬勃

水麝天宝中虞人获水麝脐香皆水也每取以针刺之香气倍于肉麝

文石卞山在湖州山下有无价香有老母拾得一文石光彩可翫偶坠火中异香闻于远近收而宝之每投火中异香如初

蔷薇水周显德五年昆明国献蔷薇水十五餅云得自西域以洒衣衣敝而香不灭

鸡舌日华子云鸡舌香治口气所以三省郎含香奏事笑兰吴僧罄宜作笑兰香予曰岂非韩魏公所谓浓梅山谷所谓藏春者耶其法以沈为君鸡舌为臣北苑之尘柎鬯十二叶之英铅华之粉柏麝之脐为佐以百花之液为使一炷如茝子许油然郁然若麝九畹之兰而挹百亩之蕙也

棋

金面棋盘苏尚书八十犹叅禅大沕以手拍碎金面棋盘尚书寻悟【出禅学】

檀心棋子關中贵家以紫檀心瑞龙脑为棋子

玉棋子唐宣宗朝日本国王子来朝善围棋帝令待诏顾师言与之对手王子出本国楸玉棋局冷暖玉棋子盖玉之苍者如楸玉色其冷暖者冬暖夏冷

围棋短具王积薪每出游必携围棋短具畫纸为局与棋子并盛竹筒中系于车辕马鬣间道上虽遇匹夫亦与对手胜则徵其饼饵牛酒【出北梦琐言】

蛻龙牙取蛻龙牙一枚临局自然机变横出【出棋诀】可教常势王积薪随明皇西幸宿山中孤姥之家檐下夜忽闻姑与妇棋因附身门扉一一密记共下止三十六忽闻姑曰子已北矣吾之胜止七枰耳迟明王具礼请问出局尽平生之好布子未及数十姑谓妇曰是子可教以常势因指示攻守杀夺救附拒之法其意甚略曰此已无敌人间矣谢而别回顾失向之室矣【出异丛谈记】石枰仙奕山始登者得石枰于上黑肌而赤脉十有八道可奕【出柳宗元山水记】

天帝召棋客滑能善奕忽有一小子自云张清与能对奕思甚精敏能异而诘之曰我非世人天帝召公着碁能忽奄然【出北梦琐言】

博打子肃宗在彭原廨舍隘狭帝与张良娣博打子声闻于外李泌言帝乃潜令刻干树子不欲有声良娣以是怨泌

诗对敌常观势临机便得先安危心不动杀活手能专勿以欺为事须知劫是权旁人烂柯看当局是神仙【出杨元素】天迴人空遠洞虚枰尚存何时方对奕惊俗便冲轩羊恐多成石桃应别有源愿逢柯迴烂长得侍灵尊

食馐

琼膏乳懿宗迎佛骨入内道场荐琼膏乳诃陵国所献也【出杜阳编】

银饼餤宣宗赐韦澳孙宏银饼餤食之甚美皆乳酪膏腴之所为【出摭言】

鸭肝猪肚王晋饭酒非鸭肝猪肚筋辄不举【出醉仙图】月儿羹柳公权以隔风纱作龙城记及八朝名品号锦样书以进上方御剪刀麪月儿羹即命分赐公权【云仙散录】龙鲧有人遗张华鲧华曰此龙肉也遂沃以苦酒中有五色光【出世说】

同心鲙金门岁节曰洛阳人家七夕装同心鲙【出云仙散录】縠薄丝缕进士段硕常识南孝廉者善斫鲙縠薄丝缕轻可吹起操刀响防若合节奏因防客技先起鱼架之忽暴风雨雷震一声鲙悉化为蝴蝶飞去南惊惧遂折刀誓不复作【出酉阳杂俎】

骨青肉紫汉昭帝钓得蛟三丈帝曰此鱼鱠之类命大官为鲧骨青肉紫食之甚美帝更求之不获

含风鲧房州六月调羊酪造含风鲧【出叩头录】

野猪鲧安禄山恩宠莫比其所赐品目有野猪鲧有马酪【出酉阳杂俎】

雩肉南蛮室利佛寺有兽类野豕角如山羊名曰雩肉味美以馈膳

素麟脂班螭髓谢卿遇神僊设素麟脂班螭髓【续神仙传】红虬脯同昌公主上赠御馐有红虬脯非虬也但贮于盘中则虬健丝高一尺【出杜阳编】

麟肉脯王逵至蔡经家设麟肉脯【出神仙】

杏炙鼯炙饮食有杏炙鼯炙

莼 莼 之絶美江东谓之一莼 【并出酉阳杂俎】

锦绣万花谷后集卷三十五

卷三十六

钦定四库全书

锦绣万花谷后集卷三十六

冠冕

君之象帝尝问丈夫冠妇人髻皆高大何邪令狐德棻对曰冠髻在首君之象也晋之将亡君弱臣彊故江左士女衣小而裳大宋武帝受命君德尊严衣裳随亦变改此近事验也【出唐书】

仆射巾裴冕自制巾子工甚人争效之号仆射巾山帔葛巾武攸暨安乐公主出降遣通事舍人李邕以玺书邀之诏见曰山帔葛巾不名不拜【并出六帖】

轻金冠宝历二年浙东贡舞女戴轻金冠以金丝结之为鸾鹤状仍饰以五彩细珠玲珑相续可高一尺称之无二三分【出杜阳编】

玉叶冠持盈公主玉叶冠希世之宝【出唐明皇杂记】

珠盘幘头脚昭宗播迁于凤翔朱梁率诸道奉迎车驾时侯王将帅在岐下者皆以珠一颗盘幘头脚贯以银线而簪之军人咸以珠饰巾竞相夸尚洎朱梁篡立乃知珠已居人上者久矣【出纪异】

蝉翅张敞弟武为梁相曰馭黠马者利其御防当以柱后螭文冠弹绳之耳【如淳注曰螭蝉也冠细如蝉翅今御史冠是也】

鹊尾高祖为亭长乃以竹皮为冠【应劭注曰以竹始生皮为冠今鹊尾冠是也出汉书】

金颜通天冠金博山蝉谓之金颜【出徐爰释问】

金珰董巴汉舆服志曰武冠一曰武弁大冠诸武官冠之侍中常佩黄金珰

覆杯董巴汉舆服志曰委貌冠皮冠同制长七寸高四寸制如覆杯

鸂鶒晋永康九年正月大防有鸂鶒入御座武帐中拂司空张华之冠【出三十国春秋】

乌萃曾参锄 三足乌来萃其冠【出古今注】

印

六合大同印肃宗在灵武铸印追兵文曰六合大同印【出邺侯 】

金 印顺宗元和五年给事中张维则自新罗使回云于海上泊洲岛间见花木台殿有数公子命一青衣捧金 印以授维则乃置于宝函复语维则曰致皇帝还舟中回顾旧路悉无踪迹金 长五寸上负黄金玉印面方一寸八分其篆文曰凤芝龙木受命无疆维则达京师即具以事进上曰朕前世岂非仙人乎【出杜阳编】玉册金印唐庄宗入洛镠遣使贡献求玉册庄宗下其议羣臣皆以谓非天子不得用玉册既而许之乃赐镠玉册金印【出吴越世家】

雀印马印高祖诏军警给雀印 符次给马印【出后魏书】种龙巴吾县者宋杂陈楚地故梁国宁陵种龙乡也今其都印文曰种龙【出风俗通】

绶

桃花二千石绶青地桃花缥长丈八尺【出汉官仪】

螭草染緑诸侯王高帝初置金玺螭绶【如淳注曰螭緑也晋灼曰螭草名也出琅琊平昌县似艾可染緑因以为绶出汉书】

白艾焦赣易林曰二千石官白艾绶也

青緹武帝召东郭先生拜为郡都尉先生入待诏公车行雪中履有上无下及其拜为二千石佩青緹也【出史记】青紫晋永安起居注曰太康四年有司奏鄯善国遣子元英入侍以英为骑都尉佩假归义侯印青紫绶各一具

赤丝为地汉大司空朱游奏曰车府丞横受诏乘舆绶五防何黄多也可更用赤丝为地

笏

球玉鱼须天子以球玉诸侯以象大夫以鱼须文竹士以竹本象可也球玉美玉文饰也【出周礼】

良笏李绛进中书舍人帝翌日赐金紫亲择良笏与之【出绛传】

执笏唱吟宋逊为连州参军刺史闻其善歌教使婢日执笏帘外唱吟自如

青石手版高骈吕用之憚其术穷且见诘乃刻青石手版为龙蛇隱起文曰帝赐骈使人潜植几上骈得之大喜【并出六帖】

笏架笏囊防昌以来宰相朝则有笏架入禁中逐门 送至殿前朝罢则置于架上百寮各有笏囊吏持之【出常朝錄】

灵豸鴈角孙樵笏铭灵豸鴈角比干献骨合以愤烈在公为笏【出文粹】

三世一笏韩臯家自黄门以来三世 执一笏经祖父所执未尝轻授仆人之手归则别致在卧内一榻以示敬谨【出唐语林】

题诗以赐王起兼太常卿礼仪使帝题诗太子笏以赐举笏击面常达归贼薛举奴张贵曰识我否达瞑目曰若乃奴耳贵忿举笏击其面达不为慑

佩

纫兰纫秋兰以为佩【王逸注曰纫结也兰香草也秋而芳所以佩饰也出楚词】双渠璜汉孝明皇帝乃为大佩冲牙双渠璜皆以白玉【出舆服志】

六出火玉上元夫人带六出火玉之佩【出武帝内 】

江濱二女江濱二女者不知何许人步桃江濱逢郑交甫挑之不知神人也女遂解佩与之交甫悅受佩而去数十步空懷无佩女亦不见【出列仙 】

霹雳木 宗皇后王氏帝欲废后后兄守一惧为求厌胜浮屠明悟教祭北斗取霹雳木刻天地文及帝讳合佩之

带

于阗玉带李靖孙彦芳有靖破萧诜时所赐于阗玉带十三胯七方六剗胯各附环以金固之所以佩物者天子悉留禁中

黄银 杜如晦薨帝尝赐 龄黄银带曰如晦与公同辅朕今独见公 然流泪曰世 黄银鬼神畏之更取金带遣 龄送其家

通天犀 左军中尉马元贇最为帝宠信赐通天犀带万钉宝钿金 突厥 统叶防可汗献万钉宝钿金带细 鱼袋可汗拜苏禄左羽林大将军赐银袍细带鱼袋七事

刻玉为鱼安重荣既僭侈以为金鱼袋不足贵刻玉为鱼佩之【出五代史】

富人玉 苕从简陈州人许州富人有玉带欲之而不可得遣二卒夜入其家杀而取之卒夜逾垣隐木间见其夫妇相待如宾二卒叹曰吾公欲夺其宝而害斯人吾必不免因跃出而告之使其速以带献遂逾垣而去缕金 南诏衣缝紫锦罽缕金带

水玉腰 文宗朝李训讲周易颇叶上意时方盛夏遂命取水玉腰带以赐训【出杜阳编】

红玉 上自解红玉带赐宁王【出唐明皇杂录】

紫金 上以紫金带赐岐王盖昔高宗破高丽所得开元中高丽遣使来朝宴内殿因从容言于内臣曰紫金带本国亡是岁荒民散干戈屡起幸在内帑一见足矣上闻之命封付其使

犀 有光楚马希声海商有鬻犀带者直数百万昼夜有光洞照一室希声杀商而取之逾月光遂灭【出九国志】苏逢吉求玉 凤翔李永吉初朝京师苏逢吉以永吉故秦王从曦子家世王侯当有奇货使人告永吉许以一州而求其先世玉带永吉以无为解逢吉乃使人市一玉带直数千缗责永吉偿之既而不得州【出五代史汉臣】改鱼为 垂拱中都督刺史始赐鱼天授二年改佩鱼为 其后三品以上 袋饰以金四品以银五品以铜中宗初罢 袋复给以鱼郡王嗣王亦佩金鱼袋景龙中令特进佩鱼散官佩鱼自此始也【出唐书车服志】

口占进玉 状晋公平淮西赐以玉 公临薨却进口占奏状曰内府之珍先朝所赐既不合将归地下又不合留在人间闻者叹其不乱【出因话录】

雕衔缀 贞元之间德宗诏顷来赐衣文防不常非制也宜有定制节度使宜以缀 取其武毅以靖封内观察使宜以鴈衔威仪取其行列有序冀牧人有威仪也【威仪瑞草也出唐防要】

鱼袋金玉 唐高宗咸亨三年勅五品以上赐新鱼袋并饰以银三品以上赐金装刀子砺石一具上元中又勅文武官三品以上金玉 四品五品并金 六品七品并银 八品九品并瑜石 庶人铜铁 文武并 手巾箠袋刀子砺石武官欲 亦听之九月百官具新服上宴之于麟德殿【出唐旧史】

裘

狐腋王褒四子论曰千金之裘非一狐之腋

雉头晋咸宁起居注曰大司马程据上雉头裘一领诏曰据此裘非常衣服消费功用宜于殿前烧之

黑貂苏秦说李兑送秦黑貂之裘黄金百镒【出战国防】青凤周昭王以青凤之毛为二

裘一曰燠质一曰暄肌常以御寒【出拾遗记】

豹檐武王为侈靡令曰豹檐豹裘方得入庙故豹皮百金功臣之家享千钟而未得一豹皮【出管子】

鹔鹕司马相如与卓文君还成都居贫愁薄以所服鹔鹕裘就市鬻酒与文君为欢【出西京杂记】

狐白秦囚孟尝君说幸姬求解姬曰愿得君狐白裘裘已献昭王矣有客能狗盗入秦宫藏内盗得狐白裘献之遂得归

浮光裘敬宗宝历元年南昌国进浮光裘即紫海水染其色也以五防蹙成龙凤饰以五色真珠上衣之以猎北苑为朝日所照光彩摇动一日从禽忽值暴雨而裘畧无沾润上异之【出杜阳编】

履

桃花丝织鞋青齐间桃花有一种盛开时垂丝二三尺者采之练以松脂通相纏织成鞋履寄往都下人皆不辨何物【出青箱杂记】

飞云履白乐天烧丹于庐山草堂作飞云履 绫为质四面以素绡作云朵染以四选香振履则如烟雾乐天着示山中道友曰吾足下生云计不久上升朱府矣【出樵人直說】

高头草履文宗时吴越间织高头草履如绫縠前代所无履下物也织草为之又非正服而被以文饰盖陰斜闾茸泰侈之象【出五行志】

丹豹文履穆王起春霄之宫西王母来焉纳丹豹文履【出拾遗记】

偕出弗与人昔楚昭王与吴人战楚军去而履决失之行三十步复旋取左右问曰何惜是一踣履乎王曰楚国虽贫岂爱一踣履哉与偕出弗与人也【出初学记】

珠履楚春申君賓客三千人皆蹑珠履【出史记】

屣屣郑申侯见齐侯曰若师出于陈郑之间供其资粮屣屣其可也【屣屣草屣也】

锦绣万花谷后集卷三十六

卷三十七

钦定四库全书

锦绣万花谷后集卷三十七

花

花中十友曾端伯十友调笑令云取友于十花芳友者兰也清友者梅也奇友者腊梅也殊友者瑞香也净友者莲也禅友者薝卜也佳友者菊也仙友者岩桂也名友者海棠也韵友者荼防也仍有玉友来奉佳賓谓酒也

花神润州鹤林寺有杜鹃花寺僧相 云正元中外国僧自天台来鉢中以药养其本植此寺人或见女子红裳佳丽游于花下俗 花神东坡诗云鹤林神女无消息【出续仙】

众花之精崔 微遇数美人李氏陶氏又绯衣小女曰石醋醋又报封家十八姨来石醋醋曰诸女伴皆住苑中每被恶风所挠常求十八姨相庇处士每歲旦与作一朱幡图日月五星则免矣崔许之其日立旛东风刮地折木飞花而苑中花不动 微方悟众花之精封家姨乃风神也石醋石榴花也【出博异记】

诗小隱园中百本花各随红紫发新芽东君见借阳和力不拣公侯富贵家【出击壤集】长与韶光暗有期可怜蜂蝶却先知谁家促席临低树何处横钗 小枝【出薛能】繁枝容易纷纷落嫩蕊商量细细开【出杜甫】花开只恐看来迟看了愁多未看时家在楚乡身在蜀一年春色负归期【出罗邙】今年轻作东风客愁紫愁红满故园邂逅妖娆成一笑待归端有几枝存【出斯庵】谁将枝叶染还裁却使馨香次第来春柄定教三月主天心合与一齐开如何零露方滋菊岂得东风不为梅低蹙艷容愁似语也疑由命不由才【出宋文安】玉女来看玉树花异香先引紫云车攀枝弄雪时回首惊怪人间日易斜【出刘禹锡】浅深红白宜相间先后仍须次第栽我欲四时携酒去莫教一日不花开【出欧阳公】可笑陵阳太守家闲无一事只栽花已开渐落并 发长满庭中五色霞【出文与可】

牡丹

状元红清香拂袖剪来红似绕名园晓露丛欲作短章凭阿素缓歌夸与落花风【出山谷】

花品第一我按花品此花第一脱畧羣类独占春风【出舒元与赋】

牛黄大梁城里虽罕见心知不是牛家花【大梁即汴京欧公牡丹释名四牛黄千叶出民间

牛氏家比姚黄差小出山谷集】

一种天香李士杰诗一种天香分外奇

花开一千朵开元末裴士淹为郎官奉使幽冀过汾州众香寺得一株白牡丹移置长安私第
天宝中为都城奇赏当时名士裴给事看牡丹诗至德中马仆射总镇太原又得红紫二者今
则至多与戎葵比矣兴唐寺昔有一株开花一千朵有正晕侧晕红紫黄白之色各不同【出
酉阳杂俎】

香艷醒酒明皇与妃子幸华清宫因宿酒初醒凭妃子肩同看木芍药帝亲折一枝与妃子通
嗅其艳帝曰不惟萱草忘忧此花香艷尤能醒酒【出天宝遗事】

诗浅红酡绿各新样雪白鹅黄非旧名擡举精神防雨过留连消息嫩寒生【出诚斋】沉香
亭北无消息魏国姚家亦寂寥不见君王殿中见溪园堂下雨潇潇【出介庵】漫山桃李占
春光始见檀心吐露芳春骨不禁寒料峭多烦晓日为催妆【出欧彦成】一朵妖红翠欲流
春光回怨雪霜羞化工只欲呈新巧不放闲花得少休人去簪花不自羞花应羞上老人头醉
归扶路人应笑更使珠 半上钩【出东坡】今日花前饮甘心尽数杯但愁花有语不为老
人开【出刘禹锡】偶向豪家种牡丹数枝擎露出朱防晚来低面开檀口似笑穷愁病长官
【出王禹偁】门倚长衢攢绣轳幄笼轻日防香霞歌钟满座争欢赏肯信流年鬓有华【出
罗邙】白帝工夫缕防震肯将颜色弄韶华酒粘织女秋衣薄风动嫦娥鬓髻斜霜露莫摧今
日蕊轮蹄争看异时花陰阳自古栽培地不趁春光有几家【出城山】名花国色两相欢常
得君王带笑看解释春风无限恨沉香亭北倚防干【出李太白】拥毳看芳丛由来趣不同
发经今日白花似去年红艷曳随朝露馨香逐晚风何须待零落然后始知空【出僧文益】
沉香亭北露华春曾识霓裳第一人千载不归罗袜梦绿枝红艷只如新【出斯庵】既全国
色与天香底用家人紫共黄却喜骚人称第一至今唤作百花王【出北山集】风尘防污青
春面自汲寒泉洗醉红径欲题诗嫌浪许杜郎覓句有新功故人拂袖剪来红似绕名园晓露
浓【出山谷】轻雾欲笼藏暮碧断霞初怨误朝红即时苦待千枝烂计日先愁一树空外客
定闻琼宴赏防春长把锦帷 何须羣玉南头见都似沉香北畔移防地宝栏方自整寻春珠
盖有谁知莺迷旧树栖犹晚人乐新英赏未迟【出宋贯之】秀出羣芳照碧阑世间颜色比
应难晓承露浥光先泛晚得云陰叶未残艷质易迷人竞赏道心不染兴经阑使君认取真消
息同向尊前笑里看【出胡安国】

芍药

诗一声鶗鴂畫楼东魏紫姚黄扫地空多谢化工怜寂寞尚留芍药殿春风
小檻徘徊日自斜只愁春尽委泥沙丹青欲写倾城色世上今无杨子华
倚竹佳人翠袖长天寒犹着白罗裳 州近日八千叶自是风流时世妆【出东坡】

海棠

蜀中花有香此花有色无香惟蜀中昌州海棠花有香其木合抱【出花谱】

三恨楚渊材三恨一恨鲋鱼多骨二恨金橘太酸三恨海棠无香

杜母名杜草堂先生本集未尝有一诗説着海棠以其所生母名海棠故也庭坚诗云浣花溪上添惆怅子美无情为发

诗传芳逺逺自西隣锦伞高张熨眼新花睡觉来红泪落年年如忆故宫春【出曾景建】谁道名花独故宫东城盛聚足争雄横陈锦障防干外尽吸红云酒盏中贪看不须持夜烛倚狂直欲擅春风拾遗旧咏悲零落瘦损腰围拟未工 今日春已半风雨停出游瓶中海棠花数酌相献酬尚想锦宫城花时乐事稠金鞭过南市红烛宴西楼千株夸盛丽一枝赏纖柔那知茅檐低白发见花愁花亦如病姝掩抑向客羞尤物终动人要非桃李俦【出放翁】海棠花上问春归岂料春风雪满枝应为红妆太妖艷故施微粉着胭脂 宛转风前不自持妖娆微傅淡胭脂花如剪防层层见枝似轻丝袅袅垂【出垂丝海棠】山碧花尤好径长人自闲锦围春照耀红雨暮防斑 红妆翠袖一番新又向园林作好春却笑华清夸睡足只今罗袜从无尘【出斯庵】几树繁红一径深春风裁剪锦成屏花前莫作渊材恨且看杨妃睡未醒【出北山】

桃

蒸红退之桃源诗种桃处处惟开花川源逺近蒸红霞介甫因用此句云春风过柳緑如繅晴日蒸红出小桃【出苕溪诗话】

兰若中香异常史论在齐州时出猎憩兰若中觉桃香异常访其僧僧言近有人施二桃因取献论大如饭碗论时饥尽之核大如鸡卵论因诘其所自僧导论上山越涧至一处清泉怪石非人境也有桃数百株其香扑鼻论与僧各食一蒂取两个而返【出酉阳杂俎】

红衣人歌红衣人送酒歌曰绛衣披拂露盈盈淡染胭脂一朵轻自恨红颜留不住莫怨春风道薄情月中随而送之逾墙入苑中乃桃花精也【出博异记】

销恨明皇于楚苑中初有千叶桃花盛开帝与贵妃日夕宴花树下帝曰不独萱草忘忧此花亦能销恨【开元遗事】助娇御苑有千叶桃帝亲折一枝挿于妃子宝冠上曰此花尤能助娇态【出天宝遗事】

诗禁苑春晖丽花蹊绮树装缀条深浅色防露参差光向日分千笑迎风共一香如何仙岭侧独秀隱遥芳【太宗】结叶还临影飞香欲徧空不意余花落翻沉露井中【出孔绍安】河阳县里虽无数濯锦江边未滿园【出杜甫】灼灼开元销恨花连昌春苑盛恩华如今妖艷无人比笑倚东风日自斜【咏千叶桃】云锦涨春塢霞綃 夕阳东风多乐意不特为红芳【韩子苍】

李

鑽核王安丰有好李常卖之恐人得其种乃鑽核而卖【出世説】

九标萧瑀陈叔达于龙昌寺看李花相与论李有九标谓香雅细淡洁密宜月夜宜緑鬢泛酒无异色皆实事【出承平旧纂】

龙耳堕血崔奉国家一种李肉厚而无核识者曰天罚乖龙必割其耳血堕地生此李也【出琴庄美事】

飞仙状沆陵伍贯卿家李花一月夜奴婢遥见花作数团如飞仙状上天去花上露水倏作雨数千防花则亡矣【出枢要録】

杏

中使封树司徒马遂子鬯以第中大杏馈窦文 文 以进德宗未尝见颇怪鬯令中使就封其树鬯惧进宅为奉诚园【出桂苑丛谈】

金杏济南郡之东南有分流山山上多杏大如梨黄如橘土人谓之汉帝杏亦曰金杏

二花阮文姬插 用杏花淘浦呼为二花【出河东备録】董仙杏林董奉居序山为人治病不取钱病重种杏五株轻者一株数年成林号董仙杏林【出神仙 】

诗殷红鄙桃艷淡白笑梨花落处飘防霰繁时叠碎霞苑宜开帝里坛称在儒家丽日明珠箔清香袭绛纱【孙何】草色青青柳色黄桃花零落杏花香东风不解吹愁却春日偏能惹恨长【出山谷】

梨花

擅美春林李遵进梨表此花开处擅美春林【出耳目记】雌雄梨九仙殿银井有梨二株枝叶交结宫中呼为雌雄【出金銮密记】

千株雪退之梨花诗闻道郭西千株雪欲将君去醉如何

洗妆洛阳梨花时人多携酒其下曰为梨花洗妆【出唐余録】压防梁绪梨花时折花簪之压损防檐【出祥云志】

诗洛阳城外清明节百花寥落梨花发今日相逢瘴海头共看烂熳开正月【出退之】梨花院落无人处窃取宁王玉笛吹【出张祐】风入池塘邀柳絮月来深院伴梨花【出诗话】

櫻桃

青衣携篮天宝初有范阳卢子在东都下第尝春暮游僧舍有僧开讲卢子方诣讲筵至精舍门见一青衣携一篮笼櫻桃因与同飧青衣云娘子姓卢即卢子再从姑也卢便随之卢自为御史大夫至为相经三十年却到昔逢携櫻桃青衣精舍门遂下马升殿礼佛忽然昏醉闻讲僧云何从不起乃见身着白衫服饰如故访其仆曰日已午矣【出异闻集】

和以香酪召侍臣学士食櫻桃饮醪醑酒并以琉璃盘和以香酪【出唐景龙文馆记】

蜡帛丸杂果中李希烈始入汴闻户曹叅军窦良女美强取之尝称陈仙竒忠勇可用而妻亦窦姓愿如娼媚者以固其夫希烈许诺及希烈死子不发丧欲悉诛诸将自立未决有献含桃者窦请分遗仙竒因蜡帛丸杂果中出所谋仙竒大惊率兵入斩之

诗华林满芳景洛阳遍阳春朱顏含遠日翠色影长津乔柯转娇鸟低枝映美人昔作园中实今来席上珍【出唐太宗】倒流映碧丛防露擎朱实花茂蝶争飞枝浓鸟相失已丽金钗仍美玉盘橘宁异梅似丸不美萍如日永植平台垂长与云桂匹徒然奉肥甘终以愧操笔【梁简文帝】

石榴

天浆石榴甜者谓之天浆能已乳石毒

味絶洛中南诏石榴子大皮薄如藤纸味絶于洛中【并出酉阳杂俎】

花如槿红衡山祝融峯下法华寺有石榴花如槿花春秋皆发

白马甜榴宫人或转遗亲戚以为竒异得者不敢輒食乃歷数家又有大者京师语曰白马甜榴一石直牛【出伽蓝记】

开花不及春孔绍安仕隋高祖受禅间往来奔见之甚悦拜内史舍人时夏侯端亦尝为御史先归朝绍安受秘书监因侍宴应制咏石榴诗祇为时来晚开花不及春时人称之

一 六实武陵临沈献安石榴一 六实【出沈约宋书】诗分根金谷里移植广庭中新枝含浅绿晚萼散轻红影入环阶水香随度隙风路遠无由寄徒念春闺空【出隋魏彦深】何年安石国万里贡榴花迢遞河源道因依汉使槎绿叶裁烟翠红英动日华【并出元稹】赤玉何人小琴轸红缣谁家合罗袴【出白居易】涂林未应发春暮转相催燃灯疑夜火连珠胜早梅西域移根至南方得酒来叶翠如新剪花红似故栽还忆河阳县映水 瑚开【出梁孝元帝】

莲

金莲花沧州金莲花州人研之如泥竹间彩绘光影灿烂与真金无异但不能入火而已更有茎出其花如蝶每防风则摇荡如飞妇人竞采之以为首饰即语曰不戴金莲花不得到仙家【出杜阳编】

分香莲三堂往事其宅有钓仙池一种莲子一歲再结实每实子十双其花时香兼桃菊梅英郡人分香莲不论钱

睡莲南海有睡莲夜则花低入水【出酉阳杂俎】

金房煌煌芙蕖从风芬葩陰结其根阳发其华金房綠叶素珠翠柯【出傳】

珠实汉昭帝游柳池有芙蕖素色大如斗花叶甘可食芬气闻于十里之内莲实如珠【出拾遗记】

一茎两华文帝元嘉元年莲生建康鰲担湖一茎两华【出宋纪】

千叶莲华山顶有池生千叶莲华服者羽化【出华山记】诗给伴戏芳塘携手上雕航船移分细浪风散动浮香游莺无定曲惊鳬有乱行莲稀钏声断水短棹歌长栖鸟还密树泛流归建章【出唐太宗】江风当夏清桂楫逐流萤初疑京兆剑复以汉冠名荷香风送遠莲影向根生叶卷珠难溜花舒红易轻日暮鳬舟满归来度锦城【出孝元帝】灼灼荷华瑞亭亭出水中一茎孤引綠双影共分红色夺歌人脸香乱舞衣风名莲自可念况复两心同【隋柳公瞻】五月荷池未见花但擎余盖碧叅差何人唤起凌波步要见晨妆出晓霞【出斯庵】鉴湖三百里菡萏发荷花五月西施采人看忆若耶【出李太白】翠盖佳人临水立寂寞雨中相对泣温泉洗出玉肌寒檀粉不匀香汗湿一阵风来碧浪翻真珠零落难收拾【咏雨中荷花】谁种幽花傍浅清含红怨綠影亭亭云归巫女妆犹润浴出杨妃困未醒好把芳杨临晚岸莫教飞片逐浮萍相看最忆吴船路万里芙蓉水蒲涇凿破苍苔涨作池菱荷分得綠参差晓开一朵烟波上似真妃出浴时【出杜衍】红白莲花共一塘两般顏色一般香宫娥梳洗争先后半是浓妆半淡妆【咏红白莲】淤泥不染如来性淨社如陪多土禪【咏白莲】共怜明礫水花淨并倚离披风盖凉浪笔更题青玉案佳人怅望碧云乡忽防府句并送遠公莲翠盖临风迴冰华浥露鲜舞衣侵縞袂仙景烂珠躔想像芙蓉阙冥冥絕世緣【出晦庵】惜丝不肯织宫鞋花月仙人谪下来河伯借泥封玉腕风神翻浪沃香腮无房不许蜂归宿有盖尝令鹭自开何事冤他结青女一朝收拾付尘灰【出池藕花】四顾山光接水光凭栏十里菱荷香清风明月无人管并作南来一味凉【出山谷】

桐

凤条歷城房家园齐博陵君豹之山也其中杂树森竦或有人折其桐枝者君曰何为伤吾凤

条自后人不复折【出酉阳杂俎】

破桐叶以进李泌德宗在奉天召赴行在时李懷光叛歲又蝗旱议者欲赦懷光帝博问羣臣
泌破一桐叶附使者以进曰陛下与懷光君臣之分不可复合如此叶矣由是不赦【出六帖
】

锦绣万花谷后集卷三十七

卷三十八

钦定四库全书

锦绣万花谷后集卷三十八

桂

天竺桂宿因月桂落醉为海榴开【题天竺寺所作也旧説杭州天竺寺每歳秋月有桂子坠出白公诗】

雨桂子垂拱四年三月雨桂子于台州旬余乃止【出五行志】山桂山桂叶如麻细花紫色黄华簇生如防火草花出丹阳山中【出酉阳杂俎】

桂林一枝晋郤诜对武帝曰臣对防为天下第一犹桂林一枝

诗高高岩上桂歳晚独芬芳叶密千层緑花开万防黄天香生浄想云影防仙装谁识王孙意空吟招隠章玉蕊琅玕树天香知易熏露寒清透骨风定遠含芬爽致消繁暑高情谢晓云【出晦庵】尘世何曾识桂林花僊夜入广寒深移将天上众香国寄在梢头一粟金露下风高月当户梦回酒醒客同砧诗情恼得浑无奈不为龙涎与水沉老子江西有故林万松围里桂花深忆曾风露飘寒粟自领儿童拾薄金密割旋将揉作饼捣香须记不经砧一枝未觉秋光老灯影相看万籁沉【出诚斋】月中有女曾分种世上无花敢鬪香 淪雪凝酥防嫩黄蔷薇清露染衣裳西风扫尽强蜂蝶独伴天边桂子香【出韩子苍】月照十分满高林亦未开有心攀玉树须信謫僊才水麝翻轻叶瑶英防緑苔【出江西】多应谯国山边种岂是嫦娥月里香愿为儿孙积陰德东堂时占一枝芳【出宋贯之】人间植物月中根碧树纷敷散宝熏自是庄严等金粟不将妖艷比红褰金英翠叶底灵根吹作清秋宝篆熏四客对花飞玉笋八眉和叶舞红褰【出斯庵赏桂】

菊

晚节香不羞老圃秋容淡且看黄花晚节香【出韩魏公】三径三径就荒松菊犹存【出归去来辞】

殣英殣秋菊之落英【出文选屈灵均】

黄花似故入眼前景物年年别只有黄花似故人【出古诗】紫英黄萼紫英黄萼照灼丹墀旧根新茎布叶垂英陰槐翳柳迤楹近宇既低其枝又弱其干悵悵君子

佩服攸宜【出文粹】

菊与薏似菊花与薏花相似直以甘苦别之耳菊甘而薏苦所谓苦如薏者也【出抱朴子】

甘谷菊水南阳酃县有甘谷水甘美其山上有大菊落水从山下流下得其滋液谷中有三十余家不复穿井仰饮此水上寿百二三十其中年七十八十者为夭菊花轻身益气令人坚强故也【出应劭风俗通】

诗露浓晞晚笑风径浅残香细叶轻雕翠圆花飞碎黄【出唐太宗】霜间开紫蒂露下发金英【出陈叔达】荷尽已无擎雨盖菊残犹有傲霜枝【出东坡】开尽菊花秋色老落迟桐叶雨声寒【出杨徽之】浓露繁霜着似无几多光彩照庭除何须更待萤兼雪便好丛边夜读书【出魏野白菊诗】杜老檐前新种植渊明篱下旧精神【出北山集】移丛攢玉砌放蕊耿疎篱泣露悲秋日含风发几时【出江西】常应黄菊畔怅望白衣来谁将陶令黄金菊幻作荼防白玉花小草真成有风味东园添我老生涯倒影楼台开紫府得霜篱落賸黄花【出山谷】屋东菊畦蔓草荒瘦枝出草三尺长碎金狼籍不堪摘扫地为渠持一觴
鱼市人家满斜日菊花天气近新霜早余虫镂园蔬叶寒浅蜂争野菊花【并出放翁】浅白才舒霜后蕊深黄又绽水边丛【出运甓】三径定交陶靖节孤村取友陆龟经秋不脱黄金彩涉岁重抽碧玉丛殢蕊只縁心澹泊枕花能疗眼昏【出三槐】

芙蓉

盛开若锦成都州城皆植芙蓉至秋盛开望之若锦故号锦城【出杜诗】

拒霜拒霜花树丛生叶大而其花甚红九月霜降时开故名拒霜

诗芙蓉乃防木晚艳独娇春秾粹觉兰瘦芬敷知菊贫【出张文潜】路入东园无俗驾忽逢佳士喜同游绿荷菡萏稍觉晚黄菊拒霜殊未秋【出山谷】人间八月秋光好芙蓉溪上春酣酣旧时忆在延真馆玉作芙蓉院院明【出韩子苍】池边几簇木芙蓉浥露栖烟花更浓地有鲜鲜金菊对赏时莫惜醉千钟【出北山集】

梅

世外佳人袁丰之居宅后有六株梅开时曾为隣屋烟气所烁乃团泥塞灶张幕蔽风从而又拆其屋曰冰姿玉骨世外佳人但恨无倾城笑耳【出桂林记】

九英元稹为翰林承防朝退行至廊下时初日映九英梅隙光射稹有气勃勃然百僚望之曰岂肠胃文章映日可见乎【出常朝录】

聘海棠黎举常云以梅聘海棠但恨时不同耳【出金城记】绿英李白游慈恩寺僧献绿英

梅【出海墨徽言】

紫蒂胭脂修上林苑羣臣各献名果有紫 梅胭脂梅【出西京杂记】

诗絶讶梅花晚争来雪里窥下枝低可见高处远难知惧羞惜腕露相让道腰羸定须还剪防学作两三枝【出梁简文帝】菟园标物序惊时最是梅衔霜当路发映雪拟寒开枝横却月观花绕凌风台朝洒长门泣夕驻临邛杯应知早飘落故逐上春来【出梁何逊】水泉犹未动庭树已先知翻光同雪舞落素混冰池【出梁王】窻梅朝始发庭雪晚初消折花牵远树幽丛入细条垂冰溜玉手含刺冒春腰远道终难寄馨香徒自销【出庾肩吾】常年腊月半已觉梅花防不信今春晚俱来雪里看树动悬冰落枝高出手寒早知覓不见真悔着衣单【出庾信】今日清江路寒梅第一枝不愁风嫋嫋正奈雪垂垂暖热帷须酒评章却要诗他年千里梦谁与写相思 疎英明礫松中影防月黄昏句里香胸次自怜真玉雪人间何更有冰霜巡檐説尽心期事肯聴佳人锦瑟傍 忆昔身无事寻梅只怕迟沉吟观老树取次折横枝 莫遣扁舟兴尽回正须冲雪看江梅楚人元未知真色施粉何曾太白来幽香淡淡影疎疎雪虐风威亦自如正是花中巢许辈人间富贵不關渠 不堪三弄咽谁与一枝同鼻观残香里心期昨梦中那知此枝北恰有未开丛【出晦庵】的礫明陰壑玲珑挂晚林吹香撩远兴弄影慰孤斟 断堑疎篱一水濱压枝冰雪眼中春悬知东阁一端兴不减 州千载人晚歲风霜从惨淡寒梢气象自清真此来定作西湖梦疎影横斜访旧隣【出韩子苍】 为梅花倒玉卮故山幽梦忆疎篱写真妙絶横斜影彻骨清香蘸水枝苦节雪中迷汉使高标泽畔见湘累诗成亦为花拈出万斛尘襟我自知 移来春晚二三月羞落枝头千万花日暮溪桥数竿竹月明茅舍半窻纱黯黯江天雪欲飞竹篱数掩傍苔矶清愁满眼无人説折得梅花作伴归

小园风月不多寛一树梅花开未残剥啄敲门嫌特地缓拖藤杖隔篱看 一防不杂桃李春一水隔断车马尘恨不来为清夜饮月中香露湿乌巾 江郊车马满斜晖争趣南城未掩扉要説梅花无尽藏人人襟袖 香归【并出陆仓】云坞不胜香浩荡夜窻时见影横斜【出锦江】溪邊 幕暗香飘慚愧春归慰寂寥横笛不须吹破月一林清瘦雪初消 定自青阳陇首归山根溪曲卧横枝不辞折作江南信只恐天寒驿使迟 冷蕊扶疎寒涧濱眼看冰雪乱其真风前一笑水天碧时有暗香来袭人【出江西】道山堂后数株梅为底偏于雪里开到得晴来无一朵乱飞白雪防苍苔 淡淡梅花不要妆珍珠楼阁水晶乡骚人词客犹愁冷紫蝶黄蜂敢更忙【并出诚斋】姑射僊人冰作体秦家公主粉为身素娥自己称佳丽更作广寒宫里人【出郑獬】一树寒梅白玉条迴临村野傍溪桥不知近水花先发疑是经春雪未消【出戎昱】春回积雪层冰里香动荒山野水濱 月一枝低弄影背风千片远随人 十里温香扑马来江头还见去年梅喜开剩欲邀明月愁落先教扫緑苔 为探梅魁防蹇驴竹稍疎处见清癯清香雅韵十分足俗态嚣尘一防无寄我谁能如陆凯爱渠自谓若林逋夜窻却恐劳清梦速剪寒稍浸玉壶 疎枝横玉瘦小萼防珠光一朵忽先发百花皆后香欲春信息不怕雪埋藏玉笛休三弄东君政主张【出陈亮】天工戏剪百花房夺尽天工更有香埋玉地中成故物折枝镜里忆新妆 同君寺后野枝发香蜜染成宫样黄不拟折来遮老眼欲知春色到池塘【并出山谷】断桥斜路水声平茅舍疎篱月色新千里故人如念我不妨早寄一枝春【出北山集】细朵斜枝恼意香月明疎影媚寒塘悬知不结青青子故作无情淡淡妆【出百叶梅】北陆 才变南枝花已开无人同怅望把酒独徘徊冻白雪为伴寒香

风是媒何因逢越使肠断谪仙才【韩渥】

橘

禁中华实开元末江陵进乳柑橘上以十枚种于蓬莱宫至天宝十载九月秋结实宣示宰臣曰朕近于宫内种柑子数株今秋已来结实一百五十颗乃与江南及蜀道所进不异宰臣贺曰雨露所均混天区而齐被草木有性凭地气以潜通故得资江外之珍果为禁中之华实【出太真外】

千头木奴李衡种柑橘千树号千头木奴言利博也寒比蔗浆刘禹锡为中丞谢柑子表甘逾萍实剖食既同于楚谣寒比蔗浆析醒何慙于汉史

思橘立致陈允升好道抚州危全讽迎置郡中尝夜坐危谓之曰丰城橘美颇思之允升曰方有一船泊丰城港今为取之港去城十五里少顷便还携一布囊数百【出江淮异人录】

南楼寺柑不结罗浮柑子开元中始有种于南楼寺其后常资进献幸蜀幸奉天之岁皆不结实【出旧唐史】

掷蒋侯像防稽东门有女子姓吴忽见一贵人俨然端坐即蒋侯像也因掷两橘与之数数形见遂降情好【出搜神记】

建春山东方裔外有建春山其上多橘柚【出神异记】

诗方条结寒翠园实变霜朱徙根楚州上来复广庭隅【出梁范云】绿叶迎露滋朱苞待霜润但令入玉盘金衣非所恹【出梁沈约】嘉树出巫阴分根徙上林白花如霰雪朱实似悬金布影临丹地飞香度玉岑自有凌冬质能守岁寒心【出李元】

松

伐枝为龙骨岁旱则官伐其枝为龙骨以祈雨盖三藏役龙意其树必有灵也【出酉阳杂俎】

偃盖山芳山有野人见一使者异服牵一白犬野人问居何地曰偃盖山随至古松下而没松形果如盖意使者乃松树精犬乃茯苓耳【出金陵记】

枯松复生明皇遭禄山之变銮舆西幸禁中枯松复生枝叶葱蒨宛如新植者后肃宗平内难再兴唐祚祥不诬矣

五粒松脂五代郑遨闻华山有五粒松脂沦入地千岁化为药能去三尸因徙居华阴欲求之

龙拏虎踞有道人自天台来示余怪松图披之甚骇人自盘根于岩穴之内轮菌逼侧而上身大数围而高不四五尺礧礧然蹙缩然干不假枝枝不假叶有若龙拏虎踞壮士囚 之状【出陆龟 怪松赞】

五大夫秦始皇上泰山风雨暴至休于树下因封其树为五大夫

栋梁用庾顗见和峤叹曰峤森森如千尺松虽礧礧多节施之大厦有栋梁之用【出和峤】

诗根为石所蟠枝为风所碎頼我有贞心终凌细草辈【出吴均】古松惟一树森竦讵成林独留麈尾影犹横偃盖陰云来聚云色风度杂风音孤生小庭里尚表歲寒心【出隋炀帝】结根生上苑擢秀迓华池歲寒无改色年长有倒枝露自金盘洒风从玉树吹寄言谢霜雪贞心自不移【出李德林】

竹

东南之美东南之美者有防稽之竹箭焉【出尔雅】

凤翔千亩李从俨有竹千亩在凤翔惧侵民利未尝省理【出五代史】

电斑雷州土贡电斑竹【出地理志】竹类有三十九【出酉阳杂俎】湘妃舜死二妃泪下染竹即斑妃死为湘水神故曰湘妃竹【出博物志】云母大竹【出郭义恭广志】

雉头蛇身吴郡桐庐人少尝伐余遗竹见一宿竿雉头蛇身犹未变此亦竹为蛇为雉也【出异苑】

剖竹有朱书智伯率韩王攻赵襄子奔晋阳原过后至于王泽见三人自帶以上可见自帶以下不可见与原过竹竹节要通曰为我以是遗赵无恤原过告襄子襄子斋三日亲自剖竹有朱书曰余霍太山阳侯天吏也【史记】

义竹太液池岸有竹数十丛牙笋未尝相杂密密如栽也帝谓诸王曰人世父子兄弟尚有离心离德此竹宗本未尝相疎有懷二心生离间之意者觀此可以为鑒因名为义竹

鸾集蓬莱山有浮筑之簌叶青茎紫有青鸾集其上【出拾遗记】

诗竹生荒野外梢云起百寻无人重高节徒自抱贞心耻染湘妃泪羞入上宫琴谁能制长笛当为作龙吟【出刘孝先】夹池一丛竹青翠不惊寒叶醞宜城酒皮裁薛县冠湘川留别泪衡岭拂仙坛欲见葳防色当为菟苑看【出陰铿】脩竹映岩垂来风异夹池复润藏高节重林隱劲枝云生龙未上花落凤将移莫言栖嶰谷伶伦不复吹【出张正见】世人不爱竹只

为时花能夺目篱边桃脸红似霞陌上梨花白于玉偶因一夜风雨多红霞散尽玉消磨却来
此轩看此竹行看坐看看不足【出高明甫】瘦石防崎向小岑分行种竹未成林丁宁莫斫
春来笋留待新稍补缺陰根露苍龙脊骨寒叶盘丹凤尾稍端风雷未化秋塘影鱼鼈长猜是
钓竿【出孤竹】数十琅玕足辟尘何须千亩比封君一从清士心相许眼看浮花薄似云挺
挺霜中节沉沉日下陰试裁苍玉管吹作紫鸾音【出斯庵】解箨新篁不自持婵娟已有歲
寒姿要看凜凜霜前意须待秋风粉落时
晚节先生道转孤歲寒惟有竹相娱麤才杜牧真堪笑唤作军中十万夫【出东坡】

锦绣万花谷后集卷三十八

卷三十九

钦定四库全书

锦绣万花谷后集卷三十九

狮子

似麟无角条支国出狮子犀牛章帝章和元年安息国遣使献狮子形似麟而惟无角也【出汉书】

日走五百里狻猊日走五百里【郭璞曰狮子也食虎豹出穆天子】鸡犬无鸣吠魏武越蹋颈经白狼山逢狮子使格之杀伤甚众见一物从林中出如狸上帝车辄上狮子将至便跳上其头狮子伏不敢起遂杀之得狮子还未至四十里鸡犬皆无鸣吠者【出博物志】

擊象梁伯玉說沙门释僧吉云尝从天竺欲向大岭其间忽闻数十里外哮哮防防惊天怖地顷之但见百兽率走伏地欲絕而四巨象虡焉雨至以鼻卷泥自辱涂数尺数数喷鼻隅立俄有狮子三头崩血若濫泉巨树草偃【出擊象图序】

尾大如斗乌弋国有狮似虎正黄尾端毛大如斗【出西域传】近井哮吼开元末西国献狮子至安西道中繫于驿树近井哮吼若不自安俄顷风雨大至有龙出井而去【出鸡跖集】

象

身倍数牛象身倍数牛而目不如豕鼻长五六尺大如臂其所食物皆以鼻取之【出异物志】

藏牙象牙长一丈余脱其牙则深藏之削木代之可不尔穷其主得乃已【出南越志】

苍梧耕舜塋苍梧下有羣象常为之耕

舟称魏太祖欲知象轻重而不可称少子苍舒载象以舟刻其水防而以土实则知其数也帝悦之

鼻为口使象之为兽形体特诡鼻为口使望头如尾驯良承教聽言则跪服重致远行如立徙【出异物志】

拜舞中音律上每赐酺御楼引大象犀牛或拜或舞动中音律【出明皇杂录】

首垂四牙咸亨二年周澄国遣使上表言诃加国有白象首垂四牙身运五足象之所在其上必丰以水洗牙饮之愈疾请发兵迎取【出酉阳杂俎】

金羈络首异蛮王设汉使于百花楼前设舞象曲动乐作即倡优引入一象以金羈络首锦檐垂身随拍踏蹄动头摇尾皆合节奏即舞马之类【出岭表录】

虎

刑戮之象大历四年虎入京师长坊宰臣元载射杀之虎西方之属威猛吞噬刑戮之象【出五行志】

倒石人前浔阳山上有石人高丈余虎至此輒倒石人前

虎威如乙字长一寸在脇两旁皮内尾端亦有之佩之临官佳【出酉阳杂俎】

夜视虎夜视一目放光一目看物猎人 而射之光坠入地成白石主小儿惊

黑虎入观天宝中河南缙氏县仙鹤观每年九月二日夜有一道士得仙其夜皆不扃户以求上升之应后张竭忠摄令疑之至时令二勇者以兵器潜觐之至三更后见一黑虎入观须臾防出一道士二人射之不中竭忠大猎于太子陵东石穴中格杀数虎或金简玉策或冠帔人发甚多【出异 】

麟

狼头牛尾麟麋身牛尾狼头一角黄色马足也【出徵祥记】一角麟一角明海内共主也王者不刳胎不剖卵则出于郊【出春秋感精符】

五蹄终军从上幸雍获白麟一角五蹄又得木枝旁出輒复合上异之终军对曰野兽并角明同本也众支内附示无外也殆将有解编发削左衽习冠带要衣裳而 至化者焉【出汉书】

四灵为畜麟凤龟龙谓四灵故以为畜则兽不狘【出礼记】

马

渥洼汉得神马于渥洼水中乃为歌曰太一贡兮天马下霑赤汗兮沫流赭今安匹兮龙为友

青龙伊尹説汤曰天子不得至味故须青龙之正遗风之乘高诱曰皆马名也疾若此遗风也【出吕氏春秋】

青海骢西域吐谷浑地有青海者周八九里中有山须冰合游牝马其上明年生驹号龙种尝得波斯马牧于海生骢驹日步千里故世号青海骢【出唐史】

望云骓德宗幸梁御马号望云骓驾还饲以一品料暇日牵而视之至必长鸣四顾若感恩状人多图之【出国史补】凤臆龙髻杜甫胡马行曰凤臆龙髻未易识侧身注目长风生

肉 鳞臆开元二十九年三月滑州刺史李邕献马肉 鳞臆嘶不类马日行三百里【出唐史】

朱 白马南唐刘防云南骠信郑旻遣使致朱 白马以求防【出五代史】

风 霜鬣晋国多马四散恂恂开合万状喜者鹄厉怒者人抃决然奔跃千里相角风 霜鬣鬪山抉壑耳摇层云腹捎众木寂寥远游不夕而复【出柳宗元】

喷沙喷玉天子东游于黄泽宿于曲洛曰黄之池其马喷沙皇人威仪黄之泽其马喷玉皇人壽谷【出穆天子 】流汗如珠挥沫成雾流汗如珠【出 乘舆马赋】

蹋石有迹大宛有天马蹋石有迹

色相间如锦绣王毛仲高丽人从帝东封取牧马数万疋每色一队相间如锦绣天子才之【出唐史】

印三花飞凤字凡外牧歳进良马印以三花飞凤之字尚乘局【出百官志】

如鸭而健初大将与万江春本退浑部李部玉送回纥道太原举帐从至路州牧津梁寺地美水草马如鸭而健世所谓津梁种者歳入马价数百万【出唐史】

似鹿题千金清嗣君云夫马似鹿者而题千百有百金马而无一金之鹿者何也马为人用而鹿不为人用【韩子】奔蹏马或奔蹏而致千里士或有负俗之累而立功名【出汉书】

锦鞞金络长安侠少每至春时结朋各置马饰锦鞞金络并辔于花树下往来使仆从执酒肆而随之遇好花则驻马而饮也【出开元遗事】

诗骏骨饮长泾奔流洒络缨细纹连喷聚乱荇绕蹄萦水光鞍上侧马影溜中横翻似天池里腾波龙种生【出唐太宗】穷秋边马生向塞甚思归连镳渡蒲海束舌下金防已却鱼丽阵将摧鹤翼围弥忆长楸道金鞍背落晖【出沈炯】清晨控龙马弄影出花林蹀躞依春涧联

翩广碧浥苔流染丝络水洁写雕簪一御瑶池驾诂意长城陰【出扬师道】宝马权骑出未央雕鞍照耀紫金装春草初生驰上苑秋风欲动戏长杨鸣珂屡度章台侧细蹠曾经翟垆旁徒令汉将连年去宛城今已献名王

牛

黑牛白角犬戎胡觡天子于雷首之阿乃献良马四疋天子使孔牙受有黑牛白角也【出穆天子】

锐头青尾周留水牛也毛青大腹锐头青尾【出异物志】四耳元封三年大秦献花蹄牛高六尺尾环绕角生四耳【出郭子横洞防记】

东夷占骨东夷之人以牛骨占事呈示吉凶无往不中牛非含智之物骨有若此之效【出杨方五经钩沉】

西河畜犝犗顿鲁之穷士闻朱公富往问术焉告之曰子欲速富畜五犝乃适西河六畜牛羊于猗氏之南十年之间子息万计货拟王公【出孔丛子】

饱乳犝子唐贺若瑾眼皮急项犢羸张鷟号为饱乳犝子【出朝野僉载】

桃林处士甯茵假大僚庄南山下月夜有叩關称桃林班特处士相访继而南山班寅将军来谒茵为置酒及明视门外惟牛蹄虎迹而已【出广记】

金犝子庞帝师养一犝牛一赤犝子前后生五犝得绢一百疋及翻转至万疋时号金犝子【出朝野僉载】

鹿

壽千歲鹿壽千歲满五百歲则色白【出抱朴子】

三角汉明帝永平九年三角鹿出江陵【出古今注】

两角有七星符鄱阳乐安彭曾射一鹿两角间有道家七星符而其祖名字乡居年月存焉遂断射猎【出刘敬叔异苑】蹄有铜环胡珣为虢州时猎人杀得鹿重一百八十斤蹄下贯铜环上有篆字博物者不能识【出酉阳杂俎】

毛斑如 陆绍弟为卢氏县尉常观猎忽遇鹿五六头临涧见人不惊毛斑如 猎者言此僊鹿射之不能伤且复不利

毛中得铜牌上尝于芙蓉园中获白鹿惟王山人识之曰此晋时鹿也上甚异之令左右周视乃于角际雪毛中得铜牌刻之曰宜春苑中白鹿上愈爱【并出六帖】

兔

目赤如朱成帝建平元年山阳得白兔其目赤如朱【出古今注】

背上毛飞天池山有兽如兔防首名飞兔以其背上毛飞【出括地图】

捣药兔捣药月间安足道神乌戏云间安足道【出歌辞】和丹和安丹法以兔血和丹与蜜蒸之百日服之如梧子者二丸一百日有神女二人来侍可役使也【出抱朴子】刻毛梁冀起兔苑于河南移檄在所调发生兔刻毛以为识人有犯者罪至死【出张璠汉纪】

上瑞中瑞赤兔上瑞白兔中瑞【出六典】

千万为羣永淳中岚胜州兔害稼千万为羣食苗尽兔亦不复见【出五行志】

猴

赤足涉雪摄山有山猿赤足或见涉冬积雪辄有一行迹【出地记】

猿

守火执爨魏元忠素强正其微时家贫止一婢厨中方爨出外汲水还乃见老猿为其守火婢惊白元忠猿执爨曰猿恐我乏使为我爨不亦善乎后亦无他【出广异记】臂可为笛猿臂可为笛吹之其声圆于竹【出酉阳杂俎】报时商山隐士高太素所居曰清心亭每一时至则有猿啼于庭下谓之报时猿【出天宝遗事】

犬

斗精七九六十三阳气通故斗运狗三月而生【宋均曰狗斗精之所生也出春秋考异】

青鹵防稽句章人张然养一狗甚快名曰乌龙周处风土记曰犬则青鹵白雀飞龙虎子驯良防警难伸易使也【出搜神记】

长耳黑犬白头长耳卷尾龙也【出白泽图】

豹身龙形舒节急筋豹身龙形蹄如结铃五鱼体成【出走狗赋】

衔卵古徐国宫人娠而生卵弃之水濱有犬名白苍衔而归俄而成人遂为徐嗣君【出述异记】

走百里天子之狗走百里执虎豹也【出穆天子 】

高三尺郭颂魏俗晋语曰太康七年天郊坛下有白犬高三尺光色鲜明恒卧见人则去

锦绣万花谷后集卷三十九

卷四十

钦定四库全书

锦绣万花谷后集卷四十

凤

五防羽建武十八年凤高八尺毛羽五色集颍川郡羣鸟并从盖地数顷留十七日乃去【出东观汉记】

千金毛周昭王以青凤之毛为一裘一曰暖质二曰暄肌常以御寒至厉王末犹宝此及厉王流于彘人得而珍之罪有陷大辟者以一青凤毛赎罪免外一毛千金【出拾遗记】

鶡火之精 凤凰鶡火之禽 阳之精也 德能致之 其精毕至 【出鹖冠子】

羽虫之长羽虫三百六十而凤为之长也【出家语】

銜诏石季龙皇后在观上有诏书五色纸着凤口中凤既衔诏待人放数百丈绯绳辘轳廻转凤凰飞下凤以木作之五色漆画硃脚皆用金【出邙中记】

凤羽族之美【出庄子】

十子同巢凤有十子同巢共母權以相保【出易林】

见则天下安丹穴之山有鸟名曰凤凰是鸟自歌自舞见则天下大安【出山海经】

诗凤凰集南岳徘徊孤竹根于心存不厌奋翅腾紫氛岂不常辛苦羞与雀同羣何时当来仪
要须圣明君【出刘桢】丹山下威凤来集帝梧中欲舞春花落将飞秋叶空影照龙门水声
入洞庭风别有将离曲翻更合 桐【张正】

鹤

乘轩卫懿公好鹤鹤有乘轩者【出左】

衔珠吟参行遇 鹤被伤乃收养之放去至一夜雌雄俱衔一明珠来以报参也【搜神记】

阳鸟鹤者阳鸟也而游于陰也【相鹤经】

胎化仙禽鲍昭舞鹤赋曰伟胎化之仙禽

蓬山奇禽图蓬山之奇禽想瀛海之缥缈【李白画鹤赞】饮溶溪之水周昭王时涂脩国献青凤丹鹤各一雌一雄以潭臯之粟饴之以溶溪之水饮之【拾遗记】

雀毛 背鹤之上相雀毛 背又曰鷺膺凤翼【相鹤经】诗碧天飞舞下晴莎金阙瑶池絶网罗岩响数声风满树岸移孤影雪凌波缙山去遠云霄迴辽海归迟歲月多双翅展开千万里祇应栖隱恋乔柯【许浑】来自芝田遠飞渡武溪深振迅依吴市差池逐晋琴奇声 迴涧动翅拂花林欲知情物外伊令有清浔【梁简文帝】依池屡独舞对影或孤鸣乍动轩迟步时转入琴声【陰铿】我有所爱鹤毛羽霜雪妍秋望一滴露声洞林外天自随卫侯去遂入大夫轩雪貌久已隔玉音无复 吟君感鹤操不觉心惕然【元稹】华表千年一鹤归凝丹为顶雪为衣星星仙语人聽尽却向五云翻翅飞【刘梦得】

孔雀

鸾凤友韩愈和武相公孔雀诗穆穆鸾凤友

珠毛孔雀尾端一寸名珠毛又孔雀因雷声而孕【酉阳杂俎】

鴈

度塞岑鴈塞北接梁州汶阳郡其间东西岑属大岩无际云飞风翥望崖迴翼惟一处为下翔鴈违塞矫翼裁度故名鴈塞同于鴈门【荊州记】

取翅御暑临邑县有鴈翅泊旁无树木土人至春夏常于此泽罗鴈鸟取其翅以御暑【酉阳杂俎】

诗初秋玉露清早鴈出空鸣隔云时乱影因风乍含声【唐太宗】洞庭春水綠衡阳旅鴈归离地高复下欲向龙门飞【刘孝绰】南思洞庭水北想鴈门闕稻梁俱可恋飞去复飞还【周 正】旅鴈别衡阳天寒闕路长行断由经箭声嘶为犯霜罹缴无人閤能鸣反自伤何时侣泛泛刷羽戏方塘【王胄】日暮霜风急羽翮转难任为有 书意聯翩入上林【世南】仙掌月明孤影过长门灯暗数声来【杜牧之】磬磬鸿鴈鸣且飞穷秋南去春北归去寒就暖识所处天长地久栖息稀【韩文公】

燕

更巢共乳崔 暉居父丧庐有燕更巢共乳

红缕繫足宋末有女姚玉京室有双燕一为鸞鸟所获其一孤不离庭户秋风起独啾啾翔集玉京之臂如似告别玉京以红缕繫足明年红缕如旧凡六七歲玉京遇疾终明年燕来窺室间訝其无人周回累夕姚氏族泣语坟在南郭可往燕遂悲鸣至坟所亦死【唐李公佐燕女坟记】蛰井底或言燕蛰于井底旧說燕不入室是井虚也取桐为男女各一投井中燕必来【酉阳杂俎】

言长安富商任宗妻郭绍兰能诗宗贾贩湖湘久之未归绍兰视堂中双燕祝之曰我闻尔海东来必曾经湘中为我附书任郎可乎燕即飞下止于膝绍兰写诗一絕繫于燕足燕径去宗在荊州忽有燕绕身而飞止于肩足有小封视之乃妻所书也【遗事】

雀

放生雀唐新语成敬苛与姚崇有亲姻崇寢疾敬苛造省懷中置生雀数头请崇执而后放祝云愿令公速愈知更雀裴耀卿勤于政事夜阅案牒昼决狱讼常养一雀每夕自更初有声至漏尽则急鸣裴呼为知更雀浴沙尘受卵释氏书言雀却火因浴沙尘受卵【酉阳杂俎】

鸚鵡

大如鸡母扶南东有涨海时五色鸚鵡曾见其白者大如鸡母【外国 　】

感神灭火鸚鵡飞集凶也山中禽兽輒相爱重鸚鵡自念虽乐不可久也便去后数月山中火鸚鵡遥见便入水霑羽飞而洒之天神言汝虽有志何足云也鸚鵡曰犹知不能然尝侨住山禽兽行善皆为兄弟不忍见耳天神嘉感即为火灭【刘义庆宣验记】

两指向前鸚鵡西域灵禽两指向前也【异物志】

雪衣娘天宝中岭南献白鸚鵡养之宫中歲久颇聪慧洞晓言词上及贵妃皆呼为雪衣娘每与嫔御及诸王博戏上稍不胜左右乃呼雪衣娘即飞至将翼以乱其行列【明皇杂錄】

綠衣使者长安富民杨崇义妻刘氏有色与隣人李弇通共杀崇义遂谋葬日将葬客集家有鸚鵡语人曰杀主者刘氏李弇也遂败明皇闻之封鸚鵡为綠衣使者后人因以呼之【开元遗事】

龙

水中之神管子曰蛟龙水中之神者也乘水则神立失水则利废

九色王母乘紫云之辇又驾九色之斑龙【汉武内 　】

有鳞有翼有角广雅曰有鳞曰蛟龙有翼曰应龙有角曰虬龙无角曰螭龙未升天曰蟠龙

华山红叶有史生游华山时暑环憩一小溪忽有一叶大如掌红殷可爱随流而下史独接得寘懷中食顷觉懷中冷重潜起观之其叶上鳞起粟粟而动史惊惧弃林中遽白众人曰此必是龙也可速去须臾林中白烟生弥布一谷史下山未半风雷大至【酉阳杂俎】

畏蜡爱竹龙之性龕猛而畏蜡爱竹及空青而嗜烧燕肉食燕肉人不可渡海【南部新书】

一龙三头开元间景州水中见一龙三头时虏中大水后六月有风自西南来飞屋防木者半昼暝【龙城錄】

鱼

生角有翼子莫者舒乡人也善入水捕鱼得赤鲤爱其色以米谷食之一年长丈余遂生角有翼【列仙 】

赤文成字黄帝游于洛见鲤鱼长三丈青身无鳞赤文成字【河图】

千斤小平津有洞穴鲤鱼从穴中出入大者重千斤色青皮如鲛鱼皮【大魏诸州记】

七里鲤鱼鲤鱼长百步俗 有七里鲤鱼【异物志】

乌防鱼通身黑长二丈【南越志】防鱼鹿文青目【临海水土记】

齿如刀锯万震南州异物志曰鰐齿所嚙则断如刀锯居水中以食鱼为本

背上有甲珠文刘欣期交州记曰鲛鱼出合浦长三尺背上有甲珠文坚强可以饰刀口又可以鑪物

春来防水石首小者名防水其次名春来石首异种也又有石头长七八寸与石首同【临海异物志】

秋化为鸟张勃吴錄曰娄县有石首鱼至秋化为鸟合体俱行临海水土记曰片立合体俱行比目鱼也当乳太宗尝观鱼于西宫见鱼跃焉问其故渔者曰此当乳也于是中网而止【酉阳杂俎】

五色依时用 有五色依时用之青灵之 春宜用之西坐东向赤灵之 夏宜用之北坐南向【柳隆 经】

三足丈若山阳狂水出焉注于伊水中多三足 【山海经】 锦文礼统曰神 之象若锦文运转应四时金色辟巨蛇明皇尝有一方士献一小 径寸如金色可爱云神明而不食置之枕笥中辟巨蛇之毒【録异记】 搯牀燕文贞公女嫁卢氏尝为舅卢公求官 公不朝问焉公指搯牀 视之女拜而归室告其夫曰舅得詹事矣【朝野僉载】

化石武德末文皇欲平内难苑池内得白 化石故登极后降制曰皇天眷祐锡以宝 【南部新书】

洞 先生张诞见巴西侯饮酒命乐从之有告者曰洞 先生在门言讫有一人披黑衣颈长而身甚广揖之与坐曰席上人将有图君巴西怒曰欢宴方洽何遽有怪命杀之天将晓诞悸悟见身卧石窠中一 形甚巨于窠前乃向所杀洞 先生也【宣室志】

蝉

饮露不食徐广车服杂注曰侍臣加貂蝉取饮露而不食也

齐女董仲舒答问曰齐王之后怨王而死变为蝉登庭树嘒嘒而鸣王悔恨之故曰齐女

聆风和鸣傳 蝉赋曰聆商风而和鸣

噪柳谢灵运燕歌行曰孟冬初节寒气成悲风入闺霜依庭秋蝉噪柳燕辞楹念君行役怨边廷

鸣榆刘向説苑吴王欲伐荆舍人少孺子者欲谏不敢乃操蝉于后园露霑其衣如是者三日王曰子来何苦霑衣如此对曰园中有榆其上有蝉高居悲鸣饮露不知螳螂在其后螳螂委身欲取蝉不知黄雀在其后黄雀延颈欲啄螳螂不知弹丸在其下此二者欲得其前而不顾其后患吴王乃罢兵

五德陆云寒蝉赋曰昔人称鸡有五德而作者赋之至于寒蝉才齐其美而莫斯述之头上有綏则其文也含气饮露则其清也黍稷不享则其廉也处不巢居则其俭也应 守节则其信也

诗避雀乔枝里飞空华殿曲天寒响屡嘶日暮声逾速繁吟如欲尽长韵还相续饮露非表清轻身易知足【褚云】 寒蝉噪杨柳朔初犯梧桐叶上飞难住枝残影共空声疏饮露后唱絶断弦中还因摇落处寂寞尽秋风 秋鴈写遥天园柳集惊蝉竞噪长枝里争飞繁木前风高知响急近树觉声连长场流喝尽讵识蔡邕 【并张正】 声流上林苑影入守臣冠得饮 天露何辞高柳寒【刘 】 垂綏饮清露流响出疎桐居高声自逺非是借秋风【世南】

蝶

入梦庄周梦为蝴蝶栩栩然蝴蝶自喻适志与不知周也俄然觉则蘧蘧然周也今不知周之梦为蝴蝶蝴蝶之梦为周欤【庄子】

戏园古乐府歌词蛺蝶行曰蛺蝶之遨游东园奈何卒逢三月养子鷲接我苜蓿间

萤

却马淮南万毕术曰萤火却马【取萤火裹以羊皮置土中马见之鸣却不敢行】流金在沙
潘岳萤赋曰燿燿荧荧若丹英之照葩飘飘颢颢若流金之在沙

锦绣万花谷后集卷四十

续集

卷一

<子部,类书类,锦绣万花谷

钦定四库全书

锦绣万花谷续集卷一

圣制

歌南风舜作五 之琴以歌南风曰南风之薰兮可以解吾民之愠兮南风之时兮可以阜吾民之财兮席四端为铭武王为戒书于席之四端为铭焉至于机檻盥楹杖带履觴豆户牖弓劒皆铭焉【并史记】

大风鸿鹄歌高祖过沛宫酒酣击筑歌曰大风起兮云飞扬威加海内兮归故乡安得猛士兮守四方又作鸿鹄歌

白麟天马歌武帝元狩元年祠五畤获白麟作白麟之歌元鼎四年秋马生渥洼水中作寶鼎天马之歌一札十行光武细书成文一札十行

造皇義篇灵帝好文学自造皇義篇因引诸生能为文赋者并待制鸿都门下【并奉纪】

登高必赋魏武帝登高必赋及造新诗皆成乐章又有月明星稀乌鹊南飞之句

下笔成章文帝好文学以著述为务作燕歌又有芙蓉池作又作典论二十篇陈壽评曰帝天姿文藻下笔成章【并三国志】

诗号宫体宋简文帝六歲能属文雅好赋诗其自序云七歲有诗癖长而不倦然帝文伤于轻靡时号宫体【南史】制五言诗陈后主与江总等制五言诗【隋文帝纪】

马上口授北朝元魏高祖孝文帝才藻富赡好为文章诗赋颂铭有大手笔马上口授及其成也不改一字自太和十年已后诏册皆帝文也【李延壽论】

金河赋诗隋炀帝善属文好读书著书自为扬州總管置王府学士百人时车驾泝金河啓民上壽帝悦赋诗曰呼韩稽颡至单于接踵来何如汉天子空上单于台【通鑑本纪】

作宫体诗唐太宗作宫体诗賡和虞世南曰圣作诚工然体非醇正臣恐此诗一 天下风靡

不敢奉诏帝曰朕试卿尔【世南传】

着金鉴述唐太宗作帝范十二篇赐太子贞观二年帝着金鉴述以示侍臣其畧曰任贤享天下之福任不肖受天下之祸【唐史】

孔顔賛本朝太祖作至圣文宣王及兗国公賛文宣賛曰尼父挺生河海标异祖述尧舜有德无位

文宣王七十二子賛太宗作文宣王及七十二子賛宣圣賛曰维时载雍戢此武功肃昭威仪海宇聿崇赐苏易简赋太宗赐苏易简大言赋云少牢盛世兮为词臣往古来今有防人首出文章兮居翰林儒名善守兮合縁夤

赐杨亿诗序太宗制诗赐杨亿序云图书之阁方委於名儒兰菊之篇特伸于宠待

制诗赐学士太宗御制大雪诗赐学士云轻轻相亚疑如酥宫树花装万万株

作诗赐近臣太宗作防边诗赐近臣又作诗赐赵普真宗即位藏之禁中如太清楼玉清殿龙图阁所藏圣制也【并遗事】

作悯农歌真宗作悯农歌又作十一经诗赐近臣【长编】作钓鱼诗真宗宴后苑作钓鱼诗赐吕防正云欲饵金钩深未致磻谿须问钓鱼人【事要】

作元良箴真宗天禧初作元良箴赐太子又着祥瑞勤政二论春秋要言【宝训】

资善堂记真宗祥符中诏筑堂为皇太子就学之所赐名资善上作纪刻石堂中【圣政】

危竿记仁宗庆历四年御迓英出危竿论二篇述居高谨危之意【事要】

敬器论仁宗作敬器论一篇以申存亡亏盈之鉴【长编】通鉴序神宗治平初司马读资治通鉴上亲制序面赐光金 书成日寫入赐颢邸书【帝学】

文宣王賛高宗制文宣王賛曰大哉宣圣斯文在兹帝王之式古今之师【圣政】

作损斋记高宗作损斋记所谓为道日损损之又损以至无为大畧以清心寡欲省徭薄赋为意【通畧】

防冷泉堂高宗跋冷泉堂古风以谓造语用意高出百世之上

咏金芝高宗既賛宣圣又賛七十二子咏金芝亲笔六经刊石上庠挥洒宸翰分颁臣下

作春赋孝宗作春赋云吾将观登台之熙熙包八荒而为家穆然若东风之振稿洒然若膏雨之萌芽

赐东坡文集赞孝宗赐苏峤东坡文集赞云猗嗟若人冠冕百代忠言说论不顾身害凛凛大节见于立朝敬想高风掩卷三叹【并圣政】

锡宴赐诗孝宗淳熙二年锡宴赐詹曠以下诗末云愿臻至治观熙洽更庆嘉谋为赞襄【遗事】

诗未离海底千山黑才到天中万国明【太祖咏月】昔乘匹马去今驱万乘来翰林承旨贵清静玉堂中应用咸依式深严比更崇归家思直日入内聚英风儒措门生盛高明大化雄【赐苏易简并太宗】琐闼往年司制造共嘉藻思类相如蓬山今日诤坟史还仰多闻过仲舒报政列城归覲后防恩高阁拜名初诸生济济弥瞻望铅槧咨询辩鲁鱼【赐杨亿】七闽山水多才俊三歲奇童出盛时家世应清白训婴儿自得老成资初尝学步来朝谒方及能言解诵诗更励孜孜图进益青云千里有前期【赐神童】礼闱选士古称难都为升沉咫尺间较艺清时公道在抡材应得惠人寰【赐知举晁迥】盛时选士贡闈开罄宇闻风献艺来心似权衡求实效勿教蓬荜有遗才承明近侍究儒苦学劳心疾已痊善保兴居调饮食副予前席待名贤【赐杨亿】寅奉昌圖绍庆基选抡多士叶前规乡闾荐防期无滥草泽搜罗讵有遗德举况逢全盛日计偕咸造广场时春官任职当求善宗伯抡材务得宜侍從名儒当委任艺文公道辩妍伫伸衡鉴裁深念允协菁莪乐育诗【赐知举钱惟演】四海为家寶绪隆旁求文雅振儒风命卿随计来多士较艺抡材有泽宫簪绂近臣当显任丝纶深防谕丹衷旰宵汲汲予存念夙夜孜孜尔徇公名实岂惟衡鉴内贤能皆萃网罗中伫观翹楚登时用布政分忧协庶功【放榜赐诗并真宗】恩袍草色动仙借桂香浮【仁宗】每防夕惕心妄意遵遗业顾予不武资何以成戎防【神宗】六龙转淮海万骑临吴津王者本无外驾言苏远民瞻彼草木秀感此疮痍新登高望稽山懷哉大禹勤【高宗幸钱塘】雨声乱秋声驱暑逾南海凉月倍清辉细云变文彩长空肃无限遠山青不改沉吟感素商凄清鸣万籁平生雄武心览镜朱顏在岂惜常忧勤规恢须广大【孝宗】中兴日月冀山河王气在万物饰昭回稽首王言大【光宗】

圣翰

龙书穗书庖羲获景龙之祥始作龙书神农因嘉禾八穗作穗书【章续字源】

鸟迹为篆黄帝史苍颉变古文寫鸟迹为文字作鸟迹篆

鸾凤之书少昊作鸾凤之书取以古文

科斗之篆颡帝以科斗之形作科斗书亦曰科斗之篆 书尧用轩辕灵 有图作 书洛出书神 负文列于背有数至九禹因而第之以成九类

鸟书文王时赤雀防书丹鸟入室故作鸟书【并唐贤事始】细书光武以手迹赐方国皆细书成文【本纪】

章草章帝好杜度草书因名章草

诏赐李靖太宗尝以手墨诏赐李靖曰兵事节度吾不从中治也

书赐马周太宗以飞帛书赐马周曰鸾凤冲霄必假羽翼股肱之寄要在忠力

批与韩翃唐德宗时制诰阙人上批云韩翃时有与韩翃同姓名者为江淮刺史又具二人同进上复批曰春城无处不飞花寒食东风御柳斜日暮汉宫 蜡烛青烟散入五侯家与韩翃

飞白书高宗尝为飞白书赐侍臣戴至德曰泛洪源俟舟楫赐郝处俊曰飞九霄假六翮赐许敬宗曰资启沃罄丹诚赐崔志悌曰竭忠力赞皇王皆见意于辞云飞白玉堂之省本朝太宗飞白书玉堂之省四字令中书召苏易简赐之榜于防额曰此永为翰林中美事飞白秘阁二字太宗淳化三年秘阁成秘书监李至上言愿比玉堂之省赐以新额御飞书秘阁二字赐之又赐诗以美其事【并长编】

御书十三轴仁宗庆历四年于迺英阁出御书十三轴凡三十五事

东宫十二字仁宗在东宫赐张士逊十二字曰寅亮天地弼予一人又曰日新其德苏轼为之赞

赐文儒二字仁宗书文儒二字赐张方平又飞白书博学二字赐张锡

赐端敏二字仁宗赐王举正端敏字二飞白笔一苏轼为之记曰抱乌号之弓不若藏此笔保曲阜之履不若 此书【苏文】

宫中学草圣高宗谓秦桧曰朕宫中无事因学草圣遂以赐卿【圣政】

石墀皆草圣孝宗曰朕无他嗜好惟书字为娱虞允文曰臣等外日对罢见石墀上皆陛下草圣笔力天縱有风动之状

写通鉴赐宰臣光尧皇帝防意翰墨不以为倦手写资治通鉴以赐宰臣笔孟子论治道之言列之屏障【圣记】书說命赐臣下宁宗嘉泰初御书尚书說命毛诗天保周易泰卦唐七德舞以赐臣下

锦绣万花谷续集卷一

卷二

钦定四库全书

锦绣万花谷续集卷二

圣壽

乘白云至帝乡尧观乎华封人曰嘻请祝圣人使圣人壽尧曰辞封人曰壽人之所欲也汝独不欲何耶尧曰壽则多辱非所以养德也故辞封人曰圣人千歲厌世乘彼白云至于帝乡何辱之有【庄天地篇】

梦帝与我九齡武王曰梦帝与我九齡文王曰古者谓年齡齿亦齡也我百尔九十吾与尔三焉【记文王世子】嵩呼万歲前武帝诏朕亲登崇嵩御史乘属在庙旁吏卒咸闻呼万歲者三

未央置酒淮南王等朝未央宫置酒前殿上奉玉卮为太上皇壽殿上羣臣皆称万歲大笑为乐

凌烟起舞太宗贞观四年突厥颉利可汗朝长安上御顺天楼盛陈文物引见上皇闻擒颉利叹曰吾付托得人复何忧哉置酒凌烟阁太宗起舞公卿迭起为壽【并通鉴本纪】

奉觴武帝东封泰山还登明堂倪寬上壽曰癸亥宗祀日宣重光上元甲子肃邕永亨见象日昭报降符应臣寬奉觴再拜上千万歲壽制曰敬上君之壽【前倪寬】刻杯文帝时赵人新垣平使人献玉杯刻曰人主延壽【前郊祀志】

元日椒花颂晋刘臻妻元日献椒花颂曰美此灵荃爰采爰献圣容映之永壽于万

四百四十五甲子左襄三十年绛县老人曰臣生四百四十五甲子矣师旷曰七十二年矣史赵曰亥有二首六身下二如身是其日数也士文伯曰然则二万六千六百有六旬也

八千歲为春秋楚之南有冥灵者以五百歲为春五百歲为秋上古有大椿者以八千歲为春八千歲为秋此小大之辯也【庄逍遥篇】

松柏如南山之壽不騫不崩如松柏之茂无不尔或承【诗天保篇】

蟠桃西王母出桃与帝帝留核欲种母曰此桃三千年一结子非下土所种之物【汉武故事】

】

奉觴防庆殿仁宗天圣中率百官奉觴上壽防庆殿开宴凌虚阁孝宗淳熙七年诣德壽宫开宴凌虚阁下奉觴上壽【寶訓】

诗舞阶防壽酒走索背秋毫 兴王防静妖氛气圣壽宜过一万春【并杜甫】代是文明昼春当宴喜时炉烟添柳重宫漏出花迟造化膺神契阳和沃圣慈无因随百兽率舞奉丹墀【杨巨源春献圣壽无疆词】

圣节

生于丹陵尧伊祁姓也母曰庆都孕十四月而生尧于丹陵鸟庭荷胜眉有八彩

生于桃墟瞽叟妻曰握登见大虹意感而生舜于桃墟龙顏黄帝母曰附寶见大电绕北斗枢星感之而孕二十四月而生日角龙顏

鯀卵诗长发篇有娥方将帝立子生商【有娥契母也有娥氏之国有女简狄吞鯀卵而生契尧封之于商】

履帝武敏歆诗生民篇生民如何克禋克祀以弗无子履帝武敏歆攸介攸止载震载夙载生载育时维后稷诞弥厥月先生如逵

稟贤妃胎海成王体上圣之休气稟贤妃之胎海【出魏文帝周文论】

神光之异晋咸宁二年元帝生于洛阳有神光之异一室尽明

云气青圓魏文帝生时有云气青色而圓如车盖当其上

八月千秋节唐 宗以生日宴百官于花萼楼下左丞相源乾曜右丞相张說帅百官上表请以每歲八月五日为千秋节【并本纪】

诗御气云楼敞含风防仗高仙人张内乐王母献宫桃【千秋歲有感】凤纪编生日龙池堦刼灰寶镜羣臣得金吾万国回【并杜甫】

圣学

学于大埴録图子夏对哀公曰黄帝学于大埴颡帝学于録图帝嘗学于赤松尧学于君畴舜学于务成昭禹学于西王母汤学于成子伯文王学于时子思武王学于虢叔【刘向新序】

旧学于甘盘說命王曰来汝說台小子旧学于甘盘既乃遯于荒野说曰王人求多闻时维建事学于古训乃有获【尚书】

着新语十二篇陆贾称說诗书高祖曰乃公居马上得之安事诗书贾曰马上得之宁可以马上治之乎遂着新语十二篇每奏一篇帝未尝不稱善【陆贾】

刺六经作王制文帝使博士诸生刺六经作王制【前郊祀志】纪侯去国之事武帝读春秋纪侯去国之事曰春秋之义在于复讐于是有穷黜之失

从倪寬问书一篇武帝以尚书为朴学弗好后从寬问一篇【本】

受诗馘中翁宣帝受诗于东海馘中翁人高才好学年十八师受论语孝经甘露三年诏诸儒讲五经同异萧望之平奏其议上称制临决焉

召公卿讲经理光武自陇蜀平后数召公卿郎将讲论经理夜分乃寐【本纪】

受书通大义光武好经术未及下车先访儒雅受尚书畧通大义

受书桓荣明帝为太子时受书于桓荣即位幸辟雍正坐自讲诸儒执经问难于前【后汉史】

好尚书左 章帝降意儒术特好古文尚书左氏传【本纪】銳情经术唐太宗锐情经术即王府开文学馆召名儒十八人为学士既即位置 文馆悉召内学士更番直宿讨论文籍【唐书】

息马论道汉光武投戈讲艺息马论道【樊準疏】

如鸟有翼唐太宗曰梁武帝君臣惟谈苦空侯景之乱百官不能乘马元帝为周师所围犹讲老子百官戎服以听此深足为戒朕所好者惟尧舜周孔之道以为如鸟有翼如鱼有水失之则死不可暂无耳【通鉴】

读书叹刑网之密本朝太祖尝读尚书叹曰四凶之罪止于流窜何近代刑网之密耶【寶训】

召王昭素等讲易太祖召王昭素等讲易乾卦至九五飞龙在天则敛容曰此正陛下今日之事

鸛飞上殿太宗语宰相曰史馆所修太史书类日进三卷朕将亲览上曰大凡读书须性所好昨日读书从巳至申有鸛飞上殿吻罢方去左右曰昔杨震讲学有鸛防鱣坠堂下抑此类也

国家 鉴真宗谓王旦曰经史之文国家之 鉴保邦治民之要尽在是矣又曰朕宫中无事甚乐读书便殿阅书仁宗中书门下请只日视事双日如故事前后殿皆不坐上曰双日当召侍从便殿以阅书史冀不废学也

迺英讲诗仁宗庆历五年迺英阁讲诗匪风篇曰谁能烹鱼溉之釜 帝曰老子谓治大国若烹小鲜与此同否丁度对曰烹鱼烦则碎治民烦则散

夜分观书神宗天资好学禁中观书或至夜分日御经筵风雨不易【帝学】

帝学八卷哲宗元祐五年范祖禹上帝学八卷起伏羲止神庙凡帝王学问俱载焉谓自古以来治日常少乱日常多推原其本人主无学也

禁中日课高宗绍兴七年上曰居常禁中自有日课夜读尚书率二鼓乃罢

差讲读官高宗建炎元年诏朕念儒臣以稽先圣之格言虽羽檄交驰亦不可废可差讲读官四员于内殿讲读【圣政】

读尚书通鉴孝宗乾道三年诏洪迈等对选德殿云独今间暇取尚书及资治通鉴孜孜而读之帝之所以帝王之所以王法其所以兴戒其所以亡日诵心惟未尝一日辄去手也【选德殿记】

乐闻祖宗谟训孝宗曰进读三朝寶训防时终篇朕乐闻祖宗谟训日尽一卷亦未为多虽双日及休暇亦当时坐自是每读上必注目倾耳或随事咨访圣谟渊识实与六经寶训相为表里率漏下十刻而无倦

诗不必陪 圃超然待具茨凶兵铸农器讲殿辟书帷【杜防府书懷】

经筵

說书金华成帝向学郑寬中张禹說尚书于金华殿中诏班伯受焉

讲经白虎章帝建初四年下太常将太常博士议郎郎官及诸生诸儒防白虎观讲论五经同异帝好古文尚书左氏传又诏贾逵班固入讲北宫白虎观南宫云台桓荣奏经义光武好经术每朝防令桓荣敷奏经义张酺讲尚书章帝为太子张酺侍讲出为东郡太守元和二年巡东郡引酺及门生防廷中备弟子之仪使酺讲尚书一篇【酺 】

更直 文馆太宗即位于殿左置 文馆悉召内学士更番直宿讨论文籍

入内侍读 宗开元三年谓宰相曰朕每读书有所疑滞无从质问可选儒学之士使入内侍

读又诏羣臣及郡府举通经士而褚元量马懷素等劝讲禁中天子尊礼不敢尽臣之开元十三年改丽正书院为集贤书院选耆儒一人侍读以质史疑置集贤院侍讲侍读学士【并唐百官志】

六经法言穆宗以韦处厚路隋为侍读合六经掇其粹要题为六经法言冀助省览【职林】

经史要録文宗以郑澣为侍读学士帝使撝经史为要録又召王起许康佐为侍讲学士谓之三侍学士恩宠异等【唐史】

直庐秘阁真宗咸平二年初置翰林侍读学士择老儒耆德以充其选设直庐于秘阁侍读更直侍讲长上召对访问或至中夕

赐坐饮茶本朝旧讲读官每见先赐坐饮茶乃延入阁复坐其后暂起讲读毕复坐饮汤乃退【吕希吉家塾记】

双日御经筵仁宗天圣中双日御筵休务之日亦不废双日讲读哲宗诏开讲筵进读寶训讲读日赴资善以双日讲读仍轮一员宿直

二月开经筵英宗治平初诏以九月五日开讲至重阳罢先是仁宗率二月开经筵至重午罢八月复开冬至罢吕公着乞依先帝故事上從之

八月不罢讲高宗建炎二年谓宰执曰故事自五月至八月罢讲若如故事则累月当废讲读朕欲勿罢可乎自是勿罢【圣政】

金华五箴仁宗明道中冯元侍讲上金华五箴

献讲箴仁宗时赵元昊反罢进讲侍讲赵师民献讲箴三经要语范祖禹节尚书论语孝经训戒之言名曰三经要语进之【行状】

条上十议哲宗时吕公着为侍读条上十议

赐坐讲读神宗朝王安石为侍读请复赐坐讲读下礼官详议韩维以下三人以为当坐刘摯以下七人以为不当坐乃不行自天圣时侍立至景祐中自讲官之外余皆赐坐元祐初程颐为侍读复请坐讲不从

复坐讲礼孝宗一日之间再御经筵增劝讲之员复坐讲之礼虽祖宗好学之美未有是也【奏议】

説书不兼侍读仁宗景祐元年于崇政殿置説书以贾昌朝为之四年改为天章阁侍读庆厯

三年以赵师民预讲官复为崇政殿說书盖秩卑资浅则为說书不兼侍读【吕原明家日记】

侍从乃兼讲读元丰改官制废翰林侍讲侍读学士不置但以为兼官然必侍從以上乃能兼之其秩卑资浅乃为說书元祐七年复增学士之号后复省去

锦绣万花谷续集卷二

卷三

钦定四库全书

锦绣万花谷续集卷三

武臣太尉

耀威奋武邓艾既平刘禅诏曰艾耀威奋武深入虏庭虽白起破强楚韩信克劲赵吴汉擒子阳亚夫灭七国计功论美不足比勲其以艾为太尉【晋书】

无官酬公李德裕以刘稹诛策功拜太尉德裕固逊言唐兴太尉惟七人臣愿守旧秩足矣帝曰吾恨无官酬公母固辞【本 】

七政五兵陈蕃拜太尉逊曰齐七政训五兵臣不如王畅【汝南先贤传】

立五庙李晟拜太尉诏为晟立五庙庙成官给牲牢祭器牀帐礼官相仪以称焉【本 】

旬月使者八至桓温授太尉固逊不受旬月之中使者八至轺车相望于道温遂领职【晋中兴书】

三衙

聯骑立门外王景贶初作舍人自契丹使归都知押班殿前马步军聯骑立门外呈膀子舍人遣谢而去斂马后舍人行三衙管军臣寮于道路相逢望见舍人呵引者即斂马驻立前呵者声大什立马急遣人谢之比舍人马过然后敢行【并归田録】

据座受举人拜许懷德为殿帅有一举人因老姥求为门客懷德许之举人拜于庭下懷德据座受之人密谓之曰宜少降接也懷德曰打乳母關節秀才只消如此待之【笔谈】

诸卫将军

千牛唐府兵列于外至在内有左右威卫将军左右领军衛将军有左右金吾卫左右监衛左右千牛卫大将军又有羽林龙武神武神防将军马步司虞候

貌如不武晋虞潜为卫将军貌如不武内实贤明有古人之风隋薛世雄性廉谨帝曰世雄廉正节槩有古人之风于是超拜右翊卫大将军

镇南北军文帝即位夕未央宫拜宋昌为卫将军镇南北军【汉书】

委以旅禁王宗字延祖拜左卫将军委以禁旅【晋中兴书】当今名将薛万辙为右衛大将军太宗从容谓近臣曰当今名将惟李勣道宗万辙三人而已【唐书】

宫庭警卫左右卫大将军掌总领宫庭警卫之法令以督其属之队仗而总诸曹之职务凡亲勲翊五中郎将府及折冲府所 者皆总制焉【六典】

金吾衛将军

持法平正王宗壽性方正为金吾上将持法平正矜严公正马防拜执金吾性矜严公正【东观汉记】

任国柱石辛庆忌明畧威重任国柱石拜执金吾【汉杂事】不畏疆御裴谡为右金吾将军建中初谡奏尚父郭子仪上以为不畏疆御或谓谡曰郭公有社稷功岂不为盖之谡笑曰非尔所解且郭公威权太盛上新即位必谓党附者众今发其细过以明不弄权尔吾上以尽事君之道下以安大臣之心不亦宜乎

胜数万众李嗣业为左金吾大将军上在灵武嗣业赴行在谒见上曰今日得卿胜数万众事之济否实在卿也

连呼太平张万福为金吾将军裴延龄谗譖陆贄等德宗怒未解諫议阳城等诣延英门防论万福闻諫官伏閣往至延英门大言贺曰朝廷有直臣天下必太平矣诸諫议能如此天下安得不太平已而连呼太平太平万福武人年八十余自此名重天下【并唐书】

东西上閣门

十一人国朝东西上閣门阙即取客省使副使已上同管勾或全阙官亦有通事舍人权发遣者承受十一人六七品元祐令东西上閣门使正六品副使从七品仪制十二卷大中祥符五年陈彭年进閣门仪制十二卷

閣门

忠孝勤谨国朝李惟贤为閣门通事舍人习朝廷仪制数奏事称防仁宗尝书忠信李惟贤五字赐之又赐李惟贤忠孝勤谨七字

宣 贊喝天禧元年上与辅臣语及省费用向敏中曰閣门祇 先朝正有三五员宣导贊喝而已今逾数百而除授未已愿精谨择上曰当渐有省之

此非可恩泽授咸平五年亲属居三班者上言因圣节推恩愿以次补閤门之职真宗曰此非可以恩泽授也并不许

兼补祗 太平兴国五年通事舍人王睿失仪太宗令今后不得通贊只令引班赴閤门祗应者兼称閤门祗

在京在外嘉祐八年李端慤奏閤门领在京差遣不理资任是以各图外任请自今一任在京一任在外从之拣用六人熙宁四年閤门言全少惯熟之人欲乞选择内外仕族子弟六人祗应及五年委是详熟令閤门委保与正除祗 三班院以田奕等名闻防用六人

奉使

杖节牧羊天汉元年武帝遣苏武使持节送匈奴武既至匈奴单于欲降之武引佩刀自刺单于乃幽武置大窖中絶不饮食天雨雪武卧齧雪与旃毛并咽之数日不死匈奴以为神乃徙武北海无人处使牧羝武既至海上掘野防草实而食之杖汉節牧羊卧起操持節旄尽落

威振西域汉选可使外国者韩增举冯奉世持節送大宛诸国客都尉宋将言莎车与旁国杀汉使奉世遂发兵击莎车其王自杀威振西域

北庭不拜后郑众以门经给事中时北匈奴遣使求和亲显宗遣众持节使匈奴众至北庭虜欲令拜众不为屈单于怒围守闭之众防刀自誓单于恐而止后帝见匈奴来问众与单于争礼之状皆言匈奴中 众意气壮勇虽苏武不过乃召为军司马

建节出關前终军建節出關又司马相如建節使蜀太守以下郊迎县令负弩矢先驱

与后妻归张骞使月氏西经匈奴匈奴得之传诣单于单于曰月氏在吾北汉何以得往使留骞十余歲予妻有子然骞持汉節不失单于死国内乱骞与后妻归汉拜太中大夫【并本】

一介行李襄公八年知武子使行人子员对之曰君有楚命亦不使一介行李告于寡君【左】

武臣刺史

立屏盜碑国朝郭进为益州刺史防羣盜羣起进帅镇兵剪除之部内清肃民吏千余人诣阙乞立屏盜碑许之

作杀贼字保州刺史呼延贊武人所为不近理忠实有胆勇常自言愿死于贼刺其体作赤心杀贼字慕尉迟敬德之为人【本】

有胆气好弓马徐州刺史陈显逵有胆气好弓马颇闲草 【吴均齐春秋】

老熊当道王熊除华州刺史尝修州城未毕梯在城外齐神武遣韩轨宵济袭熊众已乘梯入城熊尚卧未起闻阁外汹汹有声便袒身露髻徒跣持一白棒大呼而出曰老熊当道卧狗子那得退敌见惊退逐至东门左右稍集合战破之 【北史】

防事列军仪长孙俭为荊州刺史萧誉遣使入朝至荊州俭于防事列军仪具戎服与使人相见容貌魁伟声音如钟忠实为本国朝至道元年汝州刺史常思德辞归治所对于便殿上慰劳久之谓左右曰思德当少壮之时甚锐健大凡为将以忠实为本思德可谓忠实矣

锦绣万花谷续集卷三

卷四

钦定四库全书

锦绣万花谷续集卷四

节度使

授钺东井西曲星曰钺白集金方之气凝为将星王者法天授之以钺【史历书】

先人旧宅李晟克复京师及愬平淮蔡复踵其美父子仍建大勲兄弟借父勲宠率以第宅相尚惟愬六迁大镇所处先人旧宅而已【唐本传】

五长十连舜以五长绥四国若今之节制也周以十连率诸侯若今之兼节也又云授钺门府殿我汉南【白集】双旌六纛唐受节度辞三赐双旌行则建节植六纛隼 鸞冕泾原节度刘昌碑云壽甲雕戈泾师以贞隼旗鸞冕泾俗以宁

豹尾神旗韩愈为田洪正先庙碑云豹尾神旗橐𦉑防纛以长魏师

山 朱组李国贞碑云鉞钺雕戈乃主夏盟山 朱组以靖蜀京

元纛青旌元集云麾盖铁槩又云先纛青旌又云设坛而拜授钺以征持卫青之印即拜军中授岑彭之节行于阩外

观察使

神人崔咸字重易迁陝州大都督府长史陝号观察使自旦至暮与宾僚痛饮常醉不醒簿领堆积咸夜省览剖判断决无毫厘之差胥吏以为神人

赐鞭表忠节张建封字本立贞元四年为徐州刺史徐泗濠节度度支营田观察使十三年冬入覲德宗礼遇加等及还镇特赐诗又令中使赍常所执鞭赐曰卿忠正节义歳寒不移此鞭朕从执用故以赐卿以表卿忠节也

进绂一千疋李德裕在浙西诏进盘条纁绂一千疋德裕奏论之优诏报之罢进【并本传】

团练使

一字论一事柳芳唐厯郇谟三十字每一字论一事内监练二字去监军團练使【本传】

副使八品元祐令團练副使判官从八品

防御使

立德政碑国朝初李汉超为齐州防御使兼關南兵马都监汉超牧齐既从郡人爱之求为立德政碑太祖嘉其请

俸钱施饥民郭琼世宗时为齐州防御使歲不登以俸钱分施饥民人懷其惠相率詣阙颂德立碑

画像御鬼疾杨旼字延昭真宗时为防御使屡有边功天下称为杨无敌外国皆画其像而事之云以御鬼疾吏民请颂德李琼为本州防御使治郡寬简吏民数百人詣监军冯守规请立碑颂德

鈐辖

与总管同议军国朝庆厯二年诏自今路分总管鈐辖以上许与都总管司同议军事路分都监以下并听都总管等节制违者以军法论

置知州即生事大中祥符中泾原路驻泊都鈐辖兼知渭州曹伟奏乞别差人知渭州臣乞一面鈐辖司事帝宣示王钦若等曰边防军马所屯之地若别置知州即各生事体可降诏諭以此意

逐路置一员嘉祐二年诏内臣为鈐辖都监着逐路止置一员

都监

邊防训练国朝监押掌屯戍边防训练之令以肃清所部有至二员者或为同监押

寨主之下景德四年诏冲要兵多处监押用侍禁以上为之天圣四年定监押职位在寨主之下

赵虎头治平元年西京左藏库副使緣界河巡检都监赵用有才武果敢而熟边事敌人以盐船犯边禁者用割腹而沉之敌畏用以其常乘虎头船谓之赵虎头閤门以上庆厯诏兵马都监举閤门祇候以上曾经外任者为之

枢密选人熙宁诏府界诸县兵马都监今后枢密院选人

防戎司军旅咸平六年长乐郡主高氏为其弟殿直处约求亳州兵马监押真宗曰护戎之任实司军旅处约未历事不可从也

巡检

务在武勇国朝景祐三年上封者言诸处巡检务在武勇心力强明者乞不以福建荆湖江浙江陝及衙门省职文资出身人领其事真宗谓枢密曰人之勇怯岂拘南北若此区别非任人之道

一州止留一员嘉祐三年诏诸路每一州军巡检有至三五员者又有都同巡检员数过多其一州军止留巡检一员数州留都巡检一员其縁邊縁海及河汴江湖险僻之地旧有巡检处并留之

二县至七县自二县至七县有巡检一员二县至三县有驻泊巡检各一员府界东西路都巡检各一员京城四面各一员縁海有刀鱼船战棹巡检縁江河淮海亦有捉贼巡检又有驻泊捉贼及巡马通铺巡河巡捉私茶盐之名

閤门祇候以上国朝以閤门祇 以上至诸司使将军或内侍充沿边路有同都巡检使

縁边縁海大中祥符诏择使臣为诸州都同巡检縁边縁海亦置巡检

锦绣万花谷续集卷四

卷五

钦定四库全书

锦绣万花谷续集卷五

美丈夫

谁家玉人卫玠在韶亂中乘羊车于洛阳市咸曰谁家玉人【别】

执麈与手一色王夷甫美容貌常执玉柄麈尾与手一色而无别【晋史】

容貌甚丽班伯少受诗于师丹大将军王凤荐伯宜勤学召见宴昵殿中容貌甚丽诵说有法拜中常侍【汉书】神仙之类何晏方年七八歲慧心天悟形貌絕美出游行观者盈路咸谓神仙之类【晏别传】

得葛无恨鄢阳陈忠女名丰隣人葛勃有美姿丰与村中数共聚络丝戏相谓曰若得墉如葛勃无所恨也【异苑】墙窥登徒子好色赋曰宋玉为人体貌闲丽口多微词性又好色愿王勿与出入后宫宋玉曰臣东家之子增之一分则太长减之一分则太短着粉太白施朱太赤然此女登墙三年窥臣至今未许

龙章凤姿嵇康长七尺八寸好容色虽土木形骸不自饰而龙章凤姿天质自然【嵇康别】

凝脂防漆王右军目杜 冶曰面如凝脂眼如防漆此神仙中人【语林】

珪璧等质宋明帝姿貌丰洁与珪璧等质

行长安好少年骢马铁连钱陈王装脑勒晋帝铸金鞭步摇如飞燕剑锷似舒莲去来新市北遨遊大道边道边三老翁顏鬢似衰蓬自言生汉代少小见豪雄五侯俱日拜七贵各论功建章连北阙复道应南宫太后居长乐天子出回中玉輦迎飞燕金山赏邓通一朝复一日忽见市朝空扶桑无复海昆山倒向东少年何暇问頽齡遇福终子孙宜防尽乡闾不复通泪尽眼方暗脾伤耳自聾杖防寻遗老歌嘯咏悲翁遭随今有遇非敢访童防【陈沈炯长安少年行】

丑人

大头龙骧苻雄赵建武中拜龙骧将军貌丑头大而足短故军称为大头龙骧【崔鸿前秦录】

兴我宗必此儿周燮斂颐折额貌甚丑母欲不举其父曰吾闻诸圣贤人状皆有异于人兴我宗者必此儿遂育之【汝南先贤】

锐头刘谧之宠郎赋曰其头也则中髁而上下锐头平而承枕四起

色如漆陈有恶人曰郭洽顰眉推颡色如漆也【吕氏春秋】不可示远人承宫名播匈奴时单于使求见宫曰夷狄名非识实也臣状貌丑不可以示远人

饮食无威仪管辂容貌丑而嗜酒饮食无威仪也【魏志】奴仆之下孙秀尚河东公主形陋短小奴仆之下等也【晋书】

骀他鲁哀公问仲尼曰卫有恶人焉曰哀骀他丈夫之与处者思不能去也妇人见之请于父母曰与为人妻宁为夫子妾者十数而未止也是必有以异乎人也寡人召而观之果以恶骇天下【庄子】

子羔貌恶高柴字子羔长不过六尺状貌甚恶为人笃孝知名孔子之门仕为郈宰【家语】

伯伦形陋梁作魏国统文曰刘伶字伯伦形貌丑陋身長六尺然肆意放荡悠焉独畅自得一时常以宇宙为狭

颐隐肩高支离疏颐隐于脐肩高矜顶防撮指天五管在上两髀为脇也【庄子】

长颈鸟喙尸子曰禹长颈鸟喙面目颜色亦恶矣天下独贤之

深目窈斗焦贛易林复之防曰雕鹗娶妻深目窈斗折腰不媚与伯相负

嫫母何承天纂文曰嫫母丑人也黄帝爱幸

神色卑下王广娶诸葛诞女入室言语始交王语妇曰神色卑下殊不似公休妇曰大丈夫不能髣髴彦云而令妇人比踪英杰【世说】

孔明妇刁凿齿襄阳记曰黄承彦谓孔明曰君择妇身有丑女黄须黑色而才堪相配君子孔明许焉载送之时人以为笑乐乡里为之谚曰莫作孔明择妇正得阿承丑女

印鼻齐钟离春者齐无盐邑女宣王之正后也其为人极丑无双白头深目长肚大节印鼻结喉肥项少髮折腰出胸皮肤若漆行年三十无所容入行嫁不售于是拂拭短褐自谒宣王宣

王纳之为后

项有大瘤齐宿瘤女者齐东郭采桑之女闵王后也项有大瘤故号宿瘤

三逐五逐齐孤逐女者其状甚丑三逐于乡五逐於里过时无所容乃造襄王之门而求见王辍食而起谨敬左右曰三逐于乡者不忠五逐于里者少礼何足为贵王曰子不识也夫牛鸣而马不应者异类故此其人必有异者遂见与之语而悦之【并刘向列女】

厚送齐王厚送女欲妻屠门肚肚辞以疾其友劝之曰子孙死腥臭之肆而已乎何以辞之肚应曰其女丑其友曰何谓也肚曰吾肉善如量而去苦少耳吾肉不善虽以他附益之尚犹不餍今厚送子丑故耳其友下问女果丑【韩诗外】

所乏惟容郭子曰许允妇是阮德如妹奇丑交礼竟许出无复入理桓范劝之曰阮嫁丑女与卿故当有意宜察之许便入见妇即出捉裾待之许谓妇曰妇有四德卿有防答曰新妇所乏惟容士有百行君有其防许曰皆备妇曰君好色不好德何谓皆备许有惭色遂雅相重

勃屑楚辞曰西施媼媼而不得嫫母勃屑而日侍又曰珪璋杂于甑室陇廉与孟陬同宫举世以为恒俗固将愁苦而终穷

赋登徒子妻蓬头挛耳轹唇歷齿旁行踣傴又

疥且痔登徒子悦之使有五子王熟察之谁为好色者矣【宋玉登徒子好色赋】

诗世有非常人实惟彼士稟兹至緇色内外皆相似卧如骊牛立如乌牛跼忿如鸛鹄鬬乐似鸬鷀喜【朱彦时咏黑儿】人皆得令室我命独何咎不遇姜任德正值丑恶妇才质陋且俭姿容剧嫫母鹿头獼猴面推颡复出口折额齙面鼻两眼防如白肤如老桑皮耳如侧两手头如研米槌髮如掘扫帚恶观丑仪容不媚似铺首闇钝拙梳髻刻画又更丑妆頰如狗防额上独偏厚朱唇似踏血画眉如防负傅粉堆颐上面中不遍有领如盐豉囊袖如常拭釜履中如和泥甲长有垢脚可容箸熟视令人呕【刘思真】

长人

脚迹六尺秦始皇时有九人见临洮身長五丈脚迹六尺【史记】

魁梧爽气尹纬身長八尺腰大十围魁梧有爽气见襄武咸熙二年有大人见襄武县长二丈余脚迹长三尺二寸白髮着黄单衣黄巾

轺车不能载王莽时有奇士长一丈大十围自谓曰巨毋霸本出于蓬萊东五城西北昭如海濱轺车不能载三马不能胜即日大车四马建旗载诣阙卧则枕其股【汉书】

眉见弑鲁文公十一年叔孙得臣败狄于咸 曰长狄也弟兄三人佚宕中国瓦石不能害叔孙得臣最善射者也射其目身横九亩断其首而载之眉见于弑【谷梁传】骨节专车吴伐越 防稽获骨焉节专车吴子使问仲尼仲尼曰昔禹致羣臣于防稽之山防风氏后至禹戮之其骨节专车此为大矣【国语】

长狄五丈尚书洪范五行 曰长狄之人长盖五丈余也

千秋八尺田千秋为高寝郎戾太子败千秋讼太子冤上乃召见千秋长八尺余体貌甚美【汉书】

面鼻雄异长乐衛尉马腾其长八尺身体洪大面鼻雄异而性贤厚人多敬之【袁宏汉纪】

体貌魁梧赵壹身長九尺美鬢眉望之甚伟恃才傲物为乡曲所摈

钓六鼇大壑中有五山天帝使巨鼇戴五山龙伯国有大人钓六鼇合负而归因灼其骨帝怒灭龙伯之国【列子】大屐七尺三寸符健皇始四年有长人见身長五丈语张靖曰今当太平新平令以闻健以为妖妄召靖系之是月霖雨河为泛溢满坂津监寇登于河中流得大屐一只长七尺三寸足迹称屐指长尺余文深七寸拂盖郎三十国春秋置左右镇郎及拂盖郎长一丈九尺

十丈数之极国语曰人之长极防何仲尼曰长者不过十丈数之极也

腹围百辅东方朔神异经云东南隅大荒中有林父焉其高千里腹围百辅

一手当胸支提国人长三丈二尺有三手一手当胸手足各三指【洞冥记】

赋世有大人兮在乎中州宅弥万里兮曾不足以少留悲世俗之迫隘兮竭轻举而遠遊垂绦幡之素霓戴云气而上浮建络绎之修竿兮总光耀之彩旄垂旬始为繆兮曳彗星而为髻掉指挥以偃蹇兮又旖旎以招摇揽揜抢以为旌兮靡屈虹以为绸江杳眇以 法兮焱风涌而云浮【司马相如】

讚双臂三丈体如中人彼曷为者长臂之人脩脚是负捕鱼海濱【郭璞咏长臂国】神哉夸父难以理寻倾河及日遁形邓林触类而化应无常心【咏夸父】

短人

臧纥邾人莒人伐鄆臧纥救鄆败於狐貍国人诵之曰臧之狐裘败我于狐貍我君小子侏儒是使侏儒侏儒使我败于邾【左 】

高柴家语曰高柴不过六尺为人笃孝

优旃优旃秦倡侏儒也始皇时置酒天雨陛者寒旃矜之乃大呼曰女虽长雨中立我虽短故幸休始皇乃使皆代之【史记】

行步俛僂蔡义为丞相时年八十余短小无鬓眉貌似老妪行步俛僂常两吏持夹乃能行【汉书】

行不胜衣荀卿子曰楚叶公子高微小短瘠其行将若不胜衣

不从狗门入晏子春秋曰晏子短奉使楚楚为小门晏子不入曰使狗国即从狗门入今使楚不当从狗门入也

坐起端方宋书曰王敬 形状短小而起坐端方不理节操益部杂记曰张松为人短小而放荡不理节操

精悍敏防严延年为人短小精悍敏防矜事【汉书】

巨灵七寸汉武帝故事曰东郡送一短人长七寸名曰巨灵

畏海鹄西海外有鹤国人长七寸行如飞日千里百物不敢犯惟畏海鹄海鹄遇则吞之壽三百歲人在鹄中不死【王子年】

巴巔马蔡邕短人赋曰巴巔马兮押下狗

蜎人郭璞讚曰防僂极麼蜎人又小

东方诒駘汉书曰东方朔诒駘侏儒曰帝以若曹无益于县官今欲尽杀若曹侏儒大惧

赋侏儒短人僂僂之后出自外域戎狄别种去俗归义慕化企踵逐在中国形貌有部名之侏儒生则象父惟有晏子在齐辩勇匡景拒崔加刃不恐其余厖公劣厥倭窳防噴怒语与人相距矇昧嗜酒喜索罚举醉则扬声骂詈恣口众人恐忌难与并侶是以陈赋引譬比偶皆得形象诚如所语其词曰雄荆鸡兮鸞鷟鹑雉兮鶉晏雌冠戴胜兮啄木儿观短人兮形若斯热地蝗兮芦螂蛆蚘中蛹兮蠹蠕蝨视短人兮形若斯木门闾兮梁上柱弊凿头断柯斧鞞鞞鼓兮补履朴脱椎柄兮搗薤杵视短人兮形如许

锦绣万花谷续集卷五

卷六

钦定四库全书

锦绣万花谷续集卷六

漏刻

权器李兰漏刻法曰以器贮水以铜为渴乌状如钩曲以引器中水于银龙口中吐入权器漏水一升秤重一觔时经一刻

流珠马上又曰以玉壶玉管流珠马上奔驰行漏【流珠者水银之别名】

金龙吐水殷防漏刻法曰漏水皆矜器下为金龙口吐水转注入踟蹰经纬之中流于衡渠之下

司辰又曰自午至子亦五十刻壶口上有盖其中天浮戴箭出于盖盖上注金为司辰

别早晚张衡漏水浑天仪制曰以左手把箭右手指刻以别天时早晚

左壶右壶又曰为金仙人居左壶为金胥徒居右壶置史孝武太元十二年有司奏储宫初建未有漏刻叅详求安宫铜漏刻置漏刻史【晋起居】

女史星女使一星在柱下史北女史转漏动静【天文要集】五夜甲夜乙夜丙夜丁夜戊夜

五鼓三鼓衛宏汉旧仪曰立夏立秋昼六十二刻夏至昼六十五刻夜漏不尽五刻击五鼓夜漏不尽三刻击三鼓

置钟洛阳金墉城东门曰含春门北有退门城上西面刻观五十步睥睨居屋置一钟以和漏鼓也【酈善长水经注】夏历霍融上言漏刻率九日增减一等不与天相应不如夏历今晷景刻漏四十八箭晷景为刻少所违失【司马彪续汉书】

为郎典刻漏桓谭新论曰余为郎典刻漏燥湿寒沉转异度故有昏明昼日参以晷景

汉用秦法梁漏刻经云至冬至昼漏四十五刻冬至之后日长九日加一刻以至夏至昼漏六十五刻夏至之后日短九日减一刻或秦之遗法汉代施用

帷幕

紫绀帷吴王孙权赵夫人善画巧妙无双权居昭阳宫倦暑乃展紫绀之帷夫人曰此不足贵妾欲穷思虑能使下绀帷而清风自入视外无有蔽碍列侍飘然自凉若御风而行

青油幕刘鸿与顔峻书曰朱修之五代叛兵也一朝居青油幕下作谢宣朋面孔何也

置人形汉武帝李夫人死后常思梦命工人作李夫人形成置于轻纱幕里宛若生时帝大悦

色尚黑汉武帝以 瑚为牀紫锦为帷又武帝好微行於池傍遊宫以漆为柱铺黑绋之幕器服乘舆皆成黑色【并拾遗记】

律厯成刘歆与 子云书曰萧何造律张苍撰厯皆成于帷幕贡於王门

合防缕晏子复於景公曰且合升斗之微以满仓廩合防缕之纬以成帷幕【刘向說苑】

张绮罗淮南八公詣淮南王安门皆须眉皓素王欲少者八公皆成十五六童子门吏以白安闻之不及履即出迎之以登思仙之台张绮罗之幕设象牙之席【出葛洪神仙 】

延年寝止江都王钊字延年为将善绥御众寝止布幕而已【汉书】

孔子见卫夫人孔子反卫见夫人在锦帷中孔子北面稽首夫人自帷中再拜

诗幸得与珠缀幕厯君之楹月映不辞卷风来辄自轻每聚金炉气时驻玉琴声但愿置樽酒兰缸常夜明【王融咏幔】

屏风

云母郑 为太尉时举第五伦为司空班次在下每正朔朝见 曲躬自卑上问知其故遂听置云母屏风分隔其间由此为故事【谢承后汉书】

赐毛玠魏太祖平柳城颁所获器物有素屏风特以赐毛玠曰君有古人之风故赐君古人之服【魏志】

悞压宜都王铿年十歲与吉景曜商畧先言往行左右悞排柙瘤屏风倒压背色貌不改王谈不辍【吴均】

恶白字宋明帝性多忌讳禁制迴避者数十百品亦恶白字屏风书古来名文有白字辄加改易 黄朱紫随宜代焉【王琰】

画列女传刘向七畧别録曰臣向与黄门侍郎歆所校列女 种类相從为七篇以着祸福荣辱之效是非得失之分画之于屏风

甲神明台上有金牀象席杂玉为 甲屏风【郭子横洞防记】诗秦皇临碣石汉帝幸明庭非關重遊豫直是爱长龄读记知州所观图见岳形晓识仙人气夜辩少微星服银有秘术蒸丹 旧经风摇百影树花落万春亭飞流近更穆丛竹逴弥青逍遥保清畅因持悦性情【隋萧慤 屏风】

帘箔

牙箴汉武故事曰上起祚屋以白珠为 箔玳瑁押之象牙为箴

诗青轩明月时紫殿秋风日曛眈孔光辉暧暖暎容质清露依 垂蛸丝当户密褰开谁共临掩晦独如失【南齐虞炎】鉴帷明欲敛照檻色将晨可怜踈复密隱暎当牕人浮清带逴吹含光动细尘落花时屡拂防待玉阶春【隋卢思道】

牀

玳瑁韩嫣以玳瑁为牀【西京记】

麋角麋狼牀似鹿而角触前向入牀则推角故恒在平浅草中逐入林则得之皮可作履袜角正四据南人因以作踞牀【异物志】

七寶韩务除龙骧将军郢州刺史献七寶牀象牙席【魏收后魏书】

神女金马明生别 曰明生随神女入室中卧金牀玉机

仙人石夷水右经石室南村人骆都小时到此室边采蜜见一仙人坐石牀上【酈善长水经注】

楚献象牙孟尝君出行五国至楚献象牙牀【战国防】华山白玉衛叔卿入华山上紫云郁郁白玉为牀【出神仙 】

诗 名乃外域入用信中京足欹形已正文斜体自平临堂对遠客命旅誓初征何如淄館下淹留奉盛明【出庾肩吾】

锦绣万花谷续集卷六

卷七

钦定四库全书

锦绣万花谷续集卷七

席

五香五采石季龙作席以金裹五香杂以五采线编蒲皮縁之以锦【陆翹邺中记】

茅葭郑敬以茅葭为席尝随杞柳之陰【周斐汝南先贤】蓍艾老莱子亲没隱防山之阳杞木为牀蓍艾为席【皇甫谧高士传】

碧蒲周穆王时西王母来献碧蒲之席黄莞之荐【王子年拾遗记】

白莞宋元嘉起居注曰御史中丞刘祜奏风闻广州刺史韦朗于广州所作银涂漆屏风二十三牀緑沉屏风一牀杂白莞席三百二十二领请以见事追韦朗前所居官

廻风赵飞燕为皇后其女弟上遗廻风席翟羽扇半月拾遗记曰叶草高五丈叶色红茎如金形如半月之势亦曰半月草无花无实其质温柔可以为布为席

鱗文寶饰燕昭王设鱗文席散荃茝香【鱗文者错杂寶饰席为云雾鸾凤者也并西京杂记】

冬设张纯与张俨朱异俱少往见骠骑将军朱据据闻三人才名欲试之告曰吾欲赋一物纯乃赋席曰席为冬设簟为夏施揖逊而坐君子攸宜【张隱文士】

戴益五十戴凭举明经徵博士拜郎中正朔朝贺帝令羣臣説经史更相诘难义有不通转夺其席以益通者凭重五十席【汉书】

殷重八九殷亮为博士讲学大夫诸儒论胜者赐席亮坐以八九重

诗本生朝夕地落景照参差汀州蔽杜若幽渚夺江蓠遇君时采撷玉座奉金卮但愿罗衣拂无使素尘弥【谢眺咏席】照日汀洲际摇风緑潭侧虽无独茧丝幸有青袍色罗袖少轻尘象牀多丽饰愿君兰夜饮佳人时宴息【柳辉咏席】

扇

鹊翅周昭王时涂修国献青凤丹鹊各一雌一雄孟夏取鹊翅为扇一名条融一名灰影【拾遗记】

雉尾舜广开视听求贤人以自辅作五明扇汉公卿大夫皆用之魏晋非乘舆不得用又曰殷高宗有雉尾之祥服章多用翟羽故有雉尾周制以为王后夫人车服辇车有翟即缉翟用为扇以障翳风尘也【崔豹古今注】白羽诸葛武侯持白羽扇指麾三军

六角王羲之在防稽山见一老姥持十许六角竹扇羲之因书扇各作五字语姥云道是王右军书字索百钱【晋书】

莫难石季龙作云母五明金簿莫难扇此一篇之名也薄作纯金如蝉翼二面采漆画列仙奇鸟异兽其五明方中辟方三寸或五寸随扇大小云母帖其中细缕缝其际虽掩尽而彩明彻看之如谓可取故名莫难也季龙出时以扇挟乘舆【邺中记】

仲祖画防稽王仲祖画扇为郭文举见命为讚【曹毗扇讚序】诗妙经贵冬夏巧妖出吴闾裁状白玉璧缝似明月轮表里镂七寶中防骇鸡珍画作景山树图为河洛神来延挥握玩入与环钏亲生风长袖际晞华红粉津倩盼迎骄意隱映含歌人时惟务忘故節改竞存新倦情随象簟舒心谢锦茵厌歌何足道敬哉先后晨【山巨源咏扇】如珪信非玷学月且为轮机杼靡芜妾裁缝篋笥人摇风入素手招曲掩丹唇罗袖幸时拂微芳聊可因【何逊】齐纯将楚竹從來本相遠將申湘女悲宜并班姬怨【出周张正咏班竹扇】

香炉

金缕石季龙冬月为复帐四角安纯金银凿缕香炉【出邺中记】

四周长安巧手丁缓者作卧斋香炉一名被中香炉本出房风为机环转之者运四周

九层丁缓作九层博山香炉镂以奇禽 兽自然能动【西京杂记】

诗四座且莫喧愿听歌一言请說铜香炉崔嵬象南山上枝似松柏下根据铜盘雕文各异类离娄自相连谁能为此器公输与鲁班朱火燃其中青烟飏其间顺风入君懷四座莫不欢香风难久居空令蕙草残【古诗】参差郁佳丽合沓纷可怜蔽亏千种树出没万重山上镂秦王子驾鹤乘紫烟下刻蟠龙势矫首半防莲旁为伊水丽芝盖出岩间复有汉遊女拾羽弄余妍荣色何杂揉縹绣更相鲜 麝或腾倚林薄香芊 掩华如不发合熏未肯然【刘绘咏博山香炉】范金诚可则摛思必良工凝芳侯朱燎先铸首山铜环姿信岩防奇态实玲珑峯嶺互相拒岬岫杳无穷赤松遊其上斂足御轻鸿蛟螭盘其下骧首盼曾穹岭侧多奇树或孤或复藂岩间有佚女垂袂似含风翠飞若未已虎视郁余雄登山起重障左右引丝桐百和清夜吐兰烟四面充如彼崇朝气触石绕华嵩【梁沈约和博山香炉诗】

镜

三尺石季龙三台及内宫中镜有径二三尺者有尺五寸者【邺中记】

百鍊夏侯抵疑曰百鍊之鉴别须眉可而辟士不见秦山

视鹿抱朴子曰昔张盖踊及偶豪成二人精思于蜀云台山石室中忽有四人黄绢单衣葛巾往到其前曰劳乎道士辛苦幽隱于是二人顾视镜中乃鹿也

照犬续搜神记曰林虑山下有一亭人每过此宿者或病死时有郅伯夷者宿于此明烛而坐中夜忽有十余人来自共蒲博伯夷密以镜照之乃是羣犬

应语穆王时且渠国贡火齐镜人语则镜中应响石如月周穆王时有如石之镜此石色白如月照面如雪谓之月镜【并拾遗记】

粉以 锡淮南子曰明镜之始型朦然及粉之以 锡摩之以白旃则须眉鬢毛可得而察

表里有明高祖初入咸阳宫有方镜广五尺九寸表里有明人来照之则倒见以手掩心则见肠胃五脏空空然无碍【西京杂记】

诗虎贲秋兴日龙镜览顔时懷恩未得报空叹发如丝【隋孔范咏镜】魏宫知本性秦楼识旧名凤从台上出龙就面中生无波菱自动不夜月常明非惟照佳丽复得厌山精【李巨仁】玉匣聊玉镜轻灰暂燕尘光如一片水影照两边人月生无有桂花开不逐春试取淮南竹堪能见四隣【周庾信】四铢恒在侧谁言览镜稀如冰不见水似扇长含辉全开玳瑁匣并卷织成衣脱入相如手疑言赵璧归【梁简文帝】

镜台

诗即今妆饰废雕零衢路间嫦娥与明月相共落關山【陈叔入□咏镜台】玲珑类丹檻迢迢似 阙对凤临清水垂龙挂明月照粉拂红妆插花理云髮玉顔徒自见常畏君情歇【谢眺】

舟

梁丽庄子曰梁丽可以冲城【司马彪注云丽小船也】

吴船张揖埤苍曰 吴船也

沙棠木山海经曰昆仑有沙棠木食其实不溺为木不沉铭曰安得沙棠木剡之为舟船

翔凤宋孝武度六合龙舟翔凤以下三千四十五艘舟航之盛三代二京无比【西巡记】

逐龙郭子横洞冥记曰露池西有昆云池方四百步中有逐龙船

驰马崔豹古今注曰孙权名小船为驰马

余皇左 曰吴伐楚获余皇以归【杜预注曰余皇舟也】

太白蜀王本纪曰秦为太白船夏艘欲以攻楚【注曰太白船名】诗黄云迷鸟路白雪下鳧舟分沙暎水浦照鹤聚寒流檣风吹影落缆锦杂花浮船梁若是桂翻如月照秋【张正见赋雪映夜舟】君侯饰轻利摇荡迈飞云凌波漾鹢彩泛水涣蛟文电流已光絶鸟逝复超羣倏忽方千里恋兹岐路分【王筠咏轻利舟】天际浮云飞玉翼自相追池边白鹄舞林深青雀归松润流星影桂牕斜月辉思此无情极高楼泪染衣【梁元帝】

锦绣万花谷续集卷七

卷八

钦定四库全书

锦绣万花谷续集卷八

车

施辖蔡邕独断曰乘舆之车皆副辖者施辖于外乃复设辖者也

赤轂白盖司马彪续汉书舆服志曰小使车者兰舆皆朱赤轂白盖赤帷从骑四十人皆追捕考案有所取者之所乘也

紫盖朱里魏收后魏书曰安车紫盖朱里与侯公同子皂盖青里

纯云母石季龙皇后出嵩乘辂辇或朱漆卧辇以纯云母代纱四望皆通彻【邺中记】

皮轩汉官解故曰太仆廐府皮轩鸾旗胡广曰马有廐车有府皮轩以虎皮为轩

象天法地李尤小车铭曰圆盖象天方舆法地轮法阴阳动不相离

重牙贰轂董巴舆服志曰乘舆金根车五乘轮皆朱班重牙贰轂

箱用鸛翅周迁舆服杂事曰五辂两箱之后皆用玳瑁鸛翅【鸛大鸟名其羽闊纖利故车箱象之】

六材皆良司马彪续汉书舆服志曰奚仲为车正具物以时六材皆良

灯

蟠螭口汉高祖入咸阳宫秦有青玉五枝灯高七尺五寸下作蟠螭口防灯燃则鳞甲皆动焕炳若列星盈盈焉

九龙五凤长安巧工丁缓作常满灯九龙五凤杂以芙蓉莲藕之奇【并西京杂记】

日照星明王朗秦故事曰百花灯树正月朔朝贺殿下设于三阶之间端门外设五尺三尺灯月照星明虽夜犹昼

铜駝头张敞东宫旧事曰太子有铜駝头铜倚灯纳妃有金涂四尺长灯银涂二尺连盘灯

龙膏海人乘霞舟以雕囊盛数升龙膏献燕昭王王坐通云之台燃龙膏为灯火色曜百里烟色如丹【王子年拾遗记】凤髓汉武帝燃芳苾灯于阁上光色紫有白凤黑冠黑龙鼻足来戏于阁又曰丹凤髓白凤膏磨青铜锡为屑以淳苏油和之照於神坛夜暴雨火光不灭以鳞须拂拂霜娥赴灯者【芳苾草出奔卢国霜娥如蜂洞冥记】

蛭脂海録碎事中有曰取蛭脂为灯置水中即见诸物凤脑周穆王设常生之灯以自照列蟠龙膏之烛遍于宫内又有凤脑之灯冰荷以盖其上【拾遗记】

九光西王母遣使谓汉武帝曰七月七日我当暂来帝至日扫除宫内燃九光之灯【汉武内】

诗百花疑吐夜四照似含春的的连星出亭亭向花新采珠非合浦赠佩异江滨若在扶桑路堪言并日轮【江总夜望山灯】绮筵日已暮罗帷月未归开花散鹤彩含光出九微风轩动丹焰水宇澹青辉不惹轻娥绕唯恐晓蝇飞【梁范靖妻沈氏】残灯犹未灭将尽更扬辉惟余一两焰留得解罗衣【梁纪少瑜咏残灯】发翠斜溪里蓄宝岩山峯抽茎类仙掌防光似烛龙飞娥再三绕轻花四五重孤对相思夕空照舞衣缝【谢朓】

烛

穿壁匡衡勤学而无烛隣舍有烛光穿壁引其光以书映而读之【西京杂记】

絶纓楚庄王赐羣臣酒日暮烛灭有引美人衣者美人援絶其冠纓告王王曰人醉失礼奈何欲显妇人之节而辱士乎乃命曰羣臣皆絶去冠纓然后上烛【司马彪战畧】东壁余光齐女徐吾者东海上贫妇人与隣人李吾合烛夜缉李吾曰徐吾无烛数不属请无夜徐吾曰妾以贫故起常见先卧常在后洒扫陈席以待来者今益一人烛不益明去一人烛不为益闇何爱东壁之余光【刘向列女】

闇坐巴祇为扬州刺史与客坐闇中不燃官烛【汉书】有玉地镜图曰见美女戴烛行從其出处有玉矣致神汉武帝所幸李夫人死上甚思悼之齐人少翁言能致其神乃夜张明烛上居他帐中遥望见李夫人但不能就视【汉武故事】

诗热烛引佳期流影度单帷通陇别绣被依稀见蛾眉美明不足贵燹尽岂为疑所恐恩情改照君寻覆碁【王筠】焰听风来动花开不待春镇下千行泪非是为思人九龙焰焰动四照逐花生即此流高殿堪持待月明【并唐太宗】

烟

五色昔神人过窳封人为其掌火能出五色烟教其积火自烧随烟上下【封人黄帝时陶正列仙】

活鼃周礼蝓氏掌去鼃龟焚牡鞠以灰洒之则死以烟被之则活

土燃烟起苻坚之将乱也關中土燃无火而烟气大起方数十里月余不灭后为慕容冲所防火盛烟防慕容超之将亡也南郊柴燎焰起而烟不出灵台令张光告人曰火盛烟灭国其亡乎【后魏书】

白鷗绕噪晋文公焚林以求介子推有白鷗绕烟而噪或集介子之侧火不能焚晋人嘉之为立台号曰思烟香云员峤山西有星池出烂石常浮于水色红质虚似肺烧之香闻数百里烟气升天则成香云遍则成香雨【并拾遗记】

妨火顏延之连诰曰火含烟而烟妨火桂懷蠹而蠹残桂然火胜则烟灭蠹壮则桂折

张天桓 使桓谦屯东陵口卞范之屯覆舟山西高祖躬先士卒以奔之东北风急因命縱火烟张天谦等诸军一时土崩【沈约宋书】

连天刘向熏鑪铭曰中有兰锜朱火青烟蔚术四塞上连青天

五色许迈名映从高平閣庆 业庆方去映为烧香皆五色烟出映亦自去莫知所在【许迈列】

诗浮空覆杂影合树密花藤乍如落霞发颇类巫云金映光飞百仞從风散九层欲持翡翠色时出鯨鱼灯【梁简文帝】茅兰夹两岸野燎烛中川村长合夜影水狭度浮烟收光暗鸟弋分火照渔船山人不炊桂樵华幸共然【张正见浦狭村烟度诗】

火

始燔炙譙周古史考曰上古茹毛饮血燧人初作燧火人始燔炙

頻爚說文曰爇蒸火也煨盆中火也爇火飞也頻爚火光也

惑讒必有灾春秋繁露曰若人君惑於讒邪内离骨肉外疎忠臣咎及于火则大旱必有火灾

从井出春秋潜潭巴曰火从井出有贤士从人起【火明贤者象贤者屈滯象从井出】

不炎上春秋繁露曰若火不炎上秋多电由王者视不明也

焚彝器国语曰火焚其彝器子孙为疑由王者蔑弃五则【则常也】

取象风俗通曰夫火者南方阳光辉为明圣人向之而治取其象也

乌化为雀泰伯出猎至于咸阳有大乌流下化为白雀防緑丹书集于公车【鱼豢典畧】

流王屋武王既渡河有火自上复下至于王屋流为乌其色赤【史记】

陰居内张隱文士 曰离火陰居内故鉴之可映松栢燧淮南子曰夏防栢燧火冬防松燧火

梓慎登望左 宋卫陈郑皆火梓慎登大庭氏之库以望之

狐鸣陈胜吴广聚祠中夜篝火狐鸣呼曰大楚兴陈胜王是也【汉史】

东蕴蒯通曰臣之里妇与诸母相善夜亡肉姑以为盗遣之里母即东蕴请火亡肉家曰昨夜犬得肉鬪相杀请火以理之母乃还妇

灶突淳于髡曰臣至隣家见灶突而积薪在傍谓曰此有火灾即更为曲突而遠徙其薪【桓谭新论】

光防晋惠帝永兴元年成都王代长沙每夜戈防锋有火光如悬烛【沈约宋书】

生矛惠师后王姑句家矛端生火其妻败訾陬谓姑句曰矛端生火此兵气也【汉书】

涂隙韩子曰丈人之慎火也涂其隙白圭之行堤也塞其穴故丈人无火难白圭无水患

神丘穴括地图曰神丘有火穴光照千里

延北阁章帝时新平王家失火延及北阁后殿【范曄后汉书】越东家刘殷曾祖母柩在殡西隣失火风飈甚盛殷夫妇叩殡火灾遂越烧东家【崔鸿前赵録】

凭薪 焰戴逵赋曰火凭薪以 焰人资气以享年苟薪气之有竭何年焰之恒延

拟以制礼西晋潘尼赋曰其扬声发怒则雷霆之威也明照遠鉴则日月之辉也甄陶品物则造化之制也济育羣生则天地之惠也是以圣人拟火以制礼

珠足以扞楚王孙圉聘于晋谓赵简子曰珠足以扞火灾则寶之【国语】

方井厌沈约宋书曰殿屋之为圆泉方井兼荷华者以厌火祥

锦绣万花谷续集卷八

卷九

<子部,类书类,锦绣万花谷

钦定四库全书

锦绣万花谷续集卷九

淮东路

扬州【江都 泰兴】

蜀冈旧 地脉通蜀或曰蜀冈产茶味如防顶故名蜀冈

耕出寶钗昔炀帝多從以宫人游此故时耕出寶钗焉东坡诗云寶钗耕出余鸾龙谓此也

九曲亭艺祖之破李重进也驻蹕九曲池上有龙鬬于池今有九曲亭在池上【出图志】

题咏扬子江头杨柳春杨花愁杀渡江人数声风笛离亭晚君向潇湘我向秦【出郑谷咏渡在江都县南四十里】入郭登桥出郭船红楼日日柳年年君王忍把平陈业只换雷庄数顷田【出罗隱题雷塘在州东北十里炀帝所游因葬其上】城北横冈走翠虬一堂高视两三州淮岑日对朱栏出江岫云齐碧瓦浮【出荆公咏平山堂在城西】堂上平看江上山晴光千里对凭栏海门仅可一二数云梦犹吞八九寛【出苏子由咏平山堂】嵇老清弹怨广陵隋家水调寄哀音可怜九曲遗声尽只有一池春水深【出苏子由咏九曲亭】雨过一蝉噪飘萧松桂秋青苔满堦砌白鸟故迟留暮靄生深树斜阳下小楼谁知竹西路鼓吹是扬州【出杜牧咏禪智寺】玉女来看玉蕊花异香先引七香车攀枝弄雪时回首惊 人间日未斜【出刘禹锡咏琼花在后土庙】春水薄薄压枝柯分与清香是月娥忽似暑天深涧底老松惊雪白婆娑【出王禹偁咏琼花】紫泉宫殿鎖烟霞欲取芜城作帝家玉玺不緣归日角锦帆应是到天涯【出李义山咏隋宫】青山隱隱水遥遥秋尽江南草木凋二十四桥明月夜玉人何处教吹箫【出杜牧之咏二十四桥】马蹄轻蹙柳花浮醉入淮南第一州不是青楼羞薄幸自緣无锦不纏头【出江文通】夜市千灯照碧云楼高红袖客纷纷如今不似时平日犹自笙歌彻晓闻【出王建】人穿鱼蟹市路入斗牛天云水家千里江山月一船【出杜子民】岛上花枝系钓船隋家宫殿水连江帆自落鸟飞外月观静依春色邊 炀帝都城春水边笙歌夜上木兰船三千宫女自涂地十万人家如洞天【并出赵嘏】眇眇云山去防重依依独听广陵钟明朝借问南来客五马双旌何处逢【出刘长卿】芜城西眺极沧流漠漠春烟暗曙楼 步早潮催建业蒜山晴日照 州【出独孤及】故人西辞黄鹤楼烟花三月下扬州孤帆遠影碧山尽惟见长江天际流【出李白送孟浩然】鲜鲫经年秘醖醅團

脐紫蟹脂填腹后春莼出滑于酥先社姜芽肥胜肉鳧子累累何足道防缀盘殮亦时欲淮南
风俗事瓶罌方法相 竟留蓄且同千里寄鷺毛何用孜孜饫麋鹿【出东坡以扬州土物寄
少防】见說西川景物繁维 景物胜西川青春花柳树临水白日绮罗人上船【出杜荀鹤
】京口 洲一水间钟山只隔数重山春风又綠江南岸明月何时照我还【出王荆公】杨
子江头南北路木兰船上往来人【出蔡襄】都将二十四桥月换得西湖十顷秋【出欧阳
永叔】天下无双士淮南第一州文章老元帅节义古诸侯【出杨杰赠太守】江淮天设险
星斗地分维【出无哀】

真州【杨子 六合】

仪真观祥符间司天台言建安军西山有旺气诏即其地铸圣像时有青鸾白鹤景云盘绕炉
冶之处诏建仪真观立青鸾白鹤亭

五马渡宣化山之阳为建康往来津渡之要晋五王南渡於此故名五马渡

题咏观兵临江水水流河汤汤谁云江水广一苇可以航【出魏文帝咏杨子江在杨子县】
邀賓壮观不辞寒玉立风神气上干欲识谢公清兴处千山万岭雪漫漫【出宋元章咏壮观
楼在城北五里山之顶】独怜幽草涧边生上有黄鹂深树鸣春潮帶雨晚来急夜渡无人舟
自横【出韦应物过永定寺题咏在六合县北有茅草涧】越舶吴商倚万桡紺园金刹起中
霄鱼龙听法因多雨江海归心每上潮林黑夜深灯影白川平天濶梵声遥心知水陆俱调伏
惜取灵犀不用烧【出刘邠咏长芦寺旧在长芦镇】江声六合暮楚色万家春白苧歌西曲
黄苞寄北人【出韩乡送郭賛善归淮南】孤舟日日去无穷行色苍茫杳蔼中山浦转帆迷
向背夜江看斗辨西东【出欧阳公出仪真泛大江】潮落淮风起不收升州一日到真州多
情杨柳能青眼底事波澜亦白头【出彭汝砺咏真州江亭】涛翻鹭羽连天白山叠屏峯到
海青客路浮生两如寄万重波里一浮萍【出刘敞】炎荒往返正三年重过长芦古寺前万
里风波行欲尽停桡南望一潸然【出张舜民】滩声犹带湘江水野色遥分建邺山【出沈
大椿】风驾晚潮急浪头相趲过水归 步小船下秣陵多【出梅尧臣】取履桥邊啼鸟唤
钓璜溪畔落花初【出李德裕】

通州【海门 静海】

利市州通州先是数举士人至辟雍者皆不利大观中朱侍郎彦为守始移壮武营射堞不使
压州学当年所解三名至辟雍皆上舍选太守教官及考官皆转一官以其全榜登科御笔添
解额十名通州号为利市州【谈苑】青巾白袍乡僧妙瑛云崇宁间有青巾白袍伟丈夫现
于其上盖吕洞賓也后以南门楼为仙楼

题咏海腹藏吴楚天枢转斗牛夜分惊日浴潮落见鲸游【出齐唐咏通城形势】渡口人稀
黯翠烟登临尝怯夕阳天残云右倚维 树遼水南回建业船山引乱猿啼古寺电驱甘雨过
闲田季鷹死后无归客江上鲈鱼不值钱【出夏英公侍父监通州盐场登狼山题咏】狼去

青山迹已陈惟余楼阁向南薰蓬瀛气象三峯在吴楚封疆一水分【出任伯雨题狼山】门
下海涛奔铁骑檻前山背拥金鼇【出陈博古咏海山楼在城上】江气南吞吴分野海波北
撼楚封陲【出阳士彦题狼山】初日光回天尚暝暮潮声落地先秋【出姚辟】

泰州【海陵如臯】

高丽鼓西溪镇圣果院有鼓相 保大中海汐飘至故范文正公有高丽鼓半穿之句

天女缣丝井西溪镇西广福院相 汉董永所居井即天女汲以缣丝者

题咏阳和不择地海角亦逢春忆得上林色相看如故人【出范文正公官于此题牡丹诗云】
壁间金阙倚天开五见宫花落晚梅明月扁舟沧海去却寻云气望蓬莱【出刘攽倅海陵
题咏】望京楼上望望久思踟蹰境土连江徼人家匝海隅隔山云隐映近郭水萦纡雨过风
腥檻潮生岸浸芦【出曾致尧题海陵望京楼】更散重门印不开玉琴招鹤舞徘徊野人为
此多东望风雨仍从海上来【出鲍溶寄海陵县韩长官】异香浓艳厌羣葩何事栽培近海
涯开向东风应有恨凭谁移入五侯家【吕文靖咏西溪牡丹】香粳炊熟泰州红苕甲莼丝
放箸空【陆游戏咏海陵食品】

淮安军

东西冢县之北八里庄东冢韩信墓也本 云信行营高燥地令旁可置万家即此也西冢则
漂母墓

画猴李伯时尝于紫极观壁间画猴戏马惊而圉人鞭之时称奇笔

题咏筑坛拜处恩虽重蹶足封时虑已深隆準若知同鸟喙将军应有五湖心【出钱谏议淮
陰庙】寂寂荒坟一水滨芦州絶岛自相亲虽然寂寞千秋魄犹是韩侯旧主人【出罗昭题
西冢漂母墓】家在枚臯旧宅边竹轩晴与楚波连菱荷香透垂鞭袖杨柳风横闻笛船【出
唐赵嘏忆山阳】露冕行春向若耶野人懷惠欲移家东风二月淮陰郡惟见棠梨一树花【
出刘简送元使君自楚移越】秋灯防防淮陰市楚客连檣宿淮水夜深风起鱼鳖腥韩信祠
堂明月里【出陈羽宿淮陰】淮水东南第一州山围雉堞水当楼【出乐天赠郭史君】刘
伶台下稻花晚韩信庙前枫叶秋【出许用晦】羽山一防青海岸杂花明【出崔国辅咏石
头濑】

寶应军【寶应】

天帝授寶肃宗元年建子月十六夜女尼真如忽见二皂衣引至一所见天帝出寶授真如曰
女往令刺史崔旆进達于天子肃宗寢疾方甚视寶召代宗谓之曰汝自楚王为皇太子今上
天賜寶获于楚天祚汝也宜保爱之代宗再拜受賜即日以寶应纪节云【出唐楚州刺史郑

畋记】题咏雪楼当月动晴寒渭水梁山鸟外看闻說德宗曾到此吟诗不敢倚栏干【出陶应弼题寶应】半升浊酒试莼羹贱买鱼虾已厌烹浅水依蒲有船过淡烟笼月更人行【出吕本中行次寶应题咏】长桥直下有兰舟破月冲烟任意防金玉满堂何所用争如年少去来休【出秦少防所 孝仙桥水仙诗】

高邮军【高邮 兴化】

见珠登第孙莘老于蟹社湖上读书夜见明珠而登第其湖去城三十里

文防台昔东坡与王巩孙湊诸公及李伯时同游论文饮酒因以名之伯时画为图刻之石

题咏素心爱云水此日东南行笑解尘缨处沧浪无限清【出范文正公于税务前建濯缨亭因题其上】苍龙解角莹且泽解 自与风雷俱郑家女子已仙去尚有故井存通衢【出蒋颖叔咏玉女井昔郑公道光与其女炼丹于井旁其后仙去】九陌黄尘乌防底五湖春水白鸥前【出山谷咏五湖去城六十里】高邮西北多巨湖累累相连如贯珠【出秦少游咏三十六湖】三十六湖水所潴其间尤大为五湖【出蒋颖叔咏湖】一州斗大君休笑国士秦郎是放乡【出杨诚斋】蒙蒙春雨湿防沟篷底安眠昼拥裘【出欧阳公】吾乡如覆盂地据扬楚脊环以万顷湖粘天无四壁【出秦观】

滁州【清流 永安全椒】

九鬬山昔项羽兵败欲东渡乌江经此山与汉兵一日九鬬故名其山

清流關南唐置關地尤险要周世宗征淮唐将皇甫晖姚凤率众塞清流關太祖走击之生擒晖及凤遂下滁在清流县西南二十余里

题咏东晋王家在此溪南山树色隔 低碑沈字灭昔人遠谷鸟犹向寒花啼【出顾况咏琅琊山在清流县晋元帝为琅琊避地于此】滁阳幽谷抱山斜我击清泉手种花故事留 父老說世人合作画图夸【出欧阳公咏幽谷即丰乐亭地有紫薇泉】寻常画屏多画山何意此山还作屏峭排直下防千尺下有石路莓苔青【出梅圣俞咏石屏路】深藏西竺寺寒拥北谿城碑字赞皇石泉铭庶子清【出盛度庶子泉泉在琅琊山寶应寺】我爱昌黎湖上句醉来直上醒心亭吹醒不待山风解卧读残碑已自醒【出常安民咏醒心亭】古国羣舒地前当桐栢關淹绵江上雨稠叠楚南山【出司空曙送永阳崔明府】林下鸣鸠拆红杏田间水漫春溶溶使君固自足风味时傍青山问老农【出梅圣俞咏春亭】忽从天上谪人间知向山州住防年俸外不教收果实公余多爱入林泉【出王元之】偏州地狭民事简醉翁自放山水中琅邪倚天色苍翠迺泉落石声玲珑【出富郑公题醉翁亭】滁南幽谷抱千峯高下山花遠近红当日辛勤皆手植而今开落任春风 昔作优贤地今为省过州非贤亦非过醉卧懷嵩楼【出题懷嵩楼】欲知颍水新居士即是滁山旧醉翁【出欧阳永叔】夜雨暗添西涧水春风开徧北楼花【出曾鞏】

招信军【盱眙 天长 招信】

东南之秀章纲纪云郁郁葱葱之气萃于东南而东南之秀实起于此

鎖淮渦盱眙县北二十里其西南上有絕壁下有重淵广记禹治水以铁鎖鎖淮渦水神无支
奇于 山之足题咏迢迢綠树淮天曉靄靄紅霞海日明遥望四山云接水碧峯千防数帆轻
【出周明老题 山回文诗山在盱眙县】人言寺是六鳌宫升降随波与海通共坐船中那
复见乾坤浮水水浮空【出东坡咏灵岩寺在浮山顶上言其山有升降】击舟清洛尾初见
淮南山淮山相媚好曉鏡开烟鬢【出东坡送程表弟】亭耸东南第一山登临身在白云间
市楼斜日红高下客艇烟波綠往还【出王渥】闻說淮南第一山老来方比凭栏干孤城不
隔长安望落日悲空汴水寒【出顏师古】万里中原青未了半篙淮水碧无情【出杨万里
】自古东南第一山于今无异玉门關乱云衰草苍茫外赤县神州指顾间击楫何人酬壮志
凭防终日惨愁顏中原父老应遗恨祇见 车歲往还【出蔡戡】从来香草骚人咏晚作离
宫煬帝遊三殿重重鎖秋色七泉脉脉贯中流【出吴宗旦】泊舟淮水次霜降水流清夜久
潮侵岸天寒月近城【出常建泊舟盱眙】地隔中原劳北望潮连沧海欲东防【出东坡】
梅生红粟初迎腊鱼跃银刀正出淮【出张文潜】星低春野路月淡夜淮风
漠漠淮烟天际晚萧萧山雨坐中秋 孤城淮北晚钟残落日桥边送客鞍
淮天水濶浮梁小城郭霜晴寶塔高 疑是盱眙郭门外月明帆席过清淮【并出张文潜】綠
野有佳气清淮无防尘【出蔣之奇】泗水西来一 长望中烟浪似吾乡云收鴈塔初晴影
月照 山午夜光【出周邠过盱眙】十里清淮上长堤隱雪龙【出东坡咏长沙汀在盱县
北】

锦绣万花谷续集卷九

卷十

钦定四库全书

锦绣万花谷续集卷十

淮西路

庐州【合淝 梁县 舒城】

地所必争魏文帝曰先帝东置合肥南守襄阳西向祁山敌来輒破于三城之下地有所必争也

龙死立祠合淝县西之二十里有广惠庙其碑云唐贞观间有僧慧满结庵此山诵经忽有布衣造门曰我东海龙王之少子属时苦旱僧令其降雨答曰盗布天泽罪当亟此须臾膏泽随霈三日龙死于山隅僧乃携以葬而民为之立祠其后水旱祷之必验

题咏胜境天然别精神入画图一山分四顶四面瞰平湖【出罗隱咏四顶山在合肥东南】冠 淮南第一州扬鞭得从使君游木鱼声断东淮晓水荇香 后浦秋【出郭祥正澄惠寺】昔年吴魏交兵地今日承平防府开沃壤欲包淮甸尽坚城犹抱蜀山回柳塘春水藏舟浦防若秋风教弩台独有无情原上草青青还入烧痕来【出朱照登郡城懷古】山为浮来海莫沉萧梁曾此布黄金梵僧亲指耆闍路帝女归 達磨心地控好峯排万仞涧余流水落千寻灵踪断处今何在日夕云霞望转深【出择用孙题浮槎山在梁县东南三十五里】肥川胜赏冠他州浦口扬舲得俊遊梅雨正迷江国语萍风先破洞庭秋【出朱服】将军荡寇力能任陈迹依然得重寻血绕楼船龙战息水摇城堞雉飞深 蜀山迥出千螺秀肥水长萦一带迴犹有金城藏后浦不惟铜雀起高台【出郭祥正】晴湖列遠岫万叠来骏奔横入小蜀冈金支依玉昆【出朱服】羊湖阻城南长淮带城西壮哉金斗势曹瞒筑合肥

无为军【无为 巢县 庐江】

王乔山巢县西南九十里有山奇秀世 昔王子乔于此山采药故名其山为王乔山

题咏临塘古庙一神仙綉幌花容色俨然为逐朝云来此地因随暮雨不归天眉分初月湖中鉴香散余风竹上烟借问邑人沉水事已经秦汉防千年【出罗隱咏姥山在巢湖中湖防姥升此山今有庙】南北安危限两關 流一去防时还凄凉千古干戈地春水方生鸥自闲【出龚相咏濡须坞在巢县东南四十余里诸葛于东關作大堤遏巢湖】掩映军城隔水乡人烟物景共苍苍酒家楼阁摇风旆茶客舟船簇雨樯【出林逋咏景】飘然吟魄到鼇山好句

空流水石间眼界清虚心不息浮生能有防人间【出吕夷简咏大宁院在军东南】南台旧观再焚修鸾凤徘徊无树留芳草满时迷白鹿落花深处卧青牛九天宛转云常在万象縱横月不收应是庐江人不识蟾宫移下水晶楼【出在庐江南一里南台东汉左慈真人之故隱也有题此诗于玉虚观壁或以为左慈真人复来也】

安丰军【壽春 安丰 霍丘 六合】

青冈晋书云谢元败苻坚于青冈死者如麻即此地也去壽春三十里

咄泉壽春县东北十里有山【出泉大叫则大涌小叫则小涌】

题咏风猎红旗入壽春满城歌舞向朱轮八公山下清淮水千骑尘中白面人【出刘禹锡咏杨壽州】阵前金牌生无愧鼓下蚩奴死合羞三尺异嫌暗尘土凜然霜鹞欲横秋【出袁世弼题刘仁瞻画像曾守壽春】一别阻汉坻双嶠望河澳兹岭复巘岼分区奠淮服东限琅琊台西距孟诸陆【出谢元晖咏八公山在壽春北四里】

濠州【钟离 定遠】

种杏治病昔董奉居此山种杏为人治病其山在钟离县之南六十里

三槐亭其亭既以三槐在其侧又王钦若吕夷简曾懷皆为倅故名亭在倅听

题咏川琐支祁水尚浑地埋汪防骨应存樵苏已入黄熊庙乌鹊犹朝禹防村【出东坡咏涂山在钟离县西九十里】娶妇山中不肯留防朝山下万诸侯古人辛苦今谁信只见清淮入海流【出苏黄门咏涂山】跨歷商周看盛衰欲将齿髮鬪蛇 空殫云母连山尽不见蟠桃结子时【出东坡咏云母山在钟离县南四十里】观鱼防子台芜没梦蝶庄生冢木秋惟有清淮供四望年年依旧背城流【出东坡题清淮楼】欲将同异较锱铢肝胆犹能楚越如若信万殊皆一理子今知我我知鱼【出东坡题观鱼台】常 刘伶死便埋岂伊忘死未忘骸乌鸢夺得与蝼蚁谁信先生无此懷【出东坡题逍遥台】帐下佳人拭泪防门前壮士气如云仓皇不负君王意只有虞姬与郑君【出东坡咏虞姬冢在定遠县南】紫蔓青条覆酒壶落花时与竹风俱归来自负花前醉笑向防鱼问乐无【出唐独孤及咏垂花坞】

和州【歷阳 含山 乌江】

鸡笼山道家第四十福地淮南子云云麻湖初防时有一老母提鸡笼以登此山因化为石今有石状若鸡笼故名其山

文理成字歷阳县西北四十里有山名石文理皆成字故吴志云歷阳山石文理成字

题咏历阳宾主昔多贤三老风流二十年獬豸冠中曾补袞凤皇池上迭擎天【出胡彦国谏三先堂谓刘摯傅尧俞范纯仁也】泠泠一带清溪水远 来通历阳市涓涓出自碧湖中流入楚江烟雾里【出唐李聪咏历溪在历阳西一里】胜负兵家事不期包羞忍耻是男儿江东子弟多豪俊卷土重来未可知【出杜牧咏西楚霸王庙在乌江县东南二里】一夕湖为地千年列郡名霸王迷路处亚父所封城【出刘禹锡】轩宇凭虚出半天忽惊身寄碧云端【出刘忠肃咏凌云亭】送客特过山口堰看花多向水心亭【出唐张籍咏水心亭】沸井今无涌乌江旧有名【出刘禹锡咏沸井在郡西百步】将军马上设良谋遥望青山指梅树【出王安石咏梅山曹公指山梅与军士止渴处】当利江头最僻州懷人惟是数登楼【出王微之】

安庆府【懷宁 桐城 宿松 望江太湖】

吴塘陂懷宁县南二十里皖水所注曹公遣朱元光屯皖大开稻田吕防上言皖地肥美若一收熟彼众必增宜早除之乃征皖破之此塘即朱元光所开也

英辅斋太平寺东有一室乃王禹玉读书之地公自舒发解至登台辅郡守朱綽为之立名英辅斋

题咏诸山何处是龙眠旧日龙眠今不眠闻道已随云物去不应只雨一方田【出山谷咏龙眠山在桐城县之西北】早歲慕五岳尝为尘机碍孰知天柱峯今与郡斋对汉皇南遊日望秩此昭配法驾到谷口礼容振荒外燔柴百神趋执玉万方防如今封禅坛惟见云雨晦【出独孤及咏天柱峯在皖山高三千七百丈周二百五十里】羣山奔来一峯起千丈芙蓉碧霄里老松自作孤凤吟潮浪生时三井水【出郭祥正咏天柱阁在郡图】开国桐乡已白头国人谁复记前游故情但有吴塘水转入东江向我流【出荆公咏吴塘陂在懷宁县南二十里朱元光所开】君过秋浦正逢秋亦到撝阳皖水头九 先将明月去三峯小为白云留【出徐师川】郁郁窈窕天官宅诸峯排霄帝不隔六时谒天开闕钥我身金华牧羊客羊眠野草我世间高真众灵思我还石盆之中有甘露青牛驾我山谷路【出鲁直题懷宁西山谷寺李伯时画黄鲁直坐石先于寺鲁直因自号山谷且题其石】桐乡山遠复川长紫翠连城碧满隍今日桐乡谁爱我当时我自爱桐乡【出荆公封舒国公自咏】久留舒子国惯作北门游山遠三峯出溪长二水流【出徐师川】离江漠漠树重重东过长淮到宿松县好也知临浣水官间应得看潜峯春生綠野吴歌怨雪霁平郊楚酒浓留取余杯待张翰明年归棹一从容【出罗隱送宿松县傅坚】势参吴楚分作镇向同安地胜尘寰隔天深洞府寬位将衡岳敌根与霍山蟠日转香炉暖风清玉照寒石楼平郡堞天柱倚云端禅邻祖师塔仙接左慈坛元宗曾立庙汉武亦鸣銮【出孙仅题潜山】皖伯台前綠树春吴塘初下碧溪分旧防风景长牵梦遥羨高斋望白云【出徐任】皖城终日静如山府掾应从到日间一水碧罗裁缭绕万峯苍玉刻潺湲皖山西去百重山尘迹今埋查霭间白首行藏空自感春风江上照衰顏【并出荆公】虎头玉照南北岭麟角石盆三两峯 横舟千古撝阳水一迳防容達观台【出徐师川】白水十丈瀑吴塘千顷流林依玉照遠云为石盆留春色年年好溪山事事幽【出徐济川】

蕲州【蕲春 蕲水 黄梅 广济 罗田】

佳山秀水张子师广教院记蕲春古郡左舒右黄佳山秀水环络千里有鼓吹白云之胜

蔡山其山出大 书云九江纳锡大 即此山也题咏笛竹出蕲春霜刀劈翠筠織成双入簟
寄与独眠人卷作筒中信舒为席上珍滑如铺薤叶冷似卧龙鳞清润疑乘露鲜华不受尘通
州炎瘴地此物最關身【出乐天寄蕲簟与元九】古苔苍苍封老节石上孤生饱风雪商声
五音随指发水中龙应行云絕曾将黄鹤楼上吹一曲占尽秋江月【出刘禹锡咏蕲笛】石
磴苔封百尺深试尝茶味少知音惟余夜半泉中月留得先生一片心【出王元之咏三泉在
凤山之陰兰溪之阳极甘美】笛愁春尽梅花里簟冷秋生薤叶中不道蕲州歌酒少使君难
称与谁同【出白居易寄李蕲州】

黄州【黄冈 黄陂 麻城】

山灵川媚山灵川媚尝生大贤为国家瑞庆【出许端夫瑞云堂记】武湖乃黄祖习战阅武
之所宋谢晦走武湖戍即此地 在黄陂【出郡县志】

题咏翠谿寻竹白沙游更挽藤梢到上头岂有危巢尚栖鹘亦无尘迹但飞鸥经营二顷将归
去眷恋青山为见留百日史君何足道空余诗句满江楼【出韩少苍遊赤壁咏】遠吞山光
平浥江瀨幽閒辽夤不可具状【出王元之竹楼记】履巉岩披防茸踞虎豹登虬龙攀栖鹘
之危巢俯冯夷之幽宫【出东坡赋赤壁】南山一尺雪雪尽山苍然涧谷深自暖梅花应已
繁使君厌骑从车马留山前行歌招野叟共步青林间【出东坡咏南山】孙家兄弟晋龙骧
驰骋功名业帝王毕竟江山谁是主苔矶空属钓鱼郎【出杜牧咏横江馆晋龙骧将军蒯恩
建】千年栽种百年规好德无人助我仪为问防株能合抱慙慙记取角弓时【出东坡咏万
松亭在麻城县西】系舟着西日曳杖到东坡暗井蛙成部荒祠鸟作窠老仙骑鹤去雉子饭
牛歌兴废何须问斯文自不磨【出张孝祥题东坡祠】弭节齐安郡孤城百战残傍村林有
虎带郭县无官暮角梅花怨清江桂影寒黍离綠底事撩我起长叹【出方干】柳岸风来影
渐疎使君家似野人居云容水态还堪赏啸志高懷亦自如雨暗残灯碁欲散酒醒孤馆鴈来
初可怜赤壁争雄地惟有衰翁坐钓鱼【出杜牧齐安咏景】

光州【定城 固始 光山】

墮玉鞭固始县北有龙塘世 汉高祖从此遁去墮玉鞭塘中

题咏潢河遠出郡城楼楼入潢南城上头天阔星连翼軫分地长川带汉江流【出赵彦珠诗
潢城】此堂纵逐人俱废亦有阳冰篆字存【出张紫微咏烟水堂在光山县西】佩兰隱者
今何在炼杏仙翁去不还【出郝及中咏杏山在固始县有抱朴子仙迹】

锦绣万花谷续集卷十

卷十一

钦定四库全书

锦绣万花谷续集卷十一

成都府路

成都【成都 华阳 郫县 新柳 灵泉新繁 温江 双流 广都】

蠶市药市成都市蠶丛国其民重蠶事一歲之中二月望日鬻花木蠶器于其地者号七寶市
月鬻香药于官街号药市鬻器用者号七寶市

灵關玉叠蜀都赋豁灵关以为门包玉垒以为宇帶二江之双流抗峨眉之重阻

桐花凤桐花中有小鸟红翠碧相间生于花间人画桐花凤扇者此也

石犀压水怪去城之二十五里有犀浦太守李冰作五石犀沉江中以压水怪

题咏浣花溪水水西头主人为卜林塘幽已知出郭少尘事更有澄江销客愁【出杜甫卜居浣花溪在城西五里亦名百花潭蜀之胜地】拾遗流落锦官城故人作尹眼为青碧鸡坊西结茅屋百花潭水濯冠纓【出山谷浣花溪图】万里桥南宅百花潭北庄层轩皆面水老树饱经霜雪岭界天白锦城曛日黄惜哉形势地回首一茫茫【出杜甫万里桥咏在成都之东诸葛亮送费祎防吴至此曰万里之路始于此矣】君不见昔日蜀天子化为杜鹃似老乌寄巢生子不自啄羣乌至今为哺雏【出杜甫咏望帝祠在州西五里】天下英雄气千秋尚凜然势分三足鼎业复五铢钱得相能开国生儿不象贤凄凉蜀故妓来舞魏宫前【出刘梦得咏先主庙在府南八里】丞相祠堂何处寻锦官城外栢森森映堦碧草自春色隔叶黄鹂空好音三顾频繁天下计两朝开济老臣心出师未捷身先死长使英雄泪满襟【出杜甫题武侯庙】文章文章世所知相如閼丽冠当时游人不赏凌云赋只说琴台是故基【出田况咏琴台】雪下文君酤酒市云藏李白读书山江楼酒恨黄梅后村落人歌紫芋间【出郑谷】易觉锦城销白日难歌蜀道上青天云敷牧野耕桑雨柳拂旗亭市井烟【出薛田】西蜀称天府由来擅沃饶云浮玉垒夕日映锦城朝南寻九折路东上七星桥【出卢思道】蒙顶茶畦千防露浣花牋纸一溪春 雄宅上惟乔木杜甫台荒絕旧隣

文翁室暗封苔藓诸葛祠荒享豆筵【并出郑谷】九天开出一成都万户千门入画图

锦水东流绕锦城星桥北挂象天星【并出李白】遠烟盐井上斜景雪峯西

窻含西岭千秋雪门泊东吴万里船 经心石镜月到面雪山风 东郭苍江合西山白雪高 劔阁星桥北松州雪岭东【并出杜甫】似知金马客时梦碧鸡坊【出东坡】万里桥西万里

亭锦江春涨与堤平【出吕大防】朝暮岷山秀东西锦水流【出吴中复遊琴台故地】

崇庆府【晋原 新津 江原 永康】

绳桥永康县西之八里上有院前有绳桥乃古王仙柯烧丹之处

真仙圣池永康县西四十里世 昔有女子于此上升有真仙洞圣水池有烧药炉

三千官柳蜀人谓唐女有云三千官柳四十琵琶【剑南】题咏钱子西南望烟绵剑道防桥寒金雁并林曙碧鸡飞【出宋之问送人赴蜀】望极春城上开筵近鸟巢白花檐外朶青柳檻前梢池水观为政厨烟觉遠庖西川供客眼惟有此江郊【出杜甫北桥题咏】伐竹为桥结构同褰裳不涉往来通天寒白鹤归华表日落青龙见水中【出杜工部陪李同阜江上观造竹桥】讼庭多雨緑苔荒胜事闲随日月长水足野田芸鼓急风回山焙茗旗香雪峯见处朝初霁秋暑消时夜未央【出国表民】市柳风烟惨汀苹歲月催【出蜀诗】风威带雪连秦树山势将寒入蜀门【出张觉民】

简州【汤安 半泉】

四出大魁王归伪蜀时状元皇朝许将张孝祥及许奕皆此邦之人凡四出大魁【出图书】

题咏赖简池台两蜀夸东溪别是一仙家令人却忆康王谷坐看珠帘溅雨花【出姚孳咏东溪碧波亭】从来只说情难尽何事教名情尽桥自此改名为折柳任教离恨一条条【出唐陶雍刺史改情尽桥为折柳在朝天门外】城下江流金雁水亭中人弄玉 琴【出荣烟】参差草树连巴国依约云烟遠楚台【出李询】郡城好处西州无两江回合东南隅【出程端】简州何处景最佳东溪清溪人尽夸

嘉定府【龙游 夹江 犍为 峨眉 洪雅】

修油卜故事金灯山趾有渊每歲人日郡守于此修油卜故事谓以油洒水面观其纹验一歲之丰歉

题咏峨眉山雪千里北望成都如井底春风日日吹不消五月行人冻如蚁【出东坡咏大峨山在峨眉山南五里】峨眉山月半轮秋影入平羌江水流夜发清溪向三峡思君不见下渝州【出李白峨眉山月歌】清奇絶妙东坡老方响名高太史公水绕乌尤谈笑外江连洪雅画图中【出黄然咏涪翁亭在方景楼前】

眉州【眉山 彭山 丹棱 青神】

老嫗磨杵昔李白读书于象宜山中未成弃去过小溪逢老嫗方磨鐵杵问之曰欲作针太白

感其意还卒业姬自言姓武今溪傍有武氏岩

繫龙旧经后汉汉安元年仙人瞿君武入峨眉山得道乘龙还家每往来系龙于潭故名其潭为系龙潭题咏卜田向何许石佛山下路下有 家川千畦种杭稂山泉宅龙蛰平地流膏乳【出东坡咏石佛山在眉山之南】古寺无人僧作佛碧潭有水鱼化龙当年诺矩小游戏一石击破成三峯【出冯可当题三峯在青神县】玻瓈江上柳如丝行乐家家要及时只怪今朝空巷出使君人日宴墓颐【出陆游咏蜀江在城外一名玻瓈江】一章何罪死何名千载惟君与屈平從此蜀江烟雨夜杜鹃应作两般声【出裴彻题孟拾遗在墓颐山】歲月不知老家有雏凤凰百鸟戢羽翼不敢呈文章【出梅尧臣题蕪老泉墓在墓颐山东三十里】劒门倚清汉君昔未曾过日暮行人少山深异鸟多 啼和峡雨栈尽到江波一路白云里飞泉洒薜萝【出贾岛送眉州穆少府】胶西高处望西川应有孤云落照边瓦屋寒堆春后雪峨眉翠扫雨余天【出东坡寄黎眉州】江山秀气聚西眉人有儒宗学有规【出李熙绩】想见青衣江上路白鱼紫笋不论钱吾家蜀江上江水绿如蓝【并出东坡】蜀道盘纡去不迷故园犹在武阳西 巢凤阁边劳远梦繫龙桥下认前题【并出庞籍送石昌言】峨眉向我笑锦水为君容【出东坡】绿荷红菱香四合误入芙蓉城里来【出石湖】

隆州【仁壽 井研 贵平籍】

飞泉涌出隋仁壽元年獠乱百姓城于山顶避乱其上无水百姓致祷飞泉涌出由是建庙于山顶立二碑以记其灵

刚鐵井研县之东北六十里其山出鐵诸葛亮取以为兵器其鐵刚利堪充贡焉

题咏陵阳郡事全稀少嬾守长赢半日间晚后须来上高阁就中无厌是云山

可笑山州为刺史寂寥都不似州城若无书籍兼图画便不教人白发生【并出文与可】

彭州【九陇 崇宁 蒙阳】

题咏彭门劒阁外號略鼎湖旁荆玉钗头冷巴牋染翰光岂异神仙宅俱兼山水乡竹斋烧药灶花屿读书床【出杜甫寄彭州高使君】天彭信方隅城势诚斗絕【出唐苏颋】盛夏五月西南行彭山劒门蜀山里【出高适】

汉州【雒县 什邡 绵竹 德阳】

楼台金碧庚除山二十四化之一山有石室三国初有霁云子者入洞中见楼台金碧门者呵止之曰子凡骨可亟去不然及祸霁云子回后再入石洞遂迷故道在绵竹县

题咏酒压郾筒忆旧酤花 丘老出新图此行真胜成都尹直为房公百顷湖【出颍滨咏房公湖】西园胜槩名天下唐相经营用意工岛屿回环压湖面楼台重复倚云空濯缨泉洁存遗迹促轸亭空想旧风公暇未应无客防春游更喜与民同【出程珣咏濯缨亭在什邡县之水陆院】高流纒峻隅城下緬丘墟决渠信浩荡潭岛成江湖结宇依回渚水中还可居三伏气不蒸西南暑自徂【出房琯游西湖】金雁桥南二顷湖房公遗迹未湮芜人游杜牧晚晴赋境对王维别墅图广汉有姜子孝弟行里间赤眉虽狼虎弛兵过其墟至今空清泉无复双鲤鱼【出东坡题姜诗祠】北来初入汉州城郭邑楼台触目惊松桂影中旌旆色芰荷风里管 声【出唐韦庄】西湖多胜景飞盖喜相陪暑气迎秋尽江声向夕来【出程琳咏西湖】一顷烟波四面平宛然唐相旧经营秋高林木形容古落日楼台彩绘明【出文与可】

绵州【巴西 章明 魏城 罗江 盐泉】

桃花犬淳化中州贡罗红犬常循于御榻前太宗不豫犬不食及上仙犬号呼涕泗以至疲瘠见者陨涕参政李至作桃花犬歌以寄史馆赤麟白凤且勿喜愿君出此惩浮俗

桃高五丈郡志云天柱崖下有一桃树高五丈余张道陵与王长赵升试法于此桃迨今不朽有碑记之在彰明县北

题咏绵州州府何磊落显庆年中越王作孤城西北起高楼碧瓦朱甍照城郭楼下长江百丈清山头落日半轮明君王旧迹今人赏转见千秋万古情【出杜甫】人间八月秋霜严芙蓉溪上春酣酣二南变尽鲁叟笔七国战处邹轲谈【出唐子西咏芙蓉溪在郡北官道傍】越王能牧劔南州因向城隅建此楼横玉远开千峽雪暗雷下听一江流【出李偓咏越王楼】劲兵重作付胡奴鹵雀鹵鱼计自疎地入万安知防许却怜此邑始回车【出张演咏万安驿唐明皇幸蜀至此而叹曰一安尚不可况万安乎】跨险盘危压古州至今 号越王楼山分冷翠侵檐滴水擘寒声绕槛流【出王珪】涪江风月为谁清莫向涪翁问姓名万古涪江流不尽渔矶月似旧时明【出鲜于侁】富乐之名谁所留建安年中刘豫州拥兵入蜀万貔貅孱璋送国来迎头炙如巴山酒如涪富乐之名此其由【唐庚咏富乐山】雅州【严道 荣经 名山 卢山 百丈】

周公山旧 诸葛亮于此梦见周公因立庙为文宪王庙号周公山

双凤堂昔至和中老泉携二子谒太守雷简夫雷以书荐于张文定公及韩魏公欧阳文忠公其后樊汝霖作堂以表其事名曰双凤

题咏岩峦最高顶云气时蔚荟彷彿羣仙宅宫阙耀珠贝【出巽岩咏蔡山即禹贡蔡防底平也】我闻防山之巔多秀岭烟岩抱合五峯顶岷峨气象压西垂恶草不生生莽茗【出吴中复谢惠防顶茶】江声卷出风雷响山色携将图画来【出李艾咏景胜】

茂州【汶山 汶水】

盛夏凝冻汶山郡盛夏凝冻不释故夷冬则避寒入蜀庸赁自食夏则反茂避暑习以为常蜀人谓之笮氏【出华阳志】

风穴汶山县之南八十里逵通西域凡经过惟此一路关北当风穴其一二里间昼夜起风飞沙石其地名桃关

题咏辛苦三城戍长防万里秋烟尘腾火并雨雪闭松州【出杜甫咏西山】昨夜秋风入汉关朔云边雪满西山更催飞将追骄骑莫遣沙场匹马还【出杜甫军城早秋其地虜界】夷界荒山顶蛮州积粟边【出杜甫西山】

永康【导江 青城】

老泽昔 夫张不羣入山采药浹旬不返见一叟致敬而问之曰吾族本丞相范贤之裔范公知李雄之祚不永挈吾辈居此为终焉之计图经云即老泽亦名老人材

高树蔽天自青城之长平山扪萝而上由鸟道三十里许有平阜数十畝高树蔽天春深先花后叶状如芙蓉香类牡丹谯定夫授李浩太素二先生隱其中

题咏自为青城客不睡青城地为爱丈人山丹梯近幽意【出杜甫咏青城山在本县北三十二里亦为第五大洞寶仙九室之天】夕阳尘外涨郊墟六六峯头梦觉余竹色唤人来下马乱蝉深处有图书【出范成大咏致爽轩】黄尘赤日汗沾裾竹里煎茶喜有余堪笑放翁穷意巧就君池馆读君书【出陆游咏致爽轩】团团竹色绕郊居勾引清风百畝余忆昔敲门蘓内翰而今下马范中书【出子焞咏致爽轩】最胜西峯下林梢四望亭江山观掌握梁益布丹青【出吕汲公咏飞赴寺在青城飞赴山下】割尽齐封奉鲁元更开沁水占名园何如帝子空山外落日骑驴芳草原【出沈少原题玉真像在储福宫有天峯阁】三十六峯如不到青城还似不曾游【出赵雄】天风夜半剪水花三十六峯如玉立【出晁公遡】但觉星辰垂地上不知风雨满人间【出范成大咏上青宫在亭台山】竹覆青城合江從灌口来【出杜甫咏青城】

威州【保宁 通化】

悬珠为饰郡国志妇人多戴金花穿悬珠为饰

无忧城图经云其城乃李德裕筑吐蕃号曰无忧城题咏窻含西岭千秋雪门泊东吴万顷船【出杜甫】

邛州【临邛 依政 安仁 大邑 火井 蒲江】

虎擘泉大邑之凤凰山文与可记唐契觉道人结庵于此有虎为之擘地出泉今存

高节竹汉张骞奉使寻河源得高节竹植于邛山堪为杖【出蜀记】

题咏雾山环合白云川户有青溪种玉田万木桃花不知处防人曾得问秦年【出张少愈咏青霞嶂与石城山相连】平日兰溪隐春云蕙帐眼定应猿鹤怪归去执芦鞭【出范文忠咏千云亭】落魄西州泥酒杯酒酣防度上琴台青鞋自笑无拘束又向文君井上来【出放翁游文君在临邛】平生林壑性客宦久羁束得麾邛江隈虽远惬所欲云水远重城青山长在目【出荣咨道咏邛江】火井江潮盘附郭浮屠天际半吾州【出勾龙庭实咏信美亭】把酒孤亭表日留西岩独擅鹤山秋【出放翁咏翠屏阁西崑】

黎州【溪源】

见云知风白崖山之右有巨穴如井不知浅深穴口四围津津如汗间有气出腾空为白云须防风起怒号如雷里人见云即知风气散则风定细则风小盛则风猛窒其穴风虽少而民多瘴开则风如故而瘴亦衰题咏绝塞邛崃外偏城越嶲东山含初夏雪林堰夕阳风地僻无参谒民淳少讼争睡余兵放教衙退吏归耕【并出知郡余授题咏】穷冬按部极西邮鸟道盘空积雪迷报国忧民宁惮远万重山里到沉梨【出宪使李师锡按部至此】

石泉军【石泉 龙安 神泉】

水面银线神泉县南山有潭相 有白龙往来其间水面有银线一道以物绕之即不见波定如故

神泉县西之平地有神泉冬温而夏沸气如附子能愈众疾

锦绣万花谷续集卷十一

卷十二

钦定四库全书

锦绣万花谷续集卷十二

防州路

防州【奉节 巫山 云安】

踏迹防人重诸葛武侯以人日倾城出游八阵碛上谓之踏迹妇人拾小石之可穿者贯以防索系于钗头以为一歲之祥府帅宴于碛上

赤甲山昔公孙述筑此山土石悉赤如人 臂故曰赤甲与旧白帝城相连

题咏卓立羣峯外蟠根积水边他皆任厚地而独近高天白榜千家邑春秋万里船词人取佳句刻画竟谁 【出杜甫咏白盐山在城东十七里崖壁五十余里色如白盐】瞿唐呀直防灘灩屹中峙未夜黑岩昏无风白浪起【出白居易入瞿唐】峡山三百里峡水三回曲笛声下复高猿鸣断还续【出梁文简蜀道难】不遠防州路层波灩灩连下来千里峡入去一条天树色秋帆上滩声夜枕前何堪至危侧百丈半山巔【出张祐咏灩灩堆在州西南瞿唐峡口蜀江之心】朝辞白帝彩云间千里江陵一日还两岸猿声啼不尽须防却过万重山【出李白自白帝下江陵】江度寒山阁城高絕塞楼翠屏宜晚对白谷防深游急急能鸣雁轻轻不下鸥夷陵春色起渐拟放扁舟【出杜甫望白帝楼在城上】巫山丛碧高插天大江澜翻神曳烟楚魂寻梦风飏然晓风飞雨生苔钱瑶姬一去一千年丁香筇竹啼老猿古祠近月蟾桂寒椒花坠红湿云间【出李贺咏巫山高唐神女庙在巫山县西北】防子城新筑长江便作壕百蛮归指掌三峡见秋毫【出王延禧】官费接筒竹民蠲沽水钱丁宁后来者莫负义名泉【出王十朋】昨夜巫山下猿声梦里长桃花飞綠水三月下瞿唐【出李太白】见说瞿唐峡横斜灩灩根难于寻鸟道险过上龙门【出白居易】晓日照楼船三军拜峡前白云随浪转青壁与城连万岭岷峨雪千家橘柚川【出卢纶】路入巴渝通两蜀江连荆楚接三川【出宋之问】

归州【秭归 巴东 兴山】

拔河祈农类要云土人以麻絙巨竹分朋而挽水谓之防竹以定胜负而祈农桑

沱石砚欧公砚谱云归州大沱石其色青黑斑斑其文微颇发墨

挿灶秭归县东有絶崖壁立飞鸟不能栖有一火烬石崖间长数尺尧时洪水行者泊舟系于崖侧故挿余烬于此至今犹曰挿灶

题咏莱公昔未遇寂寞在巴东闻道山中树犹余手种松【出东坡咏莱公祠在龙兴观之西】江上秋风宋玉悲长官手自葺茅茨人生穷达谁能料蜡泪成堆又一时【出陆游咏秋风亭在巴东县并莱公建】羣山万壑赴荆门生长明妃尚有村一去紫台连朔漠独留青冢向黄昏【出杜甫咏明妃庙】惊心乌石莲花浄过看黄牛竹节滩征棹直從中溜去好山只得片时看【出秭归集】摇落深秋宋玉悲风流儒雅亦吾师江山故宅空文藻云雨荒台起梦思【出杜甫咏宋玉故宅在州东五里】竹篱茅舍作晚市青盖黄旗称使君【出范成大】城邑旧为防子国民人多是楚王孙【出王十朋】巫山暮足霏花雨楚水春多逆浪风【出白乐天】

云安军【云安】

陶染真风唐商真君飞升记云安风俗淳厚陶染真风如瞿法言 云外之徒继出故琳宫秘馆独盛于他处汤溪遇龙杂记云汉廷尉扶嘉胸防人也嘉母于汤溪水侧遇龙后生嘉长占吉凶巧发奇中

题咏天外巴子国山头白帝城波倾蜀帝尽云散荒台倾【出刘禹锡始至云安县】峡里云安县江楼翼瓦齐两边山水合终日子规啼 今朝腊月春意动云安县前江可怜一声何处送书雁百丈谁家上濂船【并出杜甫咏子规】云安酒醴麦米贱家家扶得醉人归【出范成大】

大宁监【大昌】

题咏煮井为盐速烧畬度地偏【出杜甫】分符真吏隱燕寝傍岩栖【出白巽题江山堂】

开州【开江 清江】

绩文相高学记士以绩文相高有温造柳公绰之余烈题咏荠平连郭柳带绕抱江城【出韦处厚】金房开达皆名州盛山更在天上头【出谢谔】

达州【通川 巴渠 永睦 新宁 东乡 明通】

土居水居寰宇记云土居十万户水居三千户

计粒而食唐诗记事云百姓茹草木之实刺史以下计粒而食大有虎豹蛇虺之患小有螟蚘浮尘蛛蛛之类皆能鑽嚙肌肤使人疮痍

题咏来时子细说通州州在山根峡岸头四面千重火云合中心一道障江流【出白居易酬元刺史】三冬有电连春雨九月无霜尽火云并与巴南终岁热四时谁谓各平分【出元稹】茅苫屋舍竹篱州虎怕偏蹄蛇两头暗蛊有时迷酒影浮尘终日似波流沙含水弩多伤骨田仰畚刀少用牛知得共君相见否近来魂梦转悠悠【出白乐天咏达州畏景】芒屨酒牛妇丫头荡桨夫酢醅荷裹卖醪酒水淋酤夷音啼似笑蛮语谜相呼江郭船添店山城木竖郭楚风轻似蜀巴地湿如吴通州到日日平西江馆无人虎印泥忽向破檐残漏处见君诗在柱中题【出元稹见乐天诗】平地才应一顷余阁防都大似巢居【出元稹酬乐天】

万州【南浦 武宁】

题咏南溪有仙洞咫尺非人间泠泠松风下日暮空苍山【出唐马冉咏岑公岩】江上新楼名四望东西南北水茫茫无由得与君携手同凭栏干一望乡【出乐天寄题扬州四望楼】空岩静发钟磬响古木倒挂藤萝昏莫道苍崖琐灵骨时时持鉢到诸村【出山谷题万州下岩】白首迁为客青山绕万州醉欹梅帐晓歌压竹枝秋【出郑谷寄南浦谪官】峡中天下最穷处万州萧条谁肯顾南浦寻梅雪满舟西山载酒云生屨【出陆游忆万州短歌】忠万楼中南北望南州烟水北州云两州何事偏相忆各是笼禽作使君【出乐天答扬使君】

梁山军【梁山】

多喜山军南之五十里有山其上丹光夜现则是境之人多喜事皇朝希夷先生尝修炼于此丹井石枕犹存夫子崖军东有峡石市之北每风雨防如闻读书声其中有夫子崖子贡垠

题咏梁山镇地险积石阻云端飞梁架绝顶栈道接危峦【出张文琮蜀道难】峡中地偏常苦贫政令愈简民愈淳【出陆放翁】梁山薤黄妙天下玉筋金钗盈大把【出何少卿梁山薤咏】

施州【清江 建始】

剖竹得男华阳国志初有女子浣于遯水有三节竹流至闻其中有婴儿声剖竹得男归而养之及长材武遂自立为夜郎王以竹为姓捐竹于地遂成林今有竹王洞焉

题咏大猿叫罢小猿啼箐里行人白昼迷恶藤牵头石齧足姬牵儿随泪録续我亦下行莫啼哭【出山谷】老马饥嘶驴瘦岭病人生入鬼门关病人甘作五溪卧老马犹思十二闲【出山谷咏瘦驴岭】江上青山横绝壁云间细路蹶飞蛇鸡号黑暗通蛮货蜂闹黄昏采蜜花【出东坡送乔施州】夜郎自古流迁客圣世初投第一人不是施州肯回首五溪三峡更谁亲【出山谷和张仲素送别】日转溪山防百遭厌闻虎啸与猿号笙歌忽把二天酒风雨犹惊三峡涛已作齐民寻要术安能痛饮读离骚看君自是青田质清泪当闻彻九臯【出山谷次清江赵彦成韵】

绍庆府【彭水 黔江】

就水造殮旧经云此州路途阔远亦无馆舍凡至宿泊多倚溪岩就水造殮鑽木出火

狼山郡国志云山出野狼眼在背上能食诸兽

题咏撑崖柱谷蝮蛇愁入箐攀天猿掉头鬼门关外莫言远五十三驿是皇州【出山谷歌罗驿】尺五攀天天惨颜盐烟溪瘴琐诸蛮平生梦亦未尝处闻有鷁飞不到山黑风马跑驴瘦岭日黄人度鬼门关黔南此去无多远想在夕阳猿啸间【并出山谷】莫向黔中路令人到欲迷水声巫峡里山色夜郎西【出唐嘉祐送上官侍御赴黔中】从我巫峡外吟兴更应多都响蛮江涨山昏浊 过【出许常寄黔李校书】青青竹笋迎船出日日红鱼入馔来【出杜甫送王判官】

重庆府【巴县 江津 璧江】

阁栏寰宇记今渝之山谷中有狼狽乡俗构屋高树谓之阁栏不解丝竹唯敲铜鼓视木叶以别四时父子同讳夫妻共名

泉卜牧宰江津县西之五十里有井泉常以水之盈缩卜牧宰之贤否

题咏三巴合防绕成下巴字体势何盘盘却疑天工勅水帝戏写鸟迹倾波澜【出鲜于侁咏巴江在巴县水折三回如巴字】浴罢临泉一整冠令人搔首忆长安御汤摇荡双龙影疑是胡儿簇马鞍【出查仲本咏温泉在城北百余里】山带乌蛮濶江连白帝深船经一柱过流眼共登临

南平军【南川 隆化】

题咏山绕郡楼秋雨过月侵池树晚烟生【出刘夷叔题云山堂】莺花非汉旧栋宇尚唐余【出浦公咏南川驿】风俗连巴楚封疆接播珍【出赵彦迈咏南川形势】

涪州【涪陵 乐温 武龙】

地暖早熟 陵志五月半早稻已熟便可食新七八月收割已毕地暖早熟与中州气 不同

题咏十里一置飞尘灰五里一 兵火催颠崖仆谷相枕籍知是荔枝龙眼来【出东坡涪州荔枝叹】锦绣洲犹在熊黑梦已无文风齐两蜀仙洞接三都白石徙天设青崖见地图荔枝妃子国不复曩时输【出宋输题涪陵郡】地据咽喉重城逾雉堞坚东渐邻楚分南望带夷边舟楫三川防封疆五郡连许雄山苦峻马援填相连滩急羣湍沸崖高落马悬石鱼占歲稔鐵柜琐晴天地暖冬无雪人贫歲不绵岩标山谷字观塑尔朱仙【出马提干咏涪州】官道

近山多乱石人家避水半危楼【出陆游】合水来如电黔波绿似蓝【东坡】忠州【临江
垫江 丰都 南宾 龙渠】

四君子复古记四君子相望谓刘晏陆防李吉甫白居易也

黄葛木景德观前有古木大数十围枝柯盘郁如盖山人云此黄葛木千年物也

题咏山东邑居窄峡牵气 偏林峦少平地雾雨多阴天隐隐煮盐火漠漠烧畚烟此赖东楼
夕风月时翛然【出白乐天咏东楼】瘴地风云早温天气 催穷冬不见雪正月已闻雷【
出张商英】荔枝新熟鸡冠色烧酒初开琥珀香欲摘一枝倾一盞西楼无客共谁尝【出白
乐天荔枝楼对酒】忠州三峡内井邑聚云根小市尝争米孤城早闭门【出杜甫】禹庙空
山里秋风落日斜荒庭垂橘柚古屋画龙蛇云气生虚壁江声走白沙早知乘四载疏凿空三
巴【出杜甫题禹庙在临江县南】楚人悲屈原千载意未歇至今沧江上投饭救饥渴遗风
成竞渡哀叫楚声裂【出东坡题屈原塔】迢迢东郊上有土青崔嵬不知何代物疑是巴王
台巴歌久无声巴宫没黄埃【出白公题巴子台在临江】龙昌寺底开山路巴子台前种柳
林【出白公】一只兰船当驿路百层石磴上州门【出白公】

珍州【乐源 绥阳 郡名 乐原 夜郎】

四堡此地官军把守之处有丽臯堡思义堡安定堡壽山堡

题咏借问炎洲客天南防日程江连恶溪路山绕夜郎城【出张文昌送蛮客】君为张掖近
酒泉我窜三巴九千里天地再造法令宽夜郎迁客带霜寒【出李寄韦南陵】

思州【务川 邛水 安夷】

渐被华风图经思南之地渐被华风饮食言语素所服习椎髻之俗劲悍之性靡然变矣

县名思王元和志故老相 汉陈立为防軻太守阻兵保据思邛水汉将夜郎王兵数万破立
于此抚安百姓时人思慕遂名思王县

锦绣万花谷续集卷十二

卷十三

钦定四库全书

锦绣万花谷续集卷十三

潼川路

泸州【泸川 合江 江安】

泸茶茶经云泸州之茶树夷獠常携瓢穴其间每登树采摘茶含于口中待其展然后置瓢中旋塞其窍归必置于暖处故味极佳

题咏安乐溪上峯万木森翠羽孤撑切天心横拓压坤股气势吞西夷光芒定南楚【出任伋咏安乐山在合江西五里】天师化去知何日玉印相 世共珍故国子孙今尚在满山秋叶岂能神【出东坡咏安乐山延乐观有石柜为仙人藏经之所】泸戎瘴疠窟闽越山水乡如何产此物烂然照炎荒【出刘望之咏荔枝】百斤黄鲈脍玉万户赤酒流霞余甘渡头客艇荔枝林下人家【出唐庾泸州六言咏景物】歌唱竹枝终日楚笛吹梅弄数声羌【出唐庾】潼州府【郫县 平江 涪城 通泉 射洪 盐亭 飞鸟 洞山 东关 永泰】

题咏牛头见鹤林梯径绕幽深春色浮山外天河宿殿阴【出杜甫咏牛羊寺】兜率知名寺真如防法堂江山有巴蜀栋宇自齐梁庾信哀虽久何颢好不忘白牛连远近且欲上慈航【出杜甫咏兜率寺在南名长寿】寺下春江深不流山腰官阁迥添愁诸天合在藤萝上昏黑应须到上头【出杜甫咏香积寺在涪城县】江头且系船为尔独相怜云散灌坛雨春青彭泽田【出杜甫题郫县】金华山北涪水西仲冬风月始凄凄山连越巂蟠三蜀水散巴渝下五溪【出杜甫】马首见盐亭高山拥县青云溪花淡淡春郭水泠泠【出杜甫】官舍如僧舍翛然万虑清等闲无客到容易有苔生【出张士逊】山绕一城藏古寺江连二水送孤舟【出李简】山县早休市江桥春聚船【出杜甫】山围梓蜀千秋景水接东吴万里天【出刘公申】屏开十里画江渡两岐风【出刘蛻游南山】

遂宁府【少溪 青石 蓬溪 遂宁 长江】

青石九州要记云天下青石无加于此可为钟磬火井长江县北之二里伏龙山下地洼若池以火引之则声隐隐然发于池中少须炽炎夏月积雨停水则焰生水上水为之沸而寒如故水涸则土上有焰观者至焚其

题咏出城数里即青山路入青松白石间只合步行寻石径不宜呵喝入松关【出丁晋公咏

广利寺在小溪县西五里岩壑之胜甲于一方】四山藏一寺方丈压诸峯回首坐禅处白云深防重【出孙谔咏资圣】谪官自麻衣防怨至死时山根三尺墓人口数聯诗仙桂终无分皇天似有私暗松风雨夜空使老猿悲【出杜荀鹤题贾岛墓在长江县】谁解登高问上谪官何事谪诗仙不知防首南行曲留与巴儿万口【郑谷旅次遇裴晤员外谪居于此】

顺庆府【南充 相如 西充 流溪】

山有凤凰州南十里昔尔朱仙及李淳风养炼之地山有凤凰集因置凤山观今存焉

文章学术在汉以忠节名义着在唐以神仙浮屠显本朝以文章学术名【出开汉志】

题咏山围翠合水连云万室楼台照眼明胜地风淳真乐国四川惟说好充城【出邵伯温咏充城】从昔遨遊盛两川充城人物自骈阗万家灯火春风陌十里绮罗明月天【出邵伯温】袞斜不容幘之子欲何之鸟道一千里猿啼十二时官桥祭酒客山木女郎祠别后同明月君应聴子规【出王维】梓潼不见马相如更欲南行问酒垆行到巴西覓谿秀巴西惟是有寒芜【出李商隱至巴西懷谿秀】云液落山谷脉与昆仑通云何山中叟八十桃顔红【出在小方山道士何志饮此水年八十面如桃红】阆苑南边第一州江山絶胜对城楼自昔充城号奥区蜀人唤作小成都【并出邵伯温】

资州【盘石 内江 资阳 龙水】

珠江相 江中有珠其光夜现如灯烛故刘光祖状元楼记资号珠江以地之灵出产瓊异

题咏资山岩谷多神仙龙车凤马随飞烟神女萧萧来暮雨浮丘往往丁云輶【出范祖禹咏资山在资阳县】县门倚岩石终白对青峯初仕借为宰读书过三冬忘机狎鸥鸟观稼亲老农讼庭可罗雀铜印蕪苔封【出范祖禹宰龙水日赋咏】云生犴防山头雨日落琵琶峡口风【出宋京】

普州【安岳 安居 乐至】

秀以石郡志云眉之秀以水阆之秀以山普之秀以石翰林滩天圣中郡守彭乘凿石为曲水后名翰林滩每歲修记事于此在安岳县

题咏孟郊死葬北邙山日月星辰顿觉闲天恐文章中断絶更生贾岛在人间【出韩愈题贾岛祠在城南三里】地灵人胜风流古石秀山回气象雄【出郡守郭邕咏普城】地灵人秀谁称首文属君华武硬弓【出冯如愚咏牟袞君华破荒及第刘泽武艺精絶从太祖定天下号刘硬弓】合州【石照 巴川 铜梁 汉初 赤水】

题咏谁家遊冶郎闯首窥幽閤但见脸如花不知心似鐵一夕变其躯雪姿映云发昔为桃李

姿今作松篁节【刘仪凤咏纯阳山在石照县】并陞东山县山河古合州本根擎断岸急雨洗中流关下嘉陵水沙头杜老舟江花应好在无计防江楼【范成大】合水来如电黔江绿似蓝【东坡】铜梁山昏空翠重石钟水落滩声迟【晁公武发合州】

绍熙府【荣德 资官 应灵 威远】

题咏峭崿磨天如立壁栴根横走松倒植呀然一岫惊堕前空洞坡陀三百尺幽阴宜为异物托角爪痕存犹可识【陆游咏龙洞州东南四里】王师学琴三十年响如清夜落涧泉有酒如绳客满门不可一日无此君当时手栽数寸碧声挟风两今连云此君倾盖如故旧骨相奇怪清且秀程婴杵臼立孤难伯夷叔齐采薇瘦霜钟堂上弄秋月微风入 此君说【黄山谷题荣州无大师此君轩】山色临巴迥江流入汉清【崔仰之送人牧荣州】渺然孤城天一方 者或云古夜郎【入荣州】其民简陋古甚良千里鬱为诗书乡【并陆荣】卖蔬市近还家早煮井人忙下麦迟【陆游晚登横溪阁】

昌州【大足 昌元 永川】

题咏昌元古佳郡比屋谈经史山冈叠翠屏溪濑防清泚蓄为灵秀宾磊落出髦士【张孝芳别袁昌州】讼简民淳美小州两衙才退似归休一懷山果三胜酒暮掩青峯即下楼【张唐民题扪参阁】无讼正如高隐地隆冬方似早春时雨过温泉浴妃子露浓汤饼试何郎【戴渊咏昌元海棠惟此地海棠独香】

渠州【流江 隣山 隣水 大竹】

题咏水流花谢两无情送尽东风过楚城蝴蝶梦中家万里杜鹃枝上月三更故园书动经年绝华发春惟两鬓生自是不归归便得五湖烟景有谁争【唐僖宗避乱冲相寺】渠江明净峡逶迤船到名滩拽 迟櫓穹动摇妨作梦巴童指防笑吟诗【咏南昌滩】畚余宿麦黄山腹日背残花白水湄物色可怜心莫恨此行都是独行时【并元防之】

叙州【宜宾 宣化 南溪 庆府】

题咏王公权家荔枝绿廖致平家绿荔枝试倾一盏碧色重快剥千颗轻红肥泼醅葡萄未足数堆盘马乳则同时谁能同此胜绝味惟有老杜东楼诗 南国苦笋味胜肉箬龙称冤莫采录烦君便致苍玉束明日风雨皆成竹【山谷咏苦竹】夜泊防虎豹朝行逼鱼龙一道鸣迅漏两边走连峯猿拂岸花落鸟迟岩树重烟霭吴楚连沔沿湖海通【岑参发 为至泥溪作】江水通三峡州城控百蛮乱山围古都市易带羣蛮瘦岭春耕少孤城夜漏阑往时边有警征马去无还【东坡咏叙州】画船冲雨入戎州缥缈山横杜若洲须信平时边 静 风夜夜到西楼【陆游咏西楼】锁江亭上一尊酒山自白云江自横【山谷】天池十里如鉴湖荷花可折鱼可脍【牟孔锡】

懷安军【金水 金堂】

题咏五色玻瓈白昼寒当年佛脚印旃檀万丝织出三衣妙贝叶经 一偈难夜看圣灯红菡
萏晓惊飞石碧琅玕更无鸚鵡因緣塔八十山僧试説看【李义山咏三学山】金渊春三月
桃李照城郭石峡頽鲤鱼时时醉宾幕【勾龙行父送孙太师】

广安军【渠江 岳池 新明 和溪】

题咏浓洄江水泻高滩中有神龙久屈蟠众乐妙音时响亮双娃长袖忽阑珊世间变化无非
幻阁上登临正好欢观幻见真真亦幻谷花岩草谩凭阑【张无尽咏戏仙亭】欲说寶城好
先夸方物妍金羹收稻后红腊落梅前照座梨偏紫堆盘荔更鲜雪滕尤异产应不数花牋【
宪使何志熙咏寶城景物之胜】

长宁军【安宁】

题咏绰约去朝真仙源万木春要知窃桃客定是防稽人【小桃源】醉眼谁能望夷落平生
逸兴断鸿边【杨君登寶屏诗】武陵胜处今何在不问沿江问落花【张师防】

富顺监

题咏汉家尺五道置吏抚南夷欲使文翁化兼令孟获知盘惟洵酱实歌杂竹枝辞【司马光
送张寺丞】唐家谕巴蜀通道至邛僊列郡徼西南夷居半岩壁【韩绛送周知监】剑外吾
能说山川大抵同君行在巴徼民俗半夷风火田租赋薄盐井歲时丰【韩缜】土瘠事刀耕
家无终歲蓄所资盐井利持易他州粟【韩绛】亭台处处垂杨景街巷家家小酒旗【解旦
】

锦绣万花谷续集卷十三

卷十四

钦定四库全书

锦绣万花谷续集卷十四

羊

跪乳郑氏婚礼谒文赞曰羣而不党跪乳有敬礼以为防吉事之宜
谯子法训曰羊有跪乳之礼而人取法焉

土怪桓子穿井获如二缶其中有羊焉使问仲尼曰吾穿井得狗何也对曰以丘所闻羊也木石之怪防魍魎水之怪龙罔象土之怪曰羴羊也【国语】

岳精周易异谋类曰泰山失金鸡西岳亡玉羊【郑 注曰羊二岳之精也】

贲首毛诗曰防羊贲首三星在雷【郑 注曰羊牝曰防贲大也】噉珠刘义庆幽防録曰洛下有涧穴妇欲杀夫推下经多时至底乃得一穴行至数十里明逾三光人长三丈引过九处其人乃告饥长人指树下一羊令羊跪捋羊须初得一珠长人取之曰取后一珠令噉即疗饥

豕

伯封贪昔有仍氏生女乐正后防取之生伯封实有豕心贪婪无厌谓之封豕

彭生见齐无知杀其君十二月齐侯游于姑棼遂田于贝丘见大豕从者曰公子彭生也公怒曰彭生敢见射之豕人立而啼公惧坠于车伤足丧屨遇贼于门遂杀之而立无知【并左】

梁鸿牧豕梁鸿家贫牧豕上林苑中曾误遗火烧及他舍乃以豕偿之其主犹以为少鸿愿以身居作主人许因为执勤不懈耆老见鸿非常人乃共责让主人于是悉还其豕鸿不受乃去

诬告猪肉经筵官防食资善堂东坡盛称河豚之美吕原明问其味曰直那一死再防又称猪肉之美范淳甫曰柰发风何东坡笑曰淳甫诬告猪肉

猫

死愿为高宗后王氏及良娣为武后所杀良娣骂曰我后为猫使武后为防吾当扼其喉以报

后后闻之不悦诏六宫毋养猫

因献议崔祐甫为中书舍人朱泚军中猫防相乳表其瑞宰相常袞率羣臣贺祐甫曰可吊不可贺代宗问故因献猫防议

诗纖钩时得小溪鱼饱卧花陰兴有余自是防嫌贫不到莫慙尸素在吾庐【林和靖】白玉狻猊借锦茵寫经湖上净名轩吾方大谬求前定尔亦何知不少喧出没任从仓内防鑽窥宁似檻中猿高眠永日长相对更约冬裘共足温【张无尽】

鸡

天鸡桃都山有大树曰桃都枝相去三千里上有天鸡日初出照此木天鸡即鸣天下鸡皆随之【中记】

憚为人用宾孟适郊见雄鸡自断其尾问之侍者曰憚其为牺

极有致晋宋处宗尝置一长鸣鸡着牕间后鸡作人语与处宗谈论极有致处宗因此功业大进【幽防錄】呼祝祝祝鸡翁善养鸡今世人呼鸡云祝祝起此【博物志】衔赤珠昭灵后名含始遊于洛水有玉鸡衔赤珠曰吞之者王含始吞之生汉高祖【六帖】

鸣不失晨刘邠取山鸡毛着器中使管辋筮筮云高岳岩岩有鸟朱首羽翼赤黄鸣不失晨此山鸡之毛【魏志】诗断尾雄鸡本畏烹年来聽法伴修行还须却置莲花漏去怯风霜恐不鸣【东坡】立马阶除待一鸣何如春梦不闻声固知鸡口羞牛后不待羣鸣已可惊【陈无已次韵秦观闻鸡】

鹅

食炙知色苻朗食鹅知色黑白之处人不信既而试之果然

十万钱唐僖宗好鬪鹅数幸六王宅兴庆池与诸王鬪鹅一鹅至值十万钱

诗房相西亭鹅一羣眠沙泛浦白于云凤凰池上应回首为报笼随王右军鹅儿黄似酒对酒赏新鹅引颈嗔船过无行乱眼多翅开遭宿雨力小困沧波客散层城暮狐狸奈若何【并杜甫】

鸭

鸡伏鸡伏鸭卵雏成入水鸡母随岸呼之雏出而不随母鸭鸡异类能相随也【风俗通】

用此何为建昌侯孙虑于堂前作鬪鸭栏颇施小巧陆逊正色曰君侯勤览经典用此何为虑即毁之【吴志】诗已断鹰隼猜仍叨主人惠洁白尽天姿双栖莫相忌【张文 】襦褌出短蒲毡毯浴清水物忌太鲜明何妨染泥滓【司马温公】花鸭无泥滓阶前每缓行羽毛知独立黑白太分明不觉羣心妬休牵众眼惊稻粱沾汝在作意莫先鸣【杜甫】

锦绣万花谷续集卷十四

卷十五

钦定四库全书

锦绣万花谷续集卷十五

类姓

冯

年十八上书冯野王字君卿通诗以父任为太子中庶子年十八上书愿试守长安令【汉书】

弹铗歌冯驩蹑屣而见孟尝君弹剑铗而歌【孟尝君】称诵着廊庙冯唐以孝着为中郎署长对文帝论将帝悦拜为车骑都尉景帝以唐为楚相免武帝求贤良举唐唐时年九十余不能复为官乃以唐子冯遂为郎【遂字王孙亦奇士】太史公曰冯公之论将率有味哉语曰不知其人视其友冯之所称诵可着廊庙【史记】

大树将军冯异字公孙颍川人通左氏春秋孙子兵法号大树将军【本】

骐驎在东隣冯素弗跋之长弟慷慨有大志雄杰不羣任侠放荡不修小节盛藻奇之曰吾远求骐驎不知近在东隣何识子之晚也【晋书】

闭门三十年冯伟字伟节尤明礼 闭门三十年專精覃思无所不通【儒林】

赐禁中瑞锦冯定字介夫与宿齐名人方汉二冯第进士异等迁太常少卿文宗尝诏开元霓裳羽衣舞参以云韶肄于廷定部诸工立县间端凝若植帝异之召升殿赐禁中瑞锦【本】

熊

可当五百人哀公十六年白公胜谓石乞曰市南有熊宜僚者若得之可以当五百人矣石乞见之告之故辞承之以剑不动胜曰不为利谄不为威惕去之【左】正色在朝熊逵字孝文豫章人翹之孙也有志尚领武昌太守累迁尚书左丞在朝正色不苟柔吐刚忠亮至到转御史中丞又拜太常卿有毗济之道其榱桷之佐乎弟缙终鄱阳太守缙子鸣鹄武昌太守【晋书】

好学不倦熊安生字植之少好学励精不倦仕齐为国子博士周使尹公正问周礼所疑安生一一演说公正嗟服【儒林传】

有文当典诰命熊本擢进士第累除天章阁待制神宗曰熊本有文当遂典诰命除知制诰判司农寺都水监丞【名臣】

种

赈恤宗族种暲河南人父有财三千万父卒暲悉以赈恤宗族及邑里之贫者【后汉书】

宗

汝南太守宗资为汝南太守任功曹范滂郡中谣曰汝南太守范孟博南阳宗资主画诺【本】

长风破万里宗慤年少叔父少文问其所志答曰愿乘长风破万里浪【南史】

宗曾子宗元卿有至行乡人号曰宗曾子【孝义】

有儒者风宗钦好学有儒者风仕沮渠蒙逊为世子洗马上东宫待臣

小儿学士宗懔少聪敏好读书语辄引古事乡里呼为小儿学士【并北史】

封

有大臣之体封孚祖俊振威将军父放慕容暉之世吏部尚书孚幼而聪敏和裕有士君子之称慕容德曰朕平青州不以为庆喜于得卿也外总机事内参密谋虽位任崇重谦虚博纳甚有大臣之体后为太尉【晋载记】三世同财封延伯三世同财为北州所宗附为梁郡太守有高士风【南史】

殿中尚书封回明帝时为瀛州刺史乘寇乱水潦之后表求赈恤免其租调州内赖之后为殿中尚书【北史】自致卿相封伦年方少舅卢思道曰是儿识畧过人当自致卿相【唐书】

龚

两龚皆楚人胜字君宾舍字君倩二人相友并著名节世谓之楚两龚【前汉书】

洁已自守龚壮洁已自守惟研考经典谭思文章【晋隐逸】浚阳郡丞龚孟舒通毛诗善谈名理仕梁位浚阳郡丞

洪

文词知名皇朝豫章洪氏山谷四甥皆以文词知名朋字 父同郡黄着集 父诗百篇为一集山谷以谓句句可 也刍字驹父殫洽开豁溢于文词擢谏大夫为诗百余篇着老圃前后集炎字玉父登第元祐之末试吏绍圣之初显于宣和贵于绍兴羽字鸿父元符之末上书入籍遂终其身兵火之后诗文无 焉朝廷官其一子【百家诗选】

钟

九辟公府不就钟皓少以笃行称避隱密山前后九辟公府皆不就为士大夫所归慕及皓终诸儒颂之曰材虑懿德非礼不处悦此诗书 琴乐古五就州招九膺台辅逡巡主命率崑容与【儒林 】

專掌文翰钟嵘好学有思理明周易两为记室專掌文翰【南史】

醉与虎鬪钟 少射猎醉遇虎与鬪虎搏其肩而 持虎不置防人斩虎然后免既贵悔之戒诸子曰士处世尚智与谋勿效吾暴虎也【唐书】

龙

口无择言龙伯高名述京兆人为山都长马援尝诫其兄子曰龙伯高敦厚周慎口无择言谦约节俭防公有威吾爱之重之愿汝曹效之效伯高不得犹为谨 之士所谓刻鹄不成尚类鶩者也光武由是擢拜零陵太守【马援 】

使吴越不拜龙敏少仕州摄参军刘守光乱敏避之沧州遂客于梁久不调敏素善冯道监军张承业辟敏监军巡官使掌奏记庄宗即位召拜司门员外郎为兴唐尹事祖父以孝闻累拜吏部侍郎歷晋为太常卿使于吴越是时使吴越者见吴越王皆下拜敏独揖之迁工部侍郎【五代史】

终

终童终军年十八选为博士弟子太守闻其异材甚奇之与交结军揖太守而去至长安上书武帝异其文拜为谒者上白麟奇木之对入关弃繻请受长缨羈南越王年二十余世谓之终童【前汉书】

宫

忠臣之谋新序曰晋献公假道于虞以伐虢宫之奇谏曰唇亡则齿寒今日亡虢明日亡虞可谓忠臣之谋也

丰

言近习之非皇朝丰稷举进士为蒙城簿稍擢监察御史里行言王安礼不可知制诰及安礼迁翰林学士复力言之除著作佐郎迁吏部员外郎提防利州路刑狱哲宗即位徙成都府路召为工部员外郎迁殿中侍御史右司谏改国子司业起居舍人太常少卿国子祭酒兼侍讲拜刑部侍郎数上疏言近习之非

蒙

家世为将蒙恬齐人也尝书狱典文学因家世得为秦将攻齐大破之拜为内史【史记】

雍

雍伯之后风俗通云周文王第十二子也雍伯之后以国为姓今或音雍州之雍郑大夫有雍纠楚有雍子齐有雍廩宋有雍鉏汉什邡侯雍齿沛人也

翁

登进士擢宏词翁承賛父巨隅尝为荥阳府参军承賛干宁间登进士第继擢宏词天祐初以右拾遗受诏册王审知为琅琊王寻为右谏议大夫福建盐鐵使后除门下侍郎同中书门下事于使闽时建阳别旧识僧亚齐诗云潇潇风雨建阳溪溪畔维舟见亚齐一轴新诗剑潭北十年旧识华山西吟魂惜向江村老空性元知世路迷应笑乘轺青琐客此时无暇听猿啼又咏槐诗雨中妆 望中黄勾引蝉声送夕阳忆得当年随计吏马蹄终日为君忙

江

嶷然稀言江统字应元静默有远志时语曰嶷然稀言江应元【晋书】

后进之美江夷字茂逵少自藻厉为后进之美仕宋歷吏部尚书吴郡太守后为右仆射【南史】

梦笔江淹字文通不事章句之学留情于文章起家南徐州从事升降承明之阙出入金华之殿仕齐拜中书侍郎王俭曰卿年三十五已为中书侍郎才学如此何忧不至尚书金紫所谓富贵卿自取之在尚书非公事不妄行在官寛猛能折衷为南司足以振肃百寮明帝曰自宋以来不复有严明中丞君今日可谓近世独步少以文章显后梦郭璞问其取笔乃探懷中五色笔以授之【南史】

春诵夏 江梦孙字修之九江湓城人诸生弟子不遠数郡而至者百人春诵夏 以时讲闻鼓篋函丈庠序常盈先主辅政欲广贤良之术闻其德业遂以币帛聘之为芸阁郎甚被亲礼

【江南野史】

风流不坠江敦湛之孙为丹阳丞袁粲为尹叹曰风流不坠政在江郎

善政著名江秉之祖逖在宋为乌程令以善政著名东土征为建康令为政严察部下肃然后为山陰令人户三万政事繁扰秉之御繁以简常得无事【并南史】

冠军将军江悦之好兵书有将畧梁初进号冠军将军【北史】

庞

非卿岂能成功皇朝庞籍字醇之单州武成人也举进士累擢殿中侍御史庆历四年召拜枢密副使籍请并省官属徒兵就食于是边费什省七八八年为参知政事明年以工部侍郎为枢密使籍言近世养兵务多而不精请与中书议简汰之法仁宗疑焉籍曰傥有一夫之呼臣请以百口偿之卒省兵八万人皇祐三年拜同中书门下平章事昭文馆大学士依智高叛命狄青为宣抚使或言青不可專任仁宗以问籍籍曰青起行伍若以文臣副之则号令不專不如不遣也仁宗然之及捷书至仁宗谓籍曰非卿执议岂能成功

鹿门采药逸民庞公居岷山之南未尝入城府夫妻相敬如宾刘表问曰先生苦居 畝而不肯官禄何以遗子孙乎公曰世人皆遗之以危今独遗之以安未为无所遗也遂携妻子登鹿门山采药不反

锦绣万花谷续集卷十五

卷十六

<子部,类书类,锦绣万花谷

钦定四库全书

锦绣万花谷续集卷十六

类姓

郗

儒雅之士郗鉴字道徽王敦专制拜安西将军镇合肥敦忌之表征还与敦相见鉴曰丈夫既洁身北面岂可偷生屈节腠颜天壤耶敦素懷无君之心闻鉴言大忿之拘不遣敦之党与譖毁日至鉴举止自若初无惧心敦谓钱凤曰郗道徽儒雅之士名位既重何得害之【晋史本】

百僚所惮郗隆始謇亮有匪躬之节初为尚书转左丞在朝为百僚所惮【本】

麋

安汉将军麋竺拜安汉将军雍容敦雅而翰翮非所长待之以上宾之礼未尝有所统御雍容风议见礼于世【蜀志】

皮

少有武畧皮豹少有武畧太武时拜使持节仇池镇将有威信以前后战功擢为内都大官【北史】

九讽七爱皮日休唐之文士着桃花赋九讽七爱【文粹】

施

论经石渠施雠与田王孙受易梁丘贺荐之拜为博士与五经诸儒 论同异于石渠阁【前儒林传】

心筭口占施文庆陈后主以为中书舍人明闲吏职心筭口占【南史】

眭

着知命论眭夸少有大度不拘小节耽好书 不以世务经心浩然物表高尚不仕寄情丘壑或谓夸曰吾闻有大才者必居贵仕子独何在桑榆乎乃着知命论以释之【北史】

支

庐墓支叔才隋末荒谨母为贼执叔才告以情贼闵其孝为解母病痈叔才吮疮注药及亡庐墓有白鹊止其傍高宗表异其家【唐书】

綦

叠挽三石弓四张綦连猛少有志气便弓马齐神武时以军功封广兴县侯梁使来求角武艺遣猛接之梁人引弓两张皆三石猛并取四张叠挽过度梁人嗟服出为定州刺史宽惠清慎吏人称之

韦

邹鲁大儒韦贤鲁国邹人其先韦孟楚元王傅贤笃志于学通礼尚书以诗教授号邹大儒

儒宗韦彪孝行纯至雅称儒宗举孝廉除郎中三辅诸儒莫不仰慕之显宗召拜谒者赐车马衣服数陈政术每归宽厚拜大鸿胪

郇公五云体韦陟迁吏部侍郎常以五采牋为书记使侍妾主之陟惟署名自谓所书陟字若五朵云时人慕之号郇公五云体【并本传】

时

有功第一时溥为州牙将黄巢乱京师节度使支详遣溥与陈蕃率兵五千西讨至莱芜大破之诸将家有功惟溥功第一加检校司徒同中书门下平章事进检校太尉兼中书令钜鹿郡王【五代史】

师

社稷臣前汉时师丹治诗举孝廉为郎征为光禄大夫后为太子太傅后至大司空经为世儒宗德为国黄耆可谓社稷之臣【本 】

伊

)

卢

歷宰州郡不尚功名惟以平理为务禄俸散之亲故不营赀产【晋书】

州刺史在淮南十三年大树风绩征为五兵尚书

朱

率至领军四职并驱卤簿

疏

明春秋为博士疏广明春秋征为博士徙为太子太傅

[閏]

上宾间大肥蠕蠕人也道武时归魏与弟并为上宾入八议后以战功授荥阳公

魚

是屏迹不敢畜牧于塞下【并北史】

徐

负石入海邹阳上书曰徐衍负石入海义不苟取比周于朝以移主上之心【新序】

安车万纁备礼征之不至角立杰出南州高士【本】

柱臣徐宣文帝时为御史中丞有选尚书桓范荐宣体忠厚之行秉直亮之性清雅特立不拘世俗确然难动有社稷之节歷位州郡所在称职以为左仆射诏曰宣歷仕三朝公亮正色有托孤寄命之节可谓柱臣也【魏志】佳吏部徐宁为輿县宰通朗博涉庾亮每属桓彝覓一佳吏部及遇宁欣然谓亮曰为卿得佳吏部矣徐宁真海岱清士因为叙之即迁吏部郎【本】

端貳之才徐嵩少以清白著称苻坚时举贤良为郎中迁长安令贵戚子弟犯法者一皆考竟请托路絶落落有端貳之才【出载记】

风亭月观徐湛之事祖母及母以孝闻后为南兖州刺史善政俱肃威惠并行起风亭月观吹台琴室招集文士尽遊玩之适

石麒麟徐陵年数歲沙门释寶志摩其顶曰天上石麒麟也【并南史】

忠臣徐 十歲能属文与韩熙载齐名江南谓之韩徐仕吴为秘书郎南唐为吏部尚书王师围金陵煜遣铉朝京师求缓兵太祖以礼遣之后随煜至京师太祖责之铉对曰臣仕江南国亡不能死臣之罪也太祖叹曰忠臣也以为太子率更令从征太原加给事中出为左散骑常侍

虞

南阳太守虞延初生其上有物若一匹练遂上升天占者以为吉及长长八尺六寸腰帶十围力能扛鼎建武初除细阳令歲时伏腊辄休遣徒系使归家并感其德应期而还迁洛阳令外戚斂手莫敢干法迁南阳太守十二通尚书虞诩十二通尚书为朝歌长故旧皆吊曰得朝歌何衰诩曰不遇盘根错节何以别利器太守马稜曰君儒者当谋谟庙堂后羌寇武都以诩有将帅之畧迁武都太守

五絕虞世南性沈静与兄世基同受学于吴顾野王余十年精思不懈文章綽躡世基辞章清劲过世南而贍博不及也大业中至秘书郎秦王践祚拜 文馆学士人慕向之谓之登瀛洲世南貌儒谨外若不胜衣而中抗烈论议持正帝尝命寫列女 于屏风于时无本世南暗疏之无一字谬帝每称其五絕一德行二忠直三博学四文词五书翰帝手诏魏王泰曰世南于我犹一体拾遗补阙无日忘之【并本】

锦绣万花谷续集卷十六

卷十七

钦定四库全书

锦绣万花谷续集卷十七

类姓

胡

天下中庸胡广察孝防试为天下第一尚书郎五迁尚书仆射为太傅时年已八十继母在堂朝夕瞻省谚曰万事不理问伯始天下中庸有胡公在公台二十余年【广字伯始出本】

家世将门胡奋性开朗有筹畧家世将门晚乃好学灭丑虏于河西制凶酋于碣北后加镇军大将军【晋书】举进士第一皇朝胡旦字周父举进士第一通判升州代还迁左拾遗出漕淮东徙知海州淳化中直集贤院复知制诰久之通判襄州寻以秘书监致仕

胡公塘胡宿举进士召试为馆阁校勘改集贤校理通判宣州知湖州筑石塘百里捍水患大兴学校学者盛于东南自湖学始既去而思之名其塘曰胡公塘而学者为立生祠久为两浙转运使召还修起居注知制诰入翰林

余

三使北戎余靖字安道举进士迁秘书丞集贤校理范仲淹以言事忤意贬饶州諫言御史不敢言靖上疏论仲淹不当贬且言陛下亲政以来屡逐言事者恐钳天下口不可坐落职知秦州庆历中除右正言方是时仁宗励精政事增谏官员将外有所为靖数言事合意迁知制诰三使北庭宰相忌之出知吉州六年知防州帅潭移青州

吾

有卿相之骨吾粲生数岁城姬见谓其母曰是儿有卿相之骨【吴志】

蘓

二天蘓章字孺文为冀州刺史故人为清河太守行部按其奸赃乃请太守喜曰人皆有一天我独有二天章曰今夕蘓孺文与故人饮者私恩也明日冀州刺史按事者公法也遂举正其罪州境望风畏肃【本】

累世二千石 蘓綽累世二千石 綽有王佐才 对周文指陈帝王之道 周文不觉膝之前席 曰 綽真奇士 即拜行台左丞 防典机密 常以天下为己任 博求贤俊 共 正道 【北史】

十歲上书 蘓文长十歲上书 周武帝异其幼 问读何书 对治孝经论语 帝曰 何言可道 答曰 为国者不敢侮于鰥寡 为政以德 帝曰 善 【唐本】

文章擅天下 皇朝 蘓洵屡举进士 贤良不中 至和嘉祐间 与其二子轼辙至京师 欧阳修得洵书 二十篇 大爱其文辞 以为贾谊刘向不过也 以其书献诸朝 名动京师 而蘓氏文章遂擅天下 一时学者皆尊其贤 学其文 以为师法 以其父子俱知名 号为老蘓

吴

隱若一敌国 吴汉为人 质厚少文 造次不能以辞自达 光武曰 吴公差强人意 隱若一敌国矣 及在朝廷 斤斤谨质 形于体貌 勇鸷有智谋 诸将鲜能及者 拜大司马 封广平侯 【本】

白首一节 吴良恭俭安贫 白首一节 显宗以为议郎 儒雅标名 吴隱之博涉文史 以儒雅标名 弱冠而介立 有清操 事母孝 谨迁晋陵太守 【后良吏】

制举入三等 皇朝 吴育为人 明敏劲果 强学博辩 举进士 甲科举 贤良方正 防入三等 前此未有也 除著作郎 集贤院 庆历五拜右谏议大夫 枢密副使 数月余 除防知政事

符

谈辞如云 符融遊太学 师事李膺 每见融 辄絕他宾客 聽其言论 融幅巾奋襖 谈辞如云 膺每捧手叹息 【本】 清谈不及世务 皇朝 符彦卿少事唐 汉周封魏王 宋兴 迁太史为御史 所糾退居于洛 八年间 乘小车 驷遍遊佛寺名园 人服其旷达 对宾客清谈 终日不及世务

于

高门于永嗣 至御史大夫 始于公 其门间 壤父老方共治之 公谓曰 少高大令 容驷马高盖车 我治狱多陰德 子孙必有兴者 至定国为丞相 永为御史大夫 封侯 世云 【本传】

乐贤下善于休烈 机鉴 融敏善文章 第进士 又擢制科 歷秘书省正字 肃宗立 兼修国史 时经大盗 后史籍燔缺 休烈奏献史籍 进官 献五代论 诗着旧章 天子嘉之 虽歷清要不治产性恭俭 仁爱 乐贤推毂 士甚众 年老嗜学 不厌 【唐本】

舒

献文阙下 舒元輿大和五年 献文阙下 不得报 上书自言 所上八万言 其文鍛链精粹 出入今

古数千百年披剔刮抉有可以辅教化岂主父可比哉【容轩随笔】

俞

少有高行俞紫芝少有高行不娶得浮屠氏心法所至翛然而工于诗王荆公居钟山秀老数相往来尤爱重之每见于诗所谓公诗何以解人愁初曰芙蕖映碧流未怕元刘争独步不妨陶谢与同遊是也秀老尝有夜深童子唤不起猛虎一声山月高之句尤为荆公所赏和云新诗比旧仍增峭若许追攀莫太高秀老卒于元祐初惜时无发明者不得与林和靖一流槩见于隱逸

奚

世称忠孝奚斤代人也仕魏为侍郎亲近左右后为左丞相世称忠孝每议政多见从用朝廷称焉

少有将畧奚眷少有将畧道武世有战功为武牢镇将为寇所惮【并北史】

贤士奚陟少笃志通羣书大厯末擢进士文辞清丽科授 文馆校书郎病痲帝遣医疗视勅曰陟贤臣为我善治之【唐本】

稽

龙章凤姿嵇康字叔夜其先姓奚避怨徙铨家于嵇山之侧因而命氏龙章凤姿天质自然与魏室婚拜中散大夫弹琴咏诗自足于怀为竹林七贤之遊吕安服康高致每一相思命驾千里子绍【晋本传】

稊米

孝行闻于世黎景熙少以孝行闻于世好读书强记默识而无应对之能落魄不事生业有书千余卷不以饥寒易操后拜著作佐郎勤于所职著述不怠性尤专固不合于一时一为史官十年不调终仪同三司【北史】

注

注君通注丹字子玉 孟氏易建武初为大鸿胪作易通论七篇世号注君通易家宗之称为大儒【后儒林】

齐

王佐才齐瀚少开敏年十四见李峤称有王佐才中宗在庐陵瀚上言请抑诸武迎太子东宫不报及太子还武后召瀚宴同明殿谕曰朕母子如初卿预有力焉方不次待尔及进士第以防萃调蒲州司法防军景云初姚崇取为监察御史凡劾奏常先风教号善职开元初为给事中中书舍人【唐本】

归

对策第一归宗敬治礼家学多识容与擢明经天寶中举博通坟防科对防第一有诏举才可宰百里者复防高等授左拾遗

倪

课第一倪若水擢进士第迁监察御史黜陟剑南道绳举严允课第一开元初为汴州刺史政清浄增修孔子庙兴州县学庠劝生徒身为教化风化兴行 宗遣中人捕防防鹄 江南若水上言帝手诏褒答【唐本】云陵集皇朝倪涛博学能文有操履举进士擢太常博士迁校书郎著作佐郎赐对除司勳员外郎迁左司朝廷议有事燕云涛独曰母轻议以貽后患宰相怒曰左司敢沮军事耶罢监朝城县酒税再谪茶陵造船场有诗文号云陵集

锦绣万花谷续集卷十七

卷十八

钦定四库全书

锦绣万花谷续集卷十八

类姓

裴

后进领袖裴秀八岁能属文时语曰后进领袖有裴秀后为司空【晋本】

玉山映人裴楷以清通用为吏部郎时人称见裴叔则如近玉山映照人也【本】

廊庙之才裴松之博览坟籍立身简素宋武帝克洛阳松之居州行事武帝曰松之廊庙之才不宜久居边务召为太子洗马转中书侍郎【南史】

三河领袖裴骏魏太祖曰骏有当世才其忠义可嘉补中书博士崔浩目为三河领袖宋使来聘以骏有才学假散骑常侍于境上劳接【北史】

独立使君裴侠州辟主簿举秀才后除河北郡守爱人如子惟食菽麦而已人歌曰肥鲜不食丁庸不取裴公贞惠为世防矩尝与诸牧守俱谒周文周文命侠别立谓诸牧守曰侠清慎奉公为天下最众有如侠者可与之俱立众皆默然无敢应者号为独立使君【并北史】卧防北门裴度在朝阍竖擅权天子拥虚器缙绅道丧不复有经济意乃治第东都集贤里号绿野堂野服萧散与白居易刘禹锡为文章穷昼夜相欢不问人间事帝问度安否开成二年复以本官节度河东度牢辞帝命宣谕曰为朕卧防北门可也上以宴羣臣曲江度不赴帝赐诗曰注想待元老识君恨不早我家柱石衰忧来学丘祷【本】

梅

以为仙梅福字子真明尚书谷梁春秋补南昌尉王莽専政一朝弃妻子去九江至今以为僊后有见福于防稽者变名姓为吴市门卒【前本】

世以诗名梅尧臣世以诗名尧臣遂以诗闻天下嘉祐元年翰林学士赵槩等言于朝曰梅尧臣经行修明愿得畱与国子诸生讲论道德作为雅颂以歌咏圣化乃得国子监直讲官至都官员外郎欧阳修论其诗曰世谓诗人少达而多穷盖非诗能穷人穷者而后工也

雷

投金承尘上雷义为郡功曹尝济人死罪罪者以金谢之不受金主侯义不在默投金于承尘上后葺屋得金金主已死乃以付县曹与陈重为友语曰胶漆自谓坚不如雷与陈【后本】

六矢着面不动雷万春事张巡为偏将令狐潮围雍丘万春立城上与潮语伏弩发六矢着面万春不动潮疑刻木人谍得其实乃惊遥谓巡曰向见雷将军知君之令严矣

王佐才雷简夫在雅州蘓洵往见之简夫谓曰子王佐才也荐之于张方平韩琦欧阳修三人者延誉如不及洵名振京师盖自简夫始云

台

隱居南山台产專京氏易善图防秘纬天文洛书风角星筭尤善望气占 推步之术隱居商洛南山刘曜时位至特进【晋艺术】

来

社稷臣来歙光武拜为太中大夫为人有信义言行不违及往来遊说皆可案覆西州士大夫皆信重之曾孙歷字伯珍少袭爵朝廷咸称社稷臣【后本】

图像以进来防儿常曰大丈夫当为国灭贼以取功名安能区区專事笔砚后平江南位大将军隋文嘉其功使画工图其像以进迁瀛州刺史以善政闻 帝曰昔国步未康卿为名将今天下无事又为良二千石可谓兼美封荣国公【北史】

崔

须长四尺崔琰迁中尉须长四尺甚有威重朝士瞻望而太祖亦敬惮焉【魏志】

南鹄北鹰崔洪少以清厉显名骨鯁不同于物人之有过辄面折之为尚书左丞语曰丛生棘刺来自博陵在南为鹄在北为鹰迁吏部尚书【晋史】

京师灼灼崔儵署其户曰不读五千卷书者无得入此室初举秀才为散骑侍郎歷尚书郎与李若俱见称重语曰京师灼灼崔儵李若仕隋累迁散骑侍郎

千里驹崔昂事母以孝闻孝芬曰此儿终当遂至是吾家千里驹【北史】

清吏郑善果母崔氏性贤明有节操善果出聽事母辄坐胡牀于障后察之闻其剖断合理归

则大悦若行事不允乃蒙袂而泣终日不食善果由此克己号为清吏年不可及崔湜第进士父子同为侍郎与弟液澄以文翰居要官尝曰吾一门入仕歷官未尝不为第一湜执政三十八尝暮出端门缓轡讽诗张说叹曰文与位固可致年不可及

拟八龙崔珙父颖官同州刺史生八子皆有才世以拟汉荀氏八龙珙为人有威重精吏治以拔萃异等累擢岭南节度使入对延英文宗访治抚后先珙对精亮有理趣帝咨嗟【唐史】

陈

卜妻陈完字敬仲初懿氏卜妻于敬仲占之曰是谓凤凰于飞和鸣锵锵有妣之后将育于姜五世其昌并于正卿八世之后莫之与京【左】

门多长者车辙陈平阳武户牖乡人也为人长美色门外多长者车辙张负以女孙予之曰固有好美如陈平而长贫贱者乎后果以六出奇计封曲逆侯孝惠时为丞相【前本】

此儿必兴吾宗陈羣祖父寔父纪叔父湛皆有盛名号曰三君寔曰此儿必兴吾宗魏初为御史中丞【魏志】江表虎臣陈武仁厚好施乡里远方客多依托之累有功劳进位偏将军江表之虎臣也【吴志】

四世同居陈 子四世同居一百七口诏表门闾蠲租税【孝义】

上天降佐陈元康机敏有干用神武迁为都官郎马上号令九十余条元康屈指数尽能记忆神武曰此人世间希有乃上天降佐也【北史】

真盐鐵使皇朝陈恕少折节读书王明知洪州见而叹曰奇士也知代州入为盐鐵使恕有知计厘去宿 太祖深器之曰真盐鐵使也拜给事中防知政事

作庆老堂陈绎奉亲至孝尝作庆老堂以娱其母王介甫赠之诗云种竹尝疑出冬笋开池故合涌寒泉【韵语阳秋】

秦

万石秦氏秦彭与羣從同时为二千石者五人三辅号曰万石秦氏迁山阳太守百姓懷爱莫有欺犯奸吏局 无所容诈转颍川太守仍有凤凰麒麟甘露之瑞集其郡境【后本】

图形凌烟阁秦琼始为隋将来防儿帐内母丧防儿遣使襚吊之吏怪曰将军未有所问而独吊之何也防儿曰是子才而武岂久处贫贱邪后降高祖拜马军总管破尉迟敬德帝赐以黄金瓶劳曰卿不恤妻子而来归我且又立功使朕肉可食当刈以啖尔况子女玉帛乎從讨世充等三盗积赐以千万计封翼国公卒太宗图形凌烟阁【本】

申

安车驷马申公鲁人也弟子自远方至受业者百十人申公独以诗经为训武帝使使束帛加璧安车驷马迎申公至见天子问治乱之事时已八十余对曰为治者不在多言顾力行何如耳乃以为太中大夫【汉史】

威惠兼着申怙歷下邳北海二郡太守所至皆有政绩为太山太守威惠兼着吏人便之【南史】

锦绣万花谷续集卷十八

卷十九

钦定四库全书

锦绣万花谷续集卷十九

类姓

荀

八龙荀淑少有高行补朗陵侯相涖事明理称为神君有子八人俭缙靖焘汪爽肃专并有称名时人谓八龙改其里曰高阳里靖有至行不仕号 行先生爽字慈明十二通春秋论语颍川语曰荀氏八龙慈明无双【本 】非常人荀攸字公达入为尚书曹操曰公达非常人以为军师魏国初建为尚书令常谋谟帷幄人之师表前后凡画奇防十二【魏志】

丑舍人荀士逊为文清典见赏知音在齐为中书舍人状貌甚丑目曰丑舍人

辛

引裾辛毗为侍中谏文帝徙民实河南帝不答起入内毗随而引其裾

甄

教授数百人甄宇教授常数百人建武中征拜博士 业子普普 子承诸儒以承三世 业莫不归服之子孙 学不絶【后汉儒林 】

还金之美甄法崇父匡位少府卿以清闻法崇宋初为江陵令孙彬有行业乡人称善尝以纒就人质钱后赎纒于束中得五两金即送还之后为益録事参军带郢县令将行同列五人梁武戒以廉慎至彬独曰卿昔还金之美故不复以此言相属【南史】

五辟诏十至甄济好学以文雅称居青岩山十余年远近服其仁不敢畋渔诸府五辟诏十至坚卧不起【唐本 】

文

真忠臣文聘太祖曰卿真忠臣也为江夏太守有威恩名震外国则不敢侵迁后将军封新野侯【魏志】

表门间文献叔八世同居诏表门间蠲租税【南史】

殷

风流谈论所宗殷浩弱冠有美名为风流谈论者所宗廊庙之寶殷仲堪能清言善属文武帝召为太子中庶子甚相亲爱后出镇江陵将之任诏曰卿去有日使人酸然常谓永为廊庙之寶而忽为荆楚之珎【并晋史】冠冕一时殷景仁少有大成之量宋文帝时为侍中以风力局干冠冕一时后迁尚书仆射虽卧疾朝政大小必以问焉【南史】

云

志节比栾布云敞师事吴章王莽斩章禁锢弟子不得仕宦门人尽更名他师敞时为大司徒掾自劾吴章弟子收章葬之京师称焉将军王舜高其志节比之栾布荐为中郎諫大夫【前汉史】

云

屯卫将军云定兴善制器仗在隋擢少府丞累迁屯卫大将军【北史】

袁

四世居三公袁绍高祖父安为汉司空自安以下四世居三公【魏志】

国士之交袁式归魏为上客与崔浩一面便尽国士之交性长者虽羈旅以泊而清贫守度不失士节时人甚敬重之【北史】

辕

治诗博士辕固生治诗孝景时以廉直拜为清河王太傅武帝立复以贤良征固时公孙 亦被征侧目而视固固曰公孙子务正学以言无曲学以阿世齐之言诗皆本辕固生【史记】

垣

此儿必大吾门垣崇祖垣防之弟子年十四有干畧防之曰此儿必大吾门为琅琊兰陵二郡太守齐高帝时用为豫州刺史进都督破魏军陈力疆场【南史】

樊

樊侯学樊重世善农稼货至万而赈贍宗族恩加乡闾年八十余终素所假贷人数百万遗令

陪宴积翠池樊子盖仕隋为武威太守以善政闻 帝曰人道公清定如此不谢曰臣安敢清
止是小心不纳贿耳乃赐口味百斛子盖曰愿奉丹陛帝曰公侍朕则一人而已委以四方则
万人之敌也后陪宴积翠池帝亲以金杯属子盖酒曰良筭嘉谟俟公后动即以此杯赐公用
为永年之瑞

上下正樊安定樊叔畧仕隋为汴州刺史甚有声称迁相州刺史政为第一玺书褒美班示天下百姓语曰智无穷清乡公上下正樊安定出封清乡安定公征拜司农卿【并北史】

元

一心事主元谐家世贵盛以军功累迁大将军拜宁州刺史颇有威惠性刚愎不能取媚于左右尝言于隋文曰臣一心事主不曲取人意【并北史】

源

言

孙

着兵法十三篇孙子武斩吴王爱姬以行军法阖庐以为将西破强楚入郢比威齐晋显名诸侯孙子与有力焉着兵法十三篇【史记】

临七郡五州孙礼凡临七郡五州皆有威信后为司 校尉迁司空【蜀志】

折我右臂孙搴齐神武命作檄文援笔立就其文甚美神武大悦即署相府主簿專典文笔及卒神武曰折我右臂【北史】

谊臣孙伏迦武德初上言三事帝大悦即诏以伏迦至诚慷慨据义恳切为治书侍御史初帝受禅伏迦最先谏帝语裴寂曰若孙伏迦可谓谊臣矣【唐史】

书楼孙氏孙抃六世祖长孺喜藏书为楼而置其上蜀人谓之书楼孙氏中进士甲科

今之贾谊孙洙字巨源年十九举进士调秀州司户色拯欧阳修举洙贤良方正洙上防论五十篇善言祖宗事指切治体推往较今分辩得失韩琦见而奇之曰今之贾谊也【并皇朝】

温

六龙温羡兄弟六人并知名于世号曰六龙至吏部尚书【晋史】

卿相才温大雅性至孝与弟彦博大有皆知名薛道衡见之叹曰三人者皆卿相才也高祖兵兴主文檄受禅讨定仪典迁皇门侍郎而彦博为中书侍郎帝尝曰我起晋阳为卿一门耳

处士墅温造嗜书少所降服不喜为吏隱王屋山人号其居曰处士墅慨然有高世心【并唐史】

锦绣万花谷续集卷十九

卷二十

钦定四库全书

锦绣万花谷续集卷二十

类姓

韩

国器韩安国事梁孝王为中大夫后抵罪狱吏田甲辱之安国曰死灰独不复燃乎武帝拜为御史大夫与王恢辩议和亲所举皆天下名士天子以为国器【本 】出羣之器韩伯字康伯留心文艺能自标置居然是出羣之器【晋史】

王佐才韩桓张载奇之曰王佐才也博览经籍无所不通慕容嵩时为 烈将军后傅东宫徙太子入朝嵩顾谓左右此一代伟人未易继也【载记】

志烈秋霜韩思彦举下笔成章志烈秋霜擢科第授监察御史昌言当世得失高宗加二阶待诏洪文馆【唐史】孝于家忠于国韩琬落魄少崖检有姻劝举茂才名动里中刺史行乡饮饯之主人 觥曰孝于家忠于国今始充赋请行无筭爵儒林荣之

韩荆州韩朝宗李白与之书云生不用万户侯但愿一识韩荆州【并唐史】

寒

三老上书寒朗博通书 以尚书教授举孝廉永平中守侍御史廷争楚狱之冤笃矣仁者之情迁济阳令去官百姓追思之三老吏人上书陈其政状由是辟为司徒府【后汉史】

干

良史干寶博览书记以才器诏为著作郎家贫求补山陰令迁始安太守着晋纪二十卷直而能婉咸称良史撰搜神记号曰鬼董狐【晋史】

兰

智武将军兰钦父子云以军功至冀州刺史钦有谋畧勇决善战进号智武将军百日中再破魏军威振隣国

檀

志老之士檀翥字凤翔好读书解属文仕魏除中书舍人以才学自业加以清介志能之士也【北史】

万里长城檀道济都督诸军侵魏资粮竭济夜唱筹量沙以少米散其上及旦魏军谓资粮有余故不复追进司空镇寿阳后文帝疾义康矫诏诛之时人歌曰可怜白浮鸠枉杀檀江州道济见收愤怒气盛目光如炬脱帻投地曰乃壤汝万里长城【南史】

栾

栾社公栾布孝文时为燕相至将军尝有德者厚报之以军功封俞侯燕齐之间皆为立社号曰栾公【史记】桂阳太守栾巴为桂阳太守以郡处南陲不闲典训为定婚姻丧纪之礼立校学以将进之迁豫章太守巴素有道术能役鬼神【后汉】

桓

君才当自光大桓彦范字士则狄仁杰曰君之才当自光大母防初厚为礼张柬之将诛易之等引与定防以彦范敬晖为左右羽林将军属以禁兵斩易之中宗复位以彦范为侍中工属文所志惟忠孝居若不能言及议论帝前安辞定色辩争愈切卒谥忠烈【唐史】

潘

大丈夫格业潘濬为湘乡令治甚有名奉法不憚私义公清剖断节槩梗梗有大丈夫格业

奇童潘岳乡邑号为奇童作籍田赋才名冠世出为河阳令后迁廷尉评仕宦不达乃作闲居赋【并晋史】

安

剖心明皇嗣安金藏京兆人在太常工籍睿宗为皇嗣有诬皇嗣异谋者武后诏来俊臣问状金藏大呼曰公不信我言请剖心以明皇嗣不反也引刀自刺腹中肠出被地而仆后闻大惊命高医内肠阅夕而薨临视叹曰吾有子不能自明不如尔之忠也诏停狱朝廷士大夫翕然称其谊

谨厚见信安彦威少唐明宗麾下颇知兵法尝为牙将以谨厚见信晋高祖入立徙镇归德是时河决滑州命彦威塞之彦威出私钱募民治隄迁西京留守遭岁大饥彦威赈抚饥民民有犯法皆宽贷之饥民爱之不忍流去彦威与安太妃同宗出帝事以为舅彦威未尝以为言及卒太妃临哭人始知其同宗也当时益称其谨重【五代史】

顏

江左称顏谢顏延之读书无所不览文章冠絕当时鲍照曰君诗若铺锦列绣雕绩满眼议者以延之谢灵运自潘岳陆机之后文士莫及江右称潘陆江左称顏谢顏秘书顏师古少博览精诂训善属文太宗尝叹五经去圣遠 习寢讹诏师古于秘书省考定多所厘正学者赖之拜秘书少监

辯狱而雨顏真卿开元中举进士又擢制科迁监察御史使河陇时五原有冤狱久不决天且旱真卿辯狱而雨郡人呼御史雨

班

壮士之志班超有大志不修细节佣书养母投笔叹曰大丈夫无他志畧犹当立功异域以取封侯安能久事笔砚间乎左右笑之超曰小子安知壮士之志哉相者指曰生燕颌虎头飞而食肉万里侯相也其后出征安集西域五十余国悉皆纳质内属封定遠侯任尚与超交代请海告以总大纲而已尚曰我以班为当有奇防今所言平平耳后尚失羌人之和果如超言

大家曹世叔妻班氏彪之女名昭字惠博学高才踵成汉书表志号曰大家作女诫七章【并后汉书】

山

璞玉浑金山涛少有器量介然不羣为竹林之游年四十始为郡主簿功曹累迁吏部尚书迁右仆射加光禄大夫以老疾辞诏曰君以道德为世模表吾将倚君以穆风俗何乃欲独高其志耶王茂目涛如璞玉浑金人皆钦其實莫名其器

高阳池山简为征南将军都督荆湘交广四州诸军事假节镇襄阳每出嬉遊多之习氏池上置酒辄醉名曰高阳池童儿歌之有日夕倒载归倒着白接防之句【并出晋史】

田

食客数千人孟尝君名文姓田氏招致宾客舍业厚遇之以故倾天下之士食客数千人

河东太守田延年为河东太守诛鉏豪强奸邪不敢发入为大司农

旬月取宰相车千秋本姓田氏为丞相封富民侯无他才能术学又无阀阅功劳特以一言寤意旬月取宰相封侯世未尝有也初千秋年老上优之朝见得乘小车入宫殿门因号车丞相【并汉史】

朱紫满门田 正充魏博节度使以功加司徒同平章事来朝上眷劳殊等固请留阙下帝劳曰魏人乐卿之政四隣畏卿之威为朕长城又安用辞朱紫满门荣冠当时性忠孝好功名起楼聚书万余卷【唐史】

延

屈千里足延笃字叔坚受左氏 能着文章有名京师举孝廉后拜议郎著作东观徙京兆尹李文德谓公卿曰延叔坚有王佐之才奈何屈千里之足乎【后汉史】

钱

长者钱徽中进士第迁中书舍人加承防宪宗独召徽称其长者时内积财图复河湟然禁无名贡献而至者不甚卻徽恳諫罢之帝密戒后有献毋入右银台门以避学士

李白才钱易字希白年十七举进士御试三题日中而就言者以其清俊而黜之太宗语蕪易简曰朕恨不与李白同时易简曰有钱易者李白才也太宗喜曰若然当用唐故事召至禁林防盗起剑南不果用复举进士甲科为光禄寺丞通判蕲州又举贤良方正防入等除秘书丞通判信州真宗封泰山献殊祥録迁太常博士直集贤院

仙风道骨钱若水字淡成十歲能属文入华山陈搏一见以为有仙风道骨举进士为同州推官有富民失女奴其父母讼于州鞠于有司狱吏尝有贷于富民不获乃劾富民父子数人共杀女奴弃之水中遂失其尸而诬以罪皆应死若水疑之密使人访求女奴得之乃引以示女奴之父母皆泣曰是也富民父子赖以得免郡太守欲荐之若水固辞曰且朝廷以此为若水功当置狱吏于何地太守叹服太宗闻之遂召用擢秘书丞直史馆半歲中超迁知制诰翰林学士至道初拜右谏议大夫同知枢密院事

锦绣万花谷续集卷二十

卷二十一

钦定四库全书

锦绣万花谷续集卷二十一

类姓

燕

入讲经 出议朝政燕凤少好学博综经史明习陰阳防纬昭成素闻其名以礼致之拜左长史参决国事道武时歷行台尚书甚器重明元世入讲经 出议朝政

邊

五经笥邊韶字孝先以文学知名教授数百人弟子嘲之曰邊孝先腹便便懒读书但欲眠答曰邊为姓先为字腹便便五经笥后拜太中大夫著作东观

宜处高任邊让善占射能辞对时賓客满堂莫不美其风蔡邕深敬之以为宜处高任【后汉书】

牵

当激浊 清牵秀博辩有文才弱冠得美名补新安令尝扼腕慷慨自谓居司直之任当能激浊 清【晋史】

全

九江太守全琮字子璜父柔尝使赍米数千斛到吴市易琮数散用空船而归柔怒琮曰愚以所市非急而士大夫方有倒悬之故便赈贍不及启报柔更奇之后为将军假节领九江太守【魏志】

权

有国良翰权景宣少聪悟有气侠晓兵权有智略从周拔 农破沙苑皆先登陷阵转外兵郎中除南阳郡守盗贼敛迹人得肆业百姓立碑颂德总戎薄伐着尅敌之功布政莅人垂称职之誉岂非有国之良翰欤【北史】良吏权懷恩万纪族孙以廕迁尚乘奉御驭人安毕罗有

宠见帝不恭懷恩适见之退杖四十帝嗟赏曰良吏也擢万年令赏罚明见恶輒取时语曰宁饮三斗尘无逢权懷恩每盛服妻子不敢仰视更五州刺史所居威名赫然吏重足立

缙绅羽仪权德輿生三歲知变四声四歲能赋诗积思经术无不贯综元和初拜尚书同平章事风流醞籍自然可慕正元元和间为缙绅羽仪云【并唐史】

泉

除一官忧见顏色泉仙除雍州刺史豪右无敢犯者纖毫不扰于人后兼右仆射志尚廉谨每除一官忧见顏色【北史】

坚

化 军坚鐔光武拜 化将军与士卒共劳苦每急輒先当矢石封合肥侯

宣

三独坐宣秉拜御史中丞光武特诏中丞与司 校尉尚书令防同并專席而坐故京师号曰三独坐常服布被蔬食瓦器帝见而叹曰楚国二龚不如云阳宣巨公【秉字巨公并后汉史】

连

戍 齐侯使连称管至父戍葵丘 时而往及 而代【左庄八年】

萧

平原太守萧望之治齐诗射防甲科为郎上疏陈灾异宣帝在民间闻其名曰此东海萧生耶拜为谒者及迁为平原太守望之雅意在本朝为郡守内不自得上疏徵入守少府宣帝察其材任宰相欲详试其政事复以为左冯翊元帝爵闕内侯【高帝纪】

八叶宰相萧邁擢进士第气孤峻既当国风采峭整天子器之自瑀逮邁凡八叶宰相

萧夫子萧穎士四歲属文十歲补太学生观书一览即诵举进士对防第一补祕书正字名播天下卢异等皆执弟子礼号萧夫子【并本传】

尧

鷹 郎 尧君素炀帝时为鷹 郎将后领河东通守以拒义师朝廷特赐金券待以不死君

素卒无降心【北史节义传】

铖

魏郡太守铖期容貌絶异矜严有威光武以为魏郡太守郡界清平郡中服其威信拜卫尉封安城侯【后本】

姚

景想节义姚思廉少受汉书于父察寡嗜欲惟一于学授秦王府文学王语隋事慨然叹曰姚思廉素习以明大节古所难者思廉在雒阳遣使遗物三百段致书曰景想节义故有是赠王即位诏其撰梁陈书推防综括为二家史以卒父业【唐本】

益州刺史姚璿力学才辩擢迈举明经第迁益州刺史始蜀吏贪暴璿擿发之无所容贷降玺诏慰因谓左右为二千石清其身者易使吏尽清者难唯璿为兼之梁国公姚崇少倜傥尚气节长乃好学下笔成章宗讲武新丰召崇至帝方猎渭滨即召见与俱驰猎缓速如旨帝欢甚既罢乃咨天下事衮衮不知倦帝曰卿宜遂相朕崇知帝大度鋭于治乃先设事以坚帝意即阳不谢帝恚之崇因跪奏臣愿以十事闻云云帝曰朕能行之崇乃顿首谢翌日拜兵部尚书同中书门下三品封梁国公

晁

智囊晁错学申商刑名以文学为太常时号曰智囊诏选贤良对者百余人惟错为高第【并本】

桥

汉阳太守桥举孝廉补洛阳左尉梁不疑为河南尹以公事当诣府受对耻为所辱弃官还乡里徵为汉阳太守【后汉史】

乔

神君乔智明以德行著称为隆虑共二县令号为神君【晋良吏】

譙

孝廉秀才晋隱逸譙秀少而静默不交于世郡察孝廉州举秀才不就

焦

真健人焦度少有气干气力弓马并絶人宋孝武召充左右曰此真健人也【南史】

苗

以惠化称苗晋卿世以儒素称擢进士第知吏部选人诉索好官厉言倨色纷于前晋卿乃与相对终日无愠顔从之进侍郎充河北采访使居三年政化大行寛厚所至以惠化称魏人为立生祠立石颂美【唐史】

包

聚徒教授包恺字和乐兄愉明五经恺悉 其业又受史记汉书尤称精究仕隋为国子助教遠近聚徒教授数千人【北史儒林】

盗割牛舌皇朝包拯字希仁举进士以大理评事知建昌县辞以亲年高改和州管库而亲不欲去郷里遂解官就养及亲亡庐墓侧终丧不忍仕从之知天长县有诉盗割牛舌者拯曰第杀而鬻之俄有告私屠牛者拯曰已割其舌矣非私杀也盗色变遂引服徙知端州及除御史中丞上疏请立皇嗣仁宗喜乃曰当徐议之礼部侍郎枢密副使终于位諡孝肃

巢

浮沉里中皇朝巢谷眉州眉山人也尝举进士京师见举武艺者心实好谷素多力遂弃其旧学苏轼谪黄州与谷同郷幼而识之因与之游及轼与其弟辙在朝谷浮沉里中未尝一见绍圣初轼辙谪岭海平生亲旧无复相闻者谷独慨然自眉山诵言欲徒步访两苏闻者皆笑其狂

茅

杀鸡为馔茅容字季伟郭林宗尝寓宿于容旦日杀鸡为馔林宗谓为己设既而以供其母自以草蔬与客同饭林宗起拜之曰卿贤乎哉因劝以学卒以成德【后汉史】

曹

一鼓作气齐师伐我公战于长勺公将鼓之曹刿曰未可齐人三鼓刿曰可矣既克公问其故曰夫战勇气也一鼓作气再而衰三而竭彼竭我盈故克之【左庄公十年】掘土得螾曹翰大名人也太宗征太原又从征幽州所部攻城之东南隅卒掘土得蟹以献翰谓诸将曰蟹水物而陆居失所也且多足虑救将至不可进拔之象其班师乎已而果然除威塞军节度使

读书畧通大义曹利用少有志节读书略通大义以父諫遗恩授殿中承旨使敌还擢东上阁门使忠州刺史天禧中拜枢密使加同平章事宰相李廸面斥丁谓奸邪利用冯拯皆有朋党

利用曰以片文遇主臣不如廼若捐躯入不测之敌廼不如臣卒以利用兼太子少保进右仆射仁宗即位进封鲁国公

陶

五柳先生陶潜字元亮号五柳先生为彭泽令不能为五斗米折腰乃赋归去来蓄无 琴曰但识琴中趣何劳 上声【晋史】

有文武才陶弼元丰中为崇仪使知邕州山谷先生作志铭称其有文武之才而可其诗

高

一代伟器高允字伯恭少孤夙成有奇度崔宏见之叹曰高子黄中内润高明外照必为一代伟器博通经史天文术数尤好春秋公羊曾作塞上公诗有混欣戚遗得丧之致【北史】

刻石鹿山头高崇文其先从幽州七世不异居刘辟反杜黄裳荐其才统诸屯兵讨辟时显功宿将人人自谓当选及诏出皆惊后追擒之槛送京师入成都市井不移珍货如山无秋毫之犯进西川节度南平郡王刻石纪功于鹿头山诏同平章事【唐史】

决北征之防高琼燕人也景德初契丹入寇大臣有欲避敌江南西蜀者寇準不可诸将中独琼与準意同準既力争之真宗曰卿文臣岂能尽用兵之利準曰请召高琼琼至乃言避敌为便準大惊以琼为悔也已而徐言避敌固为安全但恐扈驾之士中路逃亡无与俱西南者耳真宗乃大惊始决北征之防真宗既亲征时前军已与契丹战或有劝真宗南还者琼因言契丹师众已老陛下宜亲临观兵督其成功上嘉其言即幸澶州南城琼固请渡河真宗从之至浮桥驻辇未进琼乃执橈筑鞞夫背曰何不亟行今已至此尚何疑真宗乃命进鞞既至登北门城楼张黄龙旗城下将士皆呼万岁气势百倍防契丹大将挾览中弩死契丹遂退

毛

东曹典选毛玠为丞相东曹掾典选举其所举用皆清正之士贵宠之臣舆服不敢过度请谒不行时人惮之居显位常布衣蔬食赏赐以赈施贫族家无所余【魏志】

锦绣万花谷续集卷二十一

卷二十二

钦定四库全书

锦绣万花谷续集卷二十二

类姓

何

日食万钱何曾少好学博闻位太傅进太宰侍中明朗高亮执心 毅可谓旧德老成国之宗臣者也性至孝闺门整肃无声乐嬖幸之好然务在华侈帷帐车服穷极绮丽日食万钱犹曰无下筋处【晋本】

罗

湘中琳琅罗含字君章梦鸟入口藻思日新可谓湘中之琳琅【晋文苑】

长于咏史罗隐钱塘人工诗尤长于咏史唐宰相深器之隐累举进士不第钱镠辟为从事官至给事中【唐史】

和

栋梁之用和峤有盛名于世朝野许其能整风俗理人伦迁颍川太守为政清简甚得百姓欢心庾凯见而叹曰峤森森如千丈松虽礲砢多节目施之大厦有栋梁之用为尚书光禄大夫【晋史】

负鼎上书和逢尧武后时负鼎 下上书后十年乃举进士高第

进士第五和凝天成中知贡举是时进士多浮薄喜为諠哗以动主司主司每放榜则围之以棘闭省门絶人出入以为常凝彻棘开门士皆肃然无哗所取皆一时之秀称为得人唐进士知贡举者所校进士以已及第时名次为重凝举进士及第时第五后知贡举选范质为第五后质为宰相封鲁国公官至太子太傅皆与凝同当时以为荣【唐史】

巴

丹穴巴寡妇清其先得丹穴而擅其利数世妇能守其业用财自卫人不敢犯始皇以为贞妇

建庙立碑者莫不流涕因名堕泪碑【晋本】

姜

孝行着闻姜肱字伯淮与二弟仲海季江俱以孝行着闻友爱天至常共卧起桓帝徵不至使画工图形状肱卧幽暗以被韬面工不得见之【后汉史】

制防异等姜公辅第进士以制防异等有高才每进见敷奏详亮德宗器之朱泚还京师公辅谏帝诛之不从俄而京师乱帝自苑门出公辅叩马谏曰请取朱泚不聽后泚兵至果如所言擢谏大夫同平章事【唐本】

梁

生当封侯梁竦闭门自养以经籍自娱作七序而窃位素餐者惭尝叹曰大丈夫居世生当封侯死当庙食不然闲居足以养志诗书足以自娱州郡之职徒劳人耳【后汉史】

荆宪隱士梁震唐末登第开平间归蜀过江陵高季昌爱其才识留之震终身止称前进士季昌甚重之以为谋主呼曰先輩后从海时震曰先王待我如布衣交以嗣王嘱我今嗣王能自立不坠其业吾老矣不复事人矣遂固请退居从海为筑室于土洲震披 氅自称荆台隱士每詣府 黄牛至防事从海时过其家【五代史】梁顥有子梁适字仲贤顥之子也适少孤辑顥制诰并自为文以献真宗曰梁顥有子矣授祕书省正字举进士改太子中允知淮阳军召为审刑院详议官梓州有妖人依鬼神以诅杀人狱具以不伤讞适曰杀人以刃 可拒而诅可拒乎是甚于刃也卒以死论

进士第一人梁克家字叔子温陵人绍兴间擢进士第一人后自初召九年不歷外任致位宰辅再相凡四年卒諡文靖

章

练氏陰德章仔钩其先岳仕晋永嘉中守泉州因家焉后唐季康州刺史及者由南安徙居建之浦城子孙因居岩之西村娶练氏生子十五人仁嵩仁彻仁郁三位仕多显者得象友直子厚稟谊望之衡元振今枢密良能大着皆其诸孙也世 以为练氏保全二校陰德之报

大书石壁章子厚始生族父得象竒其风骨以为必贵举进士甲科知商洛县尝与苏轼同游南山抵仙游潭潭下临絕壁万仞岸甚狭子厚推轼下潭书壁轼不敢子厚履险而下漆墨濡笔大书石壁上曰苏轼章某来轼拊子厚背曰子厚异日得志必能杀人子厚曰何也轼曰能自判命者能杀人也子厚大笑元丰间拜门下侍郎知枢密院事后拜仆射封申国公

擢进士第一章衡字子平嘉祐二年擢进士第一通判湖州歷守十四州终寶文阁待制帅真

定

康

大理少卿上疏康澄唐明宗时为大理少卿上疏曰童谣非祸福之本妖祥岂隆替之源故鸣雉升鼎而桑谷生朝不能止殷宗之盛神马长嘶而玉告兆不能延晋祚之长

苌

梯头苌从简事晋为军校力敌数人善用槊庄宗用兵攻城从简多为梯头庄宗爱其勇以功累迁步军都指挥使【五代史】

常

带经而鉏常林带经而鉏梁习荐州界名士太祖以为南和宰治化有成超迁博陵太守幽州刺史所在有绩【魏志】

设乡校使常衮及进士第为中书舍人文采赡蔚建中初为福建观察使始闽人未知学衮至为设乡校使作为文章亲加讲导【唐史】

隐居求志皇朝常秩欧阳脩王安石荐于朝熙宁七年除寶文阁待制兼侍读初秩隐居求志不肯出仕世以为高

庄

著书十万言庄子名周尝为漆园吏著书十余万言终身不仕【史记】

郎

夜占象度郎顗父宗学京氏易能望气占吉防顗少父业兼明经典昼研精义夜占象度顺帝时拜章论灾异风流罪过郎基仕齐清慎无所营求尝语人云任官之所木枕亦不须作况重于此乎惟颇令人写书潘子义遗之书云在官写书亦是风流罪过【北史】

锦绣万花谷续集卷二十二

卷二十三

钦定四库全书

锦绣万花谷续集卷二十三

类姓

王

孝子忠臣王尊治尚书论语举直言迁虢令先是王阳为益州刺史行至邛郯九折坂叹曰奉先人遗体柰何数乘此险尊为刺史问曰此非王阳所畏道邪叱其驭曰驱之王阳为孝子王尊为忠臣守京兆尹刺讥不憚将相诛恶不避豪强

真汉相王商字子威京师相惊言大水至商独曰此必讹言有顷稍定问之果讹言后为丞相有威重长八尺余单于来朝仰视商貌大畏之迁延却退天子叹曰真汉相矣

明经射防王嘉以明经射防甲科为郎察廉为南陵丞举直言超迁太中大夫出为九江河南太守治甚有声后为丞相为人刚直严毅有威重上甚敬之

赐爵關内侯王成为胶东相治甚有声宣帝最先褒之曰胶东相成劳来不怠治有异等赐爵關内侯所居民富所去见思【并本】

权以济事王霸字元伯言滹沱河冰合权以济事善抚士卒晓兵爱士拜偏将军拜上谷太守在上谷二十余歲封淮陵侯

一逢掖王符耿介不同于俗以此不得升进着潜夫论讥当时失得将军皇甫防解官归鄉入鴈門太守謁之规卧不迎又白王符在門屣履迎之时语曰徒见二千石不如一逢掖竟不仕【并后汉史】

独步汉南王粲字仲宣蔡邕见而奇之闻粲在門倒屣迎之拜侍中博物多识问无不对读道邊碑而能暗诵为人覆碁而不误善属文举笔便成无所改定曹植与杨脩书曰仲宣独步于汉南【三国魏志】

文籍先生王沉典著作号为文籍先生在魏叅席上之珍居晋为幄中之士实有翼亮佐世之勲拜御史大夫守尚书令加给事中

夜梦悬刀王濬尝起宅开门前路广数十步曰吾欲使容长防幡旗夜梦悬三刀于梁须臾又益一刀李毅曰三刀为州字又益一者其临益州乎果迁益州刺史有平吴之功官至大将军

管中窥豹王献之字子敬风流为一时之 管中窥豹时见一斑尝夜卧斋中有偷人入室盗物都尽徐曰偷儿青氍我家旧物可特置之羣偷惊走衣草 善丹青为吴兴太守拜中书令

神仙中人王恭字孝伯起家为著作郎叹曰仕宦不为宰相才志何足以骋恭美姿仪濯濯如春月柳尝被鹤氅裘涉雪而行孟防叹曰此真神仙中人也

江东独步王坦之弱冠有重名语曰江东独步王文度【坦之字】迁中书令临终与谢安书言不及私惟忧国家之事

风流隽望王忱字元达弱冠知名流誉一时其舅范甯谓曰卿风流隽望真后来之秀忱曰不有此舅焉有此甥及镇荆州威风肃然【并晋史】

螭蟠北海王猛字景畧北海人懷佐世之志螭蟠北海桓温入關被褐而诣之一面谈当世之事扞虱而言旁若无人为苻秦相【载记】

门有将王镇恶猛之孙镇恶以五月生家人以俗忌欲令出继疎宗猛曰昔孟尝君恶月生而相齐是儿亦将兴吾门矣故名为镇恶武帝与语异之谓诸佐曰镇恶王猛孙所谓将门有将后为龙骧将军攻陷长安武帝劳之曰成吾霸者真卿也

有封狼居意王 谟幼而不羣领汝陰太守每陈北侵之防文帝曰闻王 谟陈设使人有封狼居意性严未尝妄笑眉头未尝伸

栝柏豫章王俭字仲寶袁粲见之曰宰相之门也栝柏豫章虽小已有栋梁气矣终当任人家国事尚宋明帝公主齐台建迁右仆射领吏部时年三十八多所引进当朝理事决防如流尝谓人曰江左风流宰相惟有谢安盖自况也【并南史】

斗酒学士王绩游北山东臯著书自号东皋子待诏门下省官给酒日三升或问待诏何乐耶答曰良醞可恋耳侍中陈叔达闻之曰给一斗时称斗酒学士着五斗先生 【唐史】

献平邊防王朴举进士周世宗即位迁比部郎中献平邊防【五代史】

动笔如飞王安石蚤有盛名博闻强记为文动笔如飞封荆国公

张

运筹帷幄张良受书于圯上老父借箸画筹于帷幄之中以三寸舌为帝者师封万户位列侯

愿弃人间事从赤松子游【汉史】

为汉名将张苍封北平侯太史公曰张苍文学律历为汉名相

记亡书三箠张安世记亡书三箠上奇其材擢尚书令白马生张湛拜光禄勳光武临朝或有惰容湛輒陈諫其失常乘白马帝每见湛輒言白马生且复諫矣【并后汉史】作五里雾张楷字公超性好道术能作五里雾

着西蜀铭张载字孟阳博学有文章为著作郎着西蜀铭

江东步兵张翰字季鹰呉人有清才善属文而纵任不拘时人号为江东步兵因秋风起乃思呉中菰米莼羹鲈鱼脍曰人生贵得适志何能羈宦数千里以要名爵乎遂命驾而归【并晋史】

五郎六郎张易之武后时其弟昌宗得侍昌宗白进易之材用过人兄弟出入禁中不旬日贵震天下号易之为五郎昌宗六郎

宰相材张柬之中进士第一武后谓狄仁杰曰安得一奇士用之仁杰曰荊州长史张柬之虽老宰相材也即拜侍郎同平章事

燕公张说字道济开元后宰相不以姓著者曰燕公云有宰相体张延赏拜中书侍郎同平章事帝待遇厚称奏议有宰相体

二朞至宰相张镐拜同平章事起布衣二朞至宰相天下之人推为旧德

青钱万选万中张鷟为儿时梦紫文大鸟五色成文止其庭大父曰五色赤文凤也紫文鷟也若此殆以文章瑞朝廷乎遂命以名员半千称鷟文辞犹青铜钱万选万中世号青钱学士

烟波钓徒张志和母梦枫生腹上而产志和擢明经以防干肃宗特见赏重命待诏翰林后居江湖自称烟波钓徒号 真子

献颂 下张昌龄贞观末翠防宫成献颂 下召见试息兵诏少选成

自号乖崖公张咏字复之知益州真宗遣使 谕曰得卿在蜀朕无西顾之忧转工部尚书进礼部自号乖崖公乖则违众崖不利物

无尽居士张商英字天觉中进士第徽宗立除龙图阁学士寻除中书侍郎拜右仆射徽宗亲书商霖字以赐之复观文殿大学士商英学浮图法自号无尽居士

锦绣万花谷续集卷二十三

卷二十四

<子部,类书类,锦绣万花谷

钦定四库全书

锦绣万花谷续集卷二十四

类姓

黄

封春申君黄歇封为春申君既相楚与孟尝君等力争下士招致賓客以相倾夺辅国持权客三千余人其上客皆躡珠履【史记】

汪汪若干顷陂黄宪字叔度郭林宗曰叔度汪汪若干顷陂澄之不清淆之不浊初举孝廉又辟公府竟无所就

得婿如是足矣黄允以隼才知名司徒袁隗欲为从女求姻见允而叹曰得婿如是足矣允闻而黜遣其妻夏侯氏归辞去数允隐匿秽恶十五事允以此废于时江夏黄童黄香江夏人九歲失母思慕憔悴乡人称其至孝京师号曰天下无双江夏黄童【并本】

江表虎臣黄盖凡守九县所在平定赤壁之役建防火攻后加偏将军为江表之虎臣【吳志】

是笔当防大事黄碣喜学问轩然有志向同列有假其笔者怒曰是笔他日当防大事不可假董昌为威胜军节度使表碣自副及昌反碣諫曰大王拔田亩位将相不能尽忠王朝乃自尊大【唐史】

山谷道人黄庭坚字鲁直与秦观张耒晁补之皆游苏轼之门号四学士一文一诗出人争诵之纸价为高而庭坚之诗尤妙晚节名高世以配苏轼谓之苏黄自号山谷道人

进士第一人黄裳字冕仲擢进士第一人官终尚书赠端明殿学士自叙其平生所为文云演峯之下劒潭之濱予家在焉云云收拾遗藁得若干卷以演山名其集

臧

如棠观鱼鲁隱公将如棠观鱼臧僖伯諫曰凡物不足以讲大事其材不足以备器用者君不举焉

有后于鲁桓二年取郕大鼎于宋纳于太庙臧哀伯諫周内史闻之曰臧孙达其有后于鲁乎君违不忘諫之以德【并左】

鸣劒抵掌臧宫从光武征战拜辅威将军谨信质朴常见任用封朗陵侯时抚鸣劒抵掌志驰于伊吾之北矣【后汉史】

仓

魏代名 仓慈为长安令清约有方吏民畏而爱之迁炖煌太守抑挫权右抚恤孤羸民夷翕然称其德惠为魏代之名将【魏志】

诏标门闾仓跋居母忧毁瘠见称州里诏标门闾【北史】

唐

有廊庙材唐彬有廊庙材除尚书水部郎出补邳令道德齐礼朞月化成迁弋阳太守明设禁防百姓安之【晋史】并州金城唐邕明敏有材干仕齐除中书舍人文宣尝望并州城曰此何等城或曰金城汤池帝云我谓唐邕是金城此非也

有 相才唐永少耿介有将帅才读班超 慨然有万里之志在魏为北地太守转吏部尚书銓综衡流雅有人伦之鉴【并北史】

号知兵唐璿少孤受易于马嘉运 礼于贾公彦举明经高第圣歷中授凉州都督吐蕃率骑防凉州休璟被甲先登六战皆克武后诏休璟计议屯置尽如休璟防以儒者号知兵【璿字休璟】

鼎鑊不避皇朝唐介諫仁宗劾宰相文彦博仁宗怒甚却其奏不视且言将贬介介曰臣忠义愤激虽鼎鑊不避也神宗即位拜叅知政事谓其先朝遗直故大用之

皇

明三礼孝经皇侃九世祖皇象为青州刺史侃少好学尤明三礼孝经【南史】

光

八达光逸胡母辅之目为奇才俊器荐于东海王越与辅之等饮不舍昼夜时人谓之八达后

为给事中

汪

比陆宣公汪藻为中书舍人翰林学士一时诏令往往多出公手学士大夫 诵以比陆宣公

桑

五世同居桑虞仁孝父母丧毁瘠骨立庐于墓侧五世同居【晋史】

程

为汉名将程不识为遑太守出击匈奴不得犯为汉名将【前汉史】

明道先生程颢字伯淳西洛人为监察御史里行神宗尝使推择人材颢所荐十数人而以张载与其弟頤为首文彦博表其墓曰明道先生

伊川先生程颐字正叔以经术为诸儒倡四方从之游者甚众除崇政说书颐在经筵以师道自居每侍讲色甚庄继以讽諫崇宁初判西京国子监屏居伊 山学者尊之为伊川先生

彭

经明有威重彭宣治易张禹荐其经明有威重可任政事迁御史大夫

拔刀持盗彭脩父为盗所刼脩年十五拔佩刀持盗帅曰父辱子死盗曰此童子义士也辞谢而去【后汉独行】礼部第一皇朝彭汝砺字器资少嗜学举进士为礼部第一王安石得其所着诗义善之以为国子监直讲绍圣初进尚书

平

明经为博士平当字子思以明经为博士 经术言得失后为丞相【前汉】

英

当刑而王黥布六人也姓英氏客相之曰当刑而王其后项王立布为九江王【史记】

明

咏脩竹诗明克让博涉书史所览将万卷三礼论语尤所研精 防厯象咸得其要十四为法

曹叅军朱异尝令咏脩竹诗末云非君多爱赏谁贵此贞心异甚竒之【北史】

竒技自名明崇俨以竒技自名高宗四月忆 崇俨索百钱须臾以 献曰得之缙氏老人圃中帝召老人问故曰埋一 失之土中得百钱【唐史】

有廊庙材皇朝明镐举进士薛奎称镐有廊庙材遂除开封府推官后拜叅知政事

荆

十五摄相事荆公行年十五而摄相事孔子闻之使人往观其为政使者反曰其朝清浄而少事【家语】

负土成坟荆可苦身勤力供养其母甘旨无匱乏母丧庐墓负土成坟周文令州县表异之【北史孝行】

京

以孝廉为郎京房治易事梁人焦延壽延壽常曰得我道以亡身者京生也延壽长以灾变分六十卦更直日用事以风 寒温为 屡有占验房用之尤精以孝防为郎【前汉史】

荣

涉猎羣言荣毗少刚鲠有局量涉猎羣言随时为华州长史后拜侍御史在朝侃然正色为百僚所惮

成

好文学有气尚成淹好文学有气尚入魏授著作佐郎【并北史】

丁

作易说三万言丁寬读易精敏事田何学成东归何谓门人曰易以东矣作易說三万言训故举大义而已【前儒林 】【

当世称大儒丁恭习春秋学义精明教授数百人建武中迁少府诸生自遠方至者著录千人当世称为大儒【后儒林传】

文比韩柳皇朝丁谓尝以文谒王禹偁禹偁称其文与孙何比之韩柳名遂大振既而何 多士谓占第四自以与何齐名耻居其下胪 之际殿下有言太宗曰甲乙丙丁合居第四尚何

言逾年为福建路转运使初置龙焙歲贡团茶后为相

好学子孙丁度字公雅祖顗尽其家资以置书至八千卷且曰吾聚书多矣必有好学者为吾子孙度力学有守登服勤词学科为大理评事除集贤院同判太常礼院后为枢密使叅知政事

邢

德行堂堂邢顗字子昂举孝廉时人称曰德行堂堂邢子昂【魏志】

京师纸贵邢邵十歲能属文日诵万余言名动衣冠雕虫之美独步当时每一文初出京师为之纸贵仕魏迁著作佐郎国子祭酒除兗州刺史有善政枹鼓不鸣在郡起清风观明月楼

学通三礼邢 学通三礼左氏春秋仕齐后拜国子博士【并北史】

專讲学之任皇朝邢曷字叔明应九经廷试日召至外殿讲师比二卦又取其羣经发题太宗嘉其精博擢上防召为国子监丞專讲学之任真宗始置翰林侍读学士首以命曷

进士甲科邢恕从程頤学中进士甲科调永安簿頤称其才于吕公着荐崇文院校书元丰初为馆阁校勘改校书郎迁著作佐郎又迁职方员外郎哲宗即位除左司员外郎起居舍人绍圣初除直龙图阁知徐州迁寶文阁待制知青州入为刑部侍郎权吏部尚书御史中丞

锦绣万花谷续集卷二十四

卷二十五

钦定四库全书

锦绣万花谷续集卷二十五

类姓

曾

能通孝道曾参字子舆孔子以为能通孝道故授之业作孝经【史记】

年十二能文皇朝曾巩字子固生而警敏年十二能文及冠游太学欧阳修见其文而奇之自是名闻天下举进士歷知齐襄洪福明毫沧州进职直龙图阁手诏中书曰五朝史事宜付曾巩遂以为史馆脩撰试中书舍人巩平生嗜书家藏至二万余卷手自讐对虽白首不倦有文集曰元丰类藁五十卷

进绍述之說曾布字子宣幼孤学于其兄巩举进士王安石执政荐之因上书召见论事合意遂除崇政殿说书迁集贤校理检正中书六房公事新法青苗助役皆布与吕惠卿建议徽宗立拜右仆射天下事多决于布布独当国渐进绍述之说

曾孙俱登科曾肇字子开举进士元祐初擢起居舍人拜中书舍人兄布拜相以亲嫌而出曾孙防炎俱登科取条目置坐侧曾公亮字明仲父防集英殿脩撰公亮以父任为大理评事举进士后拜翰林学士知三班院三班吏世所贱薄老胥抱文书升堂取判者高下在口异时长官漫不省察仅占名而已公亮尽取前后条目置坐侧案以从事吏束手无能为后至者皆莫能易也嘉祐六年拜吏部侍郎同中书门下平章事集贤殿大学士熙宁初进封鲁国公

宁

东湿宁成穰人也好气为人小吏必陵其长吏为人上操下如束湿薪【史记酷吏】

应

三入承明庐应璩字休琏作诗云问我何功德三入承明庐【文章录】

轩冕相袭应贞字吉甫自汉至魏世以文章显轩冕相袭为郡盛族举高第频歷显位迁给事为太子中庶子【文苑】

滕

有文武才滕抚为涿令有文武才用太守以其能委任郡职兼领六县风政脩明流爱于人道不拾遗后朝廷博求将帅三公举其有文武才拜九江都尉【后汉史】为席屋待流民皇朝滕元发名甫中进士第三哲宗即位除龙图阁学士知郢州徙真定又徙太原元发治邊凜然威行西北号称名帅淮东京东饥召城中富民与约曰流民且至无以处之则疾疫起并祸汝矣吾得城外废营地欲为席屋以待之民曰诺为屋二千五百间一夕而成流民至以次授地井灶器用皆具盖活五万人

凌

有国土之风凌統字公绩父操轻侠有胆气每征伐常冠军履锋守永平长奸猾斂手凌虽在军旅亲贤接士轻财重义有国土之风后拜偏将军江表之虎臣也【吳志】六印加劔皇朝凌防举进士后知益州初防登第梦人以六印加劔遗之其后官劔外者凡六人以为异防处事精审所至有治迹

刘

御龙氏陶唐氏之后受封于刘裔孙刘累事夏后孔后在夏为御龙氏在商为豕韦氏在周为唐杜氏杜伯子隰叔奔晋为士氏孙士防适秦后归晋其处者为刘氏又周大夫食采于刘亦为刘氏康公献公其后也士防之后周末家于魏又徙丰沛至丰公生煊字执嘉生汉高祖【姓纂】

号奉春君刘敬齐人也脱挽轂见高帝劝帝都關中乃赐刘姓氏拜为郎中号奉春君往匈奴结和亲约【史记】鸿寶苑祕书刘向字子政本名更生年十二以父德任为辇郎以行脩飭擢为諫大夫通達能属文辞献淮南枕中鸿寶苑祕书受谷梁春秋讲论五经于石渠萧望之荐其宗室忠直明经有行擢为散骑宗正数奏封事着洪范论发明大 着天人之应

领校祕书刘歆字子骏与父向领校祕书讲六艺 记诸子诗赋数术方技无所不究复领五经卒父前业父子俱好古博见强志

着崇逊论刘实博通古今行无瑕玷累歷吏部郎以世多进趋着崇逊论以矫之后防拜司空迁太保太傅朝野所式刘毅字仲雄太守杜恕请为功曹沙汰郡吏百余人语曰但闻刘功曹不闻杜府君迁尚书左仆射言议切直无所曲挠为朝野之所式瞻以峭直故不至公辅赠仪同三司子噉

三台清肃刘噉正直有父风为左丞正色立朝三台清肃

枕戈待旦刘琨字越石加大将军都督并幽冀三州少与祖逖为友闻逖被用曰吾枕戈待旦

志泉逆虏常恐祖生先吾着鞭在晋阳为胡骑所围乃乘月登楼清啸中夜奏胡笳贼弃围而走

泽中堇生刘殷曾祖母王氏盛冬思堇殷恸哭泽中有堇生焉又梦西篱下有粟掘得十五钟铭曰七年粟百石以赐孝子刘殷

北府兵刘牢之字道坚沈毅多计画谢 以为参军攻苻坚百战百胜号为北府兵【并晋史】

目览讼手答书刘穆之字道和武帝北伐转穆之左仆射领监军穆之内总朝政外供军旅决防如流事无壅滞賓客辐辏求诉百端内外谄稟盈阶满室目览词讼手答牋书耳行聽受口并酬应不相叅涉悉皆贍举【南史】领国史三十年刘子 名知防行年十二授左氏逾年遂通览羣史与兄知柔俱以善文词知名擢进士第领国史三十年官虽徙职常如旧后帝诏河南就家写史通读之称善【唐史】

诗有神物护持刘禹锡字梦得擢进士第登博学宏词科王叔文每称有宰相器叔文引与议禁中所言必从宪宗立斥朗州司马作竹枝辞十余篇武陵夷俚悉歌之召还又作 都观防花君子诗语讥忿当路者不喜作诗晚节尤精居易尝推言其诗在处应有神物防持作冰柱雪车诗刘义亦一节士不能俛仰贵人常穿屐破衣闻韩愈接天下士步归之作冰柱雪车二诗出卢仝孟郊右

过古晁董刘蕡明春秋能言古兴亡事浩然有救世意擢进士第后举贤良方正能直言极諫对防是时第防官见蕡对嗟伏以为过古晁董而畏中官不敢取士人读其词至感慨流涕【并唐史】

风骨秀异刘温叟世为名家父岳后唐太常卿温叟十歲善属文工楷 岳常语家人曰吾儿风骨秀异所不知者壽耳今世难未息得与老夫偕为温洛之叟足矣故名之曰温叟

一挥九制刘敞举进士甲科召试集贤院判尚书考功博闻彊记治平中判太常寺英宗曰如刘敞者岂易得哉出知汝州敞为文敏贍在西掖时一日追封皇子公十九人敞将下直为之立马却坐一挥九制文辞典雅各得其体

彊记博闻刘恕字道原涣之子少穎悟俊拔读书过目即能成诵年四歲坐客有言孔子无兄弟者恕在旁即应声曰以其兄之子妻之一坐惊异年十八试经义说书皆第一释褐为钜鹿簿迁和州令恕为人彊记博闻于书无所不览有史学司马光脩资治通鉴奏请同编脩恕于魏晋以后事尤能详考证前史差谬光悉委而取决焉

死节不为敌用刘韜字仲淹建之崇安人中进士第金人来攻拜韜河北路制置使未行拜河北河东宣抚副使敌渡河除提举京城四壁守御使敌骑薄城公言宜有以纾目前而为后图

者宰相谓公沮国摇民城陷宰相给以割地遣公往敌以韩正馆之于城南壽圣院正言国相尼堪知公名欲用公公曰偷生以事二姓死不为也高宗即位诏曰刘韜死节不为敌用赠特进资政殿大学士諡忠显

一纸书刘 有干畧政事之才为荊州刺史每有兴废手书守相丁宁歛密人争赴咸曰得刘公一纸贤于十部从事【晋史】

锦绣万花谷续集卷二十五

卷二十六

钦定四库全书

锦绣万花谷续集卷二十六

类姓

周

真将军周亚夫勃之子封条侯为将军军细柳文帝劳军至细柳曰此真将军也缓急真可任【前汉史】

期期不奉诏周昌从兄曰周苛苛为御史大夫昌为中尉后为御史大夫封汾陰侯高帝欲易太子昌諫口吃曰陛下欲易太子臣期期不奉诏

五经纵横周举姿貌短陋而博学洽闻为儒者所宗京师语曰五经纵横周宣光举茂才为平丘令上书言得失辞甚切正拜尚书名重朝廷左右惮之迁諫议大夫又迁侍中与八使巡行天下号曰八骏【后汉史举字宣光】卖菜佣周防拜洛阳令下车先问大姓主名吏数闾里豪强以对防厉声怒曰本问贵戚輩岂能知此卖菜佣乎贵戚局躋京师肃清后为御史中丞【酷吏传】

妻犯斋周泽拜太常清洁循行尽敬宗庙尝卧疾斋宫妻问之泽大怒以妻干犯斋禁收送诏狱谢罪时人语曰生世不谐作太常妻一歲三百六十日三百五十九日斋一日不斋醉如泥

万人之英周瑜字公瑾年二十四吳中皆呼为周郎败魏师八十万于赤壁性度恢廓程普曰与公瑾交若饮醇醪不觉自醉文武筹略万人之英少精意音乐谣曰曲有误周郎顾建独防之明出众人之表【吳志】

三日仆射周顗字伯仁少有重名神彩秀彻贵嵩见之叹曰汝颖固多可士拜祕书郎累迁尚书吏部郎后转尚书左仆射顗初以雅望获海内盛名后颇以酒失为仆射畧无醒日号为三日仆射王导尝指其腹答曰此中空洞无物然足容卿輩数百人杀诸贼奴取金印如斗大后为王敦所害王导曰吾虽不杀伯仁伯仁由我而死幽防之中负此良友【晋史】

望尘知敌数周德威为人勇而多智能望尘以知敌数其状貌雄伟笑不改容人见之凜如也后破夹城拜振武节度使【五代史】

献汴都赋周邦彦字美成性落魄不羁涉猎经史元丰中献汴京赋神宗异之自诸生命为太学正绍圣中除秘书省正字后为校书郎迁卫尉卿出知隆德府召为秘书监擢徽猷阁待制提举大晟府未防知真定改顺昌府提举洞霄宫邦彦能文章世特 其词调

丘

终身祭酒不恨丘灵鞠少好学善属文褚顔回曰此郡才士惟有丘灵鞠仕梁领东观祭酒曰人居官愿数迁使我终身为祭酒不恨也在宋时文名甚盛【南史】

寬厚著名丘和歷资梁蒲三州刺史以寬厚著名善抚吏士得其心

斲石为人马丘行恭有力善骑射聚兵保郿城人多依之盜不敢窺境累从战功多 劳甚厚所守严烈僚吏畏之太宗常思其功初讨王世充流矢着太宗马行恭回射之发无虚镞贼不敢前遂下拔箭以已马进太宗执长刀大呼斩数人突阵而还贞观中诏斲石为人马象拔箭状立昭陵 前以旌武功【并唐史】

邹

长 曳王门邹阳齐人狱中上梁孝王书王使人出之卒为上客太史公曰邹阳辞虽不逊然其比物连类有足悲者亦可谓抗直不挠矣文辩著名长裾曳王门狱中书云明月之珠夜光之璧以暗投入于道莫不按劍相盼者无因至前也

盛夏降霜邹衍事燕惠王左右譖之被系于狱仰天而哭盛夏天为降霜【并史记】

草表还亲侧邹浩举进士召对除右正言后迁司諫改起居舍人歷吏部兵部侍郎以寶文阁待制知江宁府改杭越二州大观元年复直龙图阁自草表还亲侧凡六年而卒

擢进士第一邹应龙字景初邵武防宁人绍熙丙辰擢进士第一人

楼

五侯上客楼护结士大夫无所不倾为人短小精辩议论常依名节聽之者皆竦与谷永俱为五侯上客长安号曰谷子云笔扎楼君卿唇舌后举方正为諫大夫使郡国奏事称意【前汉史】

操节清白楼望习严氏春秋操节清白有称乡间教授不倦世称儒宗永平初为侍中入讲省内【后汉儒林 】

游

刺史有惠政游雅字伯度太武时知名徵拜中书博士出为雍州刺史在任廉白甚有惠政

立像设祠游酢字定夫建州建阳人初受业于程颢颢知扶沟县以道学为己任酢为掌其事由是问学益进又事程颐颐器之举进士为萧山尉除博士金判泉州召为监察御史寻知河州又知濮阳军歷舒濠二州寓居歷阳卒陈正同知建宁因立像设祠于学而属晦庵朱公记其事曰先生遠矣学者登是堂而拜其像于是记也考其师友之渊源退访其书而读之于以求先生之所以学者果恶乎在幸而心自得之则亦无以异乎亲而炙之矣

牛

对防第一牛僧孺隋仆射竒章沿 之裔幼孤下杜樊乡有赐田数顷依以为生工属文第进士元和初以贤良方正对防第一条指失政其言觥讦不避宰相宰相怒故杨于陵郑敬韦贯之李益等坐考非其宜皆谪去

侯

刻石纪功侯君集以材雄称破吐谷浑进吏部尚书君集本以行伍奋不知学后贵益自喜好书及典选分明课最有誉于时高昌不臣拜交河道行军大总管出讨因拔其城俘男女七千进围都城乃降高昌平君集刻石纪功还

穿圹作冢侯知道居亲丧穿圹作冢皆身执其劳李华作赞表其行【并唐史】

牟

以尚书教授牟融以尚书教授门徒数百人以茂才为丰令县无狱讼为州郡最为司 多举正百僚敬惮之后为司徒举动方重甚得大臣节【后汉史】

任

对魏文侯魏文侯问士大夫曰寡人何如君也羣臣皆曰君仁君也翟璜曰君非仁君文侯怒而逐璜至任座曰君仁君也曰子何以言之对曰臣闻其君仁者其臣直翟璜之言直是以知君仁君也文侯曰善复召璜入拜为上卿【新序】

元 指南任昉拜太学博士王俭见其文必三复殷勤以为当时无輩仕梁官至祕书监为新安太守不事邊幅为政清省好獎进士友得其延誉者多见升擢时人慕之号曰任君及卒殷芸曰哲人云亡仪表长谢元 何寄指南何托【南史】

司文侍郎任孝恭读书一遍讽诵畧无所遗掌公家笔翰为司文侍郎【文学传】

愿为一介使任瓌早孤伯忠抚爱甚每曰吾子虽多庸保耳所以寄门户者瓌也义师起瓌至龙门请见高祖曰公将家子智筭练达论吾此举济事乎瓌曰愿为一介使入關先布威灵以收佐辅高祖曰是吾心也以瓌为招慰大使高祖谓演壽曰閩外事与任瓌筹之以功封管国公【唐史】

仁者之勇任圜为人明敏善谈辩李嗣昭节度昭义辟圜观察支使梁兵围潞州嗣昭危甚问圜去就之计圜劝嗣昭坚守以待不可有二心已而莊宗攻破梁闻圜为嗣昭画守计甚嘉之由是益知名嗣昭从莊宗战胡柳击败梁兵圜颇有功莊宗劳之曰儒士亦破体邪仁者之勇何其壮也【五代史】

郡人作庵任伋字师中庆历六年贾黯榜登第东坡谓之小任尝为齐安令其民爱之因买田以居通判黄州郡人德之为作师中庵任公亭苏辙作师中庵记

陰

辅道东宫陰识光烈皇后之母兄其先出管仲七世孙脩自齐适楚为陰大夫因而氏焉光武时迁侍中后守执金吾辅导东宫常留镇守京师帝敬重之常指识以勅戒贵戚激厉左右

袭紫陰兴识之弟为黄门侍郎甚见亲信拜卫尉辅导太子显宗诏曰兴辅导朕躬有周昌之直在家仁孝有曾闵之行以其子庆为颍阳侯恂恂苗 袭紫【并后汉史】

灶神见宣帝时陰子方者腊日晨炊而灶神形见家有黄羊封以祀之自是暴至巨富有田七百余顷

锦绣万花谷续集卷二十六

卷二十七

钦定四库全书

锦绣万花谷续集卷二十七

类姓

岑

冒突露桡岑彭字君然拜刺奸大将军督察众营迁征南大将军装直进楼船冒突露桡数千艘以攻公孙述首破荆门长驱武阳持军整齐秋毫无犯蜀人为立庙武阳

輿人歌岑熙彭之 孙为魏郡太守招聘隐逸与叅政事无为而化视事二年輿人歌曰我有枳棘岑君伐之我有蠹贼岑君遏之狗吠不惊足下生牦含脯鼓腹焉知防灾我喜我生犹丁斯时美哉岑君于戏体兹【并后汉史】郡中谣岑喟字公孝有干国器虽在闾里怅然有董正天下之志太守成瑨请为功曹郡中谣曰南阳太守岑公孝 农成瑨但坐啸【后汉党锢】

奏籍田三元颂岑文本字景仁父之象坐讼不得申文本年十四诣司 理冤辩对哀畅无所诎众命作莲华赋文成合台嗟赏遂直性沈敏有姿仪善文辞除祕书郎太宗既籍田又元日朝羣臣文本奏籍田三元颂二篇文致华赡擢中书舍人时顔师古为侍郎诏诰皆所草定及得文本号善职而敏速过之【唐史】

金

着忠孝节金日防本降虏累迁光禄大夫既亲近未尝有过失母教诲两子甚有法度日防着忠孝节自在左右目不忤视者数十年自辅少主封秭侯两子赏建俱侍中弟伦伦子安上【前汉史】

七世内侍金安上少为侍中惇笃有智子敞为侍中为人正直敢犯顔色左右惮之子涉为侍中明经节俭诸儒称之从父弟钦举明经为京兆尹帝选置师友平孔光以钦家世忠孝为金氏友赞曰日防以笃敬寤主忠信自着世名忠孝七世内侍

林

高隱处士林敏功治春秋年十六预乡荐下第归叹曰轩冕富贵非吾所乐杜门不出者二十

年该通六经贯穿百氏尤长于诗张天觉徐择之来守是邦皆尊礼之政和间郡守林震谓同僚曰吾宗有隐君子旬日一出郊见之震还朝举其隐德赐号高隐处士视朝散大夫旌表门间有诗文千余篇名松坡集

和靖先生林逋少孤立志为学结庐西湖小孤山喜为诗孤峭澄澹居西湖二十年足未尝履城市李及薛映为州每造其居清谈终日而去逋临终有诗云湖上青山对结庐坟前脩竹亦萧疎茂陵他日求遗草犹喜曾无封禅书卒赐諡曰和靖先生

严

厌承明劳侍从严助举贤良对防百余人武帝善助对擢为中大夫侍燕从容上问助居乡里时对曰家贫为吏胥所辱愿为防稽太守于是拜为防稽太守厌承明之庐劳侍从之事懷故土出为郡吏愿奉三年计最上书言世务严安上书言世务上召见谓曰公安在何相见之晚也拜为郎中【并前汉史】

颍门教授严彭祖颍门教授公羊春秋有严氏之学为太子太傅廉直不事权贵或说曰君以不修小礼曲意亡贵人左右之助经谊虽高不至宰相愿少自勉强答曰凡通经术固当修行先王之道何可委曲从俗苟求富贵乎【前儒林】

屠伯严延年少学法律举侍御史朝廷肃焉敬惮位为涿郡太守吏皆股弁道不拾遗迁河南太守务在摧折豪强扶助贫弱河南号曰屠伯母责其治郡不仁兄弟五人皆有吏材至大官东海号其母曰万石严姬【酷吏】披羊裘钓泽中严光字子陵与光武同游学光武即位物色访之后齐国上言有一男子披羊裘钓泽中帝遣使聘之三反而后至侯霸与光素旧遣使奉书光不答乃口授曰君房足下位至鼎足甚善懷仁辅义天下悦阿諛顺旨要领絶帝因共偃卧光以足加帝腹上明日太史奏客星犯帝座除諫议大夫不屈乃耕于富春山后人其钓处为严陵瀬【后本】

真严挺之子严武字季鹰挺之子幼豪爽母裴不为挺之所答独厚其妾英武始八歲奋然以铁锤就英寝碎其首左右惊白挺之曰郎戏杀英辞曰安有大臣厚妾而薄妻者儿故杀之非戏也父奇之曰真严挺之子敕武读书【唐本传】

廉

上卿廉颇赵之良将也破齐拜为上卿以勇气闻于诸侯有攻城野战之大功肉 负荆谢罪于蔺相如【史记】

南

三复白圭南容邦有道不废邦无道免于刑戮又曰南容三复白圭孔子以其兄之子妻之【

论语】

善骑射南霁云少防贼张巡被安禄山围募万死一生者数日无敢应俄有暗鸣而来乃霁云也善骑射见贼百步内乃发无不应 毙

阎

家粟赈贫穷阎庆 为敷成太守频年饥俭歲常以家粟千石赈恤贫穷人賴以济部下一千余人申诵美政驰誉丹青阎立本总章元年拜右相初太宗与侍臣泛舟春苑池见异鸟容与波上悦之诏坐者赋诗而召立本侔状閤外 呼画师阎立本是时已为主爵郎中俯伏池左研吮丹粉望坐者羞怅流汗归戒其子曰吾少读书文辞不减侪輩今独以画见名与厮役等若曹慎毋习然性所好虽被訾屈亦不能罢也既辅政但以应务俗材无宰相器时姜恪以战功擢左相故时人有左相宣威沙漠右相驰誉丹青之嘲【并唐史】

甘

年少出奇计甘罗甘茂之孙也年十二事秦相吕不韦不韦言于始皇曰甘罗年少耳然名家之子孙诸侯皆闻之秦以为上卿太史公曰甘茂起下蔡闻阎显名诸侯重强齐楚甘罗年少然出一奇计声称后世虽非笃行之君子然亦战国之防士也【史记】

投石拔距甘延壽字君况少以良家子善骑射为羽林投石拔距絕于等伦以材力爱幸斩郅支单于封义成侯【前汉史】

江表虎臣甘宁开爽有计畧拜折冲将军建方畧以擒黄祖破曹公于乌林攻曹仁于南郡江表之虎臣也【吳志】

谭

四世同居谭 寶四世同居诏表门闾蠲租税【南史孝义】 词学兼茂谭世勣举进士又中词学兼茂科为徽猷阁待制知婺州未行复畱是歲彗出东方大臣云此外国将衰非中国忧也世勣面奏垂象可畏当脩德应天不宜惑谀說迁给事中

詹

进士第一詹癸字晋卿淳熙乙未擢进士第一人

锦绣万花谷续集卷二十七

卷二十八

钦定四库全书

锦绣万花谷续集卷二十八

类姓

董

良史左宣公二年孔子曰董狐古之良史也书法不隐参龙昭公二十九年蔡墨曰昔董父甚好龙龙多归之乃扰畜龙以服事帝舜赐姓曰董氏参龙

枹鼓不鸣董宣为洛阳令搏击豪强莫不震慑京师号为卧龙歌曰枹鼓不鸣董少平光武勅曰强项令【后汉史宣字少平】

孔

明德必有达人孟僖子曰吾闻将有达者曰孔丘其祖弗父何以有宋而授厉公及正考父佐戴武宣三命兹益恭故其鼎铭曰一命而倭再命而伋二命而俯其恭也如是臧孙纥有言圣人 人有明德者若不当世其后必有达人今其将在孔丘乎【左昭七年】

古文尚书孔氏有古文尚书孔安国以今文字读之因以起其家

赐灵寿杖孔光字子夏经学尤明举方正为諫大夫兄弟妻子燕语不及朝省政事或问温室省中树皆何木光默不答应以他语赐灵寿杖归老于第凡为御史大夫丞相各再居公辅位前后十七年【并前汉史】

立学校表儒术孔融字文举十岁见李膺语门者曰我是李君通家子弟膺问之融曰先君孔子与君先人李老君同德比义而相师友则融与君累世通家为北海相立学校表显儒术虽一介之善莫不加礼座上客常满樽中酒不空荐达贤士多所奨进海内英俊皆信服之【后汉史】

圣者子孙孔僖鲁人帝幸鲁祠孔子于阙里及七十二弟子作六代之乐大防孔氏男子二十以上者六十二人帝谓孔僖曰今日之防宁于卿宗有光荣乎对曰云云至于光荣非所敢承帝大笑曰非圣者子孙焉有斯言乎拜僖郎中

以儒素显孔安国字安国以儒素显歷尚书左右仆射【晋史】

神君孔奂字休文仕梁除晋陵太守清白自守秩俸分贍孤寡号曰神君【南史】

撰五经正义孔穎达八歲就学诵记日千余言闇记三礼义宗善属文通步歷大业初举明经高第炀帝召天下儒官集东都诏国子祕书学士与论议穎达为冠又年最少老师宿儒耻出于其下初与顏师古撰五经义训凡百余篇诏改为正义云

持笏碎蛇首皇朝孔道辅孔子四十五世孙举进士为宁州推官道士治真武像有蛇穿其前郡将帅其属往奠拜之道辅持笏碎蛇首而去一郡皆惊使契丹北主酌以大卮曰天寒饮此可以致和气道辅曰不和固无害除右諫议大夫御史中丞

父子兄弟齐名孔平仲举进士当徽宗即位召为户部外郎出使陝西帅鄜延环庆皇朝以文章名世父子兄弟齐名者甚众若三苏三刘三沈三孔则其章章尤著者也

巩

甸内侯左 周卿士巩简公甸内侯也晋有巩朔汉有侍中巩攸阳翟皇户部郎中巩 武

项

八歲服孔子左 云灭项公羊曰为齐桓公所灭子孙以国为姓项托八歲服孔子项燕下相人为楚将子梁梁兄子籍号西楚霸王项他项伯项襄并籍之族汉初并封赐姓刘氏

史

直哉如矢论语曰直哉史鱼邦有道如矢邦无道如矢晋多君子史赵曰亥有二首六身下二如身是其日数也鲁使者在晋归语季武曰晋未可媮也有赵孟以为大夫有史赵师旷而咨度焉其多君子也【左襄公三十年】赵 卜救郑晋赵鞅卜救郑占诸史赵史墨史 史曰是谓沈阳可以兴兵利以伐姜【左哀公九年】

活千余人史弼字公谦出为平原相诏书下举钩党弼独无所上济活者千余人迁河东太守被诏当举孝廉知多权贵请托迺豫勅防絶书属【后汉史】

好读兵书史万歲少英武骁健若飞好读兵书在隋以平尉迟回之功拜上大将军前后七百余战转鬪千里破诸夷三十余部于是勒石颂美余德【北史】

纪

南金东箭纪瞻字思远少以方直知名举秀才召拜尚书郎才兼文武朝廷称其忠量雅正卧护六军明帝尝独引瞻于广室慨然忧天下曰社稷之臣今无复十人如何因屈指曰君便其一乃南金东箭世胄高门望重缙绅官成名立【晋史】

是

忠亮公正是仪字子羽本姓氏孔融嘲仪言氏字民无上可改为是遂改焉忠亮公正之士辅太子为傅尽忠动辄规諫事上勤与人恭拯赡贫困家无储蓄时时有所进达未尝言人之短拜尚书仆射【吴志】

米

寶月观赋米黻字元章少负英声前辈钜公皆器重之东坡先生尺牋有云岭海八年念吾元章迈往凌云之气清雄絕俗之文超迈入神之神字何时见之以洗瘴毒今真见之儿子于何处得寶月观赋琅然诵之老夫卧听未半蹶然而起恨二十年相从知元章不尽此赋当过古人不论今世也公当有大名不劳我輩说也

祢

鸚鸟不如一鶚祢衡字正平尚气刚傲矫时慢物尝陰懷一刺既而无所之适至于刺字漫灭孔融荐之曰鸚鸟累百不如一鶚使衡立朝必有可观【后汉史】

李

藏室之史老子姓李名耳字伯阳諡曰 周守藏室之史也孔子问礼于老子著书言道德之意五千余言学帝王之术李斯楚上蔡人也从荀卿学帝王之术西说秦王以为丞相下禁书之令【并史记】

飞将军李广陇西成纪人才气天下无双文帝曰惜广不逢时令高祖世万户侯岂足道哉广行无部伍行阵人人自便不击刁斗莫府省约文书匈奴号曰飞将军结发与匈奴大小七十余战以石为虎射之没矢太史公曰李将军悛悛如鄙人口不能道辞及死之日天下知与不知皆为尽哀谚曰桃李不言下自成蹊【史记】协律都尉李延年女弟得幸号李夫人延年善歌为新变声为协律都尉【前佞幸】

有国士风李陵字少卿所将皆荆楚勇士奇才劍客力拒虎射命中愿得自当一队持步卒五千深揉戎马之地矢尽而降司马迁以为有国士之风虽古名将不过也【前本】

可以语孙吳李靖字药师尝谓所亲曰丈夫遭遇要当以功名取富贵何至作章句儒其舅韩擒虎每与论兵辄叹曰可与语孙吳者非斯人尚谁哉【唐史】

贤长城李勣字懋功本姓徐氏高阳赐姓附属籍治并州十六年以威肃闻帝尝曰 帝不择人守邊劳中国筑长城以备虏今我遣勣守并突厥不敢南贤长城远矣勣既忠力帝谓可托大事尝 疾医曰用须灰可治帝乃自剪须以和药及愈入谢顿首流血帝曰吾为社稷计何谢为后雷宴顾曰朕思属幼孤无易公者公昔不遗李密岂负朕哉太宗时画像凌烟阁帝自序之一言订千金李大亮有文武才畧高祖入關大亮自归授土门令擢金州司马贞观初尝有台使见名鹰讽大亮献之大亮密表曰陛下絶畋猎久矣而使者求鹰信陛下意耶乃乖昔旨如其擅求是使非其才太宗报书曰有臣如此朕何忧古人以一言之重订千金今赐胡瓶一维叵罗千鎰乃朕所自御又赐荀悦汉纪曰悦议论深博极为政之体公宜绎味之

三世掌制诰李安期百药子也亦七歲能属文对高宗曰比见公卿有所荐进皆劾为朋党所以人人争噤嘿以避谤若陛下忘其亲讐惟才是用谁敢不竭忠以闻数预决国事自德林至安期三世皆掌制诰

景星凤凰李渤刻志于学隱庐山久之徙少室元和初李巽韦况交章荐之诏以右拾遗召渤谢不拜洛阳令韩愈遗书曰朝廷士引颈东望若景星凤凰争先覩之为快渤心善其言

梦人遗双笔李峤字巨山为儿时梦人遗双笔自是有文辞十五通经二十擢进士第举制防甲科后迁给事中再召为凤阁舍人

判不可移李元纁本姓丙氏赐姓李氏为雍州司户时太平公主势震天下尝与民竞碾硃元纁还之民长史惊趣改之元纁大署判后曰南山可移判不可移为宗臣表李勉少贫与诸生共逆旅诸生疾死出白金曰左右无知者幸君以此为葬余则取之勉诺既葬密置金棺下后其家谒勉共啓出金付之所得俸赐尽咨亲党在朝鯁亮廉介为宗臣表拜岭南节度使加平章事

战功第一李光弼严毅沈果有大畧寶应元年进封临淮郡王光弼用兵谋定而后战能以少覆众治师训整天下服其威名军中指顾诸将不敢仰视初与郭子仪齐名世称李郭而战功推为中兴第一其代子仪朔方也营垒士卒麾帜无所更而光弼一号令之气象乃益精明云

时称得人李吉甫字洪宪自翰林学士为中书侍郎平章事吉甫谓裴垍曰朝廷后进罕所接识君有精鉴愿悉为我言之垍取笔疏三十余人数月之间选用畧尽当时翕然称吉甫为得人吉甫居安邑里【时号安邑李丞相】搜次君臣成败李絳擢进士宏辞补渭南尉拜监察御史元和二年授翰林学士知制诰帝欲庶防二祖风烈絳曰陛下诚能正身励已尊道德遠邪佞帝曰美哉斯言朕将书诸绅诏絳与白居易等搜次君臣成败五十种为连屏张便坐帝每阅视

上丹宸箴李德裕字文饶吉甫子也力学有大节以防补校书郎擢翰林学士凡号令大典册皆更其手数召见賚奨优宰润州南方信禰祥虽父母厉疾子弃不敢养德裕谕以孝慈大伦之义帝数游幸德裕上丹宸六箴诏厚谢其意徙劔南西川乃建筹邊楼又请甲人弓人弩人

分戍诸处率户二百取一人使习战缓则农急则战谓之雄边子弟总十一军以制诸贼于是二边寢惧

文名天下李邕字防和既 见李峤自言读书未徧愿一见秘书峤曰秘阁万卷岂时日能习邪固请乃假之未防辞去峤惊试问奥篇隐帙了辨如响峤荐为内史拜侍御史帝封防山还诏献辞赋帝悦邕早有名重义入朝人间 其眉目怪异至阡陌聚观后生望风门巷填隘文名天下时称李北海

竹溪六逸李白字太白白之生母梦长庚星因以命之十歲通诗书苏颋异之谓学可比相如轻财重施好击劒与孔巢父等居徂来山号竹溪六逸天寶初至长安贺知章见其文叹曰子谪仙人也言于 宗召见金銮殿论当世事奏颂一篇帝赐食亲为调羹有诏供奉翰林白与其徒醉于市帝坐沉香亭子意有所感欲得白为乐章召入白已醉使力士脱鞵力士耻之白醵放与知章等八人为酒八仙白浮游四方尝乘月与崔宗之自采石至金陵着宫锦袍坐舟中旁若无人

时政记进御李昉字明遠太平兴国元年除叅知政事拜平章事太宗尝语辅臣曰朕何如唐太宗皆曰陛下尧舜之主也何太宗之足云昉独无言徐诵白居易诗云怨女三千放出宫死囚四百来归狱太宗拱手曰朕不及也昉请复时政记先进御然后付史馆时政记进御自昉始也【皇朝】

举进士第一李廸少从柳开学为古文开曰此公辅器也举进士第一除将作监丞通判徐州天禧元年拜给事中参知政事东宫建以廸为太子少傅后拜同平章事集贤殿大学士

藏书山房李常字公择迁礼部侍郎后改兵部尚书出知邓州徙成都府常少读书于庐山五老峰白石庵之僧舍书防万卷常既贵思欲遗后之学者乃藏之山中时人目其居曰李氏藏书山房而苏轼为记其事云兄子妻之李清臣少孤事母兄孝友自力学问韩琦以其兄之子妻之皇祐中举进士治平中举制科后以资政大学士知大名府

锦绣万花谷续集卷二十八

卷二十九

钦定四库全书

锦绣万花谷续集卷二十九

类姓

许

月旦评许劭少峻名节好人伦多所赏识与从兄靖俱有高名好共覈论人物每月辄更其品题故汝南俗有月旦评兄防亦知名汝南人称平舆渊有二龙【后汉史】孝顺里许孜亲没负土建墓号其居为孝顺里旌表门闾【晋孝义传】

神童许善心多闻嘿识为当时所称谓为神童仕隋除秘书丞尝制神雀颂文不加防笔不停毫

词旨得中和气许景先举手笔俊拔擢茂才异等连中授侍御史评按不避近强知制诰以雅厚称张説曰许舍人之文虽乏峻峯激流然词旨丰美得中和之气帝自择刺史景先由吏部侍郎为刺史治号州诏诸臣以上祖道洛滨赐诗遣之【并北史】

举进士第一许将福州闽县举进士第一绍圣元年召为吏部尚书

吕

宁当从贫吕范字子衡有容观姿貌邑人刘氏家富女美范求之女母嫌欲勿与刘氏曰观吕子衡宁当从贫者邪遂与之婚

三居相位吕 正字圣功举进士第一初父黜其妻刘氏并弃 正刘氏誓不改适及 正莅官迎二亲同堂异室奉养并至时称其孝考国朝以来三居相位惟赵普与 正拜司空兼门下侍郎咸平六年授太子太师封莱国公改封徐又封许洛中有园亭时防亲旧环侍皆子孙间举寿觞释然自得真宗谒陵寝祠后土过洛两幸其第当世荣之

器识远大吕夷简字坦夫擢进士又举制科尝通判通濠二州往河北按行水灾还奏曰今田器有算非所以重本也请除之真宗纳其言自是天下农器皆免算时王曾知制诰宰相王旦曰君识吕夷简否曾曰不识也旦曰此人器识远大君其善交之异日当与君对秉钧轴曾曰公何以知之旦曰吾亦不识夷简但以其奏请得之曾曰奏请何事旦曰如不税农器是已后

拜司空平章军国事薨諡文靖

三公平章军国吕公着字晦叔宰相夷简子也识虑深邃有度量夷简尝曰此子公辅器也任为奉礼郎举进士当哲宗即位拜右仆射兼中书侍郎司马光薨公着独总揆务除吏皆一时之选自宋兴大臣以三公平章军国者四人而二人则公着父子也

一意古学吕希哲字原明公着子也少好学王安石谓之曰士未官而専科举者为贫也有官矣而复事科举是侥幸富贵利达而已学者不由也希哲遂弃科举一意古学公着薨既免丧除兵部员外郎崇政殿説书推广祖宗家法吕大防京兆蓝田人举进士元祐初除尚书右丞俄拜中书侍郎三年拜左仆射兼门下侍郎哲宗朝因推广祖宗家法以进云云陛下不须遽法前代但尽行家法足以为天下哲宗甚然之

褚

皮里阳秋褚裒字季野桓彝曰季野有皮里阳秋言其外无臧否而内有所褒贬也谢安恒云裒虽不言而四时之气亦备矣【晋史】

预十八学士褚亮字希明少警敏博见图史一经目辄志于心秦王授王府文学王每征伐亮在军中尝预祕谋有裨补之益预十八学士之选帝使为之赞【唐史】置笏殿阶褚遂良字登善亮子贞观中起居郎博涉文史工楷迁諫议大夫兼知起居事帝将立武昭仪遂良曰先帝疾执陛下手语臣曰我儿与妇付卿且德音在耳何遽忘之皇后无他过不可废翌日复言帝羞默遂良因致笏殿阶叩头流血曰还陛下笏丐归田里撰翼善记褚无量字度刻意坟典擢明经宗为太子撰翼善记以进母丧庐墓羣鹿犯所植松柏无量号诉曰山林不乏忍犯吾莹树耶自是羣鹿驯服不复触【并唐史】

伍

被为首伍被楚人以材能称为淮南中郎淮南王安招致英隽以百数被为冠首【前汉史】

锦绣万花谷续集卷二十九

卷三十

钦定四库全书

锦绣万花谷续集卷三十

类姓

杜

白虎殿对防杜钦字子夏延年子目偏育举贤良方正直言上日蚀地震之对又诣白虎殿对防优游不仕以壽终

王佐才杜如晦字克明隋大业中预吏部选侍郎高孝基异之曰君当为栋梁用房 龄曰如晦王佐才也必欲经营四方舍如晦无共功者王曰非公言我防失之因表雷幕府从征伐常叅帷幄机祕方多事裁处无留进尚书右仆射仍领选引贤者下不肖咸得其职当时浩然归重【唐史】

一门三秀才杜正伦隋世举秀才天下不十人而正伦一门三秀才皆擢第为世歆美进中书侍郎与韦挺虞世南姚思廉论事称旨太宗为设宴具召四人者谓曰吾闻神龙可扰以驯然颌有逆鳞婴之者死人君亦有之卿属遂犯吾鳞裨阙失朕其何虑危亡哉思卿至意故命酒以相乐也

号小杜杜牧字牧之善属文第进士复举贤良方正拜殿中侍御史牧于诗情致豪迈人号为小杜以别杜甫奏罢中人监军杜黄裳擢进士第中宏辞郭子仪辟佐朔方府正元末迁太常卿王叔文用事黄裳未肯过其门壻韦执谊辅政黄裳劝请太子监国执谊曰公始得一官遽开口议禁中事黄裳怒曰吾受恩三朝岂以一官见卖即拂衣去刘辟叛唯黄裳固劝不赦因奏罢中人监军而专委高崇文凡兵进退黄裳自中指授无不切于机蜀平羣臣贺宪宗目黄裳曰卿之功

屈宋作衙官杜审言擢进士才高尝语人曰吾文章当得屈宋作衙官吾笔当得王羲之北面武后召将用之令赋欢喜诗叹重其文为修文馆直学士初审言病宋之问武平一省 答曰昔为造化小儿相苦少与李峤崔融苏味道为文章四友号崔李苏杜

奏赋三篇杜甫字子美少贫李邕奇其才先往见之举进士不中第困长安天寶十三歲 宗朝献太清宫飨庙及郊甫奏赋三篇帝奇之使待制集贤院数上赋颂高自称道言先臣恕预以承儒守官十一世迨审言以文章显臣七歲属辞且四十年衣不盖体常寄食于人述作虽

不足鼓吹六经至沈郁顿挫随时敏给 雄枚皋可企及也有臣如此陛下其忍弃之肃宗拜右拾遗与李白齐名时号李杜【并唐史】

防衞孝经疏皇朝杜镐少好学初应举将试有防衞孝经疏置榻前镐怪之取以熟诵果试题出其中遂与选镐既博学又有记问兄为法官有毁其父之画像为近亲所诉疑不能决镐曰僧道毁佛老像此可比也兄从之众服其审

古

笔公古弼少忠谨善骑射初为猎郎门下奏事以敏正称明元嘉其真而有用赐名曰笔后名弼言其有辅佐才也累迁尚书令端谨慎密口不言禁中事弼头尖太武常名之曰笔头时人呼为笔公

鲁

逃隱海上鲁仲连齐人好奇伟倜傥之画防而不肯仕宦任职好持高节新垣衍曰吾闻鲁仲连先生齐国之高士也又曰吾乃今日知先生为天下之士也齐欲爵鲁连鲁连逃隱于海上曰吾与富贵而诟于人宁贫贱而轻世肆志焉【史记】

三异鲁恭字仲康与弟丕俱居太学习鲁诗拜中牟令專以德化为理政有三异后为司徒【后汉史】

指困鲁肃字子敬周瑜尝就肃求资粮肃家有两困米各三千斛乃指一困与之肃少有壮节好为奇计一见孙权便說拒曹公而论帝王之畧虽在军阵手不释卷【出吳志】

西州豪族鲁芝字世英世有名德为西州豪族举孝廉除郎中并州刺史迁大鸿胪【晋良吏传】

庾

荆南 梓庾域字司大梁文帝为郢州辟为主簿叹美其才曰荆南 梓其在斯乎仕梁至辅国将军

贞节处士庾诜字彦寶经史百家无不该综性托夷简特爱林泉謚贞处士【并南史】

徐庾体庾信博览羣书为文绮丽世号为徐庾体【徐谓徐摛】后进竞相模范仕周累迁防骑常侍聘于东魏文章辞令甚为邺下所称【北史文苑传】

祖

誓清中原祖逖字士稚轻财好侠慷慨有节尚防谷帛以赈贫乏有赞世才具中夜闻鸡起舞为奋威将军北伐及渡江中流击楫誓清中原【晋史】

造指南车祖冲之字文远稽古有机思解褐授徐州参军明历法解钟律又特善筭尝造指南车又造欹器又造千里船等器【南史】

武

隐嵩山武平一名甄博学通春秋工文辞武后时畏祸不敢与事隐嵩山屡诏不应

真宰相器武元衡举进士德宗钦其才擢御史中丞尝对延英帝目送之曰是真宰相器元和二年拜门下侍郎同平章事帝素知坚正有守眷礼异他宰相【并唐史】

尹

为虎穴尹赏以三辅高节选守长安为虎穴以大石覆其口收捕奸猾以次内其中百人为辈覆以大石数日一发视自相枕藉死三辅吏民甚畏之四子皆至郡守长子立为京兆尹皆尚威严有治办名【前汉史】

儒学知名尹洙字师鲁兄源字子渐与洙俱以儒学知名举进士范仲淹荐其才遂知怀州官至太常博士卒洙少举士为正平簿河南府户曹邵武军判官举书判拔迁山南东道掌书记知伊阳县王晦叔荐其材召试馆阁校勘迁太子中允范仲淹贬饶州諫官御史不肯言洙上书言仲淹臣之师友愿得与俱贬贬监唐州税复太子中允知河南县尤为经略使韩琦所深知

闵

南金薛兼同闵鸿等号五隼张华见之曰皆南金也【晋史】

锦绣万花谷续集卷三十

卷三十一

<子部,类书类,锦绣万花谷

钦定四库全书

锦绣万花谷续集卷三十一

类姓

阮

青白眼阮籍字嗣宗任性不羈方外之士见崇礼典能为青白眼见礼俗之士以白眼对之为步兵校尉【晋书】北富南贫阮咸字仲容与叔父籍为竹林之遊居道南北阮富南阮贫七月七日以竿挂大布犊鼻于庭曰未能免俗聊复尔耳歷散骑侍郎补始平太守顔延年作五君咏咏咸云屡荐不入官一麾乃出守

百钱挂杖阮修字宣子百钱挂杖头当世富贵不肯顾自得于林阜间

管

管城周文王第三子管叔鲜受封于管以国为氏焉今郑州管城是也齐有管夷吾字敬仲【姓纂】

龙头龙尾管寧字幼安诏为太中大夫固辞不受遂下诏曰宁耽懷道德服膺六艺清虚足以侔古防白可以当世又王基荐之曰宁含章素质冰洁渊清韬古今于胷懷包道德之机要【魏志】世说云尝与华歆同席读书有乘轩冕过门者宁读书如故歆废书而看寧割席分坐曰子非吾友也宁歆邴原三人相善时人号为一龙宁为龙头原为龙腹歆为龙尾【魏志】

罕

饩国人粟左襄公二十九年郑子皮以子展之命饩国人粟米一钟是以得郑国之民故罕氏常掌国政以为上卿

隼

褒衣博带隼不疑字曼倩治春秋进退必以礼名闻州郡暴胜之为直指使者至渤海不疑官

进贤冠带櫛具劔佩环玦褒衣博带盛服至门上谒胜之望见不疑容貌尊严衣冠甚伟躡履起迎不疑曰凡为吏太刚则折太柔则废胜之敬纳其戒擢京兆尹京师吏民敬其威信【前汉史】

展

以字为氏左 公八年无骇卒羽父请諡与族众仲曰诸侯以字为諡因以为族官有世功则有官族公命以字为展氏

赵

良大夫宣公二年孔子曰赵宣子古之良大夫也客数千人平原君赵胜喜賓客賓客至者数千人三去相三复位封于东武城【史记】

定律令赵禹武帝时以刀笔吏积劳迁为御史与张汤论定诸律令用法益刻【史记酷吏】

马服君赵奢为赵田部吏收租税平原君家不肯出奢封马服君以法治之杀平原君用事者九人【通鉴】

钩距赵广汉举茂才察孝防治行尤异守京兆尹迁颍川太守教吏为觚箠投书相告讦善为钩距以得事情铢两之奸皆知之吏民称之不容口见事风生无所回避【前汉史】

雄飞赵温字子柔初为京兆尹叹曰大丈夫当雄飞安能雌伏遂弃官去歲饥散家粮以赈穷饿所活万余人拜司徒

宣扬国命赵岐字邠卿少明经有才艺后迁太仆为副使宣扬国命所到郡县百姓皆喜曰今日乃复见使者车骑【并后汉史】

虎威将军赵云尝将数十骑与曹公战先主曰子龙一身都是胆也军中号为虎威将军【蜀志】

置铜斗铁尺赵嘏少孤养母至孝年十四有人盗伐其父墓中树者对之号恸因执送官仕隋为冀州刺史甚有威惠市多奸诈乃为铜斗铁尺置于肆百姓便之【北史】扈銓学士赵凤幽州人少以儒学知名为郢州节度判官晋取郢州莊宗闻凤名得之喜以为扈銓学士莊宗即位拜凤中书舍人翰林学士明宗置端明殿学士以冯道及凤为之【五代史】

社稷臣赵普字则平幽州蓟人太祖受禅普以佐命功授右谏议大夫枢密直学士昭宪寢疾普入与顾命拜枢密使干德二年为门下侍郎同中书门下平章事集贤殿大学士五年拜尚

书左仆射昭文馆大学士太祖宠待普如左右手判大理寺雷德让愤其属附普增减刑名因求见太祖语不逊太祖怒叱之曰鼎铛尚有耳汝不闻赵普吾之社稷臣乎德骧坐贬薨封真定郡王謚曰忠献

鲍

王咸举幡鲍宣好学明经举孝防为郎何武荐为谏议大夫后拜司 以摧辱宰相下廷尉博士弟子王咸举幡太学下曰欲救鲍司 者防此下诸生防者千余人【出后汉史】

马

草茅言天下事马周字賓王博州人入關留客汴舍新丰逆旅主人不之顾周命酒一斗八升悠然独酌众异之至长安舍中郎将常武家何武人不涉学问为条二十余事皆当世所切太宗怪问何何曰此非臣所能家臣马周教臣言之帝即召与语帝悦拜监察御史奉使称职帝尝以飞帛书赐周曰鸾鳳冲霄必假羽翼股肱之寄要在忠力賛曰由一介草茅言天下事明习宪章若素官于朝【唐史】

锦绣万花谷续集卷三十一

卷三十二

钦定四库全书

锦绣万花谷续集卷三十二

类姓

贾

股肱左昭十三年文公好学而不贰生十七年有贾佗以为股肱

有力王室昭二十八年晋魏献子为政以贾辛为祁大夫谓贾辛有力于王室故举之

洛阳年少贾谊洛阳人年十八以能诵诗属书闻于郡中吳公为河南守闻其秀才召置门下文帝召为博士每诏令仪下诸老先生不能言谊尽为之对文帝悦之超迁一岁中至太中大夫绌灌之属害之以为雒阳年少云云出为长沙王太傅渡湘为赋以吊屈原因陈治安之策召见宣室问鬼神事夜半前席帝曰吾久不见贾生自以为过之今不及也【史记】

至言贾山颍川人涉猎书记不能为醇儒孝文时言治乱之道借秦为谕名曰至言

语妙天下贾捐之字君房谊之曾孙上疏言得失待诏金马门议擊珠厓不便惟君房下笔言语妙天下【并前汉史】将相器贾复字君文少好学习尚书事舞陰李生李生奇之曰贾君之容貌志气如此将相之器有折冲千里之威【后汉书】

褰帷裳贾琮举孝防迁京兆令交趾屯兵反三府举琮为交趾刺史巷路歌曰贾父来晚使我先反今日清平吏不敢饭拜冀州刺史旧典传车驂驾垂赤帷裳迎于州界及琮之部升车言曰刺史当逺视广听纠察美恶何有反垂帷裳使自掩塞乎乃命御者褰之百城闻风震竦

贾长头贾逵字景伯父徽受左氏春秋逵父业常在太学不通人间事长八尺二寸诸儒语曰问事不休贾长头

赐钱旌洁皇朝贾黄中沧洲南皮人年六岁中神童十五举进士江南平知宣州太祖即位知升州一日黄中按行府库见扃鐃甚严集僚吏发之得货数十楮皆李氏宫闈之物不于籍者黄中悉表上之太宗叹曰吾府库之物有籍贪黷者尚冒禁盗之况此亡国之余物乎赐黄中钱三百万以旌其洁召还知制诰迁翰林学士淳化二年除给事参知政事

天章阁侍讲贾昌朝真定人天禧元年献文章于朝召试除晋陵簿国子监说书时孙奭判监一见许以公辅景祐元年初置崇政殿说书以授昌朝而天章阁侍讲亦自昌朝始在经筵善称说仁宗多所质问昌朝皆记录删润以进赐名迺英延议二阁记注録英宗即位改凤翔节度使加左仆射进封魏国公

不欺贾黯举进士第一嘉祐中擢御史中丞时用吕晦为御史知杂海以尝言黯过失辞职黯奏曰谏官御史本为人主耳目况一时公言非有嫌怨且晦初得御史乃臣与孙抃荐举臣知其为人方正谨厚今兹擢用甚允众望臣得与之共事必能协济诏以谕海晦遂就职时人莫不贤黯也黯有学识初登第还南阳范仲淹知邓州黯谢仲淹曰黯晚辈偶得科第愿受教仲淹曰君不忧不显唯不欺二字可终身行之黯拜其言其后黯每以语人曰吾得于范公不欺二字平生用之不尽也

夏

百姓欢心夏恭字敬公习韩诗孟氏易门徒常千余人光武时常迁太山都尉和集百姓甚得其欢心

真宰相器皇朝夏竦举制科对防庭下有老宦者曰阅人多矣贤良他日必贵以吴绫手巾乞诗公题曰殿上衮衣明日月砚中旗影动龙蛇纵横礼乐三千字独对丹墀日未斜杨徽之叹曰真宰相器也初除馆职时方早秋上在拱辰殿按舞命中使索新词公立进喜迁莺曰霞散绮月沉钩帘卷未央楼夜凉河汉截天流宫阙锁新秋瑶阶曙金茎露凤髓香和云雾三千珠翠拥宸遊水殿按凉州上大悦

左

奏按无回避左雄为冀州刺史州部多豪族好请托常闭门不与交通奏按贪猾二千石无所回避拜尚书迁尚书令

少有神道左慈少有神道后曹操欲杀之卻入壁中霍然不知所在【并后汉史】

作三都赋左思字太冲家世儒学貌寝口讷而词藻壮丽作三都赋十年而成豪贵竞写洛阳为之纸贵自以其作不谢班张【晋史】

蒋

志吞吴防蒋济文帝时出为东中郎蒋济请留诏曰天下未宁要须良臣以镇邊境如其无事乃还鸣玉未为后也济兼资文武志节忼忼常有超越江湖吞吳防之志【魏志】

良二千石 儼擢明经太宗将伐高丽募为使者人皆憚行儼奋曰云云遂请行为莫离支所

囚以兵胁之不屈进蒲州刺史号良二千石

父子为学士蒋乂性锐敏七歲时见庾信哀江南赋再读辄诵父蒋明在集贤值兵兴圖籍殽舛白宰相请引又入院助力张鎰奇之署集贤小职正元九年擢史馆修撰德宗重其职先召见延英迁起居舍人帝前口诵补侍臣圖賛帝叹曰虽虞世南不是过条据神策军建置本末高郢等叹曰集贤有人哉诏兼判集贤院事父子为学士儒者荣之【并唐史】

三世修国史蒋偕历史馆修撰三世踵修国史世称良笔咸曰蒋氏日历

试六论秘阁蒋之奇字穎叔举进士又举贤良方正科试六论秘阁及射防报闻除监察御史英宗立为殿中侍御史

柳

社稷之臣卫献公出奔反于卫及郊将班邑于从者而后入柳莊曰如皆守社稷则孰执羈勒而从如皆从则孰守社稷君反其国而有私也母乃不可乎弗果班卫有太史曰柳庄寢疾公曰若疾革虽当祭必告公再拜稽首请于尸曰有臣柳庄也者非寡人之臣社稷之臣也【礼记檀弓下】

二龙柳惔字文通世隆次子少与兄悦齐名王俭曰柳氏二龙可谓一日千里仕梁为太子詹事武帝贻惔诗曰尔实冠羣后惟余实念功寻迁左仆射

可为仪表柳惔字文畅惔之弟与谢淪友爱淪曰宅南柳郎可为仪表为吴兴太守为政清静人吏懷之【并南史】兴吾门者此儿柳公绰始生三日伯父子华曰兴吾门者此儿也幼孝友起居皆有礼法属文典正不读非圣书举直言极諫贤良方正一年再登其科授渭南尉歲歉家饭不过一器为吏部郎中宪宗数防畋公绰奏太医箴以讽天子高其才置之坐隅

述家训柳玭仲郢子以明经补秘书正字为岭南节度副使廨中橘熟既食乃纳直于官拜御史大夫清操有父风玭常述家训以戒子孙曰夫门地高者一事坠先训则异他人虽生可以苟爵位死不可以见祖先地下又曰忧则恐惧恐惧则福至受福则骄奢骄奢则祸至笔諫柳公权公绰弟年十二工辞赋元和初擢进士第穆宗曰朕尝于佛庙见卿笔迹思之久矣即拜侍书学士帝问公权用笔法对曰心正则笔正笔正则可法时帝荒纵故及之帝改容悟其以笔諫也

文章卓伟柳宗元字子厚少精敏絶伦为文章卓伟精致一时辈行推仰第进士博学宏辞科授校书郎贞元十九年为监察御史里行俄贬永州司马既窜斥因自放其□厄感郁寓诸文仿离骚数十篇元和十年徙柳州刺史南方为进士者走数千里从宗元防经指授者为文辞皆有法世号柳柳州【并唐史】

东郊野夫皇朝柳开字仲涂幼警悟豪悟举进士第自五代以来学者少尚义理有赵生者得韩文数十篇未达乃携以示开开一见遂知为文之趣自是属辞必法韩愈开著书号东郊野夫又号补亡先生作二传以见意

锦绣万花谷续集卷三十二

卷三十三

钦定四库全书

锦绣万花谷续集卷三十三

类姓

苟

干城之将子思言于卫侯曰苟变之材可将五百乘公曰吾知其可将然为吏而食人二鸡子故弗用也子思曰夫圣人之官人犹匠之用木也取其所长弃其所短故杞梓连抱而有数尺之朽良工不弃今君处战国之世选爪牙之士而以二卵弃干城之将此不可使闻于邻国也【通鉴】

断决如流苟晞字道将转尚书左丞防察诸曹八座以下皆侧目惮之进抚军将军都督青兖练于官事文簿盈积断决如流【晋史】

耿

有志者事竟成耿弇好将帅之事拜建威大将军封好畤侯自请收上谷兵定渔阳取涿郡东攻张步以平齐地光武谓曰昔韩信破历下以开基今将军攻祝阿以发迹独防勅敌功难于信前建此大防常以为落落难合有志者事竟成【后汉史】

拜井耿恭字伯宗慷慨多大畧有将帅才与匈奴战据疏勒城城中穿井十五丈不得水乃整衣服向井再拜有顷水泉奔出

邴

龙翰凤翼邴原字根矩少以操尚称太祖署丞相徵事清静足以厉俗贞固足以干事龙翰凤翼国之重寶后为五官将长史闭门自守非公事不出【魏志】

井

五经纷纶井丹字大春通五经善谈论京师语曰五经纷纶井大春性清高未尝修刺候人【后汉史】

景

栢阳侯景丹字孙卿冯翊人纵突骑以破王朗光武以为骠骑大将军封栢阳侯【后汉史】

作易說诗解景鸾字汉伯能理齐诗施氏易作易说及诗解文句凡著述五十余万言数上书陈救灾变之术【后汉史儒林传】

顗

善春秋左氏顗容字子严博学多通善春秋左氏举孝防不就着春秋左氏条例五万余言【后汉儒林】

沈

苍头公沈庆之字 先仕宋为建威将军大破山蛮威震诸山羣蛮皆稽顙庆之着狐皮帽羣蛮号曰苍头公每见庆之军辄畏惧曰苍头公已复来矣文帝将北伐庆之固陈不可上使徐湛之等难庆之庆之曰今欲伐国而与白面书生辈谋之事何由济

为郊居赋沈约字休文博通羣籍善属文才智纵横可谓明识梁武立累迁尚书令博物洽闻当世取则立宅东田瞩望郊阜尝为郊居赋以序其事【并南史】

推为顏子沈 师既济子材行有余能治春秋工书有楷法少为杜佑所器正元末举进士许孟容权德輿乐挽穀士号权许德輿称之于孟容孟容曰我故人子盍不过我 师往谢遂擢第德輿门生七十人推为顏子复登制科召入为翰林学士

罢籍民车沈存中举进士后迁太常丞同修起居注边吏报北兵将入战亟遣中贵人取两河民车以为战备民大惊扰自宰执以下言不便者叠进俱不省一日括持笔立御坐侧神宗顾曰卿知籍车之事乎括曰未知车将何用神宗曰北兵以多马取胜惟车可以当之括曰敌之来民父子坟墓田庐皆当弃去复暇防车乎云云神宗喜曰无人如此语朕者当更思之明日遂罢籍民车

范

武子之德左襄公二十七年子木问于赵孟曰范武子之德如何对曰夫子之家事治言如晋国无 情陶朱公范蠡用于越既雪防稽之耻乃乘扁舟于江湖变名易姓适齐为防夷子皮之陶为朱公乃治产积财居与时逐十九年之中三致千金再分散于贫疏昆弟故言富者皆称陶朱公

登车揽轡范滂字孟博少厉清节为州里所服冀州饥荒以滂为清诏使按察之登车揽轡慨

然有澄清天下之志及至州境守令自知赃污望风解印而去【后党锢】甌中生尘范冉【一作丹】字史云好违时絶俗为激诡之行为莱芜长后辟太尉府以狷急不能从俗常佩韦于朝闾里歌曰甌中生尘范史云釜中生鱼范莱芜

廉泉让水范柏年初见宋明帝言次及广州贪泉因问卿州复有此水否答曰梁州惟有文川武乡廉泉让水又问卿宅在何处曰臣所居防让之间帝嗟其善答因见知厯位终梁州刺史【南史】

着神灭论范缜字子真竟陵王子良镇西州倾意賓客才隼之士皆防集其门子良笃好释氏范缜盛称无佛子良曰君不信因果何得有富贵贫贱缜曰人生如树花同发随风而散或依帘幌坠茵席之上或闕篱墙落粪溷之中坠茵席者殿下是也落溷粪者下官是也贵贱虽复殊途因果竟在何处子良无以难缜又着神灭论云云朝野誼哗难之终不能屈

传衣鉢皇朝范质字文素母张氏梦人授五色笔而质生九歲善属文唐长兴中举进士为忠武军推官晋天福中擢监察御史周太祖征李守贞每朝廷遣使赍诏处分军中皆中机防太祖问谁为此辞使者以质对太祖曰宰相器也广顺初拜中书侍郎同平章事集贤殿大学士世宗时累加司徒洪文馆大学士太祖既即位加兼侍中仍以为相干德初封鲁国公初和凝知贡举爱质所试文自以中第在第十三故亦以处质其后质官及封国皆与凝同当时谓之衣鉢

军中一范范仲淹字希文上宰相书极论天下事王曾见而奇之晏殊知应天府表掌府学殊在京师荐一士为馆职曾谓殊曰公知范仲淹舍不荐而他荐乎公宜更荐范仲淹也殊从之遂用为秘阁校理进枢密直学士右谏议大夫寻拜陝西四路安抚縁边招讨使仲淹与韩琦俱有威令军中为之语曰军中有一韩西贼闻之心骨寒军中有一范西贼闻之惊破胆

一伟人范镇字景仁成都华阳人也薛奎守蜀还朝或问奎入蜀所得曰得一伟人当以文学名于世谓镇也举进士礼部奏名第一故事殿廷唱第过三人则礼部第一人者必越次抗声自陈因擢置上第镇不肯自言至第七十九人乃出拜退就列无一言廷中皆异之英宗朝以戸部侍郎致仕

进唐鉴范祖禹字淳父举进士为校书郎知龙水县司马光辟同编修资治通鉴凡十五年书成光上章称荐曰臣诚不及也除秘书省正字召试中书舍人又辞不拜迁右谏议大夫兼实录院修撰哲宗亲征祖禹上言力陈治道之要古今成败之理与夫小人之情状反复激切以感动上意因请外遂以龙圖阁学士知陝州尝进唐鉴十一卷

锦绣万花谷续集卷三十三

卷三十四

钦定四库全书

锦绣万花谷续集卷三十四

类姓

宋

作高唐赋楚威王问于宋玉曰先生何士民众庶不誉之甚也宋玉对曰鸟有凤而鱼有鲸夫圣人瑰意竒行超然独处世俗之民又安知臣之所为哉作高唐赋【新序】人中龙宋纖隱居酒泉南山太守马岌造焉纖高楼重阁拒而不见岌叹曰名可闻而身不可见德可仰而形不可覩今而后知先生人中之龙也铭诗于石壁曰其人如玉维国之琛諡曰 虚先生【晋史】

夺锦袍宋之问字延清武后召与杨炯分直习艺馆武后防终南龙门诏从臣赋诗左史东方虬诗先成后赐锦袍之问俄顷献后览之嗟赏更夺袍以赐江左诗律屡变至沈佺期及之问号为沈宋语曰苏李居前沈宋比肩之问父令文富文辞且工书有力世称三絶既之问以文章起弟之悌以躋勇闻之繇精草 世谓皆得父一絶

一歲为宰相宋琪字叔寶太宗将用工部尚书李昉参预大政以琪先入乃超迁兵部尚书未防与昉并拜同中书门下平章事琪自庶僚一歲中为宰相其速如此与父同在馆阁宋绶幼聪警其外祖杨徽之器爱之以徽之遗恩授太常寺太祝年方十五召试中书真宗竒其文聽于秘阁读书久之召试学士院为集贤校理与父舉同在馆阁世以为荣入为右正言擢知制诰为翰林学士兼侍读后为参知政事

二宋宋庠字公序举进士开封礼部俱第一与弟祁同时有名以诗赋为学者所宗谓之二宋嘉祐三年拜枢密使同平章事封莒国公英宗即位封郑国公为景灵宫使

仲

负米子路曰由愿得当一队而敌必也攘地千里搴旗执馘惟由能之见于孔子曰家贫亲老不择禄而仕昔者由也常食藜藿之实为亲负米百里之外【家语】

贡

明经洁行贡禹字少翁以明经洁行着闻徵为博士举贤良为河南令以职事为府官所责免冠谢禹曰冠一免安可复冠也遂去官后徵为諫大夫迁光禄大夫【出前汉史】

魏

赐乐左襄公四年魏绛曰和戎有五利焉公说使魏绛盟诸戎修民事田以时绛无贰志事君不避难晋侯赐乐绛始有金石之乐

梗阳大夫昭公二十八年晋魏献子为政以魏戌为梗阳大夫谓能守义者也戌之为人也遠不忘君居利思义仲尼闻魏子之举也以为义曰近不失亲遠不失举可谓义矣

堂堂领袖魏舒累迁后将军文帝深器重之曰魏舒堂堂人之领袖【晋史】

二百余奏魏徵字元成太宗即位引入卧内访天下事徵自以不世遇乃展尽底蕴凡二百余奏无不剴切当帝心者

有祖风烈魏謩徵五世孙宣宗嗣位迁御史中丞俄兼戸部侍郎进同平章事为宰相议事天子前惟謩说切无所回畏宣宗尝曰謩名臣孙挺挺有祖风烈朕心惮之【并唐史】

季

作林钟左襄十年季武子以所得于齐之兵作林钟而铭鲁功焉

相三君文六年季文子卒无衣帛之妾无食粟之马无藏金玉无重器君子于是乎知文子之忠于公家也相三君而无私积

黄金不如一诺季布楚人也为气任侠有名于楚为河东守孝文时人有言其贤者召欲以为御史大夫复有言其使酒难近至留邸一月见罢布进曰陛下以一人之誉而召臣以一人之毁而去臣臣恐天下闻之有以窥陛下上曰河东吾股肱郡故特召君耳楚谚曰得黄金百斤不如得季布一诺

摯

撰族姓昭穆摯虞字仲冶作思遊赋举贤良防为下第武帝又诏诸贤良防东堂策问擢为太子舍人除闻喜令撰族姓昭穆十卷【晋书】

费

杖投葛陂费长房汝南人从市中老翁学仙后辞归家与一竹杖曰既至可投葛陂中顾视则

龙也【后汉史】志虑忠纯费祎字文伟为黄门侍郎诸葛亮表云其志虑忠纯宫中之事无大小悉以咨之必能裨补阙漏有所广益孙权器之曰君天下淑德必当股肱蜀朝【蜀志】

傅

作霖雨高宗梦傅说使百工营求诸野得诸傅岩王置诸左右曰朝夕纳诲以辅台德若金用汝作砺若济巨川用汝作舟楫若岁大旱用汝作霖雨启乃心沃朕心【尚书】

兰台令史傅毅字武仲作迪志诗为兰台令史【后汉史】摩逆鳞傅咸字长虞 之子刚简有大节为御史中丞摩天子逆鳞触猛兽之须【晋史】

顾

南金东箭顾荣字彦先机神朗悟与陆机兄弟同入洛时人号为三俊例拜为郎中南金东箭世胄高门【晋史】吾家骐驎顾和字君孝总角便有清操族叔荣雅重之曰此吾家骐驎兴吾宗者必此子也周顗指和心曰此中何所有应曰此中最是难测地拜御史中丞百僚惮之

路

截蒲写书路温舒字长君截蒲写书受春秋通大义举孝防【前汉史】

度

名将度尚除上虞长为政严峻明于发擿奸非吏人谓之神明迁文安令遇时疾疫谷贵开仓廩给营救疾者百姓 其济后零陵贼起擢尚为荆州刺史击破之为名将数有功【后汉史】

卫

七世击匈奴卫青拜大将军凡七出击匈奴收河南地置朔方郡【史记】

中兴名士第一卫玠字叔宝总角乘羊车入市见者皆以为玉人玠舅王济见之辄叹曰珠玉在侧觉我形秽又曰问若明珠之在侧朗然照人王澄每闻玠言辄叹息绝倒语曰卫玠谈道平子绝倒妻父乐广有重名议者以为妇翁水清女壻玉润中兴名士惟玠为当时第一【晋史】

易圣卫大经卓然高行口无二言 于易人谓之易圣国器卫次公字从周举进士潘炎异之曰国器也

蔡

金印紫绶蔡泽燕人干诸侯不遇问相于唐举举曰云云泽曰富贵吾所自有所不知者壽也举曰从今以往四十三年泽谓其御曰吾持梁跃马食肉懷金印结紫绶富贵四十三年足矣【史记】

为人主师蔡义以明经给事大将军幕府久之诏求能为韩诗者召见说诗甚悦之擢光禄大夫数歲代杨敞为丞相封阳平侯霍光曰义为人主师当为宰相【前汉史】三世不分财蔡邕字伯喈性笃孝母滞病三年自非寒暑节变未尝解襟带不寢寐者七旬三世不分财乡党高其义【后汉史】

声若雷震蔡裔有勇气声若雷震有二盗入室裔一呼二盗俱陨【晋史】

平世三公蔡廓字子度宋武帝以其刚直补御史中丞多所纠奏武帝常云蔡可平世三公【南史】

执经讲问皇朝蔡襄字君谟兴化军仙遊人举进士歷漳州判官西京留守推官改著作佐郎馆阁校勘迁秘书丞知諫院兼修起居注仁宗增置諫官四员襄在迁中后迁起居舍人知制诰迁龙圖阁直学士知开封府进枢密直学士知泉州徙福州襄为政精明而于闽人尤知其风俗时闽士专词赋以应科举襄得乡先生周希孟以经术传授学士尝至数百人襄为亲至学舍执经讲问为诸生率

锦绣万花谷续集卷三十四

卷三十五

钦定四库全书

锦绣万花谷续集卷三十五

类姓

祭

雅歌投壶祭遵对酒设乐必雅歌投壶在军旅不忘俎豆【后汉史】

解

考绩第一解系字少连父脩魏琅琊太守考绩为天下第一【晋史】

戴

大戴小戴戴德延君戴圣次君皆受礼于后苍德号大戴为信都太守圣号小戴以博士论石渠由是礼有大戴小戴【前汉孟卿】

解经不穷戴凭习京氏易年十六郡举明经拜郎中正旦朝贺百僚毕集帝令能说经者相难诘理有不通辄夺其席以益通者凭遂坐五十余席京师语曰解经不穷戴侍中【后儒林】

關中大豪戴良字叔鸾父遵字子高家富好给施食客常三四百人语曰關中大豪戴子高良举孝防不就逃入江夏山中不仕

积薪自焚戴封对贤良策第一拜议郎迁西华令时蝗灾独不入西华界年旱祷请无获乃积薪以自焚火起而大雨至迁中山相县囚四百人当刑皆遣归与克期日皆无违者【并后汉史】

秋毫指撚戴胄秦王防武牢引为府士曹参军大理少卿缺太宗曰大理人命所繫胄清直其人即日命之犯顏据正参处法意至析秋毫随类指撚言若涌泉帝修洛阳宫胄疏谏止之

父子继为宰相戴至德干封中迁侍郎同三品阅十数年父子继为宰相高宗为飞白书赐至德迁尚书右仆射时刘仁轨为左人有诉率优容之至德乃究本末终不显私恩【并唐史】

蒯

齐之辩士蒯通范阳人说韩信反齐之辩士拾遗举过显贤进能【前汉史】

蔺

全璧归赵蔺相如赵人也全璧归赵从赵王与秦防于渑池秦王竟酒终不能加胜于赵既归以相如功大拜为上卿【史记】

员

八科皆中员半千字荣期王义方常曰五百歳一贤者生子宜当之因改今名凡举八科皆中咸亨中上书自陈云云陛下何惜玉陛方寸地不使臣披露肝胆乎书奏不报

段

材可取卿相段防为杜陵令五府举为西域都防西域敬其威仪谷永与之书曰若子之材可优防都城而取卿相何必勒功昆山之侧【前汉史】

凉州三明段颍字纪明举孝防为阳陵令所在有能政初与皇甫威明张然明并知名京师称为凉州三明位至太尉【后汉史】

真将军段志 齐州人文德皇后之 与宇文士及勒兵卫章武门太宗夜遣使至二将军所士及披户纳使志 拒曰军门不夜开使者示手诏志 曰夜不能辨不纳比曙帝叹曰真将军周亚夫何以过【唐史】

祷而雨段文昌字墨卿穆宗拜平章事未逾年授劔南西川节度使文宗立徙帅荆南州或旱禱解必雨或久雨遇出防必霁民为语曰旱不苦祷而雨雨不愁公出防

灌

贩缯灌婴睢阳贩缯者号昌文侯与绛侯共立文帝为太尉【前汉史】

万

成孝乡万敬儒三世同居丧亲庐墓刺血写浮屠书断手二指輒复生改所居曰成孝乡【唐史】

卞

大龙卞壶父粹兄弟六人并登宰府世称卞氏六龙【晋史】五经博士卞华偏习五经仕梁兼五经博士说经析理为当时之冠【南史】

邵

博览经史邵续朴素有志烈博览经史妙解天文为平原乐安太守【晋史】

八世同居邵荣兴八世同居诏表门闾蠲租税【南史孝义】诏标里闾邵洪哲县令范道荣坐除名洪哲代诣京师明申曲直道荣感其诚节诉省申闻诏下标里闾【出北史节义】

真国器皇朝邵亢字兴宗举茂才异等除建康军节度推官召为国子监直讲改馆阁校勘同知太常礼院英宗召对羣玉殿谓曰学士真国器也擢同修起居注后拜枢密副使

到

佐守荆楚到彦之字道豫楚大夫屈到后也彦之佐守荆楚垂二十载威信为士庶所懷迁南豫州刺史镇厯阳【南史】

郎子好相表暴显字思祖幼时见一沙门指之曰此郎子好相表大必为良 贵极人臣语终失之从齐神武起义迁徐州刺史【北史】

贺

当世儒宗贺循字彦先山陰人举秀才除阳羡令以寬惠为本不求课最朝廷疑滯皆谘之辄依经礼而对为当世儒宗【晋史】

上殿不下贺琛世习礼乐仕梁累迁尚书左丞每进见武帝与语常移晷刻省中语曰上殿不下有贺雅琛容止闲雅故呼之【南史】

庆湖遗老集皇朝贺铸字方回孝惠皇后之族孙授右班殿直元祐中用武易文为通判泗州又倅太平州以卒铸好学藏书万卷工文词尤长于乐府有庆湖遗老集

谢

一丘一壑谢鲲字幼舆好老易善鼓琴为豫章太守蒞政清肃百姓爱之一丘一壑自谓过庾亮【晋史】

芝兰玉树谢 字幼度叔父安尝约子侄曰子弟亦何豫人事而必欲使其佳 曰譬如芝兰

玉树欲使其生于庭阶耳 以精锐八千破苻坚百万于淮肥闻风声鹤唳以为王师至

无渭阳情谢绚曾戏调其舅袁湛湛曰汝父昔已轻舅汝今复加我可谓世无渭阳情也

月犯少防谢敷字庆绪澄静寡欲隐于太平山初月犯少微俄而敷死

有林下风王凝之妻谢氏字道韞叔父安尝内集雪下安曰何所似也安兄子朗曰撒盐空中差可拟道韞曰未若柳絮因风起道韞神情散朗有林下风气【并晋史】两玉人谢晦字宣明涉猎文义博瞻多通时谢鲲风华为江左第一尝与晦俱在武帝前帝目之曰一时顿有两玉人耳【南史】

直省赋诗谢朓字 暉少好学有美名文章清丽善草 长五言诗沈约常云二百年来无此诗也迁尚书吏部郎好獎人才孔闾粗有才笔未为时知孔珪尝令草让表以示朓朓嗟吟良久手自折简写之谓珪曰士子声名未立应共獎成无惜齿牙余论尝直中书省赋诗有苍苔依砌上红药当阶翻之句

西堂诗梦谢惠连十歲能属文灵运嘉赏之云每有篇章对惠连辄得佳语尝于永嘉西堂思诗不就忽梦见惠连即得池塘生春草大以为工尝为雪赋以高丽见奇

文章江左第一谢灵运奕之曾孙文章之美为江左第一为太子左卫率朝廷惟以文义处之为永嘉太守郡有名山水肆意遊遨理人听讼不复闕懷每有一首诗贵贱竞写名动都下徵为秘书监迁侍中诗书皆兼独絶每文竟手自写之文帝称为二寶

春日闲居诗谢朓八歲为春日闲居诗有风定花犹落之句【并南史】

李诗谢赋谢偃贞观初对防高第尝为尘影赋二篇帝美其文时李百药工诗而偃善赋时人称为李诗谢赋【唐史】

锦绣万花谷续集卷三十五

卷三十六

钦定四库全书

锦绣万花谷续集卷三十六

类姓

华

右师左成公十五年宋华元为右师元曰我为右师君臣之训师所司也

精于方药华佗字元化通数经晓养性之术精于方药【后汉史】

为政清静华歆为豫章太守为政清静不烦吏民威而爱之魏初为御史大夫素清贫禄赐以赈施亲戚故人家无担石之储【魏志】

作汉纪华峤才学深博为台郎徧观秘籍因作汉纪【晋史】孝子乡华秋事母以孝闻母丧庐墓负土成坟诏表其门闾后盗起往来墓之左右咸相诫曰勿犯孝子乡【北史】

向

左师左成公十五年华元使向成为左师以靖国人肆意游山向长字子平读损益卦喟然叹曰吾已知富不如贫贵不如贱男女嫁娶既毕勅断家事勿相關肆意遊五岳名山【后汉】

潜心典籍向朗少以吏能见称为己西防牻房陵太守潜心典籍年逾八十犹手自校书开门接賔诱纳后进【蜀志】

名付中书皇朝向敏中字常之父瑀惟一子教督甚严尝谓其妻曰大吾门者此子也举进士太宗飞白书敏中张咏二名付中书语宰相曰此二臣者名臣也朕将用之矣拜右谏议大夫同知枢密院事真宗拜同平章事大任防三十年

邓

世吏二千石邓晨字伟卿南阳新野人世吏二千石光武拜为汝南太守兴鸿郤陂数千顷田汝土以殷鱼稻之饶流衍他乡

封高密侯邓禹字仲华南阳新野人十三能诵诗杖防见光武曰愿明公威德加四海禹得効尺寸垂功名于竹帛禹沉深有度授以西讨之畧拜前将军谋谟帷幄决胜千里封高密侯

累世宠贵邓隲字昭伯禹之子拜车骑将军仪同三司始自隲也邓氏自中兴后累世宠贵凡侯者二十九人公二人大将军以下十三人中二千石十四人列校二十二人州牧郡守四十八人其余侍中将军大夫郎谒者不可胜数【并后汉史】

屯田两淮邓艾屯田积谷行于两淮开广漕渠达于江淮【魏志】

清严有治绩邓芝字伯苗为广汉太守清严有治绩入为尚书【蜀志】

隱 先生邓世隆相州人亡命变姓名号隱 先生栖白鹿山贞观初为修史学士【唐史】

寧

盟子向左僖二十六年公防莒兹防公寧莊子盟于向寻洮之盟也

赐湛露彤弓文公四年卫甯武子来聘公与之宴赋湛露及彤弓 论语甯武子邦有道则智邦无道则愚饭牛车下齐桓公郊迎客夜开门执火甚盛甯戚饭牛于车下击牛角疾商歌公闻之命后车载之赐之衣冠遂举大用之授之以卿公得之所以伯也管仲言于齐桓公曰垦田勸邑辟土植谷尽地之利臣不若甯戚请致以为田官【新序】

敬

心如铁石敬肃少以贞介知名仕隋为安陵令有能名擢拜秦州司马转幽州长史俱有异绩柳俭 云心如铁石老而弥笃【北史】

平阳郡王敬晖字仲 弱冠举明经为卫州刺史时河北经突厥所搔方秋而城晖曰岂有弃农田事池隍哉纵民归斂闔部赖安以诛二张功封平阳郡王【唐史】

郑

着治续郑 字穉卿兄昌字次卿皆明经通法律政事昌为太原涿郡太守 为南阳太守皆着治绩条教法度为后世所述

威振西域郑吉防稽人以卒伍从军破车师降日逐威振西域

尚书履声郑崇哀帝时为尚书仆射每见曳革履上笑曰我识郑尚书履声臣门如市臣心如水【并前汉史】

为诸儒宗郑兴晚善左氏 数言政事依经守义遂为诸儒宗

郑陂郑浑为邵陵令课民耕桑重去子之法迁阳沛郡二太守兴陂遏开稻田民赖其利刻石颂之号曰郑陂【并后汉史】

清吏郑善果郑州人累转鲁郡太守母崔氏贤明晓政治尝坐阁内听处决当理则悦有不可引至牀下责愧之故善果所至有绩号清吏【唐史】

二郑郑从谠字正求及进士第迁门下侍郎时郑畋以宰相镇凤翔移檄讨贼两人以忠义相提贼尤惮之号二郑云

经术该深郑覃以父防补累迁谏议大夫文宗召为翰林侍讲学士覃于经术该深淳笃守正帝尤重之同平章事弟朗

七松处士郑薰擢进士第累迁吏部侍郎再知礼部举引寒畯士类多之既老号所居为隐岩蒔松于庭号七松处士

人瑞郑仁表豪爽有文尝以门阀文章自高曰天瑞有五色云人瑞有郑仁表

广文博士郑防掇当时事著书八十余篇 宗爱其才为置广文馆以防为博士宰相曰令后世言广文博士自君始防乃就职【唐史】

进士第一皇朝郑獬字毅夫为人俊迈不羣举进士第一授将作监丞通判陈州召试直集贤院修起居注遂以右司谏知制诰

孟

家贫惟有二士鲁孟献子聘于晋宣子宣子曰子之家孰与我家富献子曰吾家甚贫惟有二士曰顔回兹无灵【新序】

易学孟喜从周王孙受易喜好自称誉故易有施孟梁丘之学【前汉】

龙山落防孟嘉少知名为桓温参军好酣饮九日登龙山饮酒落帽【晋史】

东郡嘉禾孟业字敬业齐清河王岳召为法曹后迁东郡太守以寛惠著名麦一茎五蕙嘉禾一茎九穗咸以为政化所感【北史】

贞曜先生孟郊字东野性介少谐合韩愈一见为忘形交年五十得进士第郊为诗有理最为愈所称卒张籍諡曰贞曜先生

浩然亭孟浩然少好义节隱鹿门山年四十乃防京师王维过郢州画像于刺史亭因曰浩然亭又曰孟亭

盛

葛国公盛彦师宋州人高祖兵至汾陰彦师率賓客上谒授行军总管从平京师与史万寶镇宜阳李密叛万寶惧彦师笑曰请以数千兵为公梟首遂斩密以功封葛国公【并唐史】

献西域图皇朝盛度举进士稍迁至直史馆三司戶部判官契丹入邊数上疏论邊事奉使陕西参质汉唐故地绘为西域圖以献景祐二年拜参知政事后知应天府以太子少傅致仕

寇

真宰相才皇朝寇準字平仲少力学举进士太宗深器之召为参知政事因奏对切直太宗怒起準輒挽上衣留以俟处决太宗叹曰真宰相才也又尝语左右曰朕得寇準犹唐太宗之得魏郑公也加给事中景德元年拜同平章事是歲契丹入边直抵澶魏真宗召羣臣问御敌防準请幸澶州并陈河北用兵之畧甚备仁宗朝贈中书令来国公諡忠愍

富

王佐才富弼字彦国幼笃学有大度范仲淹见而识之曰此王佐才也懷其文以示王曾晏殊殊即以女妻之举茂才异等假资政殿学士戶部侍郎使契丹归除司空兼侍中辞复拜左仆射同平章事卒諡文忠元祐初加贈太师

锦繡万花谷续集卷三十六

卷三十七

钦定四库全书

锦绣万花谷续集卷三十七

类姓

窦

赐玺书窦融字河西五郡大将军光武授为凉州牧封安丰侯光武赐融玺书又赐外属圖又诏报曰吾与将军如左右手耳赏赐恩宠倾动京师窦氏一公两侯三公主四二千石

镂石燕山窦宪拜车骑将军登燕然山去塞三千余里刻石勒功纪汉威德班固作铭封冠军侯贊曰听笳龙庭镂石燕然【并后汉史】

五龙皇朝窦仪字可象蓟州渔阳人父禹钧在周为谏议大夫五子曰仪俨侃偁僖皆相继登科时人谓之窦氏五龙少举进士宋兴迁工部尚书加礼部尚书卒赠右仆射

博物洽闻窦俨字望之举进士广顺初拜中书舍人世宗拜翰林学士国初就转礼部侍郎卒年四十二俨博物洽闻通音律历数卢多逊杨徽之为谏官俨尝谓之曰丁卯歲五星聚奎自此太平矣二拾遗见之俨不与也已而果然

廖

北郭先生廖扶字文起习诗书教授常数百人尤明天文防纬风角推步之术号为北郭先生【后汉史】

楚之良才廖立年未三十擢长沙太守诸葛亮曰廖立楚之良才【魏志】

堂名世防皇朝廖刚字用中登崇寧五年进士第绍兴九年诏为御史中丞累世以华髮奉养嘗名堂曰世防谏议陈公播之声诗

陆

懷橘陆绩字公纪吴郡人六歲见袁术术出橘绩懷三枚去拜辞堕地曰欲归遗母术大奇之

江东大族陆逊江东大族意思深长才堪负重观其规画可大任【并吴志】

圃积玉陆机字士衡少有异才文章冠世君苗见其文辄欲焚笔砚葛洪谓其文犹圃之积玉【晋史】

八科皆中陆元方初明经后举八科皆中转监察御史赐名陆象先元方子器识沈邃举制科高第景云中同平章事始名景初睿宗曰子能绍先是谓象贤乃赐名焉【并唐史】真清陆景倩象先弟为扶沟丞河南按察使毕构覆州县殿最欲必得实有吏言状曰某强清某诈清惟景倩曰真清终御史

内相陆贄字敬輿十八第进士中博学鸿辞正元七年以兵部侍郎知贡举明年窦参黜乃以中书侍郎同平章事始入翰林年尚少以材幸天子常以辈行呼而不名在奉天朝夕进见然小心精洁未尝有过帝倚任之参裁可否时号内相

穆

譔家令穆寧大历初为和州刺史治有状召拜太子右谕德居家严事寡姊恭甚尝譔家令训诸子人一通又戒曰君子之事亲养志为大吾志直道而已苟枉而道三牲五鼎非吾养也疾病不尝药时称知命【并唐史】首唱古文皇朝穆脩字伯长师事陈抟而其易学方是时学者从事声律未知为古文脩首为之倡其后尹源与弟洙始从之学古文又其春秋学

卜

西河教授仲尼弟子卜商字子夏孔子没子夏居西河教授为魏文侯师【史记】商也与人交推其长者违其短者故能久也【家语】

谷

待诏公车谷永字子云博学经书为太常丞数上疏言得失举方正直言极谏之士永待诏公车对者数十人永为上第【前汉史】

九经库谷那律魏州人淹识羣书褚遂良尝称为九经库为文馆学士从太宗出猎遇雨沾渍因问曰油衣若为而无漏耶那律曰以瓦为之当不漏帝悦其直赐帛二十段【唐史】

麴

世为豪族麴允金城人与游氏世为豪族西州为之语曰麴与防牛羊不数头南开朱门北望青楼为始平太守领雍州刺史至尚书左仆射【晋史】

伏

伏氏学伏恭字叔齐父黯字稚父明齐诗恭少 父学除剧令以惠政公防闻迁常山太守敦脩学校教授不辍由是北州多为伏氏学肃州以为三老【汉史】

服

春秋左 经服防字子慎少以清苦建志入太学受业有雅才善着文论作春秋左氏 解举孝防后拜九江太守【后汉史】

乐

下齐城乐毅其先祖曰乐羊为魏文侯将毅使于燕昭王以为亚卿后为上将军并获赵楚韩魏燕之兵以伐齐下齐七十余城

献金明池赋皇朝乐史母梦异人令吞五色珠而生史史有文辞初仕江南归朝举进士知陵州献金明池赋召为三馆编脩

卓

通儒卓茂字子康南阳人父祖皆至郡守习诗礼及厯筭称为通儒为密令吏人亲爱不忍欺之道不拾遗蝗不入界光武即位先访求茂以为太傅封褒德侯

毕

盈数大名左闵公元年卜偃曰毕万之后必大万盈数也魏大名也以是始赏天启之矣

拍浮酒船中毕卓字茂世为吏部郎常饮酒废职盗饮比舍酒瓮间常谓人曰得酒满数百斛船四时甘味置两头右手持酒杯左手持蟹螯拍浮酒船中便足了一生矣【晋史】

与寇準并相皇朝毕士安字仁叟代州云中人也后居郑州举进士李沆梦中书阙宰相乃拜士安吏部侍郎参知政事入谢上曰未也行且相卿士安曰寇準慷慨有大节朝臣罕出其右如準者陛下所宜用也真宗亦欲相準借士安宿德以镇之不阅月与準并相

进御楼观灯诗毕仲衍字夷仲元丰中任中书舍人厘正官制一经其手遂为万世不刊之典撰中书备对二十卷天下之事尽在其中后因馆伴高丽贡使元夕御楼观灯进诗上俯同其韵以赐云先春佳气集钧台乐与民同盛宴开蟾彩暖催莲焰发桂香轻泛管声来形容壮丽虽非极黼黻升平是有才万里海邦修贡使既陪华观勿辞推

郅

苍鹰郅都孝景时为中郎将敢直谏面折大臣于朝济南瞿氏宗人三百余家豪猾二千石莫能制景帝拜济南太守至则族灭瞿氏首恶余皆股栗迁为中尉行法不避贵戚列侯宗室见都侧目而视号曰苍鹰【史记】拒闕郅恽志在从政喟然叹曰天生俊士以为人也举孝防为上东城门候帝出猎夜还恽拒闕不开后为长沙太守【后汉史】

吉

忠节吉挹字祖冲祖朗为御史中丞西朝倾覆陨身守节挹亦立忠节【晋书忠义】

葛

勾漏令葛洪字稚川以儒学知名究览典籍尤好神仙导养之法从祖 学道得仙号曰葛仙公洪闻交趾出丹求为勾漏令【晋史】

屈

懷沙赋屈原名平作离骚之经与日月争光又作懷沙之赋【史记】

尉

希世贤尉元世为豪宗父目斤勇畧闻于当时位中山太守元为羽林中郎后为镇西大将军甚得夷人之心累迁尚书令进位司徒谢老诏曰前司徒尉元元亨利正明允诚素位显台阶归老私第可谓知始知卒希世之贤也复拜为三老【北史】

锦绣万花谷续集卷三十七

卷三十八

钦定四库全书

锦绣万花谷续集卷三十八

类姓

郭

去防帷郭贺字乔卿拜荆州刺史百姓歌曰厥德仁明郭乔卿忠正朝廷上下平显宗赐以三公之服黼黻冕旒勅行部去檐帷使百姓见其容服以章有德

高车出關郭丹字少卿买符入函谷關慨然叹曰丹不乘使者车终不出關至京师常为都讲诸儒咸敬异之更始徵为谏议大夫持节使归南阳果乘高车出關折巾郭泰字林宗与李膺友善名震京师后归鄉里衣冠诸儒送至河上车数千辆林宗惟与膺同舟而济众賓望之以爲神仙尝遇雨巾一角垫时人故折巾一角以为林宗巾【并后汉史】

词赋为中兴冠郭璞字景纯博学高才词赋为中兴之冠洞五行天文卜筮之术为著作佐郎【晋史】

二十四考中书令郭子仪以武举异等肃宗朝进中书令代宗不名呼为大臣以身为天下安危者二十年校中书令考二十四八子七壻皆贵显富贵壽考哀荣终始人臣之道无缺焉【唐史】

位兼将相郭崇韬代州鴈门人梁莊宗赐铁券拜侍中成德军节度使依前枢密使莊宗与诸以兵取天下而崇韬未尝居战阵徒以谋议居佐命第一之功位兼相遂以天下为己任【五代】

霍

定万世防霍光去病弟以兄任为郎后为大司马大将军受遗诏辅少主废昌邑立宣帝封博陆侯定万世防以安社稷【前汉史】

郝

得大臣体郝处俊贞观中第进士谏帝欲逊位武后事遂沮处俊临事敢言在帝前议论必

经义皆有规献

骆

文章名天下骆賓王七歲能赋诗武后时数上疏言事下除临海丞不得志弃官去与王勃杨炯卢照隣皆以文章齐名天下【并唐史】

索

炖煌五龙索靖字幼安炖煌人少有逸羣之量与汜衷张翹索紞索永俱诣太学驰名海内号称炖煌五龙靖以草书知名【晋史】

善占梦索紞字叔彻善占梦令狐防梦立冰上与冰下人语紞占之云云君当为人作媒悉如其言【晋书艺术】

石

锦步障石崇字季伦与王恺争以奢靡相尚作锦步障五十里【晋史】

一裘一葛石洪字濬川韩昌黎送赴河阳军参谟序云先生居嵩邙瀍谷之间冬一裘夏一葛朝夕饭一盂蔬一品问之仕则不应坐一室左右圖書与之语道理辯古今事当否论人高下事后当成败若河决下流而东注若驷马驾轻车就熟路而王良造父为之先后也若烛照数计而卜也云云【韩文】

翟

上卿任座对魏文侯曰翟璜之言直文侯召为上卿【详见任姓类】

通明相翟方进受春秋以射防甲科为郎迁朔州刺史徙京兆尹搏擊豪强京师畏之知能有余兼通文法吏事以儒雅緣饰法律号为通明相天子甚器重之奏事亡不当意【前汉史】

白

武安君白起善用兵事秦昭王为左庶长攻韩魏赵楚封武安君【史记】

观时变白圭周人乐观时变人弃我取人取我予趋时若猛兽摯鸟之发天下言治生者祖白圭【前货殖】

醉吟先生白居易字乐天工文章未冠谒顾况况曰吾谓斯文遂絶今复得子矣正元中擢进

士防萃皆中补校书郎元和元年对制防一等召入翰林为学士迁左拾遗与弟行简从弟敏中友爱东都所居疏沼种树构石楼香山凿八节滩自号醉吟先生为之 暮节感浮屠至经月不荤称香山居士尝与胡杲吉 九人等燕集皆高年不事者人慕之绘为九老圖【唐史】

席

诗人冠冕席豫字建侯长安中举学兼流畧词擅文场科擢上第时年十六复举手笔俊防科中之俄举贤良方正异等复举超防羣类科拜吏部侍郎典选六年帝尝登朝元阁赋诗羣臣属和帝以豫诗最工诏曰诗人之冠冕也【唐史】

剧

若一敌国剧孟洛阳人以侠显吴楚反周亚夫得孟喜曰天下搔动大将军得之若一敌国云【前防侠】

柏

雒文面黑柏良器王奂见之曰尔額文似临淮王面黑似顔平原殆能立功乃荐之光弼年二十四更战阵六十二李希烈围寧陵遏水灌之亲令军中明日防城良器以救兵至择弩手善防者防汴渠夜入及旦伏弩发赋乘城者皆死録功封平原郡王圖形凌烟阁

声震一时柏耆有纵横学志健而望高王承宗叛耆谒裴度且言愿得天子一节驰入镇可掉舌下之乃以左拾遗往既至以大谊动承宗乃请献二州以二子入质由是声震一时【并唐史】

酈

信成君酈商汉王赐爵信成君以将军为陇西都尉迁为左丞相

广野君酈食其为里监门汉王号为广野君说下齐七十余城【并史记】

戚

为儒推许戚衮字聰慧受三礼大义畧举兼太学博士为儒推许【南史】

坚素先生皇朝戚同文幼孤事祖母以孝闻从邑人杨慤受经慤隱居不仕而以女弟妻同文勉之仕同文曰长者不仕同文亦不仕聚徒讲学相继登科者五十六人践台馆者亦至十数尚信义喜周人之急所与交皆当世知名士杨徽之因使至郡多所酬倡及卒徽之与其门人

諡曰坚素先生

薛

善士子谓薛居州善士也使之居于王所在王所者长幼卑尊皆薛居州也王谁与为不善【孟子】

经术谋王体薛宣为陈留太守盗贼禁止吏民敬其威信思省吏职求其便安下至财用笔研皆为设方畧其法律任廷尉有余经术文雅足以谋王体断国用身兼数器【汉史】

勇盖三军薛万钧与弟万彻以材武归款高祖从李靖讨吐谷浑勇盖三军迁左卫大将军击高昌进潞国公后尝赐羣臣膜皮及万彻而误呼万钧怆然曰万钧朕勲旧忽口其名岂死者有知冀此赐乎因命取焚之举坐叹异

諫止畋猎薛收年十二能属文房 龄言之秦王王召见问方畧所对合防授府主簿时讨王世充军事繁收为书檄露布或马上占辞该敏如素构上书諫王止畋猎王曰览所諫知成我者卿也明珠兼乘未若一言【并出唐史】

河东三凤薛元敬与收及族兄德音齐名世称河东三凤收为长雏德音为鸞鸞元敬年少为鹇雏武德中为天策府参军直记室文学馆学士如晦叹曰小记室不可得而亲不可得而疎

虓将薛仁贵绛州人三师攻安市城高丽率兵拒战太宗命诸将分击仁贵恃骁悍欲立奇功乃着白衣自标显持防呼而驰所向披靡军乘之贼溃帝曰朕不喜得辽东喜得虓将九姓众十余万令骁骑数十来挑战仁贵发三矢輒杀三人于是敌气皆慑军中歌曰将军三箭定天山壮士长歌入汉關

折

折家父皇朝折克行知抚州沈勇有力善抚士卒在边三十年战功最多敌畏其威名号折家父官至秦州观察使

真将军折可适其先与魏道武俱起云中号代北着姓郭逵帅郾延见之曰真将种也荐之试艺廷中为郾延路经畧司差使后又擢知寧岷环兰四州再知镇戎军后进武安军留后知渭州拜淮康军节度使召为佑神观使复帅泾原

汲

卧治淮阳汲黯字长孺其先有宠于古之卫君至黯七世世为卿大夫黯以父任景帝时为太子洗马以莊见憚拜为淮阳太守见上曰臣尝有狗马之心今病力不能任郡事愿为中郎出

入禁闼补过拾遗上曰君薄淮阳邪吾今召君矣顾淮阳吏民不相得吾徒得君之重卧而治之【前汉史】

习

四海习凿齿习凿齿字彦威宗族盛富世为乡豪少有才气以文笔著称桑门释道安与之相见曰弥天释道安凿齿曰四海习凿齿时人以为的对为荥阳太守着汉晋春秋【晋史】

盖

醒狂盖宽饶字次公明经为郡文学以孝防为郎举方正对防高第迁谏大夫擢司 校尉刺举无所回避许伯酌宽饶宽饶曰无多酌我我乃酒狂魏其侯笑曰次公醒而狂何必酒也

虎牙将军盖延字巨卿长八尺弯弓三百斤光武以为虎牙将军【后汉】

叶

好龙子张见鲁哀公七日而哀公不礼托仆夫而去曰臣闻君好士云云叶公子高好龙钩以写龙凿以写龙屋宇雕文以写龙于是夫龙闻而下之窥头于牖拖尾于堂叶公见之而走是叶公非好龙也好夫似龙而非龙者也君非好士好夫似士而非士者也【新序】

石林居士皇朝叶梦得字少蕴登科为丹阳尉蔡京雅知之既拜相亟召用旬岁间历清要遂入翰林为学士时年方壮文华清丽一时钦重守藩奉祠仅三十年建炎初召为户侍再入翰苑遂参大政出帅建康移福唐以节度使致仕居雪溪卞山之下开山为径玲珑秀发自号石林居士诗酒以娱其老

清德叶颙字子昂第进士孝宗初为给事中除吏部寻除参知政事兼同知枢密继提举洞霄宫召对上问劳加礼且曰卿之清德自是愈光矣拜左仆射同平章事薨赠持进林光朝以诗笑之 家惟旧德无地着楼台人以为实录云

法

南郡太守法雄字文彊齐襄王法章之后秦灭齐子孙不敢称田姓故以法为氏雄为青州刺史行部录囚徒察颜色多得情伪长吏不奉法者皆解印绶去迁南郡太守

德先生法真博通内外图典为闕西大儒太守欲屈以功曹真曰明府若欲吏之真将在北山之北南山之南矣号 德先生【并后汉史】

内为谋主法正字孝直为蜀郡太守扬武 军外统都畿内为谋主【蜀志】

锦绣万花谷续集卷三十八

卷三十九

钦定四库全书

锦绣万花谷续集卷三十九

类姓

司马

慕蔺相如司马相如字长卿蜀郡成都人既学慕蔺相如之为人更名相如奏大人赋天子大悦飘飘有凌云气遊天地之间意为防猎赋因以风谏赋奏天子以为郎又着子虚赋

有良史才司马迁字子长父谈为太史公迁南防江淮上防稽探禹穴窺九疑浮沅湘北涉汶泗讲业齐鲁之都为太史令防史记石室金匱之书网罗天下放失旧闻为太史公书序畧迁有良史之才文直事该谓之实録【前汉史】

贞一先生司马承祯字子微事潘师正 辟谷道引术无不通师正异之卒諡贞一先生【唐史】

卫士手加额皇朝司马光字君实天章阁待制池之子光为儿童时凜然如成人七歲闻讲左氏春秋大爱之退为家人讲即了其大义自是手不释卷至不知饥渴寒暑初以父任为将作监主簿举进士甲科居洛十五年再任绍司御史台四任提举崇福宫拜资政学士神宗崩光赴阙临卫士见光入皆以手加额曰此司马相公也民遮道呼曰公母归洛留相天子活百姓所在数千人观之元祐元年拜左仆射薨赠太师

夏侯

滕公夏侯婴沛人也号滕公封汝陰侯常为太仆取青紫如拾芥夏侯胜从始昌受尚书及洪范五行 说灾异为学精熟徵为博士光禄大夫又为谏大夫给事中迁太子太傅尝谓诸生曰士病不明经术经术苟明取青紫如俛地拾芥学经不明不如归耕【并前汉史】

宇文

持劔取公侯宇文贵少受学尝辍书叹曰男儿当提劔汗马以取公侯何能为博士善骑射有将帅才后仕魏位大将军【北史】

入阁语至夜分宇文士及太宗擢右卫将军延入阁语或至夜分

请校天下籍宇文融明辨长吏治时天下户版刳隐人多去本融由监察御史陈便宜请校天下籍 宗以为覆田劝农使乃请驰 行天下事无巨细先上劝农使而后上台省【并唐史】

忠节皇朝宇文虚中字叔通建炎二年以资政殿大学士左太中大夫充国信使使北继立忠节事大畧具三朝北盟集今枢密公绍节即公之孙师援之子也

欧阳

尚书世学欧阳生字和伯事伏生受尚书子世 至孙高为博士高孙地余亦为博士论石渠由是尚书世有欧阳氏学

八世博士欧阳歙字王思自欧阳生至歙八世皆为博士拜汝南太守推用贤俊政称异绩在郡教授数百人【后汉史】

尺牍人以为法欧阳询博贯经史初仿王羲之书后险劲过之尺牍所 人以为法高丽求之

龙虎榜欧阳詹字行周泉州人其先为本州州佐县令闽越地肥衍有山泉虽能通文书吏事不肯北官及常袞为观察使始择乡秀民能文辞者与为宾主钩礼里人矜耀故相劝仕举进士与韩愈等聯第时称龙虎榜闽人第进士自詹始

六一居士皇朝欧阳修字永叔吉州庐陵人四歲而孤母郑氏守节自誓亲教修读书家贫至以荻画地学书比成人举进士两试国子监一试礼部皆第一遂中甲科补西京留守推官始從尹洙游为古文议论当世事迭相师友与梅尧臣游为歌诗相倡和遂以文章名冠天下神宗朝六请致仕乃以观文殿学士太子少师致仕修之在滁也自号醉翁作亭琅琊山以醉翁名之晚年又自号六一居士曰吾集古錄一千卷藏书一万卷有琴一张有碁一局而尝置酒一壺吾老于其间是为六一自为 刻石居颍一年而卒谥文忠

令狐

白衣宰相令狐滈綯之子及第迁右拾遗当时谓之白衣宰相

独孤

以道举高第独孤及为儿时读孝经父试之曰儿志何语对曰立身行道扬名于后世天寶末以道举高第歷濠舒二州刺史

佳壻独孤郁及之子擢进士第最为权德舆所称以女妻之举制科高等进右补阙擢翰林学士宪宗叹德舆乃有佳壻诏宰相高选世族故杜惊尚岐阳公主然帝犹谓不如德舆之得郁

诸葛

蓝田生玉诸葛恪少有才名孙权见而奇之曰蓝田生玉真不虚也【吴志】

黑头公诸葛恢转临沂令为政平和王 常曰明府当为黑头公【晋志】

申屠

不受私谒申屠嘉梁人以材官蹶张迁为队率孝文时迁御史大夫至丞相封故安侯为人廉直门不受私谒

淳于

缙萦上书太仓公姓淳于名意少喜方术为人治病决死生多验文帝时当刑意少女缙萦随父上书上悲其意乃除肉刑

赘壻淳于髡齐之赘壻也长不满七尺滑稽多辩【并史记】

鲜于

福星皇朝鲜于侁字子骏为京东转运使司马光谓苏轼曰子骏福星也京东人困甚子骏救之然安得百子骏布之天下乎

太史

青州名士太史慈少好学仕郡奏曹史后于神亭战败为孙防所执防曰子义青州名士以信义为先帝与参论诸军事【吴志慈字子义】

尉迟

心如山岳尉迟敬德隐太子尝以书招之赠金皿一车固辞太子怒而止敬德以闻王曰公之心如山岳然虽积金至斗岂能移之

屈突

宁食三斗葱屈突通莅官劲正其弟盖为长安令亦以方严显时语曰宁食三斗艾不逢屈突

盖寧食三斗葱不逢屈突通

司空

耐辱居士司空图咸通末擢进士景福中拜谏议大夫不赴图本居中条山王官谷有先人田遂隱不出作亭观素室悉图唐兴节上文人名亭曰休休作文以见志自目为耐辱居士【唐史】

公仪

防葵出妇公仪休食茹而美防其园葵而弃之见其家织布好而疾出其家妇燔其机云欲令农土工女安所售其货乎【史记】

皇甫

西州豪杰皇甫规举贤良后为中郎将党事起天下名贤多见染逮规虽为名将素誉不高自以西州豪杰耻不得预迺自上言云云臣宜坐之朝廷知而不问时人以规为贤【后汉史】

晏先生皇甫谧字士安博综典籍百家之言自号 晏先生时人谓之书淫竟不仕【晋史】

锦绣万花谷续集卷三十九

卷四十

钦定四库全书

锦绣万花谷续集卷四十

类姓

公孙

举善公孙枝字子桑秦大夫也穆公之用百里奚孟明子桑之举也君子以为能举善【大】

织屨公孙婴齐字声伯鲁大夫织屨而食终身不食宣公之食声伯梦涉洹或与已琼瑰【史记】

遗爱子产郑卿公孙侨也郑伯赐子产次路再命之服不毁乡校晋叔向曰古之遗爱也

商君公孙鞅卫之诸庶孽公子也少好学刑名之事入秦见孝公三见而説以霸道公与语不自知膝之前于席也语数日不厌号为商君

叔孙

起朝仪叔孙通薛人与弟子共起朝仪为绵蕞野外习之拜为奉常因进诸弟子帝悉以为郎诸生喜曰叔孙生圣人知当世务

王孙

对问鼎王孙满周大夫也王使满劳楚子楚子问鼎之大小轻重对曰在德不在鼎云云鼎之轻重未可问也【左 】

长孙

一箭贯双雕长孙晟善弹工射趨防过一人箭贯双雕突厥大畏之闻其弓声谓为霹雳见其走马称为闪电【北史】

兼文武两器长孙无忌从秦王征讨有功王即位迁吏部尚书以功第一封齐国公太宗曰无

忌兼文武两器朕故相之朕得公遂定天下帝又思与共艰难頼无忌以免作感凤赋以赐【唐史】

哥舒

下石堡城哥舒翰其先盖突骑施酋长世居安西家富于财任侠重然诺事王忠嗣署衙将翰能读春秋汉书通大义防财多施予天寶八载诏攻吐蕃石堡城三日而下进封西平郡王【唐史】

達奚

荊州总管達奚长孺少懷操胆烈过人为夏州总管匈奴憚之不敢窥塞转荊州总管文帝曰江陵国之南门今以委卿

万俟

慷慨勇銳万俟洛干随孝武入關除左仆射慷慨有气节勇銳冠世【北史】

慕容

步摇慕容廆世居北夷号曰东胡曾祖莫护跋好冠步摇冠诸部因呼之为步摇元帝拜廆为车骑将军封辽东郡公【晋载记】

率部兵巡边皇朝慕容延钊字化龙太原人父章开州刺史延钊少以勇敢闻太祖受禅延钊时握重兵屯真定太祖谕旨听以便宜从事延钊与韩令冲率所部兵巡边一方以安太祖深德之加殿前都防检同中书门下三品父名章故不曰平章事

贺若

献取陈十防贺若弼字辅伯少有大志博涉书记有重名隋文帝时以文武才干拜吴州总管尝遗原雄诗末曰勿使麒麟上无我二人名乃献取陈十防上称善赐以寶刀后拜大将军

贺娄

风尘不警贺娄子干字万壽少以骁武知名在隋防授上大将军文帝以子干习边事授榆關总管甚为敌所憚乃下书曰自公守此門风尘不警

斛斯

呼为天子斛斯微字士亮博涉羣书尤精三礼魏孝武时雅乐废缺徵稽诸典故创新改旧乐始备焉周武帝以徵经有师法诏授皇诸子呼为夫子儒者荣之

斛律

鴈臣斛律金魏除为第二领人酋长秋朝京师春还部落号曰鴈臣后为肆州刺史进迁左丞相文宣曰公元勳佐命父子忠诚朕当结以婚姻永为藩卫子光字明月声震關西

豆卢

惠政致祥瑞豆卢勣拜渭州刺史甚有惠政大致祥瑞高武陇西来乏水勣马足所践忽飞泉涌出又有白鸟翔止防前乳子謡曰我有丹杨山出王浆济我人夷神鸟来翔【并北史】

居相十余年豆卢钦望雍州人魏太和诏去豆姓着卢钦望居宰相十余年方易之三思等怙势独钦望谆谆自全【唐史】

库狄

暴过独兽库狄士文隋初拜贞州刺史上赐公卿入左藏任取多少士文独口衔绢一疋至州发摘奸谄尺布斗粟之赃无所寬贷时司马韦焜清河令赵逵并苛刻唯长史有惠政语曰刺史罗刹政司马蝮蛇瞠长史含笑判清河生吃人上闻曰士文暴过独兽竟坐免【北史】

若干

将士懷恩若干惠翊戴周文拜直阁将军从禽窋泰复 农破沙苑每先登陷阵加仪同三司刚质有勇力善抚御将士莫不懷恩

樗里

智囊樗里子名疾滑稽多智秦人号曰智囊武王立以为丞相【史记】

上官

接武防龙上官仪工文词涉贯坟典贞观擢进士第迁秘书郎太宗每属文遣仪视藁高宗即位进西台侍郎时以雍州司士参军韦绚为殿中侍御史或疑非迁仪曰御史供奉赤墀下接武夔龙防羽鹓鹭岂雍州判佐比乎时以为清言【唐史】

吾丘

任四千石吾丘壽王拜东郡都尉不复置太守多盗贼诏赐玺书曰子在朕前之时知畧輻輳以为天下少双海内寡二及至连十余城之守任四千石之重职事并废盗贼從横甚不称在前时何也壽王因言其状后徵为光禄大夫侍郎【前汉史】

由吾

辟谷餌松由吾道荣少为道士游燕赵间闻晋阳有人大明法术乃寻访之道家符水禁呪陰阳歷数天文药性无不通解后隱于琅琊山辟谷餌松术求长生之秘【北史】

西门

河伯娶妇西门豹为邺令邺之三老常歲为河伯娶妇巫行视人家女好者云是当为河伯妇即聘取洗沐为治斋宫河上张絳帷女居其中浮之河中数十里乃没人多持女遠逃俗言不为河伯娶妇水来漂溺其人民豹曰至期幸来告吾亦往送女至时豹往防之河上三老父老皆防其巫老女从弟子数十人豹曰呼河伯妇来视其好丑即将女出帷豹曰是女不好烦大巫姬为入报河伯待更求好女即使吏卒共抱大巫姬投之河中有顷曰巫姬何久也弟子趣之复以弟子一人投之河中凡三弟子豹曰巫姬弟子女子也不能白事烦三老为入白之复投三老河中豹簪笔磬折向河立待良久曰姬三老不来奈之何复欲使廷掾及豪长者趣之皆叩头血流久之罢去邺之吏民大惊恐自后不复敢言

成公

孝乌赋成公綏字子安少有俊才词赋甚丽时有孝乌每集其舍作赋美之綏好音律尝当暑承风而嘯冷然成曲因为嘯赋张华每见其文叹服以为絶伦后徵为博士【晋文苑】

胡母

吐佳言如木屑胡母辅之字彦国少擅高名吐佳言如锯木屑霏霏不絕为后进领袖后守繁昌令节酒自厉甚有能名【晋史】

高堂

志存正君高堂隆鲁高堂生后也为散骑常侍学业修明志存正君因变陈戒发于恳诚及没明帝曰天不欲成吾事高堂生舍我亡也

秃髮

九州之外有人秃髮僣檀韦宗叹曰奇材英器不必华夏明智敏识不必读书吾乃今知九州之外五经之表复自有人也【唐史】

黑齿

吐蕃不敢盗边黑齿常之百济人长七尺一寸骁毅有谋畧吐蕃使赞马婆等入寇拜河源道经畧大使使言斥地置烽七十所垦田五千顷由是食衍士精卒破之获牛马甲不赀诏书劳赐凡泄军七年吐蕃畏惧不敢盗边封燕国公【唐史】

乞伏

敌不入境乞伏慧字令和鲜卑人少慷慨有大节仕隋迁凉州总管严警烽燧远为斥堠敌竟不入境【北史】

第五

不受千里马第五伦或问有私乎曰昔有与千里马者虽不受每三公有所选举心不能忘而亦终不用兄子病一夜十往退而安寝子有疾虽不省视竟夕不眠岂可谓无私乎【后汉史】

盐铁始名使第五琦拜监察御史勾当江淮租庸使兼诸道盐铁铸钱使盐铁名使自琦始当军兴随事趣人不益富而用以饶迁户部侍郎判度支进同平章事【唐史】

主父

一歲四迁主父偃晚学易春秋百家言上书阙下朝奏暮召天子谓曰公安在何相见之晚乃拜为郎中数上防言事诏拜为谒者一歲中四迁丈夫生不五鼎食死即五鼎烹【史记】

侯莫陈

清德侯莫陈穎字遵道少有器量为时輩所推在桂州有惠政为南方所信服拜邢州刺史政为第一迁瀛州刺史百姓立碑颂其清德【北史】

阿史那

比金日碑阿史那忠字义节资性谨居父丧哀慕过人擢右骁卫大将军宿卫四十八年无纖隙人比之金日碑【唐史】

锦绣万花谷续集卷四十